

ივანე ჯავახიშვილის სახელობის თბილისის სახელმწიფო უნივერსიტეტი
კლასიკური ფილოლოგიის, ბიზანტინისტიკისა და ნეოგრეცისტიკის
ინსტიტუტი

.

პროგრამა «ლოგოსი»

პუბლიკაციები და ღონისძიებები კლასიკური ფილოლოგიის,
ბიზანტინისტიკისა და ნეოგრეცისტიკის სფეროში



ს ც ხ ა ც რ გ ო ს ე ბ ი

და

კ ე ი ს ნ ე ბ ი

ძველი საბერძნეთისა და რომის სახელოვან მოღვაწეთა
ცხოვრების აღწერილობანი ანტიკურ წყაროთა
გათვალისწინებით შეადგინა
ნანა ტონიამ

რედაქტორები:

იამზე გაგუა
მანანა ლარიბაშვილი

რეცენზენტები:


ადა ტრაპაიძე
დალი ქურიძე

© პროგრამა „ლოგოსი“, 2005

ISBN 99940-31-90-2

პროგრამა „ლოგოსი“
ილია ჭავჭავაძის გამზირი 13
(თსუ VIII კორპ.), 0179 თბილისი
ტელ. 25-02-58, ფაქსი 22-11-81

წინათქმა	9
ლიკურგოსი	15
სოლონი	35
თემისტოკლესი	53
არისტიდესი	69
პერიკლესი	85
ნიკიასი	107
ალკიბიადესი	123
ლისანდროსი	141
აგესილაოსი	153
პელოპიდასი	165
დემოსთენესი	179
ალექსანდრე მაკედონელი	195
იულიუს კეისარი	233
ავგუსტუსი	253
ტიბერიუსი	267
კალიგულა	275
კლავდიუსი -	285
ნერონი	293
ვესპასიანუსი	305
მარკუს ავრელიუსი	315
უმნიშენელოვანეს ტერმინთა განმარტებითი ლექსიკონი	329
უმნიშენელოვანეს პიროვნებათა განმარტებითი ლექსიკონი	341



„ნურასოდეს დაივინებ, რომ რაც იყო, იგივე არის, და რაც არის, იგივე იქნება მარად... წარმოიდგინე თუნდაც შადრიანეს, ანტონინუსის, ფილიპეს, ალექსანდრეს თუ კროისოსის სასახლის კარნი: სპექტაკლი ყველგან ერთი და იგივეა, იცვლებიან მხოლოდ მსახიობები“.

(მარკუს ავრელიუსი, ფიქრები (X, 27), ძველი ბერძნულიდან თარგმნა, წინასიტყვაობა და შენიშვნები დაურთო ბაჩანა ბრეგვაძემ, თბილისი, 1972).

ადამიანები, რომელთა სახელებსაც ამ წიგნში ამოიკითხავთ, დიდი ხანია წარსულში დარჩნენ, თუმცა მათ სამუდამოდ დაიმკვიდრეს ადგილი ისტორიის ოქროს ფოლიანტში. ასეთი პატივის ღირსნი მხოლოდ რჩეულნი იყვნენ. ისინი თავიანთი აზროვნებითა თუ მოღვაწეობით წინ უსწრებდნენ იმ დროს, რომელშიც ცხოვრობდნენ და ეპოქის მომავალს განაპირობებდნენ. მათ დიადი მიზნები ჰქონდათ და ამ მიზნების განსახორციელებლად ბუნებისაგან სულიერი სიმდიდრით, შინაგანი კეთილშობილებით, გასაოცარი ნებისყოფით, იშვიათი თავგანწირვითა და გრანდიოზული გამბედაობით იყვნენ დაჯილდოებულნი. ისინი ყველაზე კარგად გრძნობდნენ იმ სირთულეებს, უამთა ცვალებას რომ სდევდა თან და ამ სირთულეთა დაძლევის გზებს სთავაზობდნენ ხალხებს, რომელთა ბედსაც განაგებდნენ (თუმცა საიმპერატორო ტახტზე ზოგჯერ უღირსნიც აღზევებულან). ადამიანები მათ თავიანთ წინამძღოლებად ირჩევდნენ და ემორჩილებოდნენ, რადგანაც სწორედ მათში ჭკრეტდნენ იმ ძალებს, თავად რომ არ გააჩნდათ. ამიტომ, როგორიც იყო საზოგადოება, ისეთივე იყო მისი რჩეულიც. იმსახურებდა ხალხი ალექსანდრეს? ჰყავდა ალექსანდრე! იმსახურებდა კალიგულას? ჰყავდა კალიგულა!

ანტიკური სამყარო სახელმწიფო მოღვაწეთა გასაოცარი მრავალფეროვნებით გამოირჩეოდა. ზოგი მათგანი ქვეყნის კეთილდღეობისათვის გულწრფელად იღვწოდა; ზოგსაც განდიდების მანია არ ასვენებდა; უფრო ხშირად კი ძნელდებოდა

იმის დადგენა, თუ სად იყო ზღვარი ქრისტიანული მამულიშვილობასა და პატივმოყვარეობას შორის. მიუხედავად იმისა, თუ როგორი იყო მბრძანებელი, მისი ცხოვრება მუდამ დიდ ინტერესს იწვევდა საზოგადოებაში. ამიტომ გამოჩნდნენ მწერლები, რომლებმაც სახელოვან ადამიანთა „ცხოვრების აღწერილობანი“ დაუტოვეს შთამომავლობას. მათგან უმნიშვნელოვანესი იყო ბერძენი სწავლული და საზოგადო მოღვაწე პლუტარქოსი (ახ.წ. 46-120 წწ.), თავისი დროის უგანათლებულეს ადამიანად შერაცხული ანტიკურ სამყაროშივე.

პლუტარქოსი დაიბადა პატარა ბერძნულ ქალაქ ქერონეაში (ბეოტია). იგი წარჩინებული ოჯახიშვილი იყო და განათლება ათენში მიიღო. რომსაც ხშირად სწევდა, თუმცა იმდროინდელი მსოფლიოს ამ უდიდეს ქალაქებში ცხოვრებას თავის სამშობლოში ყოფნა ერჩია. ღრმად განათლებული და მრავალ მეცნიერებათა მცოდნე, იგი დიდი სიყვარულითა და პატივისცემით სარგებლობდა როგორც თანამოქალაქეთა შორის, ასევე რომაელ იმპერატორთა კარზე; მინიჭებული ჰქონდა კონსულარისის (consularis – კონსულის რანგის პირი) წოდება და არჩეული იყო დელფოს აპოლონის ტაძრის ქურუმად. მოღვაწეობდა მეგობართა და მონაფეთა წრეში, რომელსაც სკოლას უწოდებდა. ამ სკოლამ მისი გარდაცვალების შემდეგ თითქმის მთელი საუკუნე იარსება.

პლუტარქოსს ორასზე მეტი ნაწარმოები შეუქმნია, მათგან ჩვენამდე მოაღწია ას ორმოცდაათმა, რომელთაც ორ კატეგორიად ჰყოფენ: პირველს უწოდებენ „მორალიებს“ („Moralia“). ამ სახელწოდებით გაერთიანებულ ტრაქტატებში მწერალი საუბრობს სიყვარულსა და მეგობრობაზე, რელიგიასა და ფილოსოფიაზე, ფსიქოლოგიასა და პოლიტიკაზე, პედაგოგიკასა და ლიტერატურაზე, ჰიგიენაზე და ა.შ. მეორე კატეგორია ეთმობა ე.წ. „პარალელურ ბიოგრაფიებს“ („Bioi paralleloi“). ეს გახლავთ სახელოვან ბერძენთა და რომაელთა „ცხოვრების აღწერილობანი“, წყვილ-წყვილად წარმოდგენილი. ასე მაგალითად, ავტორი ერთმანეთის შეპირისპირებით გვათავაზობს ბერძენი ალექსანდრე მაკედონელისა და რომაელი იულიუს კეისრის, ბერძენი დემოსთენესისა და რომაელი ციცერონის ბიოგრაფიებს და ა.შ. სულ ჩვენამდე მოაღწია ასეთ შეპირისპირებათა 23 წყვილმა. ყოველი ბიოგრაფია დასრულებული ქმნილებაა, სადაც ავტორს ისტორიული მოვლენები კი არ აინტერესებს იმდენად, რამდენადაც „ადამიანური სულის“ წარმოქმნილი თუნდაც უმნიშვნელო ფაქტები თუ გამონათქვამები, რომლებიც მისი გმირის სახის სრულყოფილებას განაპირობებენ. პლუტარქოსის ბიოგრაფიები თავშესაქცევი, საინტერესო მოთხრობებია, რომელთაც მორალურ-ზნეობრივი დატვირთვა გააჩნიათ. ხშირად ავტორი თავის გმირებს აიდევლებს კიდევც, ხაზს უსვამს მათ სულიერ სინმინდესა და კეთილშობილებას, სამშობლოსადმი თავდადებასა და თავისუფლების სიყვარულს, რათა მკითხველი ჩააფიქროს ისტორიულ მოვლენათა კანონზომიერებებზე, სახელოვან ადამიანთა ადგილზე ამ კანონზომიერებათა სისტემაში, მათ როლზე სახელმწიფოთა ისტორიაში. „ურგია ისეთი ქმნილებები, – წერს პლუტარქოსი პერიკლესის ბიოგრაფიაში, – რომლებიც მიბაძვის

სურვილს არ აღძრავენ. ღირსეული საქმეები ადამიანთა აღფრთოვანებას კი არ იწვევენ მხოლოდ, არამედ შთააგონებენ მათ, მიბაძონ იმ პიროვნებებს, რომლებიც ამ საქმეებს აღასრულებენ". და მართლაც, პლუტარქოსმა მიაღწია თავის მიზანს: სხვადასხვა ეპოქის გამოჩენილი ადამიანები იზრდებოდნენ მის ქმნილებებზე.

ანტიკური სამყაროს მეორე სახელოვანი ბიოგრაფოსი სვეტონიუსი, რომელიც თითქმის პლუტარქოსის თანამედროვე იყო (იგი ოცდახუთი წლით გვიან დაიბადა, ვარაუდობენ 69/70 წელს, გარდაიცვალა, ალბათ, 130 წელს), სულ სხვაგვარად აღიქვამდა მოვლენებს. შესაძლოა, ამიტომ არ გაუმართლა გვიანი ხანის კომენტატორთა შეფასებებში: როგორც ისტორიოგრაფოსს, მას ყოველთვის ჩრდილავდა ტაციტუსი; როგორც ბიოგრაფოსს – პლუტარქოსი. მაინც რას ედავებოდნენ სვეტონიუსს, რომელიც გამოირჩეოდა თავისი მრავალმხრივი განათლებულობით? ტრაციანუსის დროს მას საიმპერატორო ბიბლიოთეკის დირექტორის თანამდებობა ეკავა; როდესაც ტახტზე ჰადრიანე ავიდა, მან ნიჭიერი იურისტი თავის კორესპონდენციათა მდივნად დანიშნა. სვეტონიუსი პირველი იყო ისტორიკოს-ბიოგრაფოსთა შორის, რომელიც ლათინურ ენაზე წერდა. ისტორიული და გრამატიკული ხასიათის ნაშრომებთან ერთად მისი ტალანტის დიპაზონზე მიგვანიშნებს ორი კრებული: „ბრწყინვალე კაცთა შესახებ“ („De viris illustribus“) და „კეისართა ცხოვრების შესახებ“ („De vita Caesarum“). პირველ კრებულში, რომელსაც ბერძნული გავლენა ეტყობა, გაერთიანებული ყოფილა რომაული ლიტერატურისა და ისტორიოგრაფიის ბრწყინვალე ნაშრომადგენელთა ბიოგრაფიები. სამწუხაროდ, მათგან მხოლოდ ფრაგმენტებია შემონახული. სამაგიეროდ, სრულად შემორჩა მეორე კრებული (თუ არ მივიღებთ მხედველობაში იულიუს კეისრის ბიოგრაფიის დაკარგულ დასაწყისს), რომელსაც თანამედროვე გამოცემებში „თორმეტი კეისრის ცხოვრება“ ეწოდა. მისი კითხვისას ცხადი ხდება, რომ სვეტონიუსი შეგნებულად გაურბოდა მკაცრ, ტრადიციულ-ქრონოლოგიურ სტილს და თავის თხრობას ეპიზოდურ-ანეკდოტური საბურველით ახალისებდა, რაც ავტორისეულ ხელწერას თვითმყოფადობას ანიჭებდა.

ახლა დავუბრუნდეთ კითხვას: რას უწუნებდნენ სვეტონიუსს? კრიტიკოსთა აზრით, იგი უგულვებელყოფდა ფსიქოლოგიურ თანმიმდევრობას: ცალ-ცალკე ჩამოთვლიდა თითოეული იმპერატორის ღირსებებსა თუ მანკიერებებს და არაფერს ამბობდა იმაზე, თუ როგორ შეეძლოთ მათ თანაარსებობა ერთ პიროვნებაში; იგი არც ქრონოლოგიური თანამიმდევრობის დაცვას სცნობდა საჭიროდ: აღწუსხავდა ფაქტებს ყოველგვარი ლოგიკისა და კავშირის გარეშე; სვეტონიუსი ვერ გრძნობდა ისტორიას: იმპერატორთა პორტრეტებს ნარმოადგენდა ისტორიული ფონისგან განრიდებით. დეტალურად აღწერდა რა მათი პირადი ცხოვრების ფაქტებს, მხოლოდ გაკვრით ეხებოდა ჭეშმარიტად მნიშვნელოვან ისტორიულ მოვლენებს; სვეტონიუსი არ იყო კრიტიკული: იგი თავის ბიოგრაფიებში ეყრდნობოდა აშკარად ტენდენციურ წყაროებს და არ ცდილობდა მათ შეპირისპირებას. ამ ნუსხას შეიძლება კი-

დევ რამდენიმე დეტალი დაემატოს, თუმცა ისინი სვეტონიუსის ღირსებებს ვერაფერს აკლებენ. წარმოდგენილი ჩამონათვალი უსაფუძვლო როდია. მაგრამ, როდესაც სვეტონიუსს სხვა ბიოგრაფოსებს ადარებენ, გასათვალისწინებელია ერთი მნიშვნელოვანი დეტალი: ტაციტუსი ისტორიოგრაფოსი იყო და ისტორიის კანონების შეცნობას ისახავდა მიზნად; პლუტარქოსი მორალისტი იყო და ადამიანური სულის კანონების ჩანვდომას ლამობდა. თუმცა ორივე გვთავაზობდა იმის ახსნას, თუ როგორ შეეძლო ერთ პიროვნებაში ამალღებულ სულსა და სიმდაბალეს თანაარსებობა. ამ თვალსაზრისით მათ მიერ წარმოდგენილი სახეები ანტიკური ფსიქოლოგიური პორტრეტის დიდებულ ნიმუშებად იქნა შერაცხული.

რაც შეეხება სვეტონიუსს, მისი მიზანი უფრო მოკრძალებული იყო: იგი მოვლენათა შეცნობას კი არა, უბრალოდ, მათ აღწერასა და შეფასებას გვთავაზობდა; ამასთანავე ცალ-ცალკე ჩამოთვლიდა რა ამა თუ იმ კეისრის მიერ განხორციელებულ სასიკეთო და სააუგო საქმეებს, ღირსებებსა და მანკიერებებს, მათ სიღრმეებში წვდომის სარბიელს მკითხველს უთმობდა.

სვეტონიუსის მსგავსად ამ წიგნში ჩვენც ერთად წარმოვადგინეთ ანტიკური სამყაროს ღირსეულ თუ უღირს სტრატეგოსთა და კეისართა პორტრეტები. ისინი, კარგები იყვნენ თუ ცუდები, განაგებდნენ სახელმწიფოთა და ადამიანთა ბედს და ქმნიდნენ ისტორიას.

სტრატეგოსთა ბიოგრაფიები პლუტარქოსის თხზულებათა გათვალისწინებით არის შესრულებული, კეისართა კი – სვეტონიუსის მიხედვით. მხოლოდ ერთი, მარკუს ავრელიუსის ცხოვრების აღწერილობაა წარმოდგენილი იულიუს კაპიტოლინუსის (ახ.წ. III საუკუნე) გადმოცემათა შესაბამისად.

„ფილოსოფოს მარკუს ანტონინუსის ცხოვრების აღწერილობა“ – ასე ეწოდება რომის ამ უბრწყინვალეს იმპერატორზე დაწერილ თხზულებას, რომელიც მოთავსებულია კრებულში „*Scriptores historiae Augustae*“ („ავგუსტუსთა ისტორიების ავტორები“). ეს წიგნი სვეტონიუსის „ბიოგრაფიათა“ ერთგვარი გაგრძელებაა. იგი რომის იმპერიის საუკუნენახევრიან პერიოდს (ახ.წ. 117-284 წწ.) მოიცავს. მასში წარმოდგენილ თხზულებებს იულიუს კაპიტოლინუსის გარდა კიდევ ხუთი ავტორი წერდა. მათ სხვა არაფერი შეუქმნიათ. მათ შესახებ ისტორიამ არაფერი იცის გარდა იმისა, რომ აღნიშნული კრებული იმპერატორების, დიოკლეტიანესა და კონსტანტინეს შეკვეთით შეითხზა.

ჩვენს წიგნში წარმოდგენილი პორტრეტები აღნიშნულ გამოცემებში არსებული ბიოგრაფიების გაიოლებული მონათხრობებია, რადგანაც მათი სრული ტექსტები რთულად აღსაქმელია თანამედროვე მკითხველისათვის. ეს სირთულე დაკავშირებულია თავისი დროისათვის მნიშვნელოვან, მაგრამ ჩვენთვის უკვე გაუგებარ მოვლენათა და სახელთა სიმრავლესთან, ისეთ გეოგრაფიულ თუ ისტორიულ ტერმინთა მრავალგზის ხმარებასთან, რომლებიც პირველი ნაკითხვით, კომენტარის გარეშე არაპროფესიონალი მკითხველისათვის შეუცნობელია.

პოპულარიზატორი ისტორიოგრაფოსები დიდი ხანია გეთავაზობენ ამდაგვარ წიგნებს. რჩეულ ბიოგრაფიათა გამოცემის ეს წესი მრავალ ქვეყანაში უკვე ტრადიციად იქცა. ქართულ სინამდვილეში მსგავსი გამოცემა პირველად ხორციელდება. რა თქმა უნდა, მისმა ავტორმა გაითვალისწინა წინამორბედთა გამოცდილება და შეეცადა, რაც შეიძლება გასაგები გაეხადა მრავალი საუკუნის წინ დაწერილი „ცხოვრებათა აღწერილობანი“ თანამედროვე მკითხველისათვის. ამისათვის აუცილებელი გახდა უარი მეთქვა მოვლენათა დეტალურ აღწერაზე, ავტორისეულ ჩანართებზე; შეგნებულად გამოვტოვე „ბიოგრაფიათ“ მეორეხარისხოვანი გმირები და მათი თავგადასავლები, თუმცა, ისტორიული პერსპექტივა რომ არ დამერღვია, ზოგიერთ შემთხვევაში თავს უფლება მივეცი, თხრობაში ჩამერთო სხვა ძველ ავტორთა თხზულებებში დადასტურებული ფაქტები, ბუნებრივია, წყაროთა მითითებით. აუცილებლად მივიჩნიე, აგრეთვე, წიგნის ბოლოს დამერთო უმნიშვნელოვანეს ტერმინთა და ისტორიულ პირთა განმარტებითი ლექსიკონიც.

ისტორიულ პიროვნებათა ბიოგრაფიების კითხვა არა მხოლოდ სახალისო, არამედ სამოძღვროცაა. იგი აფართოებს დაინტერესებული მკითხველის თვალსაწიერს, აღვიძებს აზრს და, როგორც პლუტარქოსი იტყოდა, აღძრავს მიბაძვის სურვილს. ძველი სამყაროს დიდებულ ადამიანთა ბედი კიდევ ერთხელ გვიდასტურებს იმ ჭეშმარიტებას, რომ გონიერება, ნიჭი და გამბედაობა ხშირად არ არის საკმარისი იმისთვის, რომ ცხოვრება ღირსეულად განვლოს ადამიანმა. აქ შეგახსენებდით სიტყვებს, რომლითაც პერიკლესის ცხოვრების აღწერილობას იწყებს პლუტარქოსი: „ამბობენ, ერთხელ რომში კეისარს დაუნახავს, თუ როგორ ეფერებოდნენ მდიდარი უცხოელები ლეკვებსა და პატარა მაიმუნებს, რომლებსაც უბით დაატარებდნენ. გაცოცხლებულს უკითხავს: ნუთუ თქვენს ქვეყანაში ქალები არ შობენ შვილებსო? ქვეყნის მბრძანებლის დამამშვენებელი ამ სიტყვებით მან შეგონებით მიმართა ყველას, ვინც უაზროდ ხარჯავს სიყვარულისა და სითბოს გამოვლენის ჩვენს არსებაში ჩაბუდებულ ნიჭს, რომ ეს ნიჭი ადამიანთა მისაფერებლად გვაქვს მომადლებული“.

ნანა ტონია





ლიკურგოსი

სპარტის ლეგენდარული გიჟი

და კანონმდებელი

(ძვ.წ. IX, VIII ან VII საუკუნე)



ველოპონესოსის სამხრეთ-აღმოსავლეთით მდებარეობდა მხარე, რომელსაც ლაკონიას უწოდებდნენ ბერძნები. როგორც სახელმწიფოს, მას ლაკედემონად მოიხსენიებდნენ, ხოლო მის ცენტრს – სპარტად. ძვ.წ. VII-VI საუკუნეთა მიჯნაზე იქ საბრძოლო-საზოგადოებრივი ერთობა დაარსდა, რომელსაც მოგვიანებით სპარტული კოსმოსი შეარქვეს უამთაღმწერებმა. მის შექმნას კი ტრადიცია ლეგენდარულ კანონმდებელს, ლიკურგოსს მიაწერდა. მეცნიერთა დიდი ნაწილის აზრით, ცნობები სპარტის ამ პირველ კანონმდებელზე იმდენად ურთიერთგამომრიცხავია, რომ მისი ისტორიულ პიროვნებად მიჩნევის საფუძველი თითქმის არ არსებობს. კანონები, რომელთა შექმნაც მიეწერება ლიკურგოსს, სპარტაში ნაწილობრივ ძვ.წ. VIII საუკუნეში გატარდა, ძირითადად კი ძვ.წ. VII საუკუნის II ნახევარში. მიუხედავად იმისა, რომ ამ პირველი კანონმდებლის ცხოვრების აღწერილობა ნდობას არ იწვევს, მასში მოიპოვება ერთობ საინტერესო მასალა სპარტელთა ყოფასა და კანონებზე მათი სახელმწიფოს უმაღლესი ძალმოსილების უამს.

ლიკურგოსის წარმომავლობის, საზოგადოებრივი მოღვაწეობისა თუ გარდაცვალების თაობაზე მრავალი განსხვავებული აზრი არსებობს. ყველაზე მეტ დავას იწვევს ამ კანონმდებლის ცხოვრების დათარიღების საკითხი. ძველ სწავლულთაგან უმეტესობას მიაჩნდა, რომ იგი ცხოვრობდა მაშინ, როდესაც დანესდა ოლიმ-



პიური ასპარეზობები. უფრო მეტიც, მათივე აზრით, თავად ლიკურგოსს მიუძღვის უდიდესი წვლილი ამ საერთო-ბერძნულ შეჯიბრთა კანონების შექმნაში.

ლიკურგოსის მმართველობამდე რამდენიმე ხნით ადრე სპარტაში დაიწყო შფოთი. ხალხი არ ემადლიერებოდა მმართველებს, მდიდრები ჩაგრავდნენ ღარიბებს, ქუჩებში ხშირად გამოდიოდნენ ამბოხებულები. ერთ-ერთი შეტაკების დროს მოუკლავთ ლიკურგოსის მამა, რომელიც ლამობდა მოჩხუბართა გაშველებას. იგი სპარტის მეფე იყო და, ადათის თანახმად, მისი ძალაუფლება გადაეცა უფროს ვაჟს, ლიკურგოსის ძმას, პოლიდექტესს, მაგრამ რამდენადაც იგი მალე უშვილოდ გარდაიცვალა, ლიკურგოსი დარჩა სამეფო ტახტის ერთდერით მემკვიდრედ. მეფედ ნაკურთხმა მალე შეიტყო, რომ დედოფალი, გარდაცვლილი ძმის მეუღლე, შვილს ელოდა. ლიკურგოსმა გამოაცხადა, რომ თუ მისი ძმისშვილი იქნებოდა ვაჟი, მას გადასცემდა სამეფო სკიპტრას. თავად კი, ვიდრე ბავშვი გაიზრდებოდა, განაგრძობდა სახელმწიფოს მართვას ისე, როგორც ეს მეურვეს ეკადრებოდა.

ძმის ქვრივმა შეიყვარა ლიკურგოსი და ქორწინება შესთავაზა. იგი ვარაუდობდა, რომ მის მზღს გაუძნელდებოდა უარი ეთქვა იმ სამეფო ძალაუფლებაზე, რომლის მოსაპოვებლადაც ბევრი იბრძოდა, ღირსეულიც და უღირსიც. დედოფალმა აღუთქვა ლიკურგოსს, რომ თუ იგი დათანხმდებოდა ამ ქორწინებას, მოკლავდა თავის შვილს და ამგვარად აღარ ეყოლებოდა მას სპარტის ტახტის მოცილე. მაგრამ ლიკურგოსმა არ ისურვა უწმინდური გზით მოპოვებული ძალაუფლება, თუმცა პირდაპირ უარის თქმასაც მოერიდა, რადგან შიშობდა, რომ სიყვარულისგან გონს გადასული ქალი მართლაც მოკლავდა მისთვის საძულველ შვილს.

ლიკურგოსმა დაარწმუნა დედოფალი, რომ თავად შეძლებდა მათი ბედნიერების გზად აღმდგარი ბავშვის ჩამოცილებას. ამგვარად დაიმედებულ დედოფალს მიუგზავნა შევრდომილთაგან რამდენიმე კაცი, რათა დაბადებისთანავე მოეცილებინათ დედისთვის ახალშობილი და მასთან მიეყვანათ.

დედოფალმა შვა ტახტის მემკვიდრე. როდესაც ჩვილი მიჰგვარეს მეფეს, მან დაანვინა იგი ტახტზე და შეკრებილთ ასე მიმართა: „აი, თქვენი მეფე, სპარტელებო! მოდით, მას ვუნოღოთ ქარილაოსი! და იყოს იგი ჩვენი მბრძანებელი ხალხის საკეთილდღეოდ!“ განცვიფრებულნი იყვნენ დედოფლის ნათესავები, რომლებმაც ყველაფერი იცოდნენ.

თავისი მმართველობის მცირე ხნის განმავლობაში ლიკურგოსმა მოასწრო თანამოქალაქეთა სიყვარულისა და პატივისცემის დამსახურება. მას ხალხი ემორჩილებოდა არა მხოლოდ იმიტომ, რომ იგი იყო სახელმწიფოს მმართველი, არამედ იმიტომაც, რომ მასში ბრძენსა და სამართლიან კაცს ხედავდა. თუმცა ლიკურგოსს ჰყავდა მონინაალმდეგენიც. განსაკუთრებით სძულდათ იგი მის მიერ უარყოფილი



დედოფლის ნათესაეებსა და ახლობლებს. ისინი ყოველნაირად ცდილობდნენ მის დამდაბლებას და ხმებს ავრცელებდნენ, თითქოსდა მეფის მეურვე თავად ლამობდა ტახტის ხელში ჩაგდებას.

ლიკურგოსი შიშობდა, ახალგაზრდა მეფეს რაიმე რომ შემთხვეოდა, მას მიიჩნევდნენ ბრალეულად. ამიტომ მოსალოდნელ ცილისწამებას რომ განრიდებოდა, განიზრახა გადახვეწილიყო სამშობლოდან და არ დაბრუნებულიყო მანამ, სანამ ქარილაოსს არ შეეძინებოდა მემკვიდრე. აი, მაშინ კი ქარილაოსს თუკი რაიმე შემთხვეოდა, ლიკურგოსი ვერ იქნებოდა ტახტის მემკვიდრე და აღარავის შეეძლებოდა მისი დადანაშაულება.


თავდაპირველად ლიკურგოსი ეწვია კრეტას. მან ყურადღებით შეისწავლა ამ ქვეყნის სახელმწიფოებრივი წყობა, რათა სამშობლოში დაბრუნებულს თანამოქალაქეთათვის შეეთავაზებინა კრეტულ კანონთაგან უაღრესად მნიშვნელოვანნი სპარტაში დასაწესებლად: ლიკურგოსის კრეტაზე მოგზაურობის აღწერით ძველი მწერლები ცდილობდნენ აეხსნათ ის დიდი მსგავსება, რაც კრეტისა და სპარტის სახელმწიფო წყობათა შორის არსებობდა.

კრეტადან ლიკურგოსი აზიაში გაემგზავრა. მას სურდა, კრეტელთა სადა, მკაცრი ცხოვრების ნირი იონიელთა ფუფუნებისა და განცხრომისათვის შეედარებინა, მათი ყოფისა და სახელმწიფოებრივი წყობის სხვაობას დაჰკვირვებოდა.

აზიაში ლიკურგოსმა შეიტყო ჰომეროსის პოემათა არსებობის შესახებ. მას ძლიერ მოეწონა ეს ქმნილებები, დიდი სიბეჯითით გადაიწერა და სამშობლოში წასაღებად კრებულნი შეადგინა. მართალია, ბერძნებს იმხანად უკვე ჰქონდათ ბუნდოვანი წარმოდგენა ამ პოემებზე, მის ცალკეულ ნაწილებს კითხულობდნენ კიდევ ოჯახებში, მაგრამ ლიკურგოსი იყო პირველი, ვინც ეს ეპოსი საყოველთაოდ ცნობილი გახადა. იგი მიიჩნევდა, რომ პოემებში წარმოდგენილი ზნეობა და ადათნესები გამოადგებოდა მის ხალხს.

— სპარტელები ნანობდნენ, რომ ლიკურგოსი მათგან წავიდა და სთხოვდნენ, დაბრუნებულიყო. ისინი მიიჩნევდნენ, რომ მეფე თავის ქვეშევრდომთაგან გამორჩეული უნდა ყოფილიყო არა მხოლოდ ნოდებით, არამედ ისეთი ღირსებებითაც, რომ შეძლებოდა თავის თანამოქალაქეთა მართვა.

ლიკურგოსი კი თვლიდა, რომ უმნიშვნელო რეფორმებით შეუძლებელია სპარტის წყობის გამოჯანსაღება, რომ საჭიროა მთელი სახელმწიფოებრივი სისტემის ძირეული შეცვლა. იგი არ იყო დარწმუნებული, რომ თანამოქალაქენი, რომლებიც მას უხმობდნენ, შისცემდნენ აუცილებელ გარდაქმნათა განხორციელების შესაძლებლობას და ამიტომაც, ვიდრე სპარტაში დაბრუნდებოდა, განიზრახა დელოსს მისნის აზრის გაგება.




პითია ტაძარში შესულ ლიკურგოსს ამ სიტყვებით შეხვდა: „გიმზერ, ლიკურგოს, ჩემს დიდებულ ტაძარში მოსულს, მალალი ზევსის და დიადი ლმერთების რჩეულს. გითხრა სიმართლე, მე არ ვიცი, როგორ გინოდო, მოკვდავთა მსგავსი ხარ, მაგრამ უმალ უკვდავად გიხმობ, ვიდრე ადამიანად“. როდესაც ლიკურგოსმა სთხოვა, საუკეთესო კანონები შეეთავაზებინა მისთვის, პითიამ მიუგო, რომ მის კანონებზე უმჯობესი არ ექნებოდა სხვა სახელმწიფოს. ამ მისწობით გახალისებულმა ლიკურგოსმა გადაწყვიტა, დაბრუნებულიყო სპარტაში, სადაც იმხანად მეფობდა მისი უნებისყოფო ძმისშვილი ქარილაოსი და სადაც სრული ქაოსი იყო.

უპირველეს ყოვლისა, ლიკურგოსმა მოინახულა თავისი მეგობრები, შემდეგ კი თანდათანობით მიიშრო უამრავი თანამოქალაქე. როდესაც იგრძნო, რომ დადგა უამი და თანამზრახველნიც მრავლად ჰყავდა, მან 30 შეიარაღებულ მეგობართან ერთად (ისინი სპარტის წარჩინებულთა ოჯახების წარმომადგენელნი იყვნენ) დაიკავა ქალაქის მოედანი, რათა მოსალოდნელი ამბოხება ჩაესწო. ქარილაოსმა, იფიქრა რა, რომ შეთქმულება მის წინააღმდეგ იყო მიმართული, ათენას ტაძარს შეაფარა თავი. მალე დარწმუნდა, რომ საშიში არა ჰქონდა რა, გამოვიდა თავშესაფრიდან და სხვა არისტოკრატებთან ერთად განიზრახა მონაწილეობა მიეღო სახელმწიფოს გარდაქმნაში.

ლიკურგოსის კანონების თანახმად, უმნიშვნელოვანეს სახელმწიფოებრივ ორგანოდ იქცა გერუსია – უხუცესთა (გერონთა) საბჭო, რომელიც 30 კაცისგან შედგებოდა. გერუსია წყვეტდა დავებსა და შეეძლო მიეცა მითითება მეფეთათვისაც. საქმე ის იყო, რომ სპარტის სათავეში ოდითგანვე იდგა ორი მეფე. ისინი წარმოდგებოდნენ ორი მუდამ მოშულლე აგიადებისა და ევრიპონტიდების გვარიდან. ასე რომ, ევრიპონტიდთა მოდგმის ქარილაოსთან ერთად სპარტას განაგებდა აგიადების გვარის ჩამომავალი არქელაოსი. მათ ერთმანეთი სძულდათ. თითოეული მათგანი მიისწრაფოდა ერთპიროვნული, შეუზღუდავი ძალაუფლებისაკენ, რომელიც საბერძნეთში დესპოტიად იწოდებოდა. ეს შუღლი ასუსტებდა სახელმწიფოებრივ წყობას, რითაც სარგებლობდნენ უბრალო ხალხის – დემოსის ბელადები. ისინი ცდილობდნენ, დაემზოთ წარჩინებულთა მმართველობა და დაემყარებინათ დემოკრატია – ხალხის მმართველობა.

ახლა კი, ლიკურგოსის კანონმდებლობის თანახმად, მეფეებს შერჩათ





ძველი უფლებები მხოლოდ ბრძოლის ველზე. ლაშქრობათა ჟამს ისინი ძველებურად განაგებდნენ მოქალაქეთა სიკვდილ-სიცოცხლეს. მშვიდობიან დროს კი სპარტელი მეფეები გერუსიას რიგით წევრებად ითვლებოდნენ. გერუსიას დანარჩენ 28 წევრს კი ირჩევდა ხალხი სამუდამოდ 60 წელს გადაცილებულ მოხუცთაგან.

არჩევნები იმართებოდა იმ შემთხვევაში, თუ გერონთაგან ვინმე გარდაიცვლებოდა და ამდენად, გერუსიას რაოდენობრივი შემადგენლობა (30 კაცი მეფეთა ჩათვლით) უცვლელი რჩებოდა. ეს რიცხვი, ძველების აზრით, განისაზღვრებოდა იმით, რომ სწორედ 30 არისტოკრატის თანხლებით გამოვიდა ლიკურგოსი მოედანზე, რათა დაეწყო სპარტის გარდაქმნა. ეს არისტოკრატები იყვნენ გერუსიას პირველი წევრები. მისი შემადგენლობა დროდადრო იცვლებოდა, მაგრამ სპარტის მთელი ისტორიის მანძილზე უხუცესთა საბჭო ინარჩუნებდა არისტოკრატულ ხასიათს. კანონის თანახმად, 60 წელს მიღწეულ ყოველ სპარტელს შეეძლო ყოფილიყო გერონი, თუმცა გერუსიაში ძირითადად ირჩევდნენ უხუცესებს შედარებით გავლენიანი ოჯახებიდან.

მეფეებს, გერონებსა და ხალხს რომ არ მოსვლოდათ დავა უფლებათა თაობაზე, ლიკურგოსმა შემოიღო ძალაუფლების დანაწილების კანონი, რომელსაც შემდგომ უწოდებდნენ „ლიკურგოსის რეტრას“². სპარტელები თვლიდნენ, რომ კანონმდებელს იგი თვით ღმერთმა აპოლონმა შთააგონა. „რეტრას“ შინაარსი ასეთი იყო: „დაე, ხალხი დაიყოს ფილებად და ობეებად; დაე, გერუსიას შემადგენლობა განისაზღვროს 30 კაცით, მეფეთა ჩათვლით, ხოლო ხალხი დროდადრო შეიკრიბოს ხოლმე სათათბიროდ მდინარე ევროტასის სანაპიროსთან; იქ გადაწყვიტოს, რა არის მისაღები თუ მიუღებელი; დაე, ხალხს ჰქონდეს უმაღლესი ძალა და უფლება“.

არისტოკრატები უკმაყოფილონი იყვნენ ამ კანონით, რამეთუ ყველა საკითხის საბოლოო გადაწყვეტის უფლება ხალხს ენიჭებოდა. ლიკურგოსის გარდაცვალების შემდეგ „რეტრას“ დაემატა ასეთი მუხლი: „თუ ხალხი მიიღებს არასწორ გადაწყვეტილებას, გერონებსა და მეფეებს უფლება ეძლევათ უგულებელყონ იგი და დაშალონ სახალხო კრება“ ამ დამატების აუცილებლობაში ხალხის დასარწმუნებლად უფლებააყრილი არისტოკრატები განმარტავდნენ, რომ ეს იყო აპოლონის ნება, განცხადებული დელფოს მისნის მიერ: „ხამს ღვთისთანაწნორ მეფეთ ერგოთ თავყრილობის ჟამს უმაღლესი ძალაუფლება. ო, ძვირფასია მათთვის სპარტა, უმშვენესი ქალაქთა შორის; შემდეგ გერონთა რჩევას უნდა მიუგდოთ ყური; ხალხმა კი უნდა გამოხატოს თანხმობა ან უთანხმოება საკრებულოში“.

ალბათ ამ დროიდან დამკვიდრდა სპარტაში სახალხო კრებათა ჩატარების წესი. მოედანი, სადაც ეს კრება ეწყობოდა, არ იყო მორთული: ბრ ყოფილა იქ არც




მზისგან თავშესაფარი დერეფნები, არც ქანდაკებები, არც ნახატებით დამშვენებული შენობები. სპარტელები შიშობდნენ, რომ ადგილის სიმყუდროვეს და სოლამაზეს არ გამოეწვია ორატორთა მრავალსიტყვაობა, რასაც შედეგად მოჰყვებოდა კრების გახანგრძლივება. ღია, ქარის თუ მზისგან დაუფარავ მოედანზე, სადაც ჩამოსაჯდომი ადგილიც კი არ იყო, კრება მალე მთავრდებოდა. მოისმენდა რა მეფისა თუ გერონის სიტყვას, ხალხი ყვირილით გამოსხატავდა თანხმობას თუ უთანხმოებას. მეფისა და გერონის გარდა არავის ჰქონდა თავისი აზრის გამოთქმის უფლება. მმართველთა გამოსვლა ხანმოკლე იყო.

სახელმწიფო საქმეთა წარმოების ამგვარი წესი არისტოკრატებს მმართველობასთან დაკავშირებულ საკითხთა თვითნებური გადაწყვეტის საშუალებას აძლევდა. მაგრამ ხალხმა არ მოისურვა ამ უსამართლობის მოთმენა და ლიკურგოსის გარდაცვალებიდან 130 წლის შემდეგ, თუოპომპოსის³ მმართველობის ყამს, დაწესდა ეფოროსთა ანუ მზირთა თანამდებობა. ზოგი ძველი მწერალი ამტკიცებს, რომ ეს თანამდებობა არსებობდა ჯერ კიდევ ლიკურგოსის დროს, თუმცა თავდაპირველად ეფოროსები იყვნენ ქურუმი-წინასწარმეტყველები,⁴ რომლებიც არ მონაწილეობდნენ სახელმწიფოს მართვაში. თუოპომპოსის დროიდან კი გამუდმებით ირჩევდნენ თითო ეფოროსს ლაკონიის ყოველი ხუთი მხრიდან. მეფეთა არყოფნის დროს ისინი ასამართლებდნენ მოქალაქეებს. მათი მთავარი დანიშნულება იყო თანამდებობის პირთა მოღვაწეობის შემოწმება და მეთვალყურეობა იმისა, რომ ყველას შეესრულებინა სპარტული კანონები. დარღვევის შემთხვევაში ეფოროსებს უფლება ჰქონდათ დაესაჯათ თავად მეფენიც. ამბობენ, თურმე მეფე თუოპომპოსს მეუღლე კიცხავდა იმის გამო, რომ მან ეფოროსებს მეტისმეტად დიდი ნდობა გამოუცხადა, რომ მათ შვილებს იგი უფრო მცირე ძალაუფლებას გადასცემდა, ვიდრე მიიღო მამისგან. პასუხად მეფეს მიუგია: „თუმც უფრო მცირეს, მაგრამ უფრო მძლავრს.“

და მართლაც, მეფენი მეთვალყურეობამ აიძულა უფრო მეტი ანგარიში გაენიშათ ხალხისთვის, რათა მათი ცხოვრების წესს სახალხო რისხვა არ გამოეწვია. შემოადლოა, სწორედ ამიტომ მეფეთა მმართველობა შედარებით ხანგრძლივად შემორჩა ლაკონიაში, ვიდრე პელოპონესოსის სხვა სახელმწიფოებში.

ლიკურგოსის მიერ განხორციელებულ გარდაქმნათაგან ყველაზე მნიშვნელოვანი და მთავარი იყო მიწათა გადანაწილება. იმ დროისათვის მთელი სიმდიდრე დაგროვდა მცირერიცხოვან არისტოკრატთა ხელში, ხოლო ღარიბები, დაკარგეს რა საკუთარი მიწები, იმუქრებოდნენ ამბოხებითა და მდიდართა ძალაუფლების განადგურებით. ლიკურგოსმა დაარწმუნა თანამოქალაქენი, სახელმწიფოს ინტერესებისათვის უარი ეთქვათ მიწათა მფლობელობაზე. დმიერიდან არავის ჰქონდა უფლება გაეყიდა ან ეყიდა მიწა. მთელი მიწა დაიყო თანატოლ ნაკვეთებად და



ყოველი სპარტული ოჯახი იღებდა თავის კუთვნილ სხვის თანაბარ წილს.⁵⁾ ამით ლიკურგოსს სურდა, მოესპო სიღარიბე და სიმდიდრე, იძულებული გაეხადა მოქალაქეები, ეცხოვრათ ერთნაირ პირობებში, რათა არავინ ამალლებულიყო სხვაზე. ყოველი ნაკვეთი უზრუნველყოფდა ოჯახს ფქვილით, ზეთითა და ღვინით, რაც ლიკურგოსის აზრით, საკმარისი იყო, რათა ადამიანს შეენარჩუნებინა ჯანმრთელობა და ჰქონოდა ის, რაც მისთვის მხოლოდ აუცილებელი იყო.)

საბოლოოდ რომ მოესპო ყოველგვარი აღმატებულება, ლიკურგოსს სურდა არა მხოლოდ მიწათა, არამედ მთელი მოძრავი ქონების გადანაწილება. მართალია, მას ესმოდა, რომ მდიდრები არასოდეს დათანხმებოდნენ ამაზე. ამიტომაც გადანყვიტა, მოეტყუებინა პატივმოყვარენი: მან დაარწმუნა ისინი, ეცნოთ კანონები, რომელთა მიხედვითაც სიმდიდრე გამოუსადეგარ ტვირთად იქცეოდა. ასე რომ, ბევრი ხალისით უარყოფდა თავის ქონებას.)


უპირველეს ყოვლისა, მან აკრძალა ოქროს და ვერცხლის ფულით სარგებლობა და ბრძანა რკინის ფულის მოჭრა. რკინა, რომლისგანაც მზადდებოდა ფული, გამოუსადეგარი რომ გაეხადა, ლიკურგოსმა ბრძანა მისი გალღობა და ძმარში ამოვლება. ამით მეტაღს ეკარგებოდა სიმტკიცე, ხდებოდა მყიფე და უვარგისი სხვა ნაკეთობათათვის.)

ეს ფული იყო იმდენად მძიმე და იმდენად ნაკლებლირებული, რომ მისი დიდი რაოდენობით შენახვა საჭიროებდა ცალკე სარდაფს, გადაზიდვა კი – ურემს, რომელშიც უღელი ხარი იყო შებმული.)

ახალი მონეტების წყალობით სპარტაში შეწყდა დანაშაულობანი; ვინ ექურდებდა, ან ვინ აიღებდა ქრთამს, თუ ნადავლის დაფარვა შეუძლებელი იყო.)

შემდეგ ლიკურგოსმა სპარტაში აკრძალა ყველა გამოუსადეგარი ხელობა. თუმცა, რომც არ გაეძევებინათ ხელოსნები, ისინი თავადაც გაქრებოდნენ, რადგანაც მათი ნაკეთობანი აღარავის ესაჭიროებოდა. რკინის ფული სხვა სახელმწიფოში გამოუსადეგარი იყო: ვერაფერს შეიძენდი, ხოლო შემოსულ ხელოსნებს სასაცილოდ არ ჰყოფნიდათ, თუკი ვინმე საზღაურად მათ რკინის ფულს შესთავაზებდა. ამგვარად, სპარტამ დაივიწყა ფუფუნება, მდიდარს არ ჰქონდა უპირატესობა ღარიბთან შედარებით, რამდენადაც არ შეეძლო თავისი სიმდიდრის გამოყენება.)

მოქალაქეებში სიმდიდრის დაგროვების სურვილის მოსასპობად ლიკურგოსის მიერ წარმოებულ გარდაქმნათაგან მესამე იყო სისიტების დაარსება. სისიტები, რომლებსაც სპარტაში ფიდიტიებსაც უწოდებდნენ, იყო თავისუფალ სპარტელთა ერთობლივი სადილეები, მაგრამ სისიტია იყო არა უბრალოდ საერთო სადილი, არამედ ერთ საშენდრო განაყოფში მომსახურე მტკიცე მეგობრობით შეკრული 15-20 კაცის ამხანაგობაც.)



სისიტისა ნევრები მეგობრებად რომ ქცეულიყვნენ, რათა თავი დაედოთ ერთმანეთისათვის, ყოველი ახალი ნევრი უნდა შემონმებულიყო. სადილის დროს ახალბედას შემოიყვანდნენ ხოლმე კარავში, ხოლო მონა თავზე შედგმული თასით შემოივლიდა ყველა იქ დამსწრეს. ის, ვისაც იგი მიუახლოვდებოდა, თასში აგდებდა პურის პატარა ბურთულას. ვერავინ ხედავდა, ეს ბურთულა იყო მრგვალი თუ თითებით გაბრტყელებული. ბრტყელ ბურთულათა აღმოჩენა თასში იმის მაუწყებელი იყო, რომ ვიღაცას არ მოსწონდა ახალბედა და მას ამხანაგობის ნევრად აღარ მიიღებდნენ.

დაუშვებელი იყო, რომ სისიტისა თუნდაც ორ ნევრს ერთმანეთი არ ჰყვარებოდა. ამ ბზარს საშინელი შედეგი მოჰყვებოდა ბრძოლის ველზე, სადაც მეგობრებს მხარდამხარ უნდა ებრძოლათ) ყოველ სისიტოსს ყოველთვიურად უნდა ეხადა ერთი წილი ქერი (ყოველდღიურად ეს ორი კილოგრამის ტოლფასი იყო), მცირედენი ყველი, ხილი, რამდენიმე თასი ღვინო.⁶ გარდა ამისა, ყოველი, ვინც კი ღმერთებს მსხვერპლს შესწირავდა, სისიტიაში აგზავნიდა დალუპული ცხოველის საუკეთესო ხორცს. მონადირეებსაც აქ მოჰქონდათ თავისი ნადავლის ნაწილი)

(ვინც იგვიანებდა მსხვერპლშენიერვის თუ ნადირობის გამო, შეეძლო სახლშიც ესადილა, დანარჩენნი კი ვალდებული იყვნენ დროზე გამოცხადებულიყვნენ სისიტიაზე) სპარტელებს ეკრძალებოდათ სადილზე მადლრად მოსვლა. ყველა მკაცრად ადევნებდა თვალს იმას, რომ არავის დაეტოვებინა თავისი წილი საკვები. ეს იყო იმის მაუწყებელი, რომ სისიტოსმა სხვაგან მიირთვა, რადგან საერთო სადილი არ აკმაყოფილებდა. მას ამისათვის აზღვევინებდნენ და შეეძლოთ, გაერიცხათ კიდევ სისიტიადან.

სისიტოსთა საყვარელი კერძი იყო შავი წვნიანი შეჭამადი. იგი მზადდებოდა ოსპისა და ხარის სისხლისგან. განსაკუთრებით უყვარდათ იგი მოხუცებს, რომლებიც უარს ამბობდნენ ხორცზე, უთმობდნენ რა თავის წილს ახალგაზრდებს.

ერთხელ სხვა ქვეყნის მეფემ გადაწყვიტა, გაესინჯა ეს შეჭამადი. ამისათვის შეისყიდა სპარტელი მზარეული, რომელმაც მოუშადა მას ეს წვნიანი. მეფემ გასინჯა თუ არა, ფურთხება იწყო.

– რა მოამზადე? – შეჰყვირა მან – ამის ჭამა შეუძლებელია!

– მეფეო, – მიუგო მზარეულმა – ვიდრე მიირთმევ ამ შავ შეჭამადს, მდინარე ევროტასში უნდა განიბანო.

მძიმე ფიზიკური ვარჯიშები და საკვების სიმწირე აგემრიელებდა იმას, რაც სხვა ბერძნებს უვარგისი ეჩვენებოდათ.

სისიტიაზე ხშირად მოდიოდნენ ბავშვები. ითვლებოდა, რომ სასარგებლოა უფროსთა საუბრების მოსმენა და მათგან გამოცდილების მიღება. გარდა ამისა,



ყმანვილები სწავლობდნენ ისე ეცინათ ნაკლოვანებებზე, რომ სხვებისთვის არ მიეყენებინათ შეურაცხყოფა. როდესაც ისინი პირველად გადააბიჯებდნენ იმ კარვის ზღურბლს, სადაც სადილობდნენ, უფროსი სისიტოსი მათ ასე მიმართავდა: „ამ კარებს იქით არ უნდა გავიდეს აქ წარმოთქმული არცერთი სიტყვა.“

ბიჭებს აჩვენებდნენ იმ აზრს, რომ სპარტელისათვის შეურაცხყოფელია გულის მოსვლა ხუმრობის გამო, თუმცა დაიძებნებოდნენ ისეთებიც, რომლებიც ვერ იტანდნენ ქილიკს. საკმარისი იყო ვინმეს ეთქვა, რომ დაცინვა არ მოსწონდა და იმნამსვე დუმდებოდა ის, ვინც მასხრობდა.


ლიკურგოსმა ერთობლივი ტრამპეზების დაწესებით მდიდრებს წაართვა გემრიელად კვების შესაძლებლობა – ერთი იმ მთავარ სიხარულთაგან, რასაც სიმიდირე იძლეოდა. ყველაზე მეტად სწორედ სისიტოების შემოღებამ განაწყო მდიდრები ლიკურგოსის წინააღმდეგ. ისინი ისე განრისხდნენ მმართველზე, რომ ერთხელ ჯოხებით სცემეს და ცალი თვალიც ამოუგდეს. მაგრამ ხალხი ლიკურგოსს მხარში ამოუდგა და მდიდრები დასაჯა. ერთად სადილობის წესი სპარტაში მრავალი ასწლეულის მანძილზე შემოინახა.

ლიკურგოსმა ფუფუნების წინააღმდეგ სისიტოების გარდა სხვა კანონებიც შემოიღო: მან აკრძალა ხუროთა რთული ხელსაწყოებით სარგებლობა და მოითხოვა, რომ სპარტელთა სახლების მშენებლობის დროს ხელოსნებს მხოლოდ ნაჯახითა და ხერხით ესარგებლათ. ლიკურგოსს ესმოდა, რომ ასე ნაგებ სახლში ფუფუნება ვერ შეაღწევდა. ხის კედლებს როდი დაამშვენებდა ძონისფერი ხალიჩები, ოქროს თასები ან მოვერცხლილი სანოლები.

ლიკურგოსის კანონთაგან ერთ-ერთი კრძალავდა ომის დიდხანს წარმოებას ერთსა და იმავე მონინააღმდეგესთან. კანონმდებელი თვლიდა, რომ მტერს არ უნდა მისცე ნება, განუწყვეტლივ ავარჯიშოს თავისი ლაშქარი: ეს გამოინვევს იმას, რომ მეზობლები გაუტოლდებიან სპარტელებს მებრძოლეობით.

ლიკურგოსის კანონებში არ იყო ჩანგრძლივ მეფის აზრით, ყოველივე ის, რაც სახელმწიფოს ბედნიერებისათვის აუცილებელი და მნიშვნელოვანია, მოქალაქეთა ცხოვრების წესსა და ჩვევებში ადრეული ბავშვობიდან უნდა გამოიშუშავდეს. სწორედ ამიტომ მისი, როგორც კანონმდებლის მთელი გულისყური მიმართული იყო ბავშვების აღზრდისაკენ.

ლიკურგოსი თვლიდა, რომ ბავშვებზე ზრუნვა მათ დედებზე ზრუნვით უნდა დაიწყო. ქალი უნდა იყოს ჯანმრთელი და მხიარული. მხოლოდ იმ შემთხვევაში იქნებიან მისი შვილები ჯანსაღნი და ძლიერნი. ლიკურგოსის კანონების თანახმად, გოგონებს უნდა ერბინათ, ეჭიდავათ, ეტყუორცნათ დისკო და შუბი. ჭაბუკთა მსგავსად ისინიც უნდა დასწრებოდნენ ზეიმებს, მათაც უნდა ეცეკვათ ქოროებსა და ემ-



ღერათ გუნდებში. (გოგონები სიმღერებით განადიდებდნენ ძლევაშოსილებს და შეუდრეკლებს და აღძრავდნენ ახალგაზრდებში უაღრესობის მზურვალე სურვილს.)

(ქალები სპარტაში მონაწილეობდნენ აგონებში, სადაც შეეძლოთ გამოეყვანათ თავიანთი სიმედგარე და მოეხვეჭათ დიდი სახელი. სპარტის დედოფალმა გორგომ ერთ უცხოელ ქალს, რომელიც ქილიკობდა იმაზე, რომ სპარტელი ქალები თავიანთ ქმრებს განაგებენო, ასე მიუგო: „განა ჩვენ არ ვშობთ ამ კაცებსაცო“.

(უცოლოდ დარჩენა სპარტაში სამარცხვინოდ ითვლებოდა. კანონის ძალით, ზამთარში შიშველ ბერბიჭებს ბაზრის მოედანი უნდა შემოეველოთ და ემღერათ ისეთი სიმღერა, სადაც აღინიშნებოდა, რომ ამ სასჯელის მიზეზი იყო ადათ-წესებისადმი მათი დაუმორჩილებლობა. ახალგაზრდები არ მიაგებდნენ ბერბიჭებს ისეთ პატივს, როგორც სხვა უფროსებისადმი იყო მიღებული. ერთხელ, ამბობენ, უცოლო მხედართმთავარი შემოვიდაო კარავში. ერთი ახალგაზრდა არ წამოადგა მისასალმებლად. შენიშვნაზე მან ასე მიუგო: „რა მრჯის მოგესალმო, თუკი არ გყავს ძე, რომელიც მე მომესალმება მომავალში“. და ეს პასუხი სამართლიანად მიიჩნის.

სპარტაში მამას უფლება არ ჰქონდა გადაეწყვიტა შვილის ბედი. დაიბადებოდა თუ არა ბიჭი, მამა მიიყვანდა მას უხუცესთა საკრებულოში დანიშნულებისამებრ. უხუცესნი ყურადღებით დაათვალიერებდნენ ახალშობილს. თუ მიიჩნევდნენ, რომ იგი ჯანმრთელი და მაგარი იყო, მამას მისი აღზრდის უფლებას მისცემდნენ და გამოუყოფდნენ მინის ნაკვეთს. თუკი ბავშვი სუსტი გამოდგებოდა, უხუცესნი ბრძანებდნენ, ჩაეგდოთ იგი უფსკრულში, რადგან ეგონათ, რომ ახალშობილისათვის უმჯობესი იქნებოდა არ ეცოცხლა, ხოლო სახელმწიფოსთვის – არ ჰყოლოდა სუსტი და ავადმყოფი მოქალაქეთა შორის.)

(ქალები ახალშობილებს წყლით კი არა ღვინით ბანდნენ, რამეთუ სწამდათ, რომ ბნედით ან სხვა რამ სენით შეპყრობილები კვებიან ღვინით, მაშინ როდესაც ჯანმრთელები ძლიერდებიან. ბავშვებს ჩვრებში არ ახვევდნენ, აჩვევდნენ მარტობასა და სიბნელეს, ცდილობდნენ მათში დაეთრგუნათ მავნე ჩვევები, თავნებობა თუ ღნავილი, აიძულებდნენ მიეღოთ ყოველნაირი საკვები. ბავშვები ისეთი ჯანმრთელები იზრდებოდნენ, რომ სპარტელი ძიძები მთელ საბერძნეთში იყვნენ განთქმულნი.

სპარტაში არავის ჰქონდა უფლება აღეზარდა ბავშვი ისე, როგორც თავად თვლიდა საჭიროდ. ბავშვებთან არ უშვებდნენ ნაყიდ ანდა დაქირავებულ აღმზრდელებს. შვიდი წლის ბიჭებს მოაცილებდნენ ხოლმე დედის კალთას და რომელიმე ჯგუფს შეუერთებდნენ. ოჯახიდან მოშორებულ ბავშვებს ჯგუფებად ზრდიდნენ, აჩვევდნენ რა მკაცრ მორჩილებას. ყოველი ჯგუფის სათავეში იდგა სიბრძნით და სიმაჰაცით გამორჩეული კაცი. ბავშვები მისგან იღებდნენ მაგალითს, ემორჩილებოდნენ და მოთმინებით იტანდნენ სასჯელს. ბავშვების თამაშს თვალყურს ადევ-



ნებდნენ მოხუცები. ისინი პატარებს ხშირად განგებ ნააჩხუბებდნენ ხოლმე, რათა გჭეკოთ, მათგან ვინ უფრო მამაცი იყო.

ბიჭებს მხოლოდ აუცილებელ განათლებას აძლევდნენ. მათ უნდა შეძლებოდათ ბრძანების ნაკითხვა და საკუთარი სახელის წერა. დანარჩენი სწავლების მიზანი იყო უსიტყვო მორჩილების, სასჯელის მოთმინებით ატანისა და ბრძოლებში გამარჯვების ჩვევის სრულყოფა.)

რაც უფრო იზრდებოდნენ ბავშვები, მით უფრო მკაცრდებოდა აღზრდის წესები. მათ კრეჭდნენ თმას, აიძულებდნენ ევლოთ ფეხშიშველთ და ყოველგვარ ამინდში ტანთგანძარცველთ ეთამაშათ. მხოლოდ თორმეტი წლის ასაკში აძლევდნენ მოსასხამს, რომელიც მთელი წელი უნდა ეტარებინათ. ბავშვებს წყლით დაბანის ნებას წელიწადში მხოლოდ რამდენიმეჯერ რთავდნენ. მათ ყველას ერთად ეძინათ ლერწმის წნულებზე. ამ ლერწმებს კი ისინი შიშველი ხელებით ტეხდნენ მდინარე ევროტასის ნაპირებთან.

უფროსები ბავშვებს განსაკუთრებულ ყურადღებას აქცევდნენ, დადიოდნენ სკოლებში, თვალყურს ადევნებდნენ მეცადინეობებს. ბავშვების აღზრდელს „პედონომოსს“ უწოდებდნენ. მას გარდა, ყოველი ჯგუფი ირჩევდა თავის ბელადს – ყველაზე ძლიერსა და ჭკვიან ჭაბუკს, რომელიც საბავშვო ასაკიდან იყო გამოსული. მას ირენი ეწოდებოდა. როდესაც ბავშვები ომობანას თამაშობდნენ, ამით მათ ბრძოლას აჩვენებდნენ, ირენებს მეთაურობა ევალებოდათ.

ბავშვებს თავად უნდა მოეპოვებინათ საკვები და მოეგროვებინათ სამყოფი შენა. ყველაფერი, რაც მათ მოჰქონდათ, იყო მოპარული.) ზოგი მიეშურებოდა ბაღებისაკენ, ზოგიც – სისიტიებისაკენ, ცდილობდნენ რა გამოევიდნათ უდიდესი სიფრთხილე და მოხერხებულობა. ახალგაზრდა სპარტელებს განგებ აძლევდნენ ერთობ მწირ საკვებს, რათა იძულებულნი გაეხადათ ეშმაკობით და მოხერხებულობით მოეპოვებინათ ის, რაც აკლდათ. მათ უხდებოდათ საკვების არა მხოლოდ მოპარვა, არამედ ყარაულებზე თავდასხმაცა და სასურველის ძალით წართმევაც. თუკი ვინმე სისუსტეს გამოიჩინდა, უმოწყალოდ გაიროზგებოდა, როგორც ცუდი და მოუხერხებელი ქურდი. მას შიმშილი ელოდა.

სასჯელის შიშით ბიჭები ყოველნაირად ცდილობდნენ, დაეფარათ თავიანთი დანაშაულობანი. ერთხელ, გადმოგვცემენ, ბიჭს პატარა მელა მოუპარავს და თავისი მოსასხამის ქვეშ დაუმაღავს. მხეცს ბრწყალებითა და კბილებით მისთვის მუცელი გამოუფატრავს. საკუთარი თავი რომ არ გაეთქვა, ბიჭს ხმა არ ამოუღია მანამ, სანამ სისხლისგან დაცლილი არ დაცემულა. ამ გადმოცემას შესაძლებელია ვენდოთ, რადგანაც ჩვენთვის ცნობილია, რომ მრავალ ჭაბუკს სული ამოხდომია მათრახით გვემის დროს არტემისის საკურთხეველთან.⁷



სადილის შემდეგ ირენი ბიჭებს ერთგვარ გაკვეთილს უტარებდა: ზოგს ამღერებდა, ზოგს კი შეკითხვებზე პასუხის გაცემას სთავაზობდა. შეკითხვებს ბავშვებისათვის უნდა ეხსნა და კარგისა და ცუდის გარჩევა, ადამიანთა საქციელის შეფასება. თუ ბიჭი ვერ ახსნიდა, ვის თვლიდა ღირსად ეტარებინა სპარტის მოქალაქის სახელი, ან რა საქციელი განაპირობებდა ადამიანისათვის პატივის აყრას, მას გონებაჩლუნგად მიიჩნევდნენ და ირენს უბრძანებდნენ, ეზრუნა მის განვითარებაზე.

ირენი ხშირად სჯიდა ბავშვებს უხუცესთა თანდასწრებით, რათა მათთვის საშუალება მიეცა ემსჯელათ მისი აღზრდის მეთოდებზე. მეცადინეობებში უფროსები არ ერეოდნენ, მაგრამ როცა ირენს მარტო დაიხელთებდნენ, უცილობლად აზღვევინებდნენ, თუკი იგი ბიჭუნების დასჯისას გამოიჩინდა გადამეტებულ სიმკაცრეს ან ლმობიერებას.

ბავშვებს აჩვენებდნენ, გამოეთქვათ თავისი სათქმელი ზუსტად და მოკლედ.⁸ ლიკურგოსს სურდა, რომ პატარა, უბრალო სიტყვას დიდი აზრი გამოეხატა. მისი ნათქვამი მუდამ მოკლე და მრავალმნიშვნელოვანი იყო. როდესაც ვილაკამ მოითხოვა, რომ ლიკურგოსს სახელმწიფოში დემოკრატია დაემყარებინა, კანონმდებელმა ასე მიუგო: «თავდაპირველად დემოკრატია დაამყარე თავად შენს სახლში»⁹ ერთხელ სპარტელებმა ჰკითხეს ლიკურგოსს: «როგორ მოვიქცეთ, მეზობელი ქვეყნები რომ თავს არ დაგვესხან?» მან უპასუხა: «იყავით ღარიბნი და ნუ ისურვებთ, მეზობლებზე მდიდრები გახდეთ»¹⁰.

ლიკურგოსმა თავისი აზრი ქალაქის გამაგრების თაობაზე ასე გამოთქვა: «თუ ქალაქი ადამიანებითაა გამაგრებული და არა აგურებით, მას აქვს კედლები!»

საერთოდ სპარტელებს უყვარდათ მოკლე და მახვილგონივრული პასუხები. თუ კაცი ბრძნულ აზრს გამოთქვამდა, მაგრამ უდროოდ, მას მიუგებდნენ: «საქმიანია შენი სიტყვა, მაგრამ უსაქმო»¹¹.

ერთ ფილოსოფოსს ჰკიცხავდნენ იმის გამო, რომ სამეფო სუფრასთან მიწვეულს სიტყვაც არ დასცდენია. მის დასაცავად მეფეს უთქვამს: «ვისაც შეუძლია საუბარი, მისთვის სათანადო დროის შერჩევაც შეუძლიაო»¹².

ერთმა კაცმა თავი მოაბეზრა მეფეს შეკითხვით, სპარტელთაგან ვინ არისო საუკეთესო. არავის გაჰკვირვებია მეფის პასუხი: «ის, ვინც შენ ყველაზე ნაკლებად გგავსო»¹³.

ბევრი აღფრთოვანებულია გამარჯვებულთა დაჯილდოებისას ოლიმპიური ასპარეზობების მომწყობთა პირუთვნელობით. «რა გასაკვირია – უთქვამს სპარტელს – თუკი ადამიანი ოთხ წელიწადში ერთხელ შეძლებს იყოს სამართლიანი»¹⁴.

როდესაც მეფე არქიდამოსს ჰკითხეს, სპარტას ჰყავს თუ არა დიდძალი ლაშქარი, მან უპასუხა: «საკმარისი, რათა მხდალნი უკუაქციოს»¹⁵.



ერთი ათენელი მასხრად იგდებდა სპარტელთა მოკლე მახვილებს, რაზედაც მეფე აგისმა ასე მიუგო: „სიმოკლე როდი უშლის ხელს ჩვენს მახვილს მისწვდეს მეტოქეს“.

სპარტელთა პასუხები საშუალებას გვაძლევს წარმოვადგინო შევიქმნათ მათი ცხოვრების წესზე. ბავშვობიდანვე აჩვევდნენ სპარტელებს არ გამოეთქვათ თავისი აზრი, თუ ეს არ იყო საჭირო, და თუ იტყოდნენ რაიმეს, ეთქვათ მხოლოდ აუცილებელი.

ერთ სპარტელს შესთავაზეს მოესმინა კაცისთვის, რომელიც ბულბულს ბაძავდა. მან კი მიუგო: „მე თავად ბულბულისთვის მისმენიაო“.

სხვას შეჰპირდნენ, რომ აჩუქებდნენ მამლებს, რომლებიც იბრძოდნენ, ვიდრე არ დაიხოცებოდნენ.⁹ მან კი მიუგო: „უმჯობესია ისეთები მაჩუქო, რომლებიც სხვას მოკლავენო“.

ერთხელ სპარტელმა საძმო საფლავზე წაიკითხა წარწერა. სახელთა ჩამოთვლა ამ სიტყვებით ბოლოვდებოდა: „ისინი დაეცნენ ბრძოლის ველზე მაშინ, როდესაც ტირანიის ცეცხლს აქრობდნენ“.

– ასეც მოუხდებათ! – აღმოხდა სპარტელს მოულოდნელად – რა საჭირო იყო ტირანიის ცეცხლის ჩაქრობა, დაე, ბოლომდე დაფერფლილიყო.

სიტყვის სიზუსტესა და სიცხადესთან ერთად დიდ მნიშვნელობას ანიჭებდნენ სპარტაში საგუნდო სიმღერასაც. სპარტული საგუნდო სიმღერები გამოირჩეოდნენ ვაჟკაცური შემართებით, უბრალოებითა და სისადავით, ამავე დროს სერიოზულობითა და დამრიგებლური ხასიათით. ეს იყო ან სპარტისათვის მებრძოლთა ხოტბები, ან საგმირო საქმეებისთვის მოწოდებები, ან მხდალთა კიცხვანი. აი, ერთ-ერთი სპარტულ სიმღერათაგან:


მოხუცთა ქორო: „ოდესლაც ვიყავით ჭაბუკნი და შეუდრეკელნი!“

კაცების ქორო: „შეუდრეკელნი ჩვენ ვართ ახლაც, მაშ, გამოგვცადეთ!“

ჭაბუკთა ქორო: „ჩვენ კი ვიქნებით უფრო მეტად შეუდრეკელნი!“

(ასევე დიდი ყურადღება ექცეოდა სპარტაში მუსიკას. სპარტელები საბრძოლველად ფლიტის ხმაზე მიემართებოდნენ. ერთ-ერთი სპარტელი პოეტის თქმით: „კარგი მუსიკა არანაკლებ მოქმედებს სულზე, ვიდრე იარაღი“) გადმოგვცემენ, რომ სპარტელი მეფე ბრძოლის დაწყების წინ მსხვერპლს სწირავდა მუზებს, რათა მებრძოლთათვის შეეხსენებინა, რომ აუცილებელია სიმღერებით განსაზღვრულ გმირობათა აღსრულება.)

როდესაც ჭაბუკნი მებრძოლთა რიგებში გადადიოდნენ, მათი აღზრდის სიმკაცრე შედარებით სუსტდებოდა. მეომრებს უფლება ჰქონდათ ეზრუნათ საკუთარ სამოსზე, თმებსა და იარაღზე. ბრძოლის დაწყების წინ სპარტელები ლამობდნენ



განსაკუთრებულად შეემკოთ თავი: ისინი ივარცხნიდნენ თმებსა და ზედ ზეთს იცხებდნენ, ახსოვდათ რა ლიკურგოსის ნათქვამი: „თმები ლამაზებს ალამაზებენ, ხოლო უშნოებს უფრო მეტად აუშნოებენ“.

ლაშქრობათა ჟამს ახალგაზრდათა სანვრთნელი ვარჯიშები აღარ იყო რთული, და საერთოდ, მათი ცხოვრება უფრო იოლი ხდებოდა. სპარტა იყო ერთადერთი ქვეყანა, რომლის მკვიდრთათვის ბრძოლა დასვენებად ითვლებოდა მშვიდობიანი ცხოვრების დაუსრულებელ წვრთნებთან შედარებით.

როდესაც ბრძოლის დაწყების წინ ლაშქარი დაეწყო ბოდა, მეფე მსხვერპლს სწირავდა ღმერთებს და მებრძოლებს მოუწოდებდა, თავს დაერქვათ გვირგვინები. ფლეიტის ხმაზე ყველა იწყებდა საბრძოლო სიმღერას. დიდებულ სანახაობას წარმოადგენდა ფლეიტის ხმაზე ფეხანყობილი მებრძოლების მწყობრი რიგები. არავის უთრთოდა შიშით გული. ისინი საფრთხის შესახვედრად ეშურებოდნენ სიმღერებით, ხოლო სახეზე სიმშვიდისა და სიხარულის სხივი ეფინათ. თავად მეფე კი მიაბიჯებდა მათ მხარდამხარ, ვინც გამარჯვება მოიპოვა უკანასკნელ ოლიმპიურ ასპარეზობათა ჟამს.)

ასე ჰყვებიან, თითქოს ერთ სპარტელს შესთავაზეს დიდძალი თანხა, თუ ოლიმპიურ აგონებზე გამარჯვებას დაუთმობდა თავის მეტოქეს. ხოლო როდესაც მან უარი თქვა ამ სარგებელზე და გამარჯვება მოიპოვა მძიმე ბრძოლაში, ჰკითხეს: „ამ გამარჯვებით რას დაიმსახურებ ისეთს, მის გამო უარი რომ თქვი სიმდიდრეზე?“ „ბრძოლებში ლაშქარს წარუძღვები მეფის მხარდამხარ!“ – ასე ამაყად მიუგო მათ ძღვევამოსილმა.

როდეს მეტოქეს უკუაქცევდნენ სპარტელები, დიდხანს არ სდევდნენ, მათი გაგებით, დამარცხებული მტრის კვლა და ჩეხვა უკადრისი საქციელი იყო და სულის სიმდაბლედ აღიქმებოდა. ეს წესი იყო არა მხოლოდ ღირსეული, არამედ ხელსაყრელიც, რამეთუ დამარცხებული მტერი ამჯობინებდა უმალ გაქცევას, ვიდრე ბრძოლას, რადგან იცოდა, რომ სპარტელები გაქცეულებს არას ერჩოდნენ.)

ზოგიერთი ისტორიოგრაფოსი ირწმუნება, რომ ლიკურგოსი თავად იყო დიდი მებრძოლი. მაგრამ უფრო მართალნი უნდა იყვნენ ისინი, რომლებიც თვლიან, რომ ლიკურგოსს არ მიუღია მონაწილეობა არცერთ ბრძოლაში, და რომ თავისი გარდაქმნები განახორციელა იმ წლებში, როდესაც სპარტა არავის ეომებოდა. ოთხ წელიწადში ერთხელ, ოლიმპიური თამაშების განმავლობაში რომ მთელ საბერძნეთში მშვიდობის სუფევა იყო,² გადმოცემის თანახმად, ლიკურგოსის დამსახურებაა, რაც მის მშვიდობისმოყვარეობაზე მიგვანიშნებს. Y




ლიკურგოსის აზრით, სპარტელის აღზრდა მისი მონიფულობის ასაკშიც უნდა გაგრძელებულიყო. მოზრდილებსაც უნდა დაეცვათ კანონით გათვალისწინებული ადათნესები. სპარტა მსგავსი იყო იმ ბანაკისა, სადაც ყოველი ადამიანი ცხოვრების მკაცრად განსაზღვრულ წესებს ემორჩილებოდა. (ღუკი სპარტელებს არ ეძლეოდათ სხვა დავალება, ისინი უვლიდნენ ბავშვებს, მოძღვრავდნენ მათ, ან თავად ისმენდნენ ხანდაზმულთა შეგონებებს.)

სპარტელებს ჰქონდათ ბევრი თავისუფალი დრო, რადგანაც ხელოსნობა და სხვა სასარგებლო შრომა მათთვის აკრძალული იყო. (დროის დიდ ნაწილს ისინი ატარებდნენ გიმნასიონებში ან საუბრობდნენ ერთმანეთში აქვს თუ კარგზე. ცეკვები, თამაშები, ნადირობანი, სიმღერები და სხეულთა ვარჯიშები შთანთქმავდნენ სპარტელთა მთელ დროს, თუ ისინი ბრძოლით არ იყვნენ დაკავებული.)

(როდესაც ათენში ჩასულმა სპარტელმა გაიგო, რომ იქ უქმობისთვის დასაჯეს ვიღაც, მან ითხოვა ეჩვენებინათ მისთვის ეს ვიღაც, თავისუფლების სიყვარულისთვის დასჯილი კაცი. ისე ვერ ეგუებოდნენ სპარტელები შრომას, რომ უქმობას „თავისუფლების სიყვარულს“ უწოდებდნენ.)

სპარტელებს შეეძლოთ უზრუნველად ეცხოვრათ, რადგანაც მათ მიწებს ჰელოტები ამუშავებდნენ. ესენი იყვნენ სპარტელთა მიერ დაპყრობილი ქვეყნების მკვიდრთა ჩამომავალნი. ჰელოტები სახლობდნენ იმ მიწებზე, რომლებსაც ადრე ფლობდნენ. ისინი იძულებულნი იყვნენ დამპყრობლებისთვის მიეცათ მონეული მოსავლის მნიშვნელოვანი ნაწილი. ჰელოტები და მათ მიერ დამუშავებული მიწის ნაკვეთები სპარტელთა შორის თანაბრად იყო დანაწილებული. ყოველი სპარტული ოჯახი მისთვის კუთვნილი ნაკვეთიდან საკვების საკმარის რაოდენობას იღებდა.

რამდენადაც ჰელოტები მნიშვნელოვნად სჭარბობდნენ სპარტელებს, ამ უკანასკნელთ მუდამ ჰქონდათ მათი ამბოხების შიში. (ჰელოტთა აჯანყების თავიდან ასაცილებლად სპარტაში შემოიღეს კრიპტიები, რამაც საფუძველი მისცა ზოგიერთს ლიკურგოსისთვის სისასტიკე და უსამართლობა დაებრალებინა. აი, რას გულისხმობდა კრიპტია: ეფოროსები დროდადრო ქალაქგარეთ აგზავნიდნენ სატევრებით შეიარაღებულ ჭაბუკებს. დღისით ისინი იმალებოდნენ, ხოლო ღამ-ღამობით გამოდიოდნენ გზებზე და კლავდნენ ჰელოტებს. ამ შემადრწუნებელი მკვლელობისთვის კანონიერი ხასიათი რომ მიეცათ, უფროსები, იღებდნენ რა თანამდებობას, ომს უცხადებდნენ ჰელოტებს. ხანდახან ისინი სოფლად აგზავნიდნენ ახალგაზრდათა დიდ რაზმებს, რათა მათ ანაზღეული თავდასხმებით გაენადგურებინათ უძლიერესნი და უმამაცესნი ჰელოტთა შორის.)



(გადმოგვცემენ, რომ ერთხელ სპარტელებმა ორი ათას რჩეულ ჰელოტს თავისუფლება მიანიჭეს. გახარებულმა ჰელოტებმა თავს დაირქვეს გვირგვინები და ტაძრები შემოიარეს, რათა მადლობა აღევლინათ ღმერთებისადმი მოულოდნელი ბედნიერებისათვის. მაგრამ ლამით ისინი გაქრნენ და არავის ძალუძდა ეთქვა რაიმე მათი დაღუპვის თაობაზე.)


(სპარტელები ხანდახან საგანგებოდ აიძულებდნენ ჰელოტებს უზომოდ შეესვათ განუზავებელი ღვინო, რათა ახალგაზრდებისათვის ეჩვენებინათ, თუ რაოდენ საზარელია უგონოდ თრობა.) საშინელი სასჯელის ძალით ჰელოტებს ეკრძალებოდათ თავისუფალთა სიმღერების მღერა. ისინი იმდენად ყოფილან დაშინებულნი, რომ ერთხელ, ლაკონიის სამანთა მიღმა, იქაც კი, სადაც უკვე აღარ ვრცელდებოდა მათი მეპატრონეების კანონები, ვერ გაუბედავთ ემღერათ სპარტელ პოეტთა სიმღერები. სამართლიანად შენიშნეს ბერძნებმა, რომ სპარტაში თავისუფალი თუ აღმატებულად იყო თავისუფალი, მონაც ასევე აღმატებულად იყო დამონებული.

თუმცა უსაფუძვლოა იმის მკტიცება, თითქოს ჰელოტთა წინააღმდეგ მიმართული ეს უღმობელი კანონები ლიკურგოსის შემოღებული იყოს. ისინი დააკანონეს შედარებით გვიან, მაშინ, როდესაც ჰელოტთა რიცხვი მეტისმეტად გაიზარდა. განსაკუთრებული სიმკაცრით ექცეოდნენ სპარტელები მათ დიდი მიწისძვრის² შემდეგ. მაშინ ჰელოტებმა, ისარგებლეს რა უბედურებით, კინალამ აიღეს სპარტა და მოიპოვეს თავისუფლება.

(როდესაც კანონთაგან უმნიშვნელოვანესნი ცხოვრებაში დამკვიდრდნენ, ლიკურგოსმა იხმო მოქალაქენი და მოიწვია სახალხო კრება. კანონმდებელმა აღნიშნა, რომ ყოველი მოქალაქის გასაბედნიერებლად საჭიროა მოხდეს კიდევ ერთი, უმთავრესი გარდაქმნა. ამისთვის კი აუცილებელია კვლავ ეწვიოს დელფოს სამისნოს. ლიკურგოსმა სთხოვა გერონებსა და მოქალაქეებს დაედოთ ფიცი, რომ არაფერი შეიცვლებოდა კანონებში მის დაბრუნებამდე. ყოველმა დადო ფიცი, ხოლო ლიკურგოსი გაეშურა დელფოსკენ. მისანმა ამცნო მეფეს, რომ მის მიერ შექმნილი კანონები დიდებულია და ვიდრე სპარტა ამ კანონებს შეინარჩუნებს, იბედნიერებს და იბატონებს სხვა ქვეყნებზე.)

(ლიკურგოსმა ამ წინასწარმეტყველების უწყებით თავის სამშობლოში მაცნე წარგზავნა, ხოლო თავად გადაწყვიტა, მომკვდარიყო, რათა თანამოქალაქეთათვის საშუალება არ მიეცა, ოდესმე შეეცვალათ კანონები. მათ ხომ დიადი ფიცი დასდეს, რომ მის დაბრუნებამდე სხვა გარდაქმნებს არ განახორციელებდნენ.)


(ლიკურგოსი კი უკვე იმ ასაკს მიუახლოვდა (დაახლოებით 85 წელს), როდესაც, ძველების აზრით, თუმცა სიცოცხლე შესაძლო იყო, მაგრამ კარგი იქნებოდა სიკვდილიც, განსაკუთრებით მისთვის, ვინც ყველა სურვილი აღისრქელა.



ლიკურგოსი თვლიდა, რომ საზოგადო მოღვაწის სიკვდილიც კი სასარგებლო უნდა გახდეს სახელმწიფოსთვის, ეს უნდა იყოს მთელი ცხოვრების ღირსეული დასასრული. ამიტომ იგი გამოეთხოვა მეგობრებს, ვაჟს და უარი თქვა რა საკვების მიღებაზე, მალე შიმშილით გარდაიცვალა. იგი შიშობდა, რომ მის ნეშტს სპარტაში გადაასვენებდნენ, რითაც მოქალაქეები ფიცისაგან თავს გაითავისუფლებდნენ. ამიტომ სიკვდილის წინ მეგობრებს უბრძანა, დაენვათ მისი გვამი, ხოლო ფერფლი ზღვაში ჩაეყარათ.

იმედები არ გაცრუებია ლიკურგოსს. (სწნლულების განმავლობაში სპარტა, ვიდრე მის კანონებს იცავდა, უძლიერესი სახელმწიფო იყო მთელ საბერძნეთში. მხოლოდ ძვ.წ. V საუკუნის ბოლოს, როდესაც იქ ოქროსა და ვერცხლთან ერთად შულღმაც შეაღწია, ლიკურგოსის კანონები დავინწყებას მიეცა.)





შენიშვნები


¹ ქარილასი ბერძნულად „ხალხის რჩეულს“ ნიშნავს.

² „რეტრა“ ბერძნულად ნიშნავს ზეპირ შეთანხმებას. ზეპირი კანონის არსებობა მიუთითებს ამ დადგენილების უძველეს წარმომავლობაზე. ამაზევე მეტყველებს ის ფაქტიც, რომ ყოველი სახელმწიფოსთვის ჩვეულ მოქალაქეთა ტერიტორიული ნიშნით დაყოფასთან ერთად (5 მხარე), სპარტაში შემორჩა აგრეთვე ძველი, ტომობრივი ნიშნით დაყოფა (3 ფილე ტომიდან). განსაკუთრებით მნიშვნელოვანია ის, რომ დადგენილებაში შემონახულია პირველყოფილი თემური წყობისათვის დამახასიათებელი ნიშნები ხალხის უმაღლეს ძალაუფლებაზე, რომელიც არისტოკრატიის დამზობასთან ერთად გაქრა. საბუთის ენის სიძველეს იმაზე მიგვანიშნებს, რომ იგი შედგენილი უნდა ყოფილიყო გაცილებით უფრო ადრე, ვიდრე ის რეფორმები, რომლებსაც მიაკუთვნებდნენ ლიკურგოსს.

³ მეფეები პოლიდოროსი და თეოპომპოსი ძვ.წ. VIII ს-ის მიწურულს განაგებდნენ სპარტას. მათ დროს მიმდინარეობდა ლაკონიის ჩრდილოეთით მდებარე ნაყოფიერი მესენიის დაპყრობა. შესაძლოა, ამ მძიმე ომით გამოწვეულმა დაძაბულობამ ურთიერთობა გააძნევეს ხალხსა და არისტოკრატიას შორის, რამაც აუცილებელი გახადა ეფორატის დაკანონება.

⁴ სიტყვა „ეფოროსი“ ბერძნულად აღნიშნავს „ზედამხედველს“, „მზირს“, „მეთვალყურეს“. ასე ეწოდებოდათ ქურუმებს, რომელთა დანიშნულება ვარსკვლავების თვალთვალის იყო. განსაზღვრული წლების შემდეგ ეფოროსებს ვარსკვლავების მიხედვით უნდა დაედგინათ, სპარტის მმართველი მეფეები ღმერთებს სურდათ თუ არა. თუ ღამეულ ცაზე დაკვირვებისას ისინი შეამჩნევდნენ ვარსკვლავის ვარდნას, ეს იმის მაუწყებელი იყო, რომ მეფეთაგან ერთ-ერთი უნდა შეცვლილიყო.

⁵ მინათა გადანაწილება და ლიკურგოსის სახელით ცნობილი ყველა მომდევნო რეფორმა, სხვა წყაროთა და არქეოლოგიურ მონაცემთა გათვალისწინებით, უნდა განხორციელებულიყო არა უადრეს ძვ.წ. VII საუკუნისა. დაუჯერებელი როდია ის, რომ იმხანად სპარტაში მოღვაწეობდა სახელმორჭმული წინამძღვარი და კანონმდებელი, მაგრამ რამდენადაც სპარტული კანონები არ ჩანერილა, ლიკურგოსის სახელი წარწერებზე არ გვხვდება. მინათა გადანაწილება ლიკურგოსის დამსახურება კი არ უნდა ყოფილიყო, არამედ გაცხოველებული კლასობრივი ბრძოლისა, რომლის დროსაც წარჩინებულნი იძულებულნი გახდნენ დაეთ-



მოთ.

⁶ ბერძნები ღვინოში წყალს აზავენდნენ, განზავეებული ღვინო უბრალო წყალზე უკეთესად კლავდა წყურვილს. მას არ შეეძლო კაცის დათრობა.

⁷ სპარტაში მარვალი ასწლეულის მანძილზე ინახებოდა ბიჭების სახალხოდ გამათრახების ადათი მათი ირენებად გადაყვანისას. არტემისის საკურთხეველთან ბიჭებს უნდა გამოეყვინათ სიმედგრე და ტკივილების დათმენის უნარი. ზოგი, მათრახით გვემული, ხმის ამოუღებლად კვებობოდა. ღვთაების საკურთხეველის სისხლით დათბობის ეს ადათი, შესაძლებელია, იყო უძველეს ნარსულში არსებული ადამიანთა მსხვერპლად შეწირვის გადმონაშთი.

⁸ თანამედროვე სიტყვა „ლაკონიზმი“, რომელიც აზრის მოკლედ გამოთქმას ნიშნავს, სპარტელთა ქვეყნის – ლაკონიის სახელწოდებიდან მომდინარეობს.

⁹ ძველ საბერძნეთში ყველაზე მეტად გავრცელებული გასართობი იყო მამალთა და მწყერთა ბრძოლა. ამ სანახაობას უდიდეს აღმზრდელობით მნიშვნელობას ანიჭებდნენ, რამეთუ თვლიდნენ, რომ მამლები სისხლის უკანასკნელ წვეთამდე ბრძოლის მაგალითს იძლეოდნენ. ბრძოლებისათვის ფრინველებს სანაგებოდ წერთნიდნენ, ხოლო კარგად მებრძოლი მამლები ძვირად ფასობდნენ.

¹⁰ ოლიმპიურ ასპარეზობათა და სხვა უდიდეს რელიგიურ ზეიმთა დროს ბრძოლათა შეწყვეტის წესი, შესაძლოა, ძვ.წ. VIII საუკუნეში შემოიღეს არა მხოლოდ რელიგიური, არამედ სავაჭრო ურთიერთობათა თვალსაზრისითაც. საქმე ისაა, რომ საერთო ბერძნულ დღესასწაულთა განმავლობაში იმართებოდა დიდი ბაზრობებიც.

¹¹ პელოტთა განადგურება რომ საიდუმლოებით იყო მოცული, ამაზე მეტყველებს თვით ამ წინასწარგანზრახული მკვლელობის სახელწოდებაც: ტერმინი „კრიპტია“ ბერძნულად ნიშნავს „საიდუმლოს“.

¹² ეს მოხდა ძვ.წ. 465 წელს. იმდენად ძლიერი იყო მიწისძვრა, რომ სპარტა თითქმის მთლიანად დაინგრა. პელოტები თავს დაესხნენ გადარჩენილ სპარტელებს, რომლებიც საშველად უხმობდნენ ათენელებს. დაიწყო მესამე მესენიური ომი, რომელიც თითქმის ათი წელი გრძელდებოდა. ომის შედეგად პელოტთა ნაწილი იძულებული შეიქნა კვლავ სპარტელებს დამორჩილებოდა, ნაწილმა კი დატოვა ქვეყანა და კორინთოს ყურეს ჩრდილოეთ ნაპირებთან დასახლდა.



სოლონი

ათინელი სახელმწიფო

მოღვაწე და პოეტი

(დაახლ. ძვ.წ. 640-559 წწ.)



სოლონს ძველ სამყაროშივე მოიხსენიებდნენ „შვიდ ბრძენთა“ შორის მის განსწავლულობაზე ბევრს მოგვითხრობენ ანტიკური წყაროები მათ შემოგვინახეს სენტენციებად გავრცელებული მისი გამონათქვამები სოლონს მიაკუთვნებდნენ დელფოს სამისნოს წარწერებს: „შეიცან თავი შენი“ და „არაფერი უზომოდ“, აგრეთვე ცნობილ სენტენციას: „ყველაფერს ბოლო გამოაჩენს“ სოლონს მიეწერება იმ ათენური კონსტიტუციის შექმნა, თანამედროვე ისტორიკოსები რომ ევროპული აზროვნების დემოკრატიული იდეალების საწინდრად მიიჩნევენ. ლიტერატურის ისტორიაში იგი ცნობილია პოეტად, რომელმაც ბერძნულ ლირიკაში შემოიტანა სრულიად ახალი ნაკადი, რაც პიროვნული პოზიციის წარმოჩენით გამოიხატა. ასე რომ, სოლონი ისტორიაში შევიდა ვითარცა ბრძენიც, კანონმდებელიცა და პოეტიც.

სოლონი წარჩინებულთა გვარის ჩამომავალი იყო. მის დიდ წინაპრად ასახელებენ ათენის მეფე კოდროსს (ძვ.წ. VIII ს.), რომელმაც, გადმოცემათა თანახმად, გამირულად განირა თავი სამშობლოსათვის.²

სოლონის ბავშვობასა და სიყმაწვილეზე არაფერს მოგვითხრობენ ანტიკური ხანის ბიოგრაფოსები. ცნობილია მხოლოდ ის, რომ მამამისი არ ყოფილა მდიდარი კაცი. მამის გარდაცვალების შემდეგ სოლონი თითქმის უსახსროდ დარჩენილა, უცხოთაგან დახმარების მიღება სამარცხენოდ მიუჩნევია და განუზრახავს ზღვის გაღმა ეცადა ბედი. მას შორეულ ქვეყნებში ხომალდებით გადაჰქონდა ათენური ნაწარმი, ხოლო იქიდან სხვა საქონელს ეზიდებოდა.



იმხანად ათენში ზღვის მიღმა ქვეყნებთან ვაჭრობით თამამ მოქალაქეთაგან მცირედენნი თუ იყვნენ დაინტერესებულნი. უპირველეს ყოვლისა, ესენი იყვნენ მდიდარი არისტოკრატები, აგრეთვე ხალხიდან გამოსული შეძლებული და გამბედავი ვაჭრები. ზღვის მიღმა მოგზაურობა სახიფათო იყო, სამაგიეროდ ერთი წარმატებით დაგვირგვინებული საქმე უზარმაზარ მოგებას იძლეოდა. (ადამიანს, რომელმაც იმოგზაურა უცხო ქვეყნებში, რომელმაც სათანადო ცოდნა და ცხოვრებისეული გამოცდილება შეიძინა, თანამოქალაქენი დიდი პატივით ეპყრობოდნენ.)

სოლონი ზღვის გადაღმა მიემგზავრებოდა არა მხოლოდ სიმდიდრის მოსახვეჭად, არამედ სიბრძნის შესაძენად, ადამიანთა მრავალფეროვანი ზნისა და ჩვევების შესასწავლად, სამყაროს შესაცნობად. ქონებას ქონებისათვის სოლონი არ სცნობდა იგი თვლიდა, რომ ბედნიერება მხოლოდ ფული არ არის. მისი თქმით: „თანაბრად მდიდარია ორივე, ისიც, ვინც უხვად ფლობს ვერცხლსა თუ ოქროს, პურით მდიდარი მინის ველებს, ცხენებს და ჯორებს, და ისიც, ვინც თავის დროზე დაოჯახდა, ჰყავს ცოლიც, შვილიც, რაკილა ძალუძს სიჭაბუკის ასაკით ტკობა“ სხვა ადგილას იგი აღნიშნავს: (მსურს მოვიხვეჭო სიმდიდრე, მაგრამ მისი უსამართლოდ მოპოვება როდი მნადია, რადგანაც ბოლოს სამართალი უნდა აღსრულდეს“)

მართალია, სოლონი წარმატებული მოგზაურობების წყალობით გამდიდრდა, მაგრამ სიქველესა და კეთილ სახელს ამჯობინებდა მუდამ სიმდიდრეს. აი, რას ამბობდა იგი ერთ ლექსში: (მრავალია ბოროტი კაცი მდიდართა შორის, ხოლო კეთილი – ღარიბთა შორის.) მაგრამ სიქველე სიმდიდრეზე არ გაიცვლება. იგი ჩვენშია შეუცვლელად. ფულს კი დღეს ერთნი, ხვალ სულ სხვანი ეუფლებიან“.

(მოგზაურობიდან დაბრუნებული სოლონი სამშობლოში პარტიათა გაცხოველებული ბრძოლების მოწმე შეიქნა.) უბრალო ხალხს მინა არ ჰქონდა, იგი გმინავდა და წარჩინებულთა უღელქვეშ. ხალხი იბრძოდა ევპატრიდების წინააღმდეგ პურისა და თავისუფლების მოთხოვნით.)

(სოლონმა იმთავითვე ხალხს დაუჭირა მხარი და მისი პატივისცემა დაიმსახურა. ღარიბებმა იგი მფარველად მიიჩნიეს.) სოლონმა თავისი არაჩვეულებრივი პოეტიური ნიჭი ხალხის სამსახურისკენ მიმართა. შესანიშნავი ლექსებით, რომლებიც მაშინ ყველამ ზეპირად იცოდა, პოეტი მოწინააღმდეგეებს შთააგონებდა, შეენდოთ ერთმანეთისთვის სამშობლოს საკეთილდღეოდ, შემდგომში კი განმარტავდა მის მიერვე გამოცემული კანონების აზრსა და მიზანს.)

იმხანად ათენელებს მძიმე და ხანგრძლივი ბრძოლა ჰქონდათ მეზობელ მეგარასთან კუნძულ სალამისის გამო. ეს კუნძული გზას უხშობდა ათენისაკენ მიმავალ და ათენიდან მომავალ ხომალდებს. სალამისის მფლობელ მეგარელებს შეეძლოთ,



შეეფერებინათ ათენში პურის შეტანა (საკუთარი პური ათენს არ ჰყოფნიდა); ქალაქს შიმშილი ემუქრებოდა; ამიტომ ათენელები ამ კუნძულს უნდა დაპატრონებოდნენ. ათენის ლაშქარმა შეძლო კიდევ ხანმოკლე დროით ხელში ჩაეგდო სალამისი, მაგრამ შინაური აშლილობისა და პარტიათა შუღლის გამო ვერ შეინარჩუნა იგი.

მდიდარ ევპატრიდებს, რომლებიც მაშინ ათენს განაგებდნენ, არ ესაჭიროებოდათ ზღვის მიღმა ვაჭრობის წარმოება. მათ გამოსცეს კანონი, რომელიც კრძალავდა სახალხო კრებაზე სალამისის საკითხის წამოჭრას.

უბრალო ხალხი – მეზღვაურები, ქალაქის ხელოსნები, ვაჭრები, ნავსადგურის მუშები – პირიქით, მოითხოვდა ბრძოლის გაგრძელებას, რადგანაც საზღვაო ვაჭრობის შეწყვეტა მათთვის სიღატაკესა და დაქცევას ნიშნავდა.

სოლონი, ჩაუდგა რა სათავეში უბრალო მოქალაქეებს, იბრძოდა ომის განსაახლებლად. რამდენადაც კანონი ამგვარ ქმედებას კრძალავდა, მან თავი მოიგიჟინა.

ერთხელ ათენელებმა დაინახეს მაცნეს სამოსში გამოწყობილი უცნაური კაცი, რომელიც თავქუდმოგლეჯილი მივრბოდა ქალაქის მოედნისკენ. ეს იყო სოლონი. მოედანზე მის გარშემო თავი მოიყარა ბრბომ. სოლონის სიგიჟის ამბავი მთელმა ქალაქმა იცოდა. იგი ავიდა მაცნეთათვის განკუთვნილ ლოდზე და დაიწყო საკუთარი ლექსის სიმღერით თქმა: „მაცნე გეახლეთ სასურველი სალამისიდან, ნაცვლად მჭევრმეტყველებისა ისმინეთ სიმღერა, სიტყვათა მშვენიება“ ამ ლექსით იგი ეუბნებოდა შეკრებილებს, რომ სამარცხვინოა ათენელად მოჰქონდეთ თავი, რამეთუ არ შეუძლიათ სალამისის შენარჩუნება: „მალე იხილავთ, გავრცელდება ჩვენზე საზარი მიეთ-მოეთი, ასე იტყვიან, ეს კაცი ხომ ატიკელია, სადაც გაჰყიდეს სალამისი“. შემდეგ სოლონი მხურვალედ მოუნოდებდა ხალხს: „სალამისისკენ ვისწრაფოთ, თავი გავწიროთ სასურველი კუნძულისათვის, რათა ეს სამარცხვინო დამლა ჩამოვიცილოთ“.

ხალხი სიხარულით შეეგება სოლონის მონოდებას. მალე მკაცრი კანონი შეიცვალა და ომი განახლდა. ათენის ლაშქარს სათავეში ჩაუდგა სოლონი. მან პისისტრატოსთან ერთად, რომელიც შემდგომ ათენის ტირანად აირჩიეს, გაცურა კუნძულ სალამისის მოპირდაპირე კონცხისკენ. იქ ათენელი ქალები იმხანად ზეიმობდნენ თესმოფორიებს, რომელიც ქალღმერთ დემეტრეს პატივსაცემად იმართებოდა.³

სოლონიმა თავის მეომრებს უბრძანა, გადაეცვათ ქალის სამოსი და იარაღი მოსასხამის ქვეშ დაემაღათ. იმავე დროს სალამისზე გადაგზავნა ერთი მებრძოლი. წარგზავნილმა მეგარელებს ურჩია, ტყვედ ჩაეგდოთ ათენელი ქალები, რომლებ-



საც მრავლად მოეყარათ თავი დღესასწაულზე. მეგარელებმა ყურად იღეს მისი რჩევა, იარაღი აისხეს და ატიკის სანაპიროებს მიადგნენ. მოულოდნელად მათ თავს დაესხნენ ჩასაფრებული ათენელები პისისტრატოსის მეთაურობით. მათ მეგარელთა დიდი ნაწილი გაანადგურეს და ხელთ ჩაიგდეს ხომალდები. შემდეგ ათენელებმა გასცურეს სალამისისკენ და დაიკავეს კუნძული.

მეგარელებმა როდი სცნეს თავი დამარცხებულად. ომი გაგრძელდა. ბოლოს ორივე მხარემ გადაწყვიტა შუამავლობა ეთხოვა სპარტასთვის – იმხანად ყველაზე ძლიერი ბერძნული სახელმწიფოსთვის.

(სოლონი ოსტატურად ცდილობდა, დაემტკიცებინა სპარტელებისთვის, რომ სალამისზე ოდითგანვე ვრცელდებოდა ათენელთა უფლებები. იგი იმონებდა პოემა „ილიადას“, რომელსაც დიდად აფასებდნენ ბერძნები. „ილიადაში“, რომელიც პირველად ათენში, გადმოცემათა თანახმად, სოლონის დროს ჩაინერა, ვკითხულობთ, რომ ჰომეროსის ეპოქაში სალამისი ათენელთა ძალაუფლებას მორჩილებდა.⁴ თუმცა ჯერ კიდევ უძველეს დროში მიაჩნდათ, რომ პოემის ეს ადგილი ათენელთა მიერ იყო ჩამატებული სალამისზე საკუთარი უფლებების დასამტკიცებლად.

სპარტის ხუთმა მსაჯულმა, მოუსმინა რა ორივე მხარეს, სალამისი ათენელებს მიაკუთვნა.

ათენელთა სიხარულს საზღვარი არ ჰქონდა. სოლონის სახელს მთელს ატიკაში განადიდებდნენ. თუკი ადრე მას მხოლოდ ქალაქის მოსახლეობა სცნობდა ბელადად, დახმარებისთვის მიმართავდნენ უკვე გლეხებიც, რომლებიც უმძიმეს მდგომარეობაში იმყოფებოდნენ.

ატიკის მოსახლეობა სოფლის მეურნეობას მისდევდა, მაგრამ სოლონის დროიდან განვითარება დაიწყო ხელოსნობამაც. ათენში წარჩინებულთა (ევპატრიდთა) გარდა ცხოვრობდნენ ხელოსნები, ზღვაოსნები, მოვაჭრენი, აგრეთვე უცხოელები – მეტიოკოსები.⁵ მდიდარ ევპატრიდთა უმეტესობა ფლობდა ოდინდელ საგვარეულო მიწებს, რომელთაც ამუშავებდა მონათა და თავისუფალ გლეხთა შრომის გამოყენებით. გლეხებს მხოლოდ უმნიშვნელო ნაკვეთები ერგებოდათ. რამდენადაც საუკეთესო მიწებს ევპატრიდები ისაკუთრებდნენ, გლეხებს მიწის უფარგისობის გამო ძლივსლა შეეძლოთ საკუთარი ოჯახების გამოკვება. ისინი დახმარებისთვის მიმართავდნენ ევპატრიდებს, მათგან სესხად იღებდნენ დასათეს მარცვლეულს, თხოულობდნენ ხარებს სამიწათმოქმედო სამუშაოებისათვის.

თანდათანობით გლეხები მდიდარ ევპატრიდთა თუ ქალაქის მეგახშეთა მძიმე წნეხის ქვეშ ექცეოდნენ. მუშაობდნენ რა გამთენიიდან დაღამებამდე, ისინი იძულებულნი იყვნენ მონეული მოსავლის 1/6 ვალში მიეცათ. თუკი დროულად არ



გადაიხდიდნენ ვალს, მათი მინები ევპატრიდთა ან მევახშეთა ხელში გადადიოდა, თავად კი, ოჯახთან ერთად მონებად იქცეოდნენ.

აუტანელი შრომით ქანცგანწყვეტილი მრავალი გლეხი იძულებული იყო, მიეტოვებინა კუთვნილი მიწის ნაკვეთი, მონად გაეყიდა შვილები და ქალაქში გაქცეულიყო. შედარებით გამბედავნი კი საძულველ მჩაგვრელ-ევპატრიდთა წინააღმდეგ შეიარაღებულ ამბოხებებს აწყობდნენ, მოითხოვდნენ ვალების გაუქმებასა და საკუთარ მიწათა დაბრუნებას.

(და ბოლოს, გადატაკებულმა გლეხებმა შეძლეს ქალაქის ხელოსნებთან გაერთიანება და სოლონის არქონად არჩევა (ძვ.წ. 594 წ.).


სოლონი გახდა შუამავალი მებრძოლ პარტიათა შორის. მან მიიღო „არსებულ კანონთა შეცვლის ან შენარჩუნებისა და ახალთა შემოღების“ უფლება.

(ორივე მხარე სოლონზე დიდ იმედებს ამყარებდა. გლეხები მას სამართლიან კაცად თვლიდნენ და სწამდათ, რომ იგი მათ იმედებს გაამართლებდა. ევპატრიდები კი მიიჩნევდნენ, რომ წარჩინებულთა წრიდან გამოსული სოლონი მათ ინტერესებს დაიცავდა. ისინი იმონებდნენ მის ადრეულ გამონათქვამს: „თანასწორობას თან არ სდევს ომი“) ეს სიტყვები მოსწონდათ მდიდრებსაც და ღარიბებსაც. ერთნი იმედოვნებდნენ, რომ პატივდებულნი იქნებოდნენ ღირსებისა და დამსახურებისამებრ, სხვანი კანონმდებლისგან მიწისა და ქონების სამართლიან გადანაწილებას ელოდნენ.

ზოგნი არწმუნებდნენ სოლონს, გამხდარიყო ათენის ერთპიროვნული განმგებელი (ტირანი). მაგრამ სოლონმა უგულუბელყო ეს წინადადება. იგი ამბობდა, რომ ტირანია ეს არის ციხე, საიდანაც შეუძლებელია გამოსვლა. ადამიანი, რომელიც ძალით ჩაიგდებს ხელში უფლებებს მშობლიურ ქალაქში, არ მოისურვებს მისგან განდგომასა და აუცილებლად გამოიყენებს მას მოქალაქეთა დასათრგუნავად. მოგვიანებით, იხსენებდა რა ამ დროებას, სოლონი სიამაყით აღნიშნავდა: „ჩემი სამშობლო დავინდე და იქ ტირანიის სისასტიკე არ შემოვუშვი, ჩემი სახელი არ წავბიძგე, არ შევარცხვინე; ამას არ ვნანობ, ასე უფრო მალე მივალწვე გამარჯვებას.“ (თუმცა, უარყო რა ტირანიას, სოლონმა როდი გამოავლინა მეტისმეტი ღმობიერება. იგი ღამობდა ძალისა და სამართლიანობის შეთავსებას.)

ხდათის მიხედვით, თანამდებობის დაკავების წინ სოლონმა რჩევა ჰკითხა აპოლონის ზისანს დელფოში. ქურუმთა ღმერთებისმიერი პასუხი ასეთი იყო: „ხომალდში მჯდომმა აღასრულე მესაქის საქმე, ათენელთაგან მაშინ შენთან მრავალს იხილავ“)

[სოლონმა არ ისურვა, ანდა ვერ შეძლო გადატაკებული ხალხის ყველა სამართლიანი მოთხოვნის დაკმაყოფილება.] თავად წარჩინებულთა წრიდან გამოსული მდიდარი კაცი თვლიდა, რომ უბრალო ხალხი ევპატრიდთა თანაბარი არ უნდა



ყოფილიყო. სოლონიმა გლეხებს, მიუხედავად მათი მოთხოვნისა, კი არ გაუდიდა მინის ნაკვეთები მდიდართა ხარჯზე არამედ დაუბრუნა მხოლოდ ის, რაც მათ ვალის გამო დაკარგეს. სხვაგვარად რომ ვთქვათ, მან მინა სამართლიანად არ გადაანანილა.

(გლეხებს, რომლებიც მინის გადაანანილებას მოითხოვდნენ, იგი „მტაცებლებს“ უწოდებდა და აღნიშნავდა, რომ „შეუძლებელია მდაბიოსა და კეთილშობილს თანაბარი წილი ერგოთ“.)

მეორეს მხრივ, იგი არწმუნებდა მდიდრებს, შეენყვიცათ ღარიბთა თრგუნვა: „ხამს დავიოკოთ სიამაყე, სული აღვივსოთ ღმობიერებით, მეტისმეტსაც ნუ მოვისურვებთ, ჩვენ ხომ, თავადაც მოგვხსენებათ, მათ არ დავუთმობთ“...

(სოლონიმა გამოაცხადა, რომ სურს აღადგინოს ძველი „მამაპაპეული“ წესრიგი. მოგვიანებით, განმარტავდა რა თავის რეფორმებს, სოლონი აღნიშნავდა: „დიადაც, ხალხს სასურველი პატივი მივაგე ისე, რომ მათი უფლებები არ შემიზღუდავს, სამაგიეროდ არც ახალი მიმინიჭებია. მათზეც ვიფიქრე, ვინც ძალას და სიმდიდრეს ფლობდა, რომ არაფერი დაჰკლებოდათ“.)

(ამისთვის სოლონი ხალხისგან მადლიერებას ელოდა, წარჩინებულთაგან კი მეგობრობასა და თანადგომას. იგი ამბობდა: „მწარე სიმართლე რომ გაუწყოთ, ესეც იცოდეთ: ხალხს რაც მიეგო, სიზმრადაც არ ეზმანებოდა, ხოლო მდიდარნი და ძალმოსილნი მე უნდა მცემდნენ პატივსა და მეგობრად მალიარებდნენ“.)

(უპირველეს ყოვლისა, სოლონიმა გააუქმა ვალები და აკრძალა ვალენით გამონეული მონობა)

ათენში წესად იყო შემოღებული მოვალის მინაზე ვალის ოდენობის მაჩვენებელი ლორფინის ან ქვის სვეტის დადგმა. სოლონიმა ბრძანა ასეთი სვეტების მოხსნა, საზღვრებს მიღმა ვალში გაყიდულ გლეხთა მოძებნა და სახელმწიფოს ხარჯით გამოსხნა.

მოგვიანებით სოლონი ამის თაობაზე სიამაყით აღნიშნავდა თავის ლექსებში: „ხომ აღვასრულე ყოველივე, რაც ხალხს აღვუთქვი, რითაც ხალხი შევაკავშირე? დროის სამსჯავროს უკეთესად მოახსენებდა ამას ალბათ ოლიმპოსის⁶ ღვთაებათაგან უმაღლესი – შავადმოსილი დედამინა, მონადყოფილი, მაგრამ ახლა თავისუფალი, რომლის პირიდან ჩამოვხსენი მევალეთა ყველა ლორფინი. მშობლიურ ათენს, ღვთითნაშენებს, მე დავუბრუნე მრავალი ადამიანი: ზოგი, ვით მონა, სამართლიანად თუ უსამართლოდ გაყიდული სამანათ მიღმა, ზოგი დუნჭირი ცხოვრებისგან გადახვეწილი, ატიკის ენა რომ არც ახსოვდათ – ასეთია ყარობთა ხვედრი – მრავალიც, მონის სამარცხვინო უღლის დამთმენი, აქ, ჩვენს მინაზე ვათავი“



სუფლე. ხოლო ამას კი მივალწიე კანონის ძალით, ჩემი უფლება სამართალს რომ მიეუსადაგე“.

(სოლონის ამ ღონისძიებას „სეისასხეიები“ ეწოდება, რაც „უღლისგან განთავი-სუფლებას“ ნიშნავს.)


ვალების გაუქმებას ბოროტმზრახველთა დაპირისპირებაც მოჰყვა. თავად სოლონს მტრებმა არაკეთილსინდისიერებაში დასდეს ბრალი. ვალებზე კანონის გამოქვეყნებამდე რამდენიმე ხნით ადრე ეს განზრახვა სოლონმა თავის სამ მეგობარს გაანდო. მათ დრო იხელთეს და გამდიდრება მოისურვეს: ამ „მეგობრებმა“ მდიდრებისგან დიდძალი თანხა ისესხეს და მინის ვრცელი ნაკვეთები შეიძინეს. კანონის გამოქვეყნების შემდეგ კი არ გადაიხადეს ვალები და დაიტოვეს შესყიდული მიწები. მაშინ სოლონი დაადანაშაულეს იმაში, რომ მან წინასწარგანზრახულად აუნყა თავის მეგობრებს კანონის თაობაზე, რათა მიეღო მინის ნაწილი ფულის გადაუხდელად. მაგრამ ეს ბრალდება უმალ გაქარწყლდა, როგორც კი კანონმდებელმა პირველმა თქვა უარი ვალად გაცემული დიდძალი თანხის აღებაზე.

(შემდეგ სოლონი შეუღდა არსებული სახელმწიფოებრივი წყობის გარდაქმნას. მაზმდე, ათენში ძალაუფლება ევპატრიდების ხელში იყო. ხალხი არ მონაწილეობდა სახელმწიფოს მართვაში. ყველა საქმეს აწარმოებდა წარჩინებულთა საბჭო (არეოპაგია), რომელიც ნიშნავდა მალალი თანამდებობის პირებს (არქონებს). სამსჯავროც მათ განკარგულებაში იყო. სახალხო კრებას დაკარგული ჰქონდა ყველა უფლება.)

სახელმწიფოში ამგვარი მდგომარეობით უკმაყოფილონი იყვნენ არა მხოლოდ გლეხები და ღარიბი მოქალაქეები, არამედ ხალხის წრიდან გამოსული მდიდრებიც. უკმაყოფილება ისე იზრდებოდა, რომ ყოველდღე მოსალოდნელი იყო ხალხის რისხვის აბობოქრება.

უპირველეს ყოვლისა, სოლონმა გააუქმა დრაკონის⁷ ოდინდელი კანონები მათი გარდამეტებული სიმკაცრის გამო. ამ კანონების მიხედვით, ყოველგვარ დანაშაულზე ერთადერთი სასჯელი იყო – სიკვდილი. ასე მაგალითად, კაცი, რომელმაც ბაზარში ხილი მოიპარა, ისევე ისჯებოდა, როგორც მხეცური მკვლელობის ჩამდენი.

(სოლონმა სახელმწიფოს მართვისათვის მოიწვია არა მხოლოდ ევპატრიდები, არამედ დაბალი წარმომავლობის გამდიდრებული მოქალაქეებიც. მან საზოგადოება ოთხ ნაწილად დაყო შემოსავლის მიხედვით. ფული იმხანად იშვიათობას წარმოადგენდა და ამიტომ შემოსავალი განისაზღვრებოდა მარცვლის, ღვინის ან ზეთუნის ზეთის რაოდენობით.)



პირველ, უმაღლეს ფენას განეკუთვნებოდნენ მოქალაქენი, რომელთა შემოსავალი 500 ნილით (მარცვლის, ღვინისა და ზეთის) განისაზღვრებოდა. მათ ხუთასნილიანებს უწოდებდნენ; მეორე ფენას შეადგენდნენ მოქალაქენი 300 ნილი შემოსავლით (სამასნილიანები); მესამე ფენაში შედიოდნენ ისინი, რომელთა შემოსავალი 200 ნილს აღემატებოდა; ბოლო, მეოთხე ფენა აერთიანებდა ყველა დანარჩენს (მონათა გარდა), მათ თეტებს უწოდებდნენ.

მოქალაქეთა დაყოფა ქონებრივი მდგომარეობის მიხედვით გავლენას ახდენდა სამხედრო სამსახურებზეც. ხუთასნილიანებს ევალებოდათ, ხომალდთა და ლაშქართა აღჭურვა, სამასნილიანებს უნდა ემსახურათ ცხენოსანთა რაზმებში და თავისი სახსრებით შეენახათ საბრძოლო ცხენები (ამიტომაც უწოდებდნენ მათ მხედრებს); მესამე ფენის მოქალაქეები ქვეითი ჯარის (პოლიტიების) ძირითად მასას შეადგენდნენ, მათი შემოსავალი მძიმე შეიარაღებას ჰყოფნიდა; თეტები მესოფურებად მსახურობდნენ, ქვეით ლაშქარში კი – მსუბუქად შეიარაღებულ მებრძოლებად.

პირველი სამი ფენის მოქალაქეებს მაღალი სახელმწიფოებრივი თანამდებობების დაკავება შეეძლოთ. თეტებს კი მხოლოდ სახალხო კრებებსა და სამსჯავროებში მონაწილეობის უფლება ჰქონდათ.

(მოგვიანებით სოლონმა ევპატრიდებს ჩამოართვა სამოსამართლო უფლებები და უბრალო ხალხს გადასცა. სახალხო სამსჯავრო სოლონის დროს ყველა მოქალაქეს აერთიანებდა და ამიტომ ხალხის ინტერესებს იცავდა.)

სამსჯავროში მისვლა ყველა თავისუფალ მოქალაქეს შეეძლო. ადრე გლეხი იძულებული იყო, თავად გამოცხადებულყო სასამართლოზე. შორეულ მხარეთა მკვიდრნი ხანგრძლივი დროით ტოვებდნენ სახლ-კარს, სამუშაო დროს აცდენდნენ, რათა თავიანთი უფლებები დაეცვათ მსაჯულთა წინაშე. ახლა კი, კანონი ყოველ მოქალაქეს უფლებას ანიჭებდა დაექირავებინა შუამავალი, რომელიც მის საქმეებს მოაგვარებდა. ყოველ განაწყენებულ ან შეურაცხყოფილ მოსახლეს უფლება ჰქონდა მოეთხოვა შეურაცხყოფელის გასამართლება. ამ ბრძნული დადგენილებით აღიკვეთა ევპატრიდთა თავნებობა და უკანონობა.

როდესაც სოლონს ჰკითხეს, თუ რომელ სახელმწიფოს თვლიდა შედარებით კეთილმოწყობილად, მან უპასუხა: (იმას, სადაც მოქალაქენი ერთნაირად მფარველობენ დაჩაგრულებს და სდევნიან უსამართლობას.)

(ათენში იმხანად უმაღლეს საკანონმდებლო ძალად იქცა სახალხო კრება. მაგრამ სოლონმა არ დაუშვა, რომ ხალხს თავად ენარმოებინა საქმეები. მან შექმნა ოთხასთა საგანგებო საბჭო კანონთა წინასწარი განხილვებისთვის.) ხალხს მხოლოდ უნდა დაემტკიცებინა ან უგულებელყო კანონთა შეთავაზებული პროექტები.)



მინც, სახალხო კრება საქმეთა მიმდინარეობაზე დიდ გავლენას ახდენდა, რამდენადაც მასზე იყო დამოკიდებული უმაღლეს თანამდებობრივ პირთა არჩევა. სახალხო კრებაში მონაწილეობის უფლება ენიჭებოდათ მხოლოდ ათენის სრულუფლებიან მოქალაქეებს. მონებს, ქალებსა და მეტოიკოსებს ეს უფლებები არ გააჩნდათ.

(კანონთა დაცვა და მათი აღსრულების ზედამხედველობა მინდობილი ჰქონდა არეოპაგს.)

(ათენის ნიადაგი მწირი იყო და მინათმოქმედებისათვის მოუხერხებელი. ხალხს, განსაკუთრებით კი ქალაქის მოსახლეობას, არ ჰყოფნიდა საკუთარი პური. აუცილებელი იყო მისი შემოტანა ადგილობრივ ხელოსანთა ნაწარმის გაცვლის გზით. ამიტომ იგი, ვინც არ იცოდა რაიმე ხელობა ან არ ისურვებდა მუშაობას, იძულებული ხდებოდა, ეშიმშილა ან ემათხოვრა.)

სოლონი ხელს უწყობდა ხელოსნობის განვითარებას. ქვეყნად მათხოვრები რომ არ ყოფილიყვნენ, გამოსცა კანონი, რომლის თანახმადაც შვილს უფლება ენიჭებოდა, არ ეზრუნა ღრმად მოხუცებულ მამაზე, თუ მისი შემწეობით რაიმე ხელობას არ ფლობდა.

(სხვა კანონთაგან საინტერესოა კიდევ ერთი: სამოქალაქო არეულობის უამს ყოველი უნდა მიმზრობოდა რომელიმე ჯგუფს. ამით კანონმდებელს სურდა მოქალაქეებში საზოგადოებრივი საქმეებისადმი ინტერესის ჩვევა აღედგა.) სოლონი თვლიდა, რომ მოქალაქეს კი არ უნდა ეცადა, როდის მიაღწევდნენ გამარჯვებას უძლიერესნი, არამედ თავად უნდა ებძროლა სამართლიანი საქმისათვის.


(სოლონის კანონებს ასი წლის მანძილზე უნდა ემოქმედათ. ისინი დაინერა ხის დაფებზე და ჩაისვა ოთხკუთხა მბრუნავ ჩარჩოებში, რათა უფრო მოხერხებული ყოფილიყო მათი წაკითხვა.)

როდესაც კანონები ამოქმედდა, კანონმდებელთან იწყეს მოსვლა უკმაყოფილო მოქალაქეებმა.

სოლონიმა თავისი რეფორმებით ვერ ასიამოვნა ვერც ერთ, ვერც მეორე მხარეს. ღარიბნი, აღშფოთებულნი იმით, რომ ვერ ეღირსნენ მინათა გადანაწილებას, ვერ დააღნიეს თავი დამორგუნველ სიღარიბესა და მძიმე შრომას, განაგრძობდნენ ბრძოლას. მდიდარნი კი ვალების გაუქმების გამო გამოდნენ სოლონს.

სოლონი დარწმუნდა, რომ ორივე მხარე უკმაყოფილო იყო მისი რეფორმებით. იგი აღნიშნავდა, რომ გლეხებმა „სურდათ ეძარცვათ, ყოველს ეგონა, კეთილდღეობას მიაღწევდა დაუსრულებელს; ყოველს ეგონა, სისასტიკე იმალებოდა ჩემი სანდომიანი სახის ქვეშ. ფუჭი გამოდგა მათი იმედი... ისე ბოროტად მიმზერენ ახლა, თითქოსდა მტერი ვიყო მათი.“

ბარბარული კოლონიზაცია (ძვ.წ. VIII-V სს.)





სოლონი ერთობ მძიმე მდგომარეობაში ჩავარდა. თავადვე წერდა: „ყოველი მხრიდან თავს ვიცავდი, ვითარცა მგელი ქოფაკთა შორის... სხვა ჩემს ადგილას, – განაგრძობდა პოეტი, – ხალხს ვერაფრით დააოკებდა, სამაგიეროდ, მოხდიდა ნა-ღებს და შეანჯღრევდა რძეს.“⁸ მე კი ვიდექი მხოლოდ, როგორც სამანი ორ ლაშქარს შორის“.

(კანონმდებელს ესმოდა, რომ ასეთ მნიშვნელოვან საქმეში ძნელი იყო ყველას ამება. თანამოქალაქეთა მოსალოდნელ ბოროტებას რომ გაქცეოდა, მან გადანწყობა, ათი წლით გასცლოდა მშობლიურ ქალაქს. იმ მიზეზით, რომ სავაჭრო საქმეთა მოსაგვარებლად საჭირო იყო ზღვის მიღმა ქვეყნებში წასვლა, სოლონიმა დატოვა ათენი. გადმოცემათა თანახმად, გამგზავრების წინ მან ფიცი დაადებინა მოქალაქეებს, რომ ათი წლის განმავლობაში კანონებს არ შეცვლიდნენ.)

(უპირველეს ყოვლისა, იგი ეწვია ეგვიპტეს და საცხოვრებლად დასახლდა ქალაქ კანოპისში. ეს იყო მსხვილი სავაჭრო ნავსადგომი მდინარე ნილოსის სანაპიროზე. ეგვიპტეში სოლონი დაუახლოვდა განსწავლულ ეგვიპტელ ქურუმებს.)

ქურუმთაგან მან მოისმინა ოდინდელი გადმოცემა ჩაძირულ ატლანტისზე. ეს იყო კუნძული, რომელიც ქურუმთა ცნობით, მდებარეობდა ატლანტის ოკეანეში, შიბრალტარის სრუტის დასავლეთით. ამ მჭიდროდ დასახლებული კუნძულის მკვიდრნი სიმდიდრით ყოფილან გამორჩეულნი. მიწისძვრის დროს მთელი ხმელეთი ზღვას დაუფარავს, მოსახლენი კი დაღუპულან.

შემდეგ სოლონი გაემართა კვიპროსისაკენ, სადაც ერთ-ერთმა მეფემ იგი გულთბილად მიიღო. (სოლონიმა მეფეს ურჩია დედაქალაქი სხვა ადგილას გადაეტანა და უწინდელზე უფრო ლამაზად აეშენებინა. მეფე დათანხმდა. ახალი ქალაქი სოლონის მეთვალყურეობით შენდებოდა.)


(ამის შემდეგ სოლონი ლიდიის (მცირე აზიაში) სახელოვან მეფე კროისოსს ესტუმრა.)

ლიდიის მეფე კროისოსი თავისი აღურაცხელი სიმდიდრით იყო სახელგანთქმული. დიდძალი ქონების მფლობელზე ახლაც ამბობენ: „მდიდარიანო კროისოსივით“.

სარდეს სამეფო სასახლე ბრწყინავდა ძვირფასეულობითა და დიდებულებით, წარჩინებულთა სამოსი კი მთელ ქონებად შეფასდებოდა.

სასახლის კარზე სეირნობისას სოლონიმა იხილა უძვირფასეს სამოსში გამოწყობილი მრავალი დიდებული, თითოეული მათგანი მას ლიდიის განმგებელი ეგონა. ბოლოს იგი მეფეს წარუდგინეს.

კროისოსს სურდა, გაეოგნებინა სტუმარი. შეიმოსა უძვირფასესი, ნაირფერი სამოსით, რომელსაც ამშვენებდა იშვიათი ოსტატობით ნაკეთი ოქროსა და პატიოსანი თვლების ფასდაუდებელი სამკაულები. შემდეგ მეფემ ბრძანა, სოლონისათ



ვის ეჩვენებინათ თავისი საგანძურები და სასახლის უბრწყინვალესი დარბაზები. მაგრამ სოლონს არ გამოუხატავს ალტაცება. სასახლისა და საგანძურთა დათვალიერების შემდეგ სტუმარი კვლავ წარუდგინეს მეფეს, რომელმაც ამგვარი კითხვით მიმართა ბრძენკაცს: „ჩემზე ბედნიერს თუ იცნობდი ოდესმე ვინმეს?“ მეფე ელოდა, რომ უცხოელი მას აღიარებდა უბედნიერესად. სოლონმა კი ასე მიუგო: „უბედნიერეს კაცად ამქვეყნად მე მივიჩნევდი ათუნელ ტელოსს; იგი პატიოსანი და სამართლიანი კაცი იყო, შვილებიც პატიოსან და ღირსეულ მოქალაქეებად აღზარდა. ბოლოს სიკვდილიც დიდებული ჰქონდა ამ ტელოსს: სამშობლოსათვის მებრძოლი გმირულად დაეცა ბრძოლის ველზე“.

კროისოსმა სოლონი უცნაურ კაცად მიიჩნია. მას ვერ გაეგო, როგორ შეიძლება ბოდა უბრალო კაცის ცხოვრება ძლევამოსილი მეფის ცხოვრებაზე ღირსეული ყოფილიყო. და მანაც კროისოსმა კვლავ ჰკითხა სოლონს; „ტელოსის მერე ვის მიიჩნევო უბედნიერესად?“ იგი ელოდა, რომ ახლა მანაც დაასახელებდა ეს „უცნაური კაცი“ უბედნიერესად. მაგრამ სოლონმა კროისოსს საოცარი რამ უამბო ორ ჭაბუკ ძმაზე, რომლებმაც სახელი გაითქვეს დედისადმი უსაზღვრო სიყვარულით: ძლევამოსილი იყვნენ ეს ძმები, ისინი მუდამ იმარჯვებდნენ სპორტულ ასპარეზობებზე. მათი დედა კი ქალღმერთ ჰერას ქურუმი იყო. ძველი ადათით, დღესასწაულის დღეებში ჰერას ქურუმი საზეიმო სვლით მიემართებოდა ღვთაების ტაძრისკენ ეტლით, რომელშიც ხარები იყვნენ შებმულნი. იმხანად ჰერას დღესასწაულს აღნიშნავდნენ ბერძნები. დედა ტაძრისკენ წასასვლელად გაემზადა, მაგრამ ეტლში შესაბმელი ხარები ველად გაიჭრნენ და უკან აღარ დაბრუნებულან. მაშინ ჭაბუკებმა დაიდგეს ეტლის მძიმე უღელი და თავიანთი დედა – ჰერას ქურუმი – ქალაქში ჩაიყვანეს. ზეიმის შემდეგ დედამ ლოცვით მიმართა ქალღმერთს, მისი შვილებისათვის ამ გმირობის წილ ადამიანთათვის განკუთვნილი უმაღლესი ბედნიერება მიენიჭებინა. ღმერთქალმა აღასრულა დედის ვედრება: იმ საღამოს ყველა ჭაბუკთა სიქველეს განადიდებდა. სიამაყით აღვისილმა გმირებმა დაიძინეს და დილას აღარ გამოიღვიძეს. გარდაიცვალნენ უშფოთველად თანამოქალაქეთა შორის ერთობ პატივდებულნი, მიაღწიეს რა დიდების უმაღლეს მწვერვალს. განა წარმოსადგენია ამაზე დიდი ბედნიერება მოკვდავისათვის?! „როგორ? – ახლა უკვე გაგულისებით შეჰყვირა კროისოსმა, – განა მე არ მთვლი ბედნიერად?“ სოლონმა, რომელსაც არც ის სურდა, რომ პირფერობით მოეგო მეფის გული და არც ის, რომ მისი მრისხანება გამოეწვია, ასე მიუგო: „ლიდიელთა დიდო მეფეო, სხვა წყალობასთან ერთად ღმერთმა ჩვენ, ბერძენთ, ზომიერების გრძნობაც მოგვანიჭა. ჩვენ ვხედავთ, რომ ადამიანის ცხოვრება ცვალებადია. ამიტომ არ ღირს, აწმყოს სიკეთით მეტისმეტად ვიამაყოთ და გავიკვირვოთ ადამიანის ბედნიერება, რომე-



ლიც დროისაგან განწირულია და როცა იქნება, შეიცვლება. თითოეული ჩვენთაგანის მომავალი ბურუსითაა მოცული. ჩვენ მხოლოდ იმას ვთვლით ბედნიერად, ვისაც ღმერთმა ბედნიერი ბოლო უბოძა. ცოცხალი და ამიტომაც ჯერ კიდევ საფრთხეში მყოფი ადამიანის ნეტარად აღიარება ისევე ნადრევეია, როგორც შუა ბრძოლაში მყოფი მებრძოლისათვის გამარჯვებულის სახელისა და გვირგვინის მიკუთვნება." – თქვა სოლონმა და თვალს მიეფარა. კროისოსმა კი, უცნაურ სტუმართან საუბრით შეურაცხყოფილმა, მიაშურა თავის განსაცხრომელს.


იმხანად სარდეში იმყოფებოდა ასევე სახელმოხვეჭილი მეიგავე ესოპოსი, რომელიც კროისოსს სოლონის მსგავსად თავის კარზე ჰყავდა მინვეული. ესოპოსი მეტისმეტად შეწუხდა, როცა გაიგო, სოლონის მიმართ სიტბო რომ არ გამოიჩინეს ლიდიელმა დიდებულებმა. როდესაც იგი შეხვდა ბერძენ ბრძენს, ასე უთხრა: „მეფეებს, სოლონ, ან სულ არ უნდა გაეკარო, და თუ ეწვევი, გუნდრუკიც უნდა უკმოი“.

„უფრო სწორად კი, – ასე მოუჭრა მას სოლონმა, – თუკი მეფესთან მივა კაცი, მხოლოდ სიმართლე უნდა უთხრას!“

მართალი გამოდგა სოლონი. რამდენიმე ხნის შემდეგ კროისოსი სპარსეთის მეფე კიროსის წინააღმდეგ წარმოებულ ბრძოლაში დამარცხდა. სარდე დაემხო. ტყვედ ჩავარდნილ კროისოსს კი კოცონზე დანვა მიუსაჯეს. მეფე კიროსისა და სპარსელ დიდებულთა თვალწინ ლიდის განმგებელი კოცონზე აიყვანეს. ამ დროს სასონრაკვეთილ კროისოსს აღმოხდა: „ეჰ, სოლონ, სოლონ!“ გაოცებულმა კიროსმა ბრძანა, ეკითხათ, თუ ვინ იყო ეს სოლონი, რომელსაც სიკვდილის წინ მოუხმობდა ბედკრული ტყვე. ასე მიუგო კროისოსმა: „იგი ბერძენი ბრძენი გახლავთ, კარზე მენვია და მიჩრია, სიცოცხლის დასასრულს დავლოდებოდი და წარმავალი ბედნიერებით მეტისმეტად არ მემამყნა. არ შევისმინე მისი სიტყვა, რადგანაც მხოლოდ ჩემს სიმდიდრეზე ვფიქრობდი, მასში ვხედავდი ბედნიერებას. მიხაროდა, რომ ჩემი სიმდიდრისა და ბედნიერების ამბავი მთელ ქვეყანას ეფინებოდა“. ამ აღიარების გამო კიროსმა შეინყალა კროისოსი და სიცოცხლე უბოძა. ასე გადაარჩინა სოლონმა განწირული მეფე.

ათენიდან სოლონის წასვლის შემდეგ ისევ დაინყო მღელვარება და პარტიათა ბრძოლა. მოქალაქეთა შორის იმდენად დიდი იყო უთანხმოება, რომ მათ ვერ შეძლეს კარგა ხანს არქონის არჩევა.

საზოგადოება დაიყო სამ მოწინააღმდეგე ჯგუფად თუ პარტიად. პირველ პარტიას მიეკუთვნებოდნენ ათენის მახლობლად მდებარე ნაყოფიერი მიწების მკვიდრნი, ძირითადად ევპატრიდები. მათ სურდათ სოლონამდელი წყობის აღდგენა, ანუ გლეხთა დაკაბალება. მეორე პარტიას წარმოადგენდნენ სანაპირო ზოლის მცხოვრებნი – ვაჭრები და ხელოსნები; ისინი ახალი, სოლონის წყობის მომხრენი



იყენენ. დაბოლოს, მესამე პარტიას შეადგენდნენ ატიკის მთიანი მხარის გლეხები, რომლებიც მიწათა გადანაწილებას მოითხოვდნენ. ამ პარტიას მხარს უჭერდა ქალაქის ღარიბი მოსახლეობა და ვაჭართა ნაწილი. მათ სიკვდილივით სძულდათ მდიდრები. ამ პარტიის სათავეში იდგა სოლონის შორეული ნათესავი პისისტრატოსი, მეგარელების წინააღმდეგ ბრძოლაში გამარჯვებული და სახელმორჩბული მხედართმთავარი.

ათენს ჯერ კიდევ სოლონის კანონებით მართავდნენ, მაგრამ მრავალი მემბოხე სახელმწიფოებრივი გადატრიალების მოსურნე იყო.

ასეთი დახვედა სოლონს ათენი, როდესაც იგი მოგზაურობიდან დაბრუნდა. მოქალაქეებმა მას ღირსეული შეხვედრა მოუწყვეს.

სოლონი უკვე ხანდაზმული იყო და არ შეეძლო, იქნებ არც სურდა, ხალხის წინაშე გამოსვლა და პარტიათა შუღლში ჩარევა. იგი ძველებურად ცდილობდა მონინააღმდეგეთა შერიგებას.


გლეხთა ბელადმა პისისტრატოსმა, ჩანს, სხვებზე მეტად შეისმინა სოლონის სიტყვები. იგი, პატივმოყვარე, ჭკვიანი და საქმიანი კაცი, თვლიდა, რომ მხოლოდ ძალაუფლების ხელში ჩაგდება შეძლებდა ღარიბთა სამართლიანი მოთხოვნების აღსრულებას.

სოლონი მალე მიუხვდა თავმოყვარე პისისტრატოსს ტირანობას რომ ესწრაფოდა და მისი გონზე მოყვანა სცადა. „პისისტრატოსის გულიდან რომ მბრძანებლობისადმი სწრაფვა აღმოგვაფხვრევინა, – ამბობდა სოლონი, – მოქალაქეთა შორის იგი საუკეთესო იქნებოდა“.

სწორედ იმ ხანებში ცნობილმა დრამატურგმა თესპიდესმა ახალი ტრაგედია დადგა. რაკი სოლონი ბუნებით ცოდნისმოყვარე კაცი იყო და სიბერის უამს თავი მისცა განცხრომასა და მხიარულებას, ხალხით გაემართა თესპიდესის სანახავად, რომელიც, ძველი წესის თანახმად, თავადვე მსახიობობდა.

ტრაგედიაში გამოთქმული მოსაზრებები სოლონს არ მოეწონა. მან თესპიდესი იხმო და ჰკითხა: „ნუთუ არ გრცხვენია, ამდენი მაყურებლის წინაშე ასე რომ ტყუი?“ თესპიდესმა მიუგო: „გასართობად ნათქვამ ტყუილში სათაკილოს ვერაფერს ვხედავ“. მაშინ სოლონმა ჯოხი დაჰკრა მიწას და გაგულისებულმა წამოიძახა: „აი, ამ გართობას, ხალხმა რომ ასე აიტაცა, სულ მალე სამოქალაქო ხელშეკრულებებში აღმოვაჩინთ!“

ძალაუფლება ხელთ რომ ჩაეგდო, პისისტრატოსმა ხერხს მიმართა – თავი დაიჭრა. ნაიარევი მიიყვანეს იგი აგორაზე, სადაც სახალხო კრება უნდა გამართულიყო. პისისტრატოსმა განაცხადა, რომ დაჭრეს ევპატრიდებმა, რომელთაც მისი სიკვდილი სურდათ. ხალხმა მას თანაუგრძნო.



სოლონიც მოვიდა აგორაზე და ასე მიმართა ხალხის წინამძღოლს: „პისისტრატოს, ძალიან ცუდად ვბაძავ პომეროსის ოდისევსს. მან მტერთა მოსატყუებლად დაიჭრა თავი, შენ კი ყველაფერს იმიტომ ჩადიხარ, რომ თანამოქალაქენი შეაცდინო!“

დაიწყო სახალხო კრება. ერთერთმა მოქალაქემ დამსწრეთ შესთავაზა, პისისტრატოსისათვის გამოეყოთ დაცვა შეიარაღებულ მებრძოლთა სახით, რომლებიც აარიდებდნენ მას თავდასხმებს. სოლონი წინააღმდეგი იყო, მაგრამ ხალხის ნებას დაჰყვა. მათი მეოხებით კი პისისტრატოსმა მალე ხელში ჩაიგდო აკროპოლისი და ტირანობას მიაღწია (ძვ.წ. 561 წ.).

(პისისტრატოსის მოწინააღმდეგეები ათენიდან გაიქცნენ. სოლონი კი გამოვიდა მოედანზე და სიტყვით მიმართა ათენელებს. იგი გმობდა ხალხის უმეცრებას, სიბრიყვეს და ქადაგებდა, სამშობლო და თავისუფლება არ ჩაეგდოთ ტირანის ხელში. მაგრამ პისისტრატოსის შეპირებებს მინდობილმა ხალხმა არ ისურვა მისი მოსმენა.)


მაშინ სოლონი დაბრუნდა სახლში, აიღო თავისი იარაღი და კარის ზღურბლთან დადო ამ სიტყვებით: „სანამ შემეძლო, სამშობლოსა და კანონებს ვიცავდი, ან კი, მოვხუცდი“.

მეგობრები ურჩევდნენ სოლონს, გადახვენილიყო სამშობლოდან. ისინი არწმუნებდნენ მას, რომ ტირანი აუცილებლად დასჯიდა. ხოლო სოლონი პასუხობდა, რომ მან უკვე იმ ასაკს მიაღწია, როცა სიკვდილის არ ეშინიათ. პისისტრატოსმა კი, მოულოდნელად, სოლონს ნდობა გამოუცხადა და თავის მრჩეველად მიიწვია.

პისისტრატოსმა სოლონის კანონთა დიდი ნაწილი შეუცვლელი დატოვა და თავადვე იძლეოდა უწინარეს მათი მორჩილების ნიშნებს. ასე მოხდა მაშინ, როდესაც უკვე ტირანი, სამსჯავროზე მიიწვიეს და ბრალი დასდეს მკვლელობაში. იგი, ვითარცა ჩვეულებრივი მოქალაქე, სამსჯავროს წინაშე წარდგა თავდასაცავად. მაგრამ შეშინდა ბრალმდებელი და სასამართლოზე არ გამოცხადდა.



რამდენადაც პისისტრატოსის ყველა ქმედება მიმართული იყო უბრალო ხალხისა და ღარიბთა საკეთილდღეოდ, იგი სოლონის შე-



ქებას იმსახურებდა. მადლიერმა ხალხმა კი პისისტრატოსის მმართველობის ხანას „ოქროს საუკუნე“ შეარქვეს.

ცხოვრების ბოლოს სოლონმა ლიტერატურულ მოღვაწეობას მიჰყო ხელი. „ახლა მე მხოლოდ პოეზია მანიჭებს სიამოვნებას. კიპროსშობილი აფროდიტე მესათნობა, და დიონისე, და მუზები – ყველაფერი, რაც კაცს ახალისებს“, – წერდა იგი.

ღრმად მოხუცებული გარდაიცვალა სოლონი, ღვანღმოსილი სახელმწიფო მოღვაწე და პოეტი.





შენიშვნები:

¹ ანტიკურ სამყაროში წესად იყო რჩეულ დიდოსტატთა ნუსხების შედგენა. ჩვენამდე მოაღწია სახელოვან პოეტთა, ტრაგიკოსთა და სხვა ნუსხებმა. განსაკუთრებული რუდუნებით შეუდგენიათ ძველებს ღვანღმოსილ სწავლულთა, მოაზროვნეთა და კანონმდებელთა შორის სიბრძნით აღმატებულთა ნუსხა. ისინი შეიძენი იყვნენ: ათენელი სოლონი, მიტილენელი პიტაკოსი, ლინდოსელი კლეობულოსი, კორინთოსელი პერიანდროსი, სპარტელი ქილონი, მილეტოსელი თალესი და პრიენელი ბიასი.

² კოდროსი ბრძნულად განაგებდა ატიკას, რომელსაც მოულოდნელად თავს დაესხნენ დორიელები. დელფოს ორაკულმა განაცხადა: „მტერი ვერ ჩაიგდება ხელში ათენს, თუ მისი მეფე დაილუპება“. მაშინ კოდროსი მათხოვრის სამოსით შეიმოსა, მტრის ბანაკს მიუახლოვდა და უაზრო ჩხუბი წამოიწყო. დორიელმა მეომრებმა „ათენელი მათხოვარი“ სიცოცხლეს გამოასალმეს. ორაკულის სიტყვა გამართლდა. მტრმა ვერ დაარბია ქალაქი. ათენელებმა ირწმუნეს, რომ მსგავს მეფეს ველარ ეღირსებოდნენ; მათ გააუქმეს მეფის ძალაუფლება და დააარსეს რესპუბლიკა. სინამდვილეში ძალაუფლება წარჩინებულთა გვარის წარმომადგენელთა ხელში გადავიდა.

³ დემეტრე – ნაყოფიერებისა და მინათობქმედების ღვთაება. მის პატივსაცემად იმართებოდა საყოველთაო ზეიმი – თესმოფორიები. ეს იყო მინის სამუშაოთა დასრულების შემდეგ მონყობილი ხუთდღიანი ღლესასწაული, როდესაც ღვთაებას მადლს სწირავდნენ გარდმოვლენილი სიკეთისათვის.

⁴ ჰომეროსის პოემები პირველად ჩაინერეს ათენში ტირან პისისტრატოსის დროს.

⁵ მეტიოკოსები, ჩვეულებრივ, იყვნენ სხვა ქალაქსახელმწიფოთა მკვიდრნი. ისინი ლაპარაკობდნენ ბერძნულად, მრავალი წელი ცხოვრობდნენ ათენში, მაგრამ არ ჰქონდათ თანამდებობათა დაკავებისა თუ სახალხო კრებებზე დასწრების უფლება. იკრძალებოდა ათენელთა და მეტიოკოსთა ქორწინებაც.

⁶ ბერძნები თავყანს სცემდნენ ზეციურ და მინისქვეშა ღვთაებებს. მათ სწამდათ, რომ ზეციური ღმერთები ცხოვრობდნენ საბერძნეთის ყველაზე მაღალი მთის – ოლიმპოსის თბებზე (თესალიაში); ამიტომ ღმერთებს უწოდებდნენ „ოლიმპიელებს“.

⁷ დრაკონი – პირველი კანონმდებელი ათენში (დაახლ. ძვ.წ. 620 წ.). თანამედროვე გაგებით დრაკონის კანონი მკაცრ, სასტიკ კანონს გულისხმობს.

⁸ იგულისხმება: გახდებოდა ერთპიროვნული მმართველი – ტირანი.



თემისტოკლესი

ათინელი მთავარსარდალი


და პოლიტიკოსი

(დაახლ. ძვ.წ. 526-460 წწ.)



ეპოქა, როდესაც მოღვაწეობდა თემისტოკლესი, მეტად რთული და დაძაბული ისტორიული პროცესებით გამოირჩეოდა. ეს იყო ბერძენ-სპარსელთა ომების (ძვ.წ. 500-449 წწ.) პერიოდი, რომელსაც ძველი მსოფლიოს განვითარებაში ეტაპური მნიშვნელობა ჰქონდა: ერთმანეთს დაუპირისპირდა ორი სამყარო, ორი კულტურა. იმხანად იმდენად ძლევამოსილი იყო სპარსეთის სახელმწიფო, რომ მისი დამარცხება შეუძლებელი ჩანდა. სპარსელთა უზარმაზარი არმიის მიახლოებას კონტინენტურ საბერძნეთთან ელინები შიშით უმზერდნენ. საბერძნეთის მრავალი ოლქი მზად იყო, უომრად დამორჩილებოდა მტერს, მხოლოდ სპარტა და ათენი ცდილობდნენ, დაეცვათ საკუთარი თავისუფლება. ბერძენ-სპარსელთა ომებმა წარმოაჩინეს სამშობლოსათვის მეზობლ ბერძენთა თაობა. ისტორიამ მცირეოდენი ცნობები შემოგვინახა მათ ცხოვრებასა და გმირობაზე. ხალხის რჩეულ ბელადთა ბიოგრაფიები მესხიურებაში შემოაჩნა სამშობლოსადმი უანგარიო თავდადების ნიმუშად სპარსეთის წინააღმდეგ მიმართულ გამათავისუფლებელ ბრძოლაში. განსაკუთრებულ ინტერესს იწვევს ათენის დემოკრატითა ბელადის, თემისტოკლესის ცხოვრება.

მომავალ სტრატეგოსს არ ჰქონია ისეთი ჩამომავლობა, რომ მას სახელის მოხვეჭაში შეშველებოდა. იგი ათენის ერთ-ერთი დემოსის, ფრეარეს მკვიდრი იყო და მამის მხრიდან ლიკომიდების უძველეს გვარს მიეკუთვნებოდა. დედამისი არ იყო ათენელი და ამიტომ თანამოქალაქეთაგან ზოგიერთები მის წარმომავლობას



აუგად მოიხსენიებდნენ, სრულუფლებიან ათენელად არ სცნობდნენ¹ და სიძულელით ეპყრობოდნენ.

ამგვარმა დამოკიდებულებამ თემისტოკლესში ბავშვობიდანვე განავითარა ავადმყოფური თავმოყვარეობის გრძნობა. ყოველთვის – თამაშის, სპორტული ვარჯიშებისა თუ მეცადინეობათა უამს იგი პირველობას ლამობდა. ნიჭიერი ჭაბუკი სახელის მოხვეჭაზე ოცნებობდა, რათა საქმეთა ბრწყინვალეობით ყველასათვის დაევიწყებინა მისი წარმომავლობა. თავისუფალ დროს, მეცადინეობების შემდეგ, იგი უქმად კი არ იყო, არამედ თხზავდა სიტყვებს, რადგანაც იცოდა, რომ ათენში რჩეულთა შორის მოხვდებოდა მხოლოდ ის, ვინც სახალხო კრებაზე გამოსული შეძლებდა ხალხის მიმზრობას. მოძღვარმა, მიაქცია რა ყურადღება მის ნიჭსა და უნარს, უწინასწარმეტყველა: „შენგან, ყმანვილო, ან ძლიერ კარგი კაცი დადგება, ან ძლიერ ცუდი. უბადრუკი შენ არ იქნები!“ თემისტოკლესის თანამედროვენი ხშირად იხსენებდნენ მოძღვრის ამ სიტყვებს.

ერთნაირი გულმოდგინებით როდი ეუფლებოდა ჭაბუკი ყველა მეცნიერებას. ათენელის განათლებისათვის აუცილებელ მუსიკას, პოეზიასა და სხვა საგნებს იგი იძულებით სწავლობდა. სამაგიეროდ, ყოველელივე ის, რაც სახელმწიფოს მომავალ განმგებელს გამოადგებოდა, ძლიერ იტაცებდა. მოგვიანებით თუკი ვინმე მასხრად აიგდებდა თემისტოკლესს იმის გამო, რომ მან დახვეწილი განათლება ვერ მიიღო, იგი ამაყად უპასუხებდა: „მართალია, ჩანგის აწყობა და ბარბითზე დაკვრა არ ვიცი, სამაგიეროდ განვადიდე და ძლევა მოსილი გავხადე მშობლიური ათენი“.

ადრეულ ახალგაზრდობაში თემისტოკლესი თავშეუტყავებელი იყო და ხშირად წინდაუხედავადაც იქცეოდა. წარჩინებულ ათენელთაგან შეურაცხმყოფელი დამოკიდებულება აშმაგებდა. იგი ლამობდა, გამორჩეული ყოფილიყო თუნდაც სიცუდით. მოგვიანებით, უკვე სახელმწიფო მოღვაწე იკონებდა რა თავის ბავშვობას, ასე ამბობდა: „ყველაზე ურა და დაუოკებელი კვიციებიც კი საუკეთესო ბედაურებად იქცევიან, თუ მათ ჯეროვნად განვრთნიან და გახედნავენო“.

თემისტოკლესის ახალგაზრდულმა ქცევებმა შემდგომ მის მტრებს საშუალება მისცა ხალხისთვის შეეხსენებინათ ძველი ცოდვები, უფრო მეტიც, დაებრალებინათ მისთვის განზრახ ჩადენილი დანაშაული. ჰყვებოდნენ, თითქოს მამამ უარყო თემისტოკლესი და ჩამოართვა მემკვიდრეობის უფლება, ხოლო დედამ, შვილის სამარცხვინო საქციელით სასონარკვეთილმა, თავი მოიკლა. ეს ყოველივე, რა თქმა უნდა, მონაგონია, მაგრამ ახალგაზრდა კაცის საქციელი, ალბათ, იძლეოდა ამგვარი ბრალდების საბაზს.

დიდების წადილმა მალე ჩაახშო ჭაბუკში მანვე ვნებები. მამის წინააღმდეგობისა და მიუხედავად მან სახალხო კრებებზე დაიწყო გამოსვლა. არ ეპუებოდა რა




არისტოკრატებს, იგი მოითხოვდა ძირეულ გარდაქმნათა განხორციელებას ჯარსა თუ სახელმწიფოში, რითაც ფართო საზოგადოების მონონება დაიმსახურა.

თემისტოკლესის სამშობლოსათვის მძიმე დრო იდგა. მრისხანე ღრუბლები იკრიბოდნენ აღმოსავლეთით. ძლევამოსილი სპარსეთის სამეფო ძველებურად ემუქრებოდა ელადის პატარა, დაქსაქსულ ქალაქთა დამოუკიდებელ არსებობას. ახალი დაპყრობები აუცილებელი იყო სპარსეთის მეფეებისთვის ძალაუფლების განსამტკიცებლად და საბერძნეთზე ლაშქრობის პირველი მარცხები მათ ვერ შეაჩერებდნენ. თვით მარათონის ბრძოლამაც,² რომელიც „დიადი მეფის“ აქამდე დაუმარცხებელი არმიის სრული განადგურებით დასრულდა, ვერ შეაკრთო სპარსელები: მეტისმეტად ცხადი იყო ეგვიპტიდან ინდოეთის მდინარეებამდე გადაჭიმული უზარმაზარი სამეფოს ძალთა უაღრესობა საბერძნეთის პატარა და თავისუფლებისმოყვარე სახელმწიფოსთან შედარებით.

მაგრამ ათენში არცთუ ისე მცირე იყო იმ ადამიანთა რიცხვი, რომელთაც სჯეროდათ, რომ სპარსელებთან ომი აღარ განახლდებოდა. ისინი ვერ ხედავდნენ და არც უნდოდათ დაენახათ საფრთხე, რომელიც მათ სამშობლოს ემუქრებოდა. ესენი ძირითადად არისტოკრატები იყვნენ, მათ შორის იყო მარათონის გმირი მილტიადესი. ამ ადამიანებმა იცოდნენ, რომ ომისათვის მზადებას მოჰყვებოდა ათენელ ლარიბთა განვევა არმიაში, ეს კი ნიშნავდა მათთვის უფლების მინიჭებას სახელმწიფოს მმართველობაში. აი, რად არ აქცევდნენ ეს არისტოკრატები (რომელთა შორისაც იყვნენ სპარსელთა მიერ მოსყიდული მოლალატენი) ყურადღებას სპარსელთა საბრძოლო მზადყოფნას, რად მოუნოდებდნენ მოქალაქეებს, შეენარჩუნებინათ სიმშვიდე და არ დათანხმოდნენ სახელმწიფოში მოსალოდნელ გარდაქმნებს. იმხანად ათენის სათავეში მდგომი არისტოკრატები უიმედო საქმედ მიიჩნევდნენ ძლევამოსილი სპარსეთის წინააღმდეგ გალაშქრებას. თემისტოკლესს ესმოდა, რომ მარათონის ბრძოლა სპარსეთთან ხანგრძლივი და დაძაბული ომის დასაწყისი იყო მხოლოდ. მას მიაჩნდა, რომ აუცილებელი იყო თავდაცვისათვის მზადების გაძლიერება. შეგნებული ჰქონდა რა, რომ სპარსეთის ლაშქარი ათგზის მინც აღემატებოდა მთელი საბერძნეთის სახელმწიფოთა გაერთიანებულ არმიას, იგი ბერძნეთა ერთადერთ ხსნას ძლიერი ფლოტის შექმნაში ხედავდა.

მოვლენები თემისტოკლესის წინდახედულების სიმართლეს ამტკიცებდნენ. მას შემდეგ, რაც ბერძნებმა ზღვაზე გამარჯვება მოიპოვეს, სპარსელებმა ველარ შეძლეს ბრძოლის გაგრძელება, თუმცა მათი ქვეითი ჯარები ძლიერებას ინარჩუნებდნენ.

ათენელთა დიდ ნაწილს შეგნებული ჰქონდა მძლავრი საბრძოლო ფლოტის შენების აუცილებლობა, მაგრამ სახელმწიფოს არ გააჩნდა ხომალდების აგებისათვის საჭირო სახსრები. მაშინ თემისტოკლესმა, იცოდა რა, რომ დაიმსახურებდა



არისტოკრატთა რისხვას, მანაც გაბედა და სახალხო კრებას შესთავაზა ლავრიონის სახელმწიფო საზოგადოების მთელი შემოსავლის ფლოტის მშენებლობისათვის გამოყენება.

ოდესღაც ლავრიონის ვერცხლის საბადოები ათენელ ტირანთა საკუთრება იყო. ტირანიის დამხობის შემდეგ საბადოები ხალხს გადაეცა. ვერცხლი უნაწილდებოდა სახელმწიფოს ყველა მოქალაქეს. ომის საშიშროების თავიდან აცილების მიზნით სახალხო კრებამ მიიღო თემისტოკლესის წინადადება მისი პირადი მტრის, არისტიდესისა და არისტოკრატთა წინააღმდეგობების მიუხედავად. სულ ორიოდე წელი მოანდომეს ბერძენებმა მრავალრიცხოვანი და მძლავრი ფლოტის შექმნას. მოქალაქეთა თავდაუზოგავი შრომის წყალობით საფუძველი ჩაეყარა ათენის საზღვაო ძლიერებას.

ათენელმა არისტოკრატებმა ვერ გაბედეს სახელმწიფოს დაცვის პატრიოტული საქმის აშკარა წინაღობა. მათ ამჯობინეს დემოკრატიის ბელადის, თემისტოკლესისათვის ფარული ხრიკების მოწყობა. ერთნი ამბობდნენ, რომ თემისტოკლესმა ათენელ პოპლიტთა საბრძოლო სიმედგრე რაღაც ხომალდის მშენებელ ძალად გარდაქმნა, რომ მათ ხელთაგან ფარი და მახვილი გააგდებინა და ხომალდის სკამებს მიაჯაჭვაო. მეორენი მას მფლანგველობაში სდებდნენ ბრალს, მესამენი კი ფლიდად და გამომძალველად იხსენიებდნენ. მაგრამ არისტოკრატთა ამ მცდელობებს წარმატება არ მოჰყოლია. ხალხს სჯეროდა თემისტოკლესისა და არ სურდა ნიჭიერი წინამძღოლის დაკარგვა. სპარსელთა მომხრენი და არისტოკრატთა ბელადები ერთი მეორის მიყოლებით განდევნეს ათენიდან ოსტრაკისმოსის წესით. ძვ. წ. 483 წელს, ომის დაწყებამდე მცირე ხნით ადრე, ოსტრაკისმოსით განიძევნა თემისტოკლესის პირადი მტერი არისტიდესიც.

და აი, თემისტოკლესი შეუდგა სპარსეთის წინააღმდეგ ბრძოლის შემძლე მთელ ძალთა გაერთიანებას. იგი ცდილობდა საბერძნეთის სახელმწიფოთა არსებული კავშირის გაძლიერებასა და გაფართოებას. კრებაზე მან დაარწმუნა ელინები, შეენწყვიტათ შინაური შფოთი და მთელი საბრძოლო ძალების მეთაურობა სპარტელებისთვის მიენდოთ. კავშირის სათავეში სპარტელები იდგნენ, მაგრამ ძლიერი ფლოტის წყალობით ათენელები მათი თანაბარი გავლენით სარგებლობდნენ.

ყველა ბერძნული სახელმწიფო როდი გაერთიანდა ამ კავშირში. ათენისა და სპარტის უახლოესი მეზობლები და ოდინდელი მტრები, ბეოტია და არგოსი განზე გადგნენ, ხოლო თესალია ომის დაწყებისთანავე აშკარად სპარსელთა მხარეს გადავიდა. სამხრეთ იტალიისა და სიცილიის ბერძნული სახელმწიფოები კი სპარსელთა მეკავშირე კართაგენელების თავდასხმის შიშით არ შეუერთდნენ ამ საზღვაო კავშირს.



ამასობაში სპარსეთის მეფე დარიოსი ბრძოლისათვის ემზადებოდა. სპარსეთის მთელი სამფლობელო ფეხზე იდგა. სპარსელების მორჩილ აღურაცხელ ხალხებს და ტომებს თავიანთი რჩეული რაზმები უნდა წარეგზავნათ „ღიადი მეფის“ ლაშქარში. ფინიკიელებმა, სირიელებმა, იონიურ კუნძულებზე მოსახლე ელინებმა შეუგროვეს სპარსელებს 1200 ტრიერი. ისტორიკოსთა გადმოცემით, სპარსეთის არმიის ქვეითთა რიცხვი 800 ათას კაცს აღწევდა, მხედართა კი – 80 ათასს, მათ ჰყავდათ აქლემები და საბრძოლო ეტლები. სხვა მწერლები უფრო დიდ რიცხვებს ასახელებენ. ამ უზარმაზარი არმიის მოსამარაგებლად მცირე აზიასა და თრაკიაში განალაგეს საწყობები. სპარსელთა განზრახვით, მთელი ეს ლაშქარი ელადას თავს უნდა დასხმოდა ერთდროულად ზღვითა და ხმელეთით.


ჯერარნახული ლაშქრობის წინ მოულოდნელად გარდაიცვალა მეფე დარიოსი. მისი სიკვდილის შემდეგ სპარსეთში, ბაბილონსა და ბოლოს ეგვიპტეშიც იფეთქეს ამბოხებებმა, რომლებიც ძლივს ჩაახშო დარიოსის მემკვიდრე ქსერქსესმა. მართონის ბრძოლიდან მხოლოდ 9 წლის შემდეგ შეძლეს სპარსელებმა ელადას, პირველ რიგში კი ათენის წინააღმდეგ გალაშქრება.

ლაშქრობის დაწყების წინ ქსერქსესმა „მინისა და წყლის“ (ანუ უსიტყვო მორჩილების) მოთხოვნით გაგზავნა საბერძნეთში ელჩები. ბრძოლის დაწყების წინა დღე კი სპარსელთა მიერ ათენის არხის გათხრა იქცა. მეფეს სურდა, ამ გზით თავი დაეღწია იმ უბედურებისათვის, რომელიც წინა ბრძოლაში ენია სპარსეთის ფლოტს ათონის ყურის შემოვლისას. ქვეითი არმიის აზიიდან ევროპაში გადასაყვანად ქსერქსესმა ჰელესპონტოსზე (დარდანელის სრუტე) ხიდის აგება ბრძანა, მაგრამ მოულოდნელმა ქარიშხალმა ეს უდიდესი და უმძიმესი შრომით აშენებული ხიდი დაანგრია. მაშინ ქსერქსესმა, ბერძნულ წყაროთა თანახმად, განკარგულება გასცა დაესაჯათ ხიდის ამგებნი, ზღვა გაეშოლტათ, ხოლო ფსკერზე მისი ჯაჭვი ჩაეშვათ იმის წინააღმდეგ, რომ ჰელესპონტოსი ამიერიდან „ღიად მეფეს“ ემონებოდა.

ხიდი თავიდან ააშენეს, ამჯერად უფრო მყარი და მდგრადი. მასზე სპარსეთის ლაშქარი შვიდი დღის განმავლობაში უწყვეტ ნაკადად ეშურებოდა ევროპის ნაპირისაკენ. სპარსეთის ფლოტმა მშვიდობიანად გადალახა ათონის გადასასვლელი და თესალიის ნაპირებისკენ დაიძრა. თესალიელები დაუფარავად მიემხრნენ სპარსელებს, ხოლო ბეოტიამ და არგოსმა მეფეს მორჩილება გამოუცხადეს.

შიშის თავზარი ეცათ ელინებს. მრავალ ქალაქთა მკვიდრნი სპარსელთა მიანლოებისთანავე ხომალდებით იტალიისკენ მიისწრაფოდნენ. ოლონდაც თავი დაეღწიათ მონობისთვის და მშობლიურ ქალაქებს მტერს უტოვებდნენ დასარბევად.

ბერძენთა ფლოტი კუნძულ ევბოასთან შეიკრიბა ქვეითი ლაშქრის მისახმარებლად. ფლოტს წინამძღოლობდა სპარტელი მთავარსარდალი ევრიბიადესი. პირ-



ველი საბრძოლო შეტაკება ევბოას ჩრდილოეთით მდებარე არტემისიონის კონცხთან მოხდა. იგი ბერძენთა გამარჯვებით დასრულდა. თუმცა ამ ბრძოლას გადამწყვეტი მნიშვნელობა არ ჰქონია, რადგანაც ბერძნულმა ფლოტმა ვერ აღასრულა ძირითადი მიზანი – შეველებოდა ქვეით ლაშქარს თესალიაში.

საბერძენთის არმიამ თავდაპირველად დაიკავა თესალიის ჩრდილოეთით მდებარე ტემპეს გასასვლელი, მაგრამ აღმოჩნდა, რომ საფრთხე ზურგიდან იყო მოსალოდნელი. მაშინ ბერძნებმა სამხრეთისაკენ დაიხიეს და დაიკავეს თერმოპილეს გასასვლელი, რომელიც თესალიას გამოყოფდა შუა საბერძენეთისგან. თერმოპილეს ხეობა მოსახერხებელი იყო თავდაცვისათვის. ბერძენთა რამდენიმე ათასიანი რაზმი სპარტელთა მეფე ლეონიდასის მეთაურობით იმ მალლობებზე ჩასაფრდა, რომლებიც თავს დაჰყურებდნენ სანაპიროს ვიწრო გასასვლელს და რამდენიმე დღის განმავლობაში წარმატებით იგერიებდა სპარსელთა ძირითადი ძალების შემოსევას.

მტერი დარწმუნდა, რომ თერმოპილეს შუბლით ალება შეუძლებელი იქნებოდა და გადაწყვიტა ზურგიდან მიხდომოდა ბერძენთა ჯარს. ელინთა შორის აღმოჩნდა მოლაღატე, სახელად ეფიალტესი, რომელმაც მთის ვიწრო ბილიკით გაიყვანა სპარსელები ბერძენთა ზურგს უკან. ასე იმსხვერპლა ერთი ნაძირალას ვერაგობამ უდრეკ მებრძოლთა მთელი რაზმი.

შეიტყო თუ არა, რომ სპარსელებმა ზურგიდან მოუარეს, მეფე ლეონიდასი მიხვდა, წინააღმდეგობის გაწევა დალუპვას უქადადა მთელ ბერძნულ ლაშქარს. ამიტომ მეკავშირენი უკუაქცია, თავად კი, სამას სპარტელთან ერთად, ივარავდა რა უკანდახეულთ, მახვილით ხელში მტერს შეაკვდა. გმირულად იბრძოდნენ სპარტელები, მაგრამ ისინიც თავის მეფესთან ერთად დაეცნენ ბრძოლის ველზე. მოვიანებით, თერმოპილესთან დალუპულ სპარტელებს თავყანს სცემდნენ, როგორც საბერძენეთის გმირებს. მათ სამაროვანთან აღმართულ საფლავის ქვაზე ამოტვიფრული იყო პოეტ სიმონიდესის ეს სიტყვები:

„გამელელო, ისწრაფე სპარტისკენ და მოქალაქეებს აუწყე,
რომ ამ მიწაში ვწევართ აღმსრულებელნი აღთქმის“.

სპარტელთა გმირული თავგანწირვის ამბავმა აღარფროვანა და ძალა შეჰმატა ელინებს. თერმოპილეს ალებისთანავე ბერძენთა ფლოტი არტემისიონის კონცხიდან ატიკის სანაპიროთა გასამაგრებლად დაიძრა. თემისტოკლესი მიცურავდა კუნძულ ევბოას გასწვრივ და იმ ადგილებში, სადაც სპარსელთა დაბანაკება იყო შესაძლებელი, ტოვებდა წარწერებს; იგი მოუწოდებდა იონიელ ელინებს, რომლებიც სპარსელთა ფლოტში მსახურობდნენ, თანამემამულეთა მხარეს გადმოსულიყვნენ.




ამასობაში, ქსერქსესის ლაშქარი გასცდა თერმოპილეს და ქალაქთა ძარცვითა და აოხრებით ატიკის საზღვრებს მიუახლოვდა.

ათენელები ცდილობდნენ, დაერწმუნებინათ მეკავშირენი, რომ სპარსელების-თვის გადასწყვეტი ბრძოლა ბეოტიისაში მოეწყობა ათენის გადასარჩენად. მაგრამ მეკავშირეებს ამის გაგონებაც კი არ სურდათ. მათ გადანწყვიტეს, მთელი ძალები შეეგროვებინათ კორინთოს ყელთან. აქ უკვე დაიწყეს კედლის აგება, რათა სპარსელები შეეჩერებინათ და დაეცვათ საბერძნეთის სამხრეთით მდებარე პელოპონესოსი. ათენს იმხანად ჯერ კიდევ არ ჰქონდა ქალაქის ნავსაყუდელთან შემაერთებული ზღუდე. სპარსელებს შეეძლოთ, ალყა შემოერტყათ ათენისათვის როგორც ხმელეთიდან, ისე ზღვიდან.

თემისტოკლესმა მიიღო გმირული გადაწყვეტილება, დაერწმუნებინა მოქალაქენი, ათენი ფლოტის იმედად დაეტოვებინათ და გადასახლებულიყვნენ მეზობელ კუნძულ სალამისსა და ქალაქ ტროიძენში.³ თავდაპირველად, ხალხის დიდ ნაწილს ამის გაგონებაც კი არ სურდა. ისინი თვლიდნენ, თუ ღმერთთა ტაძრებისა და წინაპართა საფლავების დატოვება მოუხდებოდათ, არც გადარჩენა ღირდა მაშინ, არც გამარჯვება.

მაშინ თემისტოკლესმა უკიდურეს ზომას მიმართა – ხალხზე სხვაგვარად იმოქმედა: ათენის ერთ-ერთ ტაძარში გაქრა ქალაქის მფარველი ქალღმერთის – ათენას წმინდა გველი. ქურუმებმა თემისტოკლესის შეგონებით გამოაცხადეს, რომ ქალღმერთმა დატოვა ქალაქი და ათენელებსაც თან უხმობს ზღვისკენ. დელფოს მისანიც ურჩევდა ათენელებს „თავი გადაერჩინათ ხის კედლებს მიღმა“. თემისტოკლესმა ქურუმის იღუმალეებით მოცული სიტყვები ასე ახსნა: „ხის კედლებში“ იგულისხმება ხომალდები. თუ ჩასხდებიან ამ ხომალდებში, ათენელები მოიპოვებენ გამარჯვებას საზღვაო ბრძოლით. ხალხმა გადანწყვიტა, გასცლოდა ათენს, ხოლო მტრისთვის საძარცვად აყვავებული ბალები და ვენახები, მშვენიერი შენობები, ღვთაებათა ტაძრები და წინაპართა საფლავები მიეგდო. მხოლოდ რამდენიმე ხანდაზმულმა არ ისურვა წმინდა ქალაქის მიტოვება. შემდეგ მათ ყველას მოუსწრაფეს სიცოცხლე დამარცხებულმა სპარსელებმა. მალე მტერმა გაანადგურა ატიკა და გადანვა წმინდა ათენი.

ათენელების ხომალდებზე ასვლისას, უამთაღმწერნი, ქალებისა და ბავშვების ქმრებთან და მამებთან გამოთხოვების სევდის აღმძვრელი სურათების მხილველნი, მოგვიანებით დაწერენ, რომ „ქალაქი სავსე იყო ქალთა და ბავშვთა მოთქმით და ვაებით, დაცარიელებულ ქუჩებში მობოროალე შინაურ ცხოველთა სანყალობელი ღმუილით“.




ახალ ადგილებში მოქალაქეთა გადასახლებასა და დაბინავებას ხელმძღვანელობდა არეოპაგი. თემისტოკლესმა კი ფლოტისა და ლაშქრის შენახვისათვის აუცილებელი ფული იშოვა. ქალაქიდან ხომალდებზე ასასვლელად ნავსადგომ პორეოსისკენ დაძრულმა ათენელებმა იხილეს, რომ აკროპოლისის თხემზე ქალღმერთ ათენას ქანდაკება ოქროს ფარის გარეშე იდგა. „სად გაქრა მრისხანე ღვთაების მბრწყინავი ფარი?“ – კითხულობდა გაოგნებული ხალხი. თემისტოკლესი შეუდგა დაკარგული ფარის ძებნას, მაგრამ ვერსად აღმოაჩინა, რადგანაც ფარი, შესაძლოა, მისივე ბრძანებით გადამაღეს. სამაგიეროდ იგი წაანყდა მდიდართა მიერ ჩაფლულ საგანძურს. ეს სიმდიდრე თემისტოკლესის განკარგულებით ათენელებს გაუნაწილეს.

ამ უმძიმეს დროს საჭირო იყო სამოქალაქო უთანხმოებათა დავენიყება. თემისტოკლესმაც ხალხს მოუწოდა, სამშობლოში დაებრუნებინათ გაძევებული არისტიდესი და არისტოკრატთა ბელადები. მას სურდა, მათთვისაც მიეცა საბერძნეთის განთავისუფლებისათვის ბრძოლის საშუალება. სამშობლოს ხსნის გრძობა ასულდგმულებდა ახლა უკვე ყოველ ათენელს: არისტოკრატებიც, ხელოსნებიცა და გლეხებიც მხოლოდ იმ აზრით იყვნენ შთაგონებული, თუ როგორ დაემარცხებინათ სპარსელები და გაეძევებინათ მშობლიური ქვეყნიდან.

ახლოვდებოდა სპარსელებთან გადამწყვეტი შებმის უამი. ათენელები სპარსელებთან დაუხანებელი ბძროლის სურვილით იწვოდნენ. მეკავშირეები ფლოტის მთავარსარდლის, სპარტელი ევრიბიადესის მეთაურობით მოუწოდებდნენ დაეცვათ პელოპონესოსი, რისთვისაც მებრძოლი ქვეითი ჯარის დასახმარებლად საჭირო იყო ისთმოსის ყურისკენ გაცურვა. სამხედრო საბჭოზე თემისტოკლესი წინ აღუდგა ამ განზრახვას. იგი მთავარ საქმედ სპარსეთის ფლოტის ატიკის სანაპიროებთან განადგურებას მიიჩნევდა. ევრიბიადესმა თემისტოკლესის ამ საქციელში მთავარსარდლისადმი დაუმორჩილებლობა დაინახა. მან ჯოხით ხელში თემისტოკლესისაკენ წაიწია. „დამარტყი, ოლონდ შეისმინე!“ – წამოიძახა თემისტოკლესმა და ამ სიტყვებით ფიცხი სპარტელის რისხვა დააცხრო.

კორინთოს სტრატეგოსმა გესლიანად მიმართა თემისტოკლესს, რომ მას, ათენელს, რომელმაც დაკარგა სამშობლო, არ მართებს იმათი ნაქეზება, რომლებმაც ჯერ კიდევ შეინარჩუნეს იგი; არ მართებს საკუთარი მიწა-წყლის ბედის ანაბარა მიგდება. თემისტოკლესმა მკაცრად მოუჭრა: „რეგვენო, ჩვენ, ათენელებმა, დაუტოვეთ ჭერი და კედლები იმიტომ, რომ არ ვისურვეთ მონობა უსულო საგანთა ფასად. მაგრამ არის ქალაქი, უღიადესი ელადის ქალაქთა შორის – ეს არის ორასი ათენური ხომალდი, თქვენს წინ ჩამწყრივებული, თქვენდა სახსნელად შემართული, თუკი ისურვებთ; ხოლო თუ წახვალთ, ისევ გვიმუხტოლებთ, მაშინ ჩვენ, ათენე-



ლები მიგატოვებთ თქვენ და გაცვურავთ სამხრეთ იტალიისკენ, იქ ალვაშენებთ ახალ ქალაქს!"

თემისტოკლესის ზვიადმა პასუხმა დაადუმა სულმოკლენი, მან შეძლო ყველას გადაბირება. როდესაც დილის ბინდი გადაიყარა, ელინებმა მტრის უზარმაზარი ფლოტი იხილეს ფალერონთან. ამ სანახაობამ შეაშფოთა მეკავშირენი, მათ განიზრახეს იმავე ღამეს გაეცურათ პელოპონესოსისაკენ. თემისტოკლესმა კვლავაც შეძლო მეკავშირეთა შეჩერება. იგი თვლიდა, და სავსებით სწორადაც, რომ მტერთან შებმა უმჯობესი იქნებოდა სალამისის ვინრო ყურეში. აქ ელინთა სწრაფმავალ ხომალდებს დიდი უპირატესობა ექნებოდათ სპარსელთა თუმც მრავალრიცხოვან, მაგრამ მძიმე და მოუქნელ გემებთან შედარებით.

თემისტოკლესმა ერთი ახლობელი კაცის მეშვეობით შეატყობინა სპარსეთის მეფეს, თითქოს ელინები ღამით უკან დახევას აპირებდნენ, რომ თითქოს თავად სპარსელთა მხარეს გადავიდა და ურჩევს მეფეს, ვიდრე ბერძნები შიშისგან არ მობრუნებულან, დაუყოვნებლივ თავს დაესხას.


მეფე ქსერქსესი დარწმუნებული იყო, რომ გაიმარჯვებდა. მან ბრძანა, დაუყოვნებლივ ჩაეკეტათ სალამისის ყურის გასასვლელი, რათა ბერძნულ ხომალდთაგან ვერცერთს იქიდან ვერ გაეღწია. ამასობაში გაძევებიდან სამშობლოში მომავალმა არისტიდესმა მალულად გამოცურა სპარსელთა ხომალდებს შორის და თან ამბავიც ჩამოიტანა – ელინთა ფლოტი სპარსელებით არის გარემოცული. ახლა კი მეკავშირეთა ხომალდები ველარ შეძლებდნენ ათენელთა მიტოვებას.

თემისტოკლესმა კარგად იცოდა არისტიდესის სულგრძელობის ამბავი, თუმცა არ უყვარდა იგი. მან უამბო არისტიდესს იმის თაობაზე, თუ როგორ მიუგზავნა სპარსელებს სანდო კაცი, ბოლოს თავისი გეგმაც გაანდო. თემისტოკლესმა სთხოვა არისტიდესს, ყოველი ღონე ეხმარა მეკავშირეთა ბრძოლის ველზე გამოსაყვანად.

კიდევ ერთი დღე გავიდა. იმ დილას, როდესაც სალამისის ბრძოლა მოხდა (ძვ.წ. 480 წ.), ელინებმა ისევ იხილეს სპარსელთა ფლოტი საბრძოლო მზადყოფნაში. მოშორებით, ბორცვზე, ოქროცურვილი ბალდახინის ქვეშ, ოქროს ტახტზე დაბრძანდა ქსერქსესი. მეფის გარეშემო მოთავსდნენ მასთან დაახლოებული პირნი და მწერლები, რომელთაც სპარსელთა დიადი გამარჯვება უნდა აღენერათ.

ათენის ფლოტი 180 მალემავალი ხომალდისაგან შედგებოდა. ყოველი ხომალდის ქორედზე იყო 14 მძიმედ შეიარაღებული მეომარი (პოპლიტი) და 4 მშვილდოსანი. ამ ბრძოლის მონაწილის, სახელოვანი პოეტის, ესქილეს გადმოცემით, სპარსელებს ჰქონდათ 1000 დიდი ხომალდი, მათ შორის 207 – სწრაფმავალი.

ბრძოლის დასაწყებად თემისტოკლესმა ის დრო შეარჩია, როდესაც ზღვიდან ქარმა დაჰბერა. იგი ვერაფერს ავნებდა ელინთა დაბალბანიან და ბრტყელ ხომალ-



დებს; სპარსელთა მძიმე ხომალდებს კი, რომელთაც მალლა აწეული ბოლოები ჰქონდათ, ეს ქარი მძლავრად არყევდა.

ყოველი ელინის მზერა თემისტოკლესისადმი იყო მიჰყრობილი. მეფე ქსერქსესის ძმამ, გამოცდილმა ხომალდთმთავარმა არიამენმა, უზარმაზარი ხომალდიდან შენიშნა თემისტოკლესი და ბრძანა მისდამი მიემართათ ისრები და შუბები. მაშინ ათენელთა ხომალდი, რომელიც თემისტოკლესის ტრიერის გვერდით მიცურავდა, არიამენის ტრიერს შეეჯახა ცხვირით. მეტოქეთა ხომალდები ერთმანეთს გადაეჯახებოდნენ. არიამენი თავის მებრძოლებთან ერთად ცდილობდა ათენელთა ხომალდზე გადასვლას. გაჩაღდა უმოწყალო ხელჩართული ბრძოლა. მედგრად მებრძოლმა ათენელებმა სპარსელთა ხომალდთმთავარი განგმირეს, თავდამსხმელები გაანადგურეს და მათი გვამები ზღვას მისცეს. მეთაურის სიკვდილმა სპარსელები სულიერად დასცა, მათი სიმამაცე გააცამტვერა. ძალაშესხმული ბერძნები კი არნახული გამბედაობით იბრძოდნენ. მათთვის ნათელი იყო: ან გამარჯვება უნდა მოეპოვებინათ, ან ბრძოლის ველზე დაცემულიყვნენ.

ათენელი ლიკომედესი პირველი დაეუფლა მტრის ხომალდს. შემდეგ კი ათენელებმა ხელთ იგდეს სპარსელთა მრავალი ხომალდი და ჩაძირეს. სპარსელები მედგრად იბრძოდნენ, მაგრამ მათი უზარმაზარი გემები ვერ იგერიებდნენ ორივე მხრიდან შემტევ ელინთა მოქნილ ხომალდებს.

მთელი დღე გრძელდებოდა ბრძოლა. მიმწუხრის უამს კი სპარსეთის ფლოტმა ველარ გაუძლო შემოტევებს და უკუიქცა.

ასე მოიპოვეს ელინებმა სალამისთან უბრწყინვალესი გამარჯვება ძალებით ესოდენ აღმატებულ მტერზე. განრისხებულმა ქსერქსესმა კი განიზრახა თავისი ქვეით ლაშქრის ხიდიტ გადაყვანა კუნძულ სალამისზე. თემისტოკლესი მებრძოლებს მოუწოდებდა, უკუქცევის გზა მოეჭრათ მათთვის: იგი ურჩევდა, დაენგრიათ ჰელესპონტოსზე გადამავალი ხიდი, რათა, მისი სიტყვებით „დაეჭირათ აზია ევროპაში“.

არისტიდესი, რომელსაც თემისტოკლესმა გაანდო ეს განზრახვა, უარზე იდგა. იგი ამბობდა, რომ არ ღირდა სპარსელთა უკიდურესობამდე მიყვანა, რადგანაც მაშინ ისინი თავგანწირული სიმამაცით დაინყებენ ბრძოლას. „პირიქით – ამბობდა არისტიდესი, – ჩვენ არათუ უნდა დავანგრიოთ, არამედ საშუალება რომ იყოს, უნდა ავაგოთ ახალი ხიდიც, რათა რაც შეიძლება მალე განვედევნოთ სპარსელუბი“. თემისტოკლესი დათანხმდა.

მან ახალი გზა გამოჩინა სპარსელთა მეფის ელადიდან გასაძევებლად. ნარჩინებულ სპარსელ ტყვეთაგან ერთი რჩეული წარგზავნა მეფესთან ამბით, თითქოს ელინებს განეზრახათ ჰელესპონტოსის ხიდის დანგრევა. თემისტოკლესი ურჩევდა



მეფეს, ვიდრე ბერძნები აყოვნებენ ახალ იერიშს, დაეჩქარებინათ თავისი ლაშქრის ხილზე გადასვლა.

შედრწუნებულმა ქსერქსესმა უკანდახევა განიზრახა. მან ელადაში მხოლოდ ნაწილი დატოვა თავის ლაშქრისა მხედართმთავარ მარდონიოსის მეთაურობით. მალე მარდონიოსის არმია დამარცხდა პლატეასთან, გადარჩენილმა ნაწილმა ელადა დატოვა.

ასე გადაურჩა საბერძნეთი საშინელ საფრთხეს. მიუხედავად მტრის შურისა და ძალისხმევისა, ელინებმა თემისტოკლესს არნახული პატივი მიაგეს. სპარტელებმაც კი, რომელთაც არ უყვარდათ უცხოელები, თავის ქალაქში მიიწვიეს ათენელი მხედართმთავარი და იქ შეამკეს ზეთისხილის დიადემებით დიდი სიბრძნისთვის, გმირობისთვის კი მდიდრული ეტლი აჩუქეს. ახალგაზრდა მებრძოლთა სამასკაციანი საპატიო რაზმი მიაცილებდა მას სპარტის სახელმწიფოს სამანებამდე. როგორც კი თემისტოკლესი გამოჩნდა ოლიმპიაში – საერთო ბერძნულ ოლიმპიურ თამაშობებზე – ელადის ყველა ქალაქმა საზეიმო შეხვედრით ღირსეული პატივი მიაგო.

თემისტოკლესი ამაცობდა თავისი დიდებით. ერთხელ პატარა კუნძულის, სერიფოსის ერთმა მოსახლემ შეახსენა თემისტოკლესს, რომ ამ დიდებას იგი საკუთარ თავს კი არა, სახელმწიფოს უნდა უმადლოდეს. „შენ მართალი ხარ, – მიუგო გამირმა – მე ვერასოდეს მოვიპოვებდი ასეთ დიდებას, სერიფოსელი რომ ვყოფილიყავ, ისევე, როგორც შენ, ათენლობა რომ გხდომოდა წილად!“

ერთხელ ერთმა სტრატეგოსმა, გამოდიოდა რა თემისტოკლესის წინააღმდეგ, მოისურვა თავის გამირობათა თემისტოკლესის გამირობებთან გათანაბრება. მაშინ თემისტოკლესმა მას ასეთი იგავი უამბო: უქმე და სადაგი დღეები შეკამათდნენ, სადაგი ირწმუნებოდა, რომ უქმმა დღემ სხვა არა იცის რა, გარდა ფუსფუსისა და თავმომწონეობისა, მაშინ როდესაც მომდევნო დღეს, მოცალეობის ჟამს, ყველა დასვენებით ტკბება. „მართალს ამბობ – შენიშნა უქმმა დღემ – მაგრამ მე რომ არ დავბადებულყავ, არც შენ იქნებოდი“. „სწორედ ასევე – განაგრძო თემისტოკლესმა – მე რომ არ ვყოფილიყავი, სად იქნებოდით ახლა თქვენ?“ თემისტოკლესს ესმოდა, რომ ახლა, სპარსელთა განდევნის შემდეგ, ათენელთა მთავარი მტრები სპარტელები იყვნენ. ამიტომ მან დაარწმუნა სახალხო კრება, დაუხანებლივ შესდგომოდნენ ათენის ირგვლივ გალავნის აგებას, რათა საფრთხის ჟამს მოქალაქეებს მის კედლებს მიღმა თავის შეფარების შესაძლებლობა ჰქონოდათ. და თუ ათენელები ზღვაზე იბატონებდნენ, გალავანი მათ ნებისმიერი ალყის გაძლების საშუალებას მისცემდა. კედლების აგება არნახული სისწრაფით ხდებოდა. სამუშაოებში მონაწილეობდა ათენის ყოველი მკვიდრი, უცხოელი თუ მონა, ქალი თუ ბავშვი.



მაგრამ მტრები როდი თვლემდნენ. ათენელი არისტოკრატების მიერ შეგულო ანებული სპარტელები შიშითა და შურით უმზერდნენ ათენელთა ძლიერების ზრდას. ათენის გალაგნის აგებას ეწინააღმდეგებოდნენ სპარტელები. მათ ესმოდათ, რომ ათენელები სპარტელთა შიშით ამაგრებდნენ ქალაქს და ამიტომ სამუშაოთა დაუყოვნებლივ შეწყვეტას მოითხოვდნენ. ისინი ამბობდნენ, რომ სპარსელთა თავდასხმის მოგერიება შესაძლებელია მხოლოდ პელოპონესოსში, იქ კი უკვე აგებულია ყურეს ჩამკეტი კედელი. შუა საბერძნეთში მდებარე ყველა სიმაგრე დასანგრევია, როგორც გამოუსადეგარიო.

მაგრამ თემისტოკლესმა აქაც აჯობა ჭკუით სპარტელებს. მისი წინამძღოლობით სპარტაში გაემგზავრა ათენის წარმომადგენლობა. როდესაც სპარტელებმა საყვედური გამოთქვეს, რომ ათენელები იარაღს ისხამენ და ქალაქს კედლებით ამაგრებენო, თემისტოკლესმა მათ შესთავაზა წარეგზავნათ ათენში ელჩები იმის სანახავად, თუ რა ხდებოდა იქ. ამით მას სურდა კედლების ასაგები დრო მოეგო, ამასთანავე ჰყოლოდა მძევლები სპარტელ ელჩთა სახით. ასე რომ, სპარტელები იძულებულნი შეიქნენ თემისტოკლესი შინ გაეშვათ.

თემისტოკლესი განაგრძობდა ათენის საზღვაო ძლიერების ზრდას. იგი ახალ ხომალდებს აგებდა. მისი რჩევით, ბერძნულ სახელმწიფოთა კავშირი კიდევ უფრო გაფართოვდა. ბევრი ახალი ქალაქი-სახელმწიფო შეუერთდა ამ კავშირს და ცნო ათენის უალრესობა.

თემისტოკლესის ამგვარმა პოლიტიკამ ათენში გააძლიერა დემოსი, უბრალო ხალხი. მეზღვაურებმა, მესაჭეებმა, მეზოფურებმა, მრავალრიცხოვანმა ხელოსნებმა სახალხო კრებაზე ხმის უფლებები მოიპოვეს. თემისტოკლესმა ათენელები საზღვაო ხალხად აქცია და გააძლიერა რა პირეოსი,⁴ „მიამაგრა ქალაქი ნავსადგომს, ხმელეთი – ზღვას“.

იმხანად სპარტელებმა მოითხოვეს კავშირიდან დაეთხოვათ ის ბერძნული სახელმწიფოები, რომლებსაც სპარსელთა წინააღმდეგ ომში არ მიუღიათ მონაწილეობა (თებე, არგოსი). თემისტოკლესმა ამის წინააღმდეგ გაილაშქრა. მას ესმოდა, რომ, თუ ამ მოთხოვნას აღასრულებდნენ, კავშირში უპირატესობას მოიპოვებდნენ სპარტელები და მათზე დამოკიდებული წვრილი პელეპონესური სახელმწიფოები.

კუნძულთა სახელმწიფოებს თემისტოკლესი მბრძანებლურად და მედიდურად ეპყრობოდა, სთხოვდა ფულად გადასახადსა და ათენის უსიტყვო მორჩილებას. ასე მოექცა იგი კარისტოსისა და პაროსის⁵ მკვიდრებს. მან მრავალრიცხოვანი ფლოტით ალყა შემოარტყა კუნძულ ანდროსს⁶ და ფული მოითხოვა. იგი არწმუნებდა მის მაცხოვრებლებს, რომ მოსული იყო ორი ღვთაების – დარწმუნებისა და



ძალის თანხლებით. ვინც არ მიენდობოდა პირველ ღვთაებას, იძულებული გახდებოდა, დამორჩილებოდა მეორეს. ანდროსელები იძულებულნი გახდნენ დაეთმოთ. უფრო მნიშვნელოვან კუნძულთა სახელმწიფოები კავშირში მოლაპარაკების გზით მიიზიდეს. ამ მოლაპარაკებების დროს თემისტოკლესი იყო მთავარი. ათენელებმა მეკავშირეთა შორის მალე მოიპოვეს უპირატესობა ზღვაზე.

ამასობაში თემისტოკლესის მტრებმა ცუდი რამ განიზრახეს. მათ მიაღწიეს იმას, რომ თემისტოკლესი ათენიდან განდევნეს ოსტრაკისმოსის წესით. განდევნის მიზეზი ხალხის კეთილგანწყობის დაკარგვა იყო. ათენელებს ეშინოდათ სპარტის წინააღმდეგ მიმართული მეტისმეტად მკაცრი პოლიტიკისა. ხალხი დაიღალა სპარსელთა წინააღმდეგ ომით და აღარ სურდა ახალი ომი სპარტასთან, რომლის სახმელეთო ძალები აღემატებოდა ათენელებისას.

გაძევებულმა თემისტოკლესმა თავდაპირველად არგოსს შეაფარა თავი. მალე სპარტელებმა თემისტოკლესი დაადანაშაულეს იმაში, რომ იგი სპარტის მეფე პავსანიასთან ერთად სპარსელებთან იყო დაკავშირებული. იმჟამად სპარსელებთან ყოველგვარი ურთიერთობა სახელმწიფოებრივ ღალატად ითვლებოდა. ამ ბრალდებას მხარი დაუჭირეს თემისტოკლესის მტრებმა – ათენელმა არისტოკრატებმა. მათ სახალხო კრებას მიაღებინეს გადაწყვეტილება სამსჯავროში თემისტოკლესის ძალით მოყვანის თაობაზე.

ამ ცნობის მიღებისთანავე თემისტოკლესი კერკირაზე (კუნძული იონიის ზღვაში) გაემგზავრა, მაგრამ მალე იძულებული გახდა თავშესაფარი ეთხოვა ეპიროსის⁷ მეფე ადმეტოსისთვის.

აქ თემისტოკლესი დიდხანს არ დარჩენილა. იგი სატივიროთო გემით გაეშურა აზიის ნაპირებისკენ. არავინ იცოდა მისი ვინაობა მანამ, ვიდრე ქარმა ხომალდი კუნძულ ფასოსს (საბერძნეთის დასავლეთ სანაპირო) არ მიაყენა. იმ დროს ეს კუნძული ათენელთა ფლოტით იყო გარემოცული, ამიტომ თემისტოკლესი შიშობდა, ხელში არ ჩაუარდნოდა თანამოქალაქეებს. მან თავისი ვინაობა გაუმხილა ხომალდის მეთაურს, შეძლო დაერწმუნებინა იგი, გვერდი აეგლოთ კუნძულისთვის და მცირე აზიის ნაპირებს მისდგომოდნენ. როდესაც გემი ქალაქ კიმეს მიუახლოვდა, თემისტოკლესმა შენიშნა, რომ იქ მისი შეპყრობა სურდათ. სპარსეთის მეფე ხომ თემისტოკლესის დამჭერს 200 ტალანტონს ჰპირდებოდა საზღაურად.

კიმედან თემისტოკლესი გაემგზავრა ეოლიურ ქალაქ ეგეში, სადაც იგი მისმა ძველმა მეგობარმა ნიკოგენესმა მიიღო. აქ თემისტოკლესმა გადანიყვიტა საკუთარი ნებით ჩაბარებოდა სპარსელებს. იგი მალულად გაეშურა სპარსეთის მეფე არტაქსერქსესთან, რომელმაც ქსერქსესის შემდეგ მემკვიდრეობით ჩაიბარა სამეფო




სკიპტრა. თემისტოკლესი მეფეს წარუდგინეს. მან ქვეგანროთხმით თავიანთი სცა არ ტაქსერქსესს და ასე მიმართა: „დიდო მეფეო, ელინთაგან დევნილი შენთან მოვსულვარ. ჩემი წყალობით სპარსებმა ბევრი ვნება იგემეს, მაგრამ უფრო მეტი სიკეთეც ნახეს, ვინაიდან მათი დევნა მე შევაჩერე. ყველაფერს ველი. მზად ვარ მივიღო მონყალემა, თუ სიკეთის ქმნა შეგიძლია და გთხოვო რისხვის დაცხრობა, თუკი ხსოვნაში სიავე ჩაგრჩენია. ჩემი მტრები იმ სიკეთეთა მონშეებად უნდა ჩათვალო, რაც სპარსეთისთვის გამიწევია. ხოლო ჩემი ხვედრი, გიჯობს, შენი კეთილმონყალების საჩვენებლად გამოიყენო, ვიდრე შურის საძიებლად. მხოლოდ შენ შეგიძლია გადაარჩინო შენთან ვედრებით მოსული კაცი, ელინთა მტრად რომ გადაქცეულა!“

სპარსთა მეფემ დუმილით მოისმინა ეს სიტყვები, ხოლო როდესაც თემისტოკლესმა დატოვა დარბაზი, ღმერთებს მსხვერპლი შესწირა და სამადლობელო აღუწვლინა ამ სიტყვებით: „დაე, სპარსელთა მტრებმა მუდამ ასე დევნონო თავიანთი საუკეთესო ადამიანები!“ ღამით, კი, შუაძილში, სიხარულისგან სამგზის წამოიძახა: „ათენელი თემისტოკლესი ჩემს ხელშიაო!“

არტაქსერქსესმა კეთილად მიიღო თემისტოკლესი. სამი ქალაქი უბოძა სამართავად და მეტისმეტად დაიხაზლოვა. უცხოელთაგან არავის ღირსებია სპარსთა მეფის კარზე ასეთი პატივი. ამიტომ მისი აქაც შურდათ. მაშინ ელინი განერიდა იქაურობას და მისთვის ბოძებულ ერთერთ ქალაქში დასახლდა. ერთხანს მშვიდად ცხოვრობდა, თუმცა დიდხანს არ გაგრძელებია ეს ნეტარება: ეგვიპტე აღსდგა სპარსეთის წინააღმდეგ, ათენელებმა მხარი დაუჭირეს ეგვიპტელებს. არტაქსერქსესმა შეახსენა თემისტოკლესს, რომ პირობისამებრ მას სპარსეთის ინტერესები უნდა დაეცვა. მაგრამ ბერძენმა მთავარსარდალმა არ ისურვა გალაშქრება თანამემამულეთა წინააღმდეგ და სიცოცხლე თვითმკვლელობით დაასრულა.





შენიშვნები:

¹ ათენის კანონიერ მოქალაქედ ითვლებოდა მხოლოდ ის, ვინც დედიტაც და მამითაც ათენელი იყო.

² ძვ.წ. 490 წელს სპარსეთის ლაშქარი დაამარცხეს ათენელებმა, რომელთაც წინამძღოლობდა სტრატეგოსი მილტიადესი.

³ ატიკის არგოლისის მთავარი ქალაქი.

⁴ პირეოსი – ათენის ნავსაყუდელი.

⁵ კარისტოსი – ქალაქი კუნძულ ევბოაზე. პაროსი – ერთ-ერთი კიკლადური კუნძული ეგეოსის ზღვაში.

⁶ ანდროსი – კიკლადური კუნძული ეგეოსის ზღვაში.

⁷ ეპიროსი – ქალაქი საბერძნეთის ჩრდილო-დასავლეთით.



აჩისტიდესი

ათინელი მთავარსარდალი
და პოლიტიკოსი
(დაახლ. ძვ.წ. 540-467 წწ.)



თეატრში, როდესაც ესქილეს ტრაგედია „შვიდნი თუბეს წინააღმდეგ“ მიმდინარეობდა, ათენელებმა მიოქსოურ ამფიარაოსზე ნათქვამი ასეთი სიტყვები მოისმინეს:

„სამართლიანი სურს რომ იყოს და არა სჩანდეს;
იმ ღრმა კვალთგან, გონებაში რომ გაატარა,
ის სასიკეთო რჩევა-ზრახვის უხე ნაყოფს იმკის“.

ყველამ მზერა მიაპყრო არისტიდესს, რადგანაც მხოლოდ იგი მიაჩნდათ ამდაგვარი შექების ღირსად. პლუტარქოსი, რომელმაც მისი ბიოგრაფია აღწერა, გვამცნობს: „საკვირველი იყო არისტიდესის სიმტკიცე სახელმწიფოში არსებულ გარდაქმნათა ჟამს. პატივსა და დიდებას ის არასოდეს ესწრაფოდა, დამარცხებული კი სულის სიმშვიდეს და სიდინჯეს ინარჩუნებდა. ამასთან თვლიდა, რომ სიცოცხლე სამშობლოს კეთილდღეობაზე ზრუნვაში უნდა გაეტარებინა უნაგაროდ, პატივისა და სამაგიეროს მიღებაზე ფიქრის გარეშე“.

არისტიდესის ცხოვრებამ ათენელ დემოკრატთა ბელადის, თემისტოკლესის წინააღმდეგ ბრძოლაში განვლო. გადმოგვცემენ, რომ მათი მეტოქეობა ჯერ კიდევ ბავშვობის ხანაში დაწყებულია. ხასიათთა განსხვავებულობის გამო ისინი თამაშის დროსაც კი ჩხუბობდნენ. მარჯვე, მამაცი და მოხერხებული თემისტოკლესი ყოველ საქმეს იოლად და სწრაფად აღასრულებდა. არისტიდესი ხასიათით იყო მტკიცე, სამართლიანი საქმისთვის თავდადებული; სიცრუეს, ოინბაზობასა და თაღლი-



თობას ხუმრობითაც კი ვერ იტანდა. როდესაც ისინი გაიზარდნენ, ათენის საზოგადოებრივ ცხოვრებაში მონაწილეობის საშუალება მიეცათ. მათი მოღვაწეობა სპარსეთის უზარმაზარი სამეფოს აღზევების ხანას დაემთხვა. სპარსელებმა მცირე აზიის ბერძნული ქალაქები ხელთ ჩაიგდეს და ბალკანეთის საბერძნეთს მიუხლოვდნენ. მრისხანე საფრთხის უამს ბერძნები არ იყვნენ ერთსულოვანნი. კონტინენტური საბერძნეთი მტრულ სახელმწიფოებად იყო დაქსაქსული. ზოგიერთი მათგანი მზად იყო საკუთარი ნებით დამორჩილებოდა სპარსეთს.

ამ უმძიმეს დროს ათენში, საბერძნეთის ერთ-ერთ უდიდეს ქალაქ-სახელმწიფოში, მძაფრი პოლიტიკური ბრძოლა გაჩაღდა. არისტიდესი წარმომავლობისა და ძველთაგან დამყარებული წყობის ერთგულების გამო არისტოკრატიულ პარტიას მიემხრო. თავის იდეალად დაისახა სპარტელი ლიკურგოსი, რომელსაც მისაბძ პოლიტიკურ მოღვაწედ თვლიდა. არისტიდესის მონინააღმდეგე იყო დემოკრატთა ბელადი თემისტოკლესი.

ისევე, როგორც ბავშვობაში, მონიფულ ასაკშიც არისტიდესი იყო უჩვეულოდ პატიოსანი და სამართლიანი. მისი მრწამსისადმი ერთგულება და სამართლიანობა უდიდეს შთაბეჭდილებას ახდენდა თანამედროვეებზე. მასზე ლეგენდებს ჰყვებოდნენ. თანამოაზრეებმა არისტიდესს მეტსახელად „სამართლიანი“ უწოდეს.

თავისი მოღვაწეობის მიზნად მან ძველი წყობის შენარჩუნება დაისახა. არისტიდესი მიიჩნევდა, რომ კანონთა განახლებისას აუცილებელია სიფრთხილე, რათა არ დაირღვეს ძველი კანონი. ამ მხრივ იგი ქედუხრელი მეტოქე იყო თემისტოკლესისა, რომელიც ხალხს მნიშვნელოვანი გარდაქმნებისკენ მოუწოდებდა. არისტიდესი თვლიდა, რომ თუ ძალაუფლებას ხელში ჩაიგდებდა თემისტოკლესი, საუკუნეებით გამყარებულ წესრიგს ძირფესვიანად შეცვლიდა. ამიტომ იგი წინააღმდეგი იყო თემისტოკლესის, მისი აზრით, სასარგებლო წინადადებებისაც, რამეთუ სურდა შეერყია მისი გავლენა, რათა არ მიეცა გაძლიერებისა და ძალაუფლების ხელში ჩაგდების შესაძლებლობა.

ერთხელ არისტიდესმა გაილაშქრა თემისტოკლესის ერთ-ერთი ასეთი წინადადების წინააღმდეგ და გაიმარჯვა კიდევ. მაგრამ წარმატებამ როდი მოჰგვარა სიხარული. იგი გრძნობდა, რომ თემისტოკლესსთან მეტოქეობამ მეტისმეტად ღრმად ჩაითრია, რომ მათი ბრძოლა სამშობლოსათვის სასარგებლო კი აღარ იყო, არამედ საზიანო. ტოვებდა რა სახალხო კრებას, არისტიდესმა მწარედ შენიშნა, რომ სახელმწიფოს საქმეები უკეთ იქნება, თუ მასა და თემისტოკლესს უფსკრული შთანთქავს.

სამართლიანობა აიძულებდა არისტიდესს მიუკერძოებელი ყოფილიყო არა მხოლოდ სხვებისადმი, არამედ საკუთარი თავისადმიც კი. ერთხელ მან თავად წამოა-



ყენა ახალი წინადადება, რომელმაც დიდი აღშფოთება გამოიწვია, მაგრამ გამარჯვება მაინც მის მხარეს იხრებოდა. კენჭისყრის წინ, გაიაზრა რა ყოველივე, არისტიდესი დარწმუნდა, რომ მის მიერ შეთავაზებული სიახლე არ მოუტანდა სარგებლობას სახელმწიფოს და თავად მოხსნა ეს საკითხი.

თავისი სამართლიანობის გამო არისტიდესი თანამოქალაქეთა შორის უდიდესი ნდობით სარგებლობდა. ათენელებს კამათისას უფრო მეტად სჯეროდათ არისტიდესისა, ვიდრე სახელმწიფოს მიერ დანიშნული მსაჯულებისა.


ერთხელ არისტიდესი საქმეს ურჩევდა ორ მოქალაქეს. ერთერთმა მათგანმა, ისურვა რა არისტიდესის გადაბირება, შეახსენა, რომ ამ მოკამათისგან თავის დროზე მას ბევრი უსიამოვნება შემთხვევია. „ჩემო ბატონო, – მშვიდად უთქვამს არისტიდესს – სჯობს ის მიაბო, თუ რით შეურაცხყო მან შენ. მე ახლა ვმსჯელობ არა ჩემი, არამედ შენი შეურაცხყოფის გამო“.

სხვა დროს არისტიდესმა თავად ურჩილა თავის მეტოქეს და სამსჯავროს წინაშე წარდგა. არისტიდესის გულწრფელობასა და პატიოსნებაში დარწმუნებულმა მსაჯულებმა მისი გამოსვლის შემდეგ არ ისურვეს ბრალდებულის მოსმენა. აღშფოთებული ზენამოიჭრა მაშინ არისტიდესი და მოითხოვა, ნება დაერთოთ მისი მეტოქისათვის გამოეთქვა თავისი აზრი.

დრო გადიოდა, სპარსეთის მეფე დარიოსი ბერძენთა წინააღმდეგ სალაშქროდ ემზადებოდა. ეს იცოდნენ ათენელებმა. ადათის თანახმად, სპარსელთა წინააღმდეგ ბრძოლის წარმოება ათ სტრატეგოსს დაევალა. ყოველ მათგანს რიგ-რიგობით ენიჭებოდა უმაღლესი ძალაუფლება. სტრატეგოსთაგან ერთერთი იყო არისტიდესი. მან თავისი უფლებები გადააბარა მილტიადესს, როგორც ყველაზე გამოცდილსა და ნიჭიერ მხედართმთავარს. არისტიდესს ესმოდა, რომ ომის წარმოებისთვის აუცილებელი იყო ერთმმართველობა. მან მეგობრებიც აიძულა მიებაძათ მისთვის.

ხელში ჩაიგდო რა მთელი ძალაუფლება, მილტიადესმა მარათონის მახლობლად მდებარე მთის ვიწრობებში განაღება ჯარი. პირველად ათენელებმა შეუტიეს მტერს. ყველაზე მეტი დარტყმა ათენის ლაშქრის შუაგულში მეგრძობლებმა დაითმინეს. აქ, ერთმანეთის მხარდამხარ მედგრად იგერიებდნენ მტერს თემისტოკლესი და არისტიდესი.

უკუაქციეს რა მონინააღმდეგენი, ათენელებმა დაინახეს, რომ ხომალდებს შეხიზნული სპარსელები მიემართებოდნენ არა აღმოსავლეთისაკენ, არამედ ათენისაკენ. სტრატეგოსები შეშინდნენ, რომ სპარსელები იოლად ჩაიგდებდნენ ხელთ ქალაქს, რომელსაც აღარ ჰყავდა დამცველები. მათ სასწრაფოდ გაგზავნეს ათენში ლაშქრის დიდი ნაწილი. მარათონში ტყვეთა და ნადავლის მეთვალყურედ და-



ტოვეს მხოლოდ არისტოტელის მცირერიცხოვანი რაზმის თანხლებით. ამ კეთილშობილ სტრატეგოსს არ გაუცრუებია თანამოსაგრეთა იმედი. მიუხედავად იმისა, რომ კარვებში თუ მიწაზე უხვად ეყარა ვერცხლი, ოქრო, მდიდრული სამოსი და სხვა ძვირფასეულობა, მას აზრადაც არ მოსვლია მიეთვისებინა რაიმე ამ განძიდან. უღირსი საქციელის ჩადენის ნება არც სხვისთვის დაურთავს.

მართონის ბრძოლიდან ერთი წლის თავზე არისტოტელესმა მიიღო პირველი არქონის თანამდებობა. მაგრამ განვლო სულ რამდენიმე წელმა და სახელოვანი სტრატეგოსი ოსტრაკისმოსის წესით განდევნეს ათენიდან. გადმოგვცემენ, რომ ამის მიზეზი იყო ხალხში გავრცელებული მიეთმოეთი, თითქოს არისტოტელე, არ ჩევდა რა საქმეებს, სახალხო სამსჯავროს მნიშვნელობას აკნინებდა და მონარქიულ ძალაუფლებას იმზადებდა თავისთვის.

უნდა ვივარაუდოთ, რომ არისტოტელის გაძევების ქეშმარიტი მიზეზები უფრო ღრმა იყო. იმხანად განსაკუთრებული სიმძაფრით გაჩაღდა ბრძოლა არისტოკრატთა და დემოკრატთა შორის. მოქალაქეთა ინტერესების წარმომადგენელი ფისტოკლესის პარტია მოითხოვდა საზღვაო ვაჭრობის გაფართოებას, რაც დაკავშირებული იყო ათენის სამხედრო ფლოტის გაძლიერებასთან. თავის მხრივ, ფლოტის შენებას თან სდევდა სამხედრო სამსახურისთვის მრავლად მონვეული უღარიბესი „მეხომალდე ხალხის“ საზოგადოებრივი მნიშვნელობის ზრდა. არისტოკრატული პარტია, რომლის წარმომადგენელიც იყო არისტოტელე, მინათმფლობელთა ინტერესებს იცავდა და ნაკლებად იყო დაინტერესებული ვაჭრობის განვითარებით. ამიტომ არისტოკრატები თემისტოკლესის საზღვაო პოლიტიკის წინააღმდეგნი იყვნენ. დემოკრატიული პარტიის გამარჯვება იყო ალბათ არისტოტელესის გაძევების ქეშმარიტი მიზეზი.

ოსტრაკისმოსი არ იყო სასჯელი რაღაც უღირსი საქციელისთვის. უბრალოდ ამ გზით სურდათ თავიდან მოეცილებინათ კაცი, რომლის გავლენასა და ძალმოსილებას ესოდენ უფრთხოდნენ. აი, როგორ სრულდებოდა გასამართლების წესი, რომელსაც ოსტრაკისმოსი ეწოდებოდა: მოქალაქე თიხის ქოთნის ნამტვრევზე ამოკანრავდა ხოლმე იმ კაცის სახელს, რომელსაც სახელმწიფოსთვის სახიფათოდ მიიჩნევდა. ქოთნის ნამტვრევებს აგროვებდნენ და ითვლიდნენ. ოსტრაკისმოსი რომ შემდგარიყო, ნამტვრევთა საერთო რიცხვი სამოცი ათასზე ნაკლები არ უნდა ყოფილიყო. შემდეგ ხდებოდა მათი დახარისხება. მას, ვისი სახელიც ყველაზე ხშირად მოიხსენიებოდა ნამსხვრევებზე, ათი წლით აძევებდნენ სახელმწიფოდან. ისიც უნდა აღინიშნოს, რომ გაძევებული თავისი ქონების მფლობელი რჩებოდა, ამასთანავე, ათი წლის შემდეგ მას კვლავ შეეძლო ათენში დაბრუნება და პოლიტიკური მოღვაწეობის გაგრძელება.



საგულისხმოა ერთი ამბავი. ვიღაც უმეცარ, უნიგნურ და, როგორც პლუტარქოსი იტყოდა, გამოყვეყნებულ ათენელს თხოვნით მიუმართავს გვერდით მდგომი უცნობი კაცისათვის, ქოთნის ნამტვრევზე ამოეკანრა არისტიდესის სახელი.

– რა გაგიკეთა ცუდი ამ კაცმა? – უკითხავს მისთვის უცნობს, რომელიც თავად ყოფილა არისტიდესი.

– არაფერი – უთქვამს მთხოვნელს – არც კი ვიცნობ, მაგრამ მომბეზრდა იმის მოსმენა, რომ მას გამუდმებით უწოდებენ სამართლიანს.


არისტიდესს უსიტყვოდ ამოუკანრავს თავისი სახელი ქოთნის ნამტვრევზე და დაუბრუნებია პატრონისათვის. იგი ათი წლით გააძევეს სახელმწიფოდან. როცა უკვე ქალაქს ტოვებდა, მან ხელები ზეცად ალაპყრო და ასეთი ლოცვა წარმოთქვა: „დაე, ნუ დაუდგებათ ათენელებს ისეთი მძიმე უამი, არისტიდესის გახსენებას რომ აიძულებსო“.

სამი წლის შემდეგ, მაშინ როდესაც ქსერქსესი შეიჭრა ატიკაში (ძვ.წ. 480 წ.), ათენელებმა გაძევებულებს შინ დაბრუნების ნება დართეს. ბევრი შიშობდა, რომ ლატაკ-თაგან გაძევებული არისტიდესი მტრის მხარეზე გადავიდოდა და დანარჩენ არისტოკრატებსაც იმავებს ჩაადენინებდა. მაგრამ ისინი არ იცნობდნენ ამ ღირსეულ კაცს. არისტიდესი, შეწყნარებამდე კარგა ხნით ადრე მოუწოდებდა ელინებს, ებრძოლათ სპარსელთა წინააღმდეგ. როდესაც იგი შინ დაბრუნდა, სტრატეგოსად არჩეული იყო თემისტოკლესი განუსაზღვრელი უფლებებით. არისტიდესი მას ყოველნაირად ეხმარებოდა, სიტყვით თუ საქმით, თუმცა კარგად იცოდა, რომ ამით თავისი მრისხანე მეტოქის გაძლიერებას უწყობდა ხელს. არისტიდესს არასოდეს ახსოვდა პირადი ინტერესები, როდესაც საქმე სამშობლოს კეთილდღეობას ეხებოდა.

ბერძენთა მდგომარეობა ერთობ მძიმე იყო. სპარსეთის ჯარმა ჩრდილოეთ საბერძნეთის გავლით შეძლო თერმოპილეს გასასვლელამდე მიღწევა. სპარსელებმა დაუბრკოლებლად დაიკავეს შუა საბერძნეთი და ათენს მიუახლოვდნენ. ყოველმა ათენელმა, რომელსაც კი იარაღის ტარება შეეძლო, ხომალდს მიაშურა, რათა ზღვაზე გაეგრძელებინა ბრძოლა. ბავშვები, ქალები და მოხუცები ათენიდან ატიკის სანაპიროსთან მდებარე კუნძულ სალამისზე გახიზნეს. მალე სპარსელებმა ათენიც დაიკავეს, მათი ფლოტი კი სალამისს მიუახლოვდა.

ბერძენთა ფლოტის განმგებელ სპარტელ მხედართმთავრებს სურდათ სალამი-სიდან უკან დახევა და ათენელთა ბედის ანაბარა მიტოვება. ამასობაში სპარსეთის ფლოტმა ღამით ალყა შემოარტყა სალამისის გასასვლელს და ბერძენებს უკან დასახევი გზა მოუჭრა.

ზუსტად იმხანად კუნძულ ეგინადან დაბრუნდა იქ გაძევებული არისტიდესი. მან გაბედულად გაიყვანა თავისი ხომალდი მტრის გემებს შორის და შეღამებისას



თემისტოკლესის კარავს მიადგა. არისტიდესმა იხმო ბერძენთა სტრატეგოსი და ასე უთხრა: „გემართებს მოვეუხმით კეთილგონიერებასა და შეეწყვიტოთ ბავშვური შულლი. ახლა მთავარია ვიხსნათ საბერძნეთი, შენ – როგორც მხედართმთავარმა და მბრძანებელმა, მე კი – ვითარცა შენმა შემწემ და მრჩეველმა. შენ იცი, რომ აუცილებელია, რაც შეიძლება სწრაფად შეეებრძოლოთ სპარსელებს ვინრო გასასვლელთან. მეც ვიზიარებ შენს აზრს, მაგრამ სპარტელები გენინააღმდეგებიან. სამაგიეროდ მტერი გინყობს ხელს განზრახულის აღსრულებაში. მონინააღმდეგეთა ხომალდებმა ყოველი მხრიდან შემოგვარტყეს ალყა, ბერძენებს სხვა არაფერი დაგვრჩენია, გარდა იმისა, რომ ვიბრძოლოთ, უკან დასახევი ყველა გზა მოჭრილია“.

თემისტოკლესი ფრიად გაახარა არისტიდესის ნათქვამმა. მან სთხოვა არისტოკრატთა ბელადს, რომელსაც გამორჩეულად ეთაყვანებოდნენ სპარტელები, დაერწმუნებინა მათი ფლოტის მბრძანებელი ევრიბიადესი, დაუხანებლივ დაენყო საზღვაო ბრძოლა.

როდესაც ნავარქოსთა საბჭოზე იხილავდნენ ბრძოლის საკითხს, არისტიდესს არ მოუთხოვია სიტყვა. შეამჩნია რა ეს, ერთ-ერთმა სტრატეგოსმა თემისტოკლესს მიმართა: „არისტიდესსაც არ მოსწონს შენი გეგმა. ხომ ხედავ, ზის და არაფერს ამბობს“.

მაშინ კი შეეპასუხა არისტიდესი: „არ გავჩუმდებოდი, თემისტოკლესის ჩანაფიქრი საუკეთესოდ რომ არ მიმაჩნდესო“.

არისტიდესი ათენის ჯარს მთავარსარდლობდა სალამისის ბრძოლაში. მან შენიშნა, რომ სალამისის მახლობლად მდებარე კუნძულ ფსიტალიაზე მონინააღმდეგეთა დიდძალი რაზმები იყვნენ დაბანაკებულნი. ყველაზე მეტად გამბედავ და მეომარ მოქალაქეებთან ერთად არისტიდესი ხომალდებით მიადგა ამ კუნძულს. ბერძნები შეებრძოლნენ სპარსელებსა და მტერთაგან განმინდეს ფსიტალია. რამდენიმე ცნობილი სპარსი ტყვედ აიყვანეს. მათ შორის იყვნენ მეფის ახლობლები, რომლებიც არისტიდესმა თემისტოკლესს გაუგზავნა. სპარსი ჭაბუკები ღვთაება დიონისეს შესწირეს მსხვერპლად.

არისტიდესი თავის მქომრებთან ერთად ჩასაფრდა ამ კუნძულზე და ჩაძირული ხომალდებიდან გადარჩენილ სპარსელებს დაუდარაჯდა. აღმოჩნდა, რომ ყველაზე მეტ ხომალდს იქ მოეყარა თავი. ამიტომ სწორედ იქ გაიმართა ყველაზე ცხარე ბრძოლა; სწორედ იქ აღმართეს გამარჯვების ტროპეონიც.

ბრძოლის შემდეგ თემისტოკლესმა ურჩია ბერძენებს დაუყოვნებლივ გაეცურათ პელესპონტოსისკენ, დაენგრიათ სპარსელების მიერ აგებული ხიდი, რათა მონინააღმდეგეთა ლაშქრისთვის არ მიეცათ ევროპიდან შინ დაბურნების საშუალება. არის-



ტიდესი წინ აღუდგა ამ მოწოდებას. მას სურდა, სპარსელები რაც შეიძლება სწრაფად გასცლოდნენ საბერძნეთს. არისტოტელის აზრით, უკანდასახეც გზას მოწყვეტილი სპარსელები მათდა უნებურად კვლავ დაიწყებდნენ გაცხოველებულ ბრძოლას.

სალამისთან ომის შემდეგ ქსერქსესმა ლაშქრის ნაწილი სასწრაფოდ გაგზავნა აზიაში. საბერძნეთში კი დატოვა თავისი მხედართმთავარი მარდონიოსი, რომელიც მედიდურად სწერდა ბერძნებს:

„თქვენ დაგვამარცხეთ ზღვაზე, მაგრამ ახლა ჩვენს წინაა თესალიისა და ბეოტიის ვრცელი ველები, რაც ესოდენ ხელსაყრელია ჩემი ლაშქრისთვის“.

ათენელებს კი გაუგზავნა წერილი, რომელშიც აღუთქვამდა, რომ თუკი ისინი სპარსელებთან დაზავდებოდნენ, აღუდგენდა დარბეულ ქალაქს, მისცემდა დიდძალ ფულსა და სხვა ბერძნებზე აბატონებდა.

სპარტელებმა, შეშინებულებმა იმით, რომ ათენელები მიიღებდნენ ამ წინადადებას, წარგზავნეს ელჩები. ისინი ათენელებს სთავაზობდნენ, ბავშვები და ქალები გამოეგზავნათ სპარტაში, სადაც მათ უზრუნველჰყოფდნენ კვებით.

არისტოტელის რჩევით ათენელებმა მხნე და სიამაყით აღსავსე პასუხი გაუგზავნეს სპარტელებს:

„რა გასაკვირია – ეწერა წერილში – მტრებს რომ ჩვენი მოსყიდვა სურდეთ. შესაძლოა, მათ არ იციან, რომ არც მინაზე და არც მინის ქვეშ მოიპოვება იმდენი ოქრო, რომელსაც ათენელები ელინთა თავისუფლებას ანაცვალებენ. თქვენ კი, სპარტელებს, უნდა გრცხვენოდეთ, ათენელებს რომ სთავაზობთ საზღაურის ნიღ მათი სამშობლოს დაცვას“.

მარდონიოსის ელჩებს კი არისტოტელსმა ასე მიუგო, მიახედა რა მზისკენ: „ვიდრე მნათობი თავისი გზით ივლის ტატნობზე, ათენელები სპარსელებთან იბრძოლებენ თავიანთი ანიოკებული ქვეყნისა და შეგინებული და დაფერფლილი ტაძრებისათვის“.

როდესაც მარდონიოსი მეორეგზის შეიჭრა ატიკაში (ძვ.წ. 479 წ.), ქალაქის მკვიდრნი კვლავ სალამისზე გადასახლდნენ. არისტოტელის რჩევით ათენელებმა სპარტაში წარგზავნეს ელჩები. ისინი შეელას სთხოვდნენ სპარტელებს. სპარტის მმართველებმა მათ გაუგზავნეს ხუთი ათასი მეომარი. საბრძოლო რაზმებს შვიდშვიდი ჰელოტი ედგა სათავეში.

მოსალოდნელ ბრძოლაში ათენელთა წინამძღოლობისათვის სტრატეგოსად არჩეული არისტოტელის პლატიეაში ათენელ ჰომლიტთა თანხლებით ჩავიდა. აქ მას შეუერთდა სპარტის მეფე პავსანიასი, რომელიც სათავეში ედგა საერთო ბერძნულ ლაშქარს. მათთან განუწყვეტლივ მოდიოდნენ სხვა ბერძნულ სახელმწიფოთა საბრძოლო რაზმები. სპარსელები მდინარე ასოპოსის გასწვრივ დაბანაკდნენ.



სპარტელებთან ერთად პელოპონესოსიდან მოსული ტეგეელები¹ მოითხოვდნენ, რომ მათი რაზმისთვის მიენიჭებინათ ბერძნული ლაშქრის მარცხენა ფრთის დაკავების უფლება.² ამასთანავე, ისინი ყოველნაირად აქებდნენ თავიანთ წინაპრებს, რომლებიც, მათი თქმით, მუდამ ამ ფრთაზე იბრძოდნენ და იმარჯვებდნენ კიდევ.

არისტიდესი, რომელმაც შენიშნა, რომ ათენელები აღშფოთებულნი იყვნენ, მოუახლოვდა მათ და უთხრა:

– ახლა წინაპართა სიმამაცეზე კამათის დრო არ გვაქვს. როგორი ადგილიც არ უნდა მოგვაკუთვნონ მწკრივში, ჩვენ შევეცდებით არ შევლახოთ უწინდელ ბრძოლებში მოპოვებული დიდება. ჩვენ აქ მოვედით არა მოკავშირეებთან საკამათოდ, არამედ მტერთან საბრძოლველად. ადგილი როდი ანიჭებს კაცს უალრესობას. დაე, თვით ბრძოლამ დაგვანახოს, ვინ უფრო მეტი პატივის ღირსია.

ბერძენთა ძალებსა და ერთიანობას მხოლოდ მოკავშირეთა უთანხმოება როდი ასუსტებდა. ბრძოლის წინა დღეს ათენელები შეაშფოთა მდიდართა ქცევამ. ომით დაქცეულებმა დაინახეს, რომ სიმდიდრესთან ერთად გაქრა მათი ძალმოსილებაც. პლატეაში მალულად შეკრებილმა მდიდრებმა დემოკრატიის დასამხობად შეთქმულება მოაწყვეს. წარუმატებლობის შემთხვევაში მათ განზრახული ჰქონდათ სპარსელთა მხარეს გადასვლა, რაც ლალატის ტოლფასი იყო. შეთქმულებს მრავალი მომხრე აღმოაჩნდათ. მოლაშქრეთაგან მრავალი მზად იყო, მათ კვალს გაჰყოლოდა.

არისტიდესმა შეიტყო შეთქმულების ამბავი, მაგრამ დრო ძიებისათვის ხელსაყრელად არ მიიჩნია. თუმცა ამ ამბის უყურადღებოდ მიტოვებაც არ შეიძლებოდა. შეთქმულთა შორის არსტიდესმა მხოლოდ რვა კაცი შეიპყრო. ყველაზე მეტად დამნაშავე ორი შეთქმული გაიქცა. დანარჩენები არისტიდესმა თავად გაუშვა. მას სურდა, მათთვის მონანიებისა და დანაშაულის გამოსყიდვის საშუალება მიეცა გადამწყვეტ ბრძოლაში.

ამასობაში მარდონიოსი მთავარი ომისთვის ემზადებოდა. იგი იმედებს თავის მხედრიონზე ამყარებდა. ბერძენთა მთელი ლაშქარი კითერონის მიუვალ კლდოვან ფერდობებზე ჩასაფრდა. მხოლოდ სამი ათასი მეგარელი დაბანაკდა გაშლილ ზეგანზე. ამიტომაც ჩავარდნენ უმძიმეს მდგომარეობაში. ყოველი მხრიდან ლაბანაკს სპარსი მხედრები დაესხნენ თავს. მეგარელებმა დაუყოვნებლივ აფრინეს მაცნე სპარტის მეფე პავსანიასთან დახმარების თხოვნით. მაგრამ მეფე ვერ ბედავდა სპარს ცხენოსნებთან ომის უმეცარ სპარტელ ჰოპლიტთა ბრძოლის ველზე გაგზავნას. ამასობაში მტრისგან ნატყორცნი შუბებითა და ისრებით დაფარული მეგარელთა ბანაკი სავსებით მიეფარა თვალს.



მაშინ პავსანიასმა სთხოვა მის ირგვლივ მდგომ მხედართმთავრებს, დახმარებოდნენ მეგარელებს. არავინ გამოსხმაურებია ამ მოწოდებას. მხოლოდ არისტიდესმა შეკრიბა ათუნელთა სახელით სამასი რჩეული მებრძოლი. მათ ერთად მოიყარეს თავი და სირბილით ისწრაფეს ბრძოლის ველისკენ.

სპარსეთის ცხენოსანთა ჯარის მეთაურმა, ძალითა და ახოვანებით გამორჩეულმა მასისტიოსმა დაინახა თუ არა ათუნელები, მოაბრუნა ცხენი და მათ შესახვედრად გააჭენა. გაჩაღდა სასტიკი ბრძოლა. ბერძნები მტერს ხელდახელ ებრძოდნენ. მათი ისარი მასისტიოსის ცხენს მოხვდა. გამძვინვარებულმა ცხენმა თავისი მხედარი ძირს დაანარცხა. სპარსთა მხედართმთავარი მძიმე აბჯრით იყო აღჭურვილი. ამიტომ მას თავად არ შეეძლო წამოდგომა, ვერც ათუნელებმა შეძლეს მისი განგმირვა. ბოლოს, როგორც იქნა ერთ-ერთმა მეომარმა მუზარადის თვალისთვის განკუთვნილ ადგილას ჩაარჭო შუბი და ასე მოკლა მინად განრთხმული მასისტიოსი. გადარჩენილმა სპარსელებმა მხედართმთავრის გვამი მიაგდეს და პირი იბრუნეს.


შიშის ზარმა მოიცვა სპარსეთის ლაშქარი. ბრძოლის ველი გლოვითა და მოთქმით აღივსო. მძიმე იყო სპარსელებისთვის მასისტიოსის დაკარგვა, რადგანაც იგი სიქველთა და სიმამაცით მხოლოდ და მხოლოდ მარდონიოსს თუ ჩამოუვარდებოდა.

სპარსეთის მხედრიონთან შებმის შემდეგ ბრძოლა დიდი ხნით შეწყდა. ეს გამოწვეული იყო იმით, რომ მისნებმა გამარჯვება უწინასწარმეტყველეს მას, ვინც თავდასხმით კი არა, თავდაცვით ბრძოლაში ჩაებმებოდა. სპარსელებისთვის ხელსაყრელი იყო ბრძოლა გაშლილ ველზე, სადაც ისინი წარმატებით ისარგებლებდნენ თავისი ცხენოსნებით. ბერძნებს კი სურდათ ებრძოლათ კლდოვან ფერდობებზე, სადაც სპარს მხედართა გამოყენება შეუძლო იყო. ესმოდათ რა, რომ მოპირისპირე ძალთაგან ყოველი უკეთ იომებდა იქ, სადაც იყო ჩასაფრებული, სპარსი და ბერძენი მისნები თავიანთ მოსაზრებებს ღვთის ნებად აცხადებდნენ და წინასწარმეტყველებდნენ, რომ თავდასხმას არ მოჰყვებოდა წარმატება. გარემოებათა გამო სპარსელები იძულებულნი იყვნენ ეჩქარათ. მარდონიოსს შემორჩენილი ჰქონდა მხოლოდ რამდენიმე დღის საკვები მარაგი. ბერძენთა რიცხვი კი განუწყვეტილად იზრდებოდა. მარდონიოსმა გადაწყვიტა, აღარ გადაედო ბრძოლა.

შუალამისას ბერძენთა ბანაკს მალულად მიუახლოვდა ცხენზე ამხედრებული კაცი. მან არისტიდესი იხმო და უთხრა:

– მე მაკედონიის³ მეფე ვარ, ალექსანდრე. თუმცა უდიდეს საფრთხეში ჩავიგდე თავი, მაგრამ მაინც მოვედი, რათა გაგაფრთხილოთ: ხვალ მარდონიოსი იწყებს ბრძოლას, რადგანაც სხვა გამოსავალი არა აქვს.

ასე თქვა ალექსანდრემ და სთხოვა არისტიდესს არ გაეთქვა მისი მოსვლის ამბავი.



– მე ვერ დაეუმალავე შენს ნათქვამს პავსანიასს, მაგრამ მის გარდა ამას ვერაფერს გაიგებს – ალუთქვა არისტიდესმა.

როდესაც მაკედონელთა მეფე თვალს მიეფარა, არისტიდესმა ყველაფერი უამბო პავსანიასს. მან დაუხანებელი იხმო სტრატეგოსები და ლაშქრის საბრძოლო მზადყოფნის ბრძანება გასცა. არისტიდესს კი სპარტის მეფემ თხოვნით მიმართა, გადაეყვანა ათენელები მარჯვენა ფრთაზე და სპარსელების პირისპირ განელაგებინა. იგი ვარაუდობდა, რომ ათენელები სხვებზე უკეთ შეებრძოლებოდნენ მტერს, რამეთუ მათთან შებმის გამოცდილება უკვე ჰქონდათ. მარცხენა ფრთა კი, რომლის პირისპირ განლაგებულნი იყვნენ სპარსეთის არმიაში შემავალი მცირეაზიელი ბერძნები, მან სპარტელებისთვის ითხოვა.

ათენელი სტრატეგოსები თვლიდნენ, რომ პავსანიასი უსამართლოდ მოიქცა, მიუჩინა რა მათ ყველაზე სახიფათო ადგილი. მაგრამ არისტიდესმა მიიღო სპარტელთა წინადადება. მან შეახსენა თავის თანამემამულეებს, რომ სულ ახლახანს ისინი ტეგეელებს ედაკებოდნენ მარცხენა ფრთის საპატიო ადგილისათვის. ახლა კი, ოდეს სპარტელებმა საკუთარი ნებით დაუთმეს მათ უფრო საპატიო მარჯვენა ფრთა, ისინი ისევ უკმაყოფილონი არიან მინიჭებული პატივით.

არისტიდესის სიტყვამ გონს მოაგო ათენელები და მათ ხალხისით გაუცვალეს ადგილი სპარტელთ. მთელ ბანაკს მოედო არისტიდესის ნათქვამი:

„რისი უნდა გვეშინოდეს? განა მტერი უფრო მეტად მამაცი გახდა, მისი იარაღი კი – უკეთესი? არაფერი შეცვლილა მართონის ბრძოლების შემდეგ. ჩვენ გავიმარჯვებთ!“


მარდონიოსმა ბერძენთა განლაგების თაობაზე მტრის მხარეზე გადასულთაგან შეიტყო და სასწრაფოდ შეუცვალა წყობა თავის ლაშქარსაც. მას სურდა, რომ სპარსელთა პირისპირ სპარტელები ყოფილიყვნენ. შესაძლოა, იმის გამო, რომ ეშონოდა ათენელებისა, ისიც შესაძლოა, რომ დიდ პატივად მიაჩნდა ბრძოლა სწორედ სპარტელთა წინააღმდეგ.

როგორც კი პავსანიასმა ეს შენიშნა, კვლავ განაღობა ათენელები სპარსელთა პირისპირ.

და კვლავ შეუცვალა წყობა მარდონიოსმა თავის ლაშქარს.

დღემ ამო გადალაგებებში განვლო. შეღამებისას ბერძნებმა გადაწყვიტეს უფრო ხელსაყრელი პოზიცია დაეკავებინათ. სტრატეგოსებმა ჯარი შერჩეული ადგილისაკენ წაიყვანეს, მაგრამ მეომრები ზანტად და უხალისოდ მიაბიჯებდნენ.

მარდონიოსს შეუმჩნეველი არ დარჩენია ის, რომ ბერძნებმა დატოვეს ძველი სამყოფელი. მან ჩათვალა, რომ მტერი უკან იხევდა და თავისი ჯარი კვალდაკვალ დაადევნა სპარტელებს. სპარსელები ხმამაღალი ყვირილითა და იარაღის უღარუ-



ნით მირბოდნენ. ისინი თვლიდნენ, რომ მტერთან შებმა კი არა, არამედ ძარცვა და გაქცეულთა ხოცვა უნევედათ. და მართლაც, კინალამ ისე მოხდა, როგორც ისინი ვარაუდობდნენ.

სპარსელთა მოახლოება რომ შენიშნა, პავსანიასმა რაზმების საბრძოლო მზადყოფნის განკარგულება გასცა. მან სპარტელებს უბრძანა, ფარები აეფარებინათ და მტერს დალოდებოდნენ. სპარსელთა ისრები უკვე ბერძენთა ლაშქარს სწვდებოდა, მაგრამ სპარტელები განაგრძობდნენ ადგილზე დგომას. ისრით განგმირული ბევრი მეომარი ძირს ეცემოდა, თუმცა ფალანგა ერთი ნაბიჯითაც არ იხევდა უკან. ბოლოს პავსანიასმა ბრძოლის დაწყების ნიშანი მისცა. მხოლოდ ახლა გაიგეს სპარსელებმა, რომ მათ წინააღმდეგ ილაშქრებდნენ, რომელთაც გადაწყვეტილი ჰქონდათ ებრძოლათ სულის ამოხდომამდე.

როდესაც წველისგან დაწნულ ფართა უზარმაზარი ზღუდე იხილეს, სპარსელებმა წინ გაიყვანეს მშვილდოსნები, რომლებმაც ნატყორცნი ისრებით დაფარეს ბერძენთა ჯარი.

სპარტელები ფართო ფარზე მიბჯენილები მიიწვედნენ სპარსელებისკენ. ისინი მიუახლოვდნენ მტერს, გაარღვიეს მჭიდრო მწკრივები და შუბებით დაიწყეს ბძროლა. სპარსელებმა შიშველი ხელები შეაგებეს შუბებს და მათი დიდი ნაწილი გადატეხეს. შემდეგ ქარქაშებიდან ამოაძრეს იარაღი და მახვილები და სატყვეები დააბზრიალეს. სისხლისმღვრელი და სასტიკი ბრძოლა გაჩაღდა.

როდესაც ათენელებს ბრძოლის ყიჟინა ესმათ, სასწრაფოდ გაეშურნენ სპარტელთა დასახმარებლად. ხმამალალი ყვირილით დაეშვენ ისინი ველზე. წინ სპარსთა მხარეს გადასული ბერძნები შემოეფეთათ. როგორც კი მათ თვალი მოჰკრა, არისტიდესი საკმაო მანძილით წინ გაიჭრა და ელინთა ყველა ღმერთის მოხმობით ევედრებოდა მომხდურებს: ნუ შეგვებრძოლებით, ხელს ნუ შეგვიშლით დავეხმაროთ იმათ, ვისაც ელადისათვის თავი აქვს დადებულიო. როცა დაინახა, მას ყურს არ უგდებდნენ და საბრძოლველად მწკრივდებოდნენ, არისტიდესმა სპარტელთა დასახმარებლად სვლა შეწყვიტა და მოლაღატე ბერძნებს ეკვეთა. მათი რიცხვი ორმოცდაათი ათასს აღწევდა. მიუხედავად სიმრავლისა, მოლაღატე ბერძენთა დიდი ნაწილი უკუიქცა.

ბრძოლა ერთდროულად ორ ადგილას იყო გაჩაღებული. სპარტელებმა მალე დაამარცხეს მოწინააღმდეგე და აიძულეს იმ გალავანს მიღმა მიმალულიყო, რომელიც მტრის ალაღს ერტყა.

სპარსელთა მხარეს მებრძოლ ბერძენთა დამარცხებიდან მცირე ხნის შემდეგ ათენელებთან მოვიდა მაცნე იმ უწყებით, რომ სპარსელები უკუიქცნენ თავის ბანაკში. ათენელებმა იცოდნენ, რომ სპარტელებს არ შეეძლოთ გამაგრებული ად-



გილის იერიშით ალება და ამიტომ სასწრაფოდ დაიძრნენ მათ მისაშველებლად. ათენელებმა მისვლისთანავე აიღეს ალალი და დაამარცხეს დიდძალი მტერი. ეს ბრძოლა ძვ.წ. 479 წელს მოხდა. ბერძენებმა დაკარგეს ათას ხუთას მებრძოლზე ნაკლები. სპარსელთა დანაკარგი გაცილებით დიდი იყო.

ბრძოლის შემდეგ ბერძენმა სტრატეგოსებმა დაიწყეს დავა იმაზე, თუ ვისთვის მიეკუთვნებინათ გამარჯვების ჯილდო. ათენელებს არ სურდათ დაეთმოთ სპარტელებისთვის. დავა გამძაფრდა, ისეთი შთაბეჭდილება რჩებოდა, რომ მოდავეები იარაღსაც კი აღმართავდნენ ერთმანეთზე. ამ უმძიმეს დროს, როდესაც თავი სუფლების საქმე უკუღმა უნდა დატრიალებულიყო, არისტიდესმა დაარწმუნა სტრატეგოსები, დავის გადაწყვეტა მიენდოთ მთელი ბერძნული ლაშქრისთვის.

ყველას ესმოდა, რომ თუ საქმე ათენელთა ან სპარტელთა სასარგებლოდ გადაწყდებოდა, მათ შორის ომი გარდაუვალი იყო. ხანგრძლივი განსჯის შემდეგ დაადგინეს, გამარჯვების ჯილდო მიეკუთვნებინათ პლატეელთათვის, ვის მინაწყალზეც ეს დიადი ბრძოლა გამარჯვებით დაგვირგვინდა.


ამ გადაწყვეტილებას პირველი არისტიდესი მიესალმა ათენელთა სახელით, შემდეგ კი პავსანიასიც – სპარტელთა სახელით.

პლატეელებს გამოუყვეს 80 ტალანტონი. ამ ფულით მათ ქალღმერთ ათენას აუგეს დიდებული ტაძარი. სპარტელებმა და ათენელებმა კი თავ-თავიანთი ტროპეონები აღმართეს.

ბერძენებმა დელფოს მისანს მიმართეს მსხვერპლშენირვების თაობაზე. მისნის პასუხი ასეთი იყო: სამადლობელი მსხვერპლი მხოლოდ მას შემდეგ უნდა შეენიროათ, როდესაც მთელ საბერძნეთში ჩააქრობდნენ სპარსელთა მიერ გაჩაღებულ ნაბილწულ ცეცხლს და აღანთებდნენ ახალს, რომელიც დელფოს საერთო კერიიდან იქნებოდა აგზნებული.

მაშინ ბერძენთა ბელადებმა ბრძანეს, ყოველგან ჩაესოთ ცეცხლი. ევქიდას პლატეელმა კი იკისრა დელფოს ცეცხლის რაც შეიძლება სწრაფად ჩამოტანა. მან თავი შეიმკო დაფნის გვირგვინით, საკუთარხველიდან აიღო ცეცხლი და სირბილით დაეშვა დაბლა. გადმოგვცემენ, რომ ევქიდასმა იმავე დღეს, მზის დახლომამდე მიიღწია პლატეას, გაირბინა რა ათასი სტადიონი (დაახლოებით 180 კმ.). ჩამოიტანა თუ არა ცეცხლი, იგი იმ წამსვე დაეცა სულამოხდილი.

ამის შემდეგ მოწვეულ იქნა ბერძნული სახელმწიფოების წარმომადგენელთა კრება. არისტიდესმა ხალხს ურჩია, რომ პლატეაში ყოველწლიურად შეკრებილიყვნენ ბერძენთაგან ურჩეულენსი და რომ ყოველ ხუთ წელში ერთხელ აქ გაემართათ ელევთერიული ასპარეზობები.⁴ ამავე კრებაზე გადაწყდა, რომ სპარსე-



ლებთან შემდგომი ბრძოლებისათვის შეეკრიბათ მოკავშირეთა ლაშქარი, რომელიც გააერთიანებდა 10 000 მძიმედ შეიარაღებულ მეომარს, 1000 მხედარსა და 100 ხომალდს.

ამ დღიდან მოყოლებული პლატეას მიწა ბერძენთათვის ხელშეუხებელი იყო. პლატეელებს დაეკისრათ, სრულიად საბერძნეთის სახელით შეენიერათ მსხვერპლი ღმერთებისათვის.

როდესაც არისტიდესი ათენში დაბრუნდა, თემისტოკლესმა სახალხო კრებაზე განაცხადა, რომ განიზრახა სახელმწიფოსთვის სასარგებლო რამ, „მაგრამ – თქვა თემისტოკლესმა – არ შემიძლია ასე ცხადად მისი გამხელა“.


ათენელებმა მოსთხოვეს თემისტოკლესს, ყოველივე გაენდო მხოლოდ არისტიდესისათვის, ვის სამართლიანობასა და პატიოსნებაშიც არ ეპარებოდათ ეჭვი. როგორც გაირკვა, ბერძნულ სახელმწიფოთა ხომალდები დაუცველად იყვნენ თავმოყრილნი ერთ ნაპირთან. თემისტოკლესს სურდა, ესარგებლა ამით, ხელში ჩაეგდო ისინი და დაენვა. მისი აზრით, მაშინ ათენელები შეიქმნებოდნენ უძლიერესნი ზღვაზე, რაც საშუალებას მისცემდა მათ ებატონათ მთელ საბერძნეთში.

სახალხო კრებაზე გამოსულმა არისტიდესმა აღნიშნა, რომ არაფერი იქნებოდა უფრო მნიშვნელოვანი ათენისათვის, ვიდრე ის, რაც განიზრახა თემისტოკლესმა, მაგრამ არც არაფერი იქნებოდა უფრო უზნეოც. არისტიდესის ამ განაჩენის შემდეგ ათენელებმა თემისტოკლესს მოსთხოვეს უკუეგდო თავისი ჩანაფიქრი.

მაღე სტრატეგოსად არჩეული არისტიდესი გაგზავნეს სპარსელთა წინააღმდეგ საბრძოლველად. ადგილზე მისულმა ნახა, რომ პავსანიასი და სხვა სპარტელი მხედართმთავრები უხეშად და მედიდურად ეპყრობოდნენ ბერძნებს. ისინი სასტიკად სჯიდნენ რიგით მეომრებს. პავსანიასი სხვა ბერძენ მეომართა ხარჯზე სპარტელებს უკეთეს პირობებს უქმნიდა, კადნიერად და ქედმაღლურად ექცეოდა ყველას.

არისტიდესმა შეძლო მოკავშირეთა კეთილგანწყობის დამსახურება და სპარტელთა უპირატესობის გაქარწყლება. მრავალი მხედართმთავარი, განსაკუთრებით კუნძულების სახელმწიფოებისა, სთხოვდა მას, ხელში აეღო მთელი ლაშქრის განმგებლობა. არისტიდესს არ სურდა სპარტელების განაწყენება, იგი ჯერ არ იყო დარწმუნებული, რომ მოკავშირეები სათანადო უამს მას დაუჭერდნენ მხარს. არისტიდესისათვის რომ თავისი ერთგულება დაემტკიცებინათ, მოკავშირეები თავს დაესხნენ პავსანიასის ხომალდს. მათი მოთხოვნით პავსანიასი იძულებული გახდა უარი ეთქვა მთავარსარდლობაზე.

სპარტელმა კანონმდებლებმა გადაწყვიტეს, კავშირის წინამძღოლობის გამო არ შეებოდნენ ათენელებს. მათ უკან გაიწვიეს პავსანიასი, ხოლო შემცველი მხე-



დართმთავარი არ გაგზავნეს. მათი ჯარები მეტად აღარ მონაწილეობდნენ სპარსელთა წინააღმდეგ ბრძოლაში. სპარტელები თვლიდნენ, რომ მათ აღარ ეყოფოდათ ძალა ჰელოტების შესანახად და პელოპონესოსში გაბატონებული მდგომარეობის შესანარჩუნებლად, თუკი დაინწყებდნენ ზღვაზე უპირატესობის მოპოვებისათვის ბრძოლას.

ასე რომ, ნაცვლად სპარტის მეთაურობით არსებული ანტისპარსული კავშირისა, შეიქმნა ათენის საზღვაო კავშირი (ძვ.წ. 478 წ.).

ჯერ კიდევ მაშინ, როდესაც სპარტა მეთაურობდა კავშირს, გადაწყდა, რომ ყოველ ბერძნულ სახელმწიფოს ომის საჭიროებისათვის გარკვეული გადასახადი უნდა გაეღო. თავის დროზე ამ გადასახადთა ოდენობამ დიდი კამათი გამოიწვია. ახლა, როდესაც მეთაურობა ათენის ხელში გადავიდა, არისტიდესს დაეკისრა სახელმწიფოთა ადგილ-სამყოფელისა და შემოსავლის გათვალისწინებით დაედგინა გამოსაღების სიდიდე.


არისტიდესის ხელთ უდიდესი ძალაუფლება აღმოჩნდა, მაგრამ მას არ უსარგებლია ამით. გადასახადთა სამართლიანი განაწილებით მან ისეთი დიდება მოიპოვა, როგორც არ ჰქონია არცერთ ადამიანს. აღნიშნულ მოვლენათა თანამედროვე პეროდოტოსი გადმოგვცემს, რომ არისტიდესის მიერ დანესებული გადასახადი არ განსხვავდებოდა იმ გამოსაღებისაგან, რომელსაც უზღიდნენ სპარსელებს დამონებული ბერძნული სახელმწიფოები.

თემისტოკლესი კვლავაც ეპაექრებოდა არისტიდესს. იგი ამბობდა, სტრატეგოსის ყველაზე დიდ ღირსებად მტრების ზრახვათა გამოცნობის და წინასწარი მხილების უნარს ვთვლიო.

– ეს რა თქმა უნდა, მართალია, – უპასუხებდა არისტიდესი, – მაგრამ უმთავრესი და ჭეშმარიტად სარდლის საკადრი ღირსება მინც ისაა, ხელები სუფთა ჰქონდესო.

არისტიდესის მთელი ცხოვრება ამ სიტყვათა დასტური იყო. იგი გარდაიცვალა ათენში, ღრმად მოხუცებული, თანამოქალაქეთა სიყვარულითა და პატივით მოსილი. არისტიდესი იმდენად ღარიბი იყო, რომ მის სახლში დასაკრძალი ფულიც კი არ აღმოჩნდა. სახელმწიფომ თავისი სახსრებით აღმართა ძეგლი მის სამარესთან. იმასაც ამბობენ, რომ ამ დიდებული კაცის ქალიშვილებიც საზოგადოებამ დაათხოვა, ხოლო ვაჟს, ლისიმაქოსს საკადრისი ქონება და მამული უბოძაო.





შენიშვნები:

¹ ქალაქი ტეგეა მდებარეობს არკადიაში, პელოპონესოსის ცენტრალურ ნაწილში.

² ლაშქრის ერთ-ერთი ფრთის დაკავება განსაკუთრებულად საპასუხისმგებლო და საპატიო მოვალეობად ითვლებოდა. მარჯვენა ფრთა (ყველაზე საპატიო ადგილი) სპარტას ეკუთვნოდა, მარცხენა ფრთის დაკავების უფლება კი უნდა მინიჭებოდა მნიშვნელობით მეორე სახელმწიფოს – ათენს.

³ მაკედონია სპარსელთა მეკავშირე იყო.

⁴ ეს იყო სპარსეთის ულლისაგან განთავისუფლების სადიდებლად დანესებული ასპარეზობა. ელევთერია ბერძნულად „თავისუფლებას“ ნიშნავს.



პერიკლესი

ათენელი სახელმწიფო


მულვანე, სტრატიმონი

(დაახლ. ძვ.წ. 490-429 წწ.)



ისტორიოგრაფოსები პერიკლესს ათენური დემოკრატიის მამად აღიარებენ. იმ დროს, როდესაც ეს დიდებული ელინი მოღვაწეობდა, ათენის პოლიტიკურ ცხოვრებაში ორი ძირითადი ძალა მონაწილეობდა. ერთი მიიჩნეოდა, რომ ქვეყნის სწორად მართვა მხოლოდ წარჩინებულებს შეუძლიათ, რადგანაც ისინი შეძლებულნიც არიან, განათლებულნიც და ღირსეულთა ჩამომავალნიც; მეორე ძალა დემოსს ეყრდნობოდა და ქადაგებდა, რომ საკუთარი თავის მიუკერძოებელი შემფასებელი თავად ხალხი იყო. ჯერ კიდევ ბერძენ-სპარსელთა ომებამდე ათენში კლისთენესის სახელით ცნობილი რეფორმები განხორციელდა (ძვ.წ. 510 წ.). მისი წინადადებით სახელმწიფოს მმართველობა გადაეცა მოქალაქეთა შორის კენჭისყრით არჩეულ „ხუთასთა საბჭოსა“ და ათ სტრატეგოსს, რომელთაც სახალხო კრება ირჩევდა. უმაღლეს ხელისუფლებას სახელმწიფოში განაგებდა სახალხო საბჭო, რომელიც ყველა თავისუფალ მოქალაქეს აერთიანებდა. კლისთენესის რეფორმებმა საბოლოოდ დაასუსტეს ათენში დიდგვაროვანთა უპირატესობა და დაამყარეს დემოკრატია, ანუ ხალხის მმართველობა. არ უნდა დავივიწყოთ ისიც, რომ იმხანად „ხალხის“ ცნება არ გულისხმობდა მონებს, ქალებსა და სხვა სახელმწიფოებში მოსახლე ბერძენებს. ასე რომ, ეს „ხალხი“ მთელი მოსახლეობის ერთ მერვედზე მეტს არ შეადგენდა.

პერიკლესის მშობლები, ქსანთიპოსი და აგარისტე ათენის ყველაზე ცნობილ გვართა ჩამომავლები იყვნენ. ქსანთიპოსმა სახელი მოიხვეჭა ბერძენ-სპარსელთა ომების დროს. იგი მეთაურობდა ათენის ფლოტს, რომელმაც მცირე აზიის სანაპი-



როსთან მდებარე მიკალესთან ბრძოლაში მოიპოვა გამარჯვება. აგარისტე ალკმეონიდების იმ გვარის ჩამომავალი იყო, რომელსაც მიეკუთვნებოდა ცნობილი პოლიტიკური მოღვაწე კლისთენესი, სწორედ ის, ვინც ტირანია დაამხო, კანონები დაამკვიდრა და შექმნა სახელმწიფო წყობილება, რომელშიც საუკეთესოდ იყო ერთმანეთთან შეხამებული თანხმობა და კეთილდღეობა.

დაბადებისთანავე პერიკლესმა, ძლიერმა და ჯანსაღმა ბავშვმა, ყველა გააოცა იმიტომ, რომ თავი პქონდა უჩვეულო სიდიდისა და ფორმის. ეს ნაკლი მას მთელი ცხოვრების მანძილზე შერჩა და რომ დაეფარათ იგი, სახელოვან სტრატეგოსს მუდამ მუზარადით გამოსახავდნენ ხოლმე. სამაგიეროდ, კომედოგრაფოსებს პქონდათ ყბადალებული მისი საოცრად დიდი თავი. ატიკელი პოეტები მას სქინოკეფალოსს, ანუ „ზღვის ხახვისთავას“ უწოდებდნენ.

პერიკლესმა ჩინებული განათლება მიიღო. მას ასწავლიდნენ მუსიკასაც და ლექსთწყობასაც. ისმენდა იგი ფილოსოფოს ძენონის ლექციებსაც. ძენონი კამათის დიდოსტატად ითვლებოდა. მას შეეძლო მახვილგონივრული დავით გამოუვალ მდგომარეობაში ჩაეგდო მოპაექრე. მაგრამ ყველაზე მეტად პერიკლესმა დაიახლოვა მცირე აზიიდან ათენში ჩამოსული ფილოსოფოსი ანაქსაგორასი, რომელსაც „გონება“ უწოდეს მისივე თანამედროვეებმა. იგი ამტკიცებდა, რომ მოვლენებს განაგებს არა ღმერთთა დასი, არამედ გონება, რომლის ძალითაც შესაძლებელია მთელი გარემომცველი სამყაროს შეცნობა.

ამ სწავლულმა თავის თხზულებაში „ბუნებისათვის“, შეძლო ეჩვენებინა, მატერიის თუ რა მცირე ნაწილაკებისაგან შეიქმნა მიწა, ზღვები და მნათობებიც კი, რომლებიც, მორწმუნე ბერძენთა აზრით, მაშინ ჩნდებოდნენ, როდესაც ღმერთები ცად ალაზებდნენ ხოლმე მიწაზე გამორჩეულ რომელიმე გმირს.

მნათობთა ბუნება რომ შეეცნო, ანაქსაგორასმა შეისწავლა მეტეორიტები და მივიდა იმ დასკვნამდე, რომ ვარსკვლავთა ნათება დაკავშირებულია სწრაფად მფრინავ „ქვათა ნატეხების“ ფრენით გამოწვეულ სიმზურვალესთან. მზე, ანაქსაგორასის აზრით, გავარვარებული ქვის ნატეხია და არა ღმერთი. სიშორის გამო ჩვენ იგი მცირედ გვეჩვენება, სინამდვილეში კი სიდიდით მთელ საბერძნეთს აღემატება. ის, რასაც ჩვენ მთვარის ნათებად მივიჩნევთ, მზის სინათლის ანარეკლია მხოლოდ. რამდენადაც მთვარე არ არის გავარვარებული სფერო, უნდა ვივარაუდოთ, რომ იგი დედამიწის მსგავსია და შესაძლოა, ქადაგებდა ანაქსაგორასი, მასზეც ცხოვრობენ ადამიანები.

ანაქსაგორასის წიგნში არაფერი იყო ნათქვამი ღმერთებზე. ამიტომ რელიგიურად განწყობილი ვერ იტანდნენ ამ სწავლულსა და მის ათენიდან განდევნაზე



ოცნებობდნენ. მაგრამ პერიკლესი აღფრთოვანებული იყო ფილოსოფოსით და მისი ხელმძღვანელობით საფუძვლიანად დაეფუძლა ციურ მოვლენათა მოძღვრებას.

ღიდი ცოდნისა და თანდაყოლილი ნიჭიერების წყალობით პერიკლესის სიტყვები გამოირჩეოდა სიღრმითა და დიდებულებით. იგი დადიოდა ღინჯად, სამოსი მის სხეულს სწორ ნაკეცებად ეფინა მუდამ, საუბარი ჰქონდა მშვიდი და თავშეკავებული.


არავის შეეძლო მისი აღელვება. ერთხელ, ვილაც ვიგინდარა და თავხედი კაცი განურისხდა. მთელი დღის მანძილზე ლანძღავდა და აგინებდა. პერიკლესი დუმილით ითმენდა ამას მოედანზე და თან რალაც საქმით იყო დაკავებული. საღამოჟამს, როდესაც შინ ბრუნდებოდა, ეს ვიგინდარა დაედევნა და მთელი გზა წყევლითა და კრულვით აიკლო. სიბნელე იყო, პერიკლესი რომ სახლს მიუახლოვდა. მონას უბრძანა, აეღო სანათური და უცნობი სახლამდე მიეცილებინა.

პერიკლესი, ისევე როგორც მისი მოძღვარი ანაქსაგორასი, არ იყო ცრუმორწმუნე. ერთხელ მასთან მივიდა მისანი, რომელსაც ხელში ცალრქა ვერძის მოკვეთილი თავი ეკავა და უწინასწარმეტყველა, რომ უმოკლეს ხანში სახელმწიფოში მთელი ძალაუფლება ერთი კაცის ხელში მოიყრიდა თავს. მართლაც, მალე პერიკლესმა შეძლო თავისი მოწინააღმდეგის ჩამოცილება და მთელი სახელმწიფოებრივი საქმეები მის ხელთ აღმოჩნდა. მაგრამ სტრატეგოსი მაინც არ უჯერებდა მისანს, რომელიც ისევე არწმუნებდა, რომ წარმატება დაკავშირებული იყო კეთილისმუნებელ ნიშანთან. მან ანაქსაგორასს დაავალა, გაეკვია ვერძის სიმახინჯის მიზეზი. სწავლულმა დაამტკიცა, რომ თავის ქალის არასწორი აგებულების გამო მეორე რქა ვერ ამოიზარდა და ამიტომაც არ იყო საკვირველი ის, რომ ვერძს ერთი რქა ჰქონდა მხოლოდ.

ახალგაზრდობისას პერიკლესს ეშინოდა ოსტრაკისმოსისა, რამეთუ წარჩინებულთა მოდგმისა იყო და თანაც მდიდარი, მისი მეგობრები კი სახელმწიფოში ყველაზე გავლენიან ხალხად ითვლებოდნენ. გარდა ამისა, იმასაც ამბობდნენ, რომ პერიკლესი ჩამოჰგავდა ათენის ოდინდელ განმგებელს, ტირან პისისტრატოსს. ხანდაზმულები განცვიფრებას ვერ მალავდნენ, ისე ემსგავსებოდა იგი ხმითა და ლაპარაკის მანერით ათენელ ტირანს.

გაძეების შიშმა აიძულა პერიკლესი ჩამოსცილებოდა სახელმწიფო საქმეებს. მაგრამ იგი მრავალი ლაშქრობის მონაწილე იყო და სიქველით და სიმამაცით გამოირჩეოდა.

იმხანად ათენში აღარ იყვნენ სახელმორჭმული სახელმწიფო მოღვაწეები: არისტიდესი გარდაიცვალა, თემისტოკლესი გააძევეს, ხოლო კიმონი მუდამ შორეულ ლაშქრობებში იმყოფებოდა. ისე მოხდა, რომ პერიკლესი მისდა უნებლიეთ ჩაით



რიეს სახელმწიფოებრივ საქმიანობაში და მალალ თანამდებობაზე აირჩიეს. მიუხედავად დიდგვაროვნებისა, პერიკლესი სიცოცხლის ბოლომდე იბრძოდა ათენის სახელმწიფოს ღარიბ მოქალაქეთა უფლებებისათვის. როდესაც დემოკრატიული პარტიის ბელადად აღიარეს, მან მკვეთრად იცვალა ცხოვრების ნირი: შეწყვიტა თავის ნათესავეებთან სიარული და წარჩინებულებთან მეგობრობა.

პერიკლესი იშვიათად გამოდიოდა სახალხო კრებებზე. იგი გაუზრბოდა უმნიშვნელო საკითხებზე სჯა-ბაასს, რადგანაც არ სურდა, მის გამოსვლებს შეჩვეოდა ხალხი. პერიკლესის სიყვება ყოველთვის იყო ხატოვანი და შთამაგონებელი. ნიჭურებისა და ღრმა განათლებულობის წყალობით მისი გამოსვლები მჭევრმეტყველების მალალი ხელოვნებით გამოირჩეოდნენ. პოეტთა თქმით, როდესაც იგი ხალხის წინაშე სიტყვას ამბობდა, „ქუხდა“ და „ელავდა“, ხოლო ენაზე მეხი ეკიდა. ამის გამო, ასე თვლიდნენ ზოგიერთები, მას „ოლიმპიელი“ უწოდეს.¹ თუმცა, უფრო სარწმუნოა, რომ მან ეს სახელი დაიმსახურა არა იმდენად ენამჭევრული ნიჭისათვის, რამდენადაც სახელმწიფოში მოპოვებული უფლებებისთვის. პერიკლესს გააჩნდა დარწმუნების გამაოგნებელი უნარი. ერთხელ სპარტის მეფემ სახელოვან მოასპარეზე თუკიდიდესს ჰკითხა, ვის თვლიდა უფრო ძალმოსილად – თავის თავსა თუ პერიკლესს. თუკიდიდესმა ასე მიუგო: „ორთავე ბეჭითაც რომ დავცე მინად პერიკლესი, მაშინაც კი დაამტკიცებს, რომ მე დავმარცხდი და ხალხიც მას დაუჯერებს!“

პერიკლესს თავად ეშინოდა საკუთარი მჭევრმეტყველებისა. როდესაც სიტყვა გაიტაცებდა, შეეძლო საკუთარი თავის საზიანოდაც კი ესაუბრა. ამიტომ ყოველი გამოსვლის წინ იგი ღმერთებს ევედრებოდა, ბაგეთაგან არ დასცდენოდა მოუფიქრებელი სიტყვა. იმხანად გამოსვლებს არ ინერდნენ. სულ, რაც შემორჩა მისი ბრწყინვალე მჭევრმეტყველებიდან, ეს არის მისივე სიტყვების საფუძველზე მიღებული დადგენილებები.

როდესაც პერიკლესი ჯერ კიდევ ჭაბუკი იყო, დემოკრატიული პარტიის სათავეში იდგა ეფიალტესი, ვისი წინადადებითაც არისტოკრატთა საბჭოს – არეოპაგს ჩამოერთვა უფლებები. პერიკლესი მისი უახლოესი მეგობარი და თანამოაზრე იყო. ეფიალტესი საშიში იყო წარჩინებულთათვის და უმონწყალო იმ ადამიანთა მიმართ, რომელთაც ხალხის წინაშე შეეძლოთ, ჩაედინათ დანაშაული. ერთი არისტოკრატი მწერლის ხატოვანი თქმით, ეფიალტესი ხალხს „განუზავებელი თავისუფლებით“ გაუმასპინძლდა. ამ ულუფის მერე კი ამავე ხალხმა აღარ ისურვა ესმინა ძველი ბელადებისთვის.²

მტრებმა ეფიალტესს დაქირავებული მკვლეელი მიუგზავნეს და დემოკრატთა ბელადი მისი ხელით განგმირეს. დემოკრატიული პარტიის სათავეში დარჩა მხოლოდ პერიკლესი. არისტოკრატთა ბელადი კიმონი ოსტრაკისმოსის წესით განდევნეს, რა-



მეთუ იგი სპარტული წყობის მომხრე იყო და ხალხს მოუწოდებდა მეამბოხე პელოტებთან მებრძოლ სპარტელთა დასახმარებლად გალაშქრებას. არად ჩააგდო ხალხმა მისი სპარსელებთან ბრძოლის უამს მოპოვებული ბრწყინვალე გამარჯვებებიც.

კიმონის გაძევების ვადა ფერ არც კი იყო გასული, როდესაც გაჩაღდა ბრძოლა სპარტასა და ათენს შორის. სპარტელთა დიდძალი ლაშქარი შეიჭრა ატიკის მოსაზღვრე ბეოტიაში. ათენელები მაშინვე გაეშურნენ სპარტელთა წინააღმდეგ საბრძოლველად. შეიტყო რა ეს ამბავი, გაძევებული კიმონი თვითნებურად დაბრუნდა ათენში, რათა ბრძოლაში მიეღო მონაწილეობა. ამით სურდა, დაემტკიცებინა, რომ სამშობლოს ინტერესები უფრო ძვირფასი იყო მისთვის, ვიდრე სპარტა. მაგრამ პერიკლესის მომხრეებმა კიმონს, ახსოვდათ რა მისი გაძევების მიზეზები, მწყობრში ჩადგომის ნება არ დართეს. ტანაგრასთან, ბეოტიისა და ატიკის სამანთან უმონყალო ბრძოლა გაჩაღდა (ძვ.წ. 457 წ.). პერიკლესი თავს არ ზოგავდა და განსაკუთრებული სიმამაცით იბრძოდა. და მანაც, ათენელები დამარცხდნენ.

გამოცდილი მხედართმთავრის, კიმონის გაძევება სანანებელი გაუხდათ ათენელებს, რომლებიც თვლიდნენ, რომ იგი მათ ქალაქს ამ სამარცხვინო მარცხამდე არ მიიყვანდა. პერიკლესი გრძნობდა მოქალაქეთა უკმაყოფილებას და განიზრახა, თავად დაჰყოლოდა მათ ნებას. მან ურჩია ხალხს, დაებრუნებინათ კიმონი ათენში. ასეც მოიქცნენ. კიმონი დაბრუნდა და მიიღწია ზავს ათენსა და სპარტას შორის. ათენელებში ხმა დაირხა, თითქოს პერიკლესმა მხოლოდ მას შემდეგ შეინყალა კიმონი, რაც კიმონის დამ, ელპინიკემ აღუთქვა, რომ მისი ძმა დაბრუნებისთანავე ჩაებმებოდა სპარსეთის წინააღმდეგ საზღვაო ბრძოლაში. ხოლო ამას შედეგად მოჰყვებოდა ის, რომ მთელი ძალაუფლება ათენში კვლავ პერიკლესის ხელში მოიყრიდა თავს. ამ ლაშქრობის უამს, კუნძულ კვიპროსზე, როდესაც ათენელები ალყაში იქცევდნენ სპარსეთისათვის კუთვნილ ქალაქებს, კიმონი დასნეულდა და გარდაიცვალა (ძვ.წ. 449 წ.).



კიმონი

კიმონის სიკვდილმა დაასუსტა არისტოკრატები, რომლებმაც ალარ იცოდნენ, ვინ დაეპირისპირებინათ უკვე სახელმწიფოვეჭილი პერიკლესისათვის. არისტოკრატებმა თავის ბელადად აირჩიეს კიმონის სიძე თუკიდიდესი, მელესიასის ძე, კაცი შეუბღალავი სახელით.³ მართალია, მას არ ჰქონია კიმონისმაგვარი სამხედრო ნიჭი, მაგრამ თავისი დიდებული მჭევრმეტყველებით შეძლო არისტოკრატთა გაერთიანება და მათი ინტერესების წარმატებით დაცვა სახალხო კრებაზე.




კიმონის მსგავსად, თუკიდიდესიც ლამობდა მოქალაქეთა გადაბირებას სხვადასხვაგვარი საჩუქრებითა და ღირებულებისადმი დახმარების განწევით.

სულ სხვაგვარად მოქმედებდნენ დემოკრატები. ისინი თვლიდნენ, რომ ღარიბებს ისეთივე უფლებები უნდა ჰქონოდათ, როგორც შეძლებულ მოქალაქეებს. მართალია, ათენში სიმდიდრე არ მოეთხოვებოდა თანამდებობის პირს, მაგრამ ღარიბ კაცს არ შეეძლო სახელმწიფოებრივ საქმეებში მონაწილეობის მიღება, რადგანაც მთელი მისი დრო ოჯახისათვის ზრუნვას ხმარდებოდა. პერიკლესის წინადადებით, სახელმწიფოებრივი საქმიანობისათვის დანესდა გასამრჯელო. თავდაპირველად სახალხო სამსჯავროს ნაფიც მსაჯულებს, შემდეგ კი სხვა თანამდებობის პირებსაც საზოგადოებრივი სამსახურისთვის ეძლეოდათ საზღაური. მაგრამ გასამრჯელოიანი თანამდებობა ყოველი ღარიბი მოქალაქისათვის როდი იყო ხელმისაწვდომი. მათი მდგომარეობის შესამსუბუქებლად პერიკლესმა საბჭოს შესთავაზა, ყოველწლიურად ზღვაზე გაეგზავნათ სამოცი ტრიერი, რომლის ეკიპაჟიც ექვსი თვის განმავლობაში მიიღებდა საფასურს. ახალგაზრდები უნდა დაუფლუბოდნენ საზღვაო საქმეს, რომლის ცოდნაც ომის დროს გამოადგებოდათ. ამას გარდა, ათენის კავშირში შემაველ სახელმწიფოებში უნდა დაარსებულყო ათენური დასახლებები, სადაც ყოველ ათენელს შეეძლო, მიეღო მინის ნაკვეთი. ამ დასახლებებით ერთდროულად ორი საქმე კეთდებოდა: ატიკის ფარგლებს გარეთ იქმნებოდა გარნიზონები და უბრალო ხალხს მდგომარეობა უმსუბუქდებოდა.

ათენში დარჩენილ ღარიბთა გასართობად პერიკლესი ხშირად აწყობდა საერთო სახალხო ნადიმებს, საზეიმო სვლებსა და თეატრალურ სანახაობებს. თეატრს იმდენად დიდი მნიშვნელობა ენიჭებოდა, რომ პერიკლესის წინადადებით, სადღესასწაულო დღეებში ლატაკებს ფულსაც კი ურიგებდნენ, რათა მათთვის წარმოდგენებზე დასწრების შესაძლებლობა მიეცათ.

პერიკლესმა იზრუნა იმაზეც, რამაც ათენს სამარადისო სახელი მოუხვეჭა, სხვა სახელმწიფოებში კი ერთდროულად გამოიწვია შურიც და აღტაცებაც: მისი განმგებლობის წლებში ათენის აკროპოლისი არქიტექტურისა და სახვითი ხელოვნების დიდებული ნიმუშებით შეიმკო. პერიკლესის მიერ აღსრულებულ სახელმწიფოებრივ საქმეთა შორის ამ მშენებლობამ გამოიწვია მონინაალმდეგეთა გააფთრებული თავდასხმები.

„ათენის ხალხი – გაპყვიროდნენ ისინი – თანდათან კარგავს სხვა ბერძენთა პატივისცემას. მოკავშირეები გვსაყვედურობენ, რომ ჩვენ საერთო ბერძნული ხაზინა კუნძულ დელოსიდან ათენში გადმოვიტანეთ. ადრე თავს იმით მანაც ვიმართლებდით, რომ საკავშირო ხაზინას აქ უფრო მეტად დავიცავდით, ვიდრე ნებისმიერ სხვა ადგილას. ახლა პერიკლესმა თავის მართლების უფლებაც წაგვართვა.“




ომების წარმოებისთვის შეგროვებული ფული ჩვენ თავად დაეხარჯეთ იმისთვის, რომ ქალაქი ოქროთი და ძვირფასი ქვებით დაგვემშვენებინა”.

ბრალმდებლებს პერიკლესი ასე უპასუხებდა: „ვალდებულნი როდი ვართ ანგარიში ჩავაბაროთ ვინმეს საერთო ხაზინის ხარჯებისათვის. ჩვენ პირნათლად ვასრულებთ ვალდებულებას მოკავშირეთა მიმართ – მათ მტერთა თავდასხმებისგან ვიცავთ. განა ყველასთვის ნათელი არ არის, რომ თავდაცვისათვის გაღებული თანხა ეკუთვნის არა იმას, რომელმაც გასცა, არამედ იმას, ვინც მიიღო, თუ იგი თავის მოვალეობას ასრულებს. მას შემდეგ, რაც ეს კავშირი⁴ შეიქმნა, ჩვენ არასოდეს დაგვირღვევია პირობა. სახელმწიფო ომისთვის მზად არის და სწორადაც ვიქცევით, მოკავშირეთაგან შემოსულ ფულს რომ ვახმაროთ იმას, რაც ჩვენს ქალაქს მარადიულ დიდებას მოუპოვებს, რაც ჩვენს ხალხს არსებობის წყაროთი უზრუნველყოფს. იმ სამუშაოთა წყალობით, რომელიც ათენში მიმდინარეობს, არცერთი ხელობა არ რჩება გამოუყენებელი, არცერთი ხელი – დაუსაქმებელი. სამხედრო სამსახურისთვის გამოსადეგი მოქალაქეები ხომ ლაშქრობათა და სწავლებათა უამს იღებენ სახელმწიფო ხაზინიდან საზღაურს. ხელოსნებსაც, რომლებიც სამხედრო საქმეებით არ არიან დაკავებულნი, უფლება აქვთ მხარდაჭერა მოითხოვონ სახელმწიფოსაგან. უქმად მყოფთათვის რომ არ გვერიგებინა ფული, დიანაც, საჭირო იყო ისეთი საქმის წამოწყება, სადაც ყოველი ოსტატისათვის გამოიძებნებოდა მისი ნიჭისა და უნარის შესაფერისი სამუშაო“.

პერიკლესმა ხალხს შესთავაზა დიად მშენებლობათა გეგმა, რომლის განსახორციელებლად აუცილებელი იყო მრავალგვარი ხელობის ხანგრძლივი გამოყენება. დასაქმდნენ ხუროთმოძღვრებიცა და მოქანდაკენიც, თოქმაჩებიცა და ქვის მთლელებიც, მღებარები, ოქრომჭედლები, სპილოს ძვლის ოსტატები, მხატვრები, მემინანქრენი და თერძები. ყველა იღვწოდა: ზღვის გზით – ვაჭარნი, მეხომალდენი თუ მესაჭენი; ხმელეთის გზით – ფორან-ურემთა მეპატრონენი თუ მეეტლენი; მათ შორის იყვნენ მებაგირე – მეთოკენი, სირაჯები, გზათა ოსტატნი თუ მემთამადნენი. მიგნებული სამუშაო ყოველი ასაკისა და უნარის შესაბამისად ანაწილებდა და თესდა კეთილდღეობას.

პერიკლესის დროს აღმართული ნაგებობები გამოირჩეოდნენ არა მხოლოდ გრანდიოზულობით, არამედ განუმეორებელი მშენიერებითაც. ყოველი მშენებელი ცდილობდა თავისი დახვეწილი ოსტატობით გასჯიბრებოდა მეორეს. გასაოცარი მაინც საქმის აღსრულების სისწრაფე იყო. ისეთი შთაბეჭდილება რჩებოდა, თითქოს თითოეული ნაგებობის აღმართვას თაობათა შრომა უნდა მოხმარებოდა. სინამდვილეში კი ყველაფერი იმ მცირე ხანში აღსრულდა, ვიდრე ათენის სახელმწიფოს სათავეში იდგა პერიკლესი.



აღმშენებლობით სამუშაოებს ხელმძღვანელობდა ფიდიასი,⁵ მაგრამ ათენის აკროპოლისის შესამკობად სხვა უდიდესი ხუროთმოძღვრები და მშენებლებიც იღვწოდნენ. ქალაქის მფარველი ღვთაების, ქალწულ ათენას ტაძარი – პართენონი⁶ ააგეს კალიკრატესმა და იქტინოსმა, ათენისა და პირეოსის შემაერთებელი „გრძელი კედელიც“ კალიკრატესის ნახელავია.

პირველად პერიკლესმა მიიღო სახალხო კრებაზე დადგენილება, რომ პანათენური⁷ დღესასწაულები ჩატარებულიყო არა მხოლოდ გიმნასტიკური, არამედ მუსიკალური ასპარეზობებითაც. აირჩიეს რა ამ აგონთა განმკარგულებლად, მან შემოიღო წესები ზეიმში მონაწილე მომღერალთა და მუსიკოსთათვის და სწორედ მაშინ აღაშენა მათი ხელოვნების უკეთ წარმოსაჩენი მრგვალი შენობა – ოდეონი.⁸

საყოველთაო აღტაცება გამოიწვია აკროპოლისის კოლონებით დამშენებულმა შესასვლელმა – პროპილევმა. მისი მშენებლობა ხუთი წელი გრძელდებოდა. ჩვენამდე შემორჩენილი ეს ნაგებობა იმდენად მშვენიერია, იმდენად ჰარმონიულად ერწყმის იგი აკროპოლისის სხვა ნაგებობებს, რომ მარად არსებულის შთაბეჭდილებას ტოვებს.

თუკიდიდესი და მისი მომხრეები გამუდმებით კიცხავდნენ პერიკლესს აღმშენებლობითი ხარჯებისათვის. ისე გამწვავდა ბძროლა მათ შორის, რომ სახალხო საბჭოზე ოსტრაკისმოსის საკითხი დაისვა. პერიკლესი საფრთხეში აღმოჩნდა, მაგრამ ხალხის უმრავლესობა მას ემხრობოდა; თუკიდიდესი გააძევეს.

ამით გასრულდა შიდა ბრძოლები. წინამძღოლის გარეშე დარჩენილმა არისტოკრატებმა ყოველგვარი გავლენა დაკარგეს სახალხო საბჭოზე. პერიკლესს აღარ ჰყავდა მოწინააღმდეგეები. ხალხი ყველა მნიშვნელოვან საქმეს: ლაშქარს, ფლოტს, სახელმწიფო ხაზინას მას ანდობდა.

ორმოცი წელი იდგა პერიკლესი სახელმწიფოს სათავეში. თუკიდიდესის გაძევების შემდეგ მისი გავლენა ისე გაიზარდა, რომ სახელმწიფოს მართვის საქმეში სრული უფლებამოსილებით სარგებლობდა, ხალხი თხუთმეტი წლის განმავლობაში ყოველწლიურად ირჩევდა მას სტრატეგოსად. იგი სახელმწიფოს კეთილდღეობისათვის ზრუნავდა, ყურად არ იღებდა არც ცალკეულ მოქალაქეთა ახირებას, არც ბრბოს სურვილს, თუ ამ ბრბოს სურდა არასწორი გადაწყვეტილების მიღება. ჩვეულებრივ, მისი განმგებლობა ხალხის მხარდაჭერას ეფუძნებოდა; მაგრამ ისეც ხდებოდა, რომ იგი ხალხს თავის ნებაზე იყოლიებდა, თუკი სახელმწიფოსთვის სასარგებლო საქმე წყდებოდა. ამ დროს პერიკლესი მოჰგავდა ექიმს, რომელიც ლმობას აყენებდა ისედაც დასნეულებულ ავადმყოფს, ანდა აძლევდა მწარე, მაგრამ უებრო ნამალს.




სრული ძალაუფლება პერიკლესმა მოიპოვა არა იმდენად თავისი მჭევრმეტყველების წყალობით, რამდენადაც ხალხის ღრმა რწმენით, რომ მისი მოღვაწეობა მუდამ სახელმწიფოს საკეთილდღეოდ წარიმართებოდა. ყველამ იცოდა, აქცია რა ათენი უმდიდრეს ქალაქად, მას არაფრით გაუუმჯობესებია საკუთარი საბადებელი. პერიკლესი სიმდიდრეს არ ესწრაფოდა. მამისგან მემკვიდრეობით მიღებული მდიდარი მამული მოხერხებულად გამოიყენა: მინდვრებში მონეულ მთელ მოსავალს ყიდდა, ხოლო ყველაფერს, რაც საჭირო იყო მეურნეობისათვის, ყიდულობდა ბაზარზე. ასეთი ცხოვრება უაზრო ხარჯის საშუალებას არ აძლევდა ოჯახის წევრებს. მის სახლში არ იგრძნობოდა ფუფუნება, ყველაფერი წინასწარგანსაზღვრული წესით ხორციელდებოდა. პერიკლესის ჩინებულად ორგანიზებულ მეურნეობას უძღვებოდა მისი ერთგული მოურავი.

პერიკლესი არ იყო ძუნწი. იგი ფულს ხალხისთ ხარჯავდა ლატაკთა დასახმარებლად. ეს კარგად ჩანს ანაქსაგორასთან დაკავშირებული ამბიდანაც: უკვე სიბერეს მიტანებული ფილოსოფოსი დასწრელებული იწვა უპატრონოდ. ყველასგან მიგდებული ბრძენი სიკვდილს ნატრობდა. მან უარი თქვა საკვების მიღებაზე, თავზე საბურველი გადაიფარა და აღსასრულის დღეს დაუნყო ასე ლოდინი. როგორც კი პერიკლესმა ეს შეიტყო, შეძრწუნებულმა მისკენ ისწრაფა და სთხოვა, ხელი აეღო განზრახვაზე, თან არწმუნებდა, რომ გაუჭირდებოდა იმ ბრძენის გარეშე ცხოვრება, ვისი რჩევებიც ყველაზე მეტად სჭირდებოდა. მაშინ ანაქსაგორასმა თავიდან მოიხადა საბურველი და მიუგო: „ვისაც ლამპარი სჭირდება, ზეთს თვითონ ასხამს შიგაო“. პერიკლესმა კარგად გაიგო ნათქვამი და ბრძენი მოძღვრისათვის უხვად გაიღო წყალობა.

მეცნიერებითა და ფილოსოფიით გატაცებამ პერიკლესი ჰეტერა ასპასიასთან დაახლოვა. ვინ იყო ეს ქალი, რომელსაც ისეთი ძალა გააჩნდა, რომ სახელმწიფო მოღვაწეთაგან რჩეულ თავკაცებს ითვინიერებდა და ფილოსოფოსებსაც უხვად აქებინებდა თავს?

ძველ მწერალთა აღიარებით, იგი მილეტოსის მკვიდრი ყოფილა, მაგრამ გამოსახლებულა ათენში, სადაც თავს იყრიდნენ სხვადასხვა სახელმწიფოებიდან ჩამოსული მეცნიერები, ლიტერატორები, ფილოსოფოსები თუ მხატვრები. მათივე თქმით, იგი ერთ იონიელ დიაცს, ვინმე თარგელიას ჰბაძავდა და ყველაზე დიდი ძალის პატრონ მამაკაცებს ეძლეოდა. ასე იყო თუ ისე, ასპასიამ პერიკლესი თავისი სიბრძნით და სახელმწიფოებრივი ინტერესების ზუსტი აღქმის უნარით მოხიბლა. ეს მშვენიერი ჰეტერა გატაცებული ყოფილა მჭევრმეტყველებითაც. სახელმწიფოებრივი ათენელი ბრძენკაცები, მათ შორის სოკრატეც, თავიანთი მონაფეებით მოდიოდნენ ასპასიასთან, რათა მისი სიტყვებისათვის ესმინათ. ასპასია ფილოსოფი-



ასაც ეუფლებოდა. მის სახლში მუდამ შეხვდებოდით გამოჩენილ ფილოსოფოსებს, მწერლებს, სახელმწიფო მოღვაწეებს.

ასპასია მკვეთრად გამოირჩეოდა კარჩაკეტილ ცხოვრებას მიჩვეულ ათენელ ქალთაგან, რომელთათვისაც სააუგოდ ითვლებოდა ოჯახის გარდა სხვა საქმეებით გატაცება. პერიკლესი აღფრთოვანებული იყო ამ ნიჭიერი ქალითა და მის გამო გაცილდა კიდეც თავის პირველ ცოლს, რომლისაგანც ორი ძე ჰყავდა – ქსანთიპოსი და პარალოსი. ამ დიდი სახელმწიფო მოღვაწის ასპასიასადმი სიყვარული იმდენად ძლიერი იყო, რომ უფლებას აძლევდა მას დაერღვია ათენის ადათი: ასპასიას შეეძლო, გამოსულიყო ქმრის სტუმრებთან, ესაუბრა მათთან და ეკამათა კიდეც. პერიკლესზე ამბობდნენ, რომ იგი ქალის კალთას იყო გამოკერებული, რომ სახელმწიფოებრივი მნიშვნელობის არცერთ საქმეს არ წყვეტდა მის გარეშე. ამის გამო უმონყალოდ დასცინოდნენ მტრები. ისინი ირწმუნებოდნენ, რომ ახლა უკვე ათენი ომებსაც იმიტომ აწარმოებს, რომ უცხოელ ასპასიას ასიამოვნოს და მისი სამშობლო მილეტოსი განადიდოსო.



ასპასია

ათენის აღმავალი ძლიერება მოსვენებას უკარგავდა სპარტას, რომელიც ბერძენ-სპარსელთა ომებიდან მოყოლებული პირველობდა ელინურ სამყაროში. კიდეც უფრო მეტად რომ განედიდებინა თავისი სამშობლო, უფრო მეტად რომ გაეზარდა მისი მნიშვნელობა მთელ საბერძნეთში, პერიკლესმა განიზრახა სხვა სახელმწიფოთა წარმომადგენლობის ათენში მოწვევა. ამ თავყრილობას უნდა გადაეწყვიტა ბერძენ-სპარსელთა ომების დროს დარბეული ტაძრების აღდგენის, ეგეოსის ზღვის უსაფრთხოებისა და ბერძნულ სახელმწიფოთა შორის მშვიდობის დამყარების საკითხები.

მაგრამ სპარტელები მიხვდნენ, თუ პერიკლესის გეგმა განხორციელდებოდა, ათენი საბერძნეთის რელიგიურ და პოლიტიკურ ცენტრად გადაიქცეოდა. ამიტომ სპარტამ მასზე დამოკიდებულ სახელმწიფოებს აუკრძალა ამ თავყრილობაზე თავის წარმომადგენელთა გაეზავნა. ასე რომ, პერიკლესის ცდა დასაბამიდანვე განიწირა, თუმცა ნათელი იყო, თუ რა ფართო ინტერესები ამოძრავებდა მის შემოქმედს.

უდიდეს პატივისცემას იმსახურებდა პერიკლესი, ვითარცა მხედართმთავარი. იგი არასოდეს გაირჯებოდა წარუმატებელი საქმისათვის, არასოდეს იწყებდა ბრძოლას, თუ მისი ბოლო საეჭვოდ ეჩვენებოდა. ლაშქარი პერიკლესის წინამძღოლობით არასოდეს დამარცხებულა. მის მოწონებას არ იმსახურებდნენ ისეთი სტრატეგოსები, რომლებიც თავის საფრთხეში ჩაგდებით შემთხვევით აღწევდნენ თუნდაც ბრწყინვალე გამარჯვებას.




ერთხელ მხედართმთავარმა ტოლმიდესმა, რომელიც უნინდელმა სამხედრო წარმატებებმა მეტისმეტად თვითდაჯერებული გახადეს, გადანწყობა, ყოველად არახელსაყრელ დროს შეჭრილიყო ბეოტიაში. მან დაიყოლია ათასობით წარჩინებული ათენელი მასთან ერთად მიეღო მონაწილეობა ამ ლაშქრობაში. პერიკლესმა სცადა მისი შეკავება, მაგრამ დაინახა რა, რომ ტოლმიდესს გაგონებაც არ სურდა მისი, უთხრა: „თუ შენ არ გსურს ერნზუნო პერიკლესს, კარგი იქნება, ყოველად ბრძენ მრჩეველს – დროს თუ შეარჩევ“. მაშინ არავის მიუქცევია ყურადღება ამ სიტყვებისთვის, მაგრამ გავიდა რამდენიმე დღე და ათენში მოვიდა ცნობა ტოლმიდესისა და მის თანამზრახველთა დაღუპვის თაობაზე. მაშინ კი დააფასეს ათენელებმა პერიკლესის ჭკუა და წინდახედულება.

პერიკლესი არაერთგზის მდგარა ლაშქრის სათავეში. ყველაზე მნიშვნელოვანი მის ლაშქრობათა შორის იყო თრაკიული: თრაკიელთა ხერსონესის ვინრო ნახევარკუნძულზე, რომელიც პელესპონტოსის სრუტის შესასვლელს ფარავდა, ცხოვრობდნენ ათენელები. ამ ნახევარკუნძულს უდიდესი მნიშვნელობა ჰქონდა, რამეთუ მისი მფლობელი ათენის ზომალდებს გზას უხსნიდა ნებისმიერ დროს შემოეცანა იაფფასიანი პური შავიზღვისპირეთის მდიდარი კოლონიებიდან. თრაკიელები ხშირად ესხმოდნენ თავს ათენელებს და კოლონისტებს განადგურებით ემუქრებოდნენ. პერიკლესმა დაამარცხა თრაკიელები და სრუტე ზღვიდან ზღვამდე გადატინრა სიმაგრეებით, რომელთა წყალობითაც კოლონიაზე თავდასხმები შეუძლებელი გახდა. ამას გარდა, პერიკლესმა ხერსონესზე დაამკვიდრა ათასი მოსახლე, რითაც გააძლიერა ბერძენთა ლაშქარი.

ათენელები გამუდმებით ზრუნავდნენ ევექსენოს პონტოს ნაპირებზე საკუთარი გავლენის გასაძლიერებლად. ევექსენოს პონტოს, ანუ სტუმართმოყვარე ზღვას ისინი უწოდებდნენ შავ ზღვას, საიდანაც გამოჰქონდათ პური. იმისათვის, რომ ათენის სახელმწიფოს სიძლიერე ყველასათვის ცხადი გაეხადა და შავიზღვისპირეთის ბერძნული სახელმწიფოები ათენის კავშირში მიეზიდა, პერიკლესმა შორეული საზღვაო ლაშქრობა მოაწყო. დიდი, მდიდრულად მორთული ესკადრა სრუტეთა გავლით შევიდა შავ ზღვაში. პერიკლესმა სანაპიროზე მცხოვრებ ბერძენთა ყველა სურვილი აღასრულა, გაუწია მათ სამხედრო დახმარება, ხოლო ბარბაროს ტომთა მბრძანებლებს დაანახა, რაოდენ დიადი იყო ათენის ძალმოსილება.

პერიკლესი ყოველთვის როდი უჭერდა მხარს თავის თანამოქალაქეთა დამპყრობლურ მისწრაფებებს. მას ხშირად უწევდა მათი დაოკება. როდესაც სამხედრო წარმატებებით გამხნეებულმა ათენელებმა ეგვიპტის ხელში ჩაგდება ისურვეს, პერიკლესმა ხელი ააღებინა მათ ამ სახიფათო განზრახვაზე. ხოლო როდესაც ზოგიერთმა უმეცარმა სიცილიისა და შემდეგ უკვე თვით კართაგენის დაპყრობაზეც



დაიწყო ოცნება, მან მთელი ძალით გაილაშქრა მათ წინააღმდეგ, თითქოს წინასწარ ჭვრეტდა მოსალოდნელ უბედურებას.

პერიკლესი ყოველნაირად ცდილობდა ათენელთა დამპყრობლური მისწრაფებების მოთოკვას. სახელმწიფოს მთელი ძალები მან უკვე კუთვნილი მიწების დასაცავად მიმართა. იგი შიშობდა, რომ ათენის მორჩილი სახელმწიფოები ამბოხდებოდნენ, თუკი მის ჯარებს ზღვის მიღმა, შორეულ ლაშქრობაში დაიგულებდნენ.

პერიკლესის შიში გამართლდა. ათენის კავშირის ნევრებისათვის საკმარისი იყო ტოლმიდესის ბეოტიაში დამარცხების ამბის გაგება, რომ ამბოხებულებიყვნენ. თავდაპირველად აჯანყდნენ კუნძულ ევბოაზე და პერიკლესიც დიდძალი ლაშქრით გაეშურა მათ დასამორჩილებლად (ძვ.წ. 446 წ.).

მალე სტრატეგოსს აცნობეს, რომ ატიკის სამხრეთით მდებარე მეგარა აუჯანყდა ათენს და დასახმარებლად მიმართა სპარტას, რომელმაც სასწრაფოდ გაუგზავნა მას ჯარი პლეისტონაქსის მეთაურობით. პერიკლესმა დაუხანებლად მიატოვა ევბოა, მაგრამ ვერ გაბედა სპარტის წინააღმდეგ გალაშქრება. ივარაუდა რა, რომ სპარტელთა ჯარი უძლიერესია, პერიკლესმა ხერხს მიმართა. მან იცოდა, რომ პლეისტონაქსი ჯერ კიდევ ახალგაზრდა იყო და ყველაფერში ენდობოდა მრჩეველს, რომელიც თან ახლდა. პერიკლესმა სცადა მისი მრჩევლის მოსყიდვა და მოახერხა კიდევ. სპარტელებმა შეწყვიტეს თავდასხმა და დატოვეს ატიკა. წლის ბოლოს, როდესაც პერიკლესი სახალხო საბჭოს ხარჯების ანგარიშს აბარებდა, ისიც აღნიშნა, რომ ათი ტალანტონი „საჭირო საქმისთვის“ გაიღო; ხალხს სწამდა პერიკლესის კეთილსინდისიერებისა და ყოველგვარი განმარტების გარეშე მიიღო ეს ანგარიში.

სპარტის განმგებელნი კი აღშფოთებულნი იყვნენ მეფე პლეისტონაქსის საქციელით და ისეთი დიდი თანხით დააჯარიმეს, რომ მან ვერ შეძლო მისი გადახდა. ბოლოს კი, იძულებული გახდა საკუთარი ნებით დაეტოვებინა სამშობლო.

მას შემდეგ, რაც ატიკას საფრთხე განარიდა, პერიკლესი ორმოცდაათი ხომალდითა და ხუთიათასიანი ლაშქრით ისევ ევბოას მიადგა, ამბოხება ჩაახშო და კუნძულის სახელმწიფოები კვლავ ათენის კავშირს დაუქვემდებარა.

მალე ათენსა და სპარტას შორის ოცდაათი წლით დაიდო ზავი.

იმხანად მეგარის კავშირის ორი მონაწილე – სამოსი და მილეტოსი ერთმანეთს ეომებოდა მცირე აზიის სანაპიროზე მდებარე პატარა სახელმწიფოსთვის. მაშინ, როდესაც გამარჯვება სამოსელების მხარეს იხრებოდა, ათენელებმა ბრძანეს, შეენწყვიტათ ომი, რათა სადავო საკითხები სამედიატორო სასამართლოზე განეხილათ. სამოსელებმა ყურად არ იღეს ეს ბრძანება. მაშინ პერიკლესმა სახალხო საბჭოს მიადგინა დადგენილება კუნძულ სამოსზე დამსჯელი რაზმების გაგზავნის თაობაზე.



ათენელთა შეუვალობის მთავარი მიზეზი ის იყო, რომ კუნძულ სამოსს განაგებდნენ არისტოკრატები. პერიკლესს კი კარგად ესმოდა, თუ ათენსა და სპარტას შორის ომი დაიწყებოდა, არისტოკრატები ამ უკანასკნელს მიემხრობოდნენ.

პერიკლესი თავად წინამძღოლობდა სამოსისაკენ დაძრულ 40 ათენურ ხომალდს. მან შეძლო კუნძულზე დემოკრატიის დამყარება. ხოლო მისი წასვლის შემდგომ რომ იქ კვლავ ძველი წესრიგი არ აღედგინათ, მძევლებად აიყვანა 50 ყველაზე წარჩინებული მოქალაქე და 50 ჭაბუკი მდიდართა ოჯახებიდან. მაგრამ მისი გამო, რომ მძევლები ათენში ვერ გაამგზავრეს, არისტოკრატებმა შეძლეს მათი გათავისუფლება. კუნძულზე კვლავ იფეთქა აჯანყებამ. ათენის ფლოტი დაბრუნდა და კუნძულ სამოსის ახლოს უმონწყალო ბრძოლა გამართა. აქ პერიკლესმა ბრწყინვალე გამარჯვება მოიპოვა, მიუხედავად იმისა, რომ 44 ხომალდი ჰყავდა 70-ის წინააღმდეგ. გამარჯვებული მტერს დაედევნა და მალე მათი ნავსაყუდელიც აიღო. ამასობაში ათენიდან მოვიდა მეორე, უფრო მრავალრიცხოვანი ესკადრა და დაიწყო კუნძულის დაპყრობა.

სამოსზე ბრძოლა ხანგრძლივი იყო, იგი ცვალებადი წარმატებით მიმდინარეობდა. ალყა შემორტყმული კუნძულები მხოლოდ მეცხრე თვეზე დანებდნენ (ძვ.წ. 440 წ.). პერიკლესმა მოანგრია ქალაქის კედლები, ხელთ ჩაიგდო მისი ხომალდები და სახელმწიფოს უზარმაზარი გადასახადი დააკისრა. მისი ნაწილი სამოსელებმა მაშინვე გაიღეს, ნაწილი კი თანდათანობით უნდა ეხადათ.

ათენში დაბრუნებისთანავე პერიკლესმა სამოსელთა წინააღმდეგ ბრძოლაში დაღუპულ მეზობელთა საზეიმო დაკრძალვა მოაწყო. აქ მან წარმოთქვა სიტყვა, რომელმაც უდიდესი შთაბეჭდილება მოახდინა. როდესაც იგი ტრიბუნიდან ჩამოდიოდა, მრავალი ისწრაფოდა მისკენ ხელის ჩამოსართმევად, ხოლო ქალები გვირგვინებითა და ყვავილწუნულებით ამკობდნენ გამარჯვების ნიშნად.

სამოსის დაპყრობამ კიდევ უფრო გაამყარა პერიკლესის ძალა და გავლენა. სულ რაღაც ცხრა თვის განმავლობაში მან შეძლო, დაემორჩილებინა საბერძნეთის ერთ-ერთი უძლიერესი სახელმწიფო, რომელმაც კინალამ წაართვა ათენს ზღვაზე ბატონობის უფლებები.

სპარტასთან დამოკიდებულება თანდათან იძებებოდა. პერიკლესი თვლიდა, რომ ათენისათვის აუცილებელი იყო მოკავშირეები არა მარტო აღმოსავლეთ საბერძნეთიდან, არამედ დასავლეთიდანაც. იმხანად, დიდი ფლოტის მქონე კუნძულ კერკირას⁹ მკვიდრნი ებრძოდნენ კორინთოელებს. პერიკლესმა დაარწმუნა საბჭო, 10 ხომალდი გაეგზავნა კუნძულ კერკირას დასახმარებლად. ამ ესკადრას ევალებოდა, არ ჩარეულიყო ომში და ბრძოლა დაეწყო მხოლოდ იმ შემთხვევაში, თუ ელოპონესელები შეეცდებოდნენ კუნძულის დაპყრობას.



ათენელები ვარაუდობდნენ, რომ უმნიშვნელო დახმარება კერკირას ვერ ისინი და მარცხებისგან. პერიკლესს ბრალი დასდეს იმაში, რომ მან არ გაუწია სათანადო დახმარება მოკავშირეებს და ამით მტერს ათენელების საზავო ხელშეკრულების დარღვევაში დადანაშაულების შესანიშნავი საბაბი მისცა.

მაშინ პერიკლესმა კიდევ 20 ხომალდი გაგზავნა კერკირელთა მისაშველებლად. მათ ზუსტად იმ დროს მიაღწიეს კერკირას სანაპიროს მახლობლად მდებარე კუნძულებს, როდესაც მიმდინარეობდა დიდი საზღვაო ბრძოლები (ძვ.წ. 433 წ.). კორინთელები იმარჯვებდნენ და უკვე ემზადებოდნენ კიდევ კუნძულზე გადასასვლელად, როდესაც გამოჩნდნენ ათენის ხომალდები, რის გამოც იძულებულნი იყვნენ უკან დაეხიათ.

კორინთელები პელოპონესოსის კავშირის წევრები იყვნენ და ათენის ფლოტის გამოჩენა მათ შორის დადებული საზავო ხელშეკრულების დარღვევად ჩათვალეს. კორინთელებმა მიმართეს სპარტას საჩივრით, მათ შეუერთდნენ მეგარელებიც. საქმე ის იყო, რომ ათენელებმა აუკრძალეს მეგარელებს ათენის კავშირში შემავალ სახელმწიფოებთან ვაჭრობა (ძვ.წ. 432 წ.), რასაც შედეგად უნდა მოყოლოდა მეგარელთა გაკოტრება, უკეთეს შემთხვევაში ისინი ათენს უნდა დამორჩილებოდნენ.


იმვე დროს, კორინთელთა მიერ დაარსებულმა, მაგრამ იმხანად ათენს დაქვემდებარებულმა ქალაქმა პოტიდეამ კავშირიდან გასვლა ისურვა, რის გამოც ამ ქალაქს ათენის ჯარმა ალყა შემოარტყა. კორინთელები მოუწოდებდნენ პელოპონესელებს დახმარება გაენიათ პოტიდეასთვის. მაგრამ სპარტა არ იყო ომისთვის მზად. მეფე არქიდამოსი ლაშობდა მოკავშირეთა დამშვიდებას.

შედარებით მძაფრად იდგა მეგარის საკითხი. ვაჭრობის აკრძალვა მეგარელებს შიმშილით სიკვდილს უქადდა. არქიდამოსს ან უნდა გაეუქმებინა ეს დადგენილება, ან ბრძოლა უნდა დაეწყო. ათენში რამდენიმეგზის გაგზავნეს წარმომადგენლობა, მაგრამ პერიკლესი შეუპოვრად ეწინააღმდეგებოდა დადგენილების შეცვლას, ამიტომაც მხოლოდ მას დაეკისრა ომის მთელი პასუხისმგებლობა.

პერიკლესს გადაწყვეტილი ჰქონდა, არ დაეთმო სპარტელებისთვის. „თუ თქვენ დაუთმობთ პელოპონესელებს – ამბობდა იგი – ისინი დარწმუნდებიან რომ შეშინდით და კიდევ უფრო მძიმე მოთხოვნებს წამოგიყენებენ“.

პერიკლესის ასეთ სიმტკიცეს ზოგი მის პირად ინტერესებს უკავშირებდა. ნათელი იყო, რომ მხოლოდ სამხედრო წარმატებებს შეეძლო მისი შერყეული ავტორიტეტის აღდგენა.

პერიკლესის მტრებს ეშინოდათ მის წინააღმდეგ აშკარა ბრძოლა. ამიტომ მათ დევნა დაუწყეს სტრატეგოსის მეგობრებს. ფიდიასი, რომელიც აკროპოლისის აღ-



მშენებლობით სამუშაოებს ხელმძღვანელობდა, დაადანაშაულეს პართენონის ტაძრად აღმართული ქალწულ ათენას ქანდაკებისთვის განკუთვნილი ოქროს მითვისებაში. მაგრამ ეს ცილისწამება მალე მოიხსნა. პერიკლესის რჩევით, ფიდიასმა ისე შეამკო ქანდაკება ოქროთი, რომ იოლი იყო მისი მოხსნა და აწონა. შემონახვამ ცხადყო დიადი მოქანდაკის პატიოსნება.¹

მიუხედავად ამისა, ფიდიასს მრავალი მოშურნე ჰყავდა, რადგანაც თავისი ქმნალობებით უდიდესი სახელი და დიდება მოიხვეჭა. მტრებმა მას მკრეხელობაში დასდეს ბრალი: ათენას ფარზე გამოსახული იყო ბრძოლა ამორძალებთან. ამბობდნენ, რომ ფიდიასმა მებრძოლთა შორის გამოსახაო თავისი მფარველი პერიკლესი და საკუთარი თავი მელოტი მოხუცის სახით, რომელსაც ქვა ეპყრა ზეცისკენ აღმართულ ხელში.²

ფიდიასმა ვერ შეძლო თავის მართლება და იგი საპყრობილეში ჩასვეს, სადაც გარდაიცვალა კიდევ ავადმყოფობით. თუმცა იმასაც ამბობენ, ეს უდიდესი ხელოვანი პერიკლესის მტრებმა მონამლესო.

ფიდიასის სამსჯავროს შემდეგ პერიკლესის მონინალმდეგეებმა დევნა დაუწყეს მის მოძღვარს, ანაქსაგორასს. ათენელებმა მიიღეს დადგენილება იმათი დასჯის თაობაზე, რომლებიც არ სცნობდნენ ღმერთებსა და სწავლობდნენ ციურ მოვლენებს. ნათელი იყო, რომ ეს დადგენილება ანაქსაგორასის წინააღმდეგ იყო მიმართული და პერიკლესმა ხელი შეუწყო მას, გაქცეულიყო ათენიდან.

სახელოვანი სტრატეგოსის მტრებმა ძალა შეიგრძნეს და ახლა სცადეს მისი მეუღლის, ფილოსოფოსი ქალის, ასპასიას სამსჯავროზე წარდგენა. იგი უღვთობაში დაადანაშაულეს. მის გასამართლებლად პერიკლესს თავად მოუხდა სამსჯავროს წინაშე წარდგომა და თავის დამცირება იმის სათხოვნელად, რომ მისი მეუღლე არ დაესაჯათ.

სპარტელები როდი ცდებოდნენ, პერიკლესის სახით რომ ათენის ხალხის ბრძენ წინამძღოლს ჭვრეტდნენ. ისინი ვარაუდობდნენ, რომ, თუ შესაძლებელი იქნებოდა მისი თავიდან მოცილება, ათენელებს იოლად დაიმორჩილებდნენ. მათ ათენში გაგზავნეს წარმომადგენლობა იმ მიზნით, რომ ათენელებისათვის შეეხსენებინათ ამბავი პერიკლესის წინაპართა თაობაზე. საქმე ის იყო, რომ ალკმეონიდების მოდგმას მკრეხელობაში ადანაშაულებდნენ და, ამდენად, ცოდევა პერიკლესზეც გადადიოდა.³ ეს კი მისი სახელმწიფოდან განდევნის საბაბს იძლეოდა. მაგრამ ათენელები მიუხვდნენ სპარტელებს. მონინალმდეგეთა მტრობამ არა თუ ავნო პერიკლესს, რასაც ესოდენ ესწრაფოდნენ სპარტელები, არამედ პირიქით, ალუდგინა ოდინდელი დიდება.

მალე დაიწყო პელოპონესოსის ომი.⁴ სპარტელები მოკავშირეებთან ერთად ატიკაში შეიჭრნენ (ძვ.წ. 431 წ.), დაარბიეს, მიაღწიეს აქარნესს და იქ დაბანაკდნენ. ისინი



ვარაუდობდნენ, რომ ამას ვერ მოითმენდნენ ათენელები, გამოვიდოდნენ ქალაქის გალაჟინიდან და პრძოლას დაიწყებდნენ. მაგრამ პერიკლესს პელოპონესოსის უზარმაზარი ლაშქრის წინააღმდეგ ბრძოლა სახიფათოდ მიაჩნდა. იგი ქალაქში შემოხიზნულ გლეხებს, რომლებიც თავიანთ განადგურებულ ბაღებს მისტიროვდნენ, ამშვიდებდა და არწმუნებდა, რომ გადაბუგულ ხეთა ნაცვლად შესაძლებელი იქნებოდა ასლების გაზრდა, ხოლო დაღუპულ მეომართა შეცვლა კი – შეუძლებელი.

ჯერ კიდევ ომის დაწყებამდე პერიკლესმა იცოდა, რომ სპარტელთა მხედართმთავარს, მეფე არქიდამოსს, ათენელთა განმგებლის სახელის დაკნინების მიზნით განზრახული ჰქონდა მინის პირისგან აღეგაეა მთელი ატიკა ისე, რომ ხელი არ ეხლო მხოლოდ მისი მამულებისთვის. პერიკლესმა მტრის ვერაგული გეგმა ჩაშალა, განუცხადა რა სახალხო კრებას, რომ თუ სპარტელები მის მამულებს არას ავენებდნენ, მათ სახელმწიფოს საკუთრებაში გადასცემდა.

როდესაც სპარტელებმა ათენს ალყა შემოარტყეს, პერიკლესმა განიზრახა დროებით არ ჩაეტარებინა სახალხო კრებები, რათა სასონარკვეთილ ხალხს არაკეთილგონიერული გადაწყვეტილებები არ მიეღო. როგორც ზომალდის მეთაური, ქარაშოტის უამს აფრების ანევასა და ბაგირთა მოჭიმვას ბრძანებს ოლონდ ისე, რომ არად აგდებს ზღვის სნეულებით შეძრწუნებულ მგზავრთა მუდარას, ზუსტად ასევე პერიკლესიც იმას იქმნოდა, რაც საჭიროდ მიაჩნდა, ყურადღებას არ აქცევდა რა ათენელთა მუქარასა და მძვინვარებას.

პერიკლესს არად მიაჩნდა ის, რომ თავისივე მეგობრები საყვედურობდნენ, მტრები ემუქრებოდნენ, ხოლო თანამოქალაქეთაგან მრავალი მშიშარასა და უღირსს უწოდებდა. ლარიბთა ბელადი კლეონი მას ადანაშაულებდა იმაში, რომ მტრს თავს არ ესხმოდა და ომის წარმოების მთელს ინიციატივას სპარტას უთმობდა. კომედოგრაფოსები ირწმუნებოდნენ, რომ კლეონი უკვე მახვილს ლესავდა, რათა პერიკლესი განეგმირა. ერთ-ერთ კომედიაში პერიკლესს ასეთი სიტყვებით მიმართავდნენ:

„რად არ აღმართავ შუბს, სატირთა დიდო მეფეო,
 ომზე ნათქვამი ცხარე სიტყვა რის მაქნისია?
 მახვილს ლესავენ ბასრ სალესზე, შენ კი წკმუტუნებ
 კლეონისაგან შერისხული და დაკბენილი“.⁴

მაგრამ ეს თავდასხმები არ აღელვებდა პერიკლესს. იგი თავდაჭერილად და მშვიდად იტანდა შეურაცხყოფებს. მან პელოპონესელთა წინააღმდეგ ასი ხომალდი გაგზავნა, თუმცა თავად არ გაჰყოლია. სამაგიეროდ სათავეში ჩაუდგა ქვეით ჯარს, შეიჭრა მეგარის სამფლობელოებში და დაარბია. პელოპონესოსის ირგვლივ გაგზავნილმა ათენის ფლოტმა კი მრავალი ქალაქი და დასახლება გაანადგურა.



და თუ სპარტელებმა ათენის გლახთა ბალები გაკაფეს, რითაც დიდად დაამწუხრეს მოქალაქენი, ახლა თავადაც იწვინეს დიდი გასაჭირი.

სპარტელები იძულებულნი გახდებოდნენ, შეენწყვიტათ ბრძოლა, მოულოდნელ უბედურებას რომ არ ჩაეშალა პერიკლესის გეგმები. ომის მეორე წელს ათენს ეწვია საშინელი სტუმარი – შავი ჭირი, რომელმაც უფრო მეტი მოქალაქე იმსხვერპლა, ვიდრე ყველაზე სისხლისმღვრელმა ბრძოლამ.

ეპიდემიით გამოწვეულმა უბედობამ გააბოროტა ათენელები. მათი რისხვა სახელმწიფოს წინამძღოლ პერიკლესს დაატყდა თავს. ავადმყოფობით გონდაკარგულნი უსამართლოდ რომ შეურაცხყოფენ ხოლმე მკურნალ ექიმს, ანდა შვილები – მამას, ისე დაიწყეს ათენელებმა პერიკლესზე იერიშის მიტანა. ხალხის გაუტყნობიერებელი რისხვით ისარგებლეს პერიკლესის მტრებმა. ისინი ირწმუნებოდნენ, რომ ჭირი სოფლის მოსახლეობის ქალაქში თავმოყრით არისო გამოწვეული; როდესაც უსაქმური ხალხის დიდი რაოდენობა ცხოვრობს უპაერო კარვებში ან პირდაპირ ქუჩებში, არ არის გასაკვირი, რომ ეპიდემიამ იფეთქოსო. დამნაშავეა ერთადერთი პერიკლესი, რომელმაც სოფლელები ქალაქის კედლებში შემოხიზნა. ვითარცა ბოსელში შეყრილი საქონელი, ხალხი ერთმანეთს ასენიანებს, რამეთუ არა აქვს ცხოვრების წესის შეცვლისა თუ გაქცევის საშუალება.

მოქალაქეთა დასამშვიდებლად და მტერთან საბრძოლველად პერიკლესმა 150 ხომალდი აღჭურვა, დიდძალი ლაშქარი შეაგროვა და პელოპონესოსში გასამგზავრებლად მოამზადა. ათენელებს გამარჯვების იმედი აღეძრათ. როდესაც პერიკლესი გემბანზე იდგა და ის-ის იყო გამგზავრების ბრძანება უნდა გაეცა, დაიწყო მზის დაბნელება. ამ უჩვეულო მოვლენამ ცრუმორწმუნე ათენელები შეაძრწუნა.

მათ ეს სიბნელე ღვთის მრისხანე უწყებად მიიღეს.

მაშინ პერიკლესი მიუახლოვდა შეშინებულ მესაჭეს, თავისი მოსასხამი გადააფარა და პკითხა:

– შეგეშინდა?

– რა თქმა უნდა არა! – მიუგო მესაჭემ.

– სხვათა შორის, – განაგრძო პერიკლესმა, – ეს მოსასხამი, შენ რომ სინათლე დაგიბნელა, იმისგან, რამაც ჩვენი ხალხი ასე შეაშფოთა, მხოლოდ ზომით თუ განსხვავდება. მზე მხოლოდ იმიტომ გაუჩინარდა, რომ იგი უფრო დიდმა საგანმა დაფარა, ვიდრე ჩემი მოსასხამია!

ლაშქრობამ არ გაამართლა იმედები. მომდევნო წელს (ძვ.წ. 430 წ.) პერიკლესი სტრატეგოსად აღარ აირჩიეს. მის წინააღმდეგ საქმეც კი აღიძრა სამსჯავროში. მტაცებლობაში სდებდნენ ბრალს და თუმცა იგი ცნობილი იყო თავისი უანგარობით, წინამძღოლობაც აღუკვეთეს და ფულადი ჯარიმაც დაადეს.



არც ოჯახში ჰქონია სიმშვიდე პერიკლესს. მის უფროს ძეს, ქსანთიპოსს ბავშვობიდანვე უყვარდა ფლანგვა. დაქორწინების შემდეგ კი სულ უფრო და უფრო მეტი თანხები სჭირდებოდა. ცხოვრება იმ სახლში, სადაც ფული კანონზომიერად იხარჯებოდა, მას აღარ მოსწონდა.

ერთხელ ქსანთიპოსმა, ვითომცდა მამის დავალებით, პერიკლესის მეგობრისაგან ისესხა ფული. როდესაც პატრონმა ვალის დაბრუნება მოითხოვა, პერიკლესმა უარით გაისტუმრა. ქსანთიპოსი თვლიდა, რომ მამამისი უსამართლოდ იქცეოდა. იგი დადიოდა მთელ ქალაქში და მასხრად იგდებდა პერიკლესს. ეს შუღლი მამასა და შვილს შორის ქსანთიპოსის ცხოვრების ბოლომდე გაგრძელდა. გარდაიცვალა კი იგი ყამიანობის დროს. იმხანად დაკარგა პერიკლესმა დაც და მრავალი ახლო ბელი თუ მეგობარი.

უბედურებებმა ვერ გატეხეს დიდი ათენელი. არავის უნახავს იგი ატირებული, ვიდრე არ დაკარგა უმცროსი ძე პარალოსი. ამ უბედურებამ შეძრა პერიკლესი. იგი თავს იმაგრებდა, მხნედ იდგა, მაგრამ როდესაც გვირგვინს ჰკიდებდა მიცვალებულს, ვეღარ გაძლო და მწარედ აქვითინდა, პირველად თავის სიცოცხლეში.

ხალხმა ვერავინ ნახა ისეთი, რომელიც პერიკლესის მსგავსად, ღირსეულად აღასრულებდა პირველი სტრატეგოსის საპასუხისმგებლო მოვალეობას: ათენელებმა ეს შეიგნეს და გადაწყვიტეს მისი სახალხო საბჭოზე მოწვევა.

პერიკლესი თავს დატყეხილი უბედურების გამო სახლიდან არ გამოდიოდა. ალკიბიადესი და სხვა მეგობრები ურჩევდნენ, ხალხში გამოჩენილიყო. მას ბოდიში მოუხადეს უმართებულო ჯარიმისათვის და კვლავ სტრატეგოსად აირჩიეს. მაშინ მან ხალხს მიმართა თხოვნით, გაეუქმებინათ კანონი უკანონოდ შობილთა თაობაზე, რათა პირდაპირი მემკვიდრის უყოლობით მთლად არ გადაშენებულიყო მისი მოდგმა. საქმე ის იყო, რომ სულ რამდენიმე ხნის წინ, როდესაც პერიკლესს კანონიერი შვილები ჰყავდა, მისივე ბრძანებით მიიღეს კანონი, რომლის ძალითაც ათენელებად მხოლოდ ისინი ჩაითვლებოდნენ, რომელთა მშობლებიც წარმოშობით ათენელები იყვნენ.

რამდენადაც პერიკლესს პირველი ცოლისაგან ნაშობი ორივე ძე დაეღუპა და სხვა მემკვიდრე არ გააჩნდა, ათენელები დათანხმდნენ, რომ მისი ვაჟი ასპასიასგან ათენელად შეერაცხათ.

მოვლენები ისე დატრიალდა, რომ პერიკლესს აღარ ენერა ათენის სახელმწიფოს სათავეში დგომა. მალე მას ჭირი შეეყარა. სენი ნელ-ნელა აცლიდა ძალას და როდესაც პერიკლესი უკვე სიკვდილის პირზე იყო, მის სარეცელთან თავი მოიყარეს საუკეთესო მოქალაქეებმა და მეგობრებმა. ისინი მსჯელობდნენ მისი ადამიანური სრულყოფილებისა და ძალმოსილების თაობაზე. ორმოცი წელი იდგა იგი




სახელმწიფოს სათავეში და ათენის მტრებს ამარცხებდა, აშენებდა დიდებულ ტაძრებსა და მშობლიურ ქალაქს ალამაზებდა. მეგობრები საუბარს განაგრძობდნენ, მათ ეგონათ, რომ მომაკვდავს გონება ჰქონდა უკვე დაბინდული და მათი არ ესმოდა. მაგრამ პერიკლესი ყველაფერს ყურს უგდებდა თურმე. მოულოდნელად იგი საუბარში ჩაერია: „მიკვირს ამდენს რომ მაქებთ და მოიხსენიებთ ისეთ დამსახურებებს, რომლებიც უბრალოდ ბედის განგებით აღმისრულებია სხვა სტრატეგოსთა მსგავსად, მაგრამ არაფერს ამბობთ იმ უმშვენიერესსა და უდიდეს დამსახურებაზე, რომ ჩემი განმგებლობის ყამს არცერთი ათენელი არ დასჯილა ჩემი ბრძანებით!“

მხოლოდ პერიკლესის გარდაცვალების შემდეგ შეიგრძნეს ათენელებმა, თუ რაოდენ დიდებული მბრძანებელი დაკარგეს. მონინაალმდეგენიც კი იძულებულნი იყვნენ, ელიარებინათ, რომ ამ ბრძენკაცის უდიდესი სახელი, ხალხის სიყვარულსა და მხარდაჭერაზე რომ იყო დაფუძნებული, სახელმწიფოს მხსნელ ბურჯად ედგა.

აი, როგორ ახასიათებს მას პლუტარქოსი: „საოცარი იყო ეს კაცი არა მარტო თავისი სიმშვიდითა და ლმობიერებით, რომელსაც მრავალფეროვანი სახელმწიფო მოღვაწეობის ყამსა თუ მტრებთან მეტოქეობისას ინარჩუნებდა, არამედ სალი აზროვნებითაც. თავის საუკეთესო თვისებად იგი თვლიდა იმას, რომ ესოდენ დიდი ძალაუფლების მქონეს არასოდეს აღძვრია შური, მრისხანება და მტერთაგან არცერთი შეურიგებელ მტრად არ მიუჩნევია“.





შენიშვნები:

¹ ბერძენთა წარმოდგენით, ოლიმპოსის მთაზე ცხოვრობდნენ ღმერთები, რომელთაც „ოლიმპიელებს“ უწოდებდნენ.

² ნყურვილის მოსაკლავად ბერძნები წყალთან განზავებულ ღვინოს სვამდნენ. განუზავებელი ღვინის სმა არ იყო მიღებული და თავისუფალი კაცისთვის უღირს საქციელად ითვლებოდა. არისტოკრატები, რომლებიც ლამობდნენ შეენარჩუნებინათ საკუთარი პრივილეგიები, ამტკიცებდნენ, რომ სრული, განუსაზღვრელი უფლებების ხალხისთვის მინიჭება ისევე საზიანოა და მიუღებელი, როგორც განუზავებელი ღვინის სმა.

³ ეს თუკიდიდესი არ უნდა აგვერიოს სახელოვან ისტორიოგრაფოს თუკიდიდესში, იგი ოლორესის ძე იყო.

⁴ საუბარია ათენის კავშირზე, რომლის დაარსებასაც არისტიდესს მიაწერენ.

⁵ ფიდიასი (დაახლ. ძვ.წ. 500-431 წწ.) – კლასიკური საბერძნეთის უდიდესი მოქანდაკე და არქიტექტორი, ათენა-პალასისა და ოლიმპიელი ზევსის საქვეყნოდ ცნობილ ქანდაკებათა ავტორი. სამწუხაროდ, ჩვენამდე ამ ცნობილ ქანდაკებათა ასლებია შემორჩენილი. თავდაპირველი სახით მოაღწიეს მხოლოდ იმ სკულპტურულმა გამოსახულებებმა, რომლებიც ამ უბრწყინვალესი მოქანდაკის ხელმძღვანელობით სრულდებოდა.

⁶ ამ დიდებული ტაძრის სახელწოდება წარმოდგება ბერძნული სიტყვიდან „პართენოს“, რაც „ქალწულს“ ნიშნავს.

⁷ ატიკის ეს უმთავრესი დღესასწაული სამ წელიწადში ერთხელ იმართებოდა ქალღმერთ ათენას პატივსაცემად. ზემიძასას ტარდებოდა საერთობერძული ასპარეზობები, რომელთა გამარჯვებულებსაც მშვენიერი ლარნაკებით აჯილდოვებდნენ. ეს ე.წ. პანათენეური ლარნაკები გამარჯვებულებს მიჰქონდათ შინ, სამშობლოში. დაკრძალვისას ლარნაკს თან ატანდნენ მიცვალებულს. რამდენიმე პანათენეური ლარნაკი ნაპოვნია



შავი ზღვის სანაპიროზეც. ისინი ინახება ერმიტაჟის სახელმწიფო მუზეუმში.

⁸ ბერძნული სიტყვა „ოდეონი“ წარმოსდგება სიტყვისგან „ოდე“ – სიმღერა.

⁹ კერკირა (ახლა საბერძნეთის კუნძული კორფუ) მდებარეობს შუა საბერძნეთის ჩრდილოეთ სანაპიროსთან.

¹⁰ ქანდაკების ოქროს სამოსი ტონაზე მეტს იწონიდა. იგი სახელმწიფოს ოქროს ფონდს განეკუთვნებოდა და შესაბამისად, შესაძლებელი იყო მისი მოხსნა და საჭიროებისამებრ გამოყენება.

¹¹ მითის თანახმად, ამორძალები, ანუ მებრძოლი ქალები, თავს დაესხნენ ატიკას. მათზე გამარჯვება ათენის ლეგენდარული მეფის, თესევის, უდიდეს გამირობად ითვლებოდა. ფიდიასის ათენას ქანდაკება არ შემორჩენილა, მაგრამ ჩვენამდე მოაღწია მისმა ასლებმა. ზოგიერთ მათგანზე მართლაც არის შესაძლებელი ფიდიასისა და პერიკლესის პორტრეტების გარჩევა. ფიდიასის ხელით შესრულებული სამკაული ათენას თავის გამოსახულებით ნაპოვნია ყირიმის კულ-ობის სამარხში და იგი სახელმწიფო ერმიტაჟის საგანძურს ამშვენებს.

¹² აღწერილ ამბებამდე დაახლოებით 200 წლის წინ ალკმეონიდები სასტიკად გაუსწორდნენ თავიანთ მონინააღმდეგეებს, რომლებიც ათენის ამბოხებას მეთაურობდნენ. მათ საკუროთხეველს თავშეფარებული ხალხი ამოხოცეს, რის გამოც გაძევებულ იქნენ ქალაქიდან. მაგრამ ალკმეონიდები მალე დაბრუნდნენ და მათი გვარის წარმომადგენლებს ხშირად ეკავათ ათენში უმაღლესი თანამდებობები.

¹³ პელოპონესოსის ომი (ძვ.წ. 431-404 წწ.) მიმდინარეობდა პელოპონესოსის კავშირსა და ათენს შორის. ომმა თანდათანობით ჩაითარია საბერძნეთის ყველა სახელმწიფო. ამ ომისა და სპარტელთა გამარჯვების თაობაზე უფრო დანვრილებით მოთხრობილია ალკიბიადესისა და ლისანდროსის ბიოგრაფიები.

¹⁴ პლუტარქოსის თქმით, ეს სიტყვები ეკუთვნოდა ძველი ატიკური კომედიის ერთერთ წარმომადგენელს, პერმიპოსს.



ნიკიასი

ათენელი სახელმწიფო
მოღვაწე და სტრატეგოსი
(გარდ. ძვ.წ. 413 წ.)



ნიკიასს ბერძნები მშვიდობისმოყვარე სტრატეგოსად თვლიდნენ და ამ ნიშნით ღირსშესანიშნავ სახელმწიფო მოღვაწედ აღიარებდნენ. იგი არ იყო დაჯილდოებული ისეთი ბრწყინვალე ნიჭით, როგორითაც თემისტოკლესი ან სოლონი. მისი ხასიათის ძირითად თვისებებს – გაუბედაობას, სიზანტეს, სიდინჯეს, რასაც მტრები ლაჩრობად უთვლიდნენ, ბერძნები კეთილგონივრულ სიფრთხილედ მიიჩნევდნენ.

ნიკიასის ბავშვობასა და ახალგაზრდობაზე არაფერია ცნობილი გარდა იმისა, რომ იგი მდიდარი და სახელმორჭმული გვარის ჩამომავალი და მსხვილი მონათმფლობელი ყოფილა. სახელმწიფოს ვერცხლის საბადოებში მუშაობდა ნიკიასის 1000 მონა, რომელთაც იგი იჯარით აბარებდა და თითოეულ მათგანში დღეში 1 ობოლოს იღებდა. გადმოგვცემენ, რომ მისი კაპიტალი იმ დროისათვის უდიდეს თანხას – 100 ტალანტონს შეადგენდა.

იმხანად წარჩინებული და მდიდარი ადამიანები ადრე ებმებოდნენ სახელმწიფოებრივ საქმიანობაში. ახალგაზრდა ნიკიასი ჯერ კიდევ დიდი პერიკლესის დროს არაერთგზის აურჩევიათ სტრატეგოსად, მას თავიც კი გამოუჩენია ხმელეთსა თუ ზღვაზე ლაშქრობათა უამს.

ახალგაზრდა ნიკიასი ხალხში ცნობილი იყო თავისი განსაკუთრებული გულუხვობით. როდესაც ქორეგოსის საპატიო მოვალეობის აღსრულება უხდებოდა, იგი თეატრალურ წარმოდგენებს არნახული ბრწყინვალეობით მართავდა.

ათენში ძვირადღირებულ თეატრალურ სანახაობათა ხარჯები კენჭისყრით ეკისრებოდათ ყველაზე მდიდარ მოქალაქეებს. ყოველწლიურ ასპარეზობებზე გამარ-



ჯვებული პოეტის სახელის გვერდით მოიხსენიებოდა იმ მოქალაქის სახელიც, რომელიც იხდიდა ქოროს სწავლებისა თუ პიესის განხორციელებისათვის საჭირო ხარჯებს. ეს მოქალაქე ქორეგოსად, ანუ ქოროს ხელმძღვანელად იწოდებოდა.

ნიკიასი გამოირჩეოდა იმ დროისთვისაც კი გასაოცარი მორწმუნეობით. ღმერთები რომ არ განერისხებინა, იგი ყოველწლიურად აღასრულებდა მსხვერპლზე წირვის წესს, ხოლო თეატრალური სანახაობებისათვის განეული უდიდესი ხარჯებით ღმერთების კეთილგანწყობასაც იმსახურებდა.

ყოველწლიურად ათენიდან დელოსის¹ წმინდა კუნძულისაკენ აპოლონის დღესასწაულზე მიემართებოდა მომღერალთა საზეიმო პროცესია, წმიდა ჰიმნებით ღვთაება რომ ედიდებინათ.

ერთხელ, ნიკიასის ქორეგოსობის უამს, დღესასწაულზე დასასწრებად ათენიდან გაემართა ზომალდი, რომელიც დელოსის მეზობელ კუნძულს მიადგა. იქ მოტანეს ათენელებმა ძვირფასი მასალით აგებული ოქროცურვილი ხიდი, რომელიც დღესასწაულის წინაღამეს ამ კუნძულის დელოსთან შემაერთებელ ვიწრო გადასასვლელზე გადაჭიმეს. დილით კი მდიდრული სამოსით მოსილმა ქორომ აპოლონის სადიდებელი სიმღერებით გადაიარა ამ ხიდზე და საზეიმო სვლით გაემართა ღვთაების წმინდა ტაძრისაკენ. მსხვერპლშენიშვნების, ასპარეზობათა და მდიდრული ნადიმის შემდეგ ნიკიასმა აპოლონის ტაძრის წინ მდიდრული ძღვენი – ბრინჯაოს პალმა – აღმართა ღვთაების პატივსაცემად და მასვე უძღვნა მიწის დიდი ნაკვეთი ტაძრის მახლობლად.

ნიკიასს არ წამოუწყია არცერთი მნიშვნელოვანი საქმე ისე, რომ არ გაეგო ღმერთების ნება იმ წინასწარმეტყველებისგან, რომლებიც გამუდმებით ცხოვრობდნენ მის სახლში. იგი იმასაც კი ეკითხებოდა ღმერთებს, თუ როგორ უნდა ემართათ თავისი საბადოები.

მაგრამ ღმერთებზე უფრო მეტად ნიკიასს თანამოქალაქეებისა ეშინოდა. მთელი ცხოვრების განმავლობაში მას აძრწუნებდნენ სიკოფანტესები.² ნიკიასი ლამობდა, თავი დაეღწია მათგან ფულებით: გულუხვად აძლევდა სესხს მეგობრებსაც და მტრებსაც. სიფრთხილის გამო იგი თანამოქალაქეებთან სიახლოვესაც კი გაურბოდა, არასოდეს ესაუბრებოდა მათ, არავისთან სადილობდა, დილიდან საღამომდე სახელმწიფოებრივი საქმეებით იყო დაკავებული, თავისუფალ დროს კი იკუტებოდა სახლში მეგობრებს და ახლობლებს განრიდებული.

გამუდმებულმა შიშმა, ბუნებით ისედაც ფრთხილი და გაუბედავი ნიკიასი, კიდევ უფრო მფრთხალი და წინდახედული გახადა. მას ეშინოდა სახელმწიფოებრივი გარდაქმნებისა და მიაჩნდა, რომ საჭიროა „მამათა წესით“ ცხოვრება. ვითარცა წარჩინებული და შეძლებული მოქალაქე, ნიკიასი არისტოკრატიული წყობის მო-



ხრე იყო და დემოსის მოწინააღმდეგე. იგი უფროსხოდა ხალხის ბელადებს, უფრო მეტიც, სძულდა ისინი.

უკიდურეს სიფრთხილეს, გაუბედაობასა და სიზანტეს ნიკიასი ბრძოლათა ყამსაც ამჟღავნებდა. იგი ამჯობინებდა სულაც უარი ეთქვა სახიფათო ბრძოლებისას მხედართმთავრობაზე, რადგანაც იცოდა, რომ წარუმატებლობის შემთხვევაში გაძევება ან სიკვდილით დასჯა ელოდა. მაგრამ თუკი ოდესმე გასძლოლია ლაშქარს, ყოველთვის გამარჯვებული დაბრუნებულა. მის წარმატებებს მტრები თუ მეგობრები მიაწერდნენ წლებით დაგროვილ გამოცდილებასა და გასაოცარ იღბლიანობას. პერიკლესის გარდაცვალების შემდეგ ნიკიასი პირველ სტრატეგოსად აირჩიეს. მან იმთავითვე აღიარა, რომ ომის მოწინააღმდეგე იქნებოდა და მალე ბრძოლებით განანამებ ატიკის მკვიდრთა შორის უდიდესი მხარდაჭერაც ჰპოვა.


ყველაზე მეტად ომებმა ათენის გლეხობა დააზარალა. მათი მიწები გადაბუგული იყო, ვენახი აჩეხილი, საქონელი გატაცებული. ამიტომაც გლეხებს ყველაზე მეტად სძულდათ ომი. ისინი მშვიდობას ითხოვდნენ. მათ მდიდარ მინათმფლობელებთან ერთად შექმნეს მშვიდობის პარტია, რომელსაც სათავეში ჩაუდგა ნიკიასი.

სხვა პარტია (ეგრეთ წოდებული „პირეოსული“) შედგებოდა იმ ხალხისაგან, რომელთაც ასე ძალუმაღ არ შეხებია ომის სიმძიმე. ძირითადად ესენი იყვნენ ქალაქელი ხელოსნები, წვრილი მოვაჭრენი, მეზღვაურები და სოვდაგრები, რომლებიც ზღვის მიღმა ვაჭრობას ეწეოდნენ. ისინი ომის მომხრენი იყვნენ. პირეოსული პარტიის სათავეში იდგნენ ცნობილი ორატორი და ბელადი კლეონი, შიპერბოლოსი და სხვები.

კლეონმა და მისმა პარტიამ შეძლო ძალაუფლების ხელში ჩაგდება. იგი დაუხანებლივ შეუდგა სპარტის წინააღმდეგ ომისთვის მზადებას. მან განიზრახა თვით პელოპონესოსში მოეწყო პელოტთა ამბოხება.

ათენელმა მხედართმთავარმა დემოსთენესმა ბრძანება მიიღო, თავს დასხმოდა სპარტელებს პელოპონესოსში. ათენელთა იქ გამოჩენას პელოტთა ამბოხება უნდა მოჰყოლოდა. დემოსთენესმა ხელში ჩაიგდო ქალაქი პილოსი, სპარტელთა მნიშვნელოვანი ნავსადგომი მესენიის სანაპიროზე. აქედან უფრო იოლი იყო პელოტთა ამბოხების მოწყობა. სპარტელებმა, იგრძნეს რა მოსალოდნელი საფრთხე, მრავალრიცხოვანი ქვეითი და საზღვაო ძალა გაგზავნეს კუნძულ სფაქტერიისკენ, რომელიც პილოსის მოპირდაპირედ მდებარეობდა. მაგრამ ათენელებმა დაამარცხეს სპარტის ესკადრა და ალყა შემოარტყეს კუნძულზე დაბანაკებულ 400 სპარტელს.

როდესაც სპარტელებმა დაინახეს, რომ ბრძოლის ბედი ათენელებისკენ გადაიხარა, პირველებმა შესთავაზეს ზავის დადება. ნიკიასის წინააღმდეგობისდა მიუხედავად, ათენელებმა არ მიიღეს წინადადება.



ბრძოლა გრძელდებოდა, მაგრამ სფაქტერიის ალყას წარმატება არ მოჰყოლია. ბლოკადისდა მიუხედავად, სპარტელები ახერხებდნენ კუნძულზე საკვების შეგზავნას, ამიტომ ალყაში მოქცეულთა დამორჩილება შეუძლებელი გახდა შიპ-შილის ძალით.

მაშინ კლეონმა ათენის სახალხო საბჭოზე გაილაშქრა დემოსთენესისა და ნიკიასის წინააღმდეგ. პასუხად ნიკიასმა ასე მიუგო: „კლეონ, შენ თავად ხომ არ გაემართებოდი სპარტელების წინააღმდეგ საბრძოლველად?“ მცირეოდენი ყოყმანის შემდეგ კლეონმა მიიღო ნიკიასის წინადადება და სათავეში ჩაუდგა იმ ჯარს, რომელიც ალყას არტყამდა კუნძულს. მან განაცხადა, რომ გამგზავრებიდან ოცი დღის შემდეგ გაანადგურებდა სპარტელებს, ან ტყვედ წამოასხამდა მათ ათენში.

კლეონმა დემოსთენესთან ერთად ისე წაიყვანა ბრძოლის საქმე, რომ ოცი დღის შემდეგ ცოცხლად გადარჩენილი სპარტელები (300 კაცი) ტყვედ ჩაიგდო და ათენში ჩამოიყვანა. ამან აიძულა სპარტელები ეფიქრათ ზავზე ათენელთათვის ხელსაყრელი პირობებით.

კლეონმა გააფრთხილა სპარტელები, რომ, თუ ისინი ისევ შემოიჭრებოდნენ ატიკაში, ტყვეებს სიკვდილით დასჯიდნენ. და მართლაც, იმ დროიდან სპარტელთა ატიკაში თარეში შეწყდა.

ხმელეთზე დაუმარცხებელ სპარტელებზე კლეონის უზადო გამარჯვებამ ათენში დიდი სიხარული გამოიწვია. სახალხო საბჭომ იგი სახელმწიფოს მხსნელად და გმირად აღიარა და სათანადო პატივიც მიაგო. სამაგიეროდ მრავალი ადანაშაულებდა ნიკიასს სიმხდალესა და სიზანტეში იმის გამო, რომ თავისი მონინააღმდეგის სასარგებლოდ უარი თქვა მთავარსარდლობაზე. ცნობილი კომიკოსი პოეტი არისტოფანე ასეთი სიტყვებით ამასხრებდა მას:


„ზევსია მონმე,

მძინარა ნიკიასივით მოვლემარების დრო აღარა გვაქვს,

და არც ჭოჭმანის“...

კლეონი კი ამასობაში მისთვის ჩვეული ენერგიით განაგრძობდა ომს სპარტისა და მის მოკავშირეთა წინააღმდეგ. თავდაპირველად ომის ბედი ათენელების მხარეს იხრებოდა. მათ შეძლეს ეგეოსის ზღვიდან მოეკვეთათ კუნძული მეგარა, ხელში ჩაიგდეს რა მისი ნავსაყუდელი და დაეკავებინათ სპარტელთა ფლოტის მთავარი სადგომი – კუნძული კითერა, რომელიც პელოპონესოსის სამხრეთით მდებარეობდა.

შემდეგ ომის ღმერთმა-მიატროვა ათენელები და მათ მწარე დამარცხება აგემა ბეოტიელებთან ბრძოლაში. ათენელთა ამ წარუმატებლობამ სპარტელები გამარჯვების რწმენით აღავსო. მათ განიზრახეს, ბრძოლა დაენწყოთ თრაკიაში, რათა ხელთ ეგდოთ ათენელთა იქაური სამფლობელოები.



ნიჭიერმა სპარტელმა მხედართმთავარმა ბრასიდასმა შეძლო რამდენიმე თრაკიული სახელმწიფოს ათენის წინააღმდეგ განწყობა.

კლეონი ათენის ლაშქარს ჩაუდგა სათავეში და ბრასიდასის წინააღმდეგ გაილაშქრა. თრაკიის ქალაქ ამფიპოლისთან ბრძოლის უამს, სადაც ორივე მხედართმთავარი – კლეონიცა და ბრასიდასიც – სიცოცხლეს გამოესალმა, დამარცხდნენ ათენელები (ძვ.წ. 422 წ.).

ამ ბელადთა დაღუპვის შემდეგ ათენშიც და სპარტაშიც მშვიდობის პარტიებმა იმძლავრეს.

მალე ნიკიასისა და მის მომხრეთა წყალობით შესაძლებელი გახდა სპარტასთან ორმოცდაათწლიანი, ეგრეთ ნოდებუი ნიკიასის ზავის დადება იმ საფუძველზე, რაც ომამდე იყო. ათენელებს სპარტისთვის უნდა დაებრუნებინათ ტყვეები, დაეთმოთ პილოსი და სფაქტერია; სპარტელები ამფიპოლისიდან უნდა წასულიყვნენ.

მაგრამ მშვიდობა დიდხანს არ გაგრძელებულა: ორივე მხარე უკმაყოფილო იყო და ზავს ისე უმზერდა, როგორც სულის მოთქმას ახალი, გადამწყვეტი ბრძოლის წინ. სპარტელებმა არ დაუბრუნეს ათენელებს ამფიპოლისი. ამის პასუხად ათენელებმა შეინარჩუნეს პილოსი და სფაქტერია.


მიუხედავად ათენისა და სპარტის დაზავებისა, მთელი საბერძნეთი განხეთქილებამ მოიცვა. თვით პელოპონესოსი უკმაყოფილო იყო სპარტის მოქმედებით. ყველაზე მეტად აღშფოთებულნი იყვნენ კორინთოელები, მანტინელები და არგოსელები. სპარტელთა შეურიგებელი მტრები – არგოსელები და მანტინელები ათენთან დაახლოებას ისწრაფოდნენ.

ამ დროს ათენის პოლიტიკურ სარბიელზე გამოჩნდა ალკიბიადესი.³ იგი შეეცადა არგოსთან და სხვა პელოპონესურ სახელმწიფოებთან ზავის დამყარებას. ნიკიასი ამოდ იბრძოდა ალკიბიადესის ამ ჩანაფიქრის წინააღმდეგ. ნიკიასი სათავეში ჩაუდგა ათენის წარმომადგენლობას და გაემგზავრა სპარტაში, რათა ჩაენწყნარებინა ათენელთა და სპარტელთა შორის არსებული უთანხმოება. იგი ვარაუდობდა, რომ ათენელები თავს შეიკავებდნენ არგოსელებთან კავშირისაგან. მაგრამ ელჩობა წარუმატებელი აღმოჩნდა. ნიკიასის გავლენა დაეცა.

ხელისუფლების სათავეში მოექცა ალკიბიადესი. მან არგოსთან და პელოპონესოსის სხვა სახელმწიფოებთან შეკრა კავშირი.

სპარტა ერთობ მძიმე და სახიფათო მდგომარეობაში აღმოჩნდა: იგი გარემოცული იყო მისდამი მტრულად განწყობილი დემოკრატიული სახელმწიფოებით. ახლა სპარტისთვის მტრებზე გამარჯვებას სამკედრო-სასიცოცხლო მნიშვნელობა ჰქონდა.

მოკავშირეთა ლაშქარი მანტინეასთან შეება სპარტელებს. ნიკიასის სიზანტის გამო ათენელებმა ვერ გაუნიეს მოკავშირეებს სათანადო დახმარება და მათ სრული დამარცხება განიცადეს.



ამ მარცხმა ათენში ალკიბიადესისა და ომის მომხრეთა გავლენები შეასუსტა და სახელმწიფოს სათავეში კვლავ ნიკიასი მოექცა.

ათენელთა ადათის თანახმად, დამარცხებულთა ბელადს ოსტრაკისმოსის წესით განდევნა ემუქრებოდა. ალკიბიადესის გაძევება თითქოს გარდაუვალი ჩანდა, მაგრამ მან მოახერხა ნიკიასის მომხრეებთან მოლაპარაკება და გაძევებული აღმოჩნდა ჰიპერბოლოსი, დემოკრატიული პარტიის ბელადი. ალკიბიადესი და ნიკიასი კვლავ ხელისუფლების სადავეებს დაეპატრონნენ. მოწინააღმდეგენი ნიკიასს კიცხავდნენ იმის გამო, რომ მას არ შეეძლო ამფიპოლისის დაბრუნება.


ნიკიასს საკუთარი სურვილის წინააღმდეგ მოუხდა თრაკიაში გალაშქრება ამფიპოლისის დასაბრუნებლად. ლაშქრობა სრული კრახით დასრულდა, რამეთუ მაკედონიის მეფემ, რომლის სამფლობელოზეც გადიოდა გზა, სპარტელთა მხარე დაიკავა და ათენელთა ჯარს არ მისცა იქ გავლის უფლება. ალკიბიადესი ახლა უკვე პირეოსის დემოკრატიულ პარტიას დაუახლოვდა, რომელიც ომის მოსურნე იყო.

პირეოსის პარტიის მომხრენი ათენის სახელმწიფოს დასავლეთ საზღვრების გაფართოებაზე ოცნებობდნენ. მათ სურდათ სიცილიის, კართაგენისა და აფრიკის ჩრდილოეთ სანაპიროს (ლიბიის) დაპყრობა.

ალკიბიადესს დიდი ხანია ფიქრად ჰქონდა, გამხდარიყო ათენის მეთაურობით ერთიანებული მთელი საბერძნეთის განმგებელი – ტირანი. მას მხოლოდ პირადი მისწრაფებები ამოძრავებდა, როდესაც ემზრობოდა ხან დემოკრატიულ, ხან არისტოკრატიულ პარტიას. ახლა ალკიბიადესის ჩანაფიქრს პასუხობდა პირეოსის დემოკრატიული პარტიის გეგმა და იგიც სიცილიაზე ლაშქრობის მომხრეთა ბელადად იქცა.

მთელი თავისი მჭევრმეტყველება და გავლენები ალკიბიადესმა იქით მიმართა, რომ სახალხო კრებაზე ათენელები სიცილიაზე ლაშქრობის აუცილებლობაში დაერწმუნებინა. ემოციური ათენელები გაიტაცა მის მიერ წარმოსახულმა სურათებმა. „თავდაპირველად, – ამბობდა იგი, – აუცილებელია დავიპყროთ სიცილია, ვითარცა ჩრდილოეთისკენ ლაშქრობათა საფუძარი. სიცილიის და კართაგენის დამორჩილების შემდეგ ათენელები ხელთ იგდებენ ზღაპრულად მდიდარ ნადავლს და მაშინ ყოველი მოქალაქე გამდიდრდება; აღარ იქნება საჭირო შრომა, თქვენ მხოლოდ ბრძანებთ და ყოველივეს ხელქვეითნი ალგისრულებენ“.

ათენელთა მღელვარებამ და სალაშქრო გეგმებით გატაცებამ უმაღლეს მწვერვალს მიაღწია, როდესაც ათენში გამოჩნდნენ სიცილიის ქალაქთა – ლეონტინის და ეგესტეს ელჩები. ისინი ათენელებს დახმარებას სთხოვდნენ და არწმუნებდნენ, რომ კუნძულზე იფეთქებდა დემოკრატიების ამბოხება, როგორც კი იქ ათენელთა ლაშქარი გამოჩნდებოდა. ისინი პირობას დებდნენ, რომ ათენელ ჯარისკაცებს დაუნიშნავდნენ დიდ გასამრჯელოს.



ათენის სახალხო კრებებზე ცხარე დავა იმართებოდა იმის თაობაზე, ღირდა თუ არა სიცილოური ქალაქების დასახმარებლად გალაშქრება. ათენელთა დიდ ნაწილს წარმოდგენაც არ ჰქონდა შორეულ კუნძულზე. იგი ზღაპრულად მდიდარ ქვეყნად მიაჩნდა, მისი დაპყრობა კი – უიოლეს საქმედ. სახალხო კრებათა შემდეგ დავა გრძელდებოდა ქუჩებში, მოედნებზე, დახლებსა თუ სახელოსნოებში. ყველა ასაკის ადამიანი – ხანდაზმულიცა და ახალგაზრდაც – ქვიშაზე ხატავდა სიცილიის რუკას და ამ კუნძულთან დაკავშირებით ყოველად შესაძლო გაუგონარ ამბებს ჰყვებოდა.


ვერაინ ბედავდა ამ ფანტასტიკური ჩანაფიქრის წინააღმდეგ გამოსვლას. ერთადერთმა ნიკიანმა, მისთვის ჩვეული გაუბედაობისა და მფრთხალობისდა მიუხედავად, პირდაპირ გაილაშქრა ომის წინააღმდეგ. „სიცილიაზე, – ამბობდა იგი, – ათენის წინააღმდეგ განწყობილი მრავალრიცხოვანი მოსახლეობაა. კუნძულის მკვიდრი ბრწყინვალედ არიან შეიარაღებულნი და ომების სანარმოებლად დიდძალი სახსრებიც გააჩნიათ. ჩვენ კი, ათენელებს, მრავალრიცხოვანი ომების გამო ხაზინაც ცარიელი გვაქვს“.

სახალხო კრებამ გადაწყვიტა, გაეგზავნა სიცილიაზე ესკადრა 6000 რჩეული მეომრის შემადგენლობით. ლაშქარს სათავეში ჩაუყენეს ალკიბიადესი, ნიკიასი და ლამაქოსი (რომელიც თავისი საბრძოლო საქმეებით იყო განთქმული). ათენელები ვარაუდობდნენ, რომ ალკიბიადესის სიმამაცესა და ლამაქოსის სიფიცხეს შერწყმული ნიკიასის გამოცდილება და სიფრთხილე საქმეს დიდად წაადგებოდა.

ამ გადაწყვეტილების მიღების შემდეგ მომდევნო სახალხო კრებაზე ნიკიასი კვლავ შეეცადა თანამოქალაქეთა გონზე მოყვანას. ნიკიასი ბრალს სდებდა ალკიბიადესს იმაში, რომ იგი პირად მოგებასა და დიდებას გამოდევნებული, სახელმწიფოს უდიდეს საფრთხეში აგდებდა. „ალკიბიადესმა, ისევე როგორც დანარჩენმა ათენელებმა, ზუსტად არ იცის, – ამბობდა იგი, – რა ქვეყანაა სიცილია და რა მოგველის ჩვენ ამ დიდსა და მტრულად განწყობილ კუნძულზე. თუკი ჩვენ საქმე სიცილიაზე ცუდად წაგვივა, მტერი უმალ თავს დაგვაცხრება. სპარტასთან დადებული ზავი ხომ ერთობ არასაიმედოა. ლაშქრობა და სიცილიის დაპყრობაც კი მხოლოდ დაასუსტებს ჩვენს ძალებს“.

სახალხო კრებამ ყურად არ იღო მისი რჩევა. მთელი ქალაქი აბობოქრდა: მდიდრებს ხიმიანობდა აგება და აღჭურვა დაევალოთ, მოკავშირეებს შემოჰქონდათ აუცილებელი აღსაჭურველი, ყოველი მოქალაქე, რომელსაც იარაღის ტარება შეეძლო, გამალებით ემზადებოდა სალაშქროდ, მესაჭეები და მეზღვაურები საზღვაოსნო ხელოვნებას ეუფლებოდნენ.

სახელმწიფო ხაზინის მთელი სახსრები მოხმარდა 134 ტრიერისაგან შემდგარი უდიდესი ფლოტის აგებას. დიდძალი თანხა დაიხარჯა აღსაჭურველისათვის, მეომართა საზღაურმა 1620 ტალანტონი შეადგინა. ფლოტის გამგზავრების წინაღულეს კი საბედისწერო რამ მოხდა, რამაც უკიდურესად დაძაბული ათენელები კიდევ



უფრო მეტად დაძაბა და ააღელვა: ღამით უცნობმა პირებმა დაარბიეს და დაამსხვრიეს ათენის გზაჯვარედინებზე აღმართული ჰერმები – ღვთაება ჰერმესის ქანდაკებები.⁴ ხალხი ალკიბიადესს ადანაშაულებდა. ალკიბიადესმა მოითხოვა საქმის დაუხანებლივ გარჩევა, მაგრამ მტრებმა ვერ გაბედეს მის წინააღმდეგ აშკარა გამოსვლა. ამას გარდა, მისი სამსჯავროს წინაშე წაყენება ესკადრის გამგზავრებას დააყოვნებდა, ათენის სახალხო კრება კი ლაშქრობის სასწრაფოდ დაწყებას მოითხოვდა. გადაწყდა, რომ ალკიბიადესი სასამართლოზე წარდგებოდა ომის დამთავრების შემდეგ, ჯერ-ჯერობით კი იგი სიცილიაზე უნდა გამგზავრებულიყო.

და ბოლოს, ფლოტის გამგზავრების დღეც დაინიშნა (ძვ.წ. 415 წ.). ათენელები და მოკავშირეები სხდებოდნენ ხომალდებზე და ზღვაში გასასვლელად ემზადებოდნენ. თითქმის მთელი ქალაქი გამოვიდა მათ გასაცლილებლად; მოქალაქეები ემშვიდობებოდნენ თავიანთ ახლობლებს, მეგობრებსა და ნაცნობებს. მრავალი მოიცვა შიშისა და სინანულის გრძობამ: როგორ გასრულდება შორეული ლაშქრობა? ელირსებათ კი ახლობლების ნახვა ისევ?!

მრავალმა მოცლილმა და უქნარამ მოიყარა თავი ნავსადგომში არნახული სანახაობის სამზერად. და მართლაც, ბრწყინვალედ აღკაზმულ და მდიდრულად მორთულ ხომალდთა სიმრავლე, მეომართა აღსაჭურველის ბზინვარება დიდებულ შთაბეჭდილებას ახდენდა.

როდესაც მეომრები ავიდნენ ხომალდებზე და ჯარების დაბარგება დასრულდა, გაისმა საყვირის ხმა. ყოველ ხომალდზე მქადაგებლები ერთდროულად ალაქუნდნენ ლოცვას, რომელსაც იმეორებდნენ მეომრებიცა და ნაპირთან თავშეყრილი ბრბოც. მთავარსარდლები და მეზღვაურები ოქროს და ვერცხლის სასმისებით ღმერთებს ზედაშეს სწირავდნენ. ბოლოს იმღერეს საზეიმო ჰიმნი (ჰენი). ხომალდებმა აუშვეს ლუზა და აბობოქრებული ნავსადგომი შორს მოიტოვეს.

ათენის ფლოტმა ჩაუარა პელოპონესოსს და კუნძულ კერკირასთან (ეპიროსის სანაპიროზე) ჩაუშვა ლუზა. აქ თავი მოეყარა მოკავშირეთა დანარჩენ ლაშქარს. სტრატეგოსებმა ერთხელ კიდევ შეამოწმეს თავიანთი ძალები. ფლოტი სამ ესკადრად დაიყო, თითოეულს საკუთარი ნაგარქოსი მეთაურობდა. ეს ესკადრები დიდძალი სატრანსპორტო ხომალდების თანხლებით დაიძრნენ იტალიის ნაპირებისკენ.

სალაშქროდ შერჩეულმა სამმა სტრატეგოსმა გამგზავრების შემდეგაც კი ვერ მოახერხა მოქმედების საერთო გეგმის შედგენა. ალკიბიადესი, ძლიერი ნების ადამიანი, რომელიც მთელი ძალაუფლების ხელში ჩაგდებას ესწრაფოდა, საჭიროდ მიიჩნევდა, უპირველეს ყოვლისა არა სიცილიის მთავარი ქალაქის – სირაკუსას, არამედ მისი მოკავშირე სახელმწიფოების აღებას. ლამაქოსი, მგზნებარე მხედართმთავარი, მოუნოდებდა, გაეცურათ პირდაპირ სირაკუსასკენ და ვიდრე მისი მოქალა-



ქენი გონს მოეგებოდნენ, ზედ ქალაქის კედლებთან დაენყოთ ბრძოლა. ნიკიასი კი ორივეს ეწინააღმდეგებოდა. იგი არ იყო დარწმუნებული ლაშქრობის წარმატებაში და ამიტომ მისი გეგმა ასეთი იყო: მცირეოდენი დახმარება გაენიათ ეგესტეს მკვიდრთათვის, შემდეგ გარს შემოეველოთ სიცილიისთვის, მტერი დაეფრთხოთ და შინისაკენ მიქცეულიყვნენ. ამ წინადადებით ნიკიასმა მყის დაბლა დასცა ათენელების საბრძოლო სული და შემართება. ესეც არ იკმარა, ზღვად გასელის მერეც იგი საოცარ სიზანტესა და გაუბედავობას იჩენდა. ნიკიასის ასეთი ქმედება სხვა მხედართმთავრებსაც უქრობდა ბრძოლის ხალისს, ხოლო ფლოტი უაზროდ კარგავდა დროს.

ბოლოს და ბოლოს, ლამაქოსი მხარში ამოუდგა ალკიბიადესს, ნიკიასი კი იძულებული იყო მათ დამორჩილებოდა.


იტალიის სანაპიროებთან ათენის უზარმაზარი ფლოტის გამოჩენამ სამხრეთ იტალიის სახელმწიფოთა შორის უდიდესი მღელვარება გამოიწვია: ყველას ესმოდა, რომ ათენელებმა აქ მოცუერეს არა მათ დასახმარებლად, არამედ დასაპყრობად. ამიტომ ქალაქ რეგიუმამდე (იტალიის სამხრეთით) ათენელებმა არა თუ გადმოსვლა, დასალევი წყლის აღებაც კი ვერ მოახერხეს. რეგიუმში კი, როგორც იქნა, შეძლეს სურსათით მომარაგება. მაგრამ ათენელ სტრატეგოსებს კვლავ გაუცრუედათ იმედები: მალე ნათელი გახდა, რომ ეგესტეს წარმომადგენლები ნაცვლად შეპირებული დიდძალი თანხისა, მებლვაურებს სთავაზობდნენ უმცირეს გადასახადს, სულ 30 ტალანტონს.

აქედან მოლაშქრეებმა გასწიეს სიცილიის ქალაქებისკენ – ნაქსოსისა და კატანესაკენ, რომლებიც ათენელებს მიემხრნენ.

ამ დროს გამოჩნდა ათენიდან მომავალი სახელმწიფო ხომალდი „სალამინია“, რომელმაც სახალხო კრების გადაწყვეტილება აუწყა ბერძნებს: ალკიბიადესს უნდა მოეხსნა მთავარსარდლობა და დაუყოვნებლივ დაბრუნებულიყო ათენში სამსჯავროზე წარსადგომად. საქმე ის იყო, რომ აღმოჩნდა მის მიერ ჩადენილი მკრეხელობის დამადასტურებელი ახალი საბუთები. ალკიბიადესი დაემორჩილა ამ ბრძანებას, მაგრამ გზიდან გაიქცა და სპარტას შეაფარა თავი. ათენელებმა ალკიბიადესის გაქცევა მის მიერ ჩადენილი დანაშაულის მხილებად სცნეს და დაუსწრებლად სასიკვდილო განაჩენი გამოუტანეს.

ალკიბიადესის წასვლის შემდეგ განმგებლობა ნიკიასს დაევალა. მას მართებდა დაუხანებლივ მოექცია სირაკუსა ალყაში. ეს უნდა მომხდარიყო მანამ, ვიდრე სირაკუსელები შეაგროვებდნენ დიდძალ ლაშქარს და სახსრებს თავდაცვისათვის და ვიდრე ბრძოლის ბედი ათენელებისკენ იხრებოდა. ეს იყო ომის მოგების ერთადერთი გზა.

ნიკიასს კი ვერ გადაენწყვიტა, დაენყო სერიოზული საბრძოლო მოქმედებანი თუ არა. ის ჯერ კიდევ ლამობდა თავისი ფლოტის ძალმოსილების ჩვენებით სიცილიური



ქალაქების მიმზრობას. ამ მიზნით მან უაზროდ ისეირნა სიცილიის ნაპირებთან და ზაფხულის უქვირფასესი დრო ამაოდ დაკარგა. ბოლოს უშედეგოდ დაბრუნდა კატანეში.

ამასობაში სირაკუსელები თავდაცვისათვის ემზადებოდნენ. მათ დახმარებისთვის მიმართეს სპარტასა და ათენის მონინააღმდეგე სხვა ბერძნულ სახელმწიფოებს და დაქირავებულ მეომართა დიდი ლაშქარი შეაგროვეს. ბოლოს ისეთ ძალებს მოუყარეს თავი, რომ განიზრახეს, თავად დასხმოდნენ თავს ათენელებს.

სირაკუსელთა ამბებმა ათენელთა ყურამდეც მიაღწია. მხოლოდ მაშინ, და ისიც ძალით, დაითანხმეს ნიკიასი შეტევაზე გადასულიყო. იმხანად ბერძენთა საომარი მოქმედებები წლის დროებთან იყო დაკავშირებული. ისინი ზამთრობით, ჩვეულებრივ, არ იბრძოდნენ და ათენელი სტრატეგოსიც ბრძოლის დანებებას გაზაფხულისთვის ვარაუდობდა.

საბრძოლო მზაკვრობით ათენელებმა შეძლეს სირაკუსელთა ჯარის ქალაქის კედლებიდან გამოყვანა. მაშინ ნიკიასმა დატოვა კატანე, დაიპყრო სირაკუსას ნავსადგომები და დასაბანაკებლად ხელსაყრელი ადგილი შეარჩია. როცა სირაკუსელები თავისი ქალაქის კედლებთან მიბრუნდნენ, ათენელები თავს დაესხნენ და გამარჯვეს კიდევ. მაგრამ ნიკიასმა არ ისარგებლა ამ გამარჯვებით და ნაცვლად იმისა, რომ სირაკუსა აეღო ბრძოლით, ნაქსოსზე დაბრუნდა გამოსაზამთრებლად.

როდესაც სირაკუსელებმა ეს გაიგეს, ათენელთა ბანაკს კატანეში თავს დაესხნენ და გადაწვეს. ამ მარცხს ყველა ათენელ სტრატეგოსს აბრალებდა.

ახლა კი, როგორც იქნა, ნიკიასმა გადაწყვიტა ალყაში მოექცია სირაკუსა. ათენელებმა შეძლეს მის მახლობლად შეუმჩნეველად გადმომსხდარიყვნენ და დაეკავე ბინათ ის მალლობი, ქალაქს რომ ჩრდილოეთიდან დაჰყურებდა. ამასობაში სირაკუსელთა მხედრიონმაც ისწრაფა მათკენ და გაიმართა სასტიკი ბრძოლა. ათენელებმა ბრწყინვალე გამარჯვება მოიპოვეს, ტყვედ 300 კაცი ჩაიგდეს.

შემდეგ ნიკიასმა მეტად მცირე დროში სირაკუსას გარს შემოავლო კედელი, რათა ქალაქისათვის ალყა შემოერთყა ზღვიდანაც და ხმელეთიდანაც. ათენის ფლოტი სირაკუსელთა დიდ ნავსადგომში შენავდა.

ალყაში მოქცეული სირაკუსელები თავს იცავდნენ და თავის მხრიდანაც აგებდნენ კედელს, რომელიც ათენელთა კედლის შემხვედრი უნდა ყოფილიყო. სირაკუსელები ყოველნაირად ცდილობდნენ, ხელი შეეშალათ ათენელთათვის, ხანგამოშვებით ისინი ებრძოდნენ კიდევ ერთმანეთს. ასეთი შეტაკებისას მოკლეს ათენელთა მეორე სტრატეგოსი, შეუპოვარი ლამაქოსი.

ახლა ჯარების გამწმენებელი მხოლოდ ნიკიასი იყო.

სასწრაფვეთილი სირაკუსელები თავს იცავდნენ, მაგრამ მათი მდგომარეობა დღითიდღე უარესდებოდა: ათენელთა მიერ ქალაქის გარეშემო აგებული გალა-



ვანი თითქმის მზად იყო, ნიკიასი ალყის შემორტყმას იწყებდა. სიცილიის ზოგიერთი ქალაქი ათენელთა მხარეს გადავიდა. სირაკუსელებმა იმედი დაკარგეს და ათენის მთავარსარდალთან მოლაპარაკება გამართეს.

მაგრამ მოულოდნელად შეიცვალა ომის ბედი. სამშობლოს მოლაღატე ალკიბიადესის რჩევით, სპარტელებმა სირაკუსელთა დასახმარებლად გაგზავნეს 700 მეომარი გამოცდილი მხედართმთავრის, ჰილიპოსის მეთაურობით. მან შეძლო მაღულად გადაელახა სრუტე და სიცილიის ჩრდილო-დასავლეთით გადმოსხა თავისი ლაშქარი. ნიკიასს გამარჯვების ისეთი რწმენა ჰქონდა, რომ მეთვალყურენიც კი არ განუწესებია, თუმცა იცოდა, რომ ჰილიპოსი უახლოვდებოდა.

სირაკუსას მახლობლად დაბანაკებულმა ჰილიპოსმა თავდაპირველად ნიკიასსთან გაგზავნა მაცნე. იგი ათენელებს სთავაზობდა, დაუყოვნებლივ ასულიყვნენ ხომალდებზე და ათენისკენ გაეცურათ. ნიკიასს პასუხიც არ გაუცია სპარტელთა მხედართმთავრისთვის. მაშინ ჰილიპოსი სირაკუსელებთან ერთად თავს დაესხა ათენელებს. პირველ ბრძოლაში ათენელებმა გამარჯვება მოიპოვეს, მაგრამ შემდეგ მტერმა დაიკავა მათი რამდენიმე სიმაგრე და ალყაშემორტყმულ ქალაქში შეაღწია.

ამ წარუმატებლობამ ათენის სტრატეგოსი სასონარკვეთილებაში ჩააგდო. იგი მიხვდა, რომ ათენელებს აღარ შეეძლოთ ქალაქის ალყის შეწარმუნება ხმელეთიდან. უფრო მეტიც, ათენელები მალე თავად აღმოჩნდებოდნენ ალყაში, რამეთუ სირაკუსელებმა კედელი ააგეს იქვე, მათ სიმაგრეებთან.

ახლა ათენელებს ერთი გამოსავალი რჩებოდათ – ეთხოვათ დახმარება ათენისათვის. ნიკიასი ასეც მოიქცა. მან გაუგზავნა ათენის სახალხო კრებას წერილი, რომელშიც მრუშე საღებავებით ხატავდა შექმნილ მდგომარეობას, იმიზეზებდა ავადმყოფობასა და თავის სანაცვლოდ ახალ სტრატეგოსს ითხოვდა. „ვიდრე ჯანმრთელი ვიყავი, – წერდა ნიკიასი, – სახელმწიფოს ვეშახტებოდი. ახლა კი უკვე აღარ შემიძლია სტრატეგოსის თანამდებობის აღსრულება. სასწრაფოდ გვჭირდება შეველა, რამეთუ ჩვენი ხომალდები დაზიანდნენ და გამოუსადეგარნი ხდებიან, მოკავშირეები გარბიან. ლაშქარი საჭიროებისამებრ ვერ მარაგდება, ფული აღარ არის და არც იშოვება, რადგან მოკავშირეები აღარ გვეხმარებიან“.

ნიკიასის წერილი ათენში მაშინ მიიტანეს, როდესაც ქალაქს მძიმე დრო ედგა: სპარტელებმა კვლავ წამოიწყეს ომი. ალკიბიადესის რჩევით, მათ დაიკავეს დეკელეა – ატიკის ერთ-ერთი უმნიშვნელოვანესი სიმაგრე. აქედან სპარტელები ატიკისა და მის მეზობლად მდებარე ევბოიას ველებზე მონეულ ხორბალს არ უშვებდნენ ათენში. დღითა და ღამით მტერი მოსვენებას არ აძლევდა ათენელებს. ქალაქის მთელი მოსახლეობა თავს იცავდა. მტერთან შეტაკებები ყოველდღიურ მოვლენად იქცა.



მიუხედავად ამისა, სახალხო კრებამ სახელმწიფოს მთელი ძალების დაძაბვით ხომალდთა ორი ესკადრა აღჭურვა 1200 ათენელი ჰოპლიტით, მრავალრიცხოვანი მოკავშირეებით და გამოცდილი მხედართმთავრის, დემოსთენესის მეთაურობით სიცილიისკენ გაგზავნა, თან გაატანა დიდძალი ფულიც.

ამასობაში ნიკიასს თავს დაესხნენ ხმელეთიდან და ზღვიდან. მტერმა ჩაძირა ათენელთა 7 ხომალდი, სხვები მნიშვნელოვნად დააზიანა და, რაც მთავარია, ხელში ჩაიგდო ათენის ბაზა, პლემირიას კონცხი, დიდძალი მარაგით, იარაღითა და ფულით.

მას შემდეგ, რაც ათენელები პლემირიიდან გააძევეს, ლაშქრის მომარაგება მეტისმეტად გაძნელდა, რადგანაც მტრის ხომალდები ხელს უშლიდნენ სურსათსა-ნოვავის შემოზიდვას. ათენელთა ამ მარცხს თან მოჰყვა თითქმის ყველა სიცილიურ რი ქალაქის სირაკუსელთა მხარეს გადასვლა.

ათენის ჯარი საბოლოოდ დაეცა სულით; ათენელთაგან აღარავის სჯეროდა გამარჯვებისა და შინ მშვიდობით დაბრუნებისა.

სწორედ ამ დროს ათენის ბანაკში შენიშნეს, რომ ახლოვდებოდა დიდი ესკადრა. მუსიკის ხმაზე დემოსთენესის ფლოტი, რომელიც 73 ხომალდისაგან შედგებოდა და რომელსაც 5000 ჰოპლიტი, 3000 მსუბუქად შეიარაღებული მეომარი და დიდძალი აღჭურვილობა მოჰქონდა, ნავსაყუდელში შემოვიდა. ათენელები გაბნეულდნენ და აღფრთოვანდნენ. როგორც იქნა, ფიქრობდნენ ისინი, ჩვენ შევძლებთ სირაკუსას აღებასა და მდიდარი ნადავლით შინ დაბრუნებას.


სირაკუსელები კი, პირიქით, სასონარკვეთილებაში ჩაცვივდნენ: მათ დაინახეს, რომ შემოვიდა ლაშქარი, არანაკლები უწინდელზე, და რომ ათენელები ძველებურად ძალმოსილები არიან.

დემოსთენესმა განიზრახა, დაუხანებლივ თავს დასხმოდა მტერს. „საჭიროა, – ამბობდა იგი – ერთხელ და სამუდამოდ გადაწყდეს: ან უნდა დავიპყროთ სირაკუსა, ან შინ უნდა დავბრუნდეთ“.

ნიკიასი, როგორც ყოველთვის, წინააღმდეგი იყო. იგი ამბობდა, რომ მტერს სახსრები აღარა აქვს და რომ მალე მოკავშირეები მათ მიატოვებენ; მაშინ ისინი ზავს მოითხოვენო. და მართლაც, სირაკუსელებმა ისევ წამოიწყეს ზავზე მალული მოლაპარაკება ათენელებთან. სხვა სტრატეგოსები დემოსთენესს მიემხრნენ. ისინი ამბობდნენ, რომ ნიკიასი ადრეც ვერ ბედავდა ბრძოლის დაწყებას და ძვირფას დროს კარგავდა, რომ იგი ახლაც თავს იტყუებდესო.

ნიკიასი მეგობრების ძალისხმევით ძლივს დაიყოლიეს.

დემოსთენესმა იმავე ღამეს სცადა სირაკუსელთა დამორჩილება. თავდაპირველად, ათენელებმა შეძლეს მტრის შევიწროვება; მაგრამ შემდეგ, უკანდახეულთა დევნისას, სიბნელეში უწესრიგო ბრძოლა გაიმართა. ათენელები მტერს ვეღარ



არჩევდნენ. დემოსთენესი მნარედ დამარცხდა. ბრძოლის ველზე ათენელთა და მის მოკავშირეთა 2000 ცხედარი დარჩა.

ამ წარუმატებლობის შემდეგ ათენელი სტრატეგოსები მოსათათობირებლად შეიკრიბნენ. საჭირო იყო, გადაენწყვიტათ, რა ელონათ. არაჯანსაღ ადგილას განლაგებულ ათენელთა ბანაკში სენიანობა დაიწყო; მებრძოლები დაეცნენ სულით; მდგომარეობა თითქმის უიმედო იყო. ამიტომ დემოსთენესმა შესთავაზა კრებას, ან დაუყოვნებლივ დაბრუნებულყვენ შინ, ანდა ბანაკი სხვა ადგილას გადაეტანათ, სირაკუსადან მოშორებით და იქიდან ეწარმოებინათ ბრძოლები. მაგრამ ამ წინადადებას მოულოდნელად წინ აღუდგა ნიკიასი. მას უწინდებურად გამარჯვებისა არა სწამდა რა, მაგრამ სირაკუსელებზე უფრო მეტად ეშინოდა თავისი მტრების – დემოკრატების, რომლებიც, მისი აზრით, ათენში დაბრუნებისთანავე მას სამსჯავროზე გაიყვანდნენ ამ მარცხის გამო და დასჯიდნენ. „მე ვამჯობინებ, – ამბობდა იგი, – ბოლო მომიღოს მტერმა, ვიდრე ჩემივე თანამოქალაქემ“.

ამასობაში სირაკუსაში კვლავ შემოვიდა დიდძალი მეშველი ლაშქარი. მაშინ კი მიხვდა ნიკიასი, რომ ომი წაგებულა, რომ საჭიროა ალყის მოხსნა და შინ დაბრუნება. როდესაც უკვე ყველაფერი მზად იყო გასამგზავრებლად, ღამით დაბნელდა მთვარე, რამაც ძლიერ შეაშინა ნიკიასიცა და სხვა მეომრებიც. ათენის ლაშქარში მყოფმა წინასწარმეტყველებმა განაცხადეს, რომ ღმერთები წინააღმდეგნი არიან უკან დახვევისა, და რომ საჭიროა დაცვა მთვარის მომავალ მოვანებადღე.

ასეც მოიქცნენ. და მაშინ მოხდა ყველაზე უფრო საშინელი რამ: ორდღიანი საზღვაო ბრძოლების შემდეგ, რამაც მრავალი ათენელი იმსხვერპლა, სირაკუსელებმა ათენის ფლოტს უკან დასახევი გზა გადაუჭრეს. ათენელები ხაფანგში გაებნენ.

ათენის ბანაკში კვლავ შეიკრიბა სამხედრო საბჭო, რომელმაც გადაწყვიტა: ავადმყოფთა და დაჭრილთათვის დაეტოვებინათ დაცვა, დანარჩენებს კი, რადაც არ უნდა დაჯდომოდათ, გაერღვიათ მტრის ალყა და სასწრაფოდ გამგზავრებულყვენ სამშობლოში.

ათენის ქვეითი ჯარის საუკეთესო ნაწილი ჩასხეს გადარჩენილ ხომალდებში. გამგზავრების წინ ნიკიასმა მოკლე სიტყვით მიმართა მეომრებს: „ჩვენ სამშობლოსათვის ბრძოლა მოგველის. გახსოვდეთ, რომ სამშობლოს უკანასკნელი იმედი თქვენ ხართ; ჩვენს სახელმწიფოს აღარც ფლოტი აქვს და არც ლაშქარი. თუკი დავმარცხდით, სამშობლო დაუცველი აღმოჩნდება. ჩვენ ყველაფერი გავითვალისწინეთ. ხომალდები მზად არიან შეტევისათვის. ჩვენ შევებმებით მტრის ხომალდებს და ისევე ვიბრძოლებთ, როგორც ხმელეთზე“.

ათენის მძიმე ხომალდებისათვის არახელსაყრელ ადგილას ფიცხელი ომი გაჩაღდა. ზღვის მომცრო უბეში ორას ხომალდამდე შეიკრიბა.



სირაკუსელთა და ათენელთა ქვეითი ჯარი ნაპირიდან უმზერდა ბრძოლას. სირაკუსელთა მსუბუქი ხომალდები ყოველი მხრიდან უტევდნენ ათენელთა მძიმე ტრიერებს. მტერი უზარმაზარ ლოდებს უშენდა ათენელებს, რომლებიც ისრების და შუბების სროლით პასუხობდნენ. მტრის ალყის გარღვევის ყოველი ცდა ამაო იყო. ბოლოს სირაკუსელებმა გადამწყვეტი იერიშით უკუაქციეს ათენელთა ხომალდები. დაიწყო დამარცხებულთა ჟლეტა. ათენელები უიმედო მდგომარეობაში აღმოჩნდნენ: ზღვისკენ გზა მოჭრილი იყო, ხმელეთზეც უკანდახევა შეუძლებელი აღმოჩნდა – მტერს მოხელთებული ჰქონდა ყველა მალღობი თუ გადასასვლელი, ხიდები დანგრეული იყო, ხოლო გაშლილი ველები ცხენოსანთა ჯარებს ეკავათ.

ათენელთა ჯარს ერთადერთი გზა ჰქონდა ხსნისა – იგი სიცილიის შიდა მხარეებს უნდა შეფარებოდა. უკანდახევა დროულად რომ დაწყებულყო, ათენის ჯარი გადარჩებოდა. მაგრამ ნიკიასმა ზღვაზე დამარცხებიდან მხოლოდ ორი დღის შემდეგ გასცა ბრძანება.

მთელი ამ დანაკარგის შემდეგაც ათენის ლაშქარი 40 ათას მეომარს ითვლიდა. იგი დაიყო ორ რაზმად: წინ მიემართებოდა ნიკიასი, უკან – დემოსთენესი. მეომრებს სურსათ-სანოვავის მხოლოდ ხუთი დღის მარაგი მიჰქონდათ.

თავიდანვე მძიმე მდგომარეობაში აღმოჩნდნენ ათენელები. ისინი იძულებულნი იყვნენ, გზიდან გადაეხვიათ, რადგანაც ეს გზა სირაკუსელებს ჰქონდათ გადახერგილი. ამის შემდეგ ისინი ალალებდნენ დაეხეტებოდნენ: იქით მიდიოდნენ, საითაც ნაკლები საფრთხე ელოდათ ან სურსათი ეგულებოდათ. მტრის მხედრიონი მათ მოსვენებას არ აძლევდა. შიმშილი და ნყურვილი ახელებდა უკანდახეულთ.

თავად ნიკიასი, თავს დამტყდარი უბედურებისა და ავადმყოფობისდა მიუხედავად, ინარჩუნებდა სულის სიმხნევებს და ცდილობდა, თავის უბედურ მეომრებში ხსნის იმედი არ მოესპო.

უკანდახევის მეექვსე დღეს თავისიანებს ჩამორჩენილი დემოსთენესის რაზმი ალყაში მოექცა. მტერი მთელი დღე უშენდა ათენელებს ისრებსა და შუბებს. როდესაც ცხადი გახდა, რომ წინააღმდეგობის განევას მთელი რაზმის განადგურება მოჰყვებოდა, დემოსთენესი თვითმკვლელობის წარუმატებელი ცდის შემდეგ ტყვედ ჩაბარდა იმ პირობით, რომ მის მეომრებს სიცოცხლეს შეუნარჩუნებდნენ.

ორი დღის შემდეგ იარაღი დაყარა ნიკიასმაც. მასაც შეჰპირდნენ ცოცხლად დატოვებას. მაგრამ სირაკუსას სახალხო კრებამ დაადგინა, რომ ნიკიასი, დემოსთენესი და სხვა სტრატეგოსები სიკვდილით დაესაჯათ, ათენელთა მოკავშირეები მონებად გაეყიდათ, ხოლო თვით ათენელები სირაკუსას მახლობლად მდებარე საპურობილებში ჩაეგდოთ.



ასე დაილუპა ნიკასი. მან თავისი გაუბედაობითა და სიმხდალით სამშობლოს დიდი უბედურება მოუტანა.

ათენელ ტყვეთა დიდ ნაწილს საპყრობილებში აღმოხდა სული. საბრალო ტყვეები ენაშებოდნენ წყურვილით, სიცივით, საშინელი სივინროვით; მათ შორის გავრცელდა მთარული ავადმყოფობები; ზოგი კვდებოდა მწირი და ერთფეროვანი საკვებით დაუძღურებული. მხოლოდ მონებად გაყიდულებმა შეინარჩუნეს სიცოცხლე. გადმოგვეყენ, რომ ზოგიერთმა ტყვემ თავი დაიხსნა და თავისუფლებაც კი მიიღო იმის ნყალობით, რომ ზეპირად ახსოვდა ნაწყვეტები ბერძნულ სამყაროში სახელმწიფოებრივი ათენელი ტრაგიკოსის, ევრიპიდეს ქმნილებებიდან.

მთელი ლაშქრისა და ფლოტის დაღუპვის ამბავი ათენელებს ვილაც უცხოელმა ამცნო. იგი პირეოსის ნავსადგომში ჩამოვიდა და გასაკრეჭად სადალაქოს მიადგა. ეს დიდი უბედურება მან ისე ახსენა, როგორც ყველასთვის ცნობილი რამ. სადალაქოს მეპატრონე თავკუდმოგლეჯილი გავარდა ქალაქში და მოსმენილი თანამდებობათა პირებს შეატყობინა.

ატყდა საშინელი აურზაური. სასწრაფოდ შეიკრიბა სახალხო კრება, სადაც მიიყვანეს ეს უცხოელი და დანვრილებით დაუწყეს გამოკითხვა, თუ ვინ იყო, სად ან ვისგან გაიგო ეს ამბავი. უცხოელს შიშისგან ენა ჩაუვარდა და გარკვევით ვერაფერი თქვა. ათენელებმა იფიქრეს, ეს კაცი ბოროტმოქმედი და განგებ ავრცელებს ჭორს სახელმწიფოში განგაში რომ ატყდესო. უცხოელი ანამეს და მანამდე პყავდათ დამწყვედული საპყრობილეში, ვიდრე ბოლოს და ბოლოს თავად მაცნეები არ გამოცხადდნენ ამ შემადრწუნებელი უწყებით.

შენიშვნები

¹ დელოსი ითვლებოდა ღვთაება აპოლონისა და მისი დის, არტემისის სამშობლოდ.

² იმხანად ათენში იყვნენ ადამიანები, რომლებიც მდიდართა დაბეზლებითა და მათი სამსჯავროზე წარდგენით შოულობდნენ სახსრებს. მათ სიკოფანტესებს ანუ დაშამენებს უწოდებდნენ. ისინი ფულს ძალავდნენ წინასწარ შერჩეულ მსხვერპლს და სამსჯავროზე გადაცემის მუქარით ხშირად გაკოტრებამდე მიჰყავდათ იგი.

³ იხ. ალკიბიადესის ბიოგრაფია.

⁴ პერმესი იყო გზათა და ვაჭრობის ღვთაება. პერმების ნაბიღწვა რელიგიის წინააღმდეგ მიმართულ შემზარავ დანაშაულად ითვლებოდა.



აღკვიბიადესი

ათენალი სახელმწიფო

მოღვაწე და სტრატეგოსი

(დაახლ. ძვ.წ. 450-404 წწ.)




ვიკრიბიდე ამბობდა, ყოველი მშვენიერი შემოდგომაზეც მშვენიერიაო. ეს სიტყვები ყოველ პიროვნებაზე როდი ითქმის, მაგრამ აღკვიბიადესს ნამდვილად შეეფერება. მისი ცხოვრების ყოველ ასაკში, დროის ყოველ მონაკვეთში – ბავშვობაშიც, სიყმაწვილეშიცა და მოწიფულობაშიც სხეულის მოხდენილი და მომხიბლავი აღნაგობის გამო იგი მუდამ მშვენიერი იყო, – ასე ახასიათებდა პლუტარქოსი აღკვიბიადესს, თანაც დასძენდა, რომ „მას თურმე ენა ებმოდა და ეს ენაბრკვილობა უხდებოდა კიდევ, რადგანაც მის ლალ მეტყველებას დამაჯერებელსა და მადლიან ძალას ჰმატებდა“.

აღკვიბიადესი იყო მდიდარი და წარჩინებული ათენელის, კლინიასის ძე. მისი დედა საბერძნეთის ისტორიაში ცნობილი აღკვიბონიდების გვარიდან იყო და ნათესავად ერგებოდა სახელოვან სახელმწიფო მოღვაწეს, პერიკლესს.

კლინიასმა სახელი მოიხვეჭა ბერძენ-სპარსელთა ომების დროს დაბა არტემისიონთან გამართულ საზღვაო ბრძოლაში, სადაც მტერს საკუთარი სახსრებით აგებულ ტრიერით შეება. დაილუპა კი იგი ბეოტიელებთან ბრძოლისას. მისი გარდაცვალების შემდეგ აღკვიბიადესს მეურვეობდა სახელოვანი პერიკლესი თავის ძმასთან ერთად. ასე რომ, აღკვიბიადესი იზრდებოდა პერიკლესის სახლში, სადაც იმ დროის მრავალ გამოჩენილ ადამიანს ხვდებოდა. მათ შორის ფილოსოფოს ანაქსაგორასს, პოეტ სოფოკლესს, სახელმოხვეჭილ ასპასიას, რომელიც იმხანად უგანათლებულეს ქალად ითვლებოდა და სხვებს.

ჭაბუკმა ბრწყინვალე განათლება მიიღო. გარეგნულად მშვენიერი, გონიერებითა და არაჩვეულებრივი ნიჭიერებითაც გამოირჩეოდა. ბედმა მას უხვად მია-



მადლა მრავალი სიკეთე. ალბათ, ამის გამო ხასიათიც თავისებური და წინააღმდეგობრივი ჰქონდა. იგი მეტისმეტად პატივმოყვარე ყოფილა. უფრო ცუდი კი ის იყო, რომ სახელმწიფოს ინტერესებისადმი გულგრილობას იჩენდა და არც ხალხის ბედი აწუხებდა. ეს მაშინ, როდესაც თავს მბრძანებლობისთვის დაბადებულად მიიჩნევდა.

ალკიბიადესის პატივმოყვარეობა და პირველობისკენ მისწრაფება ცხადად ჩანს მისი ბავშვობის ხანის ამსახველ მოგონებებში: ერთხელ იგი თანატოლს ეჭიდავებოდა. როდესაც იგრძნო, რომ ვერ ერეოდა, ტანშეხოჭილმა მეტოქის ხელები პირთან მიიტანა და კბენა დაუწყო. გამწარებულმა მონინააღმდეგემ ხელი შეუშვა და შესძახა: „ეი, შენ რა ქალივით იკბინები!“ – „ქალივით კი არა, ლომივითო!“ – უპასუხა ალკიბიადესმა.

ერთხელ იგი ქუჩაში კამათულს თამაშობდა. ის-ის იყო გააგორა კიდეც, რომ ამ დროს გამოჩნდა ეტლი, რომელიც დიდი სისწრაფით უახლოვდებოდა მოთამაშეებს. ალკიბიადესმა შესძახა მეეტლეს, რომ შეეჩერებინა ეტლი და დაეცადა, ვიდრე ბიჭები არ ნახავდნენ, რამდენი ქულა დაგროვდა გაგორებულ კოჭებზე. მეეტლეს ყურადღება არ მიუქცევია მოთამაშე ბიჭებისათვის, სვლაც არ შეუწყობია. მაშინ ალკიბიადესი წინ გაუწვია ეტლს და შეპყვირა, რომ უფრო მალე თავს გაასრესინებს, ვიდრე კამათლებს. ზარდაცემული შედგა მეეტლე, და მხოლოდ მაშინ, როდესაც კოჭები აიკრიფა, საშუალება მიეცა მას, გაეგრძელებინა თავისი გზა.

ნიჭმა და მშვენიერებამ, ირგვლივ მყოფთა აღფრთოვანებას რომ იწვევდა და პირფერობამ ახალგაზრდა ალკიბიადესს თავბრუ დაახვია. მან გადანწყვიტა, რომ მისთვის ყველაფერი ნებადართულია და ამიტომ კეთილშობილი კაცისათვის უღირს საქციელსაც კი კადრულობდა, ოღონდაც ყურადღება მიეპყრო და ხალხი აელაპარაკებინა. ერთხელ ალკიბიადესმა ბრძანა, კუდი მოეჭრათ მისი დიდი და ლამაზი ძაღლისთვის მხოლოდ იმიტომ, რომ სალაპარაკო გამხდარიყო.

ერთხელ იგი ქუჩაში შეხვდა ნაცნობ გრამატიკოსს, სკოლის მოძღვარს, რომელსაც ჰომეროსის პოემები სთხოვა. როდესაც მოძღვარმა მიუგო, რომ არ ჰქონდა ეს ქმნილებები, ალკიბიადესმა მას სილა გაანწა.

საერთოდ, ალკიბიადესი იოლად აძლევდა თავს უფლებას, ეხმარა ხელი თვით საპატიო ადამიანებთან დავისას. ერთხელ მან ყველას თანდასწრებით შემოარტყა მდიდარ ჰიპონიკოსს არაფრის გამო, სეირისათვის. მომდევნო დღეს კი დარცხვენოლი გამოცხადდა მასთან და სთხოვა, რომ სამაგიეროს გადახდის მიზნით გაეროზა. მაგრამ ჰიპონიკოსმა მას მიუტევა, მოგვიანებით კი თავის ასულიც მიათხოვა.

სრულწლოვანი ალკიბიადესი ისეთი მდიდარი იყო, რომ ჰქონდა უზარმაზარი თავლა ცხენებით და საყოველთაოდ ცნობილ ოლიმპიურ ასპარეზობებზე ეტლთა შეჯიბრებებში მონაწილეობდა.




ძველი ბერძნების წარმოდგენით, ოლიმპიურ ასპარეზობათა გამარჯვებულს სახელმწიფოს მმართველობაში მონაწილეობის უფლება ენიჭებოდა. ძვ.წ. VII-VI საუკუნეების საბერძნეთის მრავალი განმგებელი (ტირანი) ყოველწარად ცდილობდა, გამარჯვების დიდება მოეხვეჭა ოლიმპიაში. იქ ტირანები დიდხალ თანხებს ხარჯავდნენ ხალხის გასამასპინძლებლად და თუკი გაიმარჯვებდნენ, სადიდებელ ჰიმნს უკვეთავდნენ თავისი დროის საუკეთესო პოეტებს. ალკობიადესმა ოლიმპიურ თამაშობებზე ერთდროულად სამი ჯილდო დაიმსახურა – პირველი, მეორე და მეოთხე (რაც არავის ხედომია წილად), და მანაც, ტირანთა მსგავსად გადაწყვიტა, განეცვიფრებინა ხალხი თავისი გულუხვობით: გამარჯვების სადიდებელი შეუკვეთა სახელმძღვანელო პოეტ ევრიპიდესს, ხოლო საუკეთესო მხატვრებს – სურათები თავის გამარჯვებათა გამოსახულებით. ათენის მოკავშირე მრავალმა ბერძულმა სახელმწიფომ, წინასწარ განჭვრიტა რა ალკობიადესის მომავალი, უხვად ჩამოიტანა მდიდრული სანოვაგე მის მიერ მოწყობილი ნადიმისათვის.

ყველაზე მნიშვნელოვანი მოვლენა ალკობიადესის ახალგაზრდობაში იყო მისი შესხედრა, შემდგომ კი მეგობრობა ცნობილ ფილოსოფოს სოკრატესთან.¹ იგი დიდი გავლენით სარგებლობდა ათენის ახალგაზრდობაში და მალე ალკობიადესის მოძღვარიც გახდა. პელოპონესოსის ომის ერთ-ერთი ლაშქრობისას სოკრატე თავის მონაფესთან ერთად ცხოვრობდა კარავში, მასთან ერთად იბრძოდა და სიკვდილისგანაც იხსნა. ალკობიადესიც, თავის მხრივ, იცავდა სოკრატეს და რამდენიმეჯერ ააცილა კიდეც საფრთხე თავიდან. ბოლოს და ბოლოს, ალკობიადესი ისე მიეჩვია სოკრატეს, რომ თავისი ბრძენი მეგობრისა და მოძღვრის გარეშე დიდხანს ვეღარ ძლებდა. ყველა გაოცებული იყო იმით, რომ ალკობიადესი ვახშმობდა და ვარჯიშობდა და საერთოდ, ცხოვრობდა მასზე ბევრად ხნიერ ფილოსოფოსთან ერთად.

სოკრატე არ ერიდებოდა ალკობიადესის ნაკლოვანი მხარეების საჯაროდ მხილებას. იგი ლამობდა, თავისი ახალგაზრდა მეგობრისათვის ჩამოეცილებინა ფარისევლნი, მოქიფენი და მდიდარი უსაქმურები. მაგრამ, მიუხედავად სოკრატესადმი დიდი მოწინებისა, ალკობიადესი ვერ გაათვისუფლდა თავისი მავნე ჩვევებისაგან.

იმხანად, ათენში სახელის მოსახვეჭად და მაღალი თანამდებობების დასაკავებლად აუცილებელი იყო, კაცს ჰქონოდა მჭევრმეტყველებისა და სახალხო კრებაზე გამოსვლის უნარი. ათენის სახელოვანი ორატორის, დემოსთენესის ცნობით, ალკობიადესი გამოირჩეოდა ბრწყინვალე მჭევრმეტყველებით. მას შეეძლო ხალხის დარწმუნება თავისი სიტყვის ძალით და გააჩნდა იშვიათი უნარი, მოუმზადებლად ესაუბრა ოსტატურად. იგი არასოდეს იბნეოდა და ყოველთვის პოულობდა აზრისთვის შესაბამის გამოთქმას.



ალკიბიადესი საკუთარ მისწრაფებათა განხორციელების მიზნით ათენში მებრძოლ პოლიტიკურ პარტიათაგან ხან ერთს ემხრობოდა, ხან მეორეს. ჯერ კიდევ ჭბბუკი ოცნებობდა, ყოფილიყო ათენის სახელმწიფოს განმგებელი, ხოლო შემდეგ კი – მთელი საბერძნეთისა. ალკიბიადესი ვერ იტანდა ხალხს და მიიჩნევდა, რომ დემოკრატია უნდა შეიცვალოს ერთმმართველობით. ერთხელ იგი შინ ეწვია პერიკლესს, რომელიც მრავალი წელი განაგებდა ათენის სახელმწიფოს. პერიკლესი თავისი მოღვაწეობის ანგარიშს წერდა. „განა უმჯობესი არ არის, – უთხრა მას ახალგაზრდა სტუმარმა, – იფიქრო იმაზე, რომ საერთოდ არ წარუდგინო ანგარიში ათენელებს“.

ათენელები იმხანად არისტოკრატიულ სპარტას ებრძოდნენ. ათი წელი სრულდებოდა, რაც მათ შორის დაიძაბა ურთიერთობა. ამ დროის განმავლობაში სენმა იმსხვერპლა პერიკლესი, ბრძოლის ველზე დაეცა ათენის დემოკრატიის მეორე შესანიშნავი ბელადი კლეონი. მაგრამ ვერც ათენმა და ვერც სპარტამ ვერ შეძლეს გადამწყვეტი გამარჯვების მოპოვება. „ზომიერთა“ პარტიის ბელადის, ნიკიასის რჩევით, ათენელებმა ზავი დადეს (ძვ.წ. 421 წ.), რომლის თანახმადაც მოწინააღმდეგენი ომამდელ მდგომარეობას უნდა დაბრუნებოდნენ.


ათენის გლეხობას გულწრფელად სურდა მშვიდობა. მათ ყველაზე მეტი ინტონეს მტრისგან, რომელმაც ერთიანად გაანადგურა მთელი ბალები და ვენახები. მაგრამ ქალაქის ხელოსნები, ვაჭრები და მეზღვაურები ომის გაგრძელებაზე ოცნებობდნენ, რამეთუ ბრძოლების დროს მათ დიდ საზღაურს უხდიდნენ. გამარჯვების შემთხვევაში კი იმედი ჰქონდათ, რომ გამდიდრებული სახელმწიფო მოქალაქეებს უფრო მეტ პურსა და ფულს დაურიგებდა.

ასეთი იყო მდგომარეობა სახელმწიფოში, როდესაც ალკიბიადესმა თავისი პოლიტიკური მოღვაწეობა დაიწყო.

წარჩინებულმა წარმომავლობამ, გავლენიანმა მეგობრებმა და მჭევრმეტყველებამ მას სახელმწიფოებრივი თანამდებობისკენ გზა გაუხსნეს. ახალგაზრდა კაცს კარგად ესმოდა, რომ ომის მოწინააღმდეგე წარჩინებულნი წარმატებას ვერ მოიპოვებდნენ სახალხო კრებაზე. ამიტომაც მიემხრო ქალაქის მოსახლეობის ომის მოსურნეთა პარტიას, რომლის ბელადიც იყო ჰიპერბოლისი. თავისი ენამჭევრობის მთელი ძალისხმევით ცდილობდა იგი ხალხის დარწმუნებას ომის აუცილებლობაში.

ალკიბიადესის მოწინააღმდეგე იყო ნიკიასი, რომელიც იღვწოდა სპარტასთან ზავისა და კავშირისათვის. ალკიბიადესი ნიკიასისა და მის მომხრეთა წინააღმდეგ იბრძოდა მთელი ძალებით და გაიმარჯვა კიდევც.

ძვ.წ. 420 წელს იგი აირჩიეს პირველ სტრატეგოსად და სახელმწიფოს განმგებლად. ახალმა მთავრობამ გადამწყვიტა, მტრისთვის დაერტყა თავად პელოპონე-



სოსში. ალკიბიადესმა შეძლო ყოველგვარი ძალდატანების გარეშე დაეყოლიებინა ზოგიერთი პელოპონესური სახელმწიფო (მათ შორის არგოსი – სპარტის ოდინდელი მტერი), შემოსულიყო ათენის კავშირში. ამის პასუხად სპარტელებმა დაუხანებლად გაილაშქრეს არგოსზე.

ამ დროს ალკიბიადესი ათენში შეცვალა ნიკიასმა, რომელმაც არ ისურვა, თუ ვერ მოასწრო ახალი მოკავშირეებისათვის სათანადო მხარდაჭერა გაენია, თუმცა მან ნება დართო ათენელ მოხალისეებს, ალკიბიადესის მეთაურობით წასულიყვნენ მემბოხე პელოპონესელების დასახმარებლად. გადამწყვეტ ბრძოლაში მანტინეასთან (ძვ.წ. 418 წ.) სპარტელებმა იოლად გაიმარჯვეს. არგოსელები იძულებულნი იყვნენ ისევ დაედოთ ზავი სპარტასთან. მთელ რიგ პელოპონესურ სახელმწიფოებში არისტოკრატიული წყობა დამყარდა.

მანტინეასთან დამარცხებამ ომის მოსურნე ალკიბიადესის პარტიას კრახი განაცდევინა. ათენის ადათის თანახმად, დამარცხებული პარტიის ბელადს ოსტრაკისმოსი ელოდა. ალკიბიადესის გაძევება გარდაუვალი ჩანდა. მაგრამ მან, დროულად შეაფასა რა შექმნილი მდგომარეობა, წინასწარ განჭვრიტა საფრთხე და მოახერხა შეთანხმებოდა ნიკიასს. ალკიბიადესისა და ნიკიასის მომხრეები გაერთიანდნენ, გაძევებული მოულოდნელად აღმოჩნდა ყოვლად უდანაშაულო პიერბოლისი. მის მიმართ ჩადენილი უსამართლობა იმდენად ცხადი იყო ყველასთვის, რომ დაიწყეს ოსტრაკისმოსის წესის გამასხრება, მალე კიდევ უგულბებულყვეს იგი. კოლეგიაში სტრატეგოსებად არჩეული ალკიბიადესი და ნიკიასი სახელმწიფოს მართვის სათავეში მოექცნენ.

მეორედ ჩაიგდო რა ძალაუფლება ხელში, ალკიბიადესმა სახელმწიფო მოღვაწისა და მხედართმთავრის ბრწყინვალე თვისებები გამოამყლავნა. თავისი ცხოვრების წესითა და საქმიანობით იგი ცდილობდა, დაემტკიცებინა, რომ ის იშვიათი ადამიანი იყო, რომელიც ღმერთებმა მოავლინეს მოქალაქეთა მბრძანებლად. დიდი კომიკოსი პოეტის, არისტოფანეს თქმით, „ხალხს უყვარდა კიდევ და სძულდა კიდევ ალკიბიადესი და არ სურდა მის გარეშე ყოფნა“. მოქალაქეთაგან გონიერნი კარგად ხედებოდნენ, ვინ იყო ეს კაცი. ისინი ცდილობდნენ, დაენახებინათ ხალხისთვის, რომ მათი რჩეული ერთმმართველობისკენ ისწრაფოდა. იმავე არისტოფანეს ერთ-ერთ კომედიაში ათენელები ასეთ აზრს გამოთქვამდნენ:

„რა საჭიროა, იზრდებოდეს ქალაქში ლეკვი,
გალომებული გაიძულებს დაემორჩილო“.²

ამ სიტყვებით ავტორს სურდა, შეეხსენებინა თანამოქალაქეთათვის, რომ ვიდრე ალკიბიადესს არ ჩაუგდია ხელში მთელი ძალაუფლება და არ დაუშვია დემოკ-



რატია, საჭიროა მისგან თავის დაღწევა. მაგრამ ალკიბიადესის მიერ გაღებული შეწირულობანი, გულუხვი ქორეგია,³ ქალაქისათვის მირთმეული უბადლო საჩუქრები, წინაპართა პატივისცემა, მჭევრმეტყველება, გარეგნული მშვენიერება, ძალა, სამხედრო გამოცდილება და სიმედგრე ათენელებს აიძულებდა, ყველაფერი მიეტყუებინათ მისთვის. უხუცესებს ალკიბიადესი არ მოსწონდათ, რადგანაც მასში მომავალ ტირანს ხედავდნენ. სტრატეგოს არქესტრატოსს უთქვამს: „ორ ალკიბიადესს ელადა ნამდვილად ველარ აიტანსო“.

იმხანად ათენში ცხოვრობდა ვინმე ტიმონი, პირქუში და ადამიანთაგან განდგომილი კაცი. ერთხელ იგი გამოცხადდა სახალხო კრებაზე, რაც მისგან მოულოდნელი იყო და ალკიბიადესის ბრწყინვალე გამოსვლის შემდეგ დარბაზი კი არ დატოვა, არამედ მიუახლოვდა ორატორს, მიესალმა და უთხრა: „კარგია ასე რომ იზრდები. ბოლოს და ბოლოს უდიდეს ბოროტებად გადაიზრდები“. ზოგმა გაიცინა, ზოგმაც გალანძლა ტიმონი. ზოგიერთი კი ამ ნათქვამმა ღრმად ჩააფიქრა. და მართლაც, ალკიბიადესმა მალე დიდი ბოროტება მოუტანა თავის სამშობლოს. მან განიზრახა, მთელს საბერძნეთსა და მის მოსაზღვრე ქვეყნებში ათენის მმართველობა დაემყარებინა. ამ საქმის აღსასრულებლად პირველი ნაბიჯი უნდა ყოფილიყო სიცილიის დაპყრობა, შემდეგ კი სამხრეთ იტალიისა, კართაგენისა და აფრიკისა.

ალკიბიადესი ენერგიულად არწმუნებდა ხალხს, რომ საჭირო იყო დაუყოვნებლივ გაელაშქრათ სიცილიაზე, დაუფლებოდნენ მის სიმდიდრეს და მერე სხვა, უფრო დიდი ჩანაფიქრები აღესრულებინათ. მან შეძლო, ისე ხატოვნად წარმოედგინა სიცილიისა და დასავლეთის სხვა სახელმწიფოების ზღაპრული სიმდიდრე, რომ თავბრუ დაახვია ახალგაზრდობასა და ათენის ნაცსადგომ პირეოსში თავშეყრილ მეზღვაურებს. ალკიბიადესის მომხრეები ავრცელებდნენ ყველანაირ წინასწარმეტყველებას იმაზე, რომ ათენელები სიცილიის ხელში ჩაგდების შემდეგ მთელი სამყაროს მბრძანებლები შეიქნებოდნენ. მთელი დღეების განმავლობაში ახალი ამბების მოსამენად აგორასა თუ სადალაქოებში თავშეყრილი ხალხი მსჯელობდა მომავალ ლაშქრობაზე, დიდი თუ პატარა ქვიშაზე ხაზავდა სიცილიის, აფრიკისა თუ კართაგენის რუკებს. მრავალი შედიოდა არმიასა და ფლოტში მლიღარი ნადავლის მოპოვების მიზნით. ნიკიასი და მისი მომხრეები ამოდ მოუწოდებდნენ ხალხს, უარი ეთქვათ ლაშქრობაზე. ისინი მიუთითებდნენ სიცილიის სიდიდეზე, მისი მოსახლეობის სიმრავლეზე, ბრძოლის სიძნელებეზე და ა.შ. მრავალი გამჭრიახი მოქალაქე ლაშქრობის წინააღმდეგი იყო. ასე მაგალითად, ფილოსოფოს სოკრატეს და ასტრონომ მეტონს არ სჯეროდათ გამარჯვებისა და ყოველნაირად ცდილობდნენ მოქალაქეთა გადარწმუნებას. მეტონმა სიგიჟეც კი მოიგონა, ცეცხლი წაუკიდა თავის სახლს, ხო-



ლო დილას კი გამოცხადდა სახალხო კრებაზე და თავს დატეხილი უბედურების გამო თავისი შვილის ჯვარიდან გათავისუფლება ითხოვა.


ბოლოს და ბოლოს სახალხო კრებამ გადაწყვიტა, სიცილიაზე გაეგზავნა დიდი ესკადრა მრავალრიცხოვანი ლაშქრით, სტრატეგოსებად დაასახელეს ალკიბიადესი, ნიკიასი და ლამაქოსი. ნიკიასი მისი სურვილის წინააღმდეგ აირჩიეს სტრატეგოსად, მხოლოდ იმიტომ, რომ თავისი სერიოზულობითა და კეთილგონიერებით შეეკავებინა ახალგაზრდა და ფიცხი მხედართმთავრები.

ყველაფერი მზად იყო გამგზავრებისთვის, რომ მოულოდნელად მოხდა საიდუმლოებით მოცული რამ, რამაც არსებითად შეცვალა ომის ბედი: ათენის ქუჩებში აღმართული იყო ათენელთათვის წმინდა და ხელშეუხებელი პერმები, გზათა ღვთაება პერმესის უხეშად გამოთლილი გამოსახულებები. ფლოტის გამგზავრების წინაღობას უცნობმა ადამიანებმა ეს პერმები დაჩხეს.

ბრალი ედებოდათ კორინთოელებს. თითქოსდა მათ იმიტომ ჩაიდინეს ეს დანაშაული, რომ იძულებული გაეხადათ ათენელები ან გადაედოთ ექსპედიციას, ანდა სულაც ხელი აეღოთ მათი თანატომელი სირაკუსელების წინააღმდეგ გალაშქრებაზე. ისინი იმედოვნებდნენ, რომ ცრუმორწმუნე ათენი პერმების დაჩხევას ბოროტ უწყებად მიიღებდა და ექსპედიციას ჩაშლიდა. მრავალი ამ საქციელს დემოკრატის მონინააღმდეგეთა ღალატად აღიქვამდა. დაიწყო მკაცრი გამოძიება, რომელმაც ცხადი გახადა რელიგიის წინააღმდეგ ჩადენილი კიდევ ერთი დანაშაული. გამოიჩვენა, რომ ათენელ ახალგაზრდათა ერთმა ნაწილმა ნადიმის დროს განიზრახა ღვთაება დემეტრეს მისტერიის⁴ გათამაშება. ხმა დაირხა, რომ მისტერიების, ამ წმინდა წესის შეურაცხყოფაში მონაწილეობდნენ ალკიბიადესი და მისი მეგობრები. ზოგიერთი პირდაპირ ადანაშაულებდა ალკიბიადესს პერმების ნაბილწვასა და სინწინდეთა შეურაცხყოფაში.

ალკიბიადესი და მისი მეგობრები დაიბნენ. ხომალდზე ასულმა მეზღვაურებმა, მეომრებმა და მოკავშირეებმა კი განაცხადეს, რომ არ ნავიდოდნენ სალაშქროდ თავიანთი ბელადის გარეშე.

ალკიბიადესმა, დარწმუნებულმა, რომ დიდ გავლენას მოახდენდა სახალხო კრებაზე, საქმის დაუყოვნებლივ განხილვა მოითხოვა. მონინააღმდეგეები შიშობდნენ, რომ იგი მოახერხებდა თავის გამართლებას და ამიტომ ხერხს მიმართეს. „ახლა არ არის იმის დრო, რომ ესოდენ მნიშვნელოვანი საქმე გავარჩიოთ, – ამბობდნენ ისინი, – დაე, ალკიბიადესი გზას გაუდგეს, ჩვენ მას მშვიდობით მგზავრობას ვუსურვებთ. ომი რომ გასრულდება, მაშინ გამოცხადდეს სამსჯავროზე თავის გასამართლებლად!“



საქმის ამ მზაკვრული გადადების აზრს ალკიბიადესი იმთავითვე ჩასწვდა და განაცხადა: „გონივრულია განა, ამ უზარმაზარი ლაშქრის სათავეში მყოფი კაცი საომრად გაგზავნოთ ისე, რომ მის წინააღმდეგ აღძრული ბრალდებანი და ცოლისწამებანი მოუხსნელი დატოვოთ? სჯობს მოკვდე, თუ თავს არ ვიმართლებ. პოდა, როდესაც გავმართლები, მაშინ ცილისმწამებელთა შიში აღარ მექნება და ხალისით გავემართები სალაშქროდ!“

ალკიბიადესმა თავისი ვერ გაიტანა. სახალხო კრებამ მას სხვა სტრატეგოსებთან ერთად ზღვაში გასვლა უბრძანა.

ძვ.წ. 415 წლის მაისში ალკიბიადესის 134 ტრიერისა და 5000 მძიმედ შეიარაღებული მეომრისაგან შემდგარი ფლოტი, როგორც იქნა, სიცილიისკენ გაემგზავრა. იტალიის ნაპირებთან ათენის ესკადრას პირველი უბედურება შეემთხვა: სამხრეთ იტალიის ბერძნულ სახელმწიფოთა უმეტესობა ათენელებს მტრულად შეხვდა. უზარმაზარი ესკადრის გამოჩენამ ჩრდილოეთით მცხოვრებ ბერძენთა მღელვარება გამოიწვია. მათ ესმოდათ, რომ ათენელები მოვიდნენ არა მათ დასახმარებლად, არამედ იტალიის დამოუკიდებელ ბერძნულ სახელმწიფოთა დასამორჩილებლად.

ალკიბიადესმა აიღო ქალაქი რეგიუმი, შემდეგ კი გადავიდა სიცილიაზე. ხელში ჩაიგდო ქალაქი კატანე და ის-ის იყო სირაკუსას ალყას იწყებდა, რომ მოულოდნელმა შემთხვევამ ყველაფერი შეცვალა.

საქმე ის იყო, რომ ათენში ალკიბიადესის ფლოტის გამგზავრების შემდეგ, სახალხო კრებაზე მის მოწინააღმდეგეთა განწყობილებამ იმძლავრა, მტრები არ ცხრებოდნენ. „ჰერმების დამახინჯება და მისტერიების შეურაცხყოფა, – ამბობდნენ ისონი, – ეს საქმის მხოლოდ ერთი მხარეა. ურწმუნო დამნაშავეთა მთავარი მიზანი ათენის დემოკრატიის განადგურებაა“. დაიწყო ეჭვიმითანილთა დევნა, წამება, დასჯა.

დაპატიმრებულთა შორის იყო ვინმე ანდოკიდესი, დემოკრატიის აშკარა მოძულე. იგი მხოლოდ იმიტომ მოხვდა მსჯავრდებულებში, რომ მისი სახლის წინ აღმართული უზარმაზარი ჰერმა არ იყო დაზიანებული. ციხეში ანდოკიდესმა გაიცნო კიდევ ერთი მსჯავრდებული, სახელად ტიმეოსი, რომელმაც დაარწმუნა იგი, მიეცა ყალბი ჩვენება მის ამხანაგებზე. „ვინც თავს დამნაშავედ სცნობს და თანაზრახველებს გასცემს, შეწყალებული იქნება, – ამბობდა ტიმეოსი, – სამსჯავროს დასკვნა არავინ იცის, ხალხი დევნის დემოკრატიის მტრებს. ჩვენ, ალბათ, ყველას სასიკვდილო განაჩენს გამოგვიტანენ. უმჯობესია, – განაგრძობდა იგი, – თავი ვიხსნათ თუნდაც სიცრუით, გავწიროთ ზოგი ეჭვიმითანილი, თუკი მრავალ პატიოსან კაცს ხალხის რისხვისგან ვიხსნით“.

ტიმეოსისგან დარწმუნებულმა ანდოკიდესმა თავის თავსა და სხვებზეც ყალბი ჩვენება მიესცა. თავად გადარჩა, მაგრამ მის მიერ დასმენილი უდანაშაულო ხალხი დაისაჯა.



სახალხო კრება ისევ მძვინვარებდა. ახლა უკვე ხალხის რისხვა ალკიბიადესისკენ წარიმართა. ყველაფერი იმით დასრულდა, რომ გადანყვიტეს, გაეგზავნათ მისთვის ხომალდი „სალამინია“, ჩამოეყვანათ იგი ათენში და დაუყოვნებლივ წარედგინათ სამსჯავროზე.

ალკიბიადესს შეეძლო არ დამორჩილებოდა ამ განაჩენს და დარჩენილიყო მისი ერთგული ფლოტისა და ლაშქრის სათავეში, მაგრამ მან გადანყვიტა, დაეთმო მთავარსარდლის უფლებები. ათენისაკენ მომავალი ის გაიქცა.


ალკიბიადესი დაუსწრებლად გაასამართლეს. მას ბრალად დასდეს ჰერმების ნაბილწვა, მისტერიების შეურაცხყოფა და სასიკვდილო განაჩენი გამოუტანეს, ქონება ჩამოართვეს; სამსჯავროს გადანყვიტელობით, ქურუშებს უნდა შეეჩვენებინათ იგი, ვითარცა მოღალატე და სინმინდეთა წამბილწველი. როდესაც ეს ალკიბიადესს შეატყობინეს, მან წამოიძახა: „მაღე იგრძნობენ ათენელები, რომ ცოცხალი ვარ!“

ახლა უკვე სამშობლოში დაბრუნების იმედი საბოლოოდ დაკარგული იყო. იმის შიშით, რომ ათენელებისათვის არ გადაეცათ, ალკიბიადესმა ღალატი განიზრახა. მან სპარტელებს თავშესაფარი სთხოვა, სამაგიეროდ შეჰპირდა, რომ ამიერიდან მათ გაცილებით მეტ სიკეთესა და სარგებლობას მოუტანდა, ვიდრე ის ვნება იყო, რომელიც მტრობის უამს მიაყენა. სპარტელებმა თანხმობა განაცხადეს მის მიღებაზე და ალკიბიადესიც უხიფათოდ ჩავიდა სპარტაში.

უპირველეს ყოვლისა, მან სპარტელებს ურჩია, სირაკუსელთა დასახმარებლად მემორები გაეგზავნათ, ხოლო შემდეგ კი დაეკავებინათ და გაემაგრებინათ დეკელეა – ატიკის მნიშვნელოვანი პუნქტი. ამ რჩევით ალკიბიადესმა საშინელი უბედურება დაატეხა თავს ათენელებს.

მან სპარტელთა კეთილგანწყობა დაიმსახურა, მიუხედავად იმისა, რომ ეს ხალხი ყოველთვის უნდობლად ხვდებოდა უცხოელებს. ალკიბიადესი ცდილობდა, ეცხოვრა სპარტული ცხოვრების წესით. მან გრძლად მოუშვა თმა, ბანაობდა მთის მდინარეთა ცივ წყალში, მიირთმევდა ცნობილ სპარტულ შავ წვნიან კერძს. სპარტელებს არ სჯეროდათ, რომ ეს კაცი მიჩვეული იყო გემრიელ საკვებს და რომ ათენში იგი ოდესმე მედიდურად მიაბიჯებდა მილეთური ქსოვილის ძვირფასი მოსახსნით მოსილი.

ალკიბიადესს ჰქონდა იშვიათი ნიჭი, მიეზიდა სხვადასხვა ჯურის ხალხი და თანაც მათი ცხოვრების წესი და ჩვევები მიეღო. მას ერთნაირად შეეძლო კარგისა და ცუდის შეგუება. იგი სპარტაში ბევრს ვარჯიშობდა, იყო უბრალო, სერიოზული, სიტყვაძუნწი; მცირე აზიის იონიელებში მდიდრულად ცხრვრობდა, ერთობოდა თავდავიწყებით; თრაკიაში უგონოდ სვამდა, თრაკიელთა წესისამებრ; თესა-



ლიაში ჯირითით იყო გატაცებული, მაგრამ ტისაფერნესის კარზე ისეთი ბრწყინვალეობითა და განცხრომით ცხოვრობდა, რომ ფუფუნებას მიჩვეულ სპარსელებსაც კი აკვირვებდა. ეს შინაგანი გარდასახვანი ალკიბიადესისათვის ნიღბები იყო, რომელთაც მხოლოდ იმიტომ ირგებდა, რომ ხალხისთვის თავი მოეწონებინა, მათ გან ის მიელო, რაც სჭირდებოდა.

ალკიბიადესის მეგობრობა სპარტელებთან დიდხანს არ გაგრძელებულა. მისმა რჩევებმა მტერს სარგებლობა მოუტანა. სპარტამ იძალა. სიცილიური ექსპედიცია დასრულდა ათენელთა მწარე დამარცხებით. დაილუპა მთელი ფლოტი, მთელი ლაშქარი, ყველა სტრატეგოსი. მარცხისდა მიუხედავად ათენელები ჯიუტად განაგრძობდნენ ბრძოლას.

სპარტელები მიხვდნენ, რომ მხოლოდ საკუთარი ძალებით ვერ გაანადგურებდნენ ათენის სამხედრო ძლიერებას და დახმარებისათვის მიმართეს სპარსელებს. სპარსეთის მეფემ ალუთქვა სპარტელებს, რომ დაეხმარებოდა ფულითა და მეომრებით. სპარტელები სპარსული ფულით აწარმოებდნენ ომს, გასამრჯელოს უხდიდნენ დაქირავებულებს; ამავე ფულით მათ ააგეს უზარმაზარი ფლოტი, რომელიც ზღვაზე ბატონობაში ეცილებოდა ათენელებს.

სპარტის განმგებელთა ახლა უკვე აღარ სჭირდებოდათ ალკიბიადესი. ერთერთი მეფე, აგისი, რომელიც პირადად შეურაცხყო ალკიბიადესმა, მისი დაუძინებელი მტერი გახდა. მრავალი წარჩინებული და გავლენიანი სპარტელი მას შურითა და უნდობლობით ეპყრობოდა. ამას კარგად გრძნობდა ალკიბიადესი და გაქცევა განიზრახა. ამ ჩანაფიქრის აღსასრულებლად მალე მას ჩინებული შემთხვევა მიეცა.

ალკიბიადესმა ესკადრასთან ერთად იონიისკენ გასწია ქიოსელების დასახმარებლად და თითქმის ყველა ბერძნული სახელმწიფო ათენისაგან განსადგომად განაწყო. ამ დროს მას გააგებინეს, რომ სპარტელებს მისი მოკვლა განეზრახათ.

მაშინ იგი გაიქცა სპარსეთის მეფისნაცვალ სატრაპ ტისაფერნესთან. ეს ეშმაკი და გაიძვერა ადამიანი ბერძენთა მოსისხლე მტერი იყო. სატრაპმა თავაზიანად მიიღო ალკიბიადესი, რომელიც მალე მის კარზე ყველაზე უფრო გავლენიან კაცად იქცა. ვერავინ უძლებდა ალკიბიადესის მაცდუნებელ ხიბლს.

სპარტელებზე განაწყენებულმა ალკიბიადესმა ახლა მათი მტრობა ჩაიდო გულში. მან ურჩია ტისაფერნესს, სპარტელებისადმი დახმარების შესუსტებით თანდათან დაესუსტებინა ერთმანეთთან მოქიშპე ქვეყნები. „ასე ამოწყვეტენ ბერძენი ერთმანეთს, – ამბობდა იგი, – და მოქნილ იარაღად აღმოჩნდებიან სპარსეთის მეფის ხელებში“.

მზაკვარი სატრაპი ხვდებოდა, რომ ალკიბიადესის რჩევა სპარსეთს ერთობ ნაადგებოდა და ყოველთვის მისი მითითებისამებრ იქცეოდა.



მაღე სპარტელებმაც და ათენელებმაც შეიგნეს, თუ რამდენი რამ იყო ალკიბიადესზე დამოკიდებული და სცადეს მისი გადმობირება.

ალკიბიადესს მშვენივრად ესმოდა, რომ ათენელების ძალებს აღემატებოდა ერთდროული ბრძოლა ისეთი ძლევამოსილი ქვეყნების წინააღმდეგ, როგორებიც იყვნენ სპარტა და სპარსეთი. ამიტომ ათენელთათვის ერთადერთ გამოსავალს იგი სპარსეთთან დაახლოებაში ხედავდა. ალკიბიადესს ახლა მიეცა ხელსაყრელი შემთხვევა სპარსეთთან დაეზავებინა ათენი, რაც მას სამშობლოს ერთგულ შვილად წარმოაჩენდა.

ამასობაში ათენელმა არისტოკრატებმა და მდიდრებმა ისარგებლეს იმით, რომ დემოკრატიის მომხრენი საბრძოლველად იყვნენ წასულნი და სახელმწიფო გადატრიალება განიზრახეს.


იმხანად ათენის ფლოტი კუნძულ სამოსთან იდგა. მიუხედავად ყველა უბედურებისა, იგი ჯერ კიდევ მრისხანე ძალად რჩებოდა. მაგრამ ათენელებს ეშინოდათ ტისაფერნესისა, რომელიც სპარტელებს შეჰპირდა 150 ფინიკიურ⁵ ტრიერს: ეს სპარტელთათვის გამარჯვებას ნიშნავდა.

როდესაც ალკიბიადესმა ყოველივე შეიტყო, საიდუმლო მოლაპარაკება გამართა სამოსთან მდგომი ათენის ესკადრის მთავარსარდლებთან, რომლებიც მხარს უჭერდნენ არისტოკრატებს. მოაჩვენა რა თავი არისტოკრატთა მომხრედ, ალკიბიადესი მათ ტისაფერნესსთან დაზავებას შეჰპირდა: „არა იმიტომ, რომ ათენის ხალხს გამოვადგე, – ამბობდა იგი, – არამედ იმიტომ, რომ მსურს გაიმარჯვოს არისტოკრატთა, რომელსაც ერთადერთს ძალუძს დაღუპვის გზად მიმავალი სახელმწიფოს ხსნა“.

ათენის ესკადრის მეთაურთაგან ალკიბიადესის მომხრეებმა მეზღვაურებისაგან ფარულად გაგზავნეს ათენში ერთ-ერთი თანამოაზრე. მას უნდა ენახა გავლენიანი მოქალაქეები და ერჩია, დაემხოთ დემოკრატთა, რასაც შედეგად მოჰყვებოდა ალკიბიადესის მიერ აღთქმული ზავი ტისაფერნესსთან. არისტოკრატიული წყობის მომხრე სპარტელებიც უფრო მეტად იქონიებდნენ კავშირს არისტოკრატებთან, ვიდრე დემოკრატებთან. ასე დაწესდა ათენში 400 მდიდარი და გავლენიანი მოქალაქის ბატონობა.

როდესაც ეს ამბავი სამოსის ესკადრის დემოკრატმა ზღვაოსნებმა გაიგეს, თავიანთ სტრატეგოსებზე განრისხებულებმა მოიწვიეს ალკიბიადესი და სთხოვეს ფლოტის მთავარსარდლობა. მათ სურდათ, დაუხანებლივ გაეცურათ პირეოსისკენ ტირანიის დასამხობად.

მაგრამ ალკიბიადესი თვლიდა, რომ თუ იგი ათენისკენ გაემართებოდა, მტერი ხელთ იგდებდა იონიას, ჰელესპონტოსის სანაპიროებსა და ქალაქი ველარ მიი-



ლებდა პურს შავი ზღვიდან; მაშინ ომი წაგებულ იქნებოდა. ამას გარდა, აუცოლებელი იყო ფინიკიური ესკადრისა და სპარტის ფლოტის შეერთების ჩაშლა.

ალკიბიადესმა მიიღო ათენის ფლოტის მთავარსარდლობა, დაუყოვნებლივ გავიდა ზღვაში და ტისაფერნესი დაიყოლია, განერიდებინა ფინიკიური ესკადრა სპარტელთა ფლოტისგან.

მალე ათენში „ოთხასთა“ მმართველობა დაეცა. ალკიბიადესის მეგობრები დოდად ეხმარებოდნენ სახალხო პარტიას. ათენელები ახლა უკვე ალკიბიადესს უზმობდნენ. მაგრამ მან განიზრახა, მხოლოდ როგორც გამარჯვებული და სამშობლოს მსხნელი ისე დაბრუნებულიყო ქალაქში.

იმხანად ათენის ფლოტი ებრძოდა სპარტის ფლოტს. ალკიბიადესი რამდენიმე ხომალდით დაიძრა თანამემამულეთა მისაშველებლად. იგი ზუსტად იმ დროს მიადგა აბიდოსს, როდესაც გამარჯვებულმა სპარტელებმა დევნა დაუწყეს ათენელებს. მაშინ ალკიბიადესი თავს დაესხა სპარტელებს და უკუაქცია ისინი. ათენელებმა მტრის მიერ ხელში ჩაგდებული ხომალდები დაიბრუნეს, ბევრი სპარტული ხომალდი ჩაძირეს, ოცდაათი კი ტყვედ ჩაიგდეს.

წარმატებებით აღფრთოვანებული ალკიბიადესი ტისაფერნესსთან გაემართა, რათა ათენელთათვის დახმარების განევაზე მოლაპარაკებოდა. მაგრამ მზაკვარმა სატრაპმა მისი შეპყრობა და სარდეს საპყრობილეში ჩაგდება ბრძანა. ერთი თვის შემდეგ ალკიბიადესმა გაქცევა და კვლავ ათენის ფლოტთან დაკავშირება მოახერხა.

ქალაქ კიძიკოსის⁶ მახლობლად ალკიბიადესმა სპარტის ფლოტი აღმოაჩინა. იგი თავისი 40 ხომალდით თავს დაესხა სპარტელებს. ხომალდები ერთმანეთს შეეხნენ. ამ დროს გამოჩნდნენ ათენის მთავარი ძალებიც. შეშინებული სპარტელები უკუიქცნენ და ხმელეთზე ეძიებდნენ ხსნას. მაშინ ალკიბიადესმა გადასხა დესანტი და შეუტია სპარტელთა და სპარსელთა მთავარ ძალებს, რომელთაც მეთაურობდნენ მინდაროსი და სატრაპი ფარნაბაძოსი.

ათენელებმა გადამწყვეტი გამარჯვება მოიპოვეს. მამაცურად მებძოლი მინდაროსი ბრძოლის ველზე დაეცა, ხოლო ფარნაბაძოსი უკუიქცა. მტრის ყველა ხომალდი ტყვედ ჩაბარდა, სპარტის ფლოტი ერთიანად დაილუშა; ათენელებმა კვლავ დაიბრუნეს ზღვაზე ბატონობა. მათ კიძიკოსიც კი დაიპყრეს, რითაც უზრუნველყვეს ათენის პურით მომარაგება პელესპონტოსიდან.

ათენელთა ხელში სპარტელთა წერილი აღმოჩნდა. იგი მათთვის დამახასიათებელი ლაკონიურობით იყო დანერილი: „ყოველი სიკეთე დაილუშა. მინდაროსი მკვდარია. ხალხი შიმშილობს. არ ვიცით, რა ვიღონოთ“.

ალკიბიადესი შეუდგა ათენისაგან გამდგარ სახელმწიფოთა დამორჩილებას. ათენის სტრატეგოს თრასილოსსთან ერთად მან დაამარცხა ფარნაბაძოსის დიდძალი



ლაშქარი და მისი სატრაპიის ძარცვა დაიწყო. შემდეგ ქალაქ ქალკედონში⁷ ალყაში მოიმწყვდია სპარტული გარნიზონი, რომლის მისაშველებლადაც ისწრაფა ფარნაბაძოსმა. ალკობიადესმა დაამარცხა ისინი. სპარტელთა მხედართმთავარი ბძროლაში დაეცა, ფარნაბაძოსმა კი კვლავ მოახერხა გაქცევა.

ამის მერე ალკობიადესი ბიძანტიონისკენ გაემართა და ქალაქს ალყა შემოარტყა. შემდეგ ხმა დაარხია, რომ სხნის ალყას და მთელი თავისი ფლოტით ზღვაში გავიდა. ღამით კი ისევ მობრუნდა და პოლიტთა დესანტი გადასხა ხმელეთზე. ნაპირს მთელი ესკადრა მიუახლოვდა. ათენელთა მომხრეებმა ქალაქის კარიბჭე გახსნეს.

ამასობაში ქალაქში მყოფმა პელოპონესელმა, ბეოტიელმა და მეგარელმა მემორებმა მოიგერიეს დესანტის თავდასხმა და ხომალდებისკენ განდევნეს მტერი. შემდეგ კი თავს დაესხნენ ათენელებს. მაგრამ ალკობიადესმა ეს სისხლისმღვრელი ომიც მოიგო. ბიძანტიონი დაეცა.


ახლა კი, რვანლიანი განშორების შემდეგ, იგი მდიდარი ნადავლით ბრუნდებოდა ათენში, ვითარცა გამარჯვებული და სამშობლოს მსხნელი. მას თან მიჰქონდა მტერთან ბრძოლის ყამს ხელში ჩაგდებული მრავალი ხომალდი. ალკობიადესის ტრიერებზე გამოფენილი იყო მონინაალმდეგეთა ჩაძირული ხომალდების კიჩოთა აღსაკაზმავი.

მოქალაქეთა მრავალრიცხოვანი ბრბო მას გვირგვინებით ეგებებოდა. ყოველი მხრიდან მოისწრაფოდა ხალხი მისასალმებელი შეძახილებით. ხანდაზმულები ახალგაზრდებს მოარბენინებდნენ მის სამზერად.

მაგრამ ხალხის სიხარულს დათმენილ უბედურებათა ნაღვლიანი მოგონება აუფერულებდა. მრავალი მოქალაქე მიიჩნევდა, რომ სიცილიის ექსპედიციას ასეთი სავალალო ბოლო არ ექნებოდა, მის სათავეში ალკობიადესი რომ დარჩენილიყო.

სახალხო კრებაზე ალკობიადესი აცრემლებული ჰყვებოდა თავის უბედურებებზე. შემდეგ შეეცადა ათენელებში მტერზე საბოლოო გამარჯვების იმედი აღეძრა. მისმა სიტყვამ უდიდესი შთაბეჭდილება მოახდინა. სახალხო კრებამ იგი განუსაზღვრელი უფლებებით აირჩია სტრატეგოსად ხმელეთსა და ზღვაზე ომებისათვის. ამას გარდა, ალკობიადესი შეამკეს ოქროს გვირგვინით, დაუბრუნეს ჩამორთმეული ქონება და საზეიმოდ მოხსნეს ის წყევლა, რომლითაც იგი შეაჩვენეს, ვითარცა სამშობლოს მოღალატე.

ალკობიადესი ბედნიერების მწვერვალზე იყო. ხალხი მხოლოდ მას ენდობოდა, მხოლოდ მას მიიჩნევდა მსხნელად. მრავალი მომხრე არწმუნებდა ალკობიადესს დაეშალა სახალხო კრება, განედევნა სახელმწიფოს დამღუპველი მოლაყბე ორატორები და თავი ტირანად გამოეცხადებინა. მაშინ მისმა მონინაალმდეგე არისტოკრატებმა განიზრახეს, რაც შეიძლება სწრაფად გაეძევებინათ იგი ათენიდან.



100 ტრიერისგან შემდგარი ფლოტით ალკიბიადესმა ათენიდან გაცურა და თავს დაესხა ანდროსს. მან დაამარცხა ანდროსელები, სპარტის ჯარი, მაგრამ ქალაქების ალება ვერ მოახერხა. ალკიბიადესის მტრებმა სცადეს, გაეზვიადებინათ ეს უმნიშვნელო მარცხი. ხალხს კი ძველებურად სჯეროდა მისი და მიიჩნევდა, რომ ამ კაცისთვის არაფერი იყო შეუძლებელი. ელოდნენ დიად გამარჯვებებს, თანაც დაუყოვნებლივ, ქიოსისა და მთელი იონიის დამორჩილებას. როდესაც გაიგეს, რომ საქმე არც თუ ისე სწრაფად მიიწვედა წინ, მრავალმა უკმაყოფილება გამოხატა და ალკიბიადესი დაუდევრობაში დაადანაშაულა.

სხვათა შორის; ალკიბიადესს თავის მეზღვაურთა შესანახი სახსრები არ ჰქონდა. მას ხშირად უხდებოდა ფულისა და სანოვაგის მოსამარაგებლად ლაშქრისა და ფლოტის მიტოვება ხანგრძლივი დროით.


ერთ-ერთი ასეთი ექსპედიციის დროს ალკიბიადესი კარიის ნაპირებისკენ გაემართა. ფლოტის მეთაურობა სტრატეგოს ანტიოქოსს დაავალა. იგი შესანიშნავი ზღვაოსანი იყო, მაგრამ ამასთანავე გულზვიადი და გონებაშეზღუდულიც. ალკიბიადესისგან მას ნაბრძანები ჰქონდა, მტრებს სულ ახლოსაც რომ მოეცურათ თავდასასხმელად, არამც და არამც ზღვაზე ბრძოლაში არ ჩაბმულიყო. მაგრამ მან არად ჩააგდო ეს ბრძანება, მოამზადა ერთი თავისი და ერთიც სხვა ტრიერი, მოცურდა ეფესოსთან და მტრის ხომალდების წინ თავმოქმონედ გაცურა. მაშინ სპარტის ფლოტს მეთაურობდა ლისანდროსი, რომელიც დაედევნა უგუნურ ანტიოქოსს და დაამარცხა. შემდეგ ხელთ იგდო მრავალი ხომალდი, ტყვე და ტროპეოზიც აღმართა.

გაიგო თუ არა ეს ამბავი ალკიბიადესმა, დაბრუნდა სამოსზე (იქ იდგა ათენის მთელი ფლოტი), ლუზა აუშვა და ხომალდები სპარტელთა წინააღმდეგ დაძრა. მაგრამ ლისანდროსი, რომელმაც კარგად უწყოდა ალკიბიადესის საბრძოლო ხელოვნების სიდიადე, ბრძოლას განერიდა.

იმხანად ფლოტში მსახურობდა ალკიბიადესის პირადი მიტერი, ვინმე თრასიო ბულოსი. ამ მარცხის შემდეგ იგი ათენში დაბრუნდა, რათა სახალხო კრება ალკიბიადესის წინააღმდეგ განწყო. მისი თქმით, ალკიბიადესი იმიტომ იყო დამნაშავე, რომ ფლოტის განმგებლობა უნიჭო ხალხს გადააბარა, თავად კი აქეთოქეთ მოგზაურობდა, ფულს აგროვებდა და მხიარულად ატარებდა დროს, მაშინ, როდესაც მტერი კარზე ჰყავდა მომდგარი.

სახალხო კრებამ ირწმუნა ეს და სხვა ბრალდებებიც და ალკიბიადესს უნდობლობა გამოუცხადა: აირჩია სხვა სტრატეგოსები.

ალკიბიადესმა სახალხო კრების ეს გადაწყვეტილება მაშინ შეიტყო, თრაკიაში რომ იმყოფებოდა ფულის შესაგროვებლად. იგი შეშინდა და ათენის ფლოტთან



ყოველგვარი კავშირი განწყვიტა. შეაგროვა დაქირავებული ჯარი და თრაკიული ტომების წინააღმდეგ ბრძოლა საკუთარ თავზე აიღო.

ამასობაში ალკიბიადესის შემცველელმა სტრატეგოსებმა შეაგროვეს ათენის მთელი ფლოტი და საბრძოლველად შეიკრიბნენ ეგოსპოტამოსთან. დილით ისინი მოუახლოედნენ ლისანდროსის ესკადრას, რომელიც მეორე ნაპირზე იდგა ლამფსაკოსის ყურეში. ათენელებმა ბრძოლად იხმეს მტერი, ხოლო შემდეგ უწესრიგოდ დაიხიეს უკან.

ათენის ფლოტის ეს უწესრიგობა შენიშნა ალკიბიადესმა, რომელიც შემთხვევით იქვე იმყოფებოდა. იგი ცხენზე ამხედრებული მიიჭრა სტრატეგოსებთან და აუწყა, რომ მათ არახელსაყრელი პოზიცია ჰქონდათ შერჩეული. ურჩია, გადაეყვანათ ფლოტი სხვა ადგილზე. ისიც უთხრა, რომ ისინი მეზღვაურებს სულ ამოდ აძლევდნენ უფლებას დიდი ხნით დაეტოვებინათ ხომალდები ან გაეყვანათ ისინი მტრის ნაპირზე. პასუხად ალკიბიადესს ერთ-ერთმა სტრატეგოსმა უხეშად უბრძანა, გასცლოდა იქაურობასა და სხვის საქმეში არ ჩარეულიყო.


მალე დრომ ნათელყო, რომ ალკიბიადესი მართალი იყო: ლისანდროსი მოულოდნელად თავს დაესხა ათენის ფლოტს და ერთიანად გაანადგურა. გადარჩა მხოლოდ მ ხომალდი კონონოსის მეთაურობით. ათენელებს აღარ დარჩათ ფლოტი, ბრძოლის გაგრძელება უიმედო იყო. მალე ათენელებმა თავი დამარცხებულად სცნეს და მტერს დანებდნენ.

ახლა უკვე ხმელეთსა და ზღვაზე სპარტელები მბრძანებლობდნენ. ალკიბიადესი გაემგზავრა ფრიგიაში, სატრაპ ფარნაბაძოსსთან და მის კარზე ცხოვრობდა დიდი პატივით.

სამარცხვინო და დამამცირებელი იყო იმხანად მძიმე გასაჭირში ჩავარდნილ ათენელთა მდგომარეობა. ახლა, როდესაც ყველაფერი დაღუპული იყო, ხალხი ცრემლებით იგონებდა თავის შეცდომებს. უმძიმეს ცოდვად მიიჩნევდნენ ათენელები იმას, რომ უმნიშვნელო წარუმატებლობის გამო სახელმწიფოს განარიდეს ყველაზე მოხერხებული და ნიჭიერი ბელადი. ბევრი ფიქრობდა, რომ ვიდრე ალკიბიადესი ცოცხალი იყო, ათენს ჯერ კიდევ უნდა ჰქონოდა ხსნის იმედი.

მაგრამ სპარტელები არ ასვენებდნენ ალკიბიადესს. არ არის ზუსტად ცნობილი, თუ როგორ დაიღუპა იგი. ზოგიერთები გადმოგვცემენ, რომ ლისანდროსმა ელჩი აახლა ფარნაბაძოსს ალკიბიადესის მოკვლის მოთხოვნით. ფარნაბაძოსმა კი მკვლელები გაგზავნა თრაკიის იმ პატარა სოფელში, სადაც ცხოვრობდა ალკიბიადესი. მკვლელებმა ცეცხლს მისცეს მისი სახლი, და როდესაც გარეთ გამოვარდა ალკიბიადესი, ისრებით განგმირეს.

სხვები ამბობენ, რომ ალკიბიადესი უღირსი საქციელისთვის ხალხმა მოკლავთ ფარნაბაძოსის ნაქეზებით.



შენშენები:

¹ სოკრატე (ძვ.წ. 469-399 წწ.) – სახელოვანი ათენელი ფილოსოფოსი, იდეალისტი, პლატონის მოძღვარი. დემოკრატიისათვის მიუღებელი შეხედულებების ქადაგების გამო იგი სიკვდილით დასაჯეს.

² „ბაყაყები“, სტრ. 1425; 1432-1433.

³ საკუთარი სახსრებით საზოგადო სანახაობათა მოწყობა.

⁴ მისტერია – ღვთაებისადმი მიძღვნილი საიდუმლო წესი, რომელსაც მხოლოდ განდობილები ალასრულებდნენ-ხოლმე. ყველაზე მეტად ცნობილი იყო ელევსინური მისტერიები, რომლებიც ღვთაება დემეტრესა და მის ასულ პერსეფონეს ეძღვნებოდა. იგი ატიკის ქალაქ ელევსინში იმართებოდა.

⁵ ფინიკია – ქვეყანა ხმელთაშუა ზღვის აღმოსავლეთ სანაპიროზე (ახლანდელი – სირია და ლიბანი). ფინიკიელებს იცნობდნენ, როგორც დახელოვნებულ ზღვაოსნებსა და ხომალდმშენებლებს.

⁶ კიძიკოსი – ქალაქი მცირე აზიის ფრიგიასში.

⁷ ქალკედონი – ქალაქი ბითინიაში (მცირე აზია), ბოსფორის სრუტის გასასვლელში.



ლისანდროსი

სპარტელი მხედართმთავარი
(ბარდანიცვალა ძვ.წ. 395 წ.)




გადმოგვცემენ, რომ ლისანდროსის მამა, არისტოკრიტოსი, მართალია, მეფეთა მოდგმას არ მიეკუთვნებოდა, მაგრამ სპარტელი ჰერაკლიდების¹ წარჩინებულთა გვარის ჩამომავალი კი იყო. თავად ლისანდროსი სილარიბეში გაიზარდა მამის ზედამხედველობით. იგი ბავშვობიდანვე მიაჩვიეს წინაპართა და კეთილშობილ ადამიანთა პატივისცემას, ყოველგვარ უბედობათა ღირსეულად დათმენასა და დიდებულ საქმეთა აღსრულებისაკენ სწრაფვას.

ყმანვილი ლისანდროსი გამოირჩეოდა მტკიცე ნებისყოფით, გონიერებით, ჩინებული ფიზიკური მონაცემებითა და იშვიათი პატივმოყვარეობით. ადრევე გამოამყლავნა მან ხასიათის მდარე თვისებებიც: პირფერობა და მზაკვრობა. მას შეეძლო ფარისევლობა მაღალი წოდების ადამიანებთან; მზად იყო აეტანა ნებისმიერი შეურაცხყოფა, თუკი ეს მის საქმეს წაადგებოდა.

იმხანად ლისანდროსის სამშობლო სპარტა ათენის სახელმწიფოს ებრძოდა საბერძნეთში ბატონობისთვის. ბრძოლამ დიდხანს გასტანა. მიუხედავად იმისა, რომ ორივე მხარემ აუნაზღაურებელი დანაკლისი განიცადა, საბოლოო გამარჯვებას ვერცერთმა მიაღწია. მართალია, ათენელებმა სიცილიის საბედისწერო ექსპედიციას შესწირეს მთელი ფლოტი და ლაშქარი, იმედი მაინც არ დაკარგეს. მათი საზღვაო ძალმოსილება ჯერ კიდევ არ იყო განადგურებული. ათენმა ახალი ფლოტის შენება იწყო.

სპარტელმა ეფოროსებმა ათენელთა წინააღმდეგ საბრძოლველად დახმარებისათვის სპარსელებს მიმართეს. სპარსეთის მეფემ დიდძალი თანხა გაუგზავნა მათ ლაშქრის შესანახად და ფლოტის ასაგებად.



იმ დროისათვის ლისანდროსს ნიჭიერი მხედართმთავრისა და მოქნილი დიპლომატის სახელი ჰქონდა მოხვეჭილი. სწორედ ამიტომ ანდეს მას ფლოტის მეთაურობა და, რაც მთავარია, სპარსელებთან მოლაპარაკების წარმოება. ლისანდროსმა შეადგინა საბრძოლო გეგმა, რომლის თანახმადაც სპარტელებს უარი უნდა ეთქვათ ბრძოლაზე მტრის უპირატესობის ხილვისთანავე და დაეწყოთ თავდასხმა მაშინ, როდესაც ირწმუნებდნენ საკუთარ ძალმოსილებას.


თავდაპირველად ლისანდროსი ესკადრით ეფესოსისკენ გაემართა. სპარსელებთან მოლაპარაკება კეთილად დასრულდა. მან ლიდის მეფისნაცვალ კიროს უმცროსისაგან² მიიღო დიდძალი თანხა. უფრო მეტიც, მას ნება დართეს, თავად კოროსის სახელით აეღო ხარკი მცირე აზიის მოსახლეობისაგან. ამ ფულით ლისანდროსმა დაუხანებლივ გაუორმაგა თავის მეზომალდეებს გასამრჯელო. შემდეგ გამოაცხადა, რომ თუ ათენის დაქირავებული მეომრები მის მხარეს გადმოვიდოდნენ, მათაც მსგავს გასამრჯელოს დაუნიშნავდა. სწორედ იმხანად ათენელებმა ვერ შეძლეს თავის მეზომალდეთათვის კუთვნილი საზღაურის გადახდა. ათენის დაქირავებული მეომრები ჯგუფებად გადადიოდნენ ლისანდროსის მხარეს და სულ მცირე ხანში ათენის ფლოტი მეზოფურთა გარეშე დარჩა.

ათენელმა მხედართმთავარმა ანტიოქოსმა, ალკიბიადესის ბრძანების მიუხედავად, წინდაუხედაობა გამოიჩინა და მტერს შეუტია. იგი იოლად დაამარცხა ლისანდროსმა იონიის საპორტო ქალაქ ნოტიონთან (ძვ.წ. 407 წ.). ათენის სახალხო კრებამ ეს მარცხი ალკიბიადესს დააბრალა, რის გამოც იგი იძულებული გახდა, გადახვეწილიყო.

ასე მოიცილა თავიდან ლისანდროსმა ყველაზე ნიჭიერი და სახიფათო მტერი.

ლისანდროსმა ეფესოსში მიიწვია მოკავშირე ბერძნული და მცირეაზიული ქალაქების არისტოკრატიული წრეების წარმომადგენლები. იგი გულუხვად ურიგებდა არისტოკრატებს ფულს იმ საიდუმლო კავშირების შესაქმნელად, რომლებსაც დემოკრატიის დამხობა უნდა მოემზადებინათ. ამით მან არისტოკრატთა კეთილგანწყობა და ერთგულება დაიმსახურა.

ამასობაში ლისანდროსის განმგებლობის დრო ამოიწურა და მის ადგილზე სპარტიდან გამოაგზავნეს სხვა მეთაური სახელად კალიკრატიდასი. ეს იყო პირდაპირი და მართალი, მაგრამ გონებაზე ზღუდული კაცი. ლისანდროსი განაწყენებული იყო კალიკრატიდასის გამოჩენით და ყოველი ხერხით ლამობდა მის ჩამოცილებას. ერთხელ მან მორჩენილი ფული უკან დაუბრუნა კიროს უმცროსს, ხოლო შემდეგ შესთავაზა კალიკრატიდასს თავად გამოეთხოვა უკან ეს ფული, ანდა სხვა გზებით მოეპოვებინა. მეზღაურები, მეთაურები და მოკავშირეებიც ასევე უკმაყოფილონი იყვნენ მთავარსარდლის შეცვლით.



კალიკრატიდასი მძიმე მდგომარეობაში აღმოჩნდა. ამაყი სპარტელი დამამცირებლად თვლიდა სპარსელთაგან ფულის აღებას. მეზღვაურთა შორის მლეღვარებამ იჩინა თავი. მათთვის გასამრჯელო აღარ იყო სახელმწიფოში. მაშინ მთავარსარდალმა ძალა მოიკრიბა და კიროს უმცროსისაკენ გასწია სარდელში.

სასახლეში მისულმა მსახურთ უბრძანა, მოესხენებინათ კიროსისათვის, რომ სპარტელ კალიკრატიდასს სურდა მისი ნახვა. ერთერთმა კარისკაცმა დაცინვით აუწყა: „კიროსი დაკავებულია, ის სვამს. დაცდა მოგინევს“. კალიკრატიდასმა უპასუხა: „კარგი, დალიოს, მე დავიცდი“. სპარსელმა კარისკაცებმა სასაცილოდ აიგდეს იგი. კალიკრატიდასი გაბრაზდა და იქაურობას გაეცალა.

მეორე დღეს იგი კვლავ ეწვია კიროსს და ისევ ვერ მოახერხა მასთან შესვლა. მიხვდა, რომ კიროსი მასხრად იგდებდა და განრისხებული დაბრუნდა ეფესოსში, თან თავის თანამოქალაქეებს, უპირველეს ყოვლისა კი ლისანდროსს კიცხავდა იმის გამო, რომ „ბარბაროსებს“ თავი გაუყადრეს და ბერძნებზე ბრძანებლობას შეაჩვიეს.

მან დაიფიცა, რომ სპარტაში ჩასვლისთანავე ყოველგვარ ღონეს იხმარდა ძმათა შორის სისხლისმღვრელი ომის შესაწყვეტად. „მაშინ, – ამბობდა იგი, – ბერძნები, ისევე როგორც უნინ, კვლავ ბარბაროსთა რისხვად იქცევიან და აღარასოდეს მიირთმევენ მათ ნასუფრალს ერთმანეთის გასანადგურებლად“.

მალე კალიკრატიდასი ათენელთა წინააღმდეგ საზღვაო ბრძოლაში დამარცხდა და თავადაც დაიღუპა ბრძოლის ველზე.

მაშინ სპარტელთა მოკავშირეებმა, კიროს უმცროსის ჩათვლით, სპარტაში გაგზავნეს ელჩები, რომლებიც ითხოვდნენ ფლოტის სათავეში კვლავ ლისანდროსის დაყენებას.

უბრალო მეზღვაურები კმაყოფილნი კი იყვნენ ლისანდროსის გულუხვობით, მაგრამ მაინც არ იწონებდნენ ბრძოლის მის მიერ შემოთავაზებულ წესს. ისინი მთავარსარდალს შეახსენებდნენ, რომ ჰერაკლეს ჩამომავალ წარჩინებულ სპარტელს არ ეკადრებოდა მზაკვრული ხერხებით ბრძოლა. ამის პასუხად ლისანდროსი მათ ასე მიუგებდა ხოლმე სიცილით: „სადაც ლომის ტყავი ვერ გაეტიევა, მელიის ტყავით უნდა შეიცვალოს“. ამ სიტყვათა აზრი ასეთი იყო: თუ ვერ იძალე, ხერხს უნდა მიმართო.

სპარტელმა ეფოროსებმა კიროს უმცროსისა და მოკავშირეთა მოსამადლიერებლად კვლავ ლისანდროსი დანიშნეს ფლოტის მთავარსარდალად. თუმცა რადგანაც კანონით იკრძალებოდა ერთი და იმავე პირის მაღალ თანამდებობაზე ორგზის ზედიზედ არჩევა, ლაშქრის განმგებლად ვინმე არაკოსი იხმეს.

ლისანდროსმა ხელთ იგდო თუ არა ძალაუფლება, ყველა მოკავშირე სახელმწიფოში დემოკრატიული წყობის გაუქმება და არისტოკრატიული მმართველო-



ბის შემოღება იწყოს. მაგრამ ყოველგან როდი მოქმედებდა იგი ძალითა და მუქარით, ყველაზე ხშირად ხერხსა და ხრიკებსაც მიმართავდა.

აი, რა მოხდა მილეტოსში: იქ ხალხსა და არისტოკრატებს შორის ცხოველი ბრძოლა იყო გაჩაღებული. არისტოკრატებმა ლისანდროსის მეშვეობით გაანადგურეს დემოკრატები და მონინააღმდეგენი ქალაქიდან გააძევეს. შემდეგ არისტოკრატები ისევ შეურიგდნენ დემოკრატებს. მაშინ ლისანდროსმა საჯაროდ გამოხატა სიხარული ამ შერიგების თაობაზე, სინამდვილეში კი დემოკრატებს მასხრად იგდებდა. მან აიძულა არისტოკრატები ამბოხებულეიყვნენ. შემდეგ ჯარით ქალაქში შეიჭრა და ამბოხებულებს დასჯით დაემუქრა, რა თქმა უნდა ფარისევლურად, ფარულად კი ხელს უწყობდა დემოკრატთა განადგურებას.

ლისანდროსი ხშირად იძლეოდა დაპირებებსა და დებდა ფიცს, მაგრამ არასოდეს იწუხებდა თავს მათი აღსრულებით. „ბავშვების მოტყუება, – ამბობდა იგი, – შესაძლებელია სათამაშოებით, მოზრდილებისა კი – ფიცით“.

ასეთი იყო ლისანდროსი – გაიძვერა, უნამუსო და ორპირი ადამიანი.

კიროს უმცროსმა სარდესი მიიწვია ლისანდროსი, ფულად დახმარებასა და ფლოტს შეჰპირდა. კიროსმა თავის სპარტელ მეგობარს ხარკის აკრეფა და მცირე აზიის ბერძნული ქალაქების მართვაც კი ანდო მისი არყოფნის დროს.

ახლა კი მართლაც უხვად გაიღო საზღაური სპარტელმა მთავარსარდალმა თავისი მეზღვაურებისათვის და ესკადრის თანხლებით დაბრუნდა ჰელესპონტოსში, სადაც იერიშით აიღო ქალაქი ლამფსაკოსი.

ათენის ას ოთხმოცი ტრიერისაგან შემდგარი ესკადრა საბრძოლო მზადყოფნაში იდგა თრაკიის ხერსონესთან. გაიგეს თუ არა ლამფსაკოსის ალების ამბავი, ათუნელები დაიძრნენ ეგოსპოტამოსისკენ და ფლოტი მტრის პირისპირ განალაგეს. ათუნელებს რამდენიმე სტრატეგოსი მეთაურობდა, მათ შორის იყო ფილოკლე სიც. მან სახელი გაითქვა იმით, რომ ათენის სახალხო კრებას შესთავაზა – ყოველი სპარტელი ტყვისათვის მოეკვეთათ მარჯვენა ხელის დიდი თითი, რათა მას აღარასოდეს შეძლებოდა შუბისა და მახვილის ხმარება.

მტრულ ესკადრათა ხომალდებზე მთელი დღე არავის დაუსვენია: ყველა მომავალი დღის გადამწყვეტი ბრძოლისთვის ემზადებოდა. ათუნელებმა იცოდნენ, რომ მათთვის დამარცხება სამშობლოს დაღუპვის ტოლფასი იყო და ამიტომ გადანუვიტეს, ან გაემარჯვათ, ან ბრძოლის ველზე დარჩენილიყვნენ.

ლისანდროსმა ხერხს მიმართა. მან მეზღვაურებსა და მესაჭეებს უბრძანა, ბრძოლისთვის მზად ყოფილიყვნენ, რათა ინათებდა თუ არა მტერს შებმობდნენ, ხოლო ქვეითი ლაშქარი ხმელეთზე დატოვა.



მეორე დღეს, მზის ამოსვლისთანავე, ათენის ფლოტი დაიძრა სპარტელთა წინააღმდეგ. ლისანდროსმა არ მიიღო ეს გამოწვევა. მან წინა ხაზზე მდგომ ზომალდებს უბრძანა, შეენარჩუნებინათ სიმშვიდე და არ დაეწყათ ბრძოლა. საღამოსათვის ათენელებმა უკან დაიხიეს, მეზღვაურები ხმელეთზე ჩავიდნენ; ლისანდროსმაც დართო ნება თავის მეზღვაურებს ხმელეთზე გადასულიყვნენ.

მომდევნო ოთხი დღის განმავლობაშიც ათენელები ცდილობდნენ, ლისანდროსი გამოეწვიათ საბრძოლველად, მაგრამ ამაოდ. მეხუთე დღეს ათენელებმა დაიწყეს მათთვის ჩვეული მოძრაობა – მეზღვაურების ხმელეთზე გადმოსხმა და დილით ისევ ზომალდებზე აყვანა უკვე ყოველგვარი სიფრთხილის გარეშე, მიიჩნიეს რა, რომ მტერი ვერ გაბედავდა მათზე თავდასხმას. მაშინ ლისანდროსმა უბრძანა ლაშქარს გადასულიყო შეტევაზე ზღვაზეც და ხმელეთზეც.

სპარტელთა ფლოტი სასწრაფოდ დაიძრა მოპირდაპირე ნაპირისაკენ (სრუტის სიგანე იქ 2 კილომეტრამდე აღწევდა), ხოლო ქვეითმა ჯარმა ხმელეთზე თანდათანობით დაიკავა უმჯობესი პოზიცია. ერთერთმა ათენელმა სტრატეგოსმა როგორც კი თვალი მოჰკრა მონინააღმდეგის მოახლოებულ ფლოტს, მეზღვაურებს ზომალდებზე ასვლა უბრძანა. მაგრამ ზომალდთა საბრძოლო შემადგენლობა დაშლილი იყო: ზოგს მშვიდად ეძინა კარვებში, ზოგი ვახშამს ამზადებდა, ზოგიც სასიერნოდ იყო გასული.

სტრატეგოსების დანაშაულებრივი დაუდევრობის გამო ათენელთაგან არავინ ელოდა თავდასხმას, არავის ეგონა, რომ ლისანდროსი შეტევაზე გადმოვიდოდა. ათენელთა ზოგი ზომალდი ხმელეთზეც იყო გამოტანილი. ბრძოლამ საათზე ნაკლებ ხანს გასტანა. ამ ხნის განმავლობაში ლისანდროსმა გაანადგურა ათენელთა მთელი ფლოტი. გადარჩა მხოლოდ რვა ტრიერი კონოსის მეთაურობით, რომელმაც კუნძულ კვიპროსს შეაფარა თავი.

ამ ბრძოლის შედეგი ის იყო, რომ ათენელთა საზღვაო ძლიერებას ბოლო მოეწყო. ახლა უკვე ათენს აღარც ფლოტი გააჩნდა, აღარც ფული, აღარც მეზღვაურები. ტყვედ ჩავარდა 3000 მებრძოლი სტრატეგოსებთან ერთად. ლისანდროსმა ტყვეები ზომალდებზე აიყვანა და კვლავ ლამფსაკოსისკენ გასწია.

სპარტის ხელისუფლებამ და მოკავშირეთა საბჭომ გადანყვიტეს, დაესაჯათ ტყვეები. ლისანდროსმა გამოიძახა ტყვე ფილოკლესი და ჰკითხა: „რა სასჯელს იმსახურებ შენ, რომელმაც ათენის სახალხო კრებას მიაღებინე დადგენილება ყოველი სპარტელი ტყვისთვის მარჯვენა ხელის დიდი თითის მოკვეთის თაობაზე?“ ფილოკლესმა, რომელიც ვერ გატეხა უბედურებამ, ასე მიუგო: „სასწრაფოდ დასაჯე ტყვეები, შენც ხომ მსგავსი ბედი გენეოდა, ჩვენ რომ გაგვემარჯვა“, – და პირველი გაემართა სასიკვდილოდ.



ტყვეთა დასჯის შემდეგ ლისანდროსმა დიანყო სანაპირო ქალაქების შემოულა. იგი ყველგან ახშობდა დემოკრატიულ სულსკვეთებასა და აწესებდა არისტოკრატიულ მმართველობას, რომელსაც სათავეში უყენებდა სპარტელ განმგებელს. დაუხანებლივ იწყებოდა დემოკრატიის მომხრეთა დასჯა და გაძევება.

ათენის ხელში ჩასაგდებად ლისანდროსმა ისევ მზაკვრობა ჩაიდო გულში. მან გამოაცხადა, რომ ქალაქგარეთ მყოფი ყოველი ათენელი დაუყოვნებლივ დაისჯებოდა. იგი იმედოვნებდა, რომ ხალხის სიჭარბე ქალაქში შიმშილს გამოიწვევდა და ათენი ველარ გაუძლებდა ხანგრძლივ ალყას.

ლისანდროსის ვარაუდი გამართლდა: მალე ათენში უკიდურესმა გაჭირვებამ დაისადგურა. მაშინ იგი ესკადრის თანხლებით პირეოსისკენ გაემართა და ქალაქს უსიტყვო მორჩილება მოსთხოვა.


დამარცხებულები იძულებულნი გახდნენ, მიეღოთ სპარტელთა მძიმე და სამარცხენო პირობები: ათენელებს უნდა დაენგრაიათ თავისი ნაცსადგომი პირეოსი და „გრძელი გალავანი“, ამასთანავე უკან უნდა დაებრუნებინათ გაძევებული არისტოკრატები. ათენის საზღვაო კავშირს ბოლო ეღებოდა, ამაყმა ათენმა დაკარგა ყველა საზღვაო სამფლობელო. ათენელებს შერჩათ მხოლოდ ატიკა და კუნძული სალამისი.

ლისანდროსი დაეპატრონა ათენელთა გადარჩენილ ხომალდებს (დამარცხებულებს დაუტოვეს მხოლოდ თორმეტი მომცრო გემი) და ქალაქში შევიდა სწორედ იმ დღეს, როდესაც სპარსეთზე ათენის დიადი გამარჯვების წლისთავი აღინიშნებოდა. ეს მოხდა ძვ.წ. 404 წელს.

სპარტელებმა დაუხანებლივ დაამხეს ათენში დემოკრატთა და 30 კაცის მმართველობა დაანესეს (მათ ოცდაათ ტირანად იხსენიებდნენ). ისინი ხალხის აშკარა მონჩა-აღმდეგენი იყვნენ. ახალი ხელისუფლება ათენში სპარტის გარნიზონს ეფუძნებოდა.

ათენელებს ჯერ კიდევ არ ჰქონდათ გრძელი გალავანი მოთხრილი, რომ ლისანდროსმა მოკავშირეთა საბჭო მოიწვია, რათა პირობების შეუსრულებლობისათვის ათენელთა დასჯის საკითხი გადაენყვიტა. მოკავშირეებში ათენის სავერბით დანგრევის ხმაც კი დაირხა. ზოგი იმასაც მოითხოვდა, რომ დედა-ბოძიანად ამოეძირკვათ ეს ქალაქი, მოსახლეობა მონებად გაეყიდათ, ხოლო ათენის მიწა საქონელთა საძოვრებად გადაექციათ.

მაგრამ სპარტელებმა ვერ გაბედეს დიადი ქალაქის განადგურება. ათენელების დასამდაბლებლად ლისანდროსმა ბრძანა, დაენგრაიათ გრძელი გალავანი, რაც ალარულეს კიდევ საგანგებოდ შეკრებილი მოკავშირეების ყიყინის, მხიარული შეტახილებისა და ფლეიტის ჰანგთა თანხლებით. ათენის ფლოტის გადარჩენილი ნაწილი დანვეს.



ათენში დაიწყო ძალადობა, დევნა და დემოკრატიის მომხრეთა განადგურება. მაგრამ ათენის ხალხი, რომელმაც ყველანაირი დამცირება და შეურაცხყოფა დაითმინა, სულით არ დაეცა, რისხვა დაიცხრო და სულ მალე აღსდგა სპარტელთა და მათი დამქაშების – 30 ტირანის წინააღმდეგ.

ლისანდროსმა თავისი ფლოტით თრაკიისაკენ გასწავა. მთელი ნადავლისა და ფულის სპარტაში ტომრებით გაზიდვა კი დაავალა ჰილიპოსს – თავის თანაშემწეს. მან, ათენელების წინააღმდეგ ბრძოლებში დიად გამარჯვებათა მომპოვებელმა და ყველასგან ერთობ დაფასებულმა კაცმა, ცთუნებას ვერ გაუძლო და სამარცხვინო რამ ჩაიდინა, ფულის ნაწილის მითვისება განიზრახა: ტომრების გარღვევა და იქიდან დიდძალი თანხის ამოღება ბრძანა. მაგრამ ჰილიპოსმა არ იცოდა, რომ ყოველ ტომარაში იდო ნუსხა ფულის აღწერილობით. მან სპარტაში ჩამოსვლისთანავე ეს ფული თავისი სახლის სხვენზე, კრამიტების ქვეშ გადამალა. ეფორებმა გახსნეს ტომრები და ნახეს, რომ ბეჭდები ხელუხლებელია, თუმცა ფული კი დიდძალი რაოდენობით აკლია.

დაჰკითხეს ჰილიპოსის მსახურები. ერთ-ერთმა მათგანმა განაცხადა, რომ მისი მბრძანებლის სახლის კრამიტების ქვეშ მრავალმა ბუმ დაიბუდა. ამით მას სურდა ეთქვა, რომ ჰილიპოსის სახლის სახურავზე ინახება ათენური მონეტები, რომლებზეც გამოსახულია სახელმწიფო გერბი – ღვთაება ათენას ფრთოსანი – ბუ. ჰილიპოსი გაჩხრიკეს და მოპარული ფული აღმოუჩინეს.

ჰილიპოსის საქციელმა სპარტელთა დიდი აღშფოთება გამოიწვია. კვლავ აიკრძალა ოქროს და ვერცხლის მონეტები. მოქალაქეებს მხოლოდ რკინის მძიმე მონეტებით უნდა ესარგებლათ, რათა ცალკეულ პირთა ხელში ფულის დიდი რაოდენობით დაგროვება აღკვეთილიყო. სხვა კანონით, ლისანდროსის მიერ შემოტანილი ფული მხოლოდ სახელმწიფოს საჭიროებებისთვის უნდა დახარჯულიყო. სიკვდილით დასჯა ელოდა მას, ვის ხელშიც ეს ფული აღმოჩნდებოდა.

მაგრამ ამ ზომებმა ვერ დააოკეს სპარტელთა სწრაფვა სიმდიდრისა და ფუფუნებისკენ. გავლენიანი მოქალაქეები არ ებუებოდნენ ამ აკრძალვებს და დიდძალი სიმდიდრის მოხვეჭას ლამობდნენ. თავად ლისანდროსს კი, ასე ამბობდნენ, არაფერი მიუთვისებია მის მიერ მოპოვებული უზარმაზარი განძეულიდანო.

ლისანდროსი საბერძნეთის ქალაქებში მის მიერ დაყენებულ მმართველთა შემწეობით მთელი საბერძნეთის განმგებელი გახდა. პირმოთნეები, მლიქვნელები და ყველა ჯურის ვიგინდარები მას მხსნელ ღვთაებად აღიარებდნენ და მსხვერპლს სწირავდნენ, ვითარცა ღმერთს.

ახლა უკვე მთელი სავსებით გამომჟღავნდა მისი ხასიათის უსაზარლესი თვისებები: დაუცხრომელი, უმონყალო სისასტიკე და ვერაგობა. იგი თავად ესწრებო-



და ხოლმე დემოკრატია სიკვდილით დასჯას. ერთერთ დიდ ქალაქში, მილეტოსში, მან დაიფიცა, რომ უკანონოდ არ მოიქცეოდა და პირობა დადო, თუ დემოკრატები ჩაბარდებოდნენ, მათ სიცოცხლეს შეუნარჩუნებდა. ამ სიტყვებს მინდობილმა დემოკრატებმა მიატოვეს თუ არა თავშესაფარი, ლისანდროსმა მათგან 800 კაცის დასჯა ბრძანა. ქალაქის ზოგიერთი მკვიდრი ლისანდროსმა საერთოდ გააძევა და მათი მიწა და ქონება თავის მომხრეებს გადაულოცა.

დასმენა და ცილისწამება გამეფდა ირგვლივ. სპარტელ მმართველთა ანგარებამ ისეთი საოცარი სახე მიიღო, რომ საყოველთაო სიძულვილი გამოიწვია. ახლა უკვე სპარტელი საბერძნეთში ნიშნავდა მოძალადეს, მკვლელსა და ტირანს.

ლისანდროსი ანგარიშს არ უწევდა თავის მოკავშირე სპარსელებსაც კი: იგი არბევდა და აცარიელებდა სპარსელ სატრაპთა სამფლობელოებსაც; მისმა უახლოესმა ხელქვეითებმა დიდძალი სიმდიდრე მოიხვეჭეს.

სპარტაში ყოველი მხრიდან მოდიოდა ხმა ლისანდროსის უკანონობაზე, ძალადობაზე, უმონყალეობაზე. მაგრამ ეფოროსები ამას ყურადღებას არ აქცევდნენ.

ბოლოს ლისანდროსის საქციელი თავად ეფორებისთვისაც სახიფათო აღმოჩნდა: ლისანდროსის ხელში თავი მოიყარა მთელმა სამხედრო ძალამ, მას შეეძლო ნებისმიერ დროს გამხდარიყო ტირანი. გადანყდა, ლისანდროსი დაებრუნებინათ სპარტაში.

გამოძახების საბაზი იყო სპარსეთის სატრაპის, ფარნასოსის საჩივარი იმის თაობაზე, რომ ლისანდროსი მის სამფლობელოს ძარცვავდა. ეფოროსებმა ლისანდროსს უბრძანეს, დაუყოვნებლივ დაბრუნებულიყო შინ.

უნყების მიღებისთანავე ლისანდროსი სატრაპ ფარნასოსისკენ გაეშურა იმ იმედით, რომ მოლაპარაკების გზით შეძლებდა მის მოღმობიერებას. მან სთხოვა სატრაპს ახალი წერილი გაეგზავნა ეფოროსებისთვის და უკან წაეღო თავისი საჩივარი. მაგრამ გაქნილმა და ვერაგმა სპარსმა უმუხთლა გამოცდილ და მზაკვარ ლისანდროსს. მან თავაზიანად მიიღო სპარტელი და მისივე თანდასწრებით ისეთი წერილი შეადგინა, როგორც მის სტუმარს სურდა. სატრაპმა მთავარსარდლის თვალწინ დალუქა წერილი და იქვე მოახერხა მისი შეცვლა მეორე, წინდანი და წერილით, რომელსაც სულ სხვა შინაარსი ჰქონდა.

ლისანდროსი სპარტაში ჩავიდა თუ არა, ეფოროსებისკენ გაემართა წერილის გადასაცემად იმ იმედით, რომ შეძლებდა თავის მართლებას. ეფოროსებმა წერილი წაიკითხეს და ლისანდროსი მიხვდა, რომ ამჯერად მწარედ მოტყუვდა.

რამდენიმე დღის შემდეგ ლისანდროსმა სპარტა დატოვა თითქოს იმ მიზნით, რომ ზევს – ამონის³ ტაძარში მსხვერპლი შეენირა. ეფოროსებმა ვერ გაბედეს მისი დაკავება. მაშინ სპარტის მეფეებმა ისარგებლეს ლისანდროსის არყოფნით და სცადეს მისი სახელის შებლაღვა. ისინი შორიდან უმზერდნენ ოცდაათი ტირა-



ნის წინააღმდეგ ამბოხებულ ათენელებს, მათ მიერ ტირანიის დამხობასა და დემოკრატიის აღდგენას.

დაბრუნდა თუ არა ლისანდროსი, დაუყოვნებლივ გაემართა ათენელთა დასამორჩილებლად. მას თან ახლდა სპარტის ერთ-ერთი მეფე პავსანიასი, რომელმაც სცნო ათენელთა უფლება, თავად აერჩიათ განმგებელი. მან არ ისურვა ამბოხების ჩახშობა.

ლისანდროსი სპარტაში უშედეგოდ უნდა დაბრუნებულიყო. ეფოროსებმა აღარ მოინონეს პავსანიასის საქციელი და ლისანდროსის გამართლება სცადეს. მაგრამ უკვე გვიანი იყო: ათენელებს ძალით ველარავინ აარჩევინებდა საძულველ მბრძანებლებს.


ლისანდროსის უფლებები ვერ კიდევ არ იყო საბოლოოდ შერყეული: იგი კვლავ განაგრძობდა ბერძნულ სახელმწიფოთა თვითნებურ განმგებლობას, მის ხელში იყო ძალა. როდესაც არგოსელები ეახლნენ მას და წართმეული მიწების დაბრუნება სთხოვეს, ლისანდროსმა თავის მახვილზე მიუთითა და ასე მიუგო: „ვის ხელშიც არის მახვილი, სამანებასაც ის განაგებსო“.

ამასობაში სპარტაში გარდაიცვალა მოხუცი მეფე აგისი. ლისანდროსმა, ისარგებლა რა თავისი გავლენით, მეფედ გამოაცხადა აგესილაოსი, რომელსაც ტახტზე ასვლის კანონიერი უფლებები არ გააჩნდა. ლისანდროსი იმედოვნებდა, რომ აგესილაოსი მისი ყურმოჭრილი ყმა შეიქნებოდა. მან მოახერხა მისი დანიშვნა სპარტის ლაშქრის მეთაურად სპარსეთის წინააღმდეგ წარმოებულ ომში იმ იმედით, რომ ბრძოლათა მთავარსარდალი თავად იქნებოდა, ისევე როგორც უნინ, ათენის დამორჩილების უამს.

მაგრამ ლისანდროსს ახალმა მეფემ იმედები არ გაუმართლა. იგი ისეთივე პატივმოყვარე აღმოჩნდა, ვით ლისანდროსი და ვერ იტანდა მეტოქეებს. მეფემ ლისანდროსი თან წაიყვანა მრჩეულად და თავდაპირველად დიდი პატივითა და მოკრძალებით ექცეოდა.

მცირეაზიელი ბერძნები, რომლებიც იცნობდნენ ლისანდროსსა და მიჩვეულნი იყვნენ მის მთავარსარდლობას, აგესილაოსის გვერდის ავლით ყველაფერზე მას მიმართავდნენ. მაშინ აგესილაოსმა ლისანდროსის ჩაშოცილება და მთელი ძალაუფლების ხელში ჩაგდება განიზრახა. მან ლისანდროსს დამამცირებელი საქმე დაავალა – მოკავშირეთათვის ხორცის დარიგება. „დაე, ამ ხალხმა თაყვანი სცეს ჩემს მებორცეს“, – თქვა მეფემ და იმ იონიელ ბერძნებზე მიანიშნა, რომლებიც ლისანდროსს პატივით ეპყრობოდნენ.

მაშინ ლისანდროსმა აგესილაოსსთან მოლაპარაკება განიზრახა. მათ შორის მოკლე საუბარი შედგა: „აგესილაოს, – მიმართა ლისანდროსმა, – შენ შეგძლებია




მეგობართა დამცირება“. „დიახაც, – მიუგო აგესილოსმა, – თუკი ისინი ისურვებენ ჩემს მალლა დგომას; ხოლო მათ, ვინც ჩემი ძალაუფლების გამყარებას ემსახურება, მუდამ მივაგებ კუთვნილ პატივს“. შემდეგ აგესილოსმა უმნიშვნელო დავალება მისცა ლისანდროსს, ჰელესპონტოსისკენ გაისტუმრა და მთელი ომის განმავლობაში სხვა არაფერი დაუკისრებია.

ლისანდროსი აგესილოსზე და ეფოროსებზე ერთობ გაღიზიანებული და განრისხებული დაბრუნდა სპარტაში. იგი თვლიდა, რომ სპარტისთვის ესოდენ თავდადებული დიადი მთავარსარდლის დამსახურება ჯეროვნად არ იყო დაფასებული. მან განიზრახა თავისი დიდი ხნის ჩანაფიქრის განხორციელება: მეფობა სურდა. ამ მიზნით სახალხო კრებას შესთავაზა მიეღო ახალი კანონი კანონიერ მეფეთათვის ძალაუფლების ჩამორთმევისა და ახალ მეფეთა არჩევითობის თაობაზე. მაშინ, ფიქრობდა იგი, თანამოქალაქეები მას აირჩევდნენ მეფედ, როგორც ყველაზე ძლევამოსილსა და სახელმორჩმულ კაცს მთელ სპარტაში.

მორწმუნე სპარტელებზე რომ ემოქმედა, ლისანდროსმა დაიწყო ყოველნაირ წინასწარმეტყველებათა გავრცელება, სადაც იგი წარმოდგენილი იყო სპარტისა და მთელი საბერძნეთის მხსენელად. მან სცადა თავად დელფოს მისნის მოსყიდვაც, რათა მიეღო მისთვის საჭირო წინასწართქმა. ეგვიპტეში მდებარე ზევს-ამონის ტაძრის ქურუმთა მოსყიდვის ცდა კი იმით დასრულდა, რომ წინასწარმეტყველმა მისნებმა სპარტაში გაგზავნეს ელჩები ლისანდროსის უღირსი საქციელის სამხილებლად. იგი სამსჯავროზე გაიყვანეს, მაგრამ მსაჯულებმა სახელმორჩმულ მთავარსარდალს მსჯავრი ვერ დასდეს და გაამართლეს.

ამასობაში სპარტელთაგან განამებულმა ბერძნულმა სახელმწიფოებმა დაიწყეს დამოუკიდებლობისათვის ბრძოლა. ათენში ოცდაათი ტირანის დამხობის შემდეგ სპარტას თებე აუმბოხდა. მის წინააღმდეგ წარგზავნილ დიდძალ ლაშქარს სათავეში ჩაუდგა ლისანდროსი და ბეოტიისკენ გაემართა. დასახმარებლად მომავალ მეფე პავსანიასს შეხვედრა დაუნიშნა ქალაქ ჰალიარტოსსთან. მაგრამ ქალაქს მიახლოებულმა პავსანიასი რომ ვერ იხილა, ვერ გაბედა იერიშზე გადასვლა. აღმოჩნდა, რომ პავსანიასსთან წარგზავნილი ელჩი ხელთ იგდეს თებელებმა და ქალაქის გამაგრებაზე იზრუნეს.

მცირე ხნის შემდეგ ლისანდროსმა მაინც გადაწყვიტა ბრძოლის დაწყება. მან განაღვა ლაშქარი და თავად წარუძღვა მოწინავე რაზმს. თებელებმა ლისანდროსი ქალაქის კედლებთან მიუშვეს, შემდეგ კი, მოულოდნელად გახსნეს ქალაქის კარიბჭე და მტერს გამოუხდნენ.



ლისანდროსი ბრძოლის ველზე დაეცა. მეთაურის დალუპვისთანავე სპარტელებმა უკან დახევა განიზრახეს, მაგრამ ამ დროს მათ ზურგიდან თავს დაესხნენ თებელთა ახალი რაზმები. ალყაში მოქცეული სპარტელები დამარცხდნენ.

პავსანიასმა როგორც კი შეიტყო ამ უბედურების ამბავი, ჰალიარტოსისაკენ ისწრაფა, მაგრამ თებელთა და ათენელთა გაერთიანებული ლაშქრის წინააღმდეგ ბრძოლა ვერ გაბედა. მან მტერს დაზავება შესთავაზა დალუპულთა დაკრძალვის მიზნით და იქაურობას გაეცალა.

ასეთი იყო ცხოვრება იმ კაცისა, რომელიც ბუნებამ ბრწყინვალე ნიჭით დააჯილდოვა, და რომელმაც მთელი თავისი უნარი შესწირა არა სამშობლოს კეთილდღეობას, არამედ პირადი დიდებისათვის ბრძოლას.

ლისანდროსი დაკრძალეს ბეოტიის საზღვართან, იმ ქვეყნის მიწად, რომელიც სპარტასთან კეთილმეგობრულ დამოკიდებულებაში იყო. სპარტაში კი მას ისეთი პატივი მიაგეს, როგორც ეს დიად მთავარსარდალს ეკადრებოდა.

შენიშვნები:

¹ სპარტელი წარჩინებულები თავიანთ წინაპრად თვლიდნენ ლეგენდარულ გმირს, პერაკლეს – უზენაესი ღმერთის, ზევსის ძეს.

² სპარსეთის სახელოვანი მეფის, დარიოსის ძე კიროსი (უმცროსი) არტაქსერქსეს II-ის ძმა იყო. იგი, ვითარცა სატრაპი, განაგებდა ლიდიას, ფრიგიასა და კაბადოკიას. კიროსი ტახტის ხელში ჩაგდების მიზნით ძმას აუზედრდა და შეწირა კიდეც ამ ბრძოლას. იგი ძვ.წ. 401 წელს გარდაიცვალა.

³ ამონი – ეგვიპტურ მითოსში მზის ღმერთის ერთ-ერთი სახეა. ამონ-რაც ითვლებოდა ყოველივე არსებულის შემოქმედად. ბერძნები ხშირად სტუმრობდნენ ხოლმე ეგვიპტეს და მრავალი მათი ზნე შეისისხლბორცეს. ეგვიპტელებმაც მიიღეს ზოგი რამ ბერძენთა რელიგიიდან. ალბათ ამიტომ ეგვიპტურ ამონსა და ბერძენთა უზენაეს ღვთაებას, ზევსს მრავალი საერთო ფუნქცია ჰქონდათ. ზევს-ამონის ტაძარი ეგვიპტეში მდებარეობდა.



აგესილაოსი

სპარტელი სტრატეგოსი

(დაახლ. ძვ.წ. 444-360 წწ.)



აგესილაოსი სპარტის სამეფო კარზე იზრდებოდა. იგი, მართალია, მეფისწული იყო, მაგრამ ჰყავდა უფროსი ძმა, სახელად აგისი, რომელიც გამეფდა კიდევ მამის, არქიდამოსის გარდაცვალების შემდეგ.


აგესილაოსის დაბადების წელი ზუსტად ცნობილი არ არის. ვარაუდობენ, რომ იგი ძვ.წ. 444 წელს უნდა დაბადებულიყო. მას სპარტელთა მკაცრი წესებით ზრდიდნენ. ბავშვობიდანვე ცნობილი ყოფილა იგი თავისი ნიჭიერებით, გულმოდგინებითა და პატივმოყვარეობით.

აგესილაოსი გამოირჩეოდა გასაოცარი მიზანსწრაფვით, ხალისით ასრულებდა უფროსთა მითითებებსა და არასოდეს გაურბოდა მძიმე დავალებებს. იგი ყველასთან მხიარული და თავაზიანი იყო, მშვიდი იუმორით უმზერდა თავის მანკიერებებს – თანდაყოლილ სიკოჭლეს, სიდაბლესა და უღიმღამო გარეგნობას.

ნიჭიერმა ახალგაზრდამ სახელმძღვანელო მთავარსარდლისა და სპარტაში ყველაზე გავლენიანი კაცის – ლისანდროსის ყურადღება მიიპყრო.

მეფე აგისის გარდაცვალების შემდეგ ლისანდროსმა მოახერხა მეფისწულის ჩამოცილება და სახალხო კრებას აგესილაოსის გამეფება შესთავაზა. იგი იმედოვნებდა, რომ აგესილაოსი მის ხელში სათამაშოდ იქცეოდა.

ჯერ კიდევ ბავშვობის ასაკიდან ბევრი მოქალაქე იცნობდა აგესილაოსს და პატივსაც სცემდა. მათ მხარი დაუჭირეს მის გამეფებას, მაგრამ ხალხის ნებას მოულოდნელად წინ აღუდგა ერთი ქურუმი. მან განაცხადა, რომ ადათის თანახმად, ხეიბარი კაცის მეფედ არჩევა სპარტას დიდ უბედურებას უქადის და ასეთი უცნაური მისნობა წართქვა:



„ამაყო სპარტა! თუმც ჯანსაღია შენი ფეხები, მაინც გეშინოდეს!
 თუკი ხეიბარს ალაზევებ სამეფო ტახტზე,
 მაშინ დიდი ხნით დაიტანჯები მოულოდნელი სენისაგან,
 მაშინ დიდი ხნით იხეტიალეზ დამლუპველი ბრძოლის ტალღებით“.

ამ შემზარავი წინასწარმეტყველებისდა მიუხედავად, ლისანდროსის მხარდაჭერით, აგესილაოსი მეფედ აკურთხეს.

სპარტაში მეფენი ეფოროსთა და გერონთა ნების აღმსრულებელნი იყვნენ მხოლოდ. ეფოროსები იძლეოდნენ ბრძანებებს და მეფეები, ვითარცა ჩვეულებრივი მხედართმთავრები, ამ ბრძანებებს ემორჩილებოდნენ. ხშირად მეფეთა და ეფოროსთა შორის მტრული დამოკიდებულება სუფევდა.

მეფედ აღიარებულმა აგესილაოსმა განიზრახა ეფოროსთა და გერონთა კეთილგანწყობის დამსახურება. ახალი მეფე ცდილობდა, პატივით მოპყრობოდა მათ. როდესაც ისინი ოთახში შემოდოდნენ, ფეხზე დგებოდა, ხოლო როდესაც ვინმეს ახალ თანამდებობაზე ირჩევდნენ, მას მოსასხამითა და ხარით ასაჩუქრებდა. უბრალო მოქალაქეებს თავაზიანად ეპყრობოდა, ყოველთვის მზად იყო დახმარებოდა არა მხოლოდ მეგობრებს, არამედ მეტოქეებსაც კი. მალე აგესილაოსმა ისეთი გაულენა მოიპოვა, რომ ამ მზარდი ძალაუფლებით დაშინებულმა ეფოროსებმა მისი დამდაბლება განიზრახეს.

აგესილაოსი თავისი მეფობის პირველ ხანებში ლისანდროსს ემორჩილებოდა. მისი შემწეობით მიიღო მთავარსარდლის თანამდებობა სპარსეთის წინააღმდეგ წარმოებულ ომში. ლისანდროსის ცხოვრების აღწერილობიდან კი ვიცით, თუ რა ოსტატობით დააღწია თავი აგესილაოსმა მის მეურვეობას.

აგესილაოსი ერთპიროვნული მმართველი გახდა და რვაათასიანი ლაშქრით შეებრძოლა სპარსეთის მეფის სატრაპ ტისაფერნესს. ამ ომში პირველად გამოვლინდა აგესილაოსის ბრწყინვალე სამხედრო ნიჭი.

სპარტელთა მეფემ მოატყუა სპარსელები: ისე მოიქცა, თითქოს კარიის დასაპყრობად ემზადებოდა. დაიცადა, ვიდრე სპარსელებმა თავი არ მოუყარეს იქ თავის ძალებს და მოულოდნელად თავს დაესხა ფრიგიას, დაიმორჩილა რამდენიმე ქალაქი და ხელთ მდიდარი ნადავლი ჩაიგდო.

ტისაფერნესმა გაიგო თუ არა, რომ სპარტელები დიდძალი ლაშქრით ლიდისაკენ მიემართებიან, მათ შესახვედრად ისწრაფა. ლიდის დედაქალაქ სარდეს მახლობლად მდებარე ველზე ფიცხელი ბრძოლა გაიმართა. აგესილაოსმა სრული გამარჯვება მოიპოვა. სპარსეთის მეფემ ამ მარცხის გამო ტისაფერნესი სიკვდილით დასაჯა.



შემდეგ სპარსეთის მეფემ აგესილაოსს მიუგზავნა ერთ-ერთი თავის ახლობელ-თაგან, რათა ქრთამით სპარტელები ზავზე დაეთანხმებინა. აგესილაოსმა შეუთვალა, რომ ზავის დადება სპარტის ხალხისა და ხელისუფლების ნებაა. „ბერძნებს დიდებული თვისება აქვთ, – განაცხადა მან, – ისინი მტრისგან საჩუქრებს კი არ იღებენ, არამედ – ნადავლს“.

აგესილაოსი დაუკავშირდა პაფლაგონიის მეფეს და მისგან 3000 მეომარი მიიღო დამხმარე ძალად. ახლა უკვე მის განკარგულებაში მნიშვნელოვანმა ძალებმა მოიყარეს თავი; იგი შეიჭრა სატრაპ ფარნავაზის სამფლობელო ფრიგიაში.

ფარნავაზმა ვერ გაბედა წინააღმდეგობის განწევა. იგი გაიქცა და თან გაიყოლა დიდძალი სიმდიდრე. რამდენიმე ხნის შემდეგ ბერძნები და პაფლაგონიელები სპარტელი მხედართმთავრის მეთაურობით დაენივნენ ფარნავაზს, ხელში ჩაიგდეს მისი ბანაკიცა და გატაცებული საგანძურიც. თვით ფარნავაზმა გაქცევა მოასწრო. აქ, ნადავლის განაწილებისას, მოკავშირენი ერთმანეთს გაუნანყებდნენ. პაფლაგონიელებმა მიატოვეს სპარტელები და შინ დაბრუნდნენ.

მცირე აზიაში აგესილაოსის სამხედრო მოქმედებათა მეორე წელი იდგა. სპარტელთა მიერ დაპყრობილი ქალაქები დაუმორჩილებლობას აცხადებდნენ, მაგრამ აგესილაოსი ძალადობისა და მკვლევლობების თვინიერ ცდილობდა სპარტელთა მმართველობის აღდგენას.

მცირე აზიის მთელ სპარსულ სამფლობელოებს მოედო მისი საბრძოლო დიდების ამბავი. მიუხედავად ამისა, აგესილაოსი უბრალოდ ცხოვრობდა. ეძინა მაგარ სალაშქრო საწოლზე, როგორც ჩვეულებრივ ჯარისკაცს, არ ეპუებოდა სიცხესა და სიცივეს და საომარი ცხოვრების გასაჭირს. მცირეაზიელი ბერძნები კმაყოფილებით ადევნებდნენ თვალ-ყურს, თუ როგორ იხრიდნენ ქედს მდიდრული სამოსით მოსილი ამაყი სპარსი სატრაპები უბრალო მეომრის მოსასხამში გამოწყობილი ადამიანის წინაშე.

მაშინ, როდესაც აგესილაოსს განზრახული ჰქონდა, სპარსეთის სამფლობელოს შუაგულში იერიშით შეჭრა, მოულოდნელად მიიღო ეფოროსთა ბრძანება შინ დაუყოვნებელი დაბრუნების თაობაზე.

სპარსელებს იმედი არ ჰქონდათ, რომ სპარტელებს დაამარცხებდნენ ხელჩართულ ბრძოლაში. მეფემ და სატრაპებმა ბრძოლის სხვა გზა ირჩიეს: გადანყვიტეს აგესილაოსისთვის თავად საბერძნეთში დაერტყათ. მათ ნააქეზეს ათენელები და თებელები აღმსდაგრიყვნენ სპარტის წინააღმდეგ.

სპარსელებმა უზარმაზარი თანხა გაიღეს ათენის გრძელი გალავნის აღსადგენად და ათენისა და თებეს ლაშქრის აღსაკაზმად.



ბოლოს, ათენელებმა და თებელებმა დაიწყეს კიდევ ბრძოლა სპარტის წინააღმდეგ. ასე გადარჩა სპარსეთი. აგესილაოსი იძულებული გახდა, თავისი ლაშქარი ხომალდებზე აეყვანა და სამშობლოს დასაცავად შინ დაბრუნებულიყო.

ტოვებდა რა მცირე აზიას, აგესილაოსმა აღნიშნა, რომ იქედან იგი სპარსეთის მეფის 10 000 მშვილდოსანმა გააძევა (სპარსულ ოქროს მონეტებზე გამოსახული იყო მშვილდოსანი). ამ სიტყვებით აგესილაოსს სურდა ეთქვა, რომ სპარტა სპარსულმა ოქრომ დაამარცხა.

საბერძნეთში სპარტის არმიას ლისანდროსი მეთაურობდა. მაგრამ იგი ბეოტიაში დაიღუპა. მოკავშირეებმა განზე გადაგომა დაიწყეს.

ამასობაში აგესილაოსმა სასწრაფოდ გადალახა ჰელესპონტოსი და თრაკიაში შეიჭრა. ადგილობრივი ტომები უმეტეს შემთხვევაში მას კეთილგანწყობით ხედუბოდნენ. მხოლოდ მცირე ტომის – ტრალისის ელჩებმა მოსთხოვეს მას ვერცხლის 100 ტალანტი, რათა მათ მიწაზე გავლის ნება დაერთო. აგესილაოსმა მათ ომით უპასუხა და დაარბია ისინი.

მაკედონიას მიახლოებულმა აგესილაოსმა ელჩი გაუგზავნა ამ ქვეყნის მეფეს, რათა ეკითხა, სპარტის ლაშქარს იქ გავლის ნებას დართავდა თუ არა. მეფემ უპასუხა, რომ იფიქრებდა. „დაე, იფიქროს, – უთქვამს აგესილაოსს, – ჩვენ წინ გავწიოთ!“

რამდენადაც თესალიელები სპარტის მტერთა მოკავშირენი იყვნენ, აგესილაოსმა გაანადგურა ეს ქვეყანაც. შემდეგ თესალიის ქალაქ ლარისას მკვიდრებს ელჩები მიუგზავნა და მეგობრობა შესთავაზა. ლარისელებმა ეს ელჩები საპყრობილეში ჩააგდეს. განრისხებულმა სპარტელმა მეომრებმა აგესილაოსს ქალაქის ალყაში მომწყვედვეა მოსთხოვეს. მაგრამ მთავარსარდალმა მოახერხა თავისი ელჩების გათავისუფლება და სწრაფად გასწია წინ.

გზად მიიღეს ცნობა სპარტელთა თებელებთან და ათენელებთან სისხლისმღვრელი ბრძოლის თაობაზე. სპარტელებმა გაიმარჯვეს, მაგრამ მრავალი მეომარი დაიღუპა ორთავე მხრიდან. აგესილაოსი მძიმედ განიცდიდა იმას, რომ ბერძნებმა კვლავ დაიწყეს ძმათა სისხლისმღვრელი ომი, ნაცვლად იმისა, რომ გაერთიანებული ძალებით შეეცაოთ სპარსელებისთვის. მას თავისი მეომრებისადმი მიმართვისას მწარედ აღმოხდა: „ეჰი შენ, ელადა! საკუთარი ხელით დაღუპე უამრავი მამაცი შვილი. ისინი ცოცხლები რომ დარჩენილიყვნენ, გაერთიანდებოდნენ და ბარბაროსთა რისხვად იქცეოდნენ!“

ეფოროსთა ბრძანებით, აგესილაოსმა თავის ლაშქარს შეუერთა რამდენიმე რაზმი კორინთოდან და ბეოტიაში შევიდა. აქ მას ელოდა კნიდოსთან სპარტის ფლოტის განადგურების (ძვ.წ. 394 წ.) თავზარდამცემი ამბავი.



ნიჭიერი ათენელი სტრატეგოსი კონონი ეგოსპოტამოსთან ათენის ფლოტის დამარცხების შემდეგ გადარჩა და გაემგზავრა ჯერ კუნძულ კვიპროსზე, ხოლო შემდეგ სპარსეთის სამფლობელოში. სპარსული ფულით კონონმა მრავალი ხომალდი აღჭურვა და კნიდოსთან თავისი ფლოტის სამარცხვინო დაღუპვისათვის იძია შური.

აგესილაოსი ბეოტიელებთან საბრძოლველად ემზადებოდა. მეომრები რომ სულთ არ დაცემულიყვნენ, მან დაუმალა მათ სპარტელთა დამარცხების დამამწუხრებელი ამბავი. ბრძოლის დანაშაულის წინ კი გამოაცხადა, რომ სპარტის ფლოტმა ბრწყინვალე გამარჯვება მოიპოვა. იგი მეომრების წინ წარდგა როგორც გამარჯვებული, მხიარული სახით, საზეიმო სამოსითა და გვირგვინებით დამშვენებული და ბრძანა, ღმერთებისათვის შეენირათ სამადლობელო მსხვერპლი. ამით მას სურდა, თავის მეომრებში საბრძოლო განწყობილება აემაღლებინა.


შემდეგ კი მდგრად შეუტია თებელთა და არგოსელთა გაერთიანებულ ძალებს კორონეასთან. ბრძოლა იყო შეუპოვარი და სისხლისმღვრელი; ორივე მხარე გმირულად იბრძოდა, მაგრამ ვერცერთმა ვერ შეძლო სრული გამარჯვების მოპოვება. სპარტელთა ძალა დაიშრიტა და ამიტომ ისინი იძულებულნი გახდნენ, თებელებთან დროებითი ზავი დაედოთ.

თავად აგესილაოსი უბრალო მეომარივით იბრძოდა და რამდენიმე მძიმე იარაღ მიიღო. იგი საკაცით გადაიყვანეს დელფოში, სადაც აპოლონის ორაკულის საკურთხეველი იყო აღმართული. აგესილაოსმა ღმერთს სპარსული ნადავლის მეთაუდი შესწირა და სპარტაში დაბრუნდა.

უცხო ქვეყნებში ნამყოფ მრავალ სპარტელ მხედართმთავარს აღარ სურდა ძველებურად, უბრალოდ ცხოვრება. ისინი ითვისებდნენ სამხედრო ნადავლს, უარს ამბობდნენ მკაცრ სპარტულ ადათზე და ფუფუნებით ცხოვრობდნენ. მაგრამ აგესილაოსი მუდამ იცავდა თავისი სამშობლოს ოდინდელ ზნესა და ჩვევებს: მისი საკვები უწინდელივით მწირი იყო, არ შეცვლილა მისი ცოლის და ქალიშვილის სამოსი, არც ცხოვრების წირი. აგესილაოსს უზარმაზარი სპარსული ნადავლიდან არაფერი მიუთვისებია.

დიდხანს არ დარჩენილა აგესილაოსი სამშობლოში. გამოჯანმრთელებისთანავე ჩაება იგი ბრძოლაში და კორინთო დაიპყრო.

იმხანად ათენის მხედართმთავარმა იფიკრატესმა გაანადგურა სპარტელთა დიდი რაზმი; მრავალი საზრუნავი გაუჩინა სპარტელებს ათენის ფლოტმა კონონის მეთაურობით ლაკონიკეს ნაპირებთან. ეფოროსებმა სწორედ იმიტომ, რომ ერთი მტრისგან მანაც დაეღწიათ თავი, აგესილაოსის წინააღმდეგობისდა მიუხედავად, გადანაწილეს სპარსელებთან დაზავება.



ეფოროსი ანტალკიდასი ელჩად წარგზავნეს სპარსეთის მეფესთან „სამეფო“, ანუ „ანტალკიდეური“ ზავის დასადებად. ზავის პირობები სამარცხვინო იყო: სპარტელებმა საბერძნეთში რომ გადაერჩინათ სამფლობელო, სპარსელებს დაუთმეს მცირეაზიელი ბერძნები.

მთელი საბერძნეთი აღშფოთდა, სპარტელთა საქციელი ლალატის ტოლფასი იყო. აგესილაოსმა და ეფოროსებმა მიაღწიეს იმას, რომ ათენელებსა და თებულებს აღუკვეთეს დახმარება სპარსეთიდან. ახლა მათ შეეძლოთ მტერთან საბრძოლველად სხვა რამ ელონათ. კერძოდ, ათენსა და თებუში სპარტელთა თანამოაზრე არისტოკრატის ძალა უნდა გამოეყენებინათ.

სპარტელ მხედართმთავარ ფოიბიდასს ზავის დადების შემდეგ თავისი რაზმი ბეოტიის გავლით მიჰყავდა. უეცარი იერიშით მან ქალაქი თებე და მისი ციხე-ბურჯი კადმეა აიღო. შემდეგ დაამხო იქ დემოკრატიული მმართველობა და არისტოკრატთა მეთაურობით ახალი ხელისუფლება შექმნა. ასე ჩამოიცილეს სპარტელებმა ერთ-ერთი მტერი.

ბერძენთა დიდი გულისწყრომა გამოიწვია თებეს ვერაგულმა აღებამ, რაც საზავო ხელშეკრულების დარღვევას ნიშნავდა. თავად სპარტაშიც ბევრი კიცხავდა აგესილაოსს. მაგრამ, როდესაც ფოიბიდასი თვითნებური საქციელისთვის სასჯელს როს წინაშე წარდგა, აგესილაოსმა იგი ასეთი სიტყვებით დაიცვა: „ყველაფერი, რასაც სარგებლობა მოაქვს სპარტისთვის, საგანგებო ბრძანების გარეშეც უნდა აღსრულდეს“. სპარტის მმართველებმა ფოიბიდასის ვერაგობა გაამართლეს. სპარტის გარნიზონს კვლავაც ეკავა კადმეა. ხელისუფლების სათავეში მოსული თებელი არისტოკრატები სასტიკად უსწორდებოდნენ დემოკრატებს.

ახლა სპარტელებმა განიზრახეს კიდევ ერთი მტრის განადგურება. ჯერი ათენზე მიდგა.

ბეოტიის ქალაქ თესპიას სპარტელმა განმგებელმა მიზნად დაისახა ათენის ხელში ჩაგდება. მან იცოდა, რომ წარმატების შემთხვევაში მის საქციელს გაამართლებდნენ. იმხანად ათენი დიდი ქალაქი იყო, მრავალრიცხოვანი მოსახლეობით. ქალაქის ახლად აღდგენილ გალავანს საგულდაგულოდ იცავდნენ. დღისით ათენზე თავდასხმა საკლებით შეუძლებელი იყო. ამიტომ სპარტელები მცირე რაზმით ღამით გამოვიდნენ თესპიადან ათენის ნავსადგომის, პირეოსის ხელში ჩასაგდებად. მათ განზრახული ჰქონდათ, მიეღწიათ ქალაქამდე და ღამის წყვილიდან დაეპყროთ იგი. მაგრამ მტერმა დრო ვერ განსაზღვრა: მან ნავსადგომს მაშინ მიაღწია, როცა მზის შუქი ანათებდა უკვე მიადმოს. გუშაგებმა განგაში ატეხეს. ნავსადგომის კარიბჭე ჩარაზული აღმოჩნდა. მოულოდნელი თავდასხმა ვერ განხორციელდა, სპარტელებმა სამარცხვინოდ დაიხიეს უკან.



თავზარდაცემული ათენელები სახლებიდან იარაღით ხელში გამორბოდნენ. მათ აღშფოთებასა და მღელვარებას საზღვარი არ ჰქონდა. დაუხანებლივ შედგა სახალხო კრება. სპარტაში გაგზავნეს ელჩები საზავო ხელშეკრულების ვერაგული დარღვევისათვის დამნაშავეთა დასჯის მოთხოვნით.

შეიტყვეს რა ამ მარცხის ამბავი, აგესილაოსმა და ეფოროსებმა სპარტელი მხედართმთავარი სამსჯავროს გადასცეს, მაგრამ თავადვე შეუნყვეს ხელი გაქცევაში. ეფოროსებმა განუცხადეს ათენელ ელჩებს, რომ დამნაშავე მათგან დაუკითხავად მოქმედებდა და ამიტომ სპარტის ხელისუფლება პასუხს არ აგებს მის საქციელზე. აგესილაოსის დაჟინებითი მოთხოვნით მსაჯულებმა გაამართლეს ზავის დამრღვევი.


ამან ათენში დიდი აღშფოთება გამოიწვია. სახალხო კრებამ სპარტას ომი გამოუცხადა. ათენელებმა ჯერ კიდევ ადრე გაუწიეს დახმარება თებედან გაძევებულებს კადმეას დაბრუნებასა და დემოკრატიის აღდგენაში. ახლა ათენელებმა თებელებთან ერთად დაიწყეს ბრძოლა სპარტის წინააღმდეგ საბერძნეთის გათავისუფლებისათვის.

სპარტის ლაშქრის სათავეში იდგა მეორე მეფე, სახელად კლეომბროტოსი. იგი გაუბედავად იბრძოდა. მაშინ აგესილაოსმა, მიუხედავად ხანდაზმულობისა (იგი 70 წელს იყო უკვე გადაცილებული), თავის თავზე აიღო ერთ-ერთი რაზმის მეთაურობა და ბეოტიისკენ წარიმართა. მალე ბრძოლისას მძიმედ დაიჭრა და ხანგრძლივი დროით ლოგინად ჩავარდა.

აგესილაოსის ავადმყოფობისას სპარტელებმა მრავალი უბედობა დაითმინეს ხმელეთსა და ზღვაზე; ისინი პირველად დამარცხდნენ თებელებთან ბრძოლაში ტეგირას მახლობლად. სპარტის მოკავშირეთა შორის მღელვარებამ იჩინა თავი. ისინი თვლიდნენ, რომ აგესილაოსმა თებელებთან ბრძოლა დაიწყო პირადი უთანხმოებების გამო და განაცხადეს, რომ აღარ სურთ სპარტის საბერძნეთში გაბატონებას შესწირონ თავი.

სპარტელები იძულებულნი გახდნენ, დათანხმებულიყვნენ ზავზე. საბერძნეთის ყველა სახელმწიფოს წარმომადგენელმა სპარტაში მოიყარა თავი. თებედან წარგზავნილი სახელმძღვანელო მხედართმთავარი ეპამინონდასი თავყრილობაზე გამოვიდა სპარტელთა წინააღმდეგ მიმართული ბრძნული სიტყვით. „საბერძნეთი, – ამბობდა იგი, – იტანჯება ძმათა შორის სისხლისმღვრელი ომებით. მას მშვიდობა სწყურია. დროა ვალიაროთ საბერძნეთის ყველა სახელმწიფოს თანაბარუფლებიანობა“. თავშეყრილებმა ერთსულოვნად დაუჭირეს მხარი ეპამინონდასს.

მაშინ აგესილაოსმა თებეს გარდა ყველა სახელმწიფოს შესთავაზა ზავი. იგი თვლიდა, რომ მოკავშირეთა გარეშე დარჩენილ თებელებს სპარტელები იოლად სძლევენ. საბერძნეთის სახელმწიფოთა უმეტესობამ სპარტასთან ზავი დადო.



სპარტის ეფოროსებმა კვლავ გამოუცხადეს ომი თებეს. მეფე კლეომბროტოსმა, რომელიც თავის ლაშქართან ერთად ფოკისში (შუა საბერძნეთი) იმყოფებოდა, ბრძანება მიიღო დაუხანებლივ დაძრულიყო ბეოტიისკენ. სპარტის მოკავშირეები, მრისხანე აგესილაოსის შიშით, უხალისოდ და ზანტად ჩაებნენ ბრძოლაში. მეფე კლეომბროტოსი დიდძალი ლაშქრით დაიძრა პირდაპირ თებესკენ, რათა ერთხელ და სამუდამოდ გადაეწყვიტა მისი ბედი.

თებედან 10 კილომეტრის დაშორებით ლევკტრასთან მოხდა საქვეყნოდ ცნობილი ბრძოლა. თებელთა სათავეში იდგა ეპამინონდასი – ძველი სამყაროს მთავარ სარდალთაგან აღმატებულად გამორჩეული.

ეპამინონდასმა პირველად გამოიყენა ახალი წყობა – ირიბი სოლი; მან ლაშქრის ძირითად ძალას თავი მოუყარა მარცხენა ფრთაზე, შეასუსტა რა შუა ნაწილი და მარჯვენა ფრთა. გრძელი შუბებით შეიარაღებული თებელების 50 ფარის სიღრმის ძალუმი ფალანგა თავს დაესხა სპარტელთა მარჯვენა ფრთას და ერთიანად მოსრა იგი. შემდეგ ეპამინონდასმა გაარღვია მტრის შუაგული და მარჯვენა ფრთიდან ალყაში მოიქცია იგი. სპარტის არმია ერთიანად განადგურდა. მეფე კლეომბროტოსი, 1000 სპარტელი და მოკავშირეთა მრავალი მეომარი ბრძოლის ველზე დაეცა.

სპარტაში კლეომბროტოსის დამარცხების ამბავი ზეიმის დღეს მივიდა. ქალაქი სახვე იყო სტუმრებით, რომლებიც თეატრში მომღერალთა გამოსვლებს ისმენდნენ. ეფოროსებმა ბრძანეს, გაეგრძელებინათ ზეიმი.

დილით, როდესაც ცნობილი გახდა გადარჩენილთა და დაღუპულთა სახელები, მგლოვიარენი ქალაქის მოედანზე შეიკრიბნენ და სიამაყით ულოცავდნენ ერთმანეთს, რომ მათი ძმები და ქმრები დაიღუპნენ სამშობლოსათვის. გადარჩენილ მეომართა დედები ელოდნენ შვილებს და ნაღვლიანი მღუმარებით დაღუპულთა ნათესავეებისადმი თანაგრძნობას გამოხატავდნენ.

ლევკტრასთან დამარცხება სპარტისგან მეკავშირეთა განდგომის ნიშანი იყო. სპარტელებს ახლა უკვე მარტო უწევდათ ბრძოლა მრავალრიცხოვანი მტრის წინააღმდეგ. ისინი შიშობდნენ, რომ ეპამინონდასი შემოიჭრებოდა პელოპონესოსში. აგესილაოსი და ეფოროსები ვერ ბედავდნენ ბრძოლაში ცოცხლად გადარჩენილ მეომართა წესისამებრ დაგმობასა და მათთვის მოქალაქეობის ჩამორთმევას; ისინი ბევრნი იყვნენ და ეფოროსებს მათი ამბოხებისა ეშინოდათ. მიუხედავად ამისა, სპარტელები დაბრუნებულებს შეურაცხყოფდნენ და მასხრად იგდებდნენ; ქალწულთათვის სამარცხვინოდ ითვლებოდა მათზე დაქორწინება. აგესილაოსმა კი ისინი კვლავ გაიწვია ლაშქარში და სასწრაფოდ განაჩინა ქალაქს.



ამასობაში ეპამინონდასი ორმოცი ათასიანი ლაშქრით ლაკონიკეში შეიჭრა და დაარბია იგი. ექვსი საუკუნე იწურებოდა, რაც სპარტის მიწას არ უნახავს მტერი: ვერავინ ბედავდა აქ შემოჭრას, თუმცა მის დედაქალაქს, სპარტას, კედლები არ ჰქონდა. სპარტელები ყოველთვის ამაყობდნენ იმით, რომ მათი საუკეთესო დამცველი მოქალაქეთა სიქველე იყო.

აგესილაოსს ესმოდა, რომ მტრის აღმატებულ ძალებთან აშკარა ბრძოლა შეუძლებელი იყო. მან ქალაქი მიწაყრილებითა და ზვინულებით გაამაგრა, ქუჩები გადათხარა; შედარებით მნიშვნელოვან მაღლობებზე ჰოპლიტები განალაგა. თავისუფლება ეძლეოდათ იმ ჰელოტებს, რომლებიც არმიაში საკუთარი ნებით შევიდოდნენ. 6000 ჰელოტზე მეტმა მიიღო თავისუფლება.


მოხუცები და ქალები შიშმა მოიცვა იმ მრავალრიცხოვანი მტრის ხილვაზე, რომელიც ევროტასის მეორე ნაპირზე განლაგდა. ამ უბედურებებში აგესილაოსს ადანაშაულებდნენ. ისინი ამბობდნენ, რომ მისი ტახტზე ასვლისას სპარტა ძალმოსილების მწვერვალზე იდგა, ახლა კი იგი დაღუპვის პირამდგა მისულიო. იგონებდნენ აგესილაოსის სიამაყით წარმოთქმულ ამ სიტყვებსაც: „სპარტელ ქალებს არასოდეს დაუნახავთ მტრის ცეცხლის კვამლი“. გადმოგვცემენ, რომ ერთ ათენელს უთქვამს სპარტელისათვის: „ჩვენ არაერთგზის გაგვიდევნიხართ თქვენ კეფისოსის ნაპირებიდანო“. „სამაგიეროდ, – მიუგია სპარტელს, – ჩვენ არასოდეს გაგვიდევნიხართ თქვენ ევროტასის ნაპირებიდანო!“

ეპამინონდასი ვერ ბედავდა ევროტასის საგაზაფხულო მოქცევის გამო მის მეორე ნაპირზე გასვლასა და სპარტაზე თავდასხმას. მან უკან დაიხია და ზამთრის დადგომის უამს ლაკონიკეს განერიდა. სპარტა გადარჩა.

შემდგომ გაზაფხულზე ომი განახლდა. სპარტელთა მხარეს გადავიდნენ თებელთა ძალმოსილებით დაშინებული ათენელები. თებეს მოკავშირე პელოპონესოსის სახელმწიფოთა შორის თავი იჩინა უთანხმოებამ, რის გამოც ეპამინონდასი იძულებული გახდა, რამდენიმეგზის დაელაშქრა პელოპონესოსი, რათა იარაღის ძალით შეენარჩუნებინა მოკავშირენი.

ერთხელ ეპამინონდასმა კინალამ აიღო სპარტა (ძვწ. 362 წ.). არკადიის ქალაქ მანტინეას მოქალაქეებმა დახმარება სთხოვეს სპარტელებს. აგესილაოსი გაეშურა მათ მისაშველებლად.

ეს გაიგო თუ არა, ეპამინონდასმა, ლამით შეუძინევლად დაიხია არკადიის ქალაქ ტეგეადან; რომელიც ალყაში ჰყავდა მოქცეული და აგესილაოსისაგან შეუძინევლად პირდაპირ სპარტისკენ გაეშურა. ვილაც კრეტელმა ათენელთა ჯარის გადაად-



გილების ამბავი აგესილაოსს აცნობა და მეფემაც დაუხანებლივ ისწრაფა დედაქალაქისაკენ. ამასობაში ეპამინონდასმა შეძლო ევროტასის მეორე ნაპირზე გასვლა.

თებელები შეტევაზე გადავიდნენ, მაგრამ ამ დროს გამოიჩნდა აგესილაოსიც თავისი ჯარით. მტერმა მოახერხა ქალაქში შეჭრა. მათ მიაღწიეს აგორასაც კი და დაიკავეს ევროტასის მარჯვენა ნაპირას მდებარე მალელობები. მაგრამ სხვა ადგილებში თავდასხმა მოიგერიეს შეუპოვარი სიმამაცით მებრძოლმა სპარტელებმა. ღრმად მოხუცებული მეფე აგესილაოსი ლომივით იბრძოდა თავისი ლაშქრის წინა რიგებში. სპარტის ყოველი ქუჩა, ყოველი სახლი სიმაგრედ იქცა. ქალები და ბავშვები სახლების სახურავებიდან მტერს თავზე აყრიდნენ კრამიტებს.


სპარტელებმა შეძლეს მტრის შეკავება მოკავშირეთა მოსვლამდე. ეპამინონდასი იძულებული გახდა, ქალაქიდან გასულიყო.

მშობლიური ქალაქისათვის ბრძოლაში მრავალმა სპარტელმა გასაოცარი სიმამაცე გამოიჩინა. გადმოგვცემენ, რომ ერთი ახალგაზრდა სპარტელი სახლიდან შიშველი გამოვარდნილა შუბითა და მახვილით ხელში. იგი ჩეხავდა და კლავდა მტერთაგან ყოველს, ვინც კი გზად შემოხვდებოდა, თავგანწირულად იბრძოდა მანამ, ვიდრე მტერი უკუ არ იქცა. ბრძოლების შემდეგ ეფოროსებმა იგი გვირგვინით შემოსეს ამ სიმამაცისთვის, თუმც ამავ დროს ჯავშნის გარეშე ბრძოლის გამო დააჯარიმეს.

რამდენიმე დღის შემდეგ მანტინეასთან გადამწყვეტი ბრძოლა მოხდა (ძვ.წ. 362 წ.) თებელებმა გაიმარჯვეს, მაგრამ ძვირი დაუფრდათ ეს გამარჯვება: დიდი ბელადი ეპამინონდასი სასიკვდილოდ დაიჭრა. იგი კარავში მოასვენეს. როდესაც მას თებელთა გამარჯვების ამბავი ამცნეს, ესლა აღმოხდა: „მე ვკვდები, მაგრამ თქვენ ორ უკვდავ ქალიშვილს გიტოვებთ – ლევკტრასა და მანტინეას“. ამ სიტყვებთან ერთად მან იარიდან შუბის ნატეხი ამოიღო და სული განუტევა.

მანტინეასთან ბრძოლის შემდეგ თებელებმა მძიმე დანაკლისის გამო ველარ შეძლეს ბრძოლის გაგრძელება. დაიდო ზავი: სპარტამ პელოპონესოსის ყველა სამფლობელო დაკარგა, გარდა ლაკონიკისი. აგესილაოსის ყოველი ცდა მესენიის შესანარჩუნებლად, მარცხით დამთავრდა.

ზავის დადების შემდეგ მრავალჭირნახულ აგესილაოსს არ შეეძლო სიკვდილის მოლოდინში მშვიდად ჯდომა. ოთხმოცი წლის მოხუცი, მაგრამ ჯერ კიდევ ენერგიით აღსავსე, დაქირავებულ ჯარს ჩაუდგა სათავეში და ეგვიპტისკენ გასწავა სპარტელთა წინააღმდეგ მებრძოლი მმართველის, ტაქოსის დასამორჩილებლად. მალე აგესილაოსმა მიატოვა ტაქოსის წინააღმდეგ ბრძოლა და გადავიდა მისი



მეამბოხე ძმისწულის, ნექტანებოსის მხარეს. იგი დაეხმარა მას და ეგვიპტის მმართველად გამოაცხადა.

შემდეგ აგესილაოსი სპარტაში დასაბრუნებლად გაემზადა, მაგრამ ნავსადგომ მენელაოსში (დასავლეთ ეგვიპტე) გარდაიცვალა, 85 წლის ასაკში (ძვ.წ. 361/60 წ.).

მეფე, თავის წინაპართა ადათის თანახმად, სპარტაში უნდა დაკრძალულიყო. აგესილაოსის თანამგზავრებმა მიცვალებულის გვამი ცვილით დაფარეს და სპარტაში ჩამოასვენეს.





პელოპიდასი

თავალი მთავარსარდალი


(ძვ.წ. IV ს.)



სთენის მახლობლად მდებარეობდა ბეოტიის სახელმწიფო, რომლის მთავარი ქალაქი იყო თებე. ჰომეროსი მას „შვიდბჭე თებედ“ მოიხსენიებდა. ამ ეპითეტით დარჩა იგი ისტორიის მენსიერებაში. თებეს სახელს მრავალი ლეგენდარული ამბავი უკავშირდება. საკმარისია, გავიხსენოთ კადმოსის, ოიდიოსისა თუ ანტიგონეს მრავალ შემოქმედთა შთამაგონებელი სახელები.

ძვ.წ. IV საუკუნისთვის თებე საბერძნეთის მნიშვნელოვან პოლიტიკურ ცენტრად იქცა, რაც ისტორიოგრაფოსთა აზრით, მისი მმართველების, პელოპიდასისა და ეპამინონდასის დამსახურება იყო. მათი ცხოვრება სიმამაცის, უანგარობისა და სამშობლოსადმი არნახული ერთგულების ნიმუშად შეირაცხა. ისინი იყვნენ უბრწყინვალესი სახელმწიფო მოღვაწეები და ნიჭიერი მთავარსარდლები, რომლებმაც გასაოცარი გამირობებით გაუთქვეს სახელი სამშობლოს. პელოპიდასისა და ეპამინონდასის გამარჯვებათა წყალობით თებე მთელ საბერძნეთზე გაბატონდა, თუმცა მცირე ხნით. ორთავე გამირის უდროო სიკვდილი ბრძოლის ველზე თებელთათვის საბედისწერო აღმოჩნდა.

პელოპიდასი თავდაუზოგავმა სიმამაცემ იმსხვერპლა. მეგობართაგან ზოგი აღფრთოვანებით ასხამდა ზოტბას მის გასაოცარ შემართებასა და გამბედაობას, ზოგიც კიცხავდა მას ამის გამო. ძველად ბერძენნი სამართლიანად მიიჩნევდნენ, რომ სიმამაცე და თავგანწირვა ერთი და იგივე არ იყო. მათი აზრით, ის, ვინც არ უფრთხილდება თავის სიცოცხლეს, ყოველთვის როდია ჭეშმარიტად გულადი. ისტორიამ ამის მრავალი ნიმუში შემოგვინახა: ერთხელ ცნობილმა მხედართმთავარმა ყურადღება მიაპყრო სუსტსა და დაძაბუნებულ მეომარს, რომელიც მტერს ლომივით



ერკინებოდა. როდესაც ბრძოლა დასრულდა, მეომრის ავადმყოფური გამომეტყველებით გაოცებულმა მხედართმთავარმა თანაგრძნობით იკითხა, თუ რა იყო მისი სიფერმკრთალის მიზეზი. აღმოჩნდა, რომ მეომარს მძიმე სენი შეჰყროდა და გამოჯანმრთელების იმედი აღარ ჰქონდა. მხედართმთავრის ბრძანებით ექიმებმა ყოველი ღონე იხმარეს მის განსაკურნავად. მაგრამ მას შემდეგ, რაც იგი გამოჯანმრთელდა, საფრთხეში აღარ იგდებდა თავს. მხედართმთავრის საყვედურის პასუხად მას ასე უთქვამს: „შენი მიზეზითა ვარ მხდალი, რადგან განმკურნე იმ სენისაგან, რომელიც მაიძულებდა, სიცოცხლე არად ჩამეგდო“. ასე რომ, სიმამაცე ვერ სდებს პატივს მას, ვინც სიცოცხლის წილ ეძიებს სიკვდილს. ჭეშმარიტად გულადი მხოლოდ ის არის, ვისაც სიცოცხლე უყვარს და თავს მხოლოდ საერთო საქმისთვის სწირავს.

ძველი მხედართმთავრები აღნიშნავდნენ, რომ ლაშქრის ხელები ქვეითნი არიან, ფეხები – ცხენოსნები, ხოლო თავი კი მთავარსარდალია. მას სძულს საფრთხე, რამეთუ საკუთარი თავი კი არ უნდა განიროს მხოლოდ, არამედ მასზე მინდობილი ხალხის სიცოცხლეც. მხედართმთავრის სიკვდილმა, შესაძლოა, მთელი საქმე დალუპოს. ამიტომ მან უბრალო მეომარივით როდი უნდა ჩაიგდოს თავი საფრთხეში. ეს აზრი დაეხადება ყოველს, ვინც კი წაიკითხავს პელოპიდასის ცხოვრების ამბავს.

პელოპიდასი, ჰიპოკლესის ძე, თებეს წარჩინებულთა მოდგმის ჩამომავალი იყო. მას არაფერი დაჰკლებია ბავშვობაში. ხოლო ჭაბუკმა მიიღო უზარმაზარი გემკვიდრეობა, რომელიც კიდევ უფრო გაიზარდა ილბლიანი ქორწინების შემდეგ. და მანაც, იგი როდი ამყობდა თავისი სიმდიდრით, ცხოვრობდა უბრალოდ, ჭამდა ზომიერად და კუთვნილ სახსრებს უქონელთა დასახმარებლად ხარჯავდა, მთელ დროს საზოგადოებრივ საქმიანობას უთმობდა.

ერთხელ მეგობრებს უთქვამთ პელოპიდასისათვის: „ნუთუ ვერ ხვდები, რომ ცხოვრებაში ფულია მთავარი“. „დიახ, ფული აუცილებელია... აი, ამ კაცისთვის“, – მიუგია მას და ბრმა ხეიბარი დაუნახვებია მათთვის.

მისი უახლოესი მეგობარი იყო შემდგომში სახელმწიფოებრივი მხედართმთავარი ეპამინონდასი. ისინი ერთნაირად იყვნენ ბუნებისაგან მიმადლებული ნიჭით და უჯილდოებულნი. პელოპიდასს უფრო მოსწონდა სხეულის ვარჯიშები, ეპამინონდასს კი – გონებრივი. ერთი თავისუფალ დროს ატარებდა გიმნასიონში, დადიოდა სანადიროდ, ხოლო მეორე – საუბრობდა ფილოსოფოსებთან.

მათი მეგობრობა პელოპონესოსის ომის დროიდან დაიწყო. მაშინ თებელები არკადიელებისა და ათენელების წინააღმდეგ იბრძოდნენ. რაზმი, რომელშიც პელოპიდასი და ეპამინონდასი ჰოპლიტებად მსახურობდნენ, უკუიქცა, მხოლოდ ორი მეგობარი დარჩა ბრძოლის ველზე და მტერს გამირულად ეომებოდა.



მტერი კი მრავლად იყო. მძიმედ დაჭრილი პელოპიდასი დაეცა. ეპამინონდასს ეგონა, რომ იგი მოკლეს, მაგრამ გმირულად განაგრძობდა ბრძოლას მისი ცხედრისთვის. თავად მკერდსა და მკლავში დაჭრილი იგი მარტოდმარტო ებრძოდა ბევრს, რამეთუ თვლიდა, რომ უმჯობესი იყო მომკვდარიყო, ვიდრე უპატრონოდ მიეგდო სულამობდილი მეგობარი. და აღარც ჩანდა ხსნის იმედი, რომ მოულოდნელად გამოჩნდა სპარტელთა მეფე, რომელმაც გადაარჩინა მეგობრები.

იმ დროიდან ისინი განუყრელად ერთად იყვნენ და ერთმანეთისადმი უანგარო ერთგულებით განვლეს ხანმოკლე, მაგრამ მღელვარე და ბობოქარი ცხოვრება. მათ არაერთგზის უბრძოლიათ ერთად, არაერთგზის ყოფილან ერთად მხედართმთავრები და სახელმწიფოს განმგებლები. მათ გულებში არასოდეს დაუბუდებია შურსა თუ შულს. ისტორიამ იცის, თუ როგორ მტრობდნენ ერთმანეთს არისტიდასი თუ თემისტოკლესი, კიმონი თუ პერიკლესი, ნიკიასი თუ ალკიბიადესი. მით უფრო საოცარია პელოპიდასისა და ეპამინონდასის მეგობრობა. მათი ურთიერთსიყვარულის მიზეზი ის იყო, რომ ისინი იბრძოდნენ არა პირადი დიდებისა და კეთილდღეობისათვის, არამედ სამშობლოს ძლიერებისათვის. აი, რატომ მიიჩნევდნენ ისინი ერთმანეთის წარმატებას საკუთარ გამარჯვებად.

იმხანად მდიდარმა არისტოკრატებმა არქიასმა, ლეონტიადესმა და ფილიპოსმა სპარტელთა დახმარებით თებში სახელმწიფო გადატრიალების მოწყობა ჩაიფიქრეს. მათ მოლაპარაკება გამართეს სპარტელ მხედართმთავარ ფოიბიდასთან, რომელიც ძლევამოსილი რაზმით თებეს მახლობლად იყო დაბანაკებული. იგი დათანხმდა, დახმარებოდა არისტოკრატებს.

ფოიბიდასმა განიზრახა, თავს დასხმოდა თებეს სიმაგრე კადმეას ღვთაება დემეტრესადმი მიძღვნილი ზეიმის დღეს. ეს სიმაგრე ქალაქის განაპირას იდგა და იოლი იყო მასთან შეუმჩნეველად მიახლოება.

თებელებს ფიქრადაც არ მოსვლიათ, რომ სპარტელი ფოიბიდასი განიზრახა და მათზე თავდასხმას. შუა დღეს, როდესაც სიცხემ ხალხი აიძულა, დაეტოვებინა ქუჩები, მოლალატი ლეონტიადესმა შეუმჩნეველად მიიყვანა ფოიბიდასი კადმეასთან, სადაც იმხანად იქ მხოლოდ ქალები იმყოფებოდნენ.

როდესაც სპარტელმა მხედართმთავარმა ხელთ იგდო თებეს ციხე-სიმაგრე კადმეა, მთელი ქალაქი მის ძალას დაემორჩილა. დემოკრატების ბელადი სპარტის გზას გაუყენეს და იქ დასაჯეს. პელოპიდასმა და სხვებმა მოასწრეს ათენში გაქცევა. ეპამინონდასი ქალაქში დარჩა: მას საფრთხე არ ემუქრებოდა, რადგანაც მშვიდობიან და საზოგადოებრივი ცხოვრებისგან განდგომილ კაცად ითვლებოდა.

სპარტელებმა ფოიბიდასს მოჩვენებითი სასჯელი დაადეს და მხედართმთავრობა ჩამოართვეს. სინამდვილეში კი მეფეები და ეფოროსები სავსებით ამართლებ-



დნენ თებეს დაპყრობას. მდიდარი არისტოკრატები არქიასისა და ლეონტიადესის მეთაურობით, სპარტის სამხედრო ძალაზე დაყრდნობით, თებეს სრულუფლებიანი მმართველები გახდნენ.

არქიასისა და მის მომხრეთა ძალაუფლება შეუვალი ჩანდა: მათ ხომ ვერავინ დაამხობდა, ვიდრე სპარტა მინისა და ზღვის მბრძანებელი იქნებოდა. გაძევებული დემოკრატები ათენშიც კი ვერ გრძნობდნენ თავს უსაფრთხოდ. იქაც გაგზავნეს არისტოკრატებმა დაქირავებული მკვლელები, რომლებმაც ერთერთი მათგანი განგმირეს კიდეც. ყოველ წუთს მოსალოდნელი იყო, რომ ყოველის შემძლე სპარტის შიშით ათენელები თავშესაფარს წაართმევდნენ გაძევებულებს.

მრავალი დაეცა სულთ, მაგრამ პელოპიდასი, თუმცა ასაკით ყველაზე უმცროსი იყო, მათ ამხნევებდა და ერთობლივი მოქმედებისკენ მოუწოდებდა: „სამარცხვინოა, – ამბობდა იგი, – დამონებულ სამშობლოს ჭკრეტდე! წუთუ ის უნდა გვახარებდეს ჩვენი უბადრუკი სიცოცხლე რომ შევინარჩუნეთ? ჩვენ იძულებულნი ვართ ვეპირფეროთ და ქედი ვუხაროთ ყოველს, ვინც კი ათენის სახალხო კრებაზე რალაც გავლენით სარგებლობს. უმჯობესია, ათენელ გაძევებულებს მივბაძოთ. დამარცხების შემდეგაც კი შეძლეს ათენელებმა თავიანთ სამშობლოში დემოკრატიის აღდგენა. მიუხედავად სპარტის ძალმოსილებისა, მათ დაამხეს წარჩინებულთა ძალაუფლება. ჩვენც შევძლებთ, ბოლო მოვუვლოთ არისტოკრატთა ბატონობას ჩვენს სამშობლოში“.

პელოპიდასის სიტყვებმა ლტოლვილთა მიმქრალი სიმხნევე კვლავ ალაგზნეს. თებედან გაძევებულებმა თავიანთ მომხრეებს სამშობლოში ამცნეს, რომ ბრძოლა გრძელდება.

თებეში დარჩენილი დემოკრატები ამ ამბავმა ფრიად გაახარა. ერთერთმა მათგანმა, ქარონმა, რომელსაც ქალაქში საპატიო თანამდებობა ეკავა, თავისი სახლი შესთავაზა გაძევებულებს თავშესაფრად. სხვამ – ფილოსმა – შეძლო თებეს მმართველთა მომადლიერება და მათი ნდობით აღჭურვილი პირი გახდა.

ეპამინონდასი უკვე დიდი ხანია მოუწოდებდა ახალგაზრდებს უცხოელთა ბატონობის დასამხობად. გიმნასიონებში, როდესაც ახალგაზრდა თებელები დამარცხებდნენ ხოლმე სპარტელებს, ეპამინონდასი მათ არწმუნებდა, რომ მხოლოდ სიმხდალის გამო ემონებიან ისინი იმ სპარტელებს, რომელთაც ძალითაც და მოხერხებითაც ესოდენ აღემატებიან.

ამასობაში გაძევებულებმა შეადგინეს შეთქმულების გეგმა და მისი აღსრულების დღეც დანიშნეს. შეთქმულთა დიდი ნაწილი დარჩა თებეს საზღვართან, მხოლოდ თორმეტმა კაცმა, პელოპიდასის მეთაურობით, გააგრძელა გზა თებესაკენ.



ისინი მოკლე მოსასხამებში იყვნენ გამოწყობილნი, მიდიოდნენ ძაღლებითა და ბადეებით, რათა გამვლელებს მონადირეებად მიეჩნიათ.

გზად ქელოპიდასი და მისი მეგობრები დაიყვნენ და გამთენიისას სხვადასხვა კარიბჭედან შეაბიჯეს ქალაქში. ინყებოდა მძლავრი ქარბუქი. სიცივისა და უამინდობის გამო ყველა სახლს შეფარებოდა, ქუჩებში არავინ იყო. შეთქმულებმა შეუმჩნევლად მიაღწიეს ქარონის სახლს, სადაც მათ უკვე ელოდნენ მეგობრები. სულ 48 კაცი შეიკრიბა.

ფილისმა კი ამ დღეს თებეს არისტოკრატ-მმართველებს დიდი ნადიმი გაუმართა თავის სახლში. იგი შეეცადა, ისე გამოეთრო სტუმრები, რომ დაუბრკოლებლად გადაეცა შეთქმულთა ხელში.

სტუმრები თითქმის მთვრალეები იყვნენ, როდესაც ხმა დაირხა, გაძევებულები ქალაქში დაბრუნდნენო. ნაღვინემა არქიასმა გადანყვიტა ქარონის დაკითხვა, რამეთუ თვლიდა, რომ ამ საყოველთაოდ პატივდებულ კაცს ყველაზე უკეთ ეცოდინებოდა, რა ხდებოდა ქალაქში.

იმ დროს ქარონის სახლში შეთქმულები თავდასხმისათვის ემზადებოდნენ, საომრად იმოსებოდნენ. მოულოდნელად კარებზე დააბრახუნეს. მოვიდა მონა და არქიასს ქარონის ბრძანება გადასცა. ყველას ეგონა, რომ შეთქმულება გამჟღავნდა და მთელი საქმე დაიღუპა. მაინც გადანყვიტეს, რომ ნასულყო ქარონი, იქნებ რაიმე ელონა.

ქარონი მამაცი კაცი იყო და არასოდეს ეცემოდა სულით. მას მხოლოდ იმისი ეშინოდა, რომ მეგობრებს არ დაებრალეზინათ მისთვის შეთქმულების გაცემა.

ქალთა სამყოფელიდან მან მოაყვანინა თავისი საყვარელი ვაჟი და მეგობრებს სთხოვა, არ დაენდოთ იგი, თუკი მას, ქარონს, შეთქმულთა გაცემა მოუხდებოდა. აზრი იმაზე, რომ მისი შვილი მძევლად დარჩა, ფიქრობდა იგი, შეთქმულთა გაცემას არ დაანებებდა, თუკი მტერი მის ნამებას განიზრახავდა. დაინახეს რა ქარონის კეთილშობილება, გაძევებულებმა მოითხოვეს, ბავშვი განერიდებინათ საფრთხისგან. უმჯობესი იქნებოდა მისი გადამაღვა, რომ უკვე შემდგომ, თუ ეს საჭირო გახდებოდა, მამისათვის ეძია შური და სამშობლოს თავისუფლებისათვის ებრძოლა. „არა, – თქვა ქარონმა, – მე არ დავინდობ ჩემს შვილს. არაფერია მისთვის უფრო ძვირფასი, ვიდრე მამასთან და მეგობრებთან ერთად კეთილი საქმისათვის სიკვდილი“. ამ სიტყვებით იგი გამოეთხოვა მეგობრებს, გადაკოცნა ყოველი მათგანი, სთხოვა, მხნედ ყოფილიყვნენ და წაეიდა. არქიასის სახლთან მიახლოებულმა მთელი ძალა მოიკრიბა, რათა ხმასა თუ სახის გამომეტყველებაზე არაფერი დასტყობოდა.



არქიასი და ფილისი მის შესახვედრად გამოვიდნენ. „ქარონ, – მიმართა არქიასმა, – მე მამცნეს, რომ ქალაქში გაძევებულები იმალებიან და ზოგიერთ მოქალაქე მათ თურმე კიდევ თანაუგრძნობს“. „სად იმალებიანო ლტოლვილები?“ – ჰკითხა ქარონმა და პასუხიდან მისთვის ცხადი გახდა, რომ შეთქმულება ჯერ კიდევ არ გამჟღავნებულიყო. გახარებულმა ასე მიმართა ხელისუფალთ: „ნუ აღელდებით! ყველაფერს გავარკვევ და მოგახსენებთ“.

იქვე მდგომმა ფილისმა არქიასი შინ შეიყვანა, თან შეახსენა, რომ მეგობრები ელიან.

დაბრუნებულმა ქარონმა შეთქმულები უიმედო მდგომარეობაში იხილა: მათ ეგონათ, რომ ყველაფერი დაილუბა და სასიკვდილოდ განწყობილიყვნენ.


ერთმა საფრთხემ ჩაიარა, მაგრამ მოულოდნელად თავი იჩინა მეორემ, ამჯერად უფრო სერიოზულმა. ათენიდან არქიასთან მოვიდა მაცნე წერილით. ამ წერილში უკვე იყო არა ეჭვი, არამედ ზუსტი ცნობები შეთქმულებასა და მის მონაწილეებზე.

მაცნე არქიასს მიჰგვარეს მაშინ, როდესაც იგი ისე იყო გამომთვრალი, რომ ვეღარ აზროვნებდა. მაცნემ მიაწოდა არქიასს წერილი და უთხრა: „გთხოვენ დაუყოვნებლივ წაიკითხო, ეს მეტად მნიშვნელოვანია“. – „მნიშვნელოვანია? მაშინ ხვალამდე!“ – თქვა არქიასმა და გვერდზე გადასდო წერილი. ამ სიტყვებმა იმსხვერპლეს იგი.

დადგა მოქმედების დროც. შეთქმულები ორ ჯგუფად დაიყვნენ. ერთი ჯგუფი ქარონის მეთაურობით გაემართა არქიასის სახლისკენ, სადაც ნადიმი იყო გამართული. თორათა ზემოდან შეთქმულებს ქალთა სამოსი ეცვათ, ხოლო თავები, სახის დასაფარად, ფიჭვისა და ნაძვის რტოთა გვირგვინებით ჰქონდათ შემოსილი. დარბაზში შესულებს მთვრალი სტუმრები ტაშისკვრით შეეგებნენ, ასე ეგონათ, მათ გასართობად მოცეკვავე ქალები შემოიყვანეს.

შეთქმულებმა მახვილები იშიშვლეს და მოქეიფე არისტოკრატებს მისცივიდნენ. ფილისმა სტუმრებს უბრძანა, არ დაძრულიყვნენ ადგილებიდან, ბევრი დამორჩილდა, დანარჩენებმა თავის დაცვა სცადეს, მაგრამ მცირე ხანში დამარცხდნენ.

პელოპიდასსა და მის მეგობრებს უფრო მძიმე დავალების აღსრულება ხვდათ ნილად. მათ უნდა დაემორჩილებინათ ორი განმგებელი – ლეონტიადესი და ჰიპატოსი, რომლებიც ნადიმს არ ესწრებოდნენ. როდესაც ისინი ლეონტიადესის სახლს მიუახლოვდნენ, ყველას ეძინა და სახლის კარები ჩარაზული იყო. ისინი დიდხანს აბრაზუნებდნენ. როგორც იქნა გამოჩნდა ნახევრად მძინარი მონა და კარს ურდული ახსნა. გამოალო თუ არა კარი, შეთქმულები შეცივიდნენ სახლში, მონა ხმლის დაკვრით ჩამოიცილეს და საძინებელ ოთახს მიადგნენ. ხმაურზე ლეონტიადესმა საფ



როსე შეიგრძნო, ლოგინიდან წამოვარდა და მახვილი იშიშვლა. მოულოდნელობისაგან სინათლის ჩაქრობა დაავიწყდა, მისი საძინებელი ოთახი განათებული იყო, რამაც დალუპა კიდეც. მართალია, პირველი, ვინც შეხვდა შეთქმულთაგან, მან განგმირა, მაგრამ პელოპიდასთან ორთაბრძოლა მისთვის საბედისწერო აღმოჩნდა.

შემდეგ შეთქმულები ჰიპატოსის სასხლისკენ გაემართნენ. ჰიპატოსმა, როგორც კი ბრძოლის ხმა შეესმა, მეზობლის სახლისკენ გასწია, მაგრამ იგი გზად შეიპყრეს და განგმირეს.

შეთქმულთა განზრახვა აღსრულებული იყო. პელოპიდასმა დაუხანებლივ გაგზავნა მცნე ათენში დარჩენილ ლტოლვილებთან. შემდეგ შეთქმულებმა ხელთ იგდეს იარაღთა სანაყობები. ამბოხებულებს შეუერთდა ეპამინონდასი და ნანილი ახალგაზრდებისა, რომელთაც იგი თავის ბელადად და მოძღვრად მიაჩნდათ.

ქალაქი ლელავდა, ვერავინ ხვდებოდა, რა ხდებოდა: ქუჩებიდან საშინელი ხმაური მოისმოდა, ხალხი ჩირაღდნებით მიმორბოდა. ყველა სახლში ენთო შუქი, მაგრამ შეშინებული ადამიანები განთიადამდე არ გამოსულან გარეთ.


ათას ხუთასი მეომარი იყო იმ სპარტულ გარნიზონში, კადმეა რომ ჰქონდა დაკავებული. ამას გარდა, სპარტელებთან მრავალი არისტოკრატი გაიქცა. ასეთი ძალებით, რა თქმა უნდა, იოლად შეიძლებოდა შეთქმულთა მცირერიცხოვანი ჯგუფის დამარცხება. მაგრამ ხმაურმა, ჩირაღდანთა სიმრავლემ, ხალხის ბრბომ, რომელიც ყოველგან იკრიბებოდა, დააბნია სპარტელი მხედართმთავრები. ნაცვლად იმისა, რომ შეტევაზე გადასულიყვნენ, მათ სპარტაში წარგზავნეს ელჩები დამხმარე ძალების მოთხოვნით.

გამთენიისას თებეს მოადგნენ შეიარაღებული ლტოლვილები, რომლებიც საზღვართან იყვნენ ჩასაფრებულნი. სახალხო კრებამ პელოპიდასი და ქარონი ბეოტარქოსებად (უმაღლესი თანამდებობის პირები თებეში) დანიშნა.

პელოპიდასმა სასწრაფოდ შეკრიბა ჯარი და ალყა შემოარტყა კადმეას. საჭირო იყო დამხმარე რაზმების მოსვლამდე განედევნათ იქედან სპარტელები. როდესაც თებელებმა იერიში მიიტანეს ციხე-სიმაგრეზე, სპარტელებმა ზავი მოითხოვეს და თებელებს ჯარების გაყვანის პირობა დაუდეს.

კადმეას გარნიზონს კიდეც ერთი დღით რომ შეენარჩუნებინა სიმაგრე, თებეს გათავისუფლება არ მოხერხდებოდა, რადგანაც ჯერ მეგარამდეც არ იყო უკანდახეული რაზმი მისული, რომ გზად შემოხვდა მის დასახმარებლად მომავალი სპარტელთა მძლავრი ლაშქარი მეფე კლეომბროტოსის მეთაურობით. მაგრამ უკვე გვიანი იყო. თებეში სპარტელთა მმართველობის აღდგენა აღარავის შეეძლო.

უკანდახეული გარნიზონის ორი სპარტელი მეთაური სიკვდილით დასაჯეს. მესამეს დიდი ჯარიმა გადაახდევინეს. ათენის სახალხო კრებამ სპარტელთა შიშით



უარი განაცხადა თებეს მოკავშირეობაზე. თებეს საქმეს თითქოს დაღუპვა ეწერა: მშველელი არ ჩანდა, თებე მძლავრი მტრის პირისპირ მარტო აღმოჩნდა. მაგრამ იმხანად ერთმა შემთხვევამ სპარტის წინააღმდეგ განაწყობა ათენელები.

სფოდრიოსმა, ბეოტიის ერთ-ერთ ქალაქში დაბანაკებული სპარტული გარნიზონის მხედართმთავარმა, სცადა ხელში ჩაეგდო ათენის ნავსადგომი პირეოსი, მაგრამ ამაოდ. მან მიაღწია ელევისს, მაგრამ იძულებული გახდა სამარცხვინოდ უკან დაეხია. ამბობენ, რომ სფოდრიოსი წააქეზაო პელოპიდასმა, რომელსაც სურდა, ათენსა და სპარტას შორის ჩამოეგდო განხეთქილება. მაგრამ უფრო სავარაუდოა, რომ სპარტელმა მხედართმთავარმა მეფე აგესილაოსის ბრძანება აღასრულა.

სპარტელთა ვერაგობით აღშფოთებულმა ათენელებმა მათ ომი გამოუცხადეს და თებესთან დადეს კავშირი. ამ ბრძოლის მთელი სიმძიმე თებელებს ხვდათ წილად. ისინი თავდაუზოგავად იბრძოდნენ სამშობლოს თავისუფლებისათვის და მრავალი ბრწყინვალე გამარჯვებაც მოიპოვეს სპარტელებზე, რომლებიც ხმელეთზე ჯერ არავის დაემარცხებინა.


პელოპიდასი და მისი მეგობარი ეპამინონდასი დიდებული მთავარსარდლები იყვნენ. ამასთანავე ეპამინონდასი თებეში საყოველთაოდ აღიარებული სამხედრო რეფორმის შემოქმედიცაა.

თებელებმა აღმოაჩინეს ტაქტიკის უმთავრესი წესი, რომელიც დღემდე გადაწყვეტად ითვლება ბრძოლათა წარმოების უამს: მნიშვნელოვან უბანს მთავარი დარტყმა რომ მიაყენო, ძალა მთელ ფრონტზე თანაბრად კი არ უნდა გაანაწილო, არამედ სწორედ იმ უბანთან უნდა მოუყარო თავი ძალის უდიდეს ნაწილს.

პირველად პელოპიდასმა ტეგირასთან გაანადგურა სპარტელები „პირდაპირი“ ბრძოლით. ეს გამარჯვება ეპამინონდასისთვის ღია კარივით იყო ლევეკტრას აღებისას.

პელოპიდასმა გადაწყვიტა, თავს დასხმოდა ბეოტიის ქალაქ ორქომენოსს, რომელსაც მიუახლოვდა „წმინდა რაზმისა“ და მცირერიცხოვანი მხედრონის თანხლებით. ქალაქის მახლობლად მან შენიშნა მოლაშქრე სპარტელთა ჯარი, რის გამოც თავის რაზმს უკან დაახვევინა. მაგრამ იქ წააწყდა სპარტელთა სხვა ლაშქარს, რომელიც მოპირდაპირე მხრიდან ბრუნდებოდა.

როდესაც სპარტელები გამოჩნდნენ ხეობაში, ერთ-ერთი მეომარი მიიჭრა პელოპიდასსთან და შესძახა: „ჩვენ მტერს ჩვეუვარდით ხელში!“ „იქნებ ის ჩვენ ჩავვივარდა ხელში?“ იკითხა პელოპიდასმა და ცხენოსანთა ჯარს უბრძანა, დაუყოვნებლივ იერიშზე გადასულიყო. თავად კი მძიმედ შეიარაღებულ ქვეითთა „წმინდა რაზმს“ ჩაუდგა სათავეში და მტრის ერთ ფრთას ეტყერა. სპარტელები უკუიქცნენ,



მათი მეთაურები ბრძოლის ველზე დაეცნენ. პელოპიდასი არ დადევნებია მათ, მან ახლა საბრძოლო მზადყოფნაში მდგომ მეორე ფრთას შეუტია და ისინიც უკუაქცია. თებულებმა მრავალრიცხოვან მტერზე ბრწყინვალე გამარჯვება მოიპოვეს. სპარტელებს ხომ არასოდეს უგემიათ დამარცხება მცირერიცხოვან მტერთან ბრძოლის ყაფს. ისინი ხომ საუკუნეთა განმავლობაში ამყობდნენ დაუმარცხებელი ძალით. სპარტელის სახელის გაგონებაც კი მტერს შიშის ზარს ჰგვრიდა.

წარუმატებლობა თან სდევდა სპარტელებს ზღვაზეც: ისინი ორგზის დაამარცხეს ათენელებმა. მაშინ სპარტელებმა გადაწყვიტეს, ზავი დაედოთ ათენელებთან და თებეს გარდა ყველა ბერძნულ სახელმწიფოსთან. თებულებს ისინი მთავარ მტრად მიიჩნევდნენ და მათ განადგურებაზე ოცნებობდნენ.

მეფე კლეომბროტოსი მძლავრი არმიით შეიჭრა ბეოტიაში. მძიმე განსაცდელის ჟამი ედგა თებეს: უღმობელი მტერი იმუქრებოდა, რომ ქალაქს მინის პირისგან აღგვიდა, ხოლო მოსახლეობას მონებად გაჰყიდდა. თებულები შეძრწუნდნენ.


პელოპიდასმა დაუხანებლივ გასწია ქალაქ ლევკტრასკენ, სადაც დაბანაკებული იყო თებეს ლაშქარი. გამოშვდილობებისას თვალცრემლიანი მეუღლე სთხოვდა, თავს გაფრთხილებოდა. „ასეთი რამ, ჩემო კარგო, – მიუგია პელოპიდასს, – უნდა უთხრან უბრალო მეომრებს: მთავარსარდალი თავს კი არა, სხვას უნდა უფროთხილდებოდესო!“

შეიკრიბა თებეს ლაშქრის სამხედრო საბჭო. ეპამინონდასმა მხედართმთავრებს მოუწოდა, მტერს შეებმოდნენ დაუხანებლივ. პელოპიდასმა მას მხარი აუბა. სხვა მხედართმთავრები მერყეობდნენ: ერთობ დიდი იყო შიში სპარტელთა წინაშე; მაგრამ მანც გადაწყდა, დაუყოვნებლივ შეეციათ მტრისთვის.

თებეს არმიის მთავარსარდალი ეპამინონდასი იყო, პელოპიდასი კი სათავეში ედგა რჩეულთა „წმინდა რაზმს“, რომელიც დიდ ძალას წარმოადგენდა და ცალკე იბრძოდა.

ეპამინონდასმა შეადგინა მოქმედების გეგმა. ჩვეულებრივ ბერძნები ძლიერ მებრძოლებს მარჯვენა ფრთაზე განალაგებდნენ ხოლმე, სუსტებს – მარცხენა ფრთაზე. ასე რომ, იმარჯვებდა მარჯვენა ფრთა, ხოლო შემდეგ კი მტერი ფალანგებიდან ესხმოდა თავს ერთმანეთს. ეპამინონდასი პირიქით მოიქცა: მან მძიმედ შეიარაღებულ ქვეითთა დიდ ძალას, რომლის სიღრმეც 50 რიგი იყო, თავი მოუყარა სპარტელთა ძლიერი (მარჯვენა) ფრთის წინ. თებულთა მოიერიშე ფალანგა შეიარაღებული იყო გრძელი შუბებითა და ირიბი სოლის შთაბეჭდილებას ტოვებდა.

სპარტელებმა შენიშნეს მტრის ასეთი განლაგება და დაიწყეს თავისი რიგების გადაადგილება. მეფე კლეომბროტოსმა უფრო დააგრძელა მარჯვენა ფრთა და ეპამინონდასის ალყაში მომწყვდევა განიზრახა.



ამ დროს პელოპიდასიც გამოჩნდა თავისი „წმინდა რაზმით“ და კლეომბროტოსს დაასწრო იერიში. მეფემ ვერც ფრთის გაშლა მოასწრო ალყის შემოსარტყმელად და ვერც მისი შემჭიდროვება უწინდებურად. „წმინდა რაზმის“ მძლავრმა შეტევამ სპარტელთა შეთხელებული რიგები გაანადგურა. მტერმა ამოსუნთქვაც ვერ მოასწრო, რომ მას მთელი ძალით დაესხა თავს ეპამინონდასი. სპარტელთა მარჯვენა ფრთა ერთნაირად მოისრა.

შემდეგ ეპამინონდასი ლაშქრის შუა გულში შეიჭრა და მტრის მარცხენა ფრთა თავისი აღმატებული ძალებითურთ გააცამტვერა. ბრძოლის ველზე დარჩა 1000 სპარტელი და მისი მრავალი მოკავშირე. მათ შორის იყო სიქველითა და სიმამაცით გამოჩენილი მეფე კლეომბროტოსიც. პელოპიდასმა და ეპამინონდასმა თანაბრად განიანთეს გამარჯვების დიდება (ძვ.წ. 371 წ.).

ლევკტრასთან გამარჯვებით თებულებმა არა მხოლოდ საკუთარი სამშობლო იხსნეს განადგურებისაგან, არამედ აღკვეთეს სპარტის მმართველობა მთელ საბერძნეთში. პელოპონესელ მოკავშირეთა დიდი ნაწილი ჩამოშორდა სპარტას და თებეს მიემხრო.

იღგა ზამთარი. ეპამინონდასისა და სხვა განმგებელთა თანამდებობაზე ყოფნის დრო იწურებოდა. თებეს კანონის თანახმად, განმგებელს (ბეოტარქოსს) სიკვდილი ელოდა, თუკი იგი ვადის გასვლისთანავე არ დათმობდა თანამდებობას. ბეოტარქოსები პასუხისმგებლობის შიშით ჯარების თანხლებით შინ დაბრუნდნენ. ეპამინონდასმა კი, პელოპიდასის რჩევით, გადაწყვიტა, რომ ბეოტიაში დასაბრუნებლად დროის დაკარგვას აზრი არ ჰქონდა.

იგი დიდძალი ლაშქრით პელოპიდასთან ერთად შეიჭრა სპარტის ლაკონიკეში, დაარბია და თავად სპარტასაც დაემუქრა.

ეპამინონდასის ამ ლაშქრობამ სპარტას დააკარგვინა არკადია და მესენია. სპარტას მხოლოდ უმნიშვნელო სახელმწიფოები დარჩა საბერძნეთში.

ამ ბრწყინვალე ლაშქრობიდან დაბრუნებულ ეპამინონდასსა და პელოპიდასს თებეს მოქალაქეთა დიდი ნაწილი აღფრთოვანებით შეეგება. მაგრამ აღმოჩნდნენ არაკეთილმოსურნე პირებიც, რომლებმაც ორთავე მთავარსარდლის სამსჯავროზე წარდგომა მოითხოვეს, რადგანაც მათ განმგებლობის კანონიერი უფლებები ვადის გასვლიდან კიდევ ოთხი თვით შეინარჩუნეს. ხალხმა გმირები გაამართლა. ეპამინონდასი ბრალდებას მშვიდად შეხვდა, პელოპიდასი კი, რამდენადაც უფრო ფიცხი იყო ბუნებით, აღაშფოთა თანამოქალაქეთა ამ უგუნურებამ.

ეპამინონდასი მალე ისევ გაეშურა სალაშქროდ პელოპონესოსზე. მაგრამ კორინთოს კედლებთან ბრძოლაში ბეოტიელები დამარცხდნენ, რადგანაც სპარტელებს დახმარება გაუწიეს ათენელებმა. ამ მარცხმა საბაბი მისცა მტრებს, გაეკიცხ-



ათ ეპამინონდასიცა და პელოპიდასიც. მონინააღმდეგეებმა ისიც კი შეძლეს, რომ სამსჯავროზე გაეყვანათ ეპამინონდასი და დროებით გაეთავისუფლებინათ ბეოტარქოსის თანამდებობიდან. და მინც, მომდევნო წელსვე ეპამინონდასი კვლავ სათავეში ჩაუდგა ლაშქარს და პელოპონესოსისაკენ დაიძრა.

იმხანად, საბერძნეთის ჩრდილოეთით მდებარე თესალიაში დაარსდა ახალი სახელმწიფო, რომელსაც განაგებდა თერას მმართველი ალექსანდრე. თესალიის ზოგმა სახელმწიფომ, არ ისურვა რა დამორჩილებოდა ტირანს, დასახმარებლად მიმართა თებეს. მაშინ პელოპიდასმა ბრძოლა გამოუცხადა ალექსანდრეს, რომელიც ლამობდა მთელ საბერძნეთზე გაბატონებას.

პელოპიდასმა ხელში ჩაიგდო თესალიის ქალაქი ლარისა და აიძულა ალექსანდრე მასთან მორჩილებით გამოცხადებულიყო. შემდეგ მან მაკედონიაში დააშოშმინა ტახტისთვის მებრძოლები და მძევლად აიყვანა მეფის უმცროსი ძმა ფილიპოსი (რომელმაც მოგვიანებით მთელი საბერძნეთი დაუმორჩილა მაკედონიას).

მაკედონიიდან თებესკენ მიმავალ პელოპიდასს ალექსანდრე ვერაგულად დაესხა თავს, დაატყვევა და თერაში ჩაიყვანა.

პელოპიდასის ტყვეობამ თებე ალაშფოთა. მის დასახსნელად დაუყოვნებლივ გაგზავნეს ლაშქარი თესალიაში.

პელოპიდასს ამყად და შეუდრეკლად ეკავა თავი მტერთა შორისაც. იგი აშკარად გამობდა ტირანის საქციელს და აცხადებდა, რომ არ ითხოვდა შეწყალებას და დაუხანებლივ იძიებდა შურს, თუ მიიღებდა თავისუფლებას.


„რატომ ესწრაფვის პელოპიდასი სიკვდილს?“ – იკითხა მეფემ, როდესაც მას თებელი მთავარსარდლის სიტყვები ამცნეს. „მიიტომ, რომ, – მიუგეს ტირანს, – შენც მალე მოგელება ბოლო, თუკი დასჯი პელოპიდასს. თებელები შურს იძიებენ ამ მკვლევლობისთვის“.

ამასობაში თებეს ლაშქარმა მიაღწია თესალიას, მაგრამ ვერ შეძლო პელოპიდასის გათავისუფლება. მაშინ თებედან გაიგზავნა ახალი ლაშქარი ეპამინონდასის მეთაურობით.

როდესაც ცნობილი გახდა, რომ მათკენ მოემართება სახელოვანი მთავარსარდალი, ალექსანდრეს მხედართმთავრები შეძრწუნდნენ. საკმარისი იყო ერთი შეტევაც კი და ტირანის ძალმოსილებას ბოლო მოეღებოდა.

მაგრამ ეპამინონდასმა უწინარეს ყოვლისა პელოპიდასის გათავისუფლება განიზრახა. მას ეშინოდა, რომ სასონარკვეთილი ტირანი მოკლავდა ტყვეს. ამიტომ რადაც არ უნდა დასჯდომოდა, უნდა დაეხსნა პელოპიდასი.

ალექსანდრემ ეპამინონდასთან ელჩები წარგზავნა დასაზავებლად, მაგრამ მთავარსარდალმა მხოლოდ დატყვევებული მეგობრის გათავისუფლება მოითხოვა. ასე



დაიხსნეს პელოპიდასი ტყვეობიდან და სამშობლოში დაბრუნებულს ისე შეხვდნენ, როგორც ჭეშმარიტ გმირს ხვდებიან.

მოგვიანებით თებულებმა შეიტყვეს, რომ სპარტელებმა და ათენელებმა ელჩები გაგზავნეს სპარსეთის მეფესთან თებეს წინააღმდეგ ბრძოლაში დახმარების თხოვნით. მაშინ მათაც გაგზავნეს სპარსეთში თავისი წარმომადგენლები პელოპიდასის მეთაურობით.

პელოპიდასისა და მისი მეგობრის ეპამინონდასის დიდების ამბავი მთელ სპარსეთში იყო განთქმული. როდესაც პელოპიდასი სპარსეთის მეფის წინაშე წარდგა, სატრაპები უმზერდნენ მას და გაოგნებულნი ამბობდნენ: „აი, ის კაცი, რომელმაც საბერძნეთში მოსპო სპარტელთა განმგებლობა. ეს მან აქცია სპარტა პელოპონესოსის ერთ უბადრეუკ სახელმწიფოდ, სპარტა, რომელიც სულ ახლახანს სპარსეთსაც კი ემუქრებოდა“.


პელოპიდასმა თავისი ელჩობა ბრწყინვალედ დააგვირგვინა: სპარსეთის მეფემ თებეს ელჩი დიდი პატივით მიიღო, უხვად დაასაჩუქრა და თებელთა ყველა სათხოვარის აღსრულების პირობა დაუდო.

პელოპიდასმა არ მიიღო სამეფო ძღვენი, რამეთუ თავისუფალი კაცის ღირსების შელახვად თვლიდა მეფის წყალობას. დაბრუნდა თუ არა თებეში, დიდძალი ლაშქრით გაემართა თესალიისკენ.

პელოპიდასმა არ აპატიო თურას ტირანს ვერაგობა და გადაწყვიტა, შური ეძია მიყენებული შეურაცხყოფისათვის. ამას გარდა, მას სურდა, დაემტკიცებინა ბერძენთათვის, რომ საბერძნეთში მხოლოდ თებულებს ძალუძთ ტირანთა და მეფეთა წინააღმდეგ ბრძოლა.

თესალიაში პელოპიდასს შეუერთდა მოკავშირეთა დიდი ლაშქარი, რომლის თანხლებითაც დაიძრა იგი ალექსანდრესკენ.

დაიწყო საბედისწერო ბრძოლა. პელოპიდასმა გაანადგურა მტრის ცხენოსანთა ჯარი და ბოლომდე გასდია მას. მაგრამ ალექსანდრემ მოახერხა თებეს მოკავშირეთა შევინროვება. პელოპიდასი, ჩვეულებისამებრ, თავს არ ზოგავდა. იგი ჩადგა თავის მებრძოლთა პირველ რიგებში და ისე აღაფრთოვანა, რომ მათ უპირატესობაც კი მოიპოვეს. შენიშნა რა ძაღლობიდან, რომ ალექსანდრეც ასევე ამხნეველდა თავის დაქირავებულ მეომრებს, რომლებიც მზად იყვნენ დაეყარათ ფარ-ხმალი, პელოპიდასი მოსცილდა რაზმს და ალექსანდრე ორთაბრძოლაში იხმო, მაგრამ ტირანი თავის მცველებში მიიმალა. პელოპიდასი მცირერიცხოვან მეომართა თანხლებით მედგრად ეკვეთა დაქირავებულთა ბრბოს. თავგანწირულად იბრძოდა მთავარსარდალი, პირველი რიგი ამოხოცა, მრავალი დაჭრა. მებრძოლები, რომელთაც ეშინოდათ მასთან მიახლოება, შორიდან ისროდნენ შუბებს. პელოპიდასი სა-



სიკვდილოდ დაიჭრა. როდესაც მეკავშირე თესალიელები მოცვივდნენ დასახმარებლად, უკვე გვიანი იყო, იგი უსულოდ იწვა მიწაზე.

თებეს მხედროვნება იერიში მიიტანა მონინაალმდგის ქვეით ჯარზე, სძლია და დიდხანს მისდევდა გასანადგურებლად. მტერი დამარცხდა. მან ამ ბრძოლაში სამი ათასი მეომარი დაკარგა.

გაიგეს თუ არა მებრძოლებმა პელოპიდასის გარდაცვალების ამბავი, არ განიკაზმეს საბრძოლო აღსაჭურველი, ცხენებს არ ახსნეს ლაგამ-უნაგირები, არ შეიხვიეს იარები და დაუხანებლივ მოიყარეს თავი ცხედართან, თითქოს ბელადი მათ ხედავდა, ესმოდა მათი... გლოვის ნიშნად, ადათისამებრ, მეომრებმა თმა მოიკვეცეს, ცხენებს ფაფარი შემოაჭრეს; ბანაკში კოცონს არ ანთებდნენ, არ ჭამდნენ საჭმელს. ირგვლივ ისეთი მდუმარება სუფევდა, თითქოს თებელებს ბრწყინვალე გამარჯვება კი არ მოუპოვებინათ, არამედ დამარცხებულებს მონობის უღელქვეშ მოეხარათ ქედი.

მთავარსარდლის სიკვდილმა ღრმად დაამწუხრა არა მხოლოდ თებელები, არამედ მათი მოკავშირენიც. ყველას მოჰქონდა სამაროვანთან ტროფეები, ოქროცურვილი აღსაჭურველი, გვირგვინები. თესალიელმა უხუცესებმა სთხოვეს თებელებს, მიცვალებულის დაკრძალვის პატივი მათთვის დაეთმოთ. აღმატებულად ღვანღმოსილმა მათ შორის ასე მიმართა დამწუხრებულებს: „კეთილშობილხო, იმ ნყალობას გთხოვთ, ამ უმძიმეს წუთებში რომ ჩვენ გვანუგეშებს... გვერწმუნეთ, თესალიელთათვის ეს უბედურება კიდევ უფრო მძიმეა, ვიდრე თებელთათვის. თქვენ ვითხოვებით დიად მთავარსარდალს, ჩვენ მასთან ერთად ვეთხოვებით თავისუფლებას! პელოპიდასს რომ ვერ გიბრუნებთ, განა გავბედავთ ჩვენს მხსნელად თქვენგან მოვითხოვოთ სხვა ბელადი?“ – და თებელებმაც მათ დაუთმეს.

პელოპიდასის გარდაცვალების შემდეგ სულ მალე, მანტინეასთან ბრძოლის უამს დაიღუპა ეპამინონდასი, მისი დიდებული მეგობარი. ეპამინონდასის სიკვდილმა ისე შეძრა თებელები, რომ მათ ვერ შეირგეს მოპოვებული გამარჯვებით გამონვეული სიხარული. ისინი ბელადთა გარეშე დარჩნენ. ხანმოკლე აღმოჩნდა მათი ბრწყინვალეების ხანა. მალე მოუხდათ თებელებს პირველობის დათმობა საბერძნეთში.





დემოსთენესი

ათენელი სახელმწიფო

მწიგნონი და სახელოვანი

ორატორი


(ძვ.წ. 384-322 წწ.)



სტიკურ სამყაროში დემოსთენესის სახელი სამშობლოს უანგარო სამსახურის სიმბოლოდ იქცა, მისი მჭევრმეტყველების ოსტატობით გამოწვეული აღფრთოვანება კი არ მინელებულა მრავალი საუკუნის შემდეგაც. როდესაც ერთხელ სახელოვანი რომაელი ორატორისთვის, ციცერონისთვის უკითხავთ, თუ რომელს მიიჩნევდა საუკეთესოდ დემოსთენესის სიტყვათაგან, „უდიდესო“ – ასე მიუგია.

ძველ სამყაროშივე უბრწყინვალეს ორატორად აღიარებული დემოსთენესი დაიბადა ძვ.წ. 384 წელს ათენში. მისი მამა, რომელსაც ასევე დემოსთენესი ერქვა, ფლობდა იარაღის სახელოსნოს და იყო საკმაოდ შეძლებული კაცი. იგი მაშინ გარდაიცვალა, როდესაც მომავალ ორატორს შვიდი წელი შეუსრულდა. მისგან შვილებს (დემოსთენესს ორი წლით უმცროსი დაც პყავდა) დიდძალი მემკვიდრეობა დარჩათ.

ბავშვების აღზრდა მიენდოთ დედასა და მეურვეებს, მაგრამ ეს მეურვენი (ბიძები დედის მხრიდან) არაკეთილსინდისიერნი აღმოჩნდნენ. ისინი მოძღვრებს არ უხდიდნენ გადასახადსა და არ ზრუნავდნენ ბავშვების აღზრდასა და განათლებაზე. იმხანად დემოსთენესი სუსტი და განუვითარებელი მოზარდის შთაბეჭდილებას ტოვებდა. როდესაც იგი სრულწლოვანი გახდა, მეურვეებმა მისთვის მხოლოდ სახლი გაიმეტეს მონებით, ხოლო ფულისა და ქონების დიდი ნაწილი თავად მისა-



კუთრეს. ახალგაზრდა კაცი თავდაპირველად ლამობდა დაერწმუნებინა მეურვეები, საკუთარი ნებით დაებრუნებინათ მისთვის მემკვიდრეობა, მაგრამ ვერაფერს გახდა. მაშინ განიზრახა სამსჯავროსათვის მიემართა. საქმე წარმატებით რომ წარემართა, აუცილებელი იყო ათენის კანონთა საფუძვლიანი ცოდნა და, რაც მთავარია, ორატორული ხელოვნების ფლობა.

იმხანად, დემოკრატიული წყობის პირობებში, ათენის ყოველ მოქალაქეს უბედობდა სასამართლოსა თუ სახალხო კრებაზე გამოსვლა. ნიჭიერი ორატორები საყოველთაო აღიარებით სარგებლობდნენ; მათ ირჩევდნენ საპატიო თანამდებობებზე და სხვა ქვეყნებში აგზავნიდნენ ელჩებად. ათენში გამოჩნდნენ ადამიანები, რომელთაც შეეძლოთ ორატორულ ხელოვნებაში გაენათათ მსურველები.

მჭევრმეტყველების ყველაზე უფრო სახელმძღვანელო მოძღვრებად იმხანად ითვლებოდნენ ისოკრატესი და ისეოსი. ისოკრატესს შინ ჰქონდა მჭევრმეტყველების სკოლა გახსნილი, მაგრამ დემოსტენესს არ შეეძლო იქ სიარული, რამეთუ სწავლის ქირა ერთობ დიდი იყო. მაშინ მან მიმართა ისეოსს, რომელიც მემკვიდრეობასთან დაკავშირებულ საქმეებში ყველაზე მეტად იყო დახელოვნებული.

ოთხი წელი გულმოდგინედ მეცადინეობდა ახალგაზრდა ჭაბუკი ისეოსთან. მოძღვარს დიდძალი თანხა კი გადაუხადა, მაგრამ სანაცვლოდ კარგად გაეცნო სახელგანთქმულ მწერალთა ნაწარმოებებს. განსაკუთრებული ყურადღებით ეუფლებოდა ცნობილი ისტორიოგრაფოსის თუკიდიდესისა და ფილოსოფოს პლატონის თხზულებებს. თუკიდიდესის „ისტორია“ მომავალმა ორატორმა თითქმის ზეპირად იცოდა, რამეთუ საკუთარი ხელით რვაგზის ჰქონდა გადაწერილი. როგორც კი სათანადო განათლება მიიღო, დემოსტენესმა დაიწყო მეურვეებთან დავა. სასამართლო მთელი ხუთი წლის განმავლობაში გრძელდებოდა. მეურვეები ყოველწინადად არიდებდნენ თავს პასუხისმგებლობას: მათ მოსაპეს მნიშვნელოვანი საბუთები, მათ შორის დემოსტენესის მამის ანდერძიც კი. ბოლოს და ბოლოს მეურვეებს მსჯავრი დასდეს, მაგრამ ახალგაზრდა დემოსტენესმა მაინც ვერ მიიღო თავისი მემკვიდრეობა სრულად.

მეურვეებთან ხანგრძლივმა და მძიმე ბრძოლამ მომავალი ორატორის ხასიათს სიმტკიცე შეჰმატა. ხალხის წინაშე გამოსვლაზე დემოსტენესი ბავშვობიდანვე ოცნებობდა და აი, რატომ: ერთხელ, ადრეულ ახალგაზრდობაში, დემოსტენესმა დაუნებოთ სთხოვა თავის მოძღვარს, წაეყვანა სასამართლოს სხდომაზე სახელგანთქმული ორატორის სიტყვის მოსასმენად. ჭაბუკმა იხილა, თუ როგორი ოვაციებით აცილებდა ბრბო ორატორს. იგი გაოცებული იყო ენამჭევრობის იმ ძალით, რომელმაც ესოდენ მონუსხა ყველა. მას შემდეგ დაივიწყა ყველა სხვა საქმე თუ



გასართობი და დაინყო გაძლიერებული ვარჯიში მჭევრმეტყველებაში. მან მიზნად დაისახა გამხდარიყო ორატორი. მაგრამ ვიდრე ხალხის წინაშე წარსდგებოდა, დემოსტენესი იძულებული იყო, თავისი მოძღვრის მსგავსად, სასამართლო სიტყვები ეწერა. ასეთ შრომას ათენში დიდი ანაზღაურება ჰქონდა და დაბწყებმა ორატორმა მოახერხა არა მარტო საკუთარი დედისა და დის შენახვა, არამედ სახსრების დაზოგვაც. თუმცა მხოლოდ სიტყვათა თხზვას არ შეეძლო დემოსტენესის დაოკება: იგი მხურვალე პატრიოტი იყო და ოცნებობდა, მთელი თავისი ძალები საზოგადოებრივი საქმიანობისათვის შეენირა.

ახალგაზრდა ორატორის პირველი საჯარო გამოსვლა წარუმატებლად დამთავრდა: ბრბოს ხმაურმა, სიცილმა და სტვენამ მას სიტყვის თქმის საშუალება არ მისცა. და ეს სავსებით გასაგები იყო: დემოსტენესს ჰქონდა ძალზე სუსტი ხმა, იგი გაურკვეველად მეტყველებდა, ოდნავ ებმოდა ენა, ვერ გამოთქვამდა ასო „რ“-ს, მხარს ათამაშებდა და ყოველივე ამასთან ერთად, სავსებით არ შეეძლო ხალხის წინაშე თავის დაჭრა.

ასევე წარუმატებელი იყო მისი მეორე ცდაც, გამოსულიყო სახალხო კრებაზე. დაღონებულმა სახლისკენ ისწრაფა და თავდაპირველად ვერც კი შენიშნა, რომ კვალდაკვალ მისდევდა მეგობარი, ცნობილი ათენელი მსახიობი. ისინი ერთად გაუყვნენ გზას. დემოსტენესმა გულდანყვეთით გაანდო მეგობარს თავისი ნუხილის მიზეზი. უთხრა, რომ ხალხისთვის გაუგებარი დარჩა მისი სიტყვების სიღრმე. „რას იზამ, – მიუგო მსახიობმა, – მაგრამ მე შევეცდები ვუშველო შენს სანუხარს. აბა, წამიკითხე რაიმე სოფოკლეს ან ევრიპიდეს ტრაგედიებიდან“. დემოსტენესმა წაიკითხა. როდესაც კითხვა დაასრულა, მსახიობმა გაიმეორა იგივე, მაგრამ ისეთი გამოთქმით, რომ დემოსტენესს მოეჩვენა, თითქოს სულ სხვა ლექსებს ისმენდა. მისთვის ცხადი გახდა, თუ რაოდენ ამშვენებს სიტყვას გამოთქმა.

დემოსტენესმა განიზრახა, რადაც არ უნდა დასჯდომოდა, გამოეწორებინა მეტყველების ყოველი ნაკლი. ხელი რომ არავის შეეშალა, განმარტოვდა. შემდეგ თავი სანახევროდ გადაიპარსა, სახლიდან რომ არ გამოსულიყო, ვიდრე თმა არ გაეზრდებოდა. დღეში რამდენიმე საათი დაუღალავად ვარჯიშობდა მეტყველების გამოსასწორებლად. პირს იცვებდა კენჭებითა და ლამობდა ხმამაღლა და ნათლად წარმოეთქვა სიტყვები. ასო „რ“-ს გამოსათქმელად შეიჩვია ლეკვი, დიდხანს უსმენდა მის ღრენასა და იმეორებდა ბგერებს. მან აიძულა თავი ხმამაღლა ეთქვა ლექსები მთაზე ასვლისას ან ზღვის ნაპირზე სეირნობის ჟამს. ამასთანავე ცდილობდა თავისი ხმით დაეფარა ტალღათა ხმაური. ზოგჯერ იგი თვეობით არ გამოდიოდა სახლიდან.



ბოლოს და ბოლოს დემოსტენესი დაეუფლა საკუთარ ხმასა და უესტებს. ხანგრძლივი შრომითა და რუდუნებით მიაღწია კიდევ მიზანს: მან დიდებული ორატორის სახელი მოიხვეჭა.

აღსანიშნავია, რომ დემოსტენესი არასოდეს გამოდიოდა ხალხის წინაშე მოუმზადებელი. იგი ყოველთვის იზებირებდა წინასწარ დაწერილ სიტყვას. ლამ-ლამობით, ლამპის შუქზე მონდომებით წერდა სათქმელსა და გულდასმით იაზრებდა ყოველ სიტყვას. ყოველივე ამან ორატორის მტრებს საბაბი მისცა ეთქვათ, რომ მას არ გააჩნდა ბუნებისაგან მიმადლებული ნიჭი და შთაგონება. ერთხელ ვიღაც არაკეთილმოსურნეს მისთვის ასეთი რამ წამოუძახნია: „შენს სიტყვებს ზეთის სუნი ასდიოთ“, ანუ „ზეთის ლამპის შუქზე გაზეპირებულ სიტყვებს წარმოთქვაჲო“, რაზეც დემოსტენესს ასე მიუგია: „სიტყვის გულმოდგინედ მომზადება ხალხის პატივისცემის ნიშანია, რამეთუ მჭევრმეტყველისთვის არ უნდა იყოს სულ ერთი ის, თუ როგორ მიიღებს ხალხი მის გამოსვლას“.

თავდაუზოგავმა შრომამ თავისი გაიტანა: მტრებიც კი იძულებულნი გახდნენ ელიარებინათ ორატორის ძალა და მჭევრმეტყველების მაღალი ხელოვნება. მის გამოსვლებში სათქმელის გამოხატვის არაჩვეულებრივ უბარლოებას თან ერწყმოდა გრძობისა და აზრის გასაოცარი სიღრმე, სინათლე და დამაჯერებლობა. დემოსტენესი არასოდეს გადაუხვევდა-ხოლმე ძირითად სათქმელს, მას არ უყვარდა ფუჭი ყბედობა; იგი ხან მშვიდად საუბრობდა, რითაც იპყრობდა თავის მსმენელთა ყურადღებას, ხან მათ გრძობათა მგზნებარებით იმორჩილებდა, შთააგონებდა რა ყოველ მათგანს აღძრული საქმის ქუშმარიტების ღრმა რწმენას.

როდესაც დემოსტენესს 30 წელი შეუსრულდა, მან საზოგადოებრივ მოღვაწეობას მიჰყო ხელი და თავისი ორატორული ნიჭის მთელი ძალისხმევა ბერძენთა ყველაზე უფრო სახიფათო მტრის – მაკედონიის მეფე ფილიპოსის წინააღმდეგ მიმართა. სამშობლოსადმი უსაზღვრო სიყვარულით შთაგონებული უდიდესი ორატორი მთელი ძალით იბრძოდა მაკედონელთა და მათ ბერძენ დამქაშთა წინააღმდეგ.

ჯერ კიდევ მცირეოდენი ხნის წინ მაკედონია იყო სუსტი და ჩამორჩენილი სახელმწიფო, რომელსაც ბერძენები არაფრად აგდებდნენ. მეფე ფილიპოსმა (ძვ.წ. 359-336 წწ.) გააერთიანა ქვეყანა და შექმნა დიდებულიად შეიარაღებული უზარმაზარი ლაშქარი, რომელიც ისეთი ნიჭიერი მხედართმთავრის ხელში, როგორიც თავად იყო, მრისხანე ძალად გადაიქცა.

იმხანად საბერძენეთის დამორჩილება მაკედონიისათვის ერთობ ხელსაყრელი აღმოჩნდა: ბერძენები გამუდმებით აწარმოებდნენ შიდა ომებს, ათენელები ებრძოდნენ მოკავშირეებს, თებელები – ფოკისელებს, ხოლო სპარტელები – პელოპონესოსის სახელმწიფოებს.



მეფე ფილიპოსი ოსტატურად სარგებლობდა ბერძენთა შინაური აშლილობით: მას ყოველგან თავისი მომხრეები ჰყავდა, მონინალმდეგეთა შორის კი – ჯაშუშები. იგი უკან არ იხევდა იმ შემთხვევაშიც, თუკი აუცილებელი იყო ვინმეს მოსყიდვა. „ოქროთი დატივროთული ვირი ნებისმიერ ციხე-სიმაგრეს აიღებს“ – ამბობდა ფილიპოსი და ქედუხრელად მიიწევდა თავისი მიზნისკენ – მას განზრახული ჰქონდა მთელი საბერძნეთის დაპყრობა.

თავდაპირველად ფილიპოსმა დაიმორჩილა თესალია და გამაგრდა ჩრდილოეთ საბერძნეთში. მაგრამ ეს მხოლოდ დასაწყისი იყო. რამდენიმე ხნის შემდეგ მაკედონელებმა შეძლეს ორაკიულ სახელმწიფოთა ხელში ჩაგდება, ისინი შიდა საბერძნეთში შესაჭრელად ემზადებოდნენ.

ფილიპოსის ასეთი სწრაფმავალი წარმატება განპირობებული იყო იმითაც, რომ საბერძნეთი მდიდართა და ღარიბთა შორის წარმოებული ომებით ორ ბანაკად იყო დაყოფილი. ღარიბები ყველგან აშკარად მოითხოვდნენ მდიდართა მიწებისა და ქონების დანაწილებას. მდიდარი მონათმფლობელები ფილიპოსისა და მაკედონელთა სახით ხედავდნენ მხსნელს ღარიბთა წინააღმდეგ წარმოებულ ბრძოლაში, ამიტომ ხალხისთვის მიწების გადაცემას მაკედონელთა მორჩილებას ამჯობინებდნენ. ისინი ფიქრობდნენ, რომ მაკედონელთა ბატონობის დროს უფრო მშვიდად დაეპატრონებოდნენ საკუთარ ქონებასა და მონებს და აღარც ხალხის ამოხების შიში ექნებოდათ. მხოლოდ უბრალო ხალხი და ღარიბები იყვნენ მზად დაეცვათ სამშობლო მაკედონელი დამპყრობლებისგან.

დემოსტენესმა იმთავითვე განჭვრიტა, თუ რა საფრთხეს უქადადა ათენსა და საბერძნეთს მაკედონია და მისი მეფე. ამიტომ იგი სათავეში ჩაუდგა ფილიპოსის მონინალმდეგე პატრიოტთა პარტიას.

ათენში იმხანად ძალაუფლება მაკედონიის მომხრეთა ხელში იყო. მაკედონური პარტიის სათავეში იდგნენ ევრიბულოსი და ცნობილი ორატორი ესქინესი.

ევრიბულოსი იყო მშვიდობის მომხრე და განგებ ხუჭავდა თვალს იმ საფრთხის წინაშე, რაც მაკედონელთა მხრიდან ემუქრებოდა ქვეყანას. მას სურდა ხალხის დაშოშინება სახელმწიფო ხაზინის ხარჯზე (ეგრეთ ნოდებული „სანახაობითი ფულით“).

დემოსტენესმა გამეფებული ნყოფის წინააღმდეგ დაიწყო ბრძოლა. იგი ხალხს მოუწოდებდა, დღევანდელი სიმშვიდე დაეთმო ხვალინდელი დღის ბედნიერებისა და სახელმწიფოს ხსნის ფასად. „მდიდრები, – ამბობდა იგი, – ხალხს სახელმწიფოს ხარჯზე უგდებენ ნასუფრალს, თავად კი თავს არიდებენ სახელმწიფოებრივ პასუხისმგებლობას“. ორატორმა შეძლო, დაერწმუნებინა ხალხი, რომ „სანახაობითი ფული“ მაკედონელთა წინააღმდეგ საბრძოლველად გამოეყენებინა. ეს იყო დემოსტენესისა და მის მომხრე პატრიოტთა მნიშვნელოვანი გამარჯვება.



დემოსტენესი უკვე გამუდმებით გამოდიოდა სახალხო კრებებზე მგზნებარე სიტყვებით და ათენელებში პატრიოტული გრძნობების გაღვივებას ლაშობდა. მეფე ფილიპოსის წინააღმდეგ მიმართული მისი ცნობილი სიტყვები „ფილიპიკებად“ იწოდებოდა (ახლაც, მგზნებარე, მზურვალე სიტყვებს „ფილიპიკებად“ მოიხსენიებენ).

ფილიპოსი თრაკიის დაპყრობის შემდეგ ქალკიდიკეს მთავარ ქალაქ ოლინთოსს ემუქრებოდა.

ათენში ჩამოვიდნენ ოლინთოსელი ელჩები დახმარების თხოვნით. დემოსტენესმა მათ გულწრფელად დაუჭირა მხარი: მან ოლინთოსელთა სასარგებლოდ სახალხო კრებაზე სამი სიტყვა წარმოსთქვა. მაგრამ ათენელთა დახმარება ნაგვიანვეი აღმოჩნდა: მეფე ფილიპოსმა დაიმორჩილა ქალაქი, მისი მკვიდრნი კი მონებად გაყიდა.

შემდეგ ფილიპოსმა ათენელებს ზავი შესთავაზა. ათენელი ელჩები – ფილოკრატოსი და ესქინესი – მშვიდობიანი მოლაპარაკებების დროს მეფემ მოიხყიდა: დემოსტენესის წინააღმდეგობისდა მიუხედავად მათ დადეს ზავი, რაც ათენისათვის ერთობ არახელსაყრელი იყო. მალე ფილიპოსმა ეს ზავიც დაარღვია და ათენელთა მოკავშირე ფოკისელები დაარბია.

მაშინ კი, როგორც იქნა, ათენელებმა დაიწყეს მზადება ფილიპოსის მოსაგერიებლად. დემოსტენესი აირჩიეს პირველ სტრატეგოსად და სახელმწიფოს მეთაურად. ყოფილ ელჩს, ფილოკრატოსს, ბრალად დასდეს ლალატი და დაუსწრებლად გამოუტანეს სასიკვდილო განაჩენი.

შემდეგ დემოსტენესმა გაილაშქრა მეორე ელჩის – ესქინესის წინააღმდეგ. მასაც ლალატი დასდო ბრალი. ესქინესმა ოსტატურად დაიცვა თავი. იგი ხმათა უმნიშვნელო უმრავლესობით გაამართლეს.

ეს იყო დიდი ორატორის მნიშვნელოვან წარმატებათა და დიდების ხანა. მან მოახერხა გაეძლიერებინა ათენელთა მთავარი ძალა – ფლოტი. მაგრამ ათენელებს არ შეეძლოთ მარტო გამკლავებოდნენ მრისხანე მტერს. ამის გამო დემოსტენესმა მაკედონელთა წინააღმდეგ მიმართული საერთო ბერძნული კავშირის დაარსება განიზრახა. იგი სათავეში ჩაუდგა წარმომადგენლობასა და შემოიარა ბერძნული სახელმწიფოები. ყველგან გამოდიოდა მგზნებარე სიტყვებითა და ბერძნებს გაერთიანებისკენ მოუწოდებდა. „მაკედონელთა ძალა, – ამბობდა იგი, – ბერძენთა სოსუსტე და დაქსაქსულობაა; თუკი ბერძნები გავერთიანდებით, ფილიპოსი ჩვენზე თავდასხმას ვერ გაბედავს“. ბერძნულ სახელმწიფოთა მოსახლეობა აღფრთოვანებით ეგებებოდა დიდ ორატორს, მალე კორინთო, მეგარა და პელოპონესოსის სხვა ქალაქები ათენელთა კავშირში გაერთიანდნენ.



ამასობაში ფილიპოსი ყურადღებით ადევნებდა თვალს ათენელთა საქმიანობას. ვიდრე მიმდინარეობდა მოლაპარაკებები ერთიანობის თაობაზე, მოვიდა საშინელი ამბავი: ფილიპოსის ჯარი შუა საბერძნეთშია, მეფემ აიღო ბეოტიის საზღვართან მდებარე ციხე-სიმაგრე ელატეა – თებესა და ატიკის გზაჯვარედინის მნიშვნელოვანი პუნქტი. გადამწყვეტი ბრძოლის დრო დადგა. ბევრი იყო დამოკიდებული იმაზე, თუ ვის მხარეს დაიკავებდა თებე – შუა საბერძნეთის უძლიერესი სახელმწიფო.

მაშინ დემოსტენესი ათენელ ელჩთა თანხლებით ჩავიდა თებეში ფილიპოსის წინააღმდეგ გაერთიანების წინადადებით. მოხდა ისე, რომ იქ უკვე იმყოფებოდნენ მაკედონელი ელჩები (მეფემ დაასწრო დემოსტენესს), რომლებიც დიდი მისაგებლის წილ ცდილობდნენ თებელთა მიმხრობას. მაგრამ დემოსტენესმა მათ აუჯობა. მისმა მგზნებარე სიტყვებმა, რომლებითაც იგი ხალხს საბერძნეთის დიდებისა და ღირსების ამბებს შეახსენებდა და სამშობლოსთვის თავდადებისკენ მოუხმობდა, თავისი საქმე გააკეთეს: თებელები ათენელებს მიემხრნენ.

ძვ.წ. 338 წლის ზაფხულში ქერონეასთან საბედისწერო ბრძოლა გაიმართა.

ფილიპოსის არმია 30 ათასი ქვეითისა და 2 ათასი ცხენოსნისაგან შედგებოდა. ათენელთა და თებელთა ლაშქარი რიცხობრივად უფრო მცირე იყო.

გამთენიისას მოწინააღმდეგენი საბრძოლო მზადყოფნით ერთმანეთის პირისპირ იდგნენ. მაკედონელთა ლაშქრის მარჯვენა ფრთას თავად ფილიპოსი მეთაურობდა, მარცხენას – მისი თვრამეტი წლის ვაჟიშვილი ალექსანდრე, რომელიც შემდგომ უდიადესი მთავარსარდლის სახელს მოიხვეჭს, ხოლო შუაში იდგა გომოცდილი მხედართმთავარი ანტიპატროსი.


დაიწყო მრისხანე და ხანგრძლივი ბრძოლა. პირველი გადამწყვეტი წარმატება ალექსანდრემ მოიპოვა: მისმა მებრძოლებმა გამანადგურებელი დარტყმა მიაყენეს თებელთა „წმინდა რაზმს“.

მარჯვენა ფრთაზე კი პირიქით, ათენელებმა გაარღვიეს მაკედონელთა რიგები და დაჯაბნეს მოწინააღმდეგენი. „მომყევით! – შესძახა ათენელთა სტრატეგოსმა, – ჩვენ გავიმარჯვეთ!“ წარმატებით თავბრუდახვეულმა მოიერიშე ათენელებმა დაშალეს მწყობრი რიგები.

„მტერს არ სცოდნია გამარჯვება!“ – თქვა ფილიპოსმა, რომელიც ბრძოლის მსვლელობას თვალ-ყურს ადევნებდა ბორცვის თხემიდან. მან სწრაფად გადააღა-გა თავისი ფალანგა და ათენელებს ეკვეთა. ათენელები შედრკნენ, ლაშქარმა უკან დახევა დაიწყო.

ათენელ პოპლიტთა შეუპოვარი ბრძოლისა და თებელთა „წმინდა რაზმის“ თავგანწირვის მიუხედავად მაკედონელებმა გადამწყვეტი გამარჯვება მოიპოვეს.

ამ ომში ათენელებმა დაკარგეს 1000 კაცი, 2000 ტყვედ ჩაბარდა.



დემოსტენესი იბრძოდა როგორც რიგითი პოპლიტი და მან თავის ლაშქართან ერთად დაიხია უკან. ამის გამო, ორატორმა ესქინესმა იგი სიმხდალეში დააღაპრა. მაგრამ ათენელებმა ყურად არ იღეს ეს ცილისწამება და სახელოვან ორატორს ქერონეასთან დალუპულ მებრძოლთა მოსახსენიებელი სიტყვის წარმოთქმა სთხოვეს, რაც უდიდეს პატივად ითვლებოდა.

ქერონეასთან დამარცხების ამბავმა შეაძრწუნა ათენელები. დაუხანებელიც შედგა სახალხო კრება, რომელმაც მიიღო დადგენილება თავდაცვისათვის მზადებისა და სოფლებიდან ქალთა და ბავშვთა ქალაქის კედლებში შემოხიზვნის თაობაზე. გარდა ამისა, ვილაცამ მოუწოდა თანამოქალაქეთ, გაენთავისუფლებინათ მონები და უცხოელებისათვის მიენიჭებინათ მოქალაქეობა, რათა მათი არმიაში განვეყვის შესაძლებლობა შექმნილიყო. ათენის სახალხო კრებამ სამშობლოსათვის ესოდენ დაძაბულ დროსაც კი ვერ გაბედა ამ უკიდურესი ზომების მიღება.


დემოსტენესმა თავის მომხრეებთან ერთად რა არ იღონა ქალაქის გასამაგრებლად, მოქალაქეთა შესაიარალებლად, კედლების შესაკეთებლად და არც დამშვრალა ამოდ. მრისხანე საფრთხე მიწელდა, შესაძლებელი გახდა ზავის დადება შედარებით ხელსაყრელ პირობებზე: ათენელების განმგებლობაში რჩებოდა ფლოტი და მთავარი სამფლობელოები; ათენის საზღვაო კავშირი – მათი ძლიერების საფუძველი – დაიშალა და ათენელები იძულებულნი გახდნენ შესულიყვნენ ფილიპოსის მეთაურობით შექმნილ ახალ საერთო ბერძნულ კავშირში.

ქერონეას ბრძოლამ გადანწყვიტა საბერძნეთის ბედი: ბერძნულმა სახელმწიფოებმა დაკარგეს თავისუფლება და დამოუკიდებლობა, ყველგან ძალაუფლება მაკედონელთა მომხრე მდიდართა ხელში გადადიოდა.

ათენში ხმა აღიმალღეს მოლაღატეებმა, ფილიპოსის აშკარა თუ ფარულმა მომხრეებმა. ისინი გამუდმებით სდევნიდნენ დემოსტენესსა და სახალხო პარტიის სხვა წარმომადგენლებს.

მაგრამ აღმოჩნდნენ სამშობლოსათვის თავდადებული ადამიანებიც, რომლებიც დაულალავად იღწვოდნენ სახელმწიფოს ძლიერების აღსადგენად. მათ სათავეში ედგნენ დემოსტენესი, ლიკურგოსი და სხვა ბელადები.

ლიკურგოსმა ოთხი წლის განმავლობაში მკაცრი მომჭირნეობის გზით წელიწადში 1200 ტალანტონით გაზარდა სახელმწიფოს შემოსავალი. დემოსტენესი განაგებდა „სანახაობით ხაზინას“, რომელიც იმჟამად ათენელ ღარიბთა ერთადერთი დასაყრდენი იყო. ქალაქი შემზარავი დამარცხების შემდეგ თანდათანობით წელში იძვრებოდა.



ამასობაში მეფე ფილიპოსმა კორინთოში მოიწვია ბერძენთა გაერთიანებული ყრილობა, სადაც მაკედონიის მეფის მეთაურობით შექმნილი პანელინური კავშირი საზეიმოდ აღიარეს.

ლაშქრობისათვის გაცხარებული მზადების ჟამს ფილიპოსი მოკლეს მისივე ქალიშვილის ქორწილში ქერონეას ბრძოლიდან ორი წლის შემდეგ (ეს მოხდა ძვ.წ. 336 წელს მაკედონიის ქალაქ ეგეში).

დემოსტენესმა ფილიპოსის გარდაცვალების ამბავი უფრო ადრე შეიტყო, ვიდრე ეს სახალხო კრებისთვის გახდებოდა ცნობილი. იგი გამოცხადდა საბჭოზე და სიხარულით განაცხადა, რომ იხილა ათენელთათვის დიადი ბედნიერების მაუნყებელი სიზმარი. მალე მოვიდა მაცნეც და ფილიპოსის გარდაცვალების ამბავი აუწყა თავშეყრილთ. სახალხო კრებამ დაადგინა, ღმერთთათვის სამადლობელი მსხვერპლი შეენირათ, ხოლო ფილიპოსის მკვლელობისთვის ლოცვა აღევლინათ. დიდი ორატორი იმ დღეს სახალხო კრებაზე საზეიმოდ მორთული და დიადემით შემოსილი გამოცხადდა, მიუხედავად იმისა, რომ მის ოჯახს უდიდესი უბედურება დაატყდა თავს: რამდენიმე დღით ადრე გარდაიცვალა დემოსტენესის ქალიშვილი. მაგრამ სახალხო სიხარულს სახელმორჭმული ორატორი საკუთარ უბედურებაზე მალა აყენებდა. ხალხი ზეიმობდა, რადგანაც მაკედონელთა ულლიდან თავის დაღწევის იმედი გაუჩნდა.

დემოსტენესი კვლავ მიიწვიეს სახელმწიფოს სათავეში. საბერძენთის ყველა ქალაქი აღდსგა მაკედონელთა წინააღმდეგ. ათენელებმა თებესა და საბერძენთის სხვა სახელმწიფოებში წარგზავნეს ელჩები მაკედონელთა წინააღმდეგ კავშირის შექმნის წინადადებით. ათენელებმა ხმა მიანვიდინეს სპარსელებსაც და მოუწოდეს დაუყოვნებლივ დაეწყოთ ბრძოლა ალექსანდრესთან. დემოსტენესი ვარაუდობდა, რომ ფილიპოსის მემკვიდრე სულელ ბიჭუნას, ასე უწოდებდა იგი ალექსანდრეს, იოლად გაუმკლავდებოდა. მას აჯანყების წარმატების იმედი ჰქონდა.

მაგრამ იმედი გაუცრუვდა. ალექსანდრემ მალე დააშოშმინა თავისი მეტოქეები მაკედონიასა და თესალიაში, ხოლო კორინთოს ბერძენები აიძულა ეცნოთ იგი სპარსეთთან მებრძოლი საერთო ბერძნული ლაშქრის ბელადად. ალექსანდრე იძულებული გახდა, გაელაშქრა ბალკანეთის ნახევარკუნძულის ჩრდილოეთში მოსახლე ტრიბალების წინააღმდეგ, რამეთუ ისინი მაკედონიის საზღვრებს ემუქრებოდნენ.

ისარგებლეს რა ალექსანდრეს არყოფნით, უწინარესად ამბოხდნენ თებელები, მათ მიჰყვნენ სხვა ბერძნული სახელმწიფოებიც. თებელებმა ალყა შემოარტყეს მათ მიწაზე განლაგებულ მაკედონელთა გარნიზონს და მრავალი მებრძოლი გამოასალმეს სიცოცხლეს.



ალექსანდრემ მუსრი გაავლო ტრიბალებს და თავის ლაშქართან ერთად მოულოდნელად მიადგა თებეს კედლებს. მან აიღო და დაარბია მთელი ქალაქი. ხელი არ ახლო ერთადერთ სახლს, რომელიც სახელოვან პოეტ პინდაროსს ეკუთვნოდა. გადარჩენილი მოსახლეობა, დაახლოებით 30 ათასი კაცი, მონად გაჰყიდა.

ალყაში მომწყვდევის შიშით ძრწოდა ათენი. მაგრამ სრული მორჩილების ფასად შეძლო გამარჯვებულისაგან მოწყალება გამოეთხოვა. ალექსანდრემ დემოსტენესსა და მაკედონელთა სხვა მოწინააღმდეგეებს უხმო.

დემოსტენესი გამოცხადდა სახალხო კრებაზე და ხალხს უამბო არაკი ცხვრებზე, რომლებმაც თავიანთი მფარველი ძალები მგლებს მიუგდეს. საბედნიეროდ, ალექსანდრეს ყურადღება სპარსეთის წინააღმდეგ ლაშქრობის მზადებაზე ჰქონდა გადატანილი და მას აღარ გახსენებია დემოსტენესი, რომელიც თავის მეგობრებთან ერთად ათენში დარჩა.

ალექსანდრემ 5 ათასი მხედრითა და 30 ათასი ქვეითი ჯარისკაცით სპარსეთზე გაილაშქრა. ჯერ გრანიკოსთან და ისოსსთან მოიპოვა გამარჯვება (ძვ.წ. 334-333 წწ.), ხოლო შემდეგ სპარსელთა ჯარი ერთიანად მოსრა გავგამელასთან (ტიგრისის სანაპიროზე), დაეუფლა ბაბილონსა და სპარსელ მეფეთა აღურაცხელ საგანძურებს.¹

ამასობაში ათენის სახელმწიფოს კვლავ მაკედონური პარტია ჩაუდგა სათავეში. ახლა დემოსტენესის მტრებმა დრო იხელთეს ანგარიშის გასასწორებლად. საქმე ის იყო, რომ ჯერ კიდევ რამდენიმე წლის წინ რესპუბლიკელთა პარტიის ერთ ერთმა წარმომადგენელმა შესთავაზა სახალხო კრებას, სამშობლოს წინაშე მალაღამოსა ხურებათა გამო დემოსტენესი ოქროს გვირგვინით შეემკოთ. სახალხო კრებამ მიიღო ეს წინადადება და დაადგინა ათენის დიადი მოქალაქისათვის მიენიჭებინა ეს პატივი. რა თქმა უნდა, მაკედონიის მომხრეები აღშფოთდნენ, ესქინესმა ნაფიც მსაჯულთა სასამართლოში საჩივარიც კი შეიტანა; იგი მიუთითებდა სახალხო სასამართლოს გადაწყვეტილების უმართებულობაზე და ქადაგებდა, რომ დემოსტენესი არ იმსახურებდა ასეთ მალაღამოდ ჯილდოს.

ორატორი იძულებული იყო, თავი დაეცვა. სასამართლო ათენის ორი ყველაზე მეტად სახელმწიფოებრივი მჭევრმეტყველის ორთაბრძოლის არენად გადაიქცა. მაგრამ დიდი დემოსტენესის მტრებმა ვერ გაითვალისწინეს განწყობილება იმ ხალხისა, რომელსაც არ სურდა შეგუებოდა დამოუკიდებლობის დაკარგვას.

სამჯავროზე მრავალრიცხოვანმა ხალხმა მოიყარა თავი. ესქინესმა წარმოიტყვა უსამართლო ბრალდებებით აღსავსე სიტყვა. ხოლო დემოსტენესმა თავის საპასუხო სიტყვაში, რომელიც საქვეყნოდ გახდა ცნობილი სახელწოდებით „გვირგვინისათვის“, წარმოადგინა სამშობლოს საკეთილდღეოდ მიმართული მთელი თავისი



მოღვაწეობა და ნათლად დახატა ესქინესის მოღალატეობრივი სახე. მონინააღმდეგეთა გაძალიანებისდა მოუხედავად მსაჯულებმა სამართლიანი განაჩენი გამოიტანეს. ესქინესს უნდა გადაეხადა ფულადი ჯარიმა და დაეტოვებინა სამშობლო. წარმატება, რომელიც შედეგად მოჰყვა სიტყვას „გვირგვინისათვის“, იყო არა მხოლოდ დიადი ორატორის გამარჯვება, არამედ ათენისა და მთელი საბერძნეთის სამშობლოს მოყვარე ხალხთა ძალების ზეიმი.

ამ გამარჯვების შემდეგ დემოსტენესის გავლენა კიდევ უფრო გაიზარდა. მწარე გამოცდილებამ მის მოღვაწეობას სიფრთხილე შეჰმატა. იგი კარგად ხედავდა მტრის ძალასაც და იმასაც, რომ ბერძენთა შორის არ იყო ერთიანობა. ამიტომ ლამობდა მაკედონელთა წინააღმდეგ მოუფიქრებელ გამოსდომათაგან თანამოქალაქეთა შეკავებას. ასე მოხდა მაშინაც, როდესაც ათენელებმა, მისი რჩევით, მხარი არ აუბეს სპარტელთა ამბოხებას. ეს ამბოხება უმალ ჩაახშეს მაკედონელებმა.

იმხანად ალექსანდრე ერთიანად იყო ჩაფლული აზიურ საქმეებში. საბერძნეთის სრულუფლებიანი განმგებლობა კი თავის მხედართმთავარს – ანტიპატროსს მიანდო. ალექსანდრემ საბერძნეთისთვის ორი განკარგულება გასცა: უპირველეს ყოვლისა, იგი მოითხოვდა მის ღმერთად აღიარებას, ამასთანავე ბრძანებდა, რომ ბერძულ სახელმწიფოებს დაებრუნებინათ თავიანთი გაძევებულები. პირველი განკარგულება ბერძნებს სიცილადაც არ ჰყოფნიდათ, უკანასკნელმა კი დიდი აღშფოთება გამოიწვია, რადგანაც სამშობლოდან გაძევებულნი იყვნენ ხალხისგან მოძულეებული მოღალატეები. სწორედ ამ დროს მოხდა ისეთი რამ, რაც საბედისწერო აღმოჩნდა დემოსტენესისათვის.

ალექსანდრეს ხაზინადარმა ჰარპალოსმა, ისარგებლა რა მეფის ბაბილონში ხანგრძლივი ყოფნით (მეფე იმხანად ინდოეთზე გასალაშქრებლად ემზადებოდა), სპარსეთის მეფეთა უზარმაზარი საგანძური მიიტაცა. ამ ფულით მან 6 ათასი მებრძოლი დაიქირავა და 30 ხომალდით მოულოდნელად მიადგა ათენის ნავსადგომ პირუოსს. ხაზინადარს სურდა ათენელ სახელმწიფო მოღვაწეთა ფულით მოსყიდვა, უქადაგებდა რა მათ საბერძნეთის დამოუკიდებლობის შესაძლებლობას.

ზოგი ორატორი კრებას სთავაზობდა, აელოთ ფული ჰარპალოსისგან და დაუყოვნებლივ დაეწყოთ საერთო ბერძნული აჯანყება ალექსანდრეს წინააღმდეგ. მაგრამ დემოსტენესმა და სხვა ცნობილმა სახელმწიფო მოღვაწეებმა ამის წინააღმდეგ გაილაშქრეს.

ჰარპალოსი არ შემოუშვეს ათენში. მან პელოპონესოსის სამხრეთით მდებარე ტენარონისკენ გასწია. იქ დატოვა თავისი ჯარი და საგანძურის ნაწილი. თავად კი 750 ტალანტონით ათენში დაბრუნდა. ახლა იგი მხოლოდ თავშესაფარს ითხოვდა.



ამასობაში ანტიპატროსმა და ალექსანდრეს დედამ – ოლიმპიასმა ათენელებს მოსთხოვეს საგანძურის მიმტაცებლის გაცემა. დემოსტენესის წინადადებით პარპალოსი დააკავეს, ხოლო მის მიერ შემოტანილი ფული აკროპოლისზე შეინახეს იმ განზრახვით, რომ შემდგომ იგი ალექსანდრესთვის დაებრუნებინათ. პარპალოსმა მოახერხა კრეტაზე გაქცევა, სადაც იგი მალე სიცოცხლეს გამოასალმეს.

როდესაც პარპალოსის ფული აღნუსხეს, აღმოჩნდა, რომ მისგან დარჩენილიყო მხოლოდ 350 ტალანტონი. დანარჩენი ფული გაქრა. დემოსტენესმა ბრძანა ამ საქმის მკაცრი ძიება, თავად კი თავს დებდა, რომ უბრალო იყო ამ საქმეში. მოენყო მასიური ჩხრეკები, მაგრამ ფული არსად აღმოჩნდა.

მაკედონური პარტიის წარმომადგენლებმა დემოსტენესი და სხვა პირები დაადაშაულეს ფულის მიტაცებაში, ქრთამის აღებასა და პარპალოსის გაქცევის მოწყობაში. მოწინააღმდეგეთა ძალისხმევით სასამართლომ დემოსტენესი დამნაშავედ სცნო და 50 ტალანტონით დააჯარიმა. რადგანაც ორატორმა ვერ შეძლო ამ უზარმაზარი თანხის გადახდა, საპყრობილეში ჩასვეს. მალე მეგობრებმა ხელი შეუწყვეს მას, გაქცეულიყო და თავშესაფარი ეპოვა ათენის მახლობლად მდებარე კუნძულ ეგინაზე, საიდანაც მის წინ მშობლიური მიწის ხელი იშლებოდა.

მოქიშპეთა წინააღმდეგ გამუდმებული ბრძოლით დათრგუნული დემოსტენესი მწვავედ განიცდიდა ამ გაძევებას; მისი ჯანმრთელობა შეირყა. იგი მწუხარებით უზიარებდა მეგობრებს თავის აზრებს განაჩენის უმართებულობაზე. მაგრამ დიდებული ორატორის ეს გაძევება ხანმოკლე აღმოჩნდა: მოულოდნელად მოვიდა ცნობა, რომ ბაბილონში გარდაიცვალა ალექსანდრე (ძვ.წ. 323 წლის ივნისი). ეს ამბავი მთელ საბერძნეთში გამანთავისუფლებელი მოძრაობის მაუწყებელ ნიშნად იქცა. ამბოხებამ იფეთქა მცირეაზიელ ბერძენთა შორისაც. ამ ტალღამ აიყოლია მაკედონელთა მომხრე მდიდრებიც კი. ათენში მგზნებარე სიტყვებით გამოდიოდნენ ორატორები, რომლებიც თანამოქალაქეებს უქადაგებდნენ მაკედონური უღლის დამხობას. ათენიდან პელოპონესოსში წარგზავნეს ელჩები, რათა პელოპონესური სახელმწიფოებიც ჩაებათ გამანთავისუფლებელ ბრძოლაში.

ათენის სახალხო კრებამ დადგენილება მიიღო დიდი ორატორის გაძევებიდან დაბრუნების თაობაზე. კუნძულ ეგინაზე მას გაუგზავნეს ხომალდი. როდესაც დემოსტენესი მშობლიურ მიწას მიუახლოვდა, ათენის ნავსადგომ პირეოსში მას, ვითარცა ჭეშმარიტ გმირს, საერთო-სახალხო ზეიმი მოუწყვეს.

დემოსტენესი დაუხანებლივ ჩაუდგა სათავეში მაკედონელთა წინააღმდეგ აღძრულ ამბოხებას. დაიწყო ომი, რომელიც თავდაპირველად ათენელთა წარმატებით მიმდინარეობდა. ათენელი მხედართმთავარი ლეოსტენესი, რომელიც ადრე სპარსეთის მიერ დაქირავებულ ბერძენთა ჯარს ედგა სათავეში და რომელიც აღწე-



სანდრემ გაათავისუფლა, მ ათასი მებრძოლით ანტიპატროსის წინააღმდეგ დაიძრა თესალიისკენ. ათენელებს გზად შემოუერთდნენ ეტოლიელები და თესალიელები. მოკავშირეებმა დაამარცხეს ანტიპატროსი, რომელიც გადარჩენილ მეომრებთან ერთად ჩაიკეტა ლამიას ციხე-სიმაგრეში (თესალიაში). ლამიას აღების დროს ათენელებს დიდი უღებურება შეემთხვათ: ბრძოლის ველზე დაეცა ლეოსთენესი.

მისი გარდაცვალების შემდეგ ომი გაჭიანურდა და ათენელთათვის არახელსაყრელად წარიმართა. მოკავშირეთა ლაშქარი შედგებოდა სხვადასხვა ბერძნული სახელმწიფოების მოქალაქეებისა და დაქირავებული მებრძოლებისაგან, რომელთაც გასამრჯელოს ცუდად უხდიდნენ.

აღყაში მომწყვედელი ანტიპატროსის დასახმარებლად მოვიდა მხედართმთავარი ლეონატოსი თავის ლაშქართან ერთად. ათენელებმა მედგარი წინააღმდეგობა გაუწიეს მას და დაამარცხეს კიდევც. მაგრამ მაკედონიიდან კვლავ ისწრაფა დამხმარე ძალამ. ახლა უკვე მაკედონელები სჭარბობდნენ. ამას გარდა, ათენის ფლოტი ორგზის დამარცხდა, რამაც ათენელთა საზღვაო ძლიერებას ბოლო მოუღო.


მაკედონელებმა შეძლეს ათენელთა მოკავშირეებთან ზავის დადება. ათენელები მრისხანე მტრის პირისპირ მარტო აღმოჩნდნენ, მაგრამ მაინც გაიბრძოლეს უკანასკნელად.

ბრძოლა მოხდა ქალაქ კრანონთან (ძვ.წ. 322 წლის აგვისტო). ათენელები დამარცხდნენ, მაგრამ არც ისე მწარედ, როგორც ქერონეასთან. დაიდო ზავი, რომლის პირობებიც ერთობ მძიმე იყო: ათენის დემოკრატია დაემხო; მთელი პოლიტიკური უფლებები გადაეცა მხოლოდ მდიდრებს; დანარჩენ მოქალაქეებს შეეძლოთ დაეტოვებინათ სამშობლო და გადასულიყვნენ თრაკიაში; მაკედონურმა გარნიზონმა დაიკავა ათენის ნავსაყუდარი.

დემოსტენესსა და სხვა პატრიოტებს დაუსწრებლად მიუსაჯეს სიკვდილი. დემოსტენესმა მოახერხა კუნძულ კალამბრიაზე გაქცევა და იქ პოსეიდონის ტაძარს შეაფარა თავი.

გამოჩნდნენ მოლალატენიც, რომლებმაც საკუთარი ნებით დაიწყეს ლტოლვილთა ძებნა. მათ შორის განსაკუთრებით გამოიჩინა თავი ვინმე არქიასმა, ყოფილმა მსახიობმა, რომელსაც მეტსახელად „ლტოლვილებზე მონადირეც“ კი შეარქვეს.

გაიგო რა, რომ დემოსტენესი იმყოფებოდა კალამბრიაზე პოსეიდონის ტაძარში, ვითარცა „მფარველობისთვის მლოცველი“,² არქიასი დაქირავებულ მებრძოლებთან ერთად იქ მიიჭრა. იგი ვერაგულად მოუწოდებდა დემოსტენესს, გამგზავრებულიყო ანტიპატროსსთან, თან არწმუნებდა, რომ ეს მგზავრობა არ იქნებოდა სახიფათო. დემოსტენესმა მას ამ სიტყვებით მიმართა: „არქიას, როგორც ადრე არ მალეულებდა შენი მსახიობური თამაში, ასევე ახლაც არა მჯერა შენი. მცირე ხნით



დამიცადე, რალაცას მივწერ ახლობლებს..." დემოსტენესი ტაძარში შევიდა, აიღო პაპირუსის ნაგლეჯი და ლერწმის კალამი, თითქოს სანერად ემზადებოდა. შებდეგ კალამი ბაგეებთან მიიტანა და მოკვნიტა; ასე იქცეოდა იგი, როდესაც ფიქრობდა და სანერად ემზადებოდა. ლერწმის კალამში მოთავსებული იყო ძლიერი სანამლავი, რომელიც დემოსტენესმა წამისუმალ შესვა. გადააბიჯა თუ არა ტაძრის ზღურბლს, იგი შექანდა და დაეცა სულამოხდილი. ეს მოხდა ძვ.წ. 322 წლის 12 ოქტომბერს.

ასე გამოესალმა სიცოცხლეს დემოსტენესი, რომელმაც არ ისურვა დალოდებოდა თავისი სამშობლოს იავარყოფას. მალე ათენელებმა ქალაქის მოედანზე მას ბრინჯაოს ქანდაკება აღუმართეს: ნაღვლიან ორატორს შეუპოვრად მოემუჭა ხელები. ქანდაკების კვარცხლბეკზე კი ასეთი სიტყვები იყო ამოტვიფრული: „დიდო დემოსტენეს, შენი გონების საკადრისი ძალაუფლებაც რომ მოგეპოვებინა, მაშინ ელადას ვერ სძლედა მაკედონური არესი“.





შენიშვნები:

- ¹ უფრო დანვრილებით იხ. ალექსანდრეს ბიოგრაფია.
- ² ძველად ტაძარი წმინდა ადგილად ითვლებოდა. ამიტომ ის, ვინც ტაძარში შევიდოდა და ღვთაებას მფარველობას შესთხოვდა, ხელშეუხებლად ითვლებოდა. საკურთხეველთან ან ღვთაების ქანდაკებასთან მდგომს ვერავინ შეიპყრობდა. საბერძნეთის სახელგანთქმულ და პატივდებულ ტაძრებში თავშესაფარს პოულობდნენ დამნაშავენიც და გაქცეული მონებიც. მაგრამ შეფარებულის კვება არავის ევალებოდა. ამიტომ ხშირად ლტოლვილს შიმშილი აიძულებდა დაეტოვებინა წმინდა ადგილი. მაშინ კი შესაძლებელი იყო მისი შეპყრობა.



ალექსანდრე შაკელონელი

მაკედონიის მეფე, ძველი სამხაროს

უდიდესი მთავარსარდალი

(ძვ.წ. 356-323 წწ.)



მცდახუთი წლისაც არ იქნებოდა მაკედონიის მეფე ალექსანდრე, როდესაც ეგვიპტელმა ქურუმებმა მზის ღმერთის, ამონის ძედ აღიარეს. ეს მოენონა მეფეს, რადგანაც მუდამ ლამობდა სარწმუნო გაეხადა ლეგენდა თავის ლვთაებრივ წარმომავლობაზე. მან შექმნა პირველი დიდი მსოფლიო იმპერია, დაიმორჩილა რა ბერძნული სახელმწიფოები: სპარსეთი, ეგვიპტე, ბაბილონი, შუა აზია და ინდოეთი. ეს იმპერია გადაშლილი იყო დუნაიდან ინდოსამდე, კავკასიიდან ეგვიპტემდე. ალექსანდრეს უფრო მეტი სურდა, მხოლოდ ნაადრევმა სიკვდილმა შეუშალა ხელი განებორციელებინა „დიადი ოცნება“. თავისი დამპყრობითი ომების ბოლოს (ბოლო თუ იყო ალექსანდრემ ეს არ იცოდა, რადგანაც მაშინ ოცდაათი წლის იქნებოდა), როდესაც არისტოტელეს მონაფე მეფემ ინდოეთში ათი ბრძენი ასკეტი ტყვედ ჩაიგდო, ისურვა მათგან მოესმინა პასუხი ფილოსოფიურ შეკითხვებზე. ერთ-ერთი შეკითხვა ასეთი იყო: „ძალუძს თუ არა ადამიანს გაღმერთება?“ ბრძენმა მიუგო: „დიას, თუ შეძლებს ალასრულოს ის, რისი აღსრულებაც ადამიანს არ შეუძლია“. ძნელი წარმოსადგენია, რას ფიქრობდა იმზანად დიდი დამპყრობელი. შემდეგ განვითარებულმა მოვლენებმა ცხადყვეს, რომ მის გრანდიოზულ ოცნებებს აღსრულება არ ეწერათ.

ალექსანდრე ოცდაცამეტი წლის ასაკში გარდაიცვალა. დაიბადა კი ზუსტად იმ დღეს, როდესაც ავადსახსენებელმა ბერძენმა პეროპტრატოსმა, საკუთარი სახელის რაიმეთი-მანინც განთქმის მოსურნემ, მცირე აზიის ქალაქ ეფესოსში ცეცხლს მისცა ღმერთქალ არტემისის ტაძარი, რომელსაც მსოფლიოს ერთ-ერთ საოცრე-




ბად აღიარებდნენ. წინასწარმეტყველთა განმარტებით, ტადრის დანვა იმის მაჟნე-
ებელი იყო, რომ სწორედ ალექსანდრეს ენერა ბედად აზიის ძღვევამოსილი სა-
ხელმწიფოს, სპარსეთის განადგურება. ზუსტად იმავე დღეს მამამისმა, მაკედონი-
ის მეფე ფილიპოს მეორემ, ეტლით სრბოლაში გაიმარჯვა ოლიმპიურ ასპარეზო-
ბებზე; სამეფო ჯარმა ბრძოლით აიღო ბერძნული ქალაქი პოტიდეა, ხოლო მისმა
მთავარსარდალმა პარმენიონმა ბრწყინვალე გამარჯვება მოიპოვა ილირიელებ-
თან ბრძოლისას. მისნებმა ასე ამცნეს ფილიპოსს: „სამი გამარჯვების დღეს შობილ
შენს ძეს ქვეყნად ვერავინ დაამარცხებსო“.

მაკედონელებმა, დაამყარეს რა თავიანთი მმართველობა საბერძნეთში, ამ დი-
დებული ქვეყნის ტრადიციებიც შეისისხლხორცეს. ბერძნული არისტოკრატიული
გვარის ჩამომავლები უბრალო ხალხისგან გამოსარჩევად და საკუთარი ძალაუფ-
ლების დასამკვიდრებლად ლამობდნენ დაემტკიცებინათ, რომ ისინი ღმერთებისა
და გმირების მოდგმისა იყვნენ. მაკედონელმა მეფეებმაც, ბერძენთა მსგავსად, თა-
ვიანთი წარმომავლობა მითოსურ გმირებს დაუკავშირეს. სწორედ ამიტომ ალექ-
სანდრე მაკედონელი მამის მხრიდან თავს ბერძენთა დიადი გმირის, ჰერაკლეს ჩა-
მომავლად მიიჩნევდა, დედის მხრიდან კი – ეაკოსისა, რომელსაც თვლიდნენ ტროას
ომის ერთ-ერთი მთავარი გმირის, აქილეუსის წინაპრად.

ალექსანდრეს მამა, ფილიპოს მეორე, ისტორიაში შევიდა, როგორც მაკედო-
ნური მმართველობის საფუძველის დამდები საბერძნეთში, ხოლო დედა, ოლიმპი-
ასი,¹ როგორც ამაყი და დემონური დედოფალი, რომლის ძალაუფლებისადმი და-
უნდობელმა ლტოლვამ და შურისძიების მძაფრმა წადილმა მრავალი სიცოცხლე
შეინირა. აქვე უნდა აღინიშნოს, რომ ოლიმპიასმა მნიშვნელოვანი როლი ითამაშა
ალექსანდრეს ცხოვრებაში.

ბავშვობიდანვე გამოირჩეოდა მეფისწული უსამანო პატივმოყვარეობით, გამ-
ბედაობითა და საკუთარი თავისადმი რწმენით. თუმცა იგი, თავისი მამის მსგავსად,
ყოველგვარ დიდებას როდი ესწრაფოდა. ფილიპოსი ერთნაირად ამაყობდა სამ-
ხედრო ღირსებებით, ბრწყინვალე ორატორული ნიჭითა და ოლიმპიურ ასპარე-
ზობებზე თავისი ცხენების გამარჯვებებით. მისი ძე კი ქედმაღლობით გამოირჩეო-
და: ერთხელ, როდესაც მეგობრებმა ჰკითხეს ალექსანდრეს, მიიღებდა თუ არა
მონაწილეობას ოლიმპიურ ასპარეზობებში, ჭაბუკმა ასე უპასუხა: „სიამოვნებით,
თუ მეფეებს შევებრძოლები!“

ყოველთვის, როდესაც მოვიდოდა ცნობა ფილიპოსის მეთაურობით მაკედო-
ნელთა გამარჯვების თაობაზე, ალექსანდრე ნაღვლიანად მიმართავდა თავის მე-
გობრებს: „მამაჩემი ყველა ქვეყანას დაიპყრობს და მე აღარაფერს დამიტოვებს,
თქვენთან ერთად საგმირო და ბრწყინვალე საქმენი რომ აღვასრულო!“




ვერ კიდევ ადრეულ წლებში გამოამყლავნა ალექსანდრემ ხაისათის სიმედ-გრე. ერთხელ ფილიპოსს შესთავაზეს ეყიდა ცხენი, რომელიც თავით ისე მოკ-გაედა ხარს, რომ სახელად ბუკეფალოსი² შეარქვეს. ფილიპოსი ცხენის სანახა-ვად ალექსანდრესთან ერთად გაემგზავრა. ცხენი გაუხედნავი იყო, ნამდაუნუმ ყალყზე დგებოდა, ჩლიქებს სცემდა და მხედარს ახლოსაც არ იკარებდა. ფილი-პოსმა უარი თქვა ცხენის ყიდვაზე და ბრძანა, გაეყვანათ იგი. მაშინ ბრაზმორე-ულმა ალექსანდრემ მამასა და მის მახლობლად მდგომთ შესძახა: „სიმხდალისა და უმეცრების გამო თქვენ უარს ამბობთ დიდებულ ცხენზე!“ ფილიპოსმა შვილს დუმილით უპასუხა. მაგრამ ალექსანდრე რომ აღარ გაჩუმდა, ასე მიმართა: „შენ ისე კიცხავ უფროსებს, თითქოს მათზე უკეთ შეგეძლოს ცხენის დაურვება!“ „მე დავიმორჩილებ ამ ცხენს!“ – ამაყად წამოიძახა უფლისწულმა. „რომ ვერ მოახერ-ხო, რით დაგსაჯოთ მაგ თავხედობისთვის?“ – ხუმრობით იკითხა მეფემ. „ეფი-ცავ ზევსს, ცხენის ფასს გადავიხდი!“ – თქვა ალექსანდრემ და მედგრად გაემარ-თა ცხენისკენ, ალვირში ჩაავლო ხელი და მზისკენ მიაბრუნა, რადგან შენიშნა, რომ იგი საკუთარ ჩრდილს უფროთხოდა. შემდეგ კარგა ხანი ხელით ეფერებოდა და მასთან ერთად მირბოდა, რათა ცხოველი შეჩვეოდა. ხოლო როდესაც შეამ-ჩნია, რომ ცხენი დაილაღა და მძიმედ სუნთქავდა, მოისხნა მოსასხამი და მორბე-ნაღს ზურგზე მოექცა. გამძვინვარებული ცხენი წინ გაიჭრა, თან მხედრის ჩა-მოგდებას ლამობდა. მაგრად ეკავა რა სადავეები, ალექსანდრემ ცხენი ნებას მი-უშვა და მის მოქანცვას დაელოდა. როდესაც ცხენი შეეგუა თავის ტვირთს, ალექ-სანდრემ აიძულა იგი სადავეებსაც დამორჩილებოდა. ასე მოთინიერდა ბუკე-ფალოსი, რომელიც შემდგომ, ბრძოლათა უამს მაკედონელი დამპყრობლის ერ-თგულ მეგობრად გვევლინებოდა.



ფილიპოს
მაკედონელი

ფილიპოსი და მისი ამაღა შიშითა და მდუმარებით ადევნებ-დნენ თვალს კაცის და ცხენის ამ ორთაბრძოლას; როდესაც ალექსანდრემ მოაბრუნა ბუკეფალოსი და სიამაყით გაბ-რწყინებული მამას მიუახლოვდა, ყველამ შეჰყურა აღ-ფრთოვანებით, ფილიპოსს ცრემლებიც კი გადმოსცვივ-და სიხარულისგან. მან თავისი ძე გულში ჩაიკრა, ეამბო-რა და ასე მიმართა: „შენი შესაფერისი საბრძანებელი უნ-და ეძიო, შვილო, შენ ვერ დაგიტყვეს მაკედონია!“

ფილიპოსი ცდილობდა, დარწმუნებით უფრო ემოქ-მედა შვილზე, ვიდრე ბრძანებითა და მუქარით, რადგანაც შენიშნა, რომ ალექსანდრე ძალდატანებას ქედუხრელად ხედებოდა, კეთილ რჩევას კი იოლად ნებდებოდა.



მაკედონელმა მეფემ თავისი ძის განათლება ადგილობრივ მოძღვრებს კი არ მიანდო, არამედ საბერძნეთიდან მოიწვია იმ დროისათვის უდიდესი სწავლული არისტოტელე.³ იგი თავის მონაფეს ამეცადინებდა პატარა ქალაქ მიედას ბორობან ხეივანებში სეირნობისას. ამ დიდად განათლებულმა კაცმა შეძლო ალექსანდრეში გაეღვივებინა არა მხოლოდ პოლიტიკური და სამხედრო საქმეებისადმი, არამედ მედიცინისა და საბუნებისმეტყველო მეცნიერებებისადმი ინტერესიც. შემდგომში მეფე ყოველთვის ყურადღებით ეყრობოდა სწეულ ახლობლებს, წამლობდა მათ და სათანადო საკვებსაც კი ურჩევდა.

ალექსანდრემ ბავშვობიდანვე შეიყვარა ლიტერატურა და ურთულეს ლაშქრობათა უამსაც კი პოულობდა დროს საყვარელი წიგნის წასაკითხად. პომპროსის პოემა „ილიადა“ მუდამ თან ჰქონდა მაკედონელ დამპყრობელს. მას თავად არისტოტელემ შეუდგინა „ილიადას“ წუსხა, რომელსაც მდიდრულ კოთხში ინახავდა სასთუმალთან. ალექსანდრე თვლიდა, რომ ომების წარმოებისთვის უკეთესი სახელმძღვანელო არსად ეგულებოდა. ჭაბუკი მეფისწული ხარბად ითვისებდა ბრძენი მოძღვრის ყოველ სიტყვას. მოგვიანებით იგი იტყვის: „მამაჩემის მაღლიერი ვარ იმით, რომ ვცოცხლობ, არისტოტელესი კი იმით, რომ ღირსეულად ვცოცხლობ“.

არისტოტელეს გარდა ალექსანდრეს ჰყავდა აღმზრდელები მაკედონელთა არისტოკრატიული წრიდანაც. ისინი ცდილობდნენ გამოეწროთ ბავშვი, მიეჩვიათ იგი ზომიერებას. ალექსანდრე მოგვიანებით იგონებდა, თუ როგორ მოდიოდა მასთან სწონოლ ოთახში აღმზრდელი ლეონიდასი, როგორ ათვალეირებდა მის საძინებელს, რათა წაელო ის ტკბილეული, რომლითაც დედა ანებივრებდასოლმე საყვარელ შვილს.

მოძღვრები ამოად არ დამშვრალან. მეფისწული თავის ასაკთან შედარებით ბევრად უფრო განათლებული და განვითარებული იყო. ერთხელ, მამის არყოფნის დროს ალექსანდრემ მიილო სპარსეთიდან ჩამოსული ელჩები. სპარსელები გოცებულნი იყვნენ ჭაბუკის გონების მოქნილობითა და ფართო განათლებით. ისინი იმასაც ამტკიცებდნენ, რომ ფილიპოსი, თავისი ბრწყინვალე თვისებებით, ბევრად ჩამოუვარდებოდა შვილს, რომელიც უბადლო ნიჭიერებით გამოირჩეოდა.

ვერ კიდევ ჭაბუკმა ალექსანდრემ თავი გამოიჩინა როგორც შეუდრეკელმა მებრძოლმა და გონიერმა მმართველმა. თექვსმეტი წლის იყო იგი, როდესაც სალაშქროდ მიმავალმა ფილიპოსმა მთელი მაკედონის განმგებლობა მიანდო. ვაჟიშვილმა გაამართლა მამის იმედები: მან ჩაახშო ორაკიელთა ამბოხებები და დამორჩილებულ ქვეყანაში და-



არისტოტელე



აარსა რამდენიმე ქალაქი, რომელთაც ალექსანდროპოლისები (ალექსანდრეს ქალაქები) უწოდებდა.

ქერონეასთან ბრძოლის უამს (ძვ.წ. 338 წ.), როდესაც ფილიპოსმა ბერძენთა გაერთიანებული ძალები გაანადგურა და საბერძნეთის სახელმწიფოთა დამოუკიდებლობა დაასამარა, ალექსანდრე მაკედონის არმიის მარცხენა ფრთას მეთაურობდა.

მეფე ხარობდა ვაჟი შვილის წარმატებებით და სულს არ იშურებდა მისთვის. მაგრამ მალე ფილიპოსსა და ალექსანდრეს შორის ურთიერთობა დაიძაბა. ფილიპოსი გაეყარა ალექსანდრეს დედას – ოლიმპიასს და დაქორწინდა მაკედონელთა წარჩინებული გვარის ჩამომავალ კლეოპატრაზე.

პატივმოყვარე ალექსანდრე, რომელიც თავს ტახტის ერთადერთ კანონიერ მემკვიდრედ თვლიდა, მძვინვარებამ მოიცვა: ფილიპოსს შეეძლო მეორე ქორწინებისას შექმნილი ვაჟი შვილისთვის ისე ებოძებინა სამეფო ძალაუფლება, რომ ანგარიში არ გაენია უფროსი ძისთვის. ეს აზრი ალექსანდრეს დედამ, ოლიმპიასმა შთააგონა.

მამასა და შვილს შორის ისე გამწვავდა ურთიერთობა, რომ ალექსანდრე იძულებული გახდა დედასთან ერთად გასცლოდა მაკედონიას. ამ გამგზავრებამ მაკედონიის სამეფო კარის ზნეზე მრავალი მითქმა-მოთქმა გამოიწვია. ამიტომ ფილიპოსი უფროსი იღებოდა რა თავის კეთილ სახელს, შეამავალთა მეშვეობით ცდილობდა დაერწმუნებინა ალექსანდრე, არ გამოემტყალებინა მამისადმი აშკარა მტრობა და შინ დაბრუნებულიყო. ალექსანდრე დაბრუნდა მაკედონიაში, მაგრამ ურთიერთობა მამასა და შვილს შორის კიდევ უფრო დაიძაბა.

იზხანად ალექსანდრე ფარულ მოლაპარაკებას აწარმოებდა სპარსელებთან და მამისგან დაუკითხავად სპარსეთის მეფისნაცვლის ქალიშვილზე დასაქორწინებლად ემზადებოდა. როდესაც ეს ფილიპოსმა გაიგო, მაკედონიიდან გააძევა ალექსანდრეს მომხრეებიცა და ამ მოლაპარაკების თანამონაწილეებიც.

არავინ იცის, რა ზომებს მიიღებდა ფილიპოსი თვით ალექსანდრეს წინააღმდეგ, იმ დროისათვის რომ არ მოეკლათ. მკვლელი, წარჩინებული მაკედონელი, მეფის მცველებმა ადგილზევე განგმირეს.

ამ დანაშაულის მიზეზები აუხსნელი დარჩა. მაშინ ამ სიბნელით მოცულ საქმეზე დიდი მიეთ-მოეთი ატყდა. ერთნი ვარაუდობდნენ, რომ მკვლელი მოსყიდული იყო სპარსეთის მეფის მიერ, რამეთუ მას შეატყობინეს ფილიპოსის განზრახვა მაკედონელთა და ბერძენთა აზიაში ლაშქრობის თაობაზე. მეორენი ფიქრობდნენ, რომ მკვლელმა შური იძია ფილიპოსზე რაღაც პირად შეურაცხყოფათა გამო. მაგრამ მრავალნი თავდასხმის მომწყობებად იღუმალ ასახელებდნენ ალექსანდრესა და მის დედას, რადგანაც მათ მხოლოდ ამ გზით შეეძლოთ დაებრუნებინათ უწინ-




დელი ძალაუფლება სახელმწიფოში. მართალია, ალექსანდრემ დაუხანებლივ დასაჯა ყოველი, ვისზეც კი ეჭვი მიიტანეს ფილიპოსის წინააღმდეგ შეთქმულებაში, მაგრამ მაინც ზოგიერთები თვლიდნენ, რომ ეს მეფისნულმა განზრახ მოიპოქმედა სწორედ იმ მიზნით, რომ ჩაეჭუმებინა ისინი, ვინც კი რაიმე იცოდა ამ საქმეში მისი მონაწილეობის თაობაზე. ყოველი შემთხვევისათვის, ფილიპოსის გარდაცვალებისთანავე მოკლეს მისი შვილიც მეორე ქორწინებიდან, ხოლო საპყრობილეში ჩადებულმა კლეოპატრამ თავი ჩამოიხრჩო. ასე რომ, ალექსანდრე ფილიპოსის ერთადერთ კანონიერ მემკვიდრედ რჩებოდა.

ტახტზე ასვლისას მეფე მხოლოდ ოცი წლის იყო. მაკედონიის ძლიერებას ყოველი მხრიდან ემუქრებოდა საფრთხე. დაიწყო თრაკიის ველურ ტომთა ამბოხებები. სამხრეთით ფილიპოსის მიერ დამონებული საბერძნეთი ემზადებოდა თავისუფლების დასაბრუნებლად. ალექსანდრე მაკედონიის ლაშქართან ერთად ჩრდილოეთისაკენ გაემართა. სულ რამდენიმე ბრძოლით მან იოლად ჩაახშო თრაკიელთა ამბოხებები და ისტროსის (დუნაის) სანაპიროზე გაანადგურა მათი მომხრე თავისუფალი ტომები.

ამის შემდეგ მეფე გაემართა მის წინააღმდეგ აღმდგარი საბერძნეთისკენ. მან უსწრაფესი სვლით მიაღწია თერმოპილეს – ჩრდილოეთიდან შუა საბერძნეთისკენ გამავალ ერთადერთ გასასვლელს. დაასწრო ბერძნებს და თავდაცვისათვის ეხოდენ მნიშვნელოვან ადგილას მოხერხებულად დაბანაკდა. შემდეგ შეიჭრა შუა საბერძნეთში და ალყა შემოარტყა ქალაქ თებეს, რომელიც ათენთან ერთად სათავეში ედგა მაკედონელთა წინააღმდეგ ამბოხებულ ბერძნულ სახელმწიფოებს. მიუხედავად თებელთა თავგანწირული ბრძოლისა, ალექსანდრემ ქალაქი აიღო და ერთიანად დაარბია; მის წინააღმდეგ შემართული მოქალაქენი მონებად გაყიდა. ხელი არ ახლო მხოლოდ ქურუმებს, მაკედონელთა ახლობლებსა და სახელოვანი პოეტის, პინდაროსის შთამომავლებს. ამ შემზარავი მოქმედებით ალექსანდრეს სურდა სხვა ბერძნულ სახელმწიფოთა დაშინება. გადმოგვცემენ, რომ დაიხოცა დაახლოებით ექვსი ათასი თებელი, სამი ათასმა კი მონობის მწარე ხვედრი იწვნია.

ამ საშინელებით შეძრული ბერძნები დაცხრნენ. სპარსეთში სალაშქროდ გამზადებულ ალექსანდრეს ეშინოდა, რომ მის არყოფნაში ბერძნები ისევ აღსდგებოდნენ მაკედონელთა წინააღმდეგ. ამან აიძულა მეფე მძვინვარე სიმაკაცრე ყოვლად შემწყნარებლური კეთილგანწყობით შეეცვალა. იგი თავაზიანად იღებდა მის კარზე მისულ სახელმწიფო მოღვაწეებსა და სწავლულებს, ყოველნაირად ლამობდა მათ მიმხრობას. მან მოწყალება გამოიჩინა ათენისადმიც კი, რომელიც ამ ამბოხებას წინამძღოლობდა.




ალექსანდრე გაემართა ქალაქ კრანიოში (კორინთოს მახლობლად), რათა მოე-
ნახულებინა იქ მცხოვრები ფილოსოფოსი დიოგენესი, რომელიც ქადაგებდა, რომ
ადამიანები მხოლოდ მაშინ იქნებიან ბედნიერნი და თავისუფალნი, როდესაც შეძ-
ლებენ პირად მოთხოვნილებათა დაოკებას. ეს მათ საშუალებას მისცემს, არ იყ-
ვნენ დამოკიდებული საზოგადოებასა და სახელმწიფოზე. დიოგენესი პირადი მა-
გალითით ცდილობდა თავისი მოძღვრების გამართლებას: მან უარი თქვა თავის
სიმდიდრეზე, საკუთარ ჭურზე; სადგომი დაიდო დიდ თიხის კასრში, რომელიც
იდგა ქალაქ კრანიოს ბაზრის მოედანზე; მას ეცვა დაძონძილი სამოსი, გაცვეთილი
სანდლები; იკვებებოდა იმ ნარჩენებით, რომლებსაც იქვე, მოედანზე პოულობდა.
დიოგენესის მოძღვრებასა და ცხოვრების წესზე ხმა მთელ საბერძნეთს მოსდებო-
და. ზოგიერთი მას ბრძნად მიიჩნევდა, ზოგი კი, მისი საქციელით აღშფოთებული,
ცხოვრების ამ წესს „ძალღურს“⁴ უწოდებდა.

როდესაც ალექსანდრე კრანიოში ჩავიდა, დიოგენესი, ჩვეულებისამებრ, თავი-
სი კასრის წინ მტვერში იწვა შუა მოედანზე და მზეზე თბებოდა. ხმაურზე ფილო-
სოფოსმა თავი მიაბრუნა, თვალი შეავლო მოახლოებულ ალექსანდრეს, მის მრავალრიცხოვან ამალას და კვლავ განაგრძო მზეზე ნებივრობა. ალექსანდრე მიე-
სალმა დიოგენესს და ჰკითხა, ხომ არ ისურვებდა რაიმეს: ნებისმიერი მისი სურვი-
ლი დაუყოვნებლივ აღსრულდებოდა.

„მე მხოლოდ ერთი სურვილი მაქვს, – მიუგო ბრძენმა, – რომ განზე გადავ და
მზე არ დამიჩრდილო“. ამ სიტყვებით დიოგენესმა ზურგი შეაქცია ალექსანდრეს
და მზეს მეორე გვერდი მიაფიცხა. მეფე უხერხულ მდგომარეობაში ჩავარდა. ალექ-
სანდრემ ამ ღარიბ კაცს ყველა სურვილის აღსრულება აღუთქვა, ხოლო მან კი,
მადლობის ნაცვლად ძღვევამოსილ მბრძა-
ნებელს სთხოვა, გაცლოდა იქაურობას,
რამეთუ მზე არ დაეჩრდილა მისთვის!
ალექსანდრეს ამალამ აღშფოთება ხმა-
მაღალი შეძახილებითა და ფილოსოფო-
სისადმი დამცინავი სიტყვებით გამოხა-
ტა. მაგრამ მეფემ ამ უხერხულ მდგომა-
რეობას დიდებულად დააღწია თავი.
ნაცვლად იმისა, რომ დაესაჯა თავხედი
ბრძენი, რითაც მას წამებულის დიდე-
ბას მოუხეჭჭადა, ალექსანდრემ გაიღიმა
და თქვა: „ალექსანდრე რომ არ ვიყო, დი-
ოგენესად ყოფნას ვინატრებდიო!“



ალექსანდრე და დიოგენესი



ალექსანდრემ, დაიმედებულმა, რომ ბერძნები მაკედონელთა ბატონობას შეეგუენ, შეკრიბა ბერძნულ სახელმწიფოთა წარმომადგენლები და სპარსელთა წინააღმდეგ გალაშქრება შესთავაზა. მეფემ სცადა, დაერწმუნებინა ისინი, რომ ეს ომი საერთო ბერძნული საქმე იყო, შურისძიება იყო ელინთა იმ სიწმინდეების წაბილწვისათვის, რაც ძვ.წ. 480 წელს სპარსელთა ბერძნებზე გამარჯვებას მოჰყვა. ბერძნულ სახელმწიფოთა წარმომადგენლები იძულებულნი იყვნენ, მიეღოთ მეფის ეს წინადადება.

ლაშქრობის წინ ალექსანდრე დელფოს სამისნოს ეწვია, რათა აპოლონის ქურუმისაგან მოესმინა წინასწარ თქმული სიტყვა ომის დასასრულზე. მეფე იმ დღეს ჩავიდა დელფოში, როდესაც, კანონის თანახმად, პითია (აპოლონის ქურუმი ქალი) არ მისნობდა. მიუხედავად ამისა, ალექსანდრემ ბრძანა მისი ტაძრად მოყვანა, ხოლო როდესაც პითია არ დამორჩილდა, თავად გაემართა მისკენ. მეფის ხილვისას ქურუმს აღმოხდა: „დაუმარცხებელი ხარ, შვილო ჩემო!“ „სწორედ ამის მოსმენა მსურდა!“ – წამოიძახა ალექსანდრემ და დელფო დატოვა.

ჯერ კიდევ ფილიპოსის სიცოცხლეში დანყებული მზადება ლაშქრობისათვის დასასრულს უახლოვდებოდა. არმია, რომელსაც ალექსანდრე წვრთნიდა სპარსელთა წინააღმდეგ საბრძოლველად, შედგებოდა ოცდაათი ათასი ქვეითი მეომრისა და ხუთი ათასი მხედრისაგან. იგი თავისი სამხედრო ღირსებებით დიდად აღმატებოდა იმ ლაშქარს, რომელსაც სპარსელები დაუპირისპირებდნენ მაკედონელებს.

ყველაზე ცუდად ფულის საქმე ჰქონდა ალექსანდრეს. ომის დასაწყისისთვის მისი სურსათის მარაგი მხოლოდ ერთ თვეს თუ გასტანდა, ხაზინაში კი სულ 70 ტალანტონი რჩებოდა. ალექსანდრესთვის აუცილებელი იყო გადამწყვეტი გამარჯვებების მოპოვება პირველივე ბრძოლებში, რათა მიტაცებული ტერიტორიების მკვიდრთა ხარჯით დაეფინანსებინა შემდგომი ლაშქრობები. ყოველი წარუმატებლობა დალუპვას უქადდა მაკედონიის არმიას, რომელსაც არ გააჩნდა საარსებო სახსრები. ალექსანდრეს კარგად ესმოდა ჩაფიქრებული ლაშქრობის მთელი სიზნავე: ომს მაკედონისათვის ან სრული გამარჯვება უნდა მოეტანა, ან დალუპვა. ამიტომაც წინა დღეებში მან მთელი თავისი ქონება მეგობრებსა და ახლობლებს დაურიგა. ერთ-ერთმა მათგანმა, ასეთი გულუხვობით გაცოცხლებმა, ჰკითხა ალექსანდრეს: „კი მაგრამ, შენთვის რაღას იტოვებ, მეფეო?“

„იმედს“, – ასეთი იყო მეფის პასუხი.

ალექსანდრე ვარაუდობდა, რომ იმ სიმდიდრესთან შედარებით, რასაც იგი მტერზე გამარჯვებით მოიხვეჭდა, მაკედონიის საგანძური არარაობად გამოჩნდებოდა, დამარცხებულს კი აღარაფერი დასჭირდებოდა.




ძვ.წ. 334 წლის გაზაფხულზე ალექსანდრემ თავისი არმია ჰელესპონტოსისაკენ წარმართა და სითავხედით გაუგონარი ომი დაიწყო. მაკედონელი დამპყრობელი აღსავსე იყო ბრძოლის წადილით და ხელიდან არ უშვებდა უმნიშვნელო წვრილ-მანსაც კი, რომელიც მას წაადგებოდა გასამარჯვებლად.

მცირე აზიის ჩრდილო და დასავლეთ სანაპიროებზე განლაგებული იყო ბერძენთა ქალაქები, რომელთა მრავალი მკვიდრი მსახურობდა სპარსეთის მეფის არმიაში. მომავალ ბრძოლებში მათი მხარდაჭერისათვის მნიშვნელოვანი იყო ბერძენთა პატრიოტული გრძნობების გამოღვიძება. ამის მისაღწევად საუკეთესო საშუალებად ჩანდა მაკედონელთა ლაშქრობის წარმოსახვა ევროპასა და აზიას შორის წარმოებულ საუკუნეობრივი ბრძოლის გაგრძელებად. ალექსანდრემაც დაუხანებელივ მოიშველია ისტორიაც და მითოლოგიაც.

მცირე აზიის სანაპიროზე გადასული მეფე უპირველეს ყოვლისა მიემართება ტროას ნანგრევების მოსანახულებლად, აწყობს ბრწყინვალე ზეიმს ტროას გმირების პატივსაცემად. განსაკუთრებით გამოარჩევს იგი აქილევსს, რომელიც მაკედონიის მეფეთა წინაპრად ითვლებოდა. ამ ზეიმების არსი ყოველისათვის იყო ნათელი: აქილევსის ჩამომავალი აგრძელებს წინაპრის საქმეს და სათავეში უდგება ბერძენთა ლაშქარს, რათა ოდესღაც ელნით მიერ აზიელთა წინააღმდეგ დაწყებული ბრძოლა კვლავ გამარჯვებით დააგვირგვინოს. აზიელ-ტროელთა ნაცვლად ახლა სპარსელები წარმოსდგებიან.

ამასობაში სპარსელმა სატრაპებმა თავი მოუყარეს დიდძალ ლაშქარს და ხელსაყრელი პოზიცია დაიკავეს მდინარე გრანიკოსის ციკაბო ნაპირებთან, რომლებზეც მაკედონელები უნდა გადასულიყვნენ, რათა ქვეყნის შიგნით შეეღწიათ. სპარსელთა მორ გამაგრებული მდინარის გადალახვა მეტად რთული და სახიფათო აღმოჩნდა.

ალექსანდრეს ყველა მხედართმთავარი წინააღმდეგი იყო თავდასხმისა. ისინი მიუთითებდნენ მდინარის სიღრმესა და მისი დინების სისწრაფეზე, სპარსელთა მიერ დაკავებული პოზიციის უპირატესობაზე, ურჩევდნენ ბრძოლის გადადებას და მოითხოვდნენ სხვა, ნაკლებად სახიფათო გზების ძიებას. „ამ თვეში – ეუზნებოდნენ ისინი ალექსანდრეს, – მაკედონელები არ იბრძვიან, ასეთი ჩვენი ადათი!“ მაშინ მეფემ ბრძანება გასცა, შეეცვალათ სახელი თვისთვის. კარგად იცოდა მან, რომ მცირეოდენი დაყოვნებაც კი მისი ხაზინისათვის დამლუპველი იქნებოდა. ამიტომ, ყველას რჩევისა და მიუხედავად, გადაწყვიტა შეეტია სპარსელებისთვის და რაღაც არ უნდა დასჯდომოდა, გაერღვია მათ მიერ დაკავებული პოზიცია. ალექსანდრე სათავეში ჩაუდგა მაკედონელ არისტოკრატთა რჩეულ მხედრობას და გრანიკოსის გადალახვას შეუდგა. ამ შეტევის მხილველები გვამცნობენ, რომ ალექსანდრეს ეს ნაბიჯი სრულ უგუნურებად ჩანდა. მრავალი მხედართმთავარი თვლიდა, რომ ალექსანდრეს თავისი ლაშ-



ქარი დასალუპად ჰყავდა განწირული: მას არ სურდა იმის დაჯერება, რომ მდინარის ნაპირი იყო ციცაბო და კბოდე, რომ ზღვის დინებას თან მიჰქონდა უამრავი კაცი და ცხენი, რომ მომაკვდინებელი ისრები სეტყვასავით ცვივოდა მათზე.

თავგანწირული და მძვინვარე შეტევა წარმატებით დაგვირგვინდა; მაკედონელთა მხედრიონის ნაწილმა მეფის წინამძღოლობით შეძლო ლამით მოლიპულ ნაპირამდე მიღწევა. სწრაფმა დინებამ მიმოფანტა მაკედონელთა მწყობრი რიგები, მტრის მიერ დაკავებულ სანაპიროზე მხედრები პატარ-პატარა ჯგუფებად, ზოგჯერ კი თითო-თითოდ გამოდიოდნენ. სარგებლობდა რა ამით, სპარსეთის ცხენოსანთა ჯარი თავს ესხმოდა მაკედონელებს და კვლავ წყლისკენ მიერეკებოდა უადრეს, ვიდრე ალექსანდრე შეძლებდა თავისი გაფანტული მხედრიონის შეგროვებას.

მდინარის ციცაბო ნაპირებთან უწესრიგო საკავალერიო ბრძოლა გაიმართა. მონინაღმდეგეებმა პირველივე შეტევისას გადატყუეს შუბები და მახვილები იშპვლეს. სპარსელები ცდილობდნენ მიეღწიათ მეფემდე, რომელიც გამოირჩეოდა თავისი აღსაჭურველითა და მუზარადზე მიმაგრებული თეთრი, დიდებული ჯილით. სპარსელთაგან ვილაცამ მეფეს სტყორცნა ხელშუბი, რომელმაც გახვრიტა ჯავშანი, მაგრამ ვერა დააკლო რა სხეულს.

იმავე წამს ალექსანდრეს თავს დაესხა ორი სპარსელი მხედართმთავარი: რესაკოსი და სპითრიდატესი. მეფემ ზურგი აქცია სპითრიდატესსა და რესაკოსს სტყორცნა ოროლი. იგი გადატყდა ისე, რომ სპარსელისთვის ზიანი არ მიუყენებია. მეფემ მახვილი იშიშვლა და კვლავ რესაკოსისაკენ გაექანა. ამ დროს სპითრიდატესმაც მოაბრუნა ცხენი და უკნიდან მოუქნია ალექსანდრეს მახვილი, რომელმაც, მხოლოდ თეთრი ჯილა მოკვეთა მის მუზარადს. სპარსელმა კვლავ მოიქნია მახვილი, რათა უფრო ზუსტად დაერტყა, მაგრამ იმავე წამს მას თავს დაესხა ალექსანდრეს ძუძუმტის ძმა კლიტოსი, მეტსახელად „შავი“ და შუბით განგმირა სპითრიდატესი. იმავდროულად მეფის მახვილმა მიწას განართხო რესაკოსიც.

ვიდრე მაკედონელთა მხედრიონი თავგანწირული ბრძოლით ცდილობდა ნაპირზე გამაგრებას, გადმოსვლა იწყო ალექსანდრეს ქვეითმა ლაშქარმაც. როგორც კი მაკედონელთა მრავალრიცხოვანი ქვეითი ჯარი ბრძოლაში ჩაება, მონინაღმდეგის ცხენოსნებმა პირი იბრუნეს და უკუიქცნენ. მხოლოდ სპარსელთა მიერ დაქირავებულმა ბერძენთა ჯარმა არ ისურვა უკან დახევა. ამიტომ მაკედონელებმა ბრძოლა დაიწყეს ამ მედგარ და კარგად განვრთნილ ქვეით ჯართან.

ალექსანდრე კვლავ თავის მხედრიონს ედგა სათავეში. ამჯერად მას მოუკლეს ცხენი, მაგრამ ეს არ იყო ბუკეფალოსი. როგორც იქნა, დაქირავებული ბერძენებიც დამარცხდნენ, მაკედონელები კი ბრძოლის ველზე დაბანაკდნენ.




გადმოგვცემენ, რომ ამ ბრძოლაში სპარსელებმა დაკარგეს ოცი ათასი ქვეითი და ორნახევარი ათასი მხედარი. ალექსანდრეს დანაკარგი კი თითქოს სულ ოცდა-ოთხზე ადამიანს შეადგენდა. მათ შორის ცხრა იყო მხოლოდ ქვეითი. მაგრამ ეს ციფრები არ არის სანდო, რამეთუ მაკედონელ დამპყრობელს, მრავალი მხედართმთავრის მსგავსად, საკუთარი დანაკარგის მცირედ, ხოლო მტრისა კი გადაჭარბებით წარმოდგენა სჩვეოდა.

გამარჯვებულებს წილად ერგოთ დიდი ნადავლი, რომლის ნაწილიც ალექსანდრემ გაუგზავნა ათენის მკვიდრთ, რადგანაც სურდა, მათი კეთილგანწყობის დამსახურება საბერძნეთში რომ დასაყრდენი ძალა ჰქონოდა.

გრანიკოსთან გამარჯვებამ მაკედონელ დამპყრობელს მცირე აზიაში შესაღწევი გზა გაუხსნა. ერთი მეორის მიყოლებით, წინააღმდეგობის გაუნეწლად ნებდებოდნენ ალექსანდრეს მცირე აზიის ბერძნული ქალაქები. მაკედონელთა წინარე ქედის მოდრეკა არ ისურვეს მხოლოდ მილეტოსმა და ჰალიკარნასოსმა, მდიდარმა და ძლევამოსილმა ქალაქებმა, რომელთა მკვიდრნიც სპარსელთა ბატონობის პერიოდში განსაკუთრებული უპირატესობით სარგებლობდნენ. ეს ქალაქები მაკედონელებმა იერიშით აიღეს.

მაღე მცირე აზიის სიღრმეში მდებარე მხარეც ალექსანდრეს ხელში აღმოჩნდა. გორდიონში, ფრიგიის ერთ-ერთ ქალაქში, მაკედონიის მეფემ იხილა ოთხთვალა, რომლის ხელნაზეც სხვა ნაწილები მიმაგრებული იყო რთული კვანძით. ეს კვანძი დრო-ჟამს კიდევ უფრო გაემყარებინა. არსებობდა გადმოცემა, რომ ის, ვინც ამ კვანძს გახსნიდა, ვინც ხელნასა და უღელს ერთმანეთისგან განაცალკევებდა, სამყაროს მბრძანებელი შეიქნებოდა. პატივმოყვარე და ამპარტავანმა ალექსანდრემ განიზრახა, რადაც არ უნდა დასჯდომოდა, კვანძი გაეხსნა. მაგრამ ყოველგვარი ცდა ამაო იყო. ბოლოს ალექსანდრემ მახვილი იშიშვლა და კვანძი გააპო.⁶ მეფესთან დაახლოებულმა პირმოთნეებმა ეს კეთილ უწყებად აღიარეს და ალექსანდრეს მთელი სამყაროს მბრძანებლობა უწინასწარმეტყველეს.

ამასობაში მოვიდა ამბავი, რომ სპარსეთის მეფე დარიოს III უზარმაზარი არმიით დაიძრაო მაკედონელთა წინააღმდეგ. ალექსანდრემ მის შესახვედრად ისწრაფა. სირიისა და მცირე აზიის საზღვართან მაკედონიისა და სპარსეთის ჯარები ღამით უღელტეხილზე გადასვლისას ერთმანეთს ასცდნენ, რამეთუ სხვადასხვა გზას დასდგომოდნენ. მხოლოდ დილით აღმოაჩინეს მეფეებმა თავიანთი შეცდომა და კვლავ ერთმანეთისკენ იბრუნეს პირი. ალექსანდრე მოხარული იყო ამ შემთხვევითობისა: მისთვის არ იქნებოდა ხელსაყრელი, თუკი სპარსელთა სახელოვან ცხენოსნებს სირიის გაშლილ ველებზე შეებრძოლებოდა. ამიტომ ალექსანდრემ



სასწრაფოდ გადაისროლა თავისი არმია ჩრდილოეთით, რათა სპარსელებისათვის მთის ვიწრობებიდან გამოსვლის საშუალება არ მიეცა.

ორივე ლაშქარი ერთმანეთის პირისპირ დადგა სირიის ქალაქ ისოსის მახლობლად. აქ მთები ზედ ზღვის ნაპირთან არიან აღმართულნი, შუაში მოქცეულია ვიწრო ვაკე, რომელზეც მდინარე პინაროსი მიედინება. მიუხედავად იმისა, რომ სპარსეთის არმია ბევრად უფრო მრავალრიცხოვანი იყო, დარიოსმა ვერ შეძლო ამ უპირატესობის გამოყენება. ალექსანდრემ, ჩვეულებისამებრ, პირველ რიგებში რომ იბრძოდა, უკუაქცია მეფის დამცველთა რაზმი, რომელიც ურჩეულესი მებრძოლებისგან შედგებოდა.

დარიოსმა ვერ გაუძლო მაკედონელთა მოიერიშე მხედრიონის ხილვასა და ბრძოლის ველი მიატოვა. მეფის გაქცევის ამბავი სპარსელთა უკუქცევის ნიშნად იქცა. სპარსეთის არმია სასტიკად დამარცხდა. გამარჯვებულთა ხელში აღმოჩნდა სპარსელების მთელი ალალი და ამ ალალის ყველა თანმხლები. აგრეთვე სპარსეთის მეფის მდიდრული ეტლი, მისი კარავი, აღსაჭურველი, ძვირფასი ჭურჭელი და ფული. ტყვეთა შორის იყვნენ დარიოსის დედა, მეუღლე და ორი ქალიშვილი.

უზარმაზარმა ნადავლმა საშუალება მისცა გამარჯვებულ ალექსანდრეს გულუხვად დაესაჩუქრებინა ლაშქარი და დიდი განძი გაეგზავნა სამშობლოში ახლობლებისა და მეგობრებისთვის. თავის აღმზრდელ ლეონიდასს კი გაუგზავნა კეთილსურნელებანი, რომელთა ღირებულებაც 600 ტალანტონს შეადგენდა. ეს იყო იმ ფიცის აღსრულება, რომელიც ალექსანდრემ, ჯერ კიდევ ჭაბუკმა, საკუთარ თავს აღუთქვა: ერთხელ, მსხვერპლშენიერვისას მან ორივე ხელით მობოჭა გუნდრუკი და ცეცხლში ჩაყარა. ლეონიდასმა, რომელმაც ვერ მოასწრო ყმანვილის შეკავება, წარბები შეკრა და დატუქსა თავისი აღსაზრდელი: „არ გამართებს იმის განიკვება, რაც თავად არ მოგიპოვებია. აი, როდესაც კეთილსურნელოვანი ხეებით მდიდარ ქვეყანას დაუპატრონები, მაშინ ყარე ცეცხლში გულუხვად საკმეველი“. ლეონიდასისადმი გაგზავნილი ამ ძღვენით პატივმოყვარე ალექსანდრეს სურდა შეეხსენებინა მისთვის ეს ნათქვამი და თავი მოეწონებინა თავისი წარმატებებით. ძღვენს ალექსანდრემ თან ეს სიტყვებიც მიაყოლა: „მოძღვარო, სამყოფად გიგზავნი გუნდრუკსაც და სხვა საკმეველსაც, რათა ღმერთების წინაშე აღარ იძუნწო!“

დარიოსის ძვირფასეულობებს რომ ინანილებდნენ, ალექსანდრეს მიაართვეს ერთი საუცხოო ყუთი. მეფემ მეგობრებს ჰკითხა: მათი აზრით, რა შეიძლებოდა ყოფილიყო ამ ყუთში ჩადების ღირსი. მათგან სხვადასხვა პასუხი მოისმინა და ბოლოს თავად დასძინა, რომ შიგ მოათავსებდა ჰომეროსის „ილიადას“, თავის საყვარელ ნიგნს.




ისოსთან სპარსელთა დამარცხების შემდეგ ალექსანდრემ დაიმორჩილა ხმელთაშუა ზღვის აღმოსავლეთ სანაპიროზე მდებარე ქვეყნები: სირია, ფინიკია და პალესტინა. ზღვისპირა ქალაქთა დიდი ნაწილი მაკედონელებს უბრძოლველად დაწებდა. კუნძულ კვიპროსის მეფენიც კი გამოცხადდნენ ალექსანდრესთან თხოვნით, მიეღო კვიპროსი და მფარველობა გაეწია მისთვის.

არ ნებდებოდა ფინიკიის მდიდარი ქალაქი ტიროსი, რომლის მცხოვრებლებსაც ხელთ ეყურათ სპარსეთის სამეფოს საზღვაო ვაჭრობის სადავეები, რითაც ისინი დიდებულად სარგებლობდნენ. ქალაქის ნაწილი კუნძულზე იყო განლაგებული. ტიროსი ბატონობდა ზღვაზე და ამიტომ მისი მცხოვრებნი თვლიდნენ, რომ ალექსანდრე ვერ შეძლებდა მათ დამონებას.

ტიროსის ალყა ნახევარ წელზე მეტ ხანს გაგრძელდა (ძვ.წ. 332 წ.). ალექსანდრემ ბრძანა, ზღვაში ჩაეყარათ ქვიშა, რაც კუნძულზე განლაგებულ ქალაქთან მიახლოების საშუალებას მისცემდა. მაკედონელები განუწყვეტლივ უტყევდნენ ქალაქს; მაგრამ მცხოვრებნი მედგრად ეწინააღმდეგებოდნენ. მხოლოდ უდიდესი მსხვერპლის წილ იქნა შესაძლებელი ქალაქის აღება. განრისხებულმა ალექსანდრემ ბრძანა ტყვედ ჩაგდებულ მოქალაქეთა ნაწილის მონებად გაყიდვა, ნაწილი - კი - ჯვარზე გაკვრა.

ალექსანდრე კინალამ შეენირა ტიროსის ალყას, მხოლოდ საკუთარმა წარმოუდგენელმა სიმამაცემ იხსნა იგი: სირიელი არაბები ხშირად ესხმოდნენ თავს მაკედონელებს. მათი თავიდან მოცილების მიზნით ალექსანდრემ მთების დალაშქვრა განიზრახა. მთებში დაკარგა თავისი ლაშქარი და იძულებული შეიქნა მცირე რაზმთან ერთად გაეთია ლამე. მიუხედავად იმისა, რომ მათ ცეცხლის გაჩაღების საშუალებაც არ ჰქონდათ, მთებში კი საკმაოდ ციოდა, ალექსანდრემ დააყენა გუშაგები, თავად კი მშვიდ ძილს მიეცა. შუალამისას შეშინებულმა გუშაგმა გააღვიძა მეფე და დაანახა ყოველი მხრიდან აღმართული ჩირაღდნები. ცხადი იყო, რომ მათ გარშემო არაბები იმყოფებოდნენ. საკმარისი იყო, არაბებს აღმოეჩინათ მაკედონელები, რომ ალექსანდრეს ლაშქრობა დასალუბად განიწირებოდა.

გაიცნობიერა რა საფრთხე, მეფემ მოულოდნელი გადანწყვეტილება მიიღო: იგი მიიჭრა უახლოეს კოცონთან, მოკლა ცეცხლს მიფიცებული ორი არაბი, ხელი დაავლო მუგუზალს და კვლავ თავის რაზმთან მობრუნდა. ამ მუგუზალით ალექსანდრეს თანამგზავრებმა მტრის ბანაკის ირგვლივ მრავალი კოცონი დაანთეს, ისეთი შთაბეჭდილება შექმნეს, თითქოს მაკედონელებმა, ისარგებლეს რა სიბნელით, მათ ალყა შემოარტყეს. არაბები დაფრთხნენ და გაიქცნენ ისე, რომ არც კი დაუცადეს გათენებას. ალექსანდრე და მისი თანამგზავრები გადარჩნენ.




ტიროსის ალების შემდეგ ალექსანდრე სამხრეთით, ეგვიპტისაკენ დაიძრა. ეგვიპტის მოსახლეობა დიდი ხანია გმინავდა სპარსთა უღელქვეშ და ხშირად ამბოხებებსაც აწყობდა. ეგვიპტელები სიხარულით შეხვდნენ მაკედონელებს, რადგანაც ფიქრობდნენ, რომ მათი შემწეობით თავს დაისხნიდნენ მძიმე უღლისგან. აიღო თუ არა ეგვიპტე (ძვ.წ. 332 წ.), ალექსანდრემ ხალხის კეთილგანწყობის დამსახურება განიზრახა, დააინტერესა ისინი ვაჭრობით, რაც მათ ახლად შექმნილი უზარმაზარი სახელმწიფოს სამფლობელოში შესვლის უფლებას მისცემდა. ეგვიპტის საერთაშორისო ვაჭრობაში ჩასაბმელად მეფემ ხმელთაშუა ზღვის სანაპიროზე ახალი ნავსადგომის დაარსება განიზრახა.

გადმოგვცემენ, თითქოს ალექსანდრეს ძილში გამოეცხადა თავად ჰომეროსი და უჩვენა ადგილი, სადაც ქალაქი უნდა გაეშენებინა. მეფე იმავე დილას გაემართა სიზმრად ხილული ადგილისაკენ, მოეწონა და აღფრთოვანებულმა წამოიძახა: „ჰქუმარიტად, ჰომეროსი დიდებული პოეტი კი არ არის მხოლოდ, იგი დიდებული ხუროთმოძღვარიც გახლავთ!“ მან იქვე ისურვა ქალაქის სავარაუდო გეგმის დახატვაც. ცარცი რომ ვერ აღმოაჩინეს, მიწაზე ფქვილით შემოხაზეს მომავალი ქუჩები. მოულოდნელად მოფრინდნენ ჩიტები და მთელი ფქვილი აკენკეს. ცუდად ენიშნა მეფეს ფრთოსანთა მოვლინება, მაგრამ წინასწარმეტყველებმა დააწყნარეს ასეთი სიტყვით: „შენი ქალაქი დიდების სახელს მოიხვეჭს და ასაზრდოებს მრავალ ქვეყანას!“ მისანთმისნობა გამართლდება. სულ მალე ახლად დაარსებული ქალაქი აღმავლობის გზას დაადგება და ეგვიპტის სავაჭრო, სამეცნიერო თუ კულტურულ ცენტრად იქცევა. იქ აღმართავენ მსოფლიოს საოცრებათა შვიდეულიდან ერთ-ერთს: ალექსანდრიის შუქურას. მაგრამ ეს მოხდება მოგვიანებით.

მისანთაგან გამხნეებულმა ალექსანდრემ თავდაპირველად ნილოსის ორ განშტოებას შორის მიწის ფართო ზოლი შეარჩია. იქვე, სანაპიროსთან მდებარეობდა კურძული ფაროსი, რომელიც მისი ბრძანებით ხმელეთს მიწაყრილით შეუერთეს. მიწაყრილიან კუნძულთან კეთდებოდა საკმაოდ ვრცელი ზღვის უბე, სადაც ერთდროულად მრავალ ხომალდს შეეძლო დგომა. არხები, რომლებიც ნავსადგომს სამხრეთით მდებარე დიდ მარიოტისის ტბასთან აერთებდნენ, უზრუნველყოფდნენ მეზღვაურებს ხომალდთა აგებისა და შეკეთებისთვის საჭირო დოკებით და ეგვიპტეში შესაღწევი ხელსაყრელი გზებით.

მეფემ თავად დახაზა ქალაქის სავარაუდო გეგმა, განსაზღვრა მთავარ ქუჩათა, ბაზართა და ტაძართა ადგილები და ბრძანა ახალშენისათვის ეწოდებინათ ალექსანდრია, რათა მისი სახელი არასოდეს დაევიწყებინათ ეგვიპტეში. იდგა ძვ.წ. 331 წელი.

ალექსანდრე მოსახლეობის კეთილგანწყობის დამსახურების მიზნით ყოველწინარად ცდილობდა გამოეხატა თავისი მოწინება ეგვიპტელთა ადათისა და რელი-



გისადმი. ალექსანდრიის დაარსებისთანავე იგი გაემართა ეგვიპტის დასავლეთით მდებარე ლიბიის უდაბნოსაკენ. აქ ნილოსის დაბლობიდან რამდენიმე ასეული კილომეტრის მოშორებით, უდაბნოს მხურვალე ქვიშით გარემოცული ოაზისი მდებარეობდა. ეს იყო ნაყოფიერი მიწის მადლით ამწვანებული პატარა ადგილი. ეგვიპტელებს მიაჩნდათ, რომ აქ დავანებული იყო მზის ღვთაება ამონი, რომელსაც ბერძნებიც სცემდნენ თაყვანს და ზევსთან აიგივებდნენ. ამ ოაზისში იყო ამონის ტაძარი, სადაც ქურუმები მომავალს წინასწარმეტყველებდნენ. ურწყულ უდაბნოში მრავალდღიანმა ლაშქრობამ კინალამ იმსხვერპლა ალექსანდრეს თანმხლები ჯარი. როდესაც, ბოლოს და ბოლოს, მეფემ ოაზისს მიაღწია და ტაძარს უძღვნა დიდებული საბოძვარი, ქურუმმა იგი ზევსი-ამონის ძედ აღიარა და მთელი სამყაროს გამგებლობა უწინასწარმეტყველა.

ამის შემდეგ ალექსანდრე თამამად საუბრობდა თავის ღვთაებრივ წარმომავლობაზე და არ უკვირდა, როდესაც ღმერთის ძედ იხსენიებდნენ. მეფეთა გაღმერთება აღმოსავლეთში ჩვეულებრივი მოვლენა იყო: ეგვიპტის ფარაონები, ბაბილონისა და სპარსეთის მეფეები ღმერთებად მიიჩნეოდნენ მათი ტახტზე ასვლისთანავე. აღმოსავლეთის ხალხს იმის ქადაგება, რომ ალექსანდრეს მამა იყო არა მეფე ფილიპოსი, არამედ თავად უზენაესი ღვთაება ზევსი-ამონი, მაკედონელი დამპყრობლის სამეფო ძალაუფლების დამკვიდრებად მიაჩნდა და არა უაზრო მზვაობრობად. მეფეს ეგვიპტელ ქურუმთა ლეგენდა თავის ღვთაებრივ წარმომავლობაზე მოსწონდა კიდევ, რამეთუ ამით მისი ძალაუფლება კიდევ უფრო ძლიერდებოდა აზიაში.

თავდაპირველად ალექსანდრე მეგობართა წრეში თავადვე მხიარულად იცინოდა იმ უაზრობაზე, რომ იყო უკვდავი და ყოვლისშემძლე ღმერთი. მაგრამ როდესაც იმრავლეს წარმატებებმა, რასაც მოჰყვა საყოველთაო პირფერობა, პატივმოყვარე მბრძანებელმა მართლაც ირწმუნა, რომ მას ღმერთები მფარველობენ და რომ არ არსებობს მისი წინაღმდეგომი რაიმე ძალა.

პირველად ალექსანდრემ ჯერ კიდევ ეგვიპტის დაპყრობამდე განაცვიფრა ყველა თავის განზრახვათა სითამამით. მალე ისოსთან დამარცხებულმა დარიოსმა, რომელიც წუხდა თავის ოჯახზე, ალექსანდრეს მიუგზავნა ელჩები და ზავის დადება შესთავაზა. იგი მაკედონიის მეფეს აღუთქვამდა თავისი ასულის ხელსა და მდინარე ეფრატის ჩრდილოეთით მდებარე სპარსეთის მიწებს. სპარსეთის მეფე თანახმა იყო დაეთმო არა მხოლოდ ის, რაც დაიპყრო მაკედონიამ, არამედ კიდევ სხვა მიწებიც. დარიოსი დატყვევებული დედის, მეუღლისა და ქალიშვილების გამოსყიდვის ფასად უზარმაზარ დათმობებზე მიდიოდა.

სათათბიროდ შეკრებილი ახლობლები ერთხმად ურჩევდნენ ალექსანდრეს, მიელო ეს წინადადება. სიტყვა ითხოვა ხანდაზმულმა პარმენიონმა, ფილიპოსის უახ-



ლოესმა თანამოაზრემ, რომელიც ცვლიდა-ზოლმე მეფეს არყოფნის უამს. „ალექსანდრე რომ ვყოფილიყავი, – თქვა მან, – დავთანხმდებოდი“.

„მეც დავთანხმდებოდი, – სწრაფად მოუჭრა ალექსანდრემ, – პარმენიონი რომ ვყოფილიყავი!“

მოხუცი დადუმდა. ყოველისათვის იყო ნათელი, რას გულისხმობდა ახალგაზრდა მეფე: მხოლოდ მას ძალუძს იმის აღსრულება, რაც მიუღწეველია ნებისმიერი მთავარსარდლისათვის. პარმენიონისათვის წარმოუდგენელია მთელი სპარსეთის დამორჩილება. ალექსანდრე კი არ დათანხმდება თუნდაც უომრად მიღებულ ნახევარ სპარსეთს, მას მთელი სპარსეთის დამონება სურს.

მაკედონიის არმიას მდიდარი, ნაყოფიერი ეკვიპტის მიწად ერთი წელიც არ დაუყვია. ძვ.წ. 331 წლის გაზაფხულზე ალექსანდრემ თავისი მეომრები გამოიყვანა ნილოსის ხეობიდან და წინა აზიის უდაბნოს გავლით მესოპოტამიისკენ გაემართა. იგი იმედოვნებდა, რომ იქ შეხვდებოდა სპარსეთის ლაშქარს.

დარიოს III ხვდებოდა, რომ მისი სახელმწიფოს ბედი წყდებოდა, ამიტომ დიდი გულმოდგინებით ემზადებოდა ამ ბრძოლისათვის. მან აღმოსავლეთის ქვეყნებიდან დიდძალი ჯარი შეაგროვა. გადაწყვიტა, არ ექარა მაკედონელებთან შებმა, რათა თავს არ დასტეხოდა ის, რაც ისოსთან მოხდა. სპარსელთათვის არახელსაყრელმა პირობებმა იმხანად მაკედონიას გამარჯვება მოაპოვებინა.

ამჯერად დარიოსმა თავად შეარჩია ბრძოლის ველი. მდინარე ტიგროსის აღმოსავლეთ სანაპიროსთან, ასირიის ძველი დედაქალაქის, ნინევიას ნანგრევების მახლობლად, პატარა დაბა გავგამელასთან მდებარეობდა ვრცელი ველი, სადაც სპარსელები ჩაუსაფრდნენ აღმოსავლეთისაკენ მიმავალი ალექსანდრეს არმიას.

ისინი ერთმანეთს შეხვდნენ ძვ.წ. 331 წლის სექტემბრის ბოლო დღეს. როდესაც მაკედონელები მიუახლოვდნენ წინა ხაზზე განლაგებულ სპარსელებს, უკვე საღამო ხანი იყო. დარიოსმა მოულოდნელი თავდასხმის თავიდან ასაცილებლად თავისი არმია საბრძოლო მზადყოფნაში მოიყვანა. მეჩირაღდნეებით გარემოცული მეფე მთელი ღამის განმავლობაში ამონებდა მებრძოლთა რიგებს. მთელი ღამის დაძაბულობით განანამები მებრძოლები გამთენიისთვის ძლივს იდგნენ ფეხზე.

ალექსანდრეს არ სურდა პირდაპირ გზიდან დაეწყო ბრძოლა. მძიმე ლაშქრობის შემდეგ მებრძოლებისათვის აუცილებელი იყო დასვენება. მეფემ, ღრმად დარწმუნებულმა, რომ სპარსელები არ დათმობდნენ მათ მიერვე შერჩეულ ველს, იქვე, მახლობლად ბრძანა ღამის გათევა.

მაკედონელი მთავარსარდლები შიშით უმზერდნენ უზარმაზარ ველს, როგელსაც ტალღათა ხმაურივით ეფინებოდა ადამიანურ ხმათა ყრუ გუგუნის. სპარსთა კოცონების სწორი მწკრივები იქვე, სულ ახლოს იწყებოდა და ყოველ მზარეს ვრცელ-



დებოდა, იმ სიშორეზე, რასაც კი თვალი მისწვდებოდა. მონინა აღმდეგეთა მრავალრიცხოვნებით თავზარდაცემული მხედართმთავრები პარმენიონის მეთაურობით ალექსანდრეს ეახლნენ და ევედრებოდნენ, თუკი მას მტკიცედ ჰქონდა უკვე გადამწყვეტილი სპარსელებთან ამ ველზე შებმა, დილას აღარ დალოდებოდა, ესარგებლა სიბნელით, რომელიც მტრის რიცხოვრივ უპირატესობას მაინც დაფარავდა.


„მე გამარჯვებებს არ ვიპარავ!“ – მიუგო მათ ალექსანდრემ და გაისტუმრა რა ისინი, მშვიდ ძილს მიეცა. ისე ღრმად ეძინა მეფეს, რომ გამთუნისას ჩვეულებისამებრ ვერც გაიღვიძა. როდესაც გაოცებულმა მთავარსარდალმა, ხანდაზმულმა პარმენიონმა გაბედა მისი გამოფხიზლება, უსაყვედურა, ისე გძინავს, თითქოს უკვე გაიმარჯვეო. ალექსანდრეს გაელიმა და ასე მიუგო: „განა ხელთ არ გვაქვს გამარჯვება? დარიოსი ხომ ჩვენს წინ არის, სად გაგვექცევა!“

ბრძოლა დაიწყო. ალექსანდრეს ეშინოდა ალყისა და ამიტომ თავისი ლაშქარი ორ მწკრივად განალაგა. თუკი მტერი გარს შემოეკლებოდა პირველ მწკრივს, მეორე მწკრივი უკან გაბრუნდებოდა, შექმნიდა კარეს და ორ ფრონტზე შეძლებდა ბრძოლას.

სწორი აღმოჩნდა მეფე. ბრძოლის დასაწყისშივე სპარსელთა მძლავრმა მხედრობამ შეავიწროვა მაკედონელთა მარცხენა ფრთა, რომელსაც პარმენიონი მეთაურობდა. სპარსელთა ფრონტი გაცილებით უფრო ფართო იყო, ვიდრე მაკედონელებისა. ამით ისარგებლეს ცხენოსნებმა, გვერდი აუარეს პარმენიონს და მის ზურგს უკან აღმოჩნდნენ, სადაც ალალი იდგა. მდგომარეობა სავალალო იყო. მოხუცმა მხედართმთავარმა მეფესთან აფრინა კაცი დახმარების თხოვნით, თან გააფრთხილა – ალალს ვკარგავთო.

ამ ბრძოლამ ნათლად გამოავლინა ალექსანდრეს ხასიათის უმთავრესი თვისება – რისკისადმი ლტოლვა. მოსალოდნელი საფრთხე უფრო ფრთხილ მთავარსარდალს აიძულებდა გაეგზავნა ძალები პარმენიონის დასახმარებლად – ალალის გარეშე მაკედონიის არმია ვერ გაძლებდა მტრულ ქვეყანაში. მაგრამ ალექსანდრეს არ სურდა მის მიერ განზრახული შეტევიდან მოეხსნა თავისი მებრძოლები. „ხომ არ გაგიყდა პარმენიონი, რა დროს ალალზე ფიქრია. თუ დავიღუპეთ, აღარც ალალი დაგვჭირდება, თუ გავიმარჯვეთ, ჩვენი ალალის ნაცვლად მტრისას დავეუფლებით. თუკი პარმენიონი თვლის, რომ დამარცხდა, ვურჩევ ქონების გადარჩენაზე კი არ იფიქროს, არამედ იმაზე, თუ როგორ დაიღუპოს დიდებით!“

ამ სიტყვისთანავე ალექსანდრემ ბრძანა, მოეტანათ მისთვის აღსაჭურველი და დაიწყო ბრძოლისთვის მზადება. შალის მჭიდრო პერანგზე ჩამოიცვა ტილოს უხეში, ორმაგი ვავშანი, რომელიც ისოსთან ბრძოლაში ხელთ ჩაიგდო. ალექსანდრეს მუზარადი რკინისა იყო, მაგრამ ისეთი ოსტატობით ნაკეთი, ისე ბზინვარე, რომ ვერცხლის



შთაბეჭდილებას ტოვებდა. მუზარადზე მიმაგრებული იყო ძვირფასი თვლებით მოოჭვილი ლითონის საყელო. მაგრამ ყველაზე ძვირფასი მეფის აღსაჭურველში იყო დიდებულად გამონრთობილი, უმსუბუქესი მახვილი, რომელიც მას კვიპროსის განმგებელმა უბოძა. ეს მახვილი ალექსანდრეს უსაყვარლესი იარაღი იყო.


მეფეს მოჰგვარეს ბუკეფალოსი. ჩვეულებრივ, ალექსანდრე სხვა ცხენზე იჯდა, რადგანაც ბუკეფალოსი უკვე 25 წლისა იყო და მის ძალებს უფრთხილდებოდა. მაგრამ ამჟამად თავის საყვარელ ცხენზე ამხედრება ისურვა მეფემ.

სწორედ ამ დროს სპარსეთის არმიის მარცხენა ფრთაც გადავიდა შეტევაზე. ცხენოსანთა ნაწილი გამოეყო სპარსელთა ძირითად მასას და იქით გაემართა, სადაც იმყოფებოდა ალექსანდრე მაკედონისა და თესალიის მხედრებთან ერთად.

ამ გადაადგილებამ ერთგვარი დერეფანი შექმნა მტრის რიგებში. ამით ისარგებლა ალექსანდრემ და მთელი ძალით შეიჭრა ამ რღვეულში. მან შორს თვალი მოჰკრა სპარსეთის მეფეს. მაღალ ეტლზე ამხედრებული დარიოსი გარშემორტყმული იყო საგულდაგულოდ შერჩეული ახოვანი მცველებით. მზეზე ბზინავდა მათი იარაღი. ალექსანდრემ თავის რაზმთან ერთად გააფრთებული იერიშით ისწრაფა მეფისკენ. შედრკნენ მცველები, მრავალმა მათგანმა გაქცევაც კი იკადრა, მაგრამ დარჩენილები თავგანწირულად იბრძოდნენ. დაიბნა სპარსეთის მეფე. მის თვალწინ მაკედონელები უმონყალოდ ჟღერდნენ მეომრებს. ისეთი ალიაქოთი შეიქნა, რომ დარიოსმა თავისი ეტლის შემობრუნებაც კი ვერ მოახერხა, ბორბლებთან ოხრად ეყარა დაღუპულთა გვამები. ცოტაც და ალექსანდრე, რომელიც პირველ რიგებში იბრძოდა, მახვილით მისწვდებოდა თავის მეტოქეს. საბედისწერო შიშმა აიტანა დარიოსი, იგი შეახტა ერთერთი მცველის ცხენს და ბრძოლის ველიდან უკანმოუხედავად გაქუსლა.

გაქცეულ მთავარსარდალს უკან მიჰყვა მისი ლაშქარიც. მარჯვენა ფლანგსა და ცენტრში მაკედონელებმა სრული გამარჯვება მოიპოვეს. მხოლოდ მარცხენა ფლანგის მდგომარეობა რჩებოდა მძიმე. პარმენიონი დახმარებას ითხოვდა. ალექსანდრემ მიატოვა დარიოსის დევნა და დაიწყო მარცხენა ფრთის გამაგრება. მტერმა უკან დაიხია.

გავგაშლასთან ბძოლამ საბოლოოდ შეარყია სპარსელთა ძალმოსილება. ალექსანდრეს ახლა უკვე აღარ ჰყავდა ძლიერი მონინააღმდეგეები. მიუხედავად იმისა, რომ აღმოსავლეთის ზოგი სახელმწიფო კვლავაც განაგრძობდა ომისთვის სამზადისს, მაკედონელ დამპყრობელს სრული უფლება ჰქონდა გამოეცხადებინა თავი აზიის მეფედ. სპარსეთის დიდებულთაგან მრავალი ისწრაფოდა დაემტკიცებინა მორჩილება ალექსანდრესათვის და მეფეც ხალხით ნიშნავდა მათ მმართველებად.



ალექსანდრეს თავისი უფლებების გასამყარებლად დარიოს III თავიდან მოცილება სურდა. ამისათვის საჭირო იყო ან მოეკლა იგი, ან იძულებული გაეხადა, დაეთმო ძალაუფლება. მაგრამ ვიდრე აღმოსავლეთისაკენ მცირე რაზმით გაქცეულ დარიოსს დაედევნებოდა, ალექსანდრემ განიზრახა თავისი გამარჯვების სიტკობო შეეგრძნო. მთელი აზია მის ფერხთ იყო განრთხმული. მბრძანებელმა, უპირველეს ყოვლისა, გადაწყვიტა, ხელთ ეგდო სპარსეთის მთავარი ქალაქები, რომლებსაც აღარ იცავდა ჯარი.


მაკედონიის ლაშქარი შევიდა აღმოსავლეთის უბრწყინვალეს ქალაქ ბაბილონში, რომლის ზღაპრულ სიმდიდრეებზეც ესოდენ ბევრს წერდნენ ბერძენი მოგზაურები. ალექსანდრე ჩქარობდა, თუმცა იძულებული გახდა, აქ დაესვენებინა თავისი მებრძოლები, რათა ისინიც დამტკბარიყვნენ ცხოვრებისეული საამებით იმ მძიმე განსაცდელის წინ, რაც ელოდათ.

შემდეგ მაკედონელებმა ხელთ იგდეს სუსა – სპარსეთის მეფეთა საზაფხულო რეზიდენცია. აქედან, ძვ.წ. 331 წლის მინურულისთვის ლაშქარი გაემართა სპარსელთა უძველესი სამოსახლოსკენ. ქალაქ პერსეპოლისში მდებარეობდა სამეფო სასახლე და დარიოსის წინაპართა სამარხები. ამ სასახლის სარდაფები საუკუნეთა განმავლობაში ივსებოდა იმ სიმდიდრით, რომელსაც სპარსელები დამორჩილებულ ხალხებს ართმევდნენ. ახლა ამ საგანძურს დაუფლდა ალექსანდრე. პერსეპოლისისა და სუსას სასახლეებში მოპოვებულ მონეტათა ნონა რამდენიმე ათასი ტონა ყოფილა. გამარჯვებულ მეფეს დანარჩენ ძვირფასეულობათა გასატანად დასჭირდა ათი ათასი ჯორი და ხუთი ათასი აქლემი.

ალექსანდრეს გასაოცარ გულუხვობას, უდარდელ დამოკიდებულებას სიმდიდრისადმი, რომლის მოპოვებაც მას არასოდეს გასძნელებია, საზღვარი არ ჰქონდა.

როდესაც სასახლიდან გაჰქონდათ სპარსული ოქრო, მეფემ თვალი მოჰკრა მისთვის უცნობ მეომარს, რომელიც ტვირთის სიმძიმით იზნიქებოდა. ალექსანდრემ მის გასამხნეებლად შესძახა: „ტვირთი აღარ მოგეჩვენება მძიმე, თუკი მას ურმისკენ კი არა, შენი კარვისკენ წაიღებ!“ ამ სიტყვებით მეფემ ბრძანა, ეჩუქებინათ მეომრისათვის მთელი ის ოქრო, რაც მას ზურგზე ჰქონდა ნამოკიდებული.

უფრო გულუხვად ასაჩუქრებდა ალექსანდრე თავის მეგობრებსა და ახლობლებს. როდესაც ეს დედამისს შეატყობინეს, მან შვილს ასეთი წერილი გაუგზავნა: „უნნ, როდესაც არ იყავი ასე მდიდარი, საჩუქრებით მეგობრებს იძენდი. ახლა კი, შენი განუზომელი გულუხვობის გამო ისინი სიმდიდრით მეფეებს გაუტოლედ და მეგობრების შეძენის ნაცვლად მტერს იმრავლებ“. პატივმოყვარე ალექსანდრემ დედის რჩევა ყურად არ იღო. ოლიმპიასი ერთადერთი იყო, ვისი საყვედურებიც



რისხვას არ გვრიდა დიდ დამპყრობელს. მიუხედავად ამისა მეფის საქმეებში ჩარევის ნება მასაც არ ჰქონდა.

სპარსეთის ძველი დედაქალაქის დაპყრობისთანავე ალექსანდრემ მეფის სასახლე დაიკავა. ბერძნები და მაკედონელები ალტაცებით შეხვდნენ ბალდახინში სამეფო ტახტზე მჯდომ ალექსანდრეს. მხოლოდ ზოგიერთები სვდებოდნენ, რომ შორს არ იყო ის დრო, როდესაც მაკედონიის მეფე ისეთივე დესპოტად იქცეოდა, როგორც იყო მისი წინამორბედი მბრძანებელი სპარსეთისა.

სპარსელთა დამცირებისა თუ შურისძიების წადილმა უბიძგა ალბათ ალექსანდრეს ისეთი რამ ჩაედინა, რამაც მის სახელსა და დიდებას ჩრდილი მოჰფინა: ქსერქსესის ლაშქრობათა უამს დაფერფლილი ათენისა და საბერძნეთის დარბეული ტაძრების წილ ალექსანდრემ გაანადგურა სპარსული ხელოვნების ბრწყინვალე ძეგლი – პერსეპოლისის სასახლე. არავინ იცის, იყო ეს მისი შეგნებული და წინასწარ განზრახული სისასტიკე თუ სპარსთა მოძულე თანამეინახეთაგან ნაქეზებული ნამიერი სისუსტე. ლაშქრობის მონაწილეთა გადმოცემით, გვირგვინდარქმულმა ალექსანდრემ საკუთარი ხელით მიიტანა სასახლეში ანთებული ჩირალდანი. გაშმაგებული ყვირილით მისდევდა მას უკან მაკედონელთა და ბერძენთა ალვირახსნილი ბრბო. ცეცხლმა მოიცვა დარბაზები, სადაც ინახებოდა მრავალ თაობათა ღვწლით შექმნილი ხელოვნების დიდებული ნიმუშები. და სულ რამდენიმე საათში სპარსეთის დედაქალაქის უმშვენიერესი ნაგებობიდან დარჩა ფერფლი და ნანგრევები.

რა აზრი ჰქონდა ხელოვნების რალაც ნიმუშებს, თვით ადამიანთა ცხოვრებასაც კი ალექსანდრესთვის, რომელმაც დაამხო „დიადი მეფის“ სამფლობელო და მისი ტახტი დაისაკუთრა! სისასტიკემ, რომელიც უცხო იყო უწინ ახალგაზრდა მეფისათვის, ახლა უკვე მყარად გაიდგა ფესვი ყოველის შემძლე მბრძანებლის სულში.

მიდიაში გაქცეული დარიოსის დევნის უამს ალექსანდრემ აიღო ამ ქვეყნის დედაქალაქი ეკატანა. მის გარეუბანში მეფეს აჩვენეს უფსკრული, საიდანაც განუწვევტილვ ამოდიოდა ცეცხლი. იქვე, ახლოს მოედინებოდა ნავთობი. იმ ადგილების მკვიდრებმა აუხსნეს მეფეს, რომ ეს სითხე ფისივით იწვის და რომ უფსკრულიდან ამოხეთქილი ცეცხლი არ ქრება, რადგანაც მას სწორედ ამ ნავთობის წყაროსთვალთ ასაზრდოებს. ალექსანდრემ ისურვა იქვე გამოეცადა ნავთობის ეს თვისება.

მეფის მსახურთა შორის იყო პატარა ბიჭი სახელად სტეფანოსი, სასაცილო და შეუხედავი, მაგრამ სიმღერის ნიჭით დაჯილდოებული. ალექსანდრემ ბრძანა, ეს ბიჭი ამოეთხვარათ ამ ნავთობში და წაეკიდებინათ ცეცხლი, რათა ენახა, ააღდებოდა თუ არა იგი ადამიანის სხეულზე. და თუ ეს ასე მოხდებოდა, ამ ნავთობის ბრძოლებში გამოყენების შესაძლებლობა ისახებოდა.



არ ელოდა რა თავისი მბრძანებლისაგან ბოროტებას, სტეფანოსი ხალისით და-
თანხმდა, საკუთარ თავზე გამოეცადა უცნობი სითხის თვისებები. და მხოლოდ მა-
შინ, როდესაც ცეცხლის ძალით შეშინებულმა ალექსანდრემ უკან დაიხია, მიხვდა
სტეფანოსი, რომ იგი განირეს. ცეცხლი ჩააქრეს, მაგრამ ბიჭუნა დასახიჩრდა სა-
ბედისწეროდ.

მიდიიდან ალექსანდრემ ისწრაფა პართიისაკენ, სადაც სპარსელები ძალას იკ-
რებდნენ ახალი ბრძოლებისათვის. აქ იყო დარიოსიც, განცდილი მარცხების გამო
საბოლოოდ დასუსტებული. ხმა დაირხა, თითქოს დარიოსი მზად იყო ეცნო ალექ-
სანდრე აზიის მეფედ, თუკი სიცოცხლეს შეუნარჩუნებდნენ.


ამ საშიშროებამ აიძულა აღმოსავლეთის სამეფოთა მმართველები, რომლებ-
საც არ სურდათ მაკედონელთა საკუთარ სატრაპიებში შემოშვება, ჩამოეგდოთ
მეფე. ამბობებულებს სათავეში ჩაუდგა ბაქტრიის სატრაპი ბესოსი. შეთქმულებმა
შეიპყრეს დარიოსი და განიზრახეს მისი ბაქტრიაში წაყვანა. აქ მას საკუთარი ნე-
ბით უარი უნდა ეთქვა სამეფო ძალაუფლებაზე.

ცნობამ იმის თაობაზე, რომ დარიოსი ხელთ იგდო ბესოსმა, აიძულა ალექსან-
დრე ეჩქარა. აღმოსავლეთის სატრაპთა გეგმების განხორციელება ომის გახან-
გრძლივების საშიშროებას ქმნიდა.

მხედართა მცირერიცხოვან რაზმთან ერთად ალექსანდრე დაედევნა ბაქტრიე-
ლებს, რომლებსაც მიჰყავდათ ტყვედ შეპყრობილი დარიოსი. მეფემ განიზრახა,
რადაც არ უნდა დასჯდომოდა, დანეოდა გაქცეულებს. ამის გამო დღე და ღამე
გასწორებული ჰქონდათ მის მხედრებს. თავანყვეტილი სრბოლითა და წყურვი-
ლით განამებული მეომრები და ცხენები მოიქანცნენ. ერთხელ, შუადღის პაპანაქე-
ბის ჟამს, მხედრონს გზად შემოეყარნენ მხრეები, რომელთაც მცირეოდენი წყა-
ლი ჰქონდათ გადანახული. მწყურვალნი მეფე რომ იხილეს, მხრეებმა მუზარადით
მიათვეს მაცოცხლებელი წყალი. ალექსანდრემ ორთავე ხელით ფრთხილად აი-
ლო მუზარადი და ის-ის იყო წყალს უნდა დასწაფებოდა, რომ თვალი ჰკიდა გარე-
შემო მყოფთა გათანგულ სახეებს. მეფემ წყურვილის მწველი გრძნობა დაძლია და
უკანვე მიუბრუნა მხრეებს მუზარადი ამ სიტყვებით: „მე რომ დავლიო წყალი,
ისინი სულით დაეცემიან. დაე, ჩვენ ერთად დავიტანჯოთ!“ ალექსანდრეს დიდსუ-
ლოვნებამ მის თანხმლებთა აღტაცება გამოიწვია. მეფე დარწმუნდა, რომ მისი მე-
ომრები ყველაფერს ილონებდნენ, რაც კი ადამიანურ ძალებს არ აღემატებოდა.

დევნა გრძელდებოდა, მაგრამ ცხენები ილუშებოდნენ უწყლო უდაბნოში. მხო-
ლოდ 60 მებრძოლი ახლდა ალექსანდრეს, როცა მონინა აღმდეგეთ დაენია.

ბაქტრიელებს მიეტოვებინათ ბანაკი. მიწად ეყარა მტვერში ამოგანგლული ოქ-
როსა და ვერცხლის ნივთები. ურმებიდან ქალთა და ბავშვთა ტირილის ხმა ისმო-



და. იმდენად დიდი იყო შიში ალექსანდრეს წინაშე, რომ შეთქმულებს არც უფიქრიათ შებრძოლება. მათ ბედის ანაბარა მიატოვეს ყველაფერი და გაიქცნენ.


ერთ-ერთ ოთხთვალაზე მაკედონელებმა აღმოაჩინეს მომაკვდავი დარიოსი. ბაქტრიელებმა იგი განგმირეს, რამეთუ ცხადი გახდა, რომ ალექსანდრე არ შეწყვეტდა დევნას, ვიდრე ხელთ არ ჩაიგდებდა მეფეს, ცოცხალსა თუ მკვდარს.

ალექსანდრემ თავი ისე მოაჩვენა ყველას, თითქოს ღრმად შეძრა სპარსეთის მეფის სიკვდილმა. მან თავად მიაფარა მიცვალებულს ძონისფერი მოსასხამი, ბრძანა, გადაეტანათ მისი ნეშტი პერსეპოლისში და საზეიმოდ დაეკრძალათ წინაპართა საფლავებს შორის.

დარიოსს არ დაუნიშნავს თავისი მემკვიდრე, ამიტომ ხალხის უმეტესმა ნაწილმა ტანტის მემკვიდრედ აღიარა ალექსანდრე, რომელსაც, ვითარცა გამარჯვებულს, უნდა გადასცემოდა უზარმაზარი საბრძანებელი. ბესოსთან ბრძოლა მან განაგრძო უკვე არა როგორც სპარსეთის სამფლობელოს გადარჩენილი აღმოსავლეთის სახელმწიფოების დამპყრობელმა, არამედ, როგორც კანონიერი ძალაუფლების წარმომადგენელმა, რომელსაც სურდა დაესაჯა მეფის მკვლეელი. სპარსეთის მოსახლეობის ის ნაწილი, რომელიც დარიოსის ერთგული იყო, ალექსანდრეს მხარეს გადავიდა. მაკედონიის მეფემ თავისი ლაშქარი სპარსთა მიწაზე მოსახლე მეომრებით შეავსო.

ახლა, როდესაც დარიოსი გარდაიცვალა, ხოლო მისი საბრძანებელი ალექსანდრემ დაისაკუთრა, მაკედონელებსა და ბერძნებს აღარ სურდათ იმ მძიმე ლაშქრობაში მონაწილეობა, რომლის მიზანიც მათთვის სავესებით გაუგებარი იყო. სულ უფრო ხშირად ითხოვდნენ მაკედონელი მეომრები სამშობლოში დაბრუნებას, მაგრამ ალექსანდრემ კარგად იცოდა, თუ როგორ უნდა ჩაეხშო მათი ამბოხი.

მან შეარჩია მისთვის თავდადებული და ბრძოლებში გამობრძმედილი მეომრები და მიმართა თხოვნით, არ მიეტოვებინათ მეფე უცხო ქვეყანაში. ალექსანდრემ შეასენა მათ, თუ რაოდენი სიმდიდრე ჰქონდათ მოხვეჭილი და ალელვებულმა ჰკითხა, ნუთუ შეძლებდნენ ისინი იმ მეფის მიტოვებას, რომელმაც მათთვის მთელი სამყარო დაიმორჩილა. ალექსანდრე კარგი ორატორი იყო. როდესაც იგრძნო, რომ მსმენელთა ყურადღება მიიპყრო, ისიც თქვა: „ძალით არავის შევაკავებ, ნებას მიცემ ყოველს, ვისაც მეგობართა დატოვების გამო არ შეაწუხებს სინდისი, შინ დაბრუნდეს!“ მეომრები ხმაბალალი შეძახილებით გამოხატავდნენ ალექსანდრესადმი მორჩილებას. არავის ეყო გამბედაობა, გამოსულიყო მეფის წინააღმდეგ ან თავისი გულსნადები გამოეთქვა. დაიყოლია რა მეომართა დიდი ჯგუფი, ალექსანდრემ იოლად აიძულა სხვანიც, გაეგრძელებინათ ბრძოლა.



მან თავისი ლაშქრის ნაწილი პარმენიონის მეთაურობით მიდიაში დატოვა, თავად კი, რჩეულ მეომრებთან ერთად ირანის ერთ-ერთ ცენტრალურ მხარეს, პართიას მიადგა. აქედან ალექსანდრეს ჯარები ბაქტრიაში შეიჭრნენ. ბესოსი ჩრდილოეთისკენ გაიქცა; ადგილობრივმა მოსახლეობამ არ ისურვა ალექსანდრეს რისხვის დამსახურება და გასცა ბესოსი, რომელსაც, მეფის ბრძანების თანახმად, ნამებით სიკვდილი მიუსაჯეს.


ალმოსავლურ ლაშქრობათა უამს ალექსანდრეს თანმხლებთა შორის სულ უფრო ხშირად გაისმოდა მონოდებები, დასრულებულიყო ბრძოლა, დასჯერებოდნენ უკვე დაპყრობილს. შორსმჭვრეტელთ კარგად ესმოდათ, რომ ახალ დაპყრობით ომებს წარუმატებლობა მოჰყვებოდა; დაპყრობილი ხალხები ამბობდებოდნენ და ყოველივე, რაც მახვილითა და სისხლით იყო მოპოვებული, დაიკარგებოდა. მაგრამ წარმატებებით თავბრუდახვეულ ალექსანდრეს აღარ ესმოდა ხმა კეთილგონიერებისა. ბაქტრიის დაპყრობა მას დიად ლაშქრობათა დასაწყისად მიაჩნდა მხოლოდ. ჯერ კიდევ წინ იყო მთელი აზია, მთელი სამყარო.

მეფეს ესმოდა, რომ ამ გეგმათა განხორციელებისათვის საკმარისი არ იყო მაკედონიაში შეგროვებული ლაშქარი. მაგრამ არც სპარსეთის ჯარს, რომლის სისუსტეც ყველაზე კარგად უწყოდა ალექსანდრემ, ძალუძდა მის განზრახვათა აღსრულება. ამიტომ ბრძანა, მოეგროვებინათ 30 ათასი სპარსი ბიჭუნა, ესწავლებინათ მათთვის ბერძნული ენა და მაკედონური სამხედრო ხელოვნება.

ალექსანდრე ცდილობდა კეთილად განეწყობა ადგილობრივი მოსახლეობა. იგი დაქორწინდა სახელოვანი სპარსი დიდებულის უმშვენიერეს ქალიშვილ როქსანაზე, უარი თქვა მაკედონურ ჩაცმულობაზე და სპარსულად შეიმოსა.

თავდაპირველად ალექსანდრე ერიდებოდა მდიდრული სამეფო სამოსის ტარებასა და მას მხოლოდ ზეიმებისას ან სპარსთა თავყრილობებისას იცვამდა. მაგრამ მალე მიეჩვია ახალ ჩაცმულობას. მაკედონელი მეომრები აღშფოთდნენ, რადგანაც მეფის ამ საქციელში ისინი ჭვრეტდნენ ალექსანდრეს სწრაფვას, ჩამოეცილებინა ძველი თანამზრახველები, რომელთა შემწეობითაც იგი აზიის მბრძანებელი შეიქნა.

პატივმოყვარე დამპყრობლის ჩაცმულობითა და საქციელით გაღიზიანება თავდაპირველად გამოიხატებოდა ფარული დაცინვებით, რომელიც შემდეგ გადაიზარდა ამბოხებებსა და თავდასხმებშიც კი. ალექსანდრეს წინააღმდეგ პირველი შეთქმულება მოაწყო მაკედონელმა დიმნოსმა. მეფის საქციელით შეურაცხყოფილმა მისი მოკვლა განიზრახა და ამ ჩანაფიქრის განსახორციელებლად თავისი უახლოესი მეგობარი ნიკომაქოსი მოიწვია. ნიკომაქოსმა ეს ამბავი თავის ძმას გაანდო, რათა რჩევა ეკითხა. ძმამ კი ყველაფერი ალექსანდრეს აუწყა. მეფემ დამცველთა



რაზმი გაგზავნა დიმნოსის შესაპყრობად. მამაცმა შეთქმულმა არ ისურვა ალექსანდრესთან გამოცხადება, რის გამოც ადგილზევე იქნა მოკლული.

ისე ჩანდა, თითქოს დიმნოსის მოკვლით ამ საქმის ყველა ძაფი განყდა; შეუძლებელი იყო შეთქმულების სხვა მონაწილეთა ძიება.

ამის შემდგომ ალექსანდრემ დაიწყო იმ შედარებით გავლენიან მაკედონელ მხედართმთავართა დევნა, რომლებიც მისი პოლიტიკით უკმაყოფილონი იყვნენ. შეთქმულების სულისჩამდგმელად გამოაცხადეს მაკედონელთა შორის ყველაზე პატივდებული უზუცესი პარმენიონი და მისი ძე ფილოტასი, მაკედონური მხედროვნის უმამაცესი მეთაური. მიუხედავად იმისა, რომ ფილოტასმა უსასტიკესი ნაშეზის ჟამსაც თავი არ სცნო დამნაშავედ, მაინც დასაჯეს. პარმენიონი კი გასამართლების გარეშე მალულად მოკლეს მეფის ბრძანებით.

მალე ალექსანდრემ თავად განგმირა კლიტოსი, სწორედ ის კლიტოსი, რომელმაც იხსნა იგი გრანიკოსთან ბრძოლის ჟამს. ეს მკვლელობა კი მაშინ მოხდა, როდესაც ალექსანდრე სოგდიანას⁶ დამორჩილებას ლაშობდა: მიუხედავად გამოვლენილი სისატიკისა, მაკედონელებმა ვერ დაიმონეს ადგილობრივი მოსახლეობა. სამხედრო წარუმატებლობამ მეფის პოლიტიკით უკმაყოფილება კიდევ უფრო გაამწვავა.

ერთ დღეს ალექსანდრეს მიაჩრთვეს საბერძნეთიდან ჩამოტანილი დიდძალი ხოლი. გაიმართა ნადიმი. ყველამ მოიღვინა. სუფრასთან მღეროდნენ სიმღერებს, სადაც მასხრად იყო აგებული ის მაკედონელი მხედართმთავრები, რომლებმაც მარცხი განიცადეს იქ მოსახლე ტომებთან ბრძოლაში. კლიტოსი ალაშფოთა იმან, რომ მეფე სპარსელთა თანდასწრებით მაკედონელთა დაცინვის ნებას რთავდა მომღერლებს. ატყდა დავა. ალექსანდრემ, რომელსაც სიმღერა მოეწონა, შესძახა, კლიტოსი იმიტომ ექომაგება მხდალებს, რომ ეს გრძნობა მისთვისაც არ არისო უცხო. „სწორედ ჩემმა სიმხდალემ გიხსნა შენ, ღმერთთა შვილო, როცა სპითრიდატესის ხმალს ზურგი უჩვენე! – აღშფოთდა კიდევ უფრო მეტად კლიტოსი, – სწორედ მაკედონელთა სისხლითა და იარებით აღზევდი შენ ეგზომ მალლა, რომ ფილოპოსს მამად აღარა სცნობ და თავს ამონის მოდგმად ასალებ!“

ეს სიტყვები ალექსანდრემ გამოწვევად მიიღო. ვაშლი, რომელიც იქვე ხელთ მოხვდა, ესროლა კლიტოსს, მოითხოვა მახვილი და მეტუკეს უბრძანა მიეცა განგაშის ნიშანი.

ამაყი მაკედონელი წარჩინებული უკან არ იხევდა: „თუკი გასურს მხოლოდ საამო სიტყვების მოსმენა და ისეთი ხალხის დანახვა, რომლებიც ქედს იხრიან შენი სპარსული ჩაცმულობის წინაშე, ნუ მოიწვევ სუფრასთან ისეთ ადამიანებს, რომლებიც მიჩვეულნი არიან თავისუფლებას!“ – ასე მიმართავდა კლიტოსი მეფეს.



მეგობრებმა, რომლებსაც სურდათ ჩაენშოთ დაეა, აიძულეს იგი, გასულიყო დარბაზიდან. თუმცა ამოდ და შერწენ, კლიტოსი უკანვე შემობრუნდა, დადგა კარებში და ნაიკითხა ნაწყვეტი სახელოვანი ევრიპიდეს ტრაგედიიდან „ანდრომაქე“:


„რა ცუდი ზნე გვაქვს! საბერძნეთში გამარჯვების ძეგლს
მტერთა მომსვრელი როს აღმართავს დიდი ლაშქარი,
ვინც ღვანლი დასდო, როდი ხდება დიდების ღირსი,
ხოტბას ბელადი იმსახურებს მხოლოდ და მხოლოდ“.

არც დაფიქრებულა, ისე გამოსტაცა ალექსანდრემ ერთერთ მცველს შუბი და სტყორცნა კლიტოსს, რომელიც იქვე ჩაიკეცა სულამოხდილი. ასე მოკლა ალექსანდრემ თავისი მეგობარი, რომელმაც მას სიცოცხლე შეუნარჩუნა, მხოლოდ იმიტომ, რომ იგი გამოექომაგა თავის თანამებრძოლებს და დაუფარავად უთხრა მეფეს ის, რასაც დიდი ხანია ვერ ამბობდნენ დანარჩენები. უმალ მოეგო გონს ალექსანდრე. მის ირგვლივ დადუმებული მეგობრები რომ დაინახა, სწრაფად ამოძრო კლიტოსის გვამს შუბი და თავის მოკვლა სცადა. პირადმა მცველებმა ხელები გაუკავეს და ძალით შეიყვანეს საწოლ ოთახში. სამი დღე და ღამე თვალი არ მოუხუჭავს ალექსანდრეს, არც ჭამდა, ნყალსაც არ იკარებდა. გოდებისაგან ღონემიხილი უსიტყვოდ იწვა და ხანდახან თუ ამოიოხრებდა. ძლივს მოახერხეს მეგობრებმა მისი დამშვიდება.

მალე ალექსანდრეს წინააღმდეგ მიმართული მეორე შეთქმულებაც გამომჟღავნდა. მაკედონური არმიის საბჭოსთან არსებობდა დიდგვაროვან ჭაბუკთა ჯგუფი, რომელიც სამხედრო ხელოვნებას ეუფლებოდა, იმავდროულად ემსახურებოდა მეფეს და მის დავალებებს აღასრულებდა. ჭაბუკებს ამზადებდნენ იმისთვის, რომ დროთა განმავლობაში დაეკავებინათ უმაღლესი სამხედრო თანამდებობები. ისინი სამეფო სუფრასთან სადილობდნენ და მუდამ თან ახლდნენ მეფეს, ვითარცა მისი პირადი მცველები. ერთხელ, ნადირობისას ერთერთმა ამ წარჩინებულ ჭაბუკთაგან, ჰერმოლაოსმა მოკლა ტახტი, რომელიც მეფეს უნდა მოეკლა. განრისხებულმა ალექსანდრემ მისი გაროზგვა ბრძანა. დასჯილის მეგობრები აღშფოთდნენ და შეთქმულება მოაწყვეს მეფის მოკვლის მიზნით. მაგრამ ერთერთმა გასცა ისინი.

ალექსანდრემ იმზაკვრა, უარი თქვა ჭაბუკთა დასჯაზე და ეს საქმე თავის მეომრებს მიანდო. ცდილობდნენ რა მეფის გულის მოგებას, მეომრებმა შეთქმულებს სიკვდილით დასჯის განაჩენი გამოუტანეს და ქვებით ჩაქოლეს.

ამჯერადაც ალექსანდრე დამნაშავეთა დასჯით კი არ დაკმაყოფილდა მხოლოდ, არამედ ისარგებლა შემთხვევით და თავიდან მოიცილა მისთვის არასასურველი ადამიანიც. ეს ამბავი კი ასე მოხდა:



მეფის თანმხლებთა შორის იყო ფრიად განსწავლული ბერძენი კალისტენესი, დიდი არისტოტელეს ახლობელი და ნათესავი. იგი იზრდებოდა თავისი მოძღვრის სახლში. სწორედ არისტოტელემ ურჩია ალექსანდრეს, თან ჰყოლოდა ეს უნიჭიერესი კაცი ლაშქრობათა ჟამს.

კალისტენესი იმიტომ ახლდა მეფეს, რომ დანვრილებით აღენერა მისი ბრძოლები, რათა თაობათა მენსიერებაში შემორჩენილიყო ალექსანდრეს საგმირო საქმეები. სწავლული დიდის გულმოდგინებით წერდა ლაშქრობის ისტორიას და ალექსანდრეს შეუპოვრობითა და გამბედაობით აღფრთოვანებული ყოვლისშემძლე მბრძანებლის კეთილგანწყობას იმსახურებდა მუდამ. მაგრამ როდესაც ალექსანდრემ სპარსული ზნე-ჩვეულებანი შეისისხლხორცა, როდესაც იგი უმონყალო დესპოტად იქცა, კალისტენესი თავს არიდებდა მასთან შეხვედრებს. ვითარცა ჭეშმარიტი ბრძენი და პატიოსანი ადამიანი, იგი ცდილობდა გამოეყენებინა თავისი გავლენა, დაუფარავად იმალებდა ხმას იმ აღმოსავლურ ჩვევათა წინააღმდეგ, რომლებიც აკნინებდნენ მაკედონელთა ღირსებებსა და რყვნიდნენ თავად ალექსანდრეს სულს.

როდესაც მლიქვნელები მეფის წინაშე ფორთხავდნენ, რათა მისი ყურადღება დაემსახურებინათ, ალექსანდრეს ეს ისე მოსწონდა, რომ ამბოროს ნება დართო მათ, ვინც ფერხთა ქვეშ განერთხმებოდა.

კალისტენესმა არ ისურვა ქედის მოდრეკა. მეფემ შერისხა იგი და არ დართო ამბოროს ნება. „რას იზამ, – თქვა ამაყად ფილოსოფოსმა, – მოგაკლდებათ ერთი ამბორო!“

ამ შემთხვევის შემდეგ ალექსანდრეს ამაღა კალისტენესისადმი უსაზღვრო პატივისცემით განიხსტვალა. ისინი აღნიშნავდნენ, რომ იგი „ერთადერთი თავისუფალი ადამიანი იყო“ მეფის თანმხლებთა შორის.

კალისტენესი, მიუხედავად იმისა, რომ მსჯავრდებულთაგან არავის წარმოუთქვამს მისი სახელი, ვითარცა შეთქმულების მონაწილე დააკავეს და მეფის ბრძანებით ჩასვეს ციხეში, სადაც გარდაიცვალა კიდევ. მაგრამ ამანაც ვერ დააცხრო მეფის რისხვა. შინ გაგზავნილ წერილებში ალექსანდრე დასჯით ემუქრებოდა თავის მოძღვარს, დიდ არისტოტელეს მხოლოდ იმიტომ, რომ მისი რჩევით თან ჰყავდა კაცი, რომელმაც გაბედა და ესოდენ აშკარად ამხილა მეფე.

დაახლოებით ოთხი წელი გავიდა გავგამელასთან ბრძოლის შემდეგ. ალექსანდრე ახალი დაპყრობითი ომებისათვის ემზადებოდა. ამჯერად იგი ოცნებობდა, ხელთ ეგდო მდინარე ინდოსის მდიდარი მხარე და მიელწია დიადი მდინარის, ოკეანოსის? ნაპირებამდე, რომელიც, ძველების აზრით, სამყაროს დასალიერი უნდა ყოფილიყო.




გადალახეს რა ჰინდუკუშის ქედი, რომელიც კავკასიონად მიიჩნიეს, მაკედონელები აღმოჩნდნენ ინდოეთში. ეს იყო მდიდარი ქვეყანა ულამაზესი იალალებითა და დიდებული ხეხილით სავსე. თუმცა ამ მშვენიერი ქვეყნის ჰავა მაკედონელთათვის მძიმე და უჩვეულო აღმოჩნდა. საშინელი სიცხე ისეთი ძლიერი წვიმებით იცვლებოდა, რომ მდინარეები დიდდებოდნენ და ნაპირებიდან გადმოდიოდნენ. მოსახლეობა დანაწილებული იყო პატარა სახელმწიფოებად, რომელთა მმართველებს განუწყვეტელი შუღლი ჰქონდათ ერთმანეთში.

ალექსანდრეს ლაშქარმა გადალახა მდინარე ინდოსი და შეიჭრა იმ მიდამოებში, რომელსაც ამ მძლავრი მდინარის შენაკადები ასაზრდოებდნენ. აქ, ინდოსსა და მის მარცხენა შენაკადს ჰიდასპეს⁸ შორის მდებარეობდა ძლევამოსილი მეფის, ტაკსილას სამეფო, რომელიც ნებაყოფილობით შეუერთდა ალექსანდრეს, რათა მასთან ერთად გაელაშქრა თავის მუდმივ მტერზე, პოროსზე, ვისი სამფლობელოებიც მდინარე ჰიდასპეს აღმოსავლეთით იწყებოდა.

მიუხელოვდა რა მდინარეს (ძვ.წ. 326 წ.), ალექსანდრემ მოპირდაპირე ნაპირზე დაინახა პოროსის დიდძალი ლაშქარი, რომელიც ითვლიდა არა მხოლოდ ქვეითებსა და მხედრებს, არამედ მრავალრიცხოვან საბრძოლო ეტლებსა და რამდენიმე ასეულ სპილოს. წარმოუდგენელი იყო მეორე ნაპირზე გასვლა, ვიდრე იქ ასეთი ძალა იდგა. ალექსანდრე იძულებული იყო ხერხი ეხმარა. მან თავი ისე მოაჩვენა პოროსს, თითქოს ზუსტად იმ ადგილას აპირებდა მდინარის გადალახვას, სადაც ეს ძალა იყო ჩასაფრებული; სინამდვილეში კი ქვეითი ლაშქრის ნაწილი და რჩეული მხედრობიანი შეუმჩნეველად აიყვანა მალა, მდინარის გასწვრივ და იქ გავიდა მეორე ნაპირზე.

როდესაც გონს მოსულმა პოროსმა მაკედონელთა წინააღმდეგ მიმართა თავისი კავალერია და საბრძოლო ეტლთა ნაწილი, გვიანლა იყო. ალექსანდრემ შეძლო იერიშის მოგერიება. შემდეგ პოროსი თავად შეებრძოლა ალექსანდრეს მთელი თავისი ლაშქრით. ბრძოლა შეუპოვარი იყო და რვა საათს გრძელდებოდა. ინდოელებმა დაკარგეს რამდენიმე ათასი მებრძოლი და თითქმის ყველა მთავარსარდალი. თავად პოროსი, რომელიც საბრძოლო სპილოზე ამხედრებული იბრძოდა, მძიმედ დაიჭრა და ტყვედ ჩავარდა. მისმა თავგანწირულმა ბრძოლამ მოხიზლა ალექსანდრე. „ერთი მითხარი, როგორ მოგექცე?“ – ჰკითხა ტყვედქმნილს. „მეფურად!“ – მიუგო პოროსმა. „ასეც მოხდება, – შეჰპირდა ალექსანდრე, – მაგრამ მაინც მითხარი, როგორ გამოვხატო ჩემი პატივისცემა?“ „აკი გითხარი, მეფურად-მეთქი, ამ სიტყვაში ყველაფერი იგულისხმება!“ – არ ცხრებოდა პოროსი.

ალექსანდრე მიხვდა, რომ აუცილებელი იყო დამარცხებულთა შეწყნარება და ადგილობრივ მმართველთა გადმობირება, რათა მთელი ინდოეთი არ აღმსდგარიყო მის წინააღმდეგ, როგორც ეს მოხდა სოგდიანაში. ამიტომ მეფე პოროსი კი არ



დასაჯა, არამედ დანიშნა იმ მხარეთა მმართველად, რომელთაც იგი უწინაც განაგებდა. პოროსის ერთგულების იმედი რომ ჰქონოდა, ალექსანდრემ გააფართოვა მისი სამეფო, დაუმორჩილა სხვა დამოუკიდებელი ტომები, რომლებმაც, დაკარგეს რა თავისუფლება, შეიძულეს ახალი მმართველი. პოროსი კი, თავისი ძალაუფლების შენარჩუნებას მაკედონელთა გარეშე ვეღარ შეძლებდა.

ალექსანდრემ თავისი არმიის მნიშვნელოვანი ნაწილი პიდასპეს ხეობაში დატოვა პოროსისა და ტაკსილას მეშველ ძალად. მათი უშიშროების უზრუნველსაყოფად მეფემ რამდენიმე ციხე-სიმაგრე ააგო. იქ, სადაც მაკედონელებმა დაამარცხეს პოროსი, აშენდა ქალაქი, სახელად ნიკეა (რაც ბერძნულად „გამარჯვებას“ ნიშნავს); უფრო ჩრდილოეთით კი, სადაც მაკედონელმა მეომრებმა გადალახეს მდინარე, დასაბამი მიეცა ახალი ქალაქის მშენებლობას. მას ბუკეფალია ეწოდა ალექსანდრეს საბრძოლო ცხენის სახელის მიხედვით, რომელსაც ხანდაზმულობის გამო იქვე აღმოხდა სული.

პოროსთან ბრძოლამ შეარყია მაკედონელთა ძალა და სიმედგრე. ისინი დარწმუნდნენ, რომ ინდოეთი საესე იყო მრავალი ტომით, რომელთაც შეეძლოთ მათ წინააღმდეგ აღდგომა.

ქანცგანყვეტილ მეომართა გამოსაფხიზლებლად ალექსანდრემ უმონყალო სიმკაცრეს მიჰყო ხელი. იგი სიკვდილით სჯიდა ყოველს, ვინც კი არღვევდა კანონთ მიღებულ წესებს, მიუხედავად მათი ადრეული დამსახურებებისა თუ წოდებისა. ალექსანდრე ცდილობდა მეომართა სულის ამალლებას საკუთარი თავგანწირვით. არასოდეს ჩაუგდია მას თავი ისეთ საფრთხეში, არასოდეს მიუღია იმდენი იარა, რაც ინდოეთში ლაშქრობის ჟამს. ერთ-ერთი ციხე-სიმაგრის იერიშისას იგი კინაღამ მოკლეს. წინ მიუძლოდა რა თავის მეომრებს, ალექსანდრე მცირერიცხოვან მცველთა თანხლებით პირველი აცოცდა გალავანზე და ციხის ეზოში გადავიდა. ამ დროს კიბე, რომელსაც სხვები მოჰყვებოდნენ, ჩატყდა და მეფე თავის ორ მცველთან ერთად მარტო აღმოჩნდა მტრის პირისპირ. მაკედონელები თავგანწირულად იბრძოდნენ. მალე ერთ-ერთი მცველი განგმირული დაეცა მიწაზე, თავად ალექსანდრემ რამდენიმე მძიმე ჭრილობა მიიღო და კედელთან ჩაიბუხლა. ახლა უკვე მისი მამაცი მებაჯრე პეკესტოსი იბრძოდა მხოლოდ და მედგრად იცავდა მეფეს. ამასობაში მაკედონელებიც გამოჩნდნენ და უკანასკნელ წამს მტერს გამოსტაცეს გონმიხდილი ალექსანდრე. ამის შემდეგ მეფემ დიდხანს იავადმყოფა. მისი ჯანმრთელობა შეირყა.

დამორჩილებულ ხალხთა წინააღმდეგობისდა მიუხედავად ალექსანდრე სულ უფრო მეტ სისასტიკესა და მზაკვრობას იჩენდა. ერთ-ერთ ქალაქში ინდოელ მეომართა დაქირავებული რაზმი მედგრად იცავდა თავს მანამ, ვიდრე მაკედონელებმა არ



შესთავაზეს დაზავება. ინდოელებმა ირწმუნეს ალექსანდრეს სიტყვა. დატოვეს გამაგრებული ადგილები და ის-ის იყო დაშლა დაიწყეს, რომ მაკედონელმა დამპყრობელმა დაარღვია პირობა და ერთიანად მოსრა ისინი.

სხვა დროს ალექსანდრემ დაარღვია ომის კანონი, ბრძანა მშვიდობიან მაცხოვრებელთა, ინდოელ ქურუმთა, ჩამოხრჩობა მხოლოდ იმიტომ, რომ ისინი თავიანთ ხალხს არწმუნებდნენ, დაეცვათ ქვეყნის დამოუკიდებლობა.

ამგვარმა სისასტიკემ კი არ დააფრთხო ინდოელები, პირიქით, გააძლიერა მათ ში თავისუფლებისათვის ბრძოლის სურვილი.


ალექსანდრე ფიქრობდა, რომ მდინარე ინდოსის ხეობათა მიღმა ქვეყნის დასალიერი უნდა ყოფილიყო. ახლა კი, ინდოელთა გამოკითხვის შედეგად ცხადი გახდა, რომ სამყაროს დასასრულამდე ჯერ კიდევ შორი იყო. ჯარებმა მიაღწიეს ინდოსის აღმოსავლეთ შენაკადთაგან უკიდურესს – მდინარე ჰიფასისს. ალექსანდრეს მოახსენეს, რომ ამ მდინარის იქით გადაჭიმულია უდაბნო, რომლის შემდეგ იწყება მდინარე განგის ხეობა, სადაც მრავალი ტომი სახლობს და სადაც მდებარეობენ მდიდარი და ხალხმრავალი სახელმწიფოები.

ალექსანდრეს ფიქრადაც არ მოსვლია ის, თუ როგორ შეძლებდა განახევრებული არმიით დედამიწის დანარჩენ ხალხთა დამორჩილებას. თავისი დიდებით თავბრუდახვეულს მიაჩნდა, რომ განგების ძალით იგი, ვითარცა ამონის ძე, მთელი სამყაროს მბრძანებელი უნდა ყოფილიყო. მეფემ აღმოსავლეთით დაძვრის ბრძანება გასცა. მაგრამ აქ, ჰიფასისთან, მან პირველად იგრძნო თავი უძლურად თავისი მონინაალმდეგის წინაშე და ეს მონინაალმდეგე იყო მისივე საკუთარი არმია. შეუძლებელი აღმოჩნდა მეომართა სალაშქროდ გაყვანა მუქარითა თუ დაპირებებით. შემდგომი ბრძოლების უაზრობა ალექსანდრეს გარდა ყველასთვის ნათელი იყო. მეფე მიხვდა, რომ დათმობაზე უნდა წასულიყო.

სამი დღით ჩაიკეტა ალექსანდრე თავის კარავში. მხედართმთავართაგან არავის ხილვა არ სურდა. ბოლოს იგი მეომართა წინარე წარსდგა და განაცხადა, რომ ლაშქარი გაემართება დასავლეთისკენ. ალექსანდრეს არ შეეძლო დაეშვა, რომ შექცეული გზა უკანდახევად გამოჩენილიყო. ასე ითქვა, რომ მეფეს სურდა ოკეანეს ხილვა და ინდოსის შესართავთან მოსახლე ტომთა დამორჩილება.

ააგეს ორი ათასამდე ნავი და ტივი, სადაც მოათავსეს ქვეითი ჯარის ნაწილი. ქარავანი მდინარის დინების მიმართულებით გაემართა „გარე ზღვისაკენ“, ასე უწოდებდნენ იმხანად ინდოეთის ოკეანეს. დანარჩენი მეომრები მდინარის ორთავე ნაპირიდან მიაცილებდნენ ხომალდებს.

გზა არ ყოფილა მშვიდი: მეომრებს ხშირად უწევდათ ხმელეთზე გადმოსვლა და იქ მოსახლე ხალხებთან მძიმე ბრძოლების წარმოება.



ერთხელ ალექსანდრემ ტყვედ ჩაიგდო ათი ინდოელი ფილოსოფოსი-ასკეტი, რომლებიც მოუწოდებდნენ ადგილობრივ მმართველს, ებრძოლა მაკედონელთა წინააღმდეგ. ბერძნები ამ ფილოსოფოსებს „გიმნოსოფისტებს“, ანუ „შიშველ ბრძენთ“ უწოდებდნენ. ალექსანდრეს გაგონილი ჰქონდა ამ ასკეტთა სიბრძნის ამბავი, ამიტომ იხმო ისინი და შესთავაზა, პასუხი გაეცათ რამდენიმე ფილოსოფიურ შეკითხვაზე. თან გააფრთხილა, პირველი დაისჯებოდა ის, ვინც ყველაზე უმეცარი აღმოჩნდებოდა, მას მიჰყვებოდა დანარჩენიც. ამ პაექრობის მსაჯული უხუცესი გიმნოსოფისტი უნდა ყოფილიყო. პირველ ბრძენს ჰკითხეს: „ვინ უფრო მეტად დედამიწაზე – ცოცხალი თუ მკვდარი?“ „ცოცხალი, – იყო პასუხი – რადგანაც მკვდრები აღარ არიან“. მეორეს ჰკითხეს: „ვინ შობს ყველაზე დიდ ცხოველებს – მინა თუ ზღვა?“ „მინა, რადგანაც ზღვა დედამიწის ნაწილია“. მესამეს ჰკითხეს: „რომელი ცხოველია ყველაზე უფრო მოხერხებული?“ „ის, რომელსაც ადამიანი ჯერ არ იცნობს“. „რატომ აქეზებდი შენს მბრძანებელს ჩემს წინააღმდეგ?“ – ჰკითხა ალექსანდრემ მეოთხეს. „მსურდა, პატივით რომ ეცხოვრა, ან ღირსეულად მომკვდარიყო“, – მიუგო ბრძენმა. მეხუთეს ჰკითხეს: „რა იყო უფრო ადრე – დღე თუ ღამე?“ „დღე, რადგან დღე ერთი დღით ადრე იყო ღამეზე“, – იყო პასუხი. მეექვსეს ჰკითხეს: „რა უნდა მოიმოქმედო, სიყვარული რომ დაიმსახურო?“ „ძლიერი უნდა იყო, ოღონდ ისე, რომ შიშს არ იწვევდე“. მეშვიდეს ჰკითხეს: „ძალუძ თუ არა ადამიანს გაღმერთება?“ „დიახ, თუ შეძლებს აღასრულოს ის, რისი აღსრულებაც ადამიანს არ შეუძლია“. „სიცოცხლე უფრო ძლიერია თუ სიკვდილი?“ – ჰკითხა ალექსანდრემ შემდეგ ბრძენს. „სიცოცხლე. მას ხომ მრავალი უდიდესი ტანჯვის დათმენა შეუძლია“. „როდემდე უნდა იცოცხლოს ადამიანმა?“ – ასეთი იყო ბოლო შეკითხვა. „ვიდრე არ გაიაზრებს, რომ მის სიცოცხლეს სიკვდილი სჯობს“. ალექსანდრემ იხმო მსაჯული, რომელმაც აღნიშნა, რომ მისი მეგობრები პასუხობდნენ ძალიან ცუდად. მაშინ მეფემ განაცხადა, რომ ასეთი განაჩენის გამოტანი მსაჯული პირველი მოკვდებაო. „მართალი ხარ, მეფეო, – არ აღშფოთებულა მსაჯული, – შენ ხომ პირობა დადე, რომ პირველი ის მოკვდებაოდა, ვინც ყველაზე ცუდად გიპასუხებდა“. ალექსანდრეს მოეწონა ინდოელი გიმნოსოფისტები, რომელთაც ყველა შეკითხვაზე დაეძებნებოდათ ბრძნული პასუხი. თავისუფლება მიანიჭა მათ და უხვადაც დაასაჩუქრა.

შვიდთვიანი მოგზაურობის შემდეგ მაკედონელებმა მიაღწიეს ინდოეთის ოკეანეს. აქ ლაშქარი გაიყო. ალექსანდრეს მიაჩნდა, რომ აუცილებელი იყო ინდოეთიდან სპარსეთის ყურემდე საზღვაო გზის გამოკვლევა. მან ხომალდები ჩააბარა გამოცდილ წინამძღოლს, ბერძენ ნეარქოსს და ევფრატის შესართავისკენ გამგზავრება უბრძანა. არმიის დიდი ნაწილი თავად მეფის მეთაურობით დაიძრა ჩრდი



ლოეთისკენ, ინდოეთის ოკეანეს სანაპიროთა გასწვრივ. ორი თვე მიუხედავად ალექსანდრე უწყლო და ხორშაკიანი უდაბნოს გადალახვას. ამ ხნის განმავლობაში ქანცგანყვეტილმა ლაშქარმა საშინელი დანაკლისი განიცადა: უზარმაზარი, ასი ათასიანი არმიიდან, რომელთან ერთადაც ალექსანდრემ ინდოსის ხეობის დალაშქვრა დაიწყო, მეოთხედილა გადარჩა. უმძიმესმა ავადმყოფობებმა, საშინელმა სიცხემ და შიმშილმა უფრო მეტი მეომარი იმსხვერპლა, ვიდრე ყველაზე სისხლისმღვრელმა ომებმა.

მაკედონელები მიემართებოდნენ იმ ქვეყანათა გავლით, რომლის მოსახლეობაც, მინათმოქმედების უმეცარი, იყო ისეთი ღარიბი, რომ ადგილობრივთაგან ყველაზე მდიდრებს თითო-ოროლა ცხვარი თუ დაეძებნებოდათ და მათაც, ბალახის უკმარისობის გამო თევზით კვებავდნენ.

დაძინძილმა მაკედონელებმა უიარალოდ, უცხენებოდ და სასაპალნე ჯოგის გარეშე მიაღწიეს სპარსეთის სატრაპიის, გედროსიის (დღევანდელი ბელუჯისტანი), მთავარ ქალაქს.

გედროსიას დედაქალაქში წინასწარ იყო მომზადებული ყველაფერი დაბრუნებული არმიის დასახვედრად. ალექსანდრემ დაასვენა ჯარი, შემდეგ კი სპარსეთის გავლით ბაბილონისკენ დაძვრის ბრძანება გასცა. მეფე ცდილობდა ისეთი შთაბეჭდილება შეექმნა, თითქოს ადამიანები ამოოდ არ კვდებოდნენ და რომ ინდოეთის ლაშქრობა გრანდიოზული წარმატებებით დაგვირგვინდა.

ალექსანდრეს ბრძანებით, არმიის დაბრუნებას საზეიმო სვლის ელფერი უნდა პქონოდა. ჯარი, ხშირ-ხშირი შეჩერებებით, ნელა მიდიოდა. წინ, რვა ცხენშებშული ეტლით, მიბრძანდებოდა მეფე, მდიდრული ამალით გარემოცული. უკან მიჰყვებოდა უთვალავი ეტლი, რომლებზეც ისხდნენ მეფის მეგობრები და მხედართმთავრები. ბოლოს მისდევდა მთელი ლაშქარი. არსად მოსჩანდა მუზარადი, ფარი, მახვილი. მეომრები თასებითა და ფიალებით უზარმაზარი თიხის ჭურჭლებიდან ხაპავდნენ ღვინოს და ლაშქრობის წარმატებით დასრულების სადღეგრძელოებს სვამდნენ. ზოგი მათგანი განაგრძობდა სვლას, ზოგი კი, მთვრალი, ძირს ეცემოდა და მანამ იყო მიწად განრთხმული, ვიდრე ვინმე არ წამოაყენებდა. ყველგან ისმოდა ფლეიტისა და სიმღერის ხმები. პროცესია ღვინის ბერძენი ღვთაების, დიონისე-ბაკქოსის ზეიმს უფრო ჰგავდა, ვიდრე არმიის შინ დაბრუნებას.

ასე გასრულდა ალექსანდრეს აღმოსავლეთის ლაშქრობა. მეომრები დაბრუნდნენ ბაბილონში, სადაც მდინარე ეფერატით ჩამოვიდა ნეარქოსიც თავისი ფლოტით.

ალექსანდრეს ხანგრძლივი არყოფნისა და მისი დაღუპვის თაობაზე არაერთგზის გავრცელებული ხმების გამო ქვეყანაში გახშირდა ამბოხებები მაკედონელთა წინააღმდეგ. ალექსანდრესვე მიერ უზარმაზარ სატრაპიათა სათავეში დაყენებულმა სპარ-



სმა დიდებულებმა და მაკედონელმა მხედართმთავრებმა უღალატეს მეფეს. ისინი თავიანთ სამფლობელოებში დამოუკიდებელი მმართველობისათვის ილვწოდნენ.

ინდოეთიდან დაბრუნებისთანავე მაკედონელმა დამპყრობელმა გაილაშქრა აჯანყებულ ტომთა და დაუმორჩილებელ სატრაპთა წინააღმდეგ. ალექსანდრეს ქმედება, ჩვეულებისამებრ, გამოირჩეოდა სისწრაფითა და სისასტიკით: მან დასაჯა მრავალი წარჩინებული სპარსი, ბერძენი თუ მაკედონელი; დაიმორჩილა აზბოხებული ტომები.


თუმცა უზარმაზარი იმპერიის რღვევამ ცხადი გახადა, რომ მართვის ძველი, სპარსული სისტემა არ იყო საიმედო, მეფემ მანც გადაწყვიტა მისი უცვლელად შენარჩუნება. იგი იმედოვნებდა, რომ ესოდენ ხანგრძლივად არსებული სახელმწიფოს ეს მოდელი უზრუნველყოფდა მისი სამფლობელოს სიმტკიცეს.

ალექსანდრე ბაძავდა ძველ მბრძანებლებს. სპარსეთის მეფეთა ჩვეულებისამებრ, ინდოეთიდან დაბრუნებულმა ყოველ ქალს ოქროს მონეტა უბოძა, აღადგინა სპარსეთის სამეფოს დამაარსებლის, კიროსის სამაროვანი, რომელიც მაკედონელებმა დაარბიეს. გამარჯვებულთა და დამარცხებულთა შორის შუღლის მოსასპობად და მათი ერთ ხალხად გაერთიანების მიზნით ალექსანდრემ უბრძანა თავის მეომრებსა და მხედართმთავრებს, შეუღლებოდნენ სპარსელ ქალებს.

სუსაში ალექსანდრემ გრანდიოზული ქორწინება მოაწყო. სპარსელთა ადათის თანახმად, მან მეორე ცოლად შეირთო სტატირა, მის მიერვე განწირული მეფის, დარიოს III-ის ქალიშვილი. იმავდროულად, ალექსანდრეს უახლოესმა მეგობრებმა და თანამზრახველებმა, დაახლოებით 80 კაცმა, იქორწინეს წარჩინებულ სპარს ქალებზე. ათი ათასმა მეომარმაც იმ დღეს იზეიმა ქორწინება. მათ მეფემ ვალების გაუქმება აღუთქვა. გაიმართა მდიდრული ნადიმი. ყოველ სტუმარს ალექსანდრემ ოქროს თასი უძღვნა საჩუქრად.

ამაოდ ლამობდა მეფე მაკედონელთა და ბერძენთა სპარსელებთან დაახლოებას. სპარსელებს, რომლებსაც ჯერ კიდევ ახსოვდათ საკუთარი სამეფოს დამოუკიდებლობა და სიდიადე, სძულდათ დამპყრობელი და ყოველნაირად მტრობდნენ მას. ბერძენთა და მაკედონელთა უკმაყოფილება დღითი დღე იზრდებოდა. მეომართა განსაკუთრებული აღშფოთება გამოიწვია ალექსანდრეს გადაწყვეტილებამ, ჩაერიცხა ლაშქარში ის 30 ათასი სპარსი ჭაბუკი, რომლებიც, მისი ბრძანებით, ბერძენებთან ემზადებოდნენ სამხედრო საქმისთვის.

როდესაც მეფემ ბაბილონის მახლობლად მდებარე ქალაქ ოპისში სამშობლოში გასაგზავნად ავადმყოფ და დაჭრილ მებრძოლებთან გამოსამშვიდობებელი ზეიმი მოაწყო, მაკედონელთა ლაშქარი აჯანყდა და ყველა მეომრის შინ დაბრუნება მოითხოვა. ალექსანდრეს ეს გასაოცარ უმადურობად მოეჩვენა. იგი ჯარის წინაშე წარდგა,



ამოარჩია 13 მეომარი, რომლებიც, მისი აზრით, ყველაზე ხმა მაღლა ყვიროდნენ და მათი იქვე დასჯის ბრძანება გასცა. როდესაც ცხადი გახდა, რომ ჯარისკაცები არ შეშინდნენ და შფოთი ამბოხებაში გადაიზარდა, ალექსანდრემ შეცვალა ტაქტიკა. ახლა იგი მებრძოლთა გადაბირებას, ძველ თანამზრახველთა დანაშაულებას შეეცადა.


– «ნადით, – მიმართავდა იგი ჯარისკაცებს – და ყველას უამბეთ, თუ როგორ მიატოვეთ საკუთარი მეფე იმ მტრის ანაბარა, რომელსაც სულ ახლახანს ებრძოდით!»

ალექსანდრემ პირობა მისცა მებრძოლებს, რომ გულუხვად დაასაჩუქრებდა და კიდევ ერთხელ შეძლო მათი დიდი ნაწილის დაყოლიება. მხოლოდ ათი ათასი ჯარისკაცი დაუბრუნდა თავის სამშობლოს.

წარმოუდგენელ ჩანაფიქრთა აღმსრულებელი ალექსანდრე თავს საცესებით ეუღლად გრძნობდა. მას საფუძველი ეცლებოდა. უზარმაზარი იმპერია, რომლის განუხსაზღვრელი უფლებებით მოსილი მბრძანებელიც იყო იგი, მოჩვენებითი სიმშვიდისა და მორჩილების მიუხედავად, თავის თავში მრისხანე და მტრულ ძალებს ასაზრდოებდა. საკმარისი იყო ერთი მცდარი ნაბიჯი, მცირე შეცდომა, უმნიშვნელო მარცხი და ყველგან საყოველთაო ამბოხება იფეთქებდა. და რადგანაც ამ საფრთხეს გრძნობდა, ოდესღაც ეს შეუდრეკელი და შეუპოვარი მაკედონელი დამპყრობელი გახდა მხდალი და ცრუმორწმუნე. მას ანამებდა შიში. იგი ცდილობდა შეეცნო თავისი ბედი და განეჭვრიტა მომავალი. სამეფო სასახლე საცხე იყო ქურუმებით, მკითხავეებით, მისნებითა და სხვა ჯუჯურის მოლაყებებით, რომლებიც სარგებლობდნენ მეფის სულიერი სიძაბუნით.

ალექსანდრე არ ენდობოდა უახლოეს მეგობრებსაც კი. მას ყოველგან შეთქმულება და ლალატი ელანდებოდა. იგი უფრთხოდა მამამისის სიყრმის მეგობარს, მთავარსარდალ ანტიპატროსს, რომელსაც, სპარსეთში გამგზავრების წინ, საბერძნეთისა და მაკედონიის გამგებლობა მიანდო.

ალექსანდრე თვლიდა, რომ მხოლოდ იმ შემთხვევაში შეინარჩუნებდა ძალაუფლებას, თუკი ქვეშევრდომებს მისი შიში ექნებოდათ, თუკი დამორჩილებულ ხალხებს გააოგნებდა გრანდიოზული საქმეებით, თუკი ახალი გამარჯვებებით მათ საკუთარი ყოვლისშემძლეობის რწმენას შთაუწერავდა. იგი იმედოვნებდა, რომ ეს ერთადერთი საშუალება იყო მის მიერ დამონებულ მრავალრიცხოვან ხალხთა დასაოკებლად. იმპერიის დიდ მბრძანებელს უკან დასახვევი გზა აღარ ჰქონდა; მას არ შეეძლო შეჩერება, შესვენება, უკან მიხედვა. იგი სულ უფრო თამამსა და ფანტასტიურ მიზნებს ისახავდა. და აი, ალექსანდრე ჩაიფიქრებს დიდ საზღვაო ექსპედიციას, ნეარქოსის მეთაურობით. მის ფლოტს გარს უნდა შემოეცლო არაბეთისთვის, აფრიკისათვის და ჰიბრალტარის სრუტის გავლით ხმელთაშუა ზღვად შეეღწია. მეფე ამზადებდა გრანდიოზულ ლაშქრობას დასავლეთით – ჩრდილო




აფრიკის, იტალიისა და ესპანეთის დასამორჩილებლად. ამ ჩანაფიქრის განსახორციელებლად მას განზრახული ჰქონდა საჰარის უდაბნოში გზის გაყვანა და ჭების გათხრა. სამი ათასი ბერძენი სწავლული და ხელოსანი თავდაუზოგავად მუშაობდა მდინარე ეფვრატის კალაპოტის გასალრმავებლად, რათა ქალაქი ბაბილონი ნავსადგომად გადაექციათ.

არქიტექტორმა სტასიკრატესმა განიზრახა თრაკიაში მდებარე ათონის მთის ალექსანდრეს გიგანტურ ქანდაკებად გარდაქმნა. ამ ქანდაკების მარცხენა ხელის გულზე უნდა გაშენებულიყო ათასკაციანი ქალაქი, მარჯვენა ხელიდან კი მთის ნაკადულს უნდა ეჩქევა, რომელიც მერე ზღვას მიერთვოდა.

ეს გეგმები ნათულს ხდიდნენ, რომ საკუთარი წარმატებებით გონგადასულ მაკედონელ დამპყრობელს რეალობის გრძნობა განლტვოდა. მეფის თანამზრახველებს ესოდათ, რომ ამ ჩანაფიქრთა განხორციელების ცდა მხოლოდ გააუარესებდა ისედაც დაღმავლობის გზაზე დამდგარი სახელმწიფოს მდგომარეობას. საჭირო იყო არა ახალ ქვეყანათა დაპყრობაზე ფიქრი, არამედ უკვე დაპყრობილ ტერიტორიათა შენარჩუნება, თუნდაც ზოგიერთ შორეულ და მუამბოხე მხარეთა დათმობის ფასად. მაგრამ ალექსანდრე უკვე აღარ იღებდა ყურად სხვათა რჩევებს, თუმცა მეფისაგან განსხვავებულ აზრთა გამოთქმას ველარავინ ბედავდა. ალექსანდრე ღრმად იყო დარწმუნებული, რომ ბედი სწყალობდა და ეჭვიც არ ეპარებოდა, რომ უცილობლად განახორციელებდა ყველა ჩანაფიქრს. იგი თვლიდა, რომ ბუნებასაც კი უნდა დაეთმო მისთვის. და ამაში რომ დაერწმუნებინა სხვებიცა და საკუთარი თავიც, მან აფრიკის ლაშქრობის დასაწყისად ზაფხულის ყველაზე მცხუნვარე თვე შეარჩია. მაგრამ ალექსანდრეს ოცნებას აღსრულება არ ეწერა. ძვ.წ. 323 წლის პირველ ივნისს მეფემ ხურვება იგრძნო, თუმცა არ შედრკა და გააგრძელა დაწყებულ საქმეზე ზრუნვა. მაშინაც კი, როდესაც ციებ-ცხელებამ ლოგინად ჩააგდო, თავის სანოლთან შემოიკრიბა მხედართმთავრები და სამომავლო ლაშქრობებზე გაებაასა. დღითი-დღე უარესდებოდა მისი ჯანმრთელობა. 13 ივნისს მეფე გარდაიცვალა. მაშინ ალექსანდრე 33 წლის იყო და თითქმის 13 წელი იძუფა. ამ საოცრად მცირე დროის მანძილზე მან აღასრულა ის, რისი აღსრულებაც მანამდე ვერავინ შეძლო – შექმნა პირველი უზარმაზარი იმპერია.

ალექსანდრეს გარდაცვალებისთანავე უმაღ დაიწყო დავა იმაზე, თუ ვის უნდა რგებოდა ძალაუფლება. მეფეს არ დაუტოვებია მემკვიდრე. მისი მეუღლე, როქსანა, ფეხმძიმედ იყო მხოლოდ, ნახევარძმა კი გონებაჩლუნგი აღმოჩნდა. მეფე არც იყო დაკრძალული, რომ დავა მის ცხედართან შეიარაღებულ შეტაკებაში გადაი-



ზარდა. სულ დაავინყდათ ალექსანდრე და მისი გვაში ოცდაათი დღის განმავლობაში არ დაუმარხავთ. ბოლოს მისანმა სასახელში ხმა გააჟრცელა: „განდიდდებოთ ის ქალაქი, სადაც დიადი ალექსანდრე დაიკრძალება! რადგან არ იყო სხვა მეფე მასზე აღმატებული ბედნიერებით, ვიდრე ცოცხლობდა და გარდაცვლილიც სხვებზე უფრო ბედნიერია!“ ითქვა თუ არა ეს, იმ წამიდან დაიწყო ბრძოლა მისი გვამისთვის. ყველას აჯობა ალექსანდრეს მხედართმთავარმა პტოლემეაიოსმა, რომელმაც მოიპარა მისი ნეშტი, მალულად წაიღო ალექსანდრიაში და იქ დაკრძალა.

ძალაუფლებისათვის ბრძოლას შეენირა სამეფო ოჯახი. სამფლობელო კი დაინაწილეს მთავარსარდლებმა, რომლებსაც დიადოქოსები (ბერძნ. „მემკვიდრეები“) უწოდეს. ალექსანდრეს მიერ შექმნილი ვეებერთელა იმპერია დაიშალა. მას დიდი ხანი არც ეწერა, იმიტომ რომ შიშითა და ძალით იყო მორჩილადქმნილი.

ასეთი იყო ალექსანდრეს ცხოვრების გზა. ასე იცვალა დიდმა დამპყრობელმა სახე, როდესაც ძალის მეოხებით ხელთ იგდო განუსაზღვრელი უფლებები, როდესაც გახდა მილიონობით მისივე მსგავსის ბედის განუსჯელი გამგებელი. ეჭვნულობა და სისასტიკე, გარეშემომყოფთადმი ზიზლი და შეთქმულების შიში ალექსანდრეს გაუჩნდა მხოლოდ მას შემდეგ, რაც მიაღწია ისეთ უფლებამოსილებას, მინიერთაგან მანამდე რომ არავის ღირსებია. ალექსანდრეს სასიქადულო თვისებებმაც კი პირფერობისა და საყოველთაო თავყანების გამო ნირი იცვალეს: მისი სიქველე გარდაისახა უსამანო პატივმოყვარეობად, სიმაძავე – განუსჯელობად, სიამაყე კი – განდიდების მანიად.

ალექსანდრეს თავისი ბიოგრაფიები ჰყავდა. მისი ცხოვრება აღუწერია მისივე თანამებრძოლს, მხედართმთავარ პტოლემეაიოსს; ბრძოლათა სურათები არისტოტელულოსის ჩანანერებით შემორჩენია ისტორიას. სახელოვანმა პლუტარქოსმა კი თავი მოუყარა ყველა მართალ და არამართალ ამბავს, რაზედაც ხელი მიუწვედებოდა და იმდროინდელი სამყაროს პირველი იმპერიის დიადი მბრძანებლის დაუვინყარი პორტრეტი დაუტოვა შთამომავლობას.





შენიშვნები:

¹ ოლიმპიასი ელადის ჩრდილო-დასავლეთით მდებარე ეპიროსის განმგებლის ერთერთი ქალიშვილი იყო.

² ბუკეფალოსი ბერძნულად „ხარისთავას“ ნიშნავს.

³ არისტოტელე (ძვ.წ. 384-322 წწ.) – ძველი სამყაროს უდიდესი ფილოსოფოსი. მისი მამა ფილიპოს მეორის კარის ექიმი იყო. შესაძლოა, ეს გახდა არისტოტელეს უფლისწულის აღმზრდელად მონვევის საბაბიც (ძვ.წ. 343 წ.). მას შემდეგ რაც ალექსანდრე სამეფო სკოპტრის მპყრობელი გახდა, არისტოტელემ ათენში დააარსა სკოლა სახელწოდებით ლიკეონი (გიმნაზია აპოლონ ლიკეიელის ტაძრის მახლობლად). ამ სახელს უწოდებდნენ სკოლებს ახალ დროშიც. თუმცა მას შუა საუკუნეების ლათინურისთვის დამახასიათებელი გამოთქმით მოიხსენებენ: ლიცეუმი.

⁴ „სახელწოდება „კინიკური“ ანუ „ცინიკური“ (სიტყვასიტყვით თუ ვთარგმნით – „ძალღური“) დაამკვიდრეს იმ ფილოსოფოსებმა, რომელთაც დიოგენესიც ემხრობოდა. კინიკოსები თავისებურად გამოხატავდნენ ღარიბთა და უუფლებო თავისუფალთა პროტესტს მონათმფლობელურ საზოგადოებაში სიმდიდრის არათანაბარი განაწილების გამო. მოგვიანებით „კინიკოსი“ („ცინიკოსი“) სალანძღავ სიტყვად იქცა.

⁵ სწორედ ამ გადმოცემას უკავშირდება თანამედროვე გამოთქმა: „გორდიონის კვანძის გახსნა“, რაც ნიშნავს ძლიერ დახლართული ამოცანის ამოხსნას უმარტივესი გზით, ურთულესი საქმის აღსრულებას ერთი, გადაწყვეტი მოქმედებით.

⁶ სოგდიანა, სპარსეთის სამეფოს ჩრდილო-აღმოსავლეთით მდებარე სატრაპია, მდებარეობდა მდინარეების, ამურ-დარიასა და სირ-დარიას შორის (ახლა იქ ტაჯიკეთისა და უზბეკეთის სახელმწიფოებია განლაგებული).

⁷ ძველების რწმენით, მდინარე ოკეანოსით იყო გარშემორტყმული ხმელთაშუა ზღვაში მდებარე მიწები. ვარაუდობდნენ, რომ ეს მდინარე სათავეს იღებდა დასავლეთ ევროპაში (ატლანტის ოკეანე), მიედინებოდა აფრიკისა და არაბეთის ნახევარკუნძულის სამხრეთით, შემდეგ გარს უვლიდა ინდოეთსა და ჩრდილოეთიდან ბრუნდებოდა ევროპაში. ალექსანდრეს დროს მატერიკების ზომებზე შედარებით შემცირებული წარმოდგენა ჰქონდათ. ალბათ ამით აიხსნება ის, რომ ჰინდუკუში კავკასიონის გაგრძელებად მიაჩნდათ, ხოლო არალის ზღვა – კასპიის ზღვის ნაწილად და მას ჩრდილოეთ ოკეანის ყურეს უწოდებდნენ.

⁸ თანამედროვე მდინარე ბეხატი, ან ჯელამი.



იულიუს კეისარი

რომის სახელმწიფო სახელმწიფო მოღვაწე,

მთავარსარდალი, იმპერატორი


(ძვ.წ. 100/102-44 წწ.)



თუკი დაარღვევ კანონს, მხოლოდ ბატონობისთვის, ისე კი, მუდამ უნდა იყო სამართლიანი! – ხშირად იმეორებდა თურმე ამ სიტყვებს იულიუს კეისარი, რომლის ცხოვრების არსს ძალაუფლებისადმი დაუოკებელი სწრაფვა წარმოადგენდა. იგი რომის პატრიციათა მოდგმის ჩამომავალი იყო. ამ მოდგმის ფუძემდებლად ლეგენდარული ენეასის ძე იულიუსს ასახელებდნენ, ხოლო ენეასის დედად თავად ქალღმერთი ვენუსი იგულისხმებოდა. ასე რომ, სახელმწიფო იმპერატორი ღვთაებრივი წარმომავლობით ამყობდა.

გაიუს იულიუს კეისარი დაიბადა ძვ.წ. 100 წლის² 12 კვინტილისს. ეს იყო რომაული კალენდრის მეხუთე თვე, რომელსაც მოგვიანებით, მისი სახელის უკვდავსაყოფად ივლისი ეწოდა. ოჯახმა იზრუნა იმაზე, რომ ნიჭიერ ყმანვილს მიეღო ჩინებული განათლება, რაც გულისხმობდა ბერძნული ენისა და ლიტერატურის, ფილოსოფიის, ისტორიისა და ორატორული ხელოვნების ცოდნას. განსაკუთრებული მონდომებითა და წარმატებით კეისარი მჭევრმეტყველებას ეუფლებოდა. თავისი ხელოვნებით იგი მხოლოდ სახელმწიფო ორატორს, ციცერონს თუ ჩამოუვარდებოდა. ასე ფიქრობდა ციცერონიც.

თექვსმეტი წლის არც იქნებოდა მომავალი იმპერატორი, მამა რომ გარდაეცვალა. მიუხედავად ახალგაზრდული ასაკისა, გავლენიან ნათესავთა წყალობით მან იუპიტერის ქურუმის წოდება მიიღო. კეისარის მამიდა, იულია, ცოლად ჰყავდა სახელმწიფო მხედართმთავარს, გაიუს მარიუსს, რომელსაც შვიდგზის ეკავა



სახელმწიფო მხედართმთავარს, გაიუს მარიუსს, რომელსაც შვიდგზის ეკავა კონსულის თანამდებობა. ალბათ იულიას სურვილი იყო, რომ სულ მალე კეისარი დააქორწინეს მარიუსის უახლოესი თანამოაზრის, კორნელიუს კინას ასულზე. რომის რჩეულ საზოგადოებასთან სიახლოვე ღირსეულ ჭაბუკს ბრწყინვალე მომავალს უქადდა, თუმცა მის გავლენიან მფარველთა ძალმოსილება მალე ისტორიას ჩაბარდა. ეს მოხდა მაშინ, როდესაც სახელმწიფოს სათავეში მოვიდა სულა (ძვ. წ. 82-79 წწ.), მარიუსის დაუძინებელი მტერი.

ჩაიგდო თუ არა ხელში დიქტატორის ძალაუფლება, სულამ ქურუმის ნოდება აპყარა კეისარს და მეუღლესთან გაყრაც მოსთხოვა. ხოლო როდესაც ამყამ და თავნება ჭაბუკმა არად ჩააგდო მისი მუქარა, ჯერ ცოლისაგან მიღებული მზითვი და მამისეული მემკვიდრეობა ჩამოართვა, ხოლო შემდეგ კი მისი მოკვლის ბრძანებაც გასცა. კეისარი იძულებული გახდა, რომიდან გაქცეულიყო. იგი ყოველ ღამე იცვლიდა სადგომს, რადგანაც ვერსად გრძნობდა თავს უსაფრთხოდ. რომში აღმოჩნდნენ ადამიანები, რომლებმაც გაბედეს და სთხოვეს სულას, შეენყნარებინა ჭაბუკი. ამბობენ, რომ დიქტატორმა მათ ასე მიუგო: „როგორ ვერ ხვდებით, რომ კეისარის გადარჩენით დაღუპავთ იმ საქმეს, რომლისთვისაც ასე ვიბრძოდით: ამ ერთ ყმანვილში უამრავი მარიუსია ჩაბუდებული!“ მიუხედავად ამგვარი რწმუნისა, სულამ მანც შეინყნარა კეისარი, რომელმაც, გადასცეს რა ეს სიტყვები, დაუხანებლივ დატოვა იტალია. მან სამსახური დაიწყო რომაულ ჯარში და თავი გამოიჩინა ლესბოსის ქალაქ მიტილენეს ალებისას, რის გამოც ჯილდოდ მიიღო მუხის რტოების გვირგვინი.

სულას გარდაცვალების შემდეგ კეისარი დაბრუნდა რომში, მაგრამ მალე გაემგზავრა როდოსისაკენ, რათა მჭევრმეტყველების ხელოვნებას დაუფლებოდა სახელმწიფო აპოლონიოს მოლოსთან. ეგეოსის ზღვაში, კუნძულ ფარმაკუსას მახლობლად იგი ტყვედ იგდეს ყაჩაღებმა და გამოსასყიდად 20 ტალანტონი მოსთხოვეს.

„იაფად მაფასებთ!“ – გაუცინია დატყვევებულს და 50 ტალანტონს შეჰპირებია თავის გამოსასხნელად. შემდეგ კეისარმა თანამგზავრები დაგზავნა ფულის შესაგროვებლად, თავად კი ყაჩაღებთან დარჩა პირადი ექიმისა და ორი მსახურის აპარა. ორი თვე დაჰყო ყაჩაღებთან ისე, რომ მათი შიში არ ჰქონია. პირიქით, ისე იქცეოდა, თითქოს ისინი მას მცველებად ემსახურებოდნენ. მოსასვენებლად განწყობილი უკრძალავდა მათ მღერას და ხმაურს, აიძულებდა მოესმინათ მის მიერ შეთხზული სიტყვები და პოემები, ხოლო როდესაც ყაჩაღების სახეზე აღფრთოვანებას ვერ ამჩნევდა, ლანძლავდა მათ, ველურებს უწოდებდა და ჩამოხრჩობით ემუქრებოდა. სასაცილოდ არ ჰყოფნიდათ ყაჩაღებს მისი მუქარა. ამბობენ, აოცებდათო მათ ტყვე-ჭაბუკის ხალისიანი განწყობილება.




სულ მალე ცხადი გახდა, რომ კეისარი ამაოდ არ იშუქებოდა. როდესაც გამოსასყიდი თანხა ყაჩაღებს გადაუხადა და თავისუფლება დაიბრუნა, შეკრიბა რამდენიმე სამხედრო ზომალდი და დამტყვევებლებს დაედევნა. იქ დაენია, ფარმაკუსასთან, სადაც თავად დააყაჩაღეს. ხელთ იგდო ყველა. ჯერ თავისი ფული დაიბრუნა, ხოლო შემდეგ კი ყაჩაღები ჯვარს აცვა ისე, რომ ხელისუფალთა თანხმობას არც კი დალოდებია.

მთელი წელი დაჰყო კეისარმა როდოსზე. თავდაუზოგავმა შრომამ თავისი ნაყოფი გამოიღო: თანამედროვენი აღფრთოვანებით ისმენდნენ მის ბრწყინვალე სიტყვებს. აპოლონიოს მოლოს მონაფე უკვე სახელმძოვქილი ციცერონიც კი აღიარებდა, რომ კეისარის მიერ წარმოთქმული სიტყვები გამოირჩეოდნენ მახვილგონიერებით, სისხარტიითა და აზრის გამოთქმის სინათლით. საგულდაგულოდ შერჩეული სიტყვები, მოხდენილად ანყობილი ფრაზები კეისარის ყოველ გამოსვლას საზეიმო დიდებულების ელფერს ჰმატებდნენ. მის წარმატებას ხელს უწყობდა ხმის სილამაზეც.

რომში სულას გარდაცვალების შემდეგ მის მიერ დამყარებული დიქტატორის მონინააღმდეგეთა ამბოხებამ იფეთქა და კეისარმაც სათანადოდ გამოიყენა ეს დრო სამშობლოში დასაბრუნებლად. მას არ მიუღია მონაწილეობა ამ ამბოხებაში დედის რჩევით, რომელიც მისი კრახით დასრულებას წინასწარმეტყველებდა.

კეისარმა მალე მიიმხრო საზოგადოება მისთვის ჩვეული სითამამით, მსჯავრს ედებდა რა ან გარდაცვლილი დიქტატორის გავლენიან თანამზრახველებს. ძალას, ენერგიასა და სახსრებს არ იშურებდა იგი ხალხის კეთილგანწყობის მოსაპოვებლად. უზარმაზარი ვალის აღება მოუხდა, რათა სამხედრო ტრიბუნის თანამდებობა მიეღო. ამის შემდეგ კი მალლა და მალლა მიიწევდა და ახლა უკვე ერთი მეორის მიყოლებით სთავაზობდნენ მას საპატიო წოდებებს. იყო კვესტორიც (კონსულის

დამხმარე ფინანსურსა და სამსჯავრო საქმეებში), ედილიც (მოხელე, რომელსაც ქალაქის კეთილმოწყობა და ქალაქური ზეიმები ევალებოდა). ამ თანამდებობაზე კეისარი ენერგიულად შეუდგა რომის გამშვენიერების საქმეს, ხოლო სარჯებით, ხალხის გართობას რომ ემსახურებოდა, ყველა დაჩრდილად, ვისაც ოდესმე ღირსებია ეს სამსახური. მან პირველმა დაუთმო არენა გლადიატორთა მანამდე არნახულ რაოდენობას – 320 წყვილი ერთ ჯერზე – და ეს იყო ბევრად უფრო ცოტა, ვიდრე მას სურდა. აი, როგორ ახასიათებდა მას პლუტარქოსი: „რომში კეისარმა თავისი მჭკვრემეტყველური გამოსვლებით სამსჯავროებში ბრწყინვალე



სულა



ნარმატებები მოიპოვა, ხოლო თავაზიანობითა და კეთილგანწყობით უბრალო ხალხის სიყვარულიც დაიმსახურა, რადგან ყოველი ადამიანისადმი უფრო მეტ ყურადღებას იჩენდა, ვიდრე ეს მოსალოდნელი იყო მისი ასაკის კაცისაგან. ხოლო ნადიმები, წვეულებები, და საერთოდ, ცხოვრების წესის დიდებულება ხელს უწყობდა მისი გავლენის გაძლიერებას სახელმწიფოში. ალბათ ციციერონი იყო პირველი, რომელმაც სასიფათოდ აღიქვა კეისრის მოღვაწეობა გარეგნულად მშვიდი, გაკრიალებული ზღვის მსგავსი და ამ ადამიანში განჭვრიტა მზიარულსა და მოაღერსე ნიღაბს ამოფარებული მტკიცე და შეუპოვარი ხასიათი. იგი აღნიშნავდა, რომ კეისრის ყველა ჩანაფიქრსა და მოქმედებაში ძალაუფლების ხელში ჩაგდებას მძაფრი სურვილი გამოკრთოდა. „მაგრამ – დასძენდა ამასთანავე – როდესაც ვხედავ, თუ რა საგულდაგულოდ არის დალაგებული მისი თმა და როგორ მოხდენილად იფხანს იგი თავს ერთი თითით, მეჩვენება, რომ ამ ადამიანს არ შეუძლია ისეთი დანაშაულის ჩადენა, როგორც არის რომის სახელმწიფო წყობის დამხობა“ (პლუტარქოსი, კეისარი, IV).

კეისარი კი სწორედ ამ მიზანს ისახავდა. იგი თვლიდა, რომ შეეძლო არისტოკრატიულ-რესპუბლიკური წყობის დამხობა მრავალრიცხოვან პლებსზე დაყრდნობით. ამიტომ იყო სახსრებს რომ არ იშურებდა და ვალებში იძირებოდა.

რომში ჯერ კიდევ მრავლად იყვნენ მარიუსის ყოფილი მომხრეები. მათ სძულდათ სულა, მაგრამ ხმას ვერ იღებდნენ იმათი შიშით, ვისაც ჯერ კიდევ ეკავა თანამდებობა. და აი, კეისარმა სცადა მათი შეგულიანება. მან სითამამით გაუგონარი რამ მოიმოქმედა: ღამით, კაპიტოლიუმის ბორცვზე აიტანა მარიუსის მოოქროებული ქანდაკებები. მათი წარწერები იუნყებოდნენ მხედართმთავრის სახელოვან საქმეთა ამბებს. სენატი ღელავდა პოპულარების სახალხო პარტიის აღორძინებით და კიდევ იმით, რომ „კეისარი ახლა მხოლოდ ძირს კი არ უთხრიდა რესპუბლიკას, არამედ თავს ესხმოდა ყველა იარაღით“ – როგორც გამოთქვა ერთმა სენატორმა. ხალხი კეისრის მხარეს იყო, ხოლო სენატმა იგი კანონის დარღვევაში დაადანაშაულა. სამსჯავროზე კეისარმა ისეთი საპასუხო სიტყვა წარმოთქვა, რომ იოლად აიცილა სასჯელი. რითაც უამრავი აღფრთოვანებული მომხრე შეიძინა.

ამის შემდეგ მან წარადგინა თავისი თავი უზენაესი ქურუმის – დიადი პონტიფექსის თანამდებობაზე. ამ დროისათვის მას ისეთი ვალი დაედო, რომ არჩევნებზე მიმავალმა სახლიდან გასვლის წინ დედას დაუბარა: „დღეს ან დიდებულ პონტიფექსად დაგიბრუნდები, ან რომიდან გამაძევებენ“. კეისარმა ბრწყინვალე გამარჯვება იხეიმა, მიიღო რა უფრო მეტი ხმა, ვიდრე ორივე მოცილემ ერთად. იმხანად განცხადდა ლუკიუს სერგიუს კატილინას შეთქმულება, რომელიც სახელმწიფო გადატრიალებას ისახავდა მიზნად. როგორც კი იგრძნო საფრთხე, კატი-



ლინამ დატოვა რომი. მაგრამ ქალაქში დარჩნენ მისი მომხრენი, რომელთა სიკვდილით დასჯასაც ერთხმად ითხოვდა სენატი. წინააღმდეგ გამოვიდა მხოლოდ კეისარი, რომელიც ქადაგებდა შეთქმულების არა დახოცვას, რადგან ისინი რომის უძველესი და ღირსეული მოდგმის ჩამომავალნი იყვნენ, არამედ დატყვევებას ქონების ჩამორთმევით. რატომ ითხოვდა კეისარი ასეთი თავგამოდებით კატილინას მომხრეთა შეწყალებას? დაკითხვისას ცხადი გახდა, რომ თითქმის ორი წლის განმავლობაში კრასუსი და კეისარი ფარულ მოლაპარაკებებს აწარმოებდნენ კატილინასთან იმ იმედით, რომ მიიღებდნენ განუსაზღვრელ უფლებებს რესპუბლიკაში. კატილინა გამარჯვების შემთხვევაში თავის მომხრეებს ჰპირდებოდა ვალების გაუქმებასა და მდიდართა ქონების დანაწილებას. და აი, მდიდარი კრასუსი დაფრთხა, განზე განუდგა შეთქმულებს და კონსულ ციცერონს გადასცა მათი მამხილებელი საბუთები. იმ დროისათვის კეისარი, ფლობდა რა უზუნაესი პონტიფექსის თანამდებობას, ისეთი სიყვარულით სარგებლობდა ხალხში, რომ ციცერონმა არ ისურვა მისი დადანაშაულება. კონსული დარწმუნებული იყო, რომ იგი ვერ გაბედავდა ხმის ამალლებას, საკუთარი უსაფრთხოების მიზნით მაინც. მაგრამ კეისარს ეყო ჭკუა და სითამამე, წინ აღდგომოდა სენატს სწორედ მაშინ, როდესაც მის მეგობართა ბედი წყდებოდა. ხალხი არასოდეს აპატიებდა მას, არ დაეცვა ისინი, ვინც გაილაშქრა მდიდართა და არისტოკრატთა ძალმომრეობის წინააღმდეგ.

კეისარმა ბრწყინვალე სიტყვა წარმოთქვა. მან თავი ისე მოაჩვენა ყველას, თითქოს ზრუნავდა არა შეთქმულთა, არამედ სენატორთა ბედზე, რომელთა დაუფიქრებელი გადაწყვეტილება სახალხო მღელვარებას გამოიწვევდა. თავისი ღრმა და გააზრებული სიტყვით კეისარი ალბათ მიიმხრობდა კიდევ სენატს, სენატორ მარკუს კატოს რომ არ დაერწმუნებინა შეკრებილი საზოგადოება შეთქმულთა სიკვდილით დასჯის აუცილებლობაში. კეისარი კი ემსხვერპლებოდა ამ სითამამეს, ციცერონს რომ არ ეხსნა იგი. კონსულმა სენატს დაუდასტურა, რომ მან თავად ამცნო კეისარს შეთქმულების ზოგი საიდუმლო.

მომდევნო წელს (ძვ.წ. 67 წ.) კეისარმა პრეტორის (უზუნაესი მოსამართლე და კონსულის მოადგილე) თანამდებობა მიიღო. აქაც სცადა მან, ეთამაშა ღარიბთა და უპოვართა გრძნობებზე, რათა მათი „ერთადერთი ქომავის“ სახელი დაემსახურებინა: მისი წინადადებით სენატორმა კატომ მიიღო კანონი, რომლის თანახმადაც სახელმწიფოს ხარჯზე მოარსებე ლატაკთა რაოდენობა უნდა გაზრდილიყო.

პრეტორის მოვალეობიდან გათავისუფლების შემდეგ კეისარს სამართავად გადასცეს პროვინცია ესპანეთი. მაგრამ იგი ქალაქიდან ვერ გადიოდა, მოვალეები არ უშვებდნენ, რადგანაც მისმა ვალმა ასტრონომიულ ციფრს მიაღწია – 25 მილიონ სესტერციუსს. მაგრამ წყალობდა ბედი კეისარს: თავდებობა რომის უმდიდ-



რესმა წარჩინებულმა – მარკუს ლიკინიუს კრასუსმა იკისრა. უანგარო როდი იყო ეს თავდებობა: კრასუსი იმედოვნებდა, რომ კეისრის გავლენებს პომპეუსის წინააღმდეგ ბრძოლისას გამოიყენებდა. ესპანეთის მმართველს კი გამდიდრების საშუალება ეძლეოდა.

პროვინციისკენ მიმავალი გზა ერთობ დამძლეული აღმოჩნდა. გალიის ერთი უბადრუკი ქალაქის ხილვისას ვილაცამ ამალიდან კეისრის გასამხნეველად თუ გასამხიარულებლად იკითხა: „ნუთუ აქ, ამ მივარდნილ ადგილზეც იბრძვიან ადამიანები ძალაუფლებისათვის, შურთ ერთმანეთის, გაიძვერობენ?“ „რა თქმა უნდა, – უპასუხა მას კეისარმა, – მაგრამ მე ვისურვებდი ვიყო პირველი აქ, ვიდრე მეორე რომში!“ (პლუტარქოსი, კეისარი, XI).

კეისარი ყოველთვის იყო პატივმოყვარე. ამ მიყრუებულ პროვინციაში კი მას კიდევ უფრო მეტად არ ასვენებდა განდიდების მძაფრი წადილი. ერთხელ ალექსანდრე მაკედონელზე წიგნის კითხვით გართულს ცრემლები წამოსცვენია. „რა გატირებსო?“ – უკითხავთ ამის მხილველებს. პასუხად კი კეისარს უთქვამს: „ალექსანდრეს ჩემს ასაკში უკვე მრავალი ქვეყანა ემორჩილებოდა, მე კი ჯერ ერთი სასახელო საქმეც არ ჩამიდენია“ (იქვე).

ესპანეთში ყოფნისას კეისარმა პირველად გააცნობიერა ის, რომ განუსაზღვრელი უფლებების ხელში ჩასაგდებად უნდა დაყრდნობოდა მხოლოდ კარგად განვრთნილ ერთგულ ჯარს და არა ღარიბ მოსახლეობას. მან თავი გამოიჩინა როგორც ნიჭიერმა მხედართმთავარმა, მრავალი ტომი დაიმორჩილა და დიდძალი სიმდიდრეც ჩაიგდო ხელში. კეისარმა გულუბხვად დაასაჩუქრა თავისი თანამებრძოლები, მათ კი მადლიერების ნიშნად იგი იმპერატორად აღიარეს.

სიტყვა „იმპერატორი“ რესპუბლიკურ რომში მხოლოდ საპატიო სამხედრო ტიტული იყო, რომელიც ენიჭებოდა გამარჯვებულ მთავარსარდალს რომის სენატის გადაწყვეტილებით ან სულაც მისივე ჯარის სურვილით. ამ ტიტულის მფლობელი, ძალაუფლების თვალსაზრისით, პრივილეგიებით არ სარგებლობდა.

კეისარი რომისკენ ისწრაფოდა, რათა თავისი თავი წარედგინა კონსულის თანამდებობაზე. ამჯერად მან უარი თქვა ტრიუმფზე, რადგანაც საზეიმო სვლით რომში შესვლის მსურველი ქალაქის კედლებს მიღმა უნდა დალოდებოდა მისთვის განკუთვნილ რიგს. დრო კი არ ითმენდა. კეისარმაც დიდებას ძალაუფლების ხელში ჩაგდება ამჯობინა და ამჯერადაც გაუმართლა. სენატის პარტიის წინააღმდეგობებისდა მიუხედავად იგი კონსულად აირჩიეს. მეორე კონსული, მარკუს ბიბულუსი, შეურიგებელი არისტოკრატი იყო. წარჩინებულებმა სცადეს კეისრის გამარჯვება დაეკნინებინათ. ამიტომ სენატმა მიიღო დადგენილება იმის თაობაზე,




რომ ამ წელს არჩეული კონსულები არ დაენიშნათ მმართველებად პროვინციებში. მათ უმნიშვნელო საქმე ჩააბარეს – სახელმწიფო ტყეებისა და საძოვრების მოვლა.

კეისარს კარგად ესმოდა, რომ მხოლოდ მას გაუჭირდებოდა სენატთან ბრძოლა. ამიტომ განაახლა მეგობრობა კრასუსთან და თანამდგომად იხმო სახელგანთქმული მხედართმთავარი პომპეუსი. თუმცა კრასუსი და პომპეუსი აგერ უკვე ათი წელი იყო, რაც ერთმანეთს ექიშებოდნენ, კეისარმა მაინც დაარწმუნა ისინი, რომ გაერთიანებული ძალებით იოლად შეძლებდნენ თავის ნებაზე ეტარებინათ სენატიცა და სახალხო კრებაც. პომპეუსი ვარაუდობდა, რომ ამ კავშირით განიმტკიცებდა უფლებებს აღმოსავლეთში. სურდა აგრეთვე თავის ხანდაზმულ ჯარისკაცთა დაჯილდოებაც. ამიტომ მან სიამით მიიღო კეისარის წინადადება და უფრო მეტიც, დაუნათესავდა კიდევ, იქორწინა რა მის ქალიშვილ იულიაზე.

ამგვარად ძვ.წ. 61 წელს რომის სამმა აღმატებულად ძღვეამოსილმა კაცმა შეკრა საიდუმლო კავშირი, ტრიუმვირატი (სამი კაცის შეთანხმება), არსებული არისტოკრატიული წყობის დამხობისა და საკუთარი ძალაუფლების დამყარების მიზნით.

ტრიუმვირატი თავდაპირველად იყო ფარული. მაგრამ როდესაც მომავალმა დიქტატორმა დაინახა, რომ სენატი მის ყველა წინადადებას უგულვებელყოფდა, ფორუმზე იხმო შეთქმულები და თანადგომა სთხოვა მათ წინააღმდეგ, ვინც იარაღით ხელში აბრკოლებდა ხალხის საკეთილდღეო კანონების მიღებას. მეგობრებმა დახმარება აღუთქვეს, პომპეუსმა კი დასძინა: „თუკი ვინმე იშიშვლებს მახვილს, მახვილითა და ფარით მეც წინ აღუედგებიო“. მალე მან თავისი შეიარაღებული მეომრებით დაიკავა ფორუმი. დაფრთხნენ დიდგვაროვანნი და კეისარის ნებას დაჰყვნენ.

მეორე კონსული, მარკუს ბიბულუსი, ცდილობდა ჩაეგდო ახალი კანონები არასასურველი ზეციური ნიშნების მოშველიებით, მაგრამ კეისარმა იგი ფორუმიდან გააძევა. მეორე დღეს ბიბულუსმა სენატს კეისარის საქციელის დაგმობა მოსთხოვა, მაგრამ ტრიუმვირთა შიშით ხმის ამოღება ვერცინ გახდა. ბიბულუსი ისეთმა სასონარკვეთილებამ შეიპყრო, რომ შინ ჩაიკეტა და არც გამოსულა იქიდან, სანამ მისი კონსულობის დრო არ ამოიწურა. მას შემდეგ კეისარი ყოველ საქმეს საკუთარი თვალსაწიერიდან განაგებდა. ამბობენ, ზოგიერთი ხუმარა, როდესაც წერილს ათაროლებდა, ნაცვლად ჩვეული მინაწერისა – „კეისარისა და ბიბულუსის კონსულობის წელი“, ასე მიაწვნიებდა: „იულიუსისა და კეისარის კონსულობის წელი“. და მართლაც, კეისარმა შეძლო თავისი ნების გაბატონება სენატში, ტრიუმვირატის მომხრეთა დანიშვნა უმაღლეს სახელმწიფო თანამდებობებზე. როდესაც მისი კონსულობის ხანა გასრულდა, ხუთი წლით სამართავად მიიღო გალია, რაც მას საშუალებას აძლევდა, შეექმნა კარგად შეიარაღებული არმია. იმხანად რომაელე-



ბი გალიის მხოლოდ უმნიშვნელო ნაწილს ფლობდნენ. კეისარმა განიზრახა ამ ქვეყნის ერთიანად ხელში ჩაგდება. თითქმის ათი წელი შეაღია მან ამ საქმეს. დაიპყრო უზარმაზარი ტერიტორია. ბრიტანეთზეც კი გაილაშქრა, იქ, სადაც ჯერაც არ დაედგა ფეხი რომაელს. გალია რომის პროვინციად გამოცხადდა და დაიბეგრა. კრასუსისა და პომპეუსის შემწეობით კეისარმა მიაღწია იმას, რომ არმიოზე მბრძანებლობა კიდევ ხუთი წლით გაუგრძელეს. სახელმწიფოსგან მიღებულ ოთხ ლეგიონს მან საკუთარი ხარჯით აღჭურვილი კიდევ ექვსი ლეგიონი შეჰმატა. მისი დიდება იზრდებოდა, რასაც ხმარდებოდა ის ნადავლი ბრძოლების უამს რომ ხელთ იგდებდა მხედართმთავარი. კეისარმა ჯარისკაცებს გაუორმაგა საზღაური და არ იშურებდა სახსრებს საჭირო საქმისათვის. ის აკეთებდა იმას, რასაც მიიჩნევდა აუცილებლად ისე, რომ რჩევას არ ეკითხებოდა არც ხალხსა და ალარც სენატს.

გალიის ბრძოლებს კეისარმა მიუძღვნა წიგნი სათაურით „გალიის ომის ჩანაწერები“, რომლის დახვეწილობამ, მსუბუქმა და უბრალო სტილმა ისე აღაფრთოვანა ციცირონი, რომ ასეთი რამ ათქმევინა: „ამ წიგნის ნაკითხვის შემდეგ კალამს ვეღარ აიღებ ხელში“.

კეისარი რომის პირველ კაცად აღიარეს. იგი წარმოუდგენელი გავლენით სარგებლობდა. გასული იყო თითქმის ათი წელი და გალიაზე მისი უფლებების ვადა იწურებოდა. ტრიუმვირატი დაიშალა. კრასუსი დაიღუპა მცირე აზიაში, ხოლო პომპეუსი რესპუბლიკის ისტორიაში პირველად აირჩიეს „ერთპიროვნულ კონსულად“, ანუ იგი რომს მართო მართავდა. გარდაიცვალა მისი მეუღლე, იულია (კეისარის ქალიშვილი). ახლა პომპეუსს ძალაუფლების ერთადერთი მოცილე ჰყავდა – ეს იყო იულიუს კეისარი. და პომპეუსმა, ყოფილ თანამზრახველთან საომრად შემართულმა, მიიღო კანონი, რომელიც კრძალავდა კეისარის კონსულის თანამდებობაზე დანიშვნას მანამ, ვიდრე იგი თავის ჯარს არ დაშლიდა. კარგად ხვდებოდა პომპეუსი, რომ კეისარი არა თუ არ დაშლიდა თავის ჯარს, არამედ პირიქით, თავს მოუყრიდა და სამოქალაქო ომს დაიწყებდა. სენატი ვარაუდობდა, რომ მცირე რაზმით იმპერატორი ვერ გაბედავდა რომში შეჭრას, მთელ გალიაში გაფანტული მისი მეომრების შეგროვებას კი დრო სჭირდებოდა. ამიტომ პომპეუსს უნდა დაესწრო. სენატმა მას სახელმწიფო ხაზინიდან დიდძალი თანხა გამოუყო. ქალაქებში კი საოცარი სისწრაფით გროვდებოდა დამატებითი სახსრები.

კეისარმა, უპირველეს ყოვლისა, თავის ლაშქარს უხმო. წლების მანძილზე მიღებული გამოცდილებით იგი ამჯობინებდა ემოქმედა უმაღლ მოულოდნელობის ეფექტითა და გამბედაობით, ვიდრე დრო დაეკარგა საგულდაგულო მზადებებში. ამ ისტორიული მოვლენების თაობაზე აპიანუსი წერდა: „ეს დიადი ომი კეისარმა ხუთი ათასი მებრძოლით დაიწყო. მან განიზრახა, დაუხანებლივ გადასულიყო შე-



ტევაზე, რათა მოესწრო მისთვის ხელსაყრელი ადგილების დაკავება იტალიაში. წინ წარიმძღვარა თავისი მხედართმთავრები სამოქალაქო სამოსში გამოწყობილი მამაცი მეომრების თანხლებით. მათ უნდა შეეღწიათ არიმინუმში (თანამედროვე რიმინი ჩრდილოეთ იტალიაში) და სასწრაფოდ აეღოთ გალიიდან იტალიისკენ მიმავალ გზად მდებარე ეს პირველი ქალაქი. თავად კეისარმა კი სალამო ხანს უგუნებობა მოიმიზეზა, მიატოვა ვახშამი და განმარტოვდა. შემდეგ ეტლში ჩაჯდა და არიმინუმისაკენ გაემართა. ოდნავ მოშორებით მას თავისი ერთგული მოსაგრეები მისდევდნენ. მალე მიადგა იგი მდინარე რუბიკონს, რომელიც გალიისა და იტალიის საზღვარზე მიედინებოდა. კეისარი შეჩერდა. დიდხანს უმზერდა მდინარეს და ფიქრობდა იმ უბედობებზე, რომელიც ამ ომს უნდა მოჰყოლოდა. ბოლოს მიბრუნდა დადუმებული მეგობრებისკენ და აუწყა: „თუ ეს მდინარე არ გადავლახე, ბედი უკულმა დატრიალდება ჩემთვის, ხოლო თუ გადავლახე – ყველასათვის!“ შემდეგ, თითქოს მალლიდან შთაგონებულმა წამისუმალ გადაიარა რუბიკონი და შეჰყვირა: „დაე, ასე გადაწყდეს ბედი!“

სწრაფად მიადგა კეისარი არიმინუმს, მზის ამოსვლამდე დაიპყრო და გზა განაგრძო. ელვის სისწრაფით იგდებდა ხელთ იგი ქალაქებს. პანიკურმა შიშმა მოიცვა მოსახლეობა, რომელიც ვერ ხვდებოდა, რა ხდებოდა. ყველას ეგონა, რომ კეისარი წინ მიინევდა ურიცხვი ჯარით“ (აპიანუსი, სამოქალაქო ომები, II, 34-35).


ძალაუფლების ხელში ჩაგდების სურვილით მოღვაწეობა იულიუს კეისარმა დაიწყო მაშინ, როდესაც ჯერ კიდევ არ იყო ოცი წლის. რუბიკონი რომ გადალახა (ძვ.წ. 49 წლის 10 იანვარს) თავისი ცხოვრების ორმოცდაათი წელი უკვე განვლილი ჰქონდა.

„არიმინუმის ალების შემდეგ ომისთვის თითქოს ყველა კარი ერთად გაიღო ყოველ სახელმწიფოსა და ყოველ ზღვაზე. წარიხოცა პროვინციათა ყველა სამანი და მასთან ერთად რომაელთა ყველა კანონი. ისე ჩანდა, თითქოს მხოლოდ ადამიანები

კი არ დაქროდნენ შეძრწუნებულნი იტალიაში, არამედ თავად ქალაქებიც მოსწყდნენ საფუძრებს და ერთმანეთს ეომებოდნენ“ (პლუტარქოსი, კეისარი, XXXIII-XXXIV).

ისეთი სისწრაფით მიიწვედა წინ კეისარი, რომ პომპეუსმა ჯარის შეკრებაც ვერ მოასწრო, ისე გაიქცა საბერძნეთში. გაიქცნენ კონსულებიც, სენატორებიც. ყველა დაიბნა. კეისარის მომხრეებსაც ისე დაებინდათ გონება, რომ ისინიც „ამ საყოველთაო ლტოლვის მორევში აღმოჩნდნენ“ (პლუტარქოსი, იქვე). აღარავინ იცავდა ქალაქის კარიბჭეს და კეისარი შევიდა რომში. პომ-





პეუსმა ვერ მოასწრო თან წაელო სახელმწიფო ხაზინა და ახლა იგი გამარჯვებულს ხელთ ჩაუვარდა. როდესაც სახალხო ტრიბუნთაგან ერთერთმა მას წინააღმდეგობა გაუწია და შეახსენა კანონი ხაზინის ხელშეუხებლობის თაობაზე, კეისარმა წამოიძახა: „განა არ იცით, რომ იარაღი კანონებს არ ემორჩილება!“

პომპეუსმა სცადა პროვინციებში თავმოყრილი ჯარების ამოქმედება. გადამწყვეტი ბრძოლა შედგა ძვ.წ. 48 წლის 6 ივნისს თესალიის ქალაქ ფარსალუსთან. აქაც იმძლავრა კეისარმა, ისე დააფრთხო პომპეუსის ჯარისკაცები, რომ სამარცხვინოდ უკუაქცია. ხოლო როდესაც პომპეუსმა ეს დაინახა „თავ-გზა აებნა, დაავიწყდა რომ იყო დიადი პომპეუსი და იმ კაცს დაემსგავსა, რომელსაც ღმერთმა გონება აურია“ (პლუტარქოსი, კეისარი, XLV). მთავარსარდალმა მცირერიცხოვანი ამაღლის თანხლებით მიაშურა პტოლემაიოსთა ეგვიპტეს, სადაც ვერაგულად მოკლეს. მაგრამ ეს ჯერ არ იცოდა კეისარმა. იგი დიდებით მოსილი დაბრუნდა რომში, სადაც დიქტატორად აღიარეს. ჩვეულებრივ, დიქტატორებს ნიშნავდნენ უკიდურესი არეულობის ჟამს, როცა სახელმწიფოს სჭირდებოდა „ძლიერი ხელი“ და მათი უფლებამოსილება წელიწადნახევარს არ აღემატებოდა. კეისარს კი ეს წოდება სიცოცხლის ბოლომდე გაუხანგრძლივეს.

მალე კეისარი ეგვიპტისაკენ გაემართა, რათა საბოლოოდ გაენადგურებინა პომპეუსი და პტოლემაიოსთა სახელმწიფოდან ათი მილიონი სესტერციუსი ამოეღო თავისი მეომრებისთვის. იმხანად ეგვიპტეს მართავდნენ მცირეწლოვანი პტოლემაიოს XIII მეურვეები, რომლებსაც მეფის უფროსი და და თანამეტახტე, კლეოპატრა VII, სახელმწიფოდან გაეძევებინათ.

როდესაც კეისარი აღექანდრიას მიაღწა, ეგვიპტელებმა ლანგრით მიართვეს პომპეუსის მოკვეთილი თავი და ბეჭედი. ამის მხილველი კეისარი შეწუხდა, მაგრამ ეს წუხილი მოჩვენებითი იყო. მან რომაელთა გულის მოსაგებად საკადრისი პატივი მიაგო მთავარსარდლის ხსოვნას და რამდენადაც თავის გარშემო მტერს ველარჭვრეტდა, თავს უფლება მისცა ხანგრძლივი დროით დარჩენილიყო ეგვიპტეში.

რომში თავდაპირველად არ სჯეროდათ კეისრის გამარჯვებისა, მაგრამ როდესაც ეგვიპტიდან გაგზავნილი პომპეუსის თავი და ბეჭედი იხილეს, საოცარი რამ მოხდა: „სახელმწიფოს გავლენიანი პირები ერთმანეთს ეჯიბრებოდნენ მლიქვნელობაში. თავს არ იზოგავდნენ და ისე იქცეოდნენ, თითქოს კეისარი იქ იყო და ყველაფერს ხედავდა“ (დიო კასიუსი, რომაული ისტორია, 42, 19-21). რომაელ დიქტატორს განუხაზღვრელი უფლებები მიანიჭეს, ისეთი, რაც მანამდე სხვას არ ჰქონია: თანამდებობის პირთა დანიშვნა მისი სურვილისამებრ უნდა მომხდარიყო. და კეისარმაც გამოიყენა ეს უფლება. ტრადიციის და ყველა წესის დარღვევით ცხუნოსანთა ჯარის მთავარსარდალად (ეს უმაღლესი სამხედრო წოდება იყო) დანიშნა



მარკუს ანტონიუსი, რომლის სახელიც სამუდამოდ დაუკავშირდება ეგვიპტის დედოფლის სახელს. ეს იქნება კლეოპატრა VII, რომელსაც ბედად ეწერა ჯერ დიდი კეისრის საყვარელი ყოფილიყო.

მაშ ასე: კეისარი ალექსანდრიაშია, რომლის სამეფო კარი სამოქალაქო ომს იწყებდა. ეგვიპტეს მცირეწლოვანი პტოლემეოს XIII მეურვეები მართავდნენ. მათ მიერ გაძევებული კლეოპატრა კი დიდძალი ჯარით ეგვიპტისა და პალესტინის საზღვართან იდგა. იქვე მოეყარა თავი ეგვიპტის უზარმაზარ არმიას. კლეოპატრამ ბრძნული გადამწყვეტილება მიიღო: კეისარს დაუკავშირდა. მას ძალაუფლების ხელში ჩაგდებას ერთადერთ გზად კეისართან პირისპირ საუბარი ესახებოდა. როგორც კი დიდი რომაელისგან თანხმობა მიიღო, იგი მალულად შეიპარა სამეფო სასახლეში. აი, როგორ აგვიწერს ამ სურათს პლუტარქოსი: „კლეოპატრამ თან წაიყვანა მხოლოდ ერთი მეგობარი. ეს იყო აპოლოდოროს სიცილიელი. ისინი ჩასხდნენ პატარა ნავში და შულამისას მიუახლოვდნენ სამეფო სასახლეს. შეუმჩნეველი რომ ყოფილიყო, კლეოპატრა გაეხვია ბარდანაში. აპოლოდოროსმა გარს შემოაკრა ბარდანას თასმები, მოიგდო ზურგზე და კეისართან შეიტანა. ასე ამბობენ, კლეოპატრას ამ თამამმა და ოინბაზურმა საქციელმა თავიდანვე მოხიბლავ კეისარი, ხოლო მისი სილამაზითა და დიდებულებით მონუსხულმა იგი მეფესთან შეარიგა, რათა ერთად ემართათ სახელმწიფო“ (პლუტარქოსი, კეისარი, 49). იმ წუთიდან ეგვიპტის დედოფალი დიდი რომაელის საყვარლად იქცა. მაშინ კეისარი 52 წლის იყო, კლეოპატრა კი მხოლოდ ოცის. მალე მათ შეეძინებათ ვაჟი, რომელსაც კესარიონს დაარქმევენ. მანამდე კი დიქტატორს „ალექსანდრიულად“ წოდებული ომი უნდა მოეგო, რათა


რომაელთა და ლეგენდად ქვეული კლეოპატრას წინაშე მთელი თავისი ბრწყინვალეობით წარმდგარიყო.



კლეოპატრა

კეისარმა ომი მოიგო. ყველა ელოდა, რომ გამარჯვებული ეგვიპტეს რომის პროვინციად გამოაცხადებდა, მაგრამ ყველასდა გასაოცრად მან იგი „რომაელი ხალხის მოკავშირე და მეგობარ ქვეყნად“ აღიარა, ხოლო მის სათავეში ერთპიროვნულ მეფედ და მბრძანებლად დასვა კლეოპატრა. შემდეგ ისისის სამოსში გამოწყობილ დედოფალთან ერთად ნილოსის ზემო დინებას აჰყვა მდიდრულად მანათობელი ხომალდით და ღვთაებრივი სვლით ძველი ეგვიპტე, „მთელი მსოფლიოს საოცრება“, მოიხილა.

ამასობაში ფარნაკესმა, ბოსფოროსის მეფემ განიზრახა, ხელიდან არ გაეშვა შესაძლებლობა და ვიდრე რო-



მაელები დალაგდებოდნენ, გამოეგლიჯა მათგან პონტოს სამეფო (მცირე აზიის ჩრდილო ნაწილი). ფარნაკეი დარწმუნებული იყო, რომ რომაელებს ახლა საომრად არ ეცალათ. მაგრამ მწარედ მოტყუედა. როდესაც ლხინს, ზეიმსა და ბაკქანალიას თემიცემულ კეისარს ახალი ომის დაწყების ხმა მიანვიდინეს, დაუხანებლივ, ამჯერად მხოლოდ ერთი ლეგიონით გაემართა იგი ეგვიპტიდან აზიაში. გზად მეშველი ძალაც შემოიკრიბა და პონტოს სამეფოში ელვასავით შეჭრილმა მეფე ფარნაკეის არმია გაანადგურა. ახლა უკვე რომაელთა მორჩილი გახდა „მუდამ შიშის მომგვრელი პონტოც“. მოულოდნელი და სწრაფი გამარჯვებით აღფრთოვანებულმა კეისარმა რომს მისწერა: „Veni, vidi, vici“ („მივედი, ვნახე, გავიმარჯვე!“). იგი არ მიიჩნევდა საჭიროდ უფრო ვრცლად ესაუბრა ამ იოლად მოპოვებულ გამარჯვებაზე. მცირე აზიიდან კეისარმა რომისკენ ისწრაფა. გზადაგზა დიდძალ სიმდიდრეს იხვეჭდა. მას ფული სჭირდებოდა. კეისარი თვლიდა, რომ „ძალაუფლების მოპოვება, შენაჩუნება და გაფართოება მხოლოდ ორ რამეს ეფუძნება: ჯარსა და ფულს. ისინი კი განუყრელნი არიან: ჯარს სჭირდება ფული, ფულის მოხვეჭა კი მხოლოდ ჯარს შეუძლია. თუ შემოგაკლდა ერთი, ხელიდან გაგისხლტება მეორეც... უსაფუძვლოდ როდი ისწრაფოდა მთავარსარდალი რომისაკენ. მის შემოგარენში მდგარი მეომრები ამბოხებისთვის ემზადებოდნენ. მართალია, მათ მიიღეს ის, რასაც შეჰპირდნენ, მაგრამ ისინი უფრო მეტს ითხოვდნენ. თუ კეისარი მათ სურვილს არ დააკმაყოფილებდა, ჯარის დაშლით იმუქრებოდნენ. ასე იმიტომ კი არ იქცეოდნენ, რომ მართლაც სურდათ შინ დაბრუნება, არამედ იმიტომ, რომ სიხარბე დაუფლებოდათ. სინამდვილეში მათ მეზრძოლებად დარჩნა სურდათ. კარგად იცოდნენ, რომ კეისარი აფრიკაში სალაშქროდ ემზადებოდა და ამ საქციელით მის შეშინებას ლამობდნენ, რათა მიეღოთ ის, რაც სურდათ.

კეისარმა კი მხოლოდ ეს უთხრა ამბოხებულებს: „მართალი ხართ, მოქალაქენო. თქვენ გადაიღალეთ ომების სიმძიმითა და იარებით!“ შემდეგ დაუხანებლივ დაშალა ჯარი, ისე მოიქცა, თითქოს ეს ჯარი მას არაფერში სჭირდებოდა.

ამ სიტყვებმა ისე იმოქმედეს მეომრებზე, რომ უმალ გუნება ნაუხდათ, განსაკუთრებით კი იმიტომ, რომ კეისარმა მათ მეომრების ნაცვლად მოქალაქენი უწოდა. ისინი გონს მოეგნენ და ვედრებით გამოხატეს თავისი სურვილი, მუდამ კეისრის გვერდით მდგარიყვნენ ლაშქრობათა უამს“ (დიო კასიუსი, რომაული ისტორია, 42, 49-54).

დიქტატორმა შედარებით მშვიდი ჯარისკაცები სხვადასხვა სოფელში ჩაასახლა, მემამბოხენი კი აფრიკაში გაამგზავრა, რათა ისინი ყველაზე სახიფათო ბრძოლებში ჩაება და მათი სიცოცხლის ფასად მტერი დაემარცხებინა. „კეისარი ადამიანთაგან აღმატებულად კაცთმოყვარე იყო და მრავალი სიკეთეც ახსოვდათ მისგან



გარეშემომყოფთ, მაგრამ იგი ვერ იტანდა მეამბოხეებს და მათ განსაკუთრებული სიმკაცრით სჯიდა" (იქვე).

ძვ.წ. 47 წლის დასასრულსა და 46 წლის დასაწყისში კეისარმა დაამარცხა პომპეუსის მომხრეები აფრიკაში და რომში დაბრუნდა, სადაც სამი ტრიუმფი იზეიმა: ეგვიპტის, პონტოსი და აფრიკის. ეს უკანასკნელი სამოქალაქო ომში მიღწეული გამარჯვების ზეიმი იყო და იგი განსაკუთრებული პომპეზურობით აღნიშნა ტრიუმფატორმა.

მას შემდეგ, რაც კეისარი მეოთხეგზის აირჩიეს კონსულად, იგი თავისი მეომრებით გაემართა ესპანეთისკენ, სადაც პომპეუსის ვაჟი შეიღებს დიდძალი ჯარი შეკრიბათ. მძაფრი წინააღმდეგობისდა მიუხედავად კეისარმა მაინც გაიმარჯვა. ბრძოლის დასრულების შემდეგ მან თავის მეგრძოლებს განუცხადა, რომ პირველად იბრძოდა არა გამარჯვებისთვის, არამედ სიცოცხლისათვის.

ეს კეისარის ბოლო ომი იყო. ამ გამარჯვების ტრიუმფით, რომელიც ძვ.წ. 45 წელს შედგა, სულაც არ იყვნენ რომაელები აღფრთოვანებულნი, რადგანაც კეისარმა უცხო ქვეყნის მეფეები კი არ დაამარცხა, არამედ ძირფევიანად ამოძირკვა ყველაზე უფრო სახელოვანი რომაელის მოდგმა. სამოქალაქო ომებში გამარჯვებით არც კეისარი იწონებდა თავს. და მაინც, რომაელები ქედს იხრიდნენ ამ ადამიანის იღბლიანი ბედის წინაშე. იგი ერთპიროვნულ მმართველად აღიარეს, რადგან მაინცდათ, რომ ასე უფრო აიცილებდნენ თავიდან სამოქალაქო ომებით გამოწვეულ უბედურებებს.

„თავად კეისარს ღირსეულად ეჭირა თავი. მის წინააღმდეგ იარაღით მეგრძოლი მრავალი მოწინააღმდეგე შეიწყნარა. მათ შორის ბრუტუსი და კასიუსიც კი, რომელთაც პრეტორთა საპატიო თანამდებობები უბოძა. ბრძანება გასცა, რომ პომპეუსის კვარცხლბეკიდან ჩამოგდებული ყველა ქანდაკება თავის ადგილზე დაედგათ. ამის თაობაზე ციცერონი აღნიშნავდა, რომ პომპეუსის ქანდაკებების აღდგენით კეისარმა საკუთარი ქანდაკებები გაიმყარაო.

მეგობრები კეისარს ურჩევდნენ, რომ გაეზარდა მცველთა რაოდენობა. კეისარი კი არ თანხმდებოდა და აცხადებდა: „სჯობს ერთხელ მოკვდე, ვიდრე მუდამ ელოდო სიკვდილს!“ გრძნობდა რა გარეშემომყოფთა კეთილგანწყობას, იგი გულუხვად ასაჩუქრებდა ყველას, ვის ზეც ხელი მიუწვდებოდა: ხალხს ურიგებდა სანოვაგეს, მეომრებს – მიწებს, წარჩინებულებს – თანამდებობებს. იგი ცდილობდა ებატონა იმ ადამიანებზე, რომლებიც მას ხალხით ემორჩილებოდნენ.

კეისარის ენერგიული ბუნებისათვის მრავალრიცხოვანი წარმატებებით ტკბობა სულაც არ იყო ნიშანდობლივი. პირიქით, ამ წარმატებებით გამზნეებული და აგზნებული



ლი იგი თითქოს ვერ კმაყოფილდებოდა მიღწეულით და უფრო გრანდიოზული საქმეებისა და დიდებისკენ ისწრაფოდა. ეს იყო რაღაც შეეჯიბრი საკუთარ თავთან; ეს იყო სწრაფვა მომავალი დიადი საქმეებით გადაეფარა ის, რაც უკვე წარსულს ჩაბარდა. იგი პართიელებთან (მესოპოტამია) საომრად ემზადებოდა. მათი დამორჩილების შემდეგ კასპიის ზღვის სამხრეთ სანაპიროსა და კავკასიონის გავლით, პონტოს (შავი ზღვა) გარშემოვლით სკვითიაში (ჩრდილოეთ შავი ზღვისპირეთი) უნდა შეჭრილიყო, დაეპყრო გერმანია მისი მოსაზღვრე სახელმწიფოებით და დაბრუნებულიყო იტალიაში გალიის (ჩრდილოეთ საფრანგეთი) მხრიდან, რითაც რომაულ სამფლობელოთა წრეს ისე შეკრავდა, რომ იმპერია ყოველის მხრით ზღვის სივრცეებით იქნებოდა გარშემორტყმული" (პლუტარქოსი, კეისარი, LV-LVIII).

მაგრამ ამ გრანდიოზულ ჩანაფიქრს აღსრულება აღარ ეწერა. ახლოვდებოდა კეისარისათვის ავადსახსენებელი 44 წელი. იმხანად რომში ბრძანდებოდა ეგვიპტის დედოფალი კლეოპატრა, რომელმაც ყოველისშემძლე დიქტატორს შესძინა ძე, მისმა მესამე კანონიერმა მეუღლემ, კალპურნიამაც რომ ვერ აღირსა. იგი ეგვიპტეში დაიბადა ძვ.წ. 47 წლის 23 ივნისს და, ტრადიციისამებრ, პტოლემეაიოსი უწოდეს. ჰქონდა ამ ყმაწვილს მეორე სახელი – კეისარი. ალექსანდრიელები კი მას უბრალოდ კესარიონად (პატარა კეისრად) უხმოვდნენ.

ეგვიპტის სამეფო ოჯახი რომში ღირსეულად მიიღეს. დიქტატორმა მათ თავისი ვილა დაუთმო ტიბერისის სანაპიროზე გაშენებულ დიდებულ პარკში. აქ იღებდა ეგვიპტის დედოფალი თავის მფარველს და წარჩინებულ რომაელებს. აღშფოთებას ვერ ფარავდნენ ჭეშმარიტი რესპუბლიკელები. განსაკუთრებით ბობოქრობდა ციცურონი. კლეოპატრა ცდილობდა, რაც შეიძლება დიდხანს დარჩენილიყო რომში და ამიტომაც შეიქნა მონუმე მარტის იდეების სისხლიანი ტრაგედიისა. ისტორიოგრაფოსები ხშირად სვამენ კითხვას: იყო თუ არა დედოფლის რომში ყოფნა კეისარის წინააღმდეგ მიმართული შეთქმულების მიზეზი? მათი აზრით, ამის დაშვება შეიძლებოდა და აი, რატომ: ძველი თაობის რომაელებმა, ტრადიციის მესვეურებს რომ უწოდებდნენ, კეისარი განირეხ უპირველეს ყოვლისა იმიტომ, რომ იგი დაუსრულებლად ეწინააღმდეგებოდა ძველრომაულ ტრადიციებს. მისი აშკარა კავშირი ეგვიპტის დედოფალთან ამ ტრადიციის შელახვად აღიქმებოდა. რომაელები შიშობდნენ, რომ იმპერიის დედაქალაქი ტიბერისის სანაპიროდან ნილოსის სანაპიროზე არ გადაეტანა დიდ დიქტატორს. ამას დაერთო ისიც, რომ სენატმა კეისარს „იმპერატორის“ ტიტული უბოძა მისი მემკვიდრეებზე გადაცემის უფლებით. ამასთანავე მიანიჭა „სამშობლოს მამის“ („Pater Patriae“) წოდება და მეფედაც აღიარებდა, თავად კეისარს რომ ესურვა. მაგრამ შეშინდა ტრიუმფატორი, რადგან ახსოვდა, თუ როგორ სძულდათ რომაელებს ძველი მეფენი. თუმცა მისი შინაგანი სწრაფვა სამეფო ძალაუფლებისად




მი არ დაფარულა რომაელთაგან. ხმა დადიოდა, თითქოს კეისარს განზრახული ჰქონდა სამეფო ტახტზე აღზევება. დაინერა და იდუმალ გავრცელდა წერილები, არ დაეშვათ მისი გამეფება. იმ ლუკიუს ბრუტუსის ქანდაკებაზე კი, რომელმაც ოდესღაც რომიდან განდევნა უკანასკნელი მეფე, გაჩნდა წარწერა: „ნეტა გეცოცხლა!“ კეისარის წინააღმდეგ თანდათან მწიფდებოდა შეთქმულება, რომელსაც სათავეში ჩაუდგნენ გაიუს კასიუს ლონგინუსი და მარკუს იუნიუს ბრუტუსი, რომლებიც თავს ლუკიუს ბრუტუსის მემკვიდრეებად მიიჩნევდნენ. კეისარი კი მარკუს ბრუტუსს თავის ახლობლად თვლიდა და ყველაფერში ენდობოდა. ზოგიერთები იმასაც ამბობდნენ, და არც თუ ისე უსაფუძვლოდ, რომ ეს ბრუტუსი დიქტატორის უკანონო შვილიაო.

მკითხავმა კეისარს ურჩია მარტის იდებში (ანუ 15 მარტს) სიფრთხილე გამოეჩინა, რადგანაც მის სიცოცხლეს საფრთხე ემუქრებოდა. მაგრამ იმპერატორმა ყურად არ იღო ეს გაფრთხილება, თუმცა ავი წინათგრძნობა არ ასვენებდა. ამ საბედისწერო დღის წინაღამეს ესიზმრა, თითქოს ღრუბლებში დაფრინავდა და იუპიტერს ესალმებოდა. მის მეუღლეს კი ჰქონდა ხილვა: თითქოსდა მათი სახლის ჭერი თავს ემხოზოდა, ხოლო კეისარს აწრთობდნენ მის მკლავებში.

რალაც გაუგებარი მღელვარებით მოცულ დიქტატორს იმ დღეს არ სურდა სენატში წასვლა. მაგრამ შეთქმულთაგან ერთ-ერთის დაჟინებული რჩევით, მანაც წავიდა. სენატის შენობის წინ თავშეყრილ ბრბოს ვილაც გამოეყო და პაპირუსის გრაგნილი გადასცა, თან გააფრთხილა, დაუყოვნებლივ წაეკითხა, მაგრამ კეისარმა მისი წაკითხვა მოგვიანებით განიზრახა. როგორც ამბობენ, პაპირუსი მას შეთქმულთა ამბავს ამცნობდა. მან მშვიდად შეაბიჯა სენატში და იქვე მკითხავს რომ ჰკიდა თვალი, სციოლით ჰკითხა: „ხომ ხედავ, მარტის იდებზე მოსულა და მე ისევე ცოცხალი ვარ! ხომ არ ახდა შენი მისნობა!“ ხოლო მკითხავს პასუხად უთქვამს: „მოსულა, მაგრამ არ გასულა!“ (პლუტარქოსი, კეისარი, LXIII) – ეს გამოთქმა ანდაზად იქცა მოგვიანებით.

ამასობაში კეისარმა კურიაშიც (დარბაზში) შეაბიჯა. საღმის სათქმელად ყველა ფეხზე წამოეშალა. შეთქმულები გარს შემოერტყნენ, თითქოს სურდათ თავყვანი ეცათ, მაგრამ, მოულოდნელად, ტოგებში მიმაღული მახვილები იშიშვლეს და ძლევამოსილ დიქტატორს თავს დაესხნენ. ვინც არ იცოდა, რაც ხდებოდა, შიშით გაქვავდა. კეისარმა მიმოიხედა და მხოლოდ მკვლელობის ყინით აღწეწილი სახეები რომ დალანდა, დუმილით დაუნყო ლოდინი სიკვდილს, მხოლოდ მაშინ ამოიგმინა, როცა ბრუტუსი დაინახა მახვილმომარჯვებული. შეთქმულებს პირობა ჰქონდათ დადებული, ყველას დაეკრა მახვილი დიქტატორისთვის, რათა დანაშაულის თანაზიარნი ყოფილიყვნენ. ოცდასამი ნაიარევით აღმოხდა სული დიად რომაელს. „შენც, შვილო ჩემო?“ ეს იყო მისი უკანასკნელი სიტყვები მიმართული ბრუტუსისადმი. შემდეგ სახე ტოგით დაიფარა და სულთმობრძავი ჩაიკვცა პომპეუსის ქან-



დაკების კვარცხლბეკთან, რომელიც სისხლით დაიფარა. „და ისე ჩანდა, თითქოს-და თავად პომპეუსმა იძიო შური იმ მტერზე, რომელიც ახლა მის ფერხთა ქვეშ იყო განრთხმული“ (სვეტონიუსი, იულიუსი, 87).

ეს მოხდა ძვ.წ. 44 წლის 15 მარტს. ამ დღეს რომაელები მარტის იდეებს უწოდებდნენ. რესპუბლიკელთა შეთქმულებას პომპეუსის თანამოაზრე ის ბრუტუსი და ის კასიუსი მეთაურობდნენ, რომლებიც კეისარმა თავის დროზე შეინწყნარა და საკმაოდ მაღალი თანამდებობებიც უბოძა.

ბრუტუსმა სენატის წინაშე გამოსვლა დააპირა, მაგრამ შეძრწუნებული სენატორები თავქუდმოგლეჯილი გარბოდნენ. მათი შემყურე ხალხი შვოთავდა, ზოგი შინისკენ ისწრაფოდა, ზოგი სისხლისღვრის ადგილისკენ, ზოგიც უგზოუკვლოდ დაქროდა. რომი ღელავდა.

ერთხელ, როდესაც იულიუს კეისრისთვის უკითხავთ, თუ როგორ სიკვდილს ამჯობინებდა, დაუფიქრებლად მიუგია: „მოულოდნელს“.

იგი ხშირად აღნიშნავდა, რომ მისი სიცოცხლე ძვირფასია არა იმდენად მისთვის, რამდენადაც სახელმწიფოსთვის; რომ თავად უკვე მიაღწია ძალაუფლების და დიდების უმაღლეს მწვერვალს, სახელმწიფო კი, თუ მას რაიმე შეემთხვევა, სამოქალაქო ომებით დაითრგუნება.

და ასეც მოხდა.

კეისრის გარდაცვალებისთანავე ხალხს განუცხადეს მისი ანდერძი: იმპერატორი ყოველ რომაელ მოქალაქეს მნიშვნელოვან თანხას უტოვებდა. რა თქმა უნდა ამანაც იმოქმედა რომაელებზე, რომლებიც თავდაპირველად დუმდნენ. და ისე ჩანდა, თითქოს წუხდნენ კიდევ მომხდარის გამო, თან ბრუტუსსაც თანაუგრძობდნენ. მაგრამ როდესაც იხილეს, თუ როგორ გაჰქონდათ ფორუმიდან კეისრის იარებით დასახიჩრებული გვამი, მათ დაკარგეს სიმშვიდე, გარს შემოეხვივნენ მიცვალებულს, მოზიდეს სკამები, მაგიდები და ხით ნაკეთი სხვა ნივთები, ცეცხლი წაუკიდეს და კოცონს მისცეს მისი სხეული. შემდეგ ყველაფერი აირია. ერთნი მუგუზალებითა და ჩირაღდნებით ხელში გარბოდნენ კეისრის მკვლელთა სახლების გადასაბუგად, სხვანი – ქალაქის ქუჩებში დაეძებდნენ შეთქმულებს, რათა ადგილზევე გაეგლიჯათ, მაგრამ ვერავინ იპოვნეს, რადგანაც ყველა საიმედოდ მიმაღულიყო.


კეისარმა 55 წელი იცოცხლა. ორმოცდაათის იყო უკვე, რუბიკონი რომ გადალახა. მან ვერ მოასწრო დამტკბარიყო ძალმოსილებით, რომლისკენაც მთელი თავისი არსებით მიისწრაფოდა და რომელიც ესოდენ მძიმე ბრძოლებით დაიმსახურა. მაგრამ ვერც შეთქმულებმა მიაღწიეს მიზანს. სენატმა ველარ აღიდგინა ოდინდელი უფლებები, ამ საზარელი მკვლელობის მონაწილეთაგან მალე ყველა გამო-



ესალმა სიცოცხლეს. კეისრის დიქტატურით დამთავრდა რომაული რესპუბლიკის ხუთასწლოვანი ისტორია.

მთელი თავისი მოღვაწეობით დაამტკიცა კეისარმა, რომ მის ხასიათში პატივ-მოყვარეობასთან ერთად რისკის გრძობაც დომინირებდა. ბიოგრაფოსები აღიარებდნენ, რომ „არავის აოცებდა მისი ლტოლვა ფაურაკებისადმი. მაგრამ ყველას აოგნებდა ის, თუ როგორ იტანდა იმ განსაცდელს, რაც მის ფიზიკურ ძალებს აღემატებოდა, რადგანაც იგი იყო სუსტი აგებულებისა, ჰქონდა მკრთალი და ნაზი კანი, იტანჯებოდა თავის ტკივილებითა და ეპილეფსიით, რომლის პირველი შეტევაც მან ესპანეთში იწვნია“ (პლუტარქოსი, კეისარი, XVII). კეისარი ცდილობდა დაემარცხებინა ეს სისუსტე არა ნებიერი ცხოვრებით, არამედ საკუთარ თავთან გამუდმებული ბრძოლით. „ცხენს და იარაღს ბრწყინვალედ ფლობდა; წარმოუდგენელი იყო მისი გამძლეობა. ლაშქრობათა ჟამს ჯარისკაცებს წინ მიუძღოდა, ჩვეულებრივ, ფეხით, იშვიათად კი ცხენზე ამხედრებული, თავშიშველი წვიმაშიც, ხვატშიც. ურთულეს გადასასვლელებზე გასაოცარი სისწრაფით მიინევედა წინ, მდინარეებზე ხან ცურვით გადადიოდა, ხანაც ჰაერით ამოხსებული გუდებით. და ძნელი სათქმელია, მის საბრძოლო მოქმედებებში სიფრთხილე უფრო მეტი იყო თუ სითამამე... კეისარი არც ჭამით ინებივრებდა თავს. ღვინოს ძალიან ცოტას სვამდა. ამას აღიარებდნენ მისი მტრებიც, რომელთაგან ერთერთს უთქვამს კიდევ: „კეისარი იყო ერთადერთი, რომელიც ფეხზელი შეუდგაო რესპუბლიკის დამხობას“ (სვეტონიუსი, იულიუსი, 53-62) და დაამხო კიდევ.

მრავალი წლის შემდეგ, როდესაც ჩაცხრა სამოქალაქო ომის მძვინვარება, კეისრის მემკვიდრემ, რომაული იმპერიის შემოქმედმა, გამარჯვებულმა ოქტავიანუს ავგუსტუსმა ფორუმის ცენტრში, სწორედ იქ, სადაც დაიფერფლა იმპერატორი, ღვთაებრივი იულიუსის სახელობის მარმარილოს ტაძარი აღმართა. და ვიდრე რომის იმპერია არსებობდა, ყველა იმპერატორი კეისრის სახელს ატარებდა, ვითარცა ტიტულს. მართალია, იულიუს კეისარი დიდხანს არ ყოფილა რომის მბრძანებელი, მაგრამ მან მაინც შეძლო ფართო მშენებლობების წამოწყება, რათა „მთლიან დედაქალაქი“ უფრო ბრწყინვალე გაეხადა. რომის მთავარი მოედნის, ძველი ფორუმის გვერდით მან საფუძველი ჩაუყარა ახალი მოედნის – იულიუს კეისრის ფორუმის მშენებლობას, რომლის ცენტრშიც მისი ღვთაებრივი წინაპრის, ვენუსის სახელობის ტაძარი უნდა აღმართულიყო. ძველ ფორუმზე კეისრის ბრძანებით შენდებოდა ორი ნაგებობა: ბასილიკა (სავაჭრო ადგილი) და კურია (სენატის სხდომათა დარბაზი), რომლებიც შემდგომ მის სახელს ატარებდნენ. იულიუსის კურია ერთადერთი სამოქალაქო ნაგებობაა, რომელმაც იმპერატორთა ხანიდან შედარებით სრულყოფილად მოაღწია ჩვენამდე.



კეისრის მიერ წამოწყებულ საქმეთა შორის საქვეყნო აღიარება ხვდა წილად კალენდარს, რომლის დახვეწის მიზნითაც იმპერატორმა, ვითარცა რომის უზენაესმა პონტიფექსმა, ეგვიპტიდან მოიწვია ასტრონომები. ეს კალენდარი მსოფლიოში არსებულ კალენდართა შორის უზუსტესი აღმოჩნდა. იმ თვეს, კეისრის დაბადების დღეს რომ დაემთხვა, მისი სახელის მიხედვით ივლისი უწოდეს, მთელ კალენდარს კი, იულიანური. ასე რომ, უბრწყინვალესი ორატორი და მწერალი, უნიჭიერესი მთავარსარდალი იულიუს კეისარი ისტორიაში შევიდა როგორც დიდი რეფორმატორიც.





შენიშვნები:

¹ ეს სიტყვები ეკუთვნის ცნობილ ბერძენ ტრაგიკოსს ვერიპიდეს („ფინიკიელი ქალები“).

² ამ თარიღს ანტიკური წყაროები გვაძწობენ. გასული საუკუნის მეცნიერებმა კეისრის დაბადების თარიღად ძვ.წ. 102 ან 101 წელი მიიჩნიეს.



ავგუსტუსი

რომის პირველი იმპერატორი

(ძვ.წ. 63 წ.-ახ.წ. 14 წ.)

რომს განაგებდა ძვ.წ. 27 წლიდან

სიცოცხლის ბოლომდე



როგორ გგონიათ, კარგად გავითამაშე ცხოვრების კომედია? – ეს იყო ბოლო კითხვა, რომლითაც რომის დიდმა იმპერატორმა თავის მეგობრებს მიმართა, თუმცა პასუხი თავადაც კარგად მოეხსენებოდა. მაშინ იგი 76 წლის იყო და სიცოცხლის ხანგრძლივი, რთული და წინააღმდეგობებით აღსავსე გზა უკვე განვლილი ჰქონდა.

მას ისტორიოგრაფოსები რომის წარჩინებულთა მოდგმის ჩამოშლად მიიჩნევდნენ, თუმცა ეს მოდგმა ვერ იწონებდა თავს სახელოვანი წინაპრებით. მამის, გაიუს ოქტავიუსს, მუდამ ეკავა მაღალი თანამდებობა, თავდაპირველად პრეტორისა, ხოლო შემდგომ რომის ერთ-ერთი პროვინციის, მაკედონიის მმართველისა. იგი, გამბედაობითა და სამართლიანობით გამორჩეული, თანამედროვეთა შორის დიდი პატივით სარგებლობდა. როდესაც გაიუს ოქტავიუსი გარდაიცვალა, რომის მომავალი იმპერატორი ოთხი წლის იყო. მოგვიანებით იგი იშვილა იულიუს კეისარმა. ჩვეულებისამებრ, მიიღო რა მამობილის სახელი, მას ეწოდა გაიუს იულიუს კეისარ ოქტავიანუსი. როდესაც მან ხელში ჩაიგდო ძალაუფლება, სენატმა შესთავაზა, მიეღო რომის ერთ-ერთი დამაარსებლის, რომულუსის სახელი. კეისარმა უარი თქვა ამ პატივზე. მაშინ სენატმა მას „ავგუსტუსი“ უწოდა, რომელიც იქცა მის მთავარ სახელად (მას შემდეგ ამ ტიტულს ატარებდა რომის



ყველა იმპერატორი). მაგრამ ეს მოხდება მოგვიანებით. მომავალ იმპერატორს ჯერ ოქტავიუსი ერქვა.

იგი კარგად აღზარდეს. მისი დედა, ატია, მუდამ ზრუნავდა, რომ შვილს სათანადო განათლება მიეღო და კეთილი ზნე შეეთვისებინა, მაშინაც კი, როდესაც ყმანვილი სრულწლოვანი გახდა და რომაელი მოქალაქის ნაციონალური სამოსი, ტოგა მოისხა.

ოქტავიუსის სამხედრო კარიერა ფრიად წარმატებული აღმოჩნდა, რასაც ისტორიოგრაფოსები იუულიუს კეისრის მფარველობით ხსნიან. რა თქმა უნდა, თავად ოქტავიუსიც მთელი არსებით ცდილობდა კეისრის ყურადღების დამსახურებას. იგი თან ახლდა მას ესპანეთში პომპეუსის ვაჟთა წინააღმდეგ ბრძოლების უამს და თავიც გამოიჩინა, როგორ ღირსეულმა მეომარმა.

როდესაც კერაგულად მოკლეს იულიუს კეისარი, ოქტავიუსი საბერძნეთში იმყოფებოდა. სწორედ იქ შეიტყო, რომ კეისარმა მას თავისი მემკვიდრეობა დაუტოვა. 19 წლის ოქტავიუსმა ისწრაფა რომისკენ, რომელსაც ერთპიროვნულად მართავდა მარკუს ანტონიუსი, კეისრის თანამოსაგრე. სწორედ მას მიაბარეს კეისრის მემკვიდრეობა, საიდანაც ანდერძის თანახმად, ოქტავიუსს რომის ყოველი მოქალაქისათვის 300 სესტერციუსი უნდა გადაეხადა. ანტონიუსი არ ჩქარობდა კეისრის სიმდიდრის გაცემას. ეს მისი შეცდომა იყო. ამ უჩვეულო ბედის ადამიანმა, „თავისი ეპოქის კელაპტარმა და გრიგალმა“, როგორც მას ძველი რომის ერთ-ერთმა ისტორიოგრაფოსმა („Epitome de gestis Romanorum“, IV, 3, 1-2) უწოდა, მრავალი შეცდომა დაუშვა, რასაც ემსხვერპლა კიდევ. ეს ის ანტონიუსია, რომლის სახელიც სამუდამოდ დაუკავშირდება ეგვიპტის დედოფლის, კლეოპატრას სახელს.

რომში ჩასული ოქტავიუსი კეისრის მემკვიდრედ აღიარეს და რომაული წესის თანახმად, სწორედ მაშინ უწოდეს გაიუს იულიუს კეისარ ოქტავიანუსი. სუფიქსი „ან“ იმის მიმანიშნებელი იყო, რომ პიროვნება, გვარის შეცვლისდა მიუხედავად, კვლავაც თავისი მოდგმის რჩებოდა. დიდი იულიუს კეისრის ღვთაებრივ წარმომავლობასთან შედარებით ოქტავიუსთა მოდგმა ერთობ მოკრძალებული იყო. ამიტომ პატივმოყვარე ჭაბუკი სრული სახელით კი არ მოიხსენიებდა თავს, არამედ უბრალოდ: იმპერატორი კეისარი, ხოლო ძვ.წ. 27 წლიდან კი – იმპერატორი კეი-





სარ ავგუსტუსი. ტიტული – იმპერატორი მან თავის საკუთარ სახელად აქცია. მაგრამ რადგანაც მომდევნო ხანის ყველა იმპერატორი კეისარიც იყო და ავგუსტუსიც, ისტორიოგრაფოსები იძულებულნი იყვნენ ისინი თავიანთი სახელებით მოეხსენებინათ. ასე რომ დიდი იულიუს კეისრის მემკვიდრე ისტორიაში შევიდა, როგორც ოქტავიანუს ავგუსტუსი, თუმცა მას ასე არ უნდოდა.

ოქტავიანუსმა თხოვნით მიმართა ანტონიუსს კეისრის მიერ დატოვებული მემკვიდრეობის გაცემის თაობაზე. თანაც მხოლოდ იმ ნაწილს ითხოვდა, რომელიც ხალხისთვის უნდა დაერიგებინა, მაგრამ უარი მიიღო. ანტონიუსი ირწმუნებოდა, რომ გარდაცვლილი კეისრის ფინანსური საქმეები ერთობ დახლართული იყო და რომ მან, დაეპატრონა რა სახელმწიფო ხაზინას, ცარიელი დატოვა იგი. მაშინ ოქტავიანუსმა მის ხელთ არსებული მემკვიდრეობის ნაწილი და საკუთარი ქონება გაყიდა, ხოლო ფული ხალხს დაურიგა, რითაც მათი კეთილგანწყობა დაიმსახურა. ისტორიოგრაფოსთა აღიარებით, „გარეგნულად ერთობ მოძიბილავი ახალგაზრდა ოქტავიანუსი ძალაუფლებისადმი რკინისებური ლტოლვითა და გველისებური ეშმაკობით გამოირჩეოდა. ამ გულქვა და უმოწყალო ადამიანს შეეძლო ერთი შეხედვით თავზიან და მოკრძალებულ კაცად წარმოეჩინა თავი. მან მოახერხა იმხანად სენატში დიდი უფლებებისა და გავლენის მქონე ციცერონის მიმხრობა და მისი ანტონიუსთან დაპირისპირება, რასაც შედეგად მოჰყვა ის, რომ ციცერონმა ანტონიუსი რომიდან გააძევა“ (პლუტარქოსი, ციცერონი, XLVI).




ციცერონი

ოქტავიანუსმა სენატის მხარდაჭერით დაიწყო ომი ანტონიუსის წინააღმდეგ. მათ შორის გადამწყვეტი ბრძოლა მოხდა ქალაქ მუტინასთან, სადაც გაიმარჯვა ოქტავიანუსმა. სენატმა მას, 20 წლის ყმანვილს, ციცერონის დაჟინებული თხოვნით, კონსულის თანამდებობა უბოძა.

დამარცხებულმა ანტონიუსმა ერთ-ერთ მხედართმთავართან, მარკუს ლეპიდუსთან, გამართა მოლაპარაკება. მათ, შეუერთდნენ იულიუს კეისრის თანამოსაგრე სხვა მხედართმთავრებიც. მაშინ ოქტავიანუსმა გონივრული ნაბიჯი გადადგა: დაუპირისპირდა სენატს და დაუკავშირდა ანტონიუსს.

ძვ.წ. 43 წლის შემოდგომაზე ჩრდილოეთ იტალიაში ერთმანეთს შეხვდნენ ოქტავიანუსი, ანტონიუსი და ლეპიდუსი, რასაც მოჰყვა სამშვიდობო ზავის დადება ე.წ. მეორე ტრიუმვირატი. მისმა მონაწილეებმა ერთმანეთს შორის დაინაწილეს რომის პროვინციები და ხუთი წლით მიიკუთვნეს რომში უმაღლესი ძალაუფლება. სენატი დაჰყვა ტრიუმვირთა ნებას.



რომში პროსკრიპციების შემზარავი ხანა დაიწყო. ადგენდნენ ნუსხებს იმ მოქალაქეებისას, რომელთაც ლალატში სდებდნენ ბრალს. ისინი კანონგარეშე ცხადდებოდნენ და საჯაროდ ისჯებოდნენ. ტრიუმვირებს ძალაუფლების გასამყარებლად სჭირდებოდათ ფული, რომელსაც იღებდნენ სიკვდილმისჯლითა ქონების კონფისკაციით. ასე რომ, დაიწყო უმოწყალო ნადირობა ადამიანებზე. რომი პანიკამ მოიცვა. ყველგან შიში და გაუტანლობა მეფობდა. ზოგს საკუთარი მეუღლისა ეშინოდა, ზოგსაც შვილების, მეგობრების თუ მეზობლების. „სულ ზედაპირზე ამოტივტივდა ის სიბინძურე, რაც ფსკერზე იყო დალექილი. წალმა-უკულმა დატრიალდა ყველაფერი: სენატორები მუხლებზე დამსობილნი ევედრებოდნენ თავი ანთ მონებს, ყოფილიყვნენ შემწყნარებელნი, ცრემლებს ღვრიდნენ და ბატონებად მოიხსენებდნენ. ყველაზე ამაზრზენი კი ის იყო, რომ ეს სიმდაბლე სულ არ იწვევდა თანაგრძნობას. ქალაქში ბოროტებამ დაისადგურა, უფრო შემზარავმა, ვიდრე ეს ხდებოდა ომებისა თუ ამბოხებების უამს. ბრბო სიკვდილმისჯილთა სახლებს ძარცვავდა და ისეთი მძაფრი იყო ამ ნადირლებში სხვისი ნაამაგარის მითვისების სურვილი, რომ მათი გონება ვერ აღიქვამდა განსაცდელი დროის სიავეს. შედარებით ზომიერი და კეთილგონიერი ადამიანები გაოგნებულნი იყვნენ ამ საშინელებით“ (აპიანუსი, სამოქალაქო ომები, IV, 13-14).

თავდაპირველად ოქტავიანუსი პროსკრიპციასა წინააღმდეგი იყო, მაგრამ ბოლოს ყველას აჯობა სისასტიკით და შეუბრალებლობით. ანტონიუსმა მიაღწია იმას, რომ საჯაროდ დაესაჯათ თავად „დიადი ციცერონი“. მას მოკვეთეს თავი და იქ გამოფინეს რომის ფორუმზე, სადაც წარმოთქვამდა ანტონიუსის განმაქიქებელ სიტყვებს.

დიდი ხნის შემდეგ, როდესაც ხანში შესული და უკვე ავგუსტუსად შერაცხული ოქტავიანუსი თავის შვილიშვილს ეწვევა, მის ხელში ციცერონის თხზულებას შენიშნავს, რომელსაც დამფრთხალი ყმანვილი სასწრაფოდ დამალავს თავისი ტოგის ქვეშ. ავგუსტუსი გრანგილს გამოართმევს, გახსნის და ზეზეულად გადაიკითხავს მის დიდ ნაწილს, ფრთხილად დაახვევს და წყნარად იტყვის: „უაღრესად განათლებული იყო ეს კაცი, რაც მართალია, მართალია და უყვარდა თავისი სამშობლო“ (პლუტარქოსი, ციცერონი, XLIX).

სამართლიანობა მოითხოვს აღინიშნოს, რომ ოქტავიანუსი მთელი ძალით ეწინააღმდეგებოდა ციცერონის სიკვდილით დასჯას. მაგრამ ანტონიუსის მძვინვარება მასზე ძლიერი აღმოჩნდა. ტრიუმვირთა საიდუმლო თათბირი, ამ საკითხთან დაკავშირებით, სამი დღე გაგრძელდა. გადმოგვცემენ, რომ პირველი ორი დღე ოქტავიანუსი თავგამოდებით იცავდაო თავის კეთილისმყოფელს. მხოლოდ მესამე დღეს დანებდა. ტრიუმვირები ასე შეთანხმდნენ: ოქტავიანუსს უნდა გაენიროს ცი-



ცერონი, ანტონიუსს – თავისი ბიძა დედის მხრიდან, ხოლო ლეპიდუსს – ძმა. „ასე რომ, რისხვითა და უმოწყალო ბოროტებით შეპყრობილებმა დაივიწყეს ყოველივე ადამიანური, უფრო ზუსტად კი, დაამტკიცეს, რომ არ არსებობს ადამიანზე უფრო მეტად მძინვარე მხეცი, თუკი იგი ძალაუფლებისაკენ მიისწრაფვის“ (პლუტარქოსი, ციცერონი, XLVI).


ოქტავიანუსმა და ანტონიუსმა გაილაშქრეს იულიუს კეისრის მკვლელების, ბრუტუსისა და კასიუსის წინააღმდეგ. მძიმე ბრძოლების შემდეგ მათ დაამარცხეს მონინააღმდეგეთა ჯარები. კასიუსი ბრძოლის ველზე დაეცა, ხოლო ბრუტუსმა სიცოცხლე თვითმკვლელობით დაასრულა.

ეს მოხდა ძვ.წ. 42 წელს. ამის შემდეგ ტრიუმვირებმა ხელახლა დაინანილეს სამფლობელოები. ოქტავიანუსს ერგო იმპერიის დასავლეთი ნაწილი (რომი), ანტონიუსს – აღმოსავლეთის პროვინციები, ლეპიდუსს – აფრიკა.

რომში შიმშილი მძინვარებდა. ზღვით შემოსავალი შეწყდა, რადგანაც იქ დიადი გენიუსს პომპეუსის ვაჟი, სექსტუსს პომპეუსი მბრძანებლობდა. რომში გამეფებული ალვირასხნილობის გამო მისი გავლენა იზრდებოდა. საზღვაო ნადავლმა სექსტუსს პომპეუსი უმდიდრეს კაცად აქცია. მას ჰქონდა დიდი ფლოტი და ჰყავდა კარგად განვრთნილი და ბრწყინვალედ შეიარაღებული ჯარი. მიუხედავად ამისა, ოქტავიანუსთან ბრძოლა მაინც წააგო.

ძვ.წ. 41-40 წლებში ოქტავიანუსმა წამოიწყო ბრძოლა მარკუს ანტონიუსის ძმის, კონსულ ლუკიუს ანტონიუსის წინააღმდეგ, რომელიც კვლავ მისი გამარჯვებით დასრულდა. ბიოგრაფოსები აღნიშნავენ, რომ „მან, მართალია, მემკვიდრეობით მიიღო კეისრის სახელი, მაგრამ ამ სახელისთვის შეურაცხმყოფელი სისასტიკე გამოამჟღავნა. ყველას, ვინც კი ეახლებოდა მას შეწყალების თხოვნით ანდა თავის მართლების სურვილით, იგი უმალ აწყვეტინებდა სათქმელს სამი სიტყვით: შენ უნდა მოკვდე!“ იმასაც წერენ, თითქოს ოქტავიანუსმა მარტის იღებში ლეთაებრივი იულიუს კეისრის საკურთხეველთან სამასი კაცი დააკვლევინა, ვითარცა სამსხვერპლო ჯოგი“ (სვეტონიუსი, ავგუსტუსი, 15). სხვასაც ბევრს წერდნენ ისტორიოგრაფოსები მის უმოწყალო ხასიათზე.

აშკარა იყო, ოქტავიანუსი ერთპიროვნული მმართველობისაკენ მიისწრაფოდა. მან შედარებით იოლად მოახერხა ლეპიდუსის ჩამოცილება, სამაგიეროდ დიდხანს გაგრძელდა ომი ანტონიუსის წინააღმდეგ. ოქტავიანუსს კარგად ესმოდა, რომ თავისი ძალებით ჯერ ვერ შეძლებდა ანტონიუსთან შებმას. ამიტომ მეტოქეს შერიგება შესთავაზა. ანტონიუსი დათანხმდა. ძვ.წ. 40 წელს ისინი ერთმანეთს შეხვდნენ იტალიის სამხრეთით მდებარე ნავსადგომ ბრუნდისიუმში. ამ შერიგების სიმტკიცის სანინდრად ოქტავიანუსის და, ოქტავია უმცროსი, ცოლად შეირთო



ანტონიუსმა, რომელიც, მართალია, უკვე ცხოვრობდა ეგვიპტის დედოფალ კლეოპატრასთან, მაგრამ მასზე ჯერ არ იყო დაქორწინებული. მისი პირველი ცოლი, ფულვია, ამ დროს აღარ იყო ცოცხალი. რა თქმა უნდა, ეს შერიგება დიდხანს ვერ გაგრძელდებოდა. ოქტავიანუსი არ ჩქარობდა, ხელსაყრელ დროს ელოდებოდა და ეს დროც დადგა.

ძვ.წ. 32 წელს ოქტავიანუსმა დაიწყო მზადება ეგვიპტეში გასალაშქრებლად. ამის საბაბად გამოცხადდა ანტონიუსის კავშირი ეგვიპტის დედოფალთან: ანტონიუსმა უგულვებელყო რა რომის ყველა კანონი, იქორწინა კლეოპატრაზე, მიუხედავად იმისა, რომ ჰყავდა კანონიერი მეუღლე, ოქტავია. ამასთანავე მან თავის შვილებად სცნო კლეოპატრას მიერ ნაშობი ქალ-ვაჟი და უბოძა მათ აღმოსავლეთის უმდიდრესი სამფლობელოები; აღიარა ისინი თავის მემკვიდრეებად და განაცხადა თავისი სურვილი – გარდაცვალების შემდეგ დაკრძალულიყო ეგვიპტეში. ყოველივე ამან რომში დიდი აღშფოთება გამოიწვია.

ოქტავიანუსმა ომი გამოუცხადა არა ანტონიუსს, არამედ კლეოპატრას, რადგანაც მიაჩნდა, რომ დიდი რომაელი ეგვიპტის დედოფლის გავლენის ქვეშ მოექცა. და ასეც იყო.

ძვ.წ. 31 წელს საბერძნეთის დასავლეთით მდებარე აკტიუმის კონცხთან შედგა გადამწყვეტი საზღვაო ბრძოლა, სადაც ბრწყინვალე გამარჯვება მოიპოვა ოქტავიანუსმა.

ანტონიუსი და კლეოპატრა ეგვიპტეში დაბრუნდნენ.

ანტონიუსმა ალექსანდრიასა და წითელ ზღვაზე ხომალდების გასვლის ბრძანება გასცა. კლეოპატრა ხსნის გზას ეძებდა. იგი აგროვებდა განძს, რომელიც თან უნდა წაეღო, თუ იძულებული გახდებოდა დაეტოვებინა ეგვიპტე. მას განზრახული ჰქონდა, ინდოეთისკენ აეღო გეზი.

ამასობაში ოქტავიანუსი ეგვიპტეს მიუახლოვდა. მან ჯარი ორად გაყო: ნაწილი კირენეს (ეგვიპტიდან დასავლეთით) სანაპიროზე გადასხა, დანარჩენით კი, სირიის გავლით დაიძრა. ანტონიუსის ოთხი კირენული ლეგიონი ოქტავიანუსს ჩაბარდა. მას სირიის მმართველმაც უღალატა. მისი ბრძანებით არაბებმა დანვეს წითელ ზღვაში შენაგებული ხომალდები, რომლებითაც კლეოპატრა ინდოეთს უნდა გამგზავრებულიყო.

ანტონიუსმა და კლეოპატრამ ოქტავიანუსს დაზავება შესთავაზეს. რომის იმპერატორმა კლეოპატრას შეუთვალა: ეგვიპტეს დაუტოვებდა სამართავად, თუ ანტონიუსს განირაგდა. მაშინ კლეოპატრამ ღალატის ფასად ეგვიპტის ხსნა განიზრახა. მან, ანტონიუსისაგან ფარულად, არმიასა და ფლოტს იარაღის დაყრა უბრძანა და თავისი ხომალდი ნაპირისაკენ მიაბრუნა. მას დაედევნა ანტონიუსიც.



დედოფალი მთელი თავისი საგანძურით აკლდამაში ჩაიკეტა. სასონარკვეთილმა ანტონიუსმა თავი მოიკლა.

გულთ სურდა ოქტავიანუსს, რომ ეგვიპტის დედოფალი თან წაეყვანა რომში თავისი ტრიუმფალური სვლის სამშენისად. კლეოპატრამ კი, ოდეს დარწმუნდა, რომ ეგვიპტის მბრძანებლობა აღარ ეწერა, ოქროს ბორკილებში ყოფნას სიკვდილი არჩია.

ოქტავიუსმა დიდი პატივით დაკრძალა ერთ სამაროვანში ეგვიპტის უკანასკნელი დედოფალი და ანტონიუსი. მისი ბრძანებით დასაჯეს კლეოპატრას ძე კეისრისაგან (კესარიონი) და ანტონიუსის უფროსი ვაჟი ფულვიასაგან. კლეოპატრას დანარჩენი შვილები აღზარდა ავგუსტუსის დამ, ოქტავიამ.

რომაელებმა ოქტავიანუსს დიდებული შეხვედრა მოუწვევეს. სამი დღე გრძელდებოდა მისი ტრიუმფი. სენატმა ტრიუმფატორს იმპერატორის გვირგვინი უბოძა. იმპერატორად იწოდებოდა მას შემდეგ რომის ყველა მბრძანებელი.

ოქტავიანუსმა გაიმარჯვა. სამოქალაქო ომების ხანა დასრულდა. კარგად ხვდებოდა იმპერატორი, რომ მშვიდობიანი რომის მართვა იოლი საქმე არ იყო. მან დაიწყო იმაზე ფიქრი, თუ როგორ გადაეცა უფლებები სენატისა და ხალხისათვის. იმ დროის სახელოვანმა მოღვაწემ, გაიუს კილნიუს მეკენასმა (მეცენატმა, ასე წარმოითქმოდა მისი სახელი შუა საუკუნეებში), რომელსაც დიდად აფასებდა ოქტავიანუსი, მას ურჩია: „თუკი შენ ზრუნავ სამშობლოსათვის, რომლის გამოც ამდენი ომი გადაიტანე და რომლისთვისაც ალბათ სულსაც არ დაიშურებ, მაშინ შეცვალე იგი და გონივრულად მოაწესრიგე. თქვა და აკეთო ყველაფერი, რასაც ისურვებ, საყოველთაო კეთილდღეობის წყაროა, თუკი ხალხი გონიერია, მაგრამ ამას უბედურება მოჰყვება, როდესაც ხალხი უგუნურია. ამიტომ ის, ვინც უგუნურ ხალხს ანიჭებს თავისუფლებას, ალესილ მახვილს აძლევს ბავშვს ან შერეკილს; ხოლო ის, ვინც კეთილგონიერ მოქალაქეებს მიანიჭებს თავისუფლებას, იხსნის ყველას... ამიტომ აუცილებლად მიმაჩნია კარგად გაიაზრო შექმნილი მდგომარეობა და თავად მართო სახელმწიფო ღირსეულ ადამიანებთან ერთად... რამეთუ მდაბიო ხალხის ყბადაღებული თავისუფლება ღირსეული ადამიანებისათვის მონობაზე უმწარესია, იგი ერთნაირად დამლუპველია ყველასათვის. ხოლო თავისუფლება, რომელიც კეთილგონიერებს ემყარება და რომელიც ყველას ღირსებისამებრ მიეგება სამართლიანად, ბედნიერების მომტანია“ (დიო კასიუსი, ისტორია, 52, 41).

ყურად ილო ოქტავიანუსმა მეგობრის რჩევა. მან ისეთ სახელმწიფოს ჩაუყარა საფუძველი, რომელიც ფაქტიურად მონარქია იყო, თუმცა მას რესპუბლიკის ნიშნებიც ჰქონდა. ოქტავიანუსმა თავი პრინცეპსად გამოაცხადა, რაც ნიშნავდა პირველ, საპატიო სენატორს. პრინცეპსს ენიჭებოდა ერთადერთი და ფასდაუდებელი



უფლება – პირველს გამოეთქვა თავისი აზრი სენატში. მოგვიანებით ავგუსტუსის მიერ შექმნილ ხელისუფლებას პრინციპატი ეწოდა.

ძვ.წ. 27 წლის იანვრის შუა რიცხვებში სენატმა ოქტავიანუსს მიანიჭა საპატრიო სახელი – ავგუსტუსი („ღმერთებისგან განდიდებული“, ან „ვინც განდიდა სახელმწიფო“, ან „სიკეთის შემოქმედი“). მას შემდეგ რომაელთა მბრძანებელს ეწოდა იმპერატორი კეისარ ავგუსტუსი. რომში მთელი ძალაუფლება ამ ერთი ადამიანის ხელში მოექცა. იგი ფლობდა ყველა უმაღლეს სახელმწიფო თანამდებობას: ცხოვრების ბოლომდე იყო კონსულიც, უზენაესი ქურუმიც (პონტიფიქსი) და სახალხო ტრიბუნიც. ის განაგებდა უმნიშვნელოვანეს რომაულ პროვინციებსაც (გალიას, ილირიას, მაკედონიას, სირიას), მის ხელთ აღმოჩნდა რომის არმიაც. მონარქიული უფლებების მქონე ავგუსტუსი მუდამ ცდილობდა ისე გამოჩენილიყო, თითქოსდა იგი პირველი იყო თანასწორთა შორის. იმპერატორი არასოდეს აძლევდა თავს იმის უფლებას, დამტკბარიყო ძალმოსილებით, თუმცა მთელი რომაული საზღვარო მის ფერხთა ქვეშ იყო განთხზველი. ხალხი აღმერთებდა თავის მბრძანებელს, რადგანაც, ბოლოს და ბოლოს სახელმწიფოში მშვიდობამ დაისადგურა. თავად ავგუსტუსიც ამისკენ მიისწრაფოდა: უმიზეზოდ არავის უცხადებდა ომს და არ ილტვოდა ახალი ტერიტორიების დაპყრობისაკენ. იგი თვლიდა, რომ იმპერიამ ახალი სამფლობელოები კი აღარ უნდა შემოეერთოს, არამედ უნდა დაიცვას ის, რაც გააჩნია. ავგუსტუსის მმართველობის ხანაში სამგზის დაიხურა იანუსის ტაძარი სრული სიმშვიდის ნიშნად (იანუსის ტაძარი მხოლოდ მაშინ იხურებოდა, როდესაც რომაელი ხალხის მთელ სამფლობელოში, ხმელეთზეც, ზღვაზეც, მშვიდობა ისადგურებდა. რომის დაარსებიდან (ძვ.წ. 753 წ.) ავგუსტუსის ხანამდე ეს ტაძარი მხოლოდ ორგზის დაუხურავთ). იმპერატორმა რომში დააწესა მშვიდობიანი ხანის ღვთაების ახალი კულტი და მას „Pax Augusta“ („ავგუსტუსის მშვიდობა“) უწოდა; მარსის ველზე ააგო თეთრი მარმარილოთი ნაკეთი „მშვიდობის საკურთხეველი“, რომელიც დიდებული სკულპტურული რელიეფებით დაამშვენა.

ომებს ჩამოცილებული ავგუსტუსი დიდ აღმშენებლობით მოღვაწეობას შეუდგა. მან დაამშენა რომი შესანიშნავი ნაგებობებით, მოედნით, რომელსაც „ავგუსტუსის ფორუმი“ უწოდა. აქ იყო აღმართული „შურისმაძიებელი მარსის“ ტაძარი, რომელიც იმის მაუწყებელი უნდა ყოფილიყო, თუ როგორ იძია შური ავგუსტუსმა ოულოუს კეისრის მკვლელობისათვის. ამ ტაძრის უზარმაზარი, თეთრი მარმარილოს სვეტები დღემდე შემორჩა. რესპუბლიკური ხანის რომი არ გამოირჩეოდა თავისი დიდებულებით; ავგუსტუსმა ის ბრწყინვალე ქალაქად აქცია. იგი სიამაყით აცხადებდა: „მე მივლევ ქვის რომი და ვტოვებ მარმარილოს რომს“ (სვეტონიუსი, ავგუსტუსი, 28).



ავგუსტუსმა შემოიღო მრავალი კანონი მშვიდობის, წესრიგის, ადამიანური ღირსების დასაცავად; დაამყარა განსაკუთრებული წესრიგი სენატში, ქალაქსა თუ სახელმწიფოში. მან პირადი დაცვისთვის პრეტორთა გვარდია შექმნა, რომელიც განსაკუთრებული უფლებებით სარგებლობდა. პრეტორიანელებს სამჯერ მეტ გასამრჯელოს უხდიდნენ, ვიდრე სხვა გვარისკაცებს. დროთა განმავლობაში ეს გვარდია მნიშვნელოვან ძალად იქცა რომში: მას შეეძლო ჩამოეგდო და აღეზევებინა იმპერატორები, მასზე დიდად იყო დამოკიდებული სახელმწიფოს პოლიტიკური ამინდი.

ავგუსტუსი რომში მართავდა ბრწყინვალე ზეიმებს, თამაშებს, ასპარეზობებს; უხვად გასცემდა საჩუქრებს და თანამდებობებს; წევდა სასჯელმისჯილთა ნუსხებს; აუქმებდა ვალებს. მისი პოპულარობა უფრო და უფრო იზრდებოდა. იტალიის ზოგიერთი ქალაქი ახალი წლის დასაბამად მიიჩნეოდა იმ დღეს, რა დღესაც ავგუსტუსმა მის მიწაზე შემოდგა ფეხი. მეზობელ სახელმწიფოთა მეფენიც კი ახლად დაარსებულ ქალაქებს მის სახელს არქმევდნენ; რომის პროვინციებში ავგუსტუსის სახელობის ტაძრებს აგებდნენ.

რომაელებმა ერთხმად მიანიჭეს თავიანთ იმპერატორს „Pater Patriae“-ს („სამშობლოს მამა“) წოდება, რომელიც მანამდე მხოლოდ ციციეროსსა და კეისარს ერგოთ პატივად. მისი სახელი ეწოდა რომაული კალენდრის მეექვსე თვესაც.

დიადი იმპერატორის პირადი ცხოვრება კი რთული და შფოთიანი იყო. თავდაპირველად მან იქორწინა მარკუს ანტონიუსის გერზე – კლავდიაზე, რათა გაემყარებინა თავისი კავშირი ანტონიუსთან. მაგრამ სიდედრთან უთანხმოების გამო მალე კლავდია დაუბრუნა მშობლებს. მეორე ცოლიც ანგარებით მოიყვანა: ეს იყო სკრიბონია, სექსტუს პომპეუსის ნათესავი. მაგრამ მასაც ვერ შეეწყო, როგორც



ლივია


ამბობენ, უზნეობის გამო და გასცილდა ზუსტად იმ დღეს, როდესაც იშვა მათი ასული იულია. ავგუსტუსს შეუყვარდა ანტონიუსის მომხრე ტიბერიუს კლავდიუს ნეროს (ნერონის) მეუღლე ლივია დრუსილა, რომელიც, ჯერ კიდევ ფეხშიძე, ქმარს გააცილა და ცოლად შეირთო. ლივიასადმი სიყვარული დიდ იმპერატორს ცხოვრების ბოლომდე არ განელებია მიუხედავად იმისა, რომ მათ არ ჰყავდათ საერთო შვილები. ამ ჭკვიანმა და ძლიერი ხასიათის ქალმა დიდი გავლენა იქონია მეუღლის პოლიტიკურ მრწამსზე. ლივიას ჰყავდა ორი ვაჟი პირველი ქმრისგან – ტიბერიუსი და დრუსუსი. ეს



უკანასკნელი გერმანიაში წარმოებული ბრძოლებისას გარდაიცვალა. ყოველი ღონე იხმარა ლივიამ, რათა ტიბერიუსისათვის საიმპერატორო ტახტი განემზადებინა. და ასეც მოხდა. გარდაიცვალა ყველა, ვინც კი იმპერატორმა მემკვიდრედ აღიარა. უპირველეს ყოვლისა ეს იყო მისივე დის, ოქტავია უმცროსის შვილი მარკელუსი, რომელიც ავგუსტუსმა დააქორწინა თავის ერთადერთ ასულზე, იულიაზე. მარკელუსი მოულოდნელად გამოესალმა სიცოცხლეს. მაშინ ოქტავიანუსმა იულია თავის უახლოეს მეგობარს, მარკუს აგრიპას მიათხოვა. ეს ის მხედართმთავარი აგრიპა იყო, სექსტუს პომპეუსი რომ დაამარცხა. მისგან იულიამ სამი ვაჟი შვა: გაიუსი, ლუკიუსი და აგრიპა პოსტუმუსი, აგრეთვე ორი ქალიშვილი: იულია უმცროსი და აგრიპინა. ავგუსტუსმა თავის მემკვიდრეებად გამოაცხადა გაიუსი და ლუკიუსი, რომლებიც ტრადიციისამებრ, იშვილა, გამოისყიდა რა ისინი აგრიპასაგან. მაგრამ გაიუსი და ლუკიუსიც მოულოდნელად გარდაიცვალნენ. მაშინ ოქტავიანუსმა აგრიპა პოსტუმუსი იშვილა, მაგრამ მალე განირიდა ეს ყმანვილი მდაბალი და უღმობელი ზნის გამო. ვარაუდობენ, რომ აგრიპა პოსტუმუსი სულიერად იყო დაავადებული.

როდესაც მარკუს აგრიპაც გარდაიცვალა, ავგუსტუსმა იულიას მესამე ქმარი გამოუძებნა. ხალხში ხმა დაირხა, თითქოს ოქტავიანუსის მიერ მემკვიდრეებად აღიარებულთა ცხოვრებიდან წასვლა ლივიას საქმე იყო. ამას ამტკიცებენ ისტორიოგრაფოსებიც, მაგრამ ასე არ ფიქრობდა თავად ავგუსტუსი. მას მთელი არსებით უყვარდა ლივია და გულწრფელად განიცდიდა დისშვილისა თუ შვილიშვილთა გარდაცვალებას. უფრო მეტად კი თავისი ასულის, იულიასა და შვილიშვილის, იულია უმცროსის უზნეობაზე წუხდა. გარყვნილებაში დადანაშაულებული დედა-შვილი და სულიერად ავადმყოფი აგრიპა პოსტუმუსი იმპერატორის ბრძანებით რომიდან გააძევეს. თავის სამ ტკივილს უწოდებდა მათ ავგუსტუსი და მინც, არავის რთავდა იმის ნებას, დახმარებოდნენ ან თუნდაც გაკარებოდნენ გაძევებულებს. სენატმა არაერთგზის მიმართა თხოვნით იმპერატორს მათი შეწყნარების თაობაზე, მაგრამ ამაოდ. ხოლო როდესაც იულიას ერთერთმა მეგობარმა, შეურაცხყოფილმა ფებემ, თავი მოიკლა, ავგუსტუსს დანაშაულით აღმოხდომია, ნეტა მე ვიყო მისი მამაო. იულიათა დაკრძალვა ოქტავიუსთა სამაროვანში ანდერძით იყო აღკვეთილი. ბოლოს და ბოლოს ლივიამ მიაღწია იმას, რომ ავგუსტუსმა იშვილა მისი ვაჟი პირველი ქორწინებიდან – ტიბერიუსი.

როგორც გადმოგვცემენ, ავგუსტუსი არ იყო მაღალი. იგი მწითურ ფერს გადაიკრავდა და განსაკუთრებული მომხიბლაობით გამოირჩეოდა. მის სხეულზე მრავალ ხალს ითვლიდნენ. ისინი თავისი განლაგებით დიდი დათვის თანავარსკვლავედს გამოსახავდნენ, რაც იმპერატორის უაღრესობის სიმბოლოდ აღიქმებოდა.



განუსაზღვრელი ძალაუფლების მქონე იმპერატორი ცხოვრობდა არა ფუფუნებით, არამედ მოკრძალებულად ფორუმის მახლობლად ერთ ჩვეულებრივ სახლში. ბევრს მუშაობდა, წვებოდა გვიან, არ უყვარდა ადრე ადგომა. დიდი სიამოვნებით კითხულობდა ბერძენ და რომაელ ავტორთა თხზულებებს, თავად წერდა პროზაულ ნაწარმოებებს, სიტყვებს, წერილებს.

ავგუსტუსი, ისევე როგორც მისი უახლოესი მეგობარი გაიუს კლნიუს მეკენასი (მეკენატი), მრავალი პოეტისა თუ ხელოვანის მოწყალე იყო. მისი მმართველობის პერიოდის რომაულ ლიტერატურას „ოქროს ხანის ლიტერატურას“ უწოდებენ. სწორედ იმ დროს მოღვაწეობდნენ ჰორაციუსი, ტიტუს ლივიუსი, ვერგილიუსი. მართალია, ავგუსტუსმა რომაელებს არ მისცა ნება აეგოთ მისი სახელობის ტაძარი, მაგრამ ერთობ კმაყოფილი იყო იმით, რომ ვერგილიუსმა თავის პოემაში „ენეიდა“ იგი ღმერთად გამოაცხადა. ვერგილიუსი ისე გარდაიცვალა, რომ ვერ მოასწრო ამ პოემის დასრულება. ჩანს, არ მოსწონდა პოეტს თავისი ქმნილება და ამიტომ სიკვდილის წინ მისი დანვა სთხოვა მეგობრებს. მაგრამ ავგუსტუსმა არ აღასრულა ვერგილიუსის უკანასკნელი სურვილი. პირიქით, ლიტერატორებს უბრძანა, მოენსრიგებინათ პოემა და რაც შეიძლება სწრაფად გამოექვეყნებინათ.



მეკენასი

ამ კეთილმონყალებასთან ერთად ავგუსტუსი ზოგჯერ საოცარ გულგრილობასაც იჩენდა. იგი შეუბრალებელი იყო მათ მიმართ, ვინც მის ღირსებას შეურაცხყოფდა. ზუსტად ცნობილი არ არის რისთვის, მაგრამ ფაქტია, რომ ავგუსტუსმა რომიდან გააძევა პოეტი ოვიდიუსი, რომელიც თავისი წერილებით შეწყალებას სთხოვდა მბრძანებელს, მაგრამ იგი არ შეინყაღეს, ისევე როგორც იულიები და აგრიპა.

ავგუსტუსის ხანიდან რომში პროფესიონალი დამსმენები გამოჩნდნენ. იმპერატორი დიდად არ აქცევდა ყურადღებას იმას, თუ ვინ რას იტყოდა მასზე. ერთხელ მას ასე დაუმოძღვრავს თავისი შვილობილი, რომის მომავალი მბრძანებელი ტიბერიუსი: „ნუ აღშფოთდები, თუკი ვინმემ აუგად მომიხსენია. მე უკვე ზიანს ველარავინ მომაყენებსო!“ (სვეტონიუსი, ავგუსტუსი, 51).

ხალხის სიყვარულით გარემოცული ავგუსტუსი 44 წელი მართავდა რომს. იგი 76 წლის ასაკში გარდაიცვალა, ახ.წ. 14 წლის 19 აგვისტოს. ამიტომაც ეწოდა ამ თვეს მისი სახელი.


სვეტონიუსის თანახმად, ავგუსტუსი გარდაიცვალა მსუბუქად და უმტკივნეულოდ, ისეთი სიკვდილით, თავადვე რომ ნატრობდა. მას ლივიას მკლავებში აღმოხდა სული ამ სიტყვებით: „ლივია, გახსოვდეს, როგორ ვიცხოვრეთ ერთად!



იცოცხლე დიდხანს, მე კი გემშვიდობები!" (ავგუსტუსი, 99, 1). ისტორიოგრაფოს ტაციტუსის გადმოცემით კი, ავგუსტუსის გარდაცვალებაშიც ლივიას ხელი ერიო (ანალები, I, 5).

„ცხოვრება თამაშია“ – ალბათ ამას ფიქრობდა მომაკვდავი იმპერატორი, როდესაც თავის გარეშემომყოფთ ეკითხებოდა: „როგორ გგონიათ, კარგად გავითამაშე ცხოვრების კომედიაო?“ (იქვე, 99). ეს თამაში მისი გარდაცვალების შემდეგაც გაგრძელდა: ავგუსტუსის ნეშტი, ადათისამებრ, მარსის ველზე დაფერფლეს. იმ დროს ერთი წარჩინებული რომაელი ეფიცებოდა თურმე ხალხს, რომ იხილა ავგუსტუსის ცად აღზევება. ეს ფიცი ლივიას მილიონი სესტრეციუსი დაუჯდაო, ასე ამბობდნენ.





საქართველოს ავტონომიური რეპუბლიკის ტერიტორია



ტიბერიუსი

რომის იმპერატორი იულიუსთა
და კლავდიუსთა დინასტიიდან
(ძვ.წ. 42 წ.-ახ. წ. 37 წ.)


რომს მართავდა ახ.წ. 14-37 წლებში



ტიბერიუს კლავდიუს ნერო, რომელმაც ტვირთად მიიღო დიადი ავგუსტუსის მემკვიდრედ ყოფნის პასუხისმგებლობა, ისტორიაში დარჩა, როგორც წინააღმდეგობებით აღსავსე პიროვნება. ისტორიოგრაფოსი დიო კასიუსი მას ასე ახასიათებს: „ეს იყო მრავალი კარგი და ასევე მრავალი ცუდი თვისების მქონე ადამიანი. როდესაც იგი თესდა სიკეთეს, გეგონებოდათ, რომ მასში არაფერი იყო ცუდი და პირიქით“ (58, 28). ტიბერიუსის მოღვაწეობის ტრაგიზმად ითვლება ის, რომ მის მიერ აღსრულებული ყოველი სასიკეთო საქმე გაქარწყლდა მისივე მმართველობის უამს, რადგანაც ავგუსტუსის მიერ აკინძულ იმპერიაში ყველაფერი აირია. ამას ემატებოდა ისიც, რომ იმპერატორს მუდამ სურდა გასცლოდა მისთვის საძულველ რომს.

ტიბერიუსი კლავდიუსთა უძველესი გვარის ჩამომავალი იყო. მისი წინაპრები რომში დასახლებულან ჯერ კიდევ ტიტუს ტატიუსის მეფობის უამს. ეს ის ტიტუსი იყო, რომს ამ ქალაქის დამფუძნებელ რომულუსთან ერთად რომ განაგებდა.

მომავალი იმპერატორი ძვ.წ. 42 წლის 16 ნოემბერს დაიბადა რომში ლივია დრუსილასა და თავგამოდებული რესპუბლიკელის, ტიბერიუს კლავდიუს ნეროს ოჯახში. მამამისი იულიუს კეისრის თანამებრძოლი იყო და ალექსანდრიის ომში ფლოტს წინამძღოლობდა. ნიჭიერი მთავარსარდალი კეისარმა პონტიფექსად (ქუ-



რუმაღ) დანიშნა და გალიის კოლონიები ჩააბარა. როდესაც „ღვთაებრივი იულიუსი“ ვერაგულად მოკლეს და ტრიუმფირთა შორის უთანხმოება ჩამოვარდა, ტიბერიუსი ანტონიუსის მომხრეთა ბანაკში აღმოჩნდა. ამიტომ იძულებული გახდა რომიდან გადახვეწილიყო. ხანგრძლივი მოგზაურობის შემდეგ იგი სიცილიაზე დასახლდა თავის მეუღლე ლივია დრუსილასა და მცირეწლოვან ტიბერიუსთან ერთად. თუმცა მალე, მისენაში დადებულმა ხელშეკრულებამ მის ოჯახს საშუალება მისცა რომში დაბრუნებულიყო. აქ კი ტიბერიუსს ახალი უსიამოვნება ელოდა: მისი მეუღლე, ლივია დრუსილა, რომელიც იმხანად ფეხმძიმედ იყო და მეორე ვაჟს ელოდა, შეუყვარდა ოქტავიანუსს. ტიბერიუსი იძულებული გახდა, ცოლს გაყროდა. ისტორიოგრაფოსები არაფერს გვამცნობენ ლივიასა და ოქტავიანუს ავგუსტუსის პირველ შეხვედრაზე. ისინი უბრალოდ მიანიშნებენ, რომ „ავგუსტუსმა ტიბერიუს ნეროს წაართვა ფეხმძიმე მეუღლე, ლივია დრუსილა, რომელიც სიცოცხლის ბოლო წუთებამდე უყვარდა და რომელსაც მთელი არსებით ეთაყვანებოდა“ (სვეტონიუსი, ავგუსტუსი, 62). ქორწინებიდან სამი თვის შემდეგ ლივიას მეორე ვაჟი შეეძინა, რომელსაც დრუსუსი შეარქვეს. მისი ვაჟები საიმპერატორო ოჯახის წევრებად მიიღეს. ასე რომ, ავგუსტუსის მომავალი მემკვიდრე თავისი სიცოცხლის ბოლომდე დიადი მამინაცვლის ჩრდილს ეფარებოდა. თუმცა ამას არ დაუბრკოლებია იგი ძვ.წ. 33 წელს სამგლოვიარო სიტყვა წარმოეთქვა მამის სამაროვანთან. ტიბერიუსი არ იყო უნიჭო ბავშვი და ამიტომაც სამოქალაქო ზეიმებისას მეთაურობდა ყმანვილთა რაზმებს. მან ბრწყინვალე განათლება მიიღო. მონიფულობის ასაკში იქორწინა წარჩინებულთა ოჯახის ჩამომავალ აგრიპინა ვიპსანიაზე, რომელიც წრფელი გულით უყვარდა.

რაც შეეხება ავგუსტუსს, იგი სხვადასხვა სამხედრო-პოლიტიკურ მისიას ანდობდა თავის შვილობილის, ისიც წარმატებით ართმევდა თავს დაკისრებულ მოვალეობას: ძვ.წ. 20 წელს ტიბერიუსმა აღმოსავლეთს მიაშურა. იქ ტახტზე დასვა რომს თავშეფარებული სომეხთა მეფე ტიგრანი. შემდეგ უკან დაიბრუნა კრასუსის ლეგიონთა დროშები ძვ.წ. 55 წელს კარესთან რომ დაიკარგა პართიელთა წინააღმდეგ წარმოებული ბრძოლის ჟამს. ძვ.წ. 12 წელს მან თავი გამოიჩინა, როგორც ნიჭიერმა მხედართმთავარმა რომაულ პანონიაში, სადაც სამი წელი (ძვ.წ. 12-9 წწ.) დაჰყო; შემდეგ გაემგზავრა გერმანიაში (ძვ.წ. 9-7 წწ.). აქ ტიბერიუსს მძიმე განსაცდელი ელოდა: ერთერთი ბრძოლისას დაიღუპა მისი ძმა დრუსუსი, რომლის ცხედარიც მან რომში ჩამოასვენა. ამ პროცესიას ტიბერიუსი მთელი გზა ფეხით წინ მიუძღვებოდა.

იმ დროს ავგუსტუსი უკვე ეძებდა რომის ტახტის მემკვიდრეს. ტიბერიუსის ღირსებებისდა მიუხედავად (იმ დროისათვის მას უკვე სახალხო ტრიბუნის თანამდებობა



კავა) იმპერატორის სავარძელი მას თავისი შვილიშვილებისათვის, გაიუსისა და ლუკიუსისათვის უფრო ემეტებოდა. ძვ.წ. 6 წლისათვის ტიბერიუსმა რომის დატოვება განიზრახა. ვერც დედის მუდარამ, ვერც მამობილის (ავგუსტუსის) თხოვნამ ვერ შეაცვლევინეს ტიბერიუსს აზრი. უფრო მეტიც, მან ოთხი დღე იზომშილა და როგორც იქნა, მიიღო გამგზავრების უფლება. იგი კუნძულ როდოსზე განმარტოვდა. ამის მიზეზების ძიებას უფრო ადრეულ წლებში გადაწყევართ: ვერ კიდევ ძვ.წ. 12 წელს ავგუსტუსმა, რომელიც განაგებდა ტიბერიუსის ბედს ისევე, როგორც თავად იმპერიის ბედს, აიძულა შეილობილი, გაყროდა საყვარელ მეუღლეს (რომლისგანაც უკვე ჰყავდა ვაჟი, დრუსუს უმცროსი და მეორე შვილსაც მალე ელოდა) და დაუხანებლივ ექორწინა იულიაზე. ეს გახლდათ თავად ავგუსტუსის ქალიშვილი, რომელსაც უკვე ორი ქმარი გამოეცვალა და მათგან ხუთი შვილის შექმნაც მოესწრო. ახალ მეუღლეს ვერ იტანდა ტიბერიუსი, განსაკუთრებით კი მას შემდეგ, რაც მათი ერთადერთი შვილი გარდაიცვალა. უზნეო იულიასთან ერთად ცხოვრება სულ უფრო გაუსაძლისი ხდებოდა პატივმოყვარე ტიბერიუსისათვის, მაგრამ ვერც გაყრას ახერხებდა. აი, ერთ-ერთი მიზეზი მისი განმარტოებისა. მეორესაც ასახელებენ: ვარაუდობენ, თითქოს ტიბერიუსი უბრალოდ განერიდა საიმპერატორო კარს, რათა ძალაუფლებისადმი სწრაფვაში არ დაედანაშაულებინათ მაშინ, როდესაც ვერ კიდევ ცოცხლები იყვნენ იულიას ვაჟები – გაიუსი და ლუკიუსი.

როდოსზე ტიბერიუსი უბრალო მოქალაქის ცხოვრებით ცხოვრობდა: დაუახლოვდა როდოსელ მოქალაქეებს და მათთან ერთად ისმენდა სახელოვან ფილოსოფოსთა მოძღვრებებს. მალე ტიბერიუსს აცნობეს, რომ იულია უღირსი საქციელის გამო რომიდან გააძევეს, ხოლო ავგუსტუსმა მისი სახელით მოითხოვა განქორწინება. ტიბერიუსი ამ ამბავმა ფრიად გაახარა და როგორც კი დასრულდა მისი სახალხო ტრიბუნად ყოფნის დრო, საიმპერატორო კარს წერილი გაუგზავნა რომში დაბრუნების თხოვნით, იმ მიზეზით, რომ ნათესავები ენატრებოდა. მაგრამ უარი მიიღო. ესეც არ აკმარეს და განუცხადეს, რომ უმჯობესია, არც იფიქროს ნათესავებზე, რომლებიც ესოდენი სიამით მიატოვა. ამის შემდეგ ტიბერიუსის ცხოვრება როდოსზეც გაუსაძლისი აღმოჩნდა. მას ბრალად დასდეს ხელისუფლებობაში სწრაფვა. ახლა უკვე ლტოლვილად მყოფ რომაელს ეშიზოდა, რომ ბერძენები მის მოკვლას განიზრახავდნენ. დიდი ძალისხმევით შეძლო მან რომში დაბრუნება იმ პირობით, რომ სახელმწიფო საქმეებში არ ჩაერეოდა.

მოვლენები კი სულ სხვაგვარად დატრიალდა: ერთი მეორის მიყოლებით გარდაიცვალა ყველა, ვინც კი ავგუსტუსმა თავის მემკვიდრედ დაიგულა. ამაში ისტორიოგრაფოსები ლივია დრუსილას წვლილზე მიუთითებენ და აღნიშნავენ, რომ მისი ოცნება იყო საიმპერატორო ტახტზე ეხილა ტიბერიუსი. ახ.წ. 4 წელს ტიბე-




რიუსი იშვილა ავგუსტუსმა. იმავდროულად მას მიენიჭა სახალხო ტრიბუნის უფლებები ათი წლის ვადით. ასე აღმოჩნდა ტიბერიუსი საიმპერატორო ტახტის მემკვიდრედ. მაგრამ უკვე ხანდაზმულ ავგუსტუსს მოვლენათა ასეთი შემობრუნება არ მოსწონდა. იგი მთელი ძალისხმევით ეძებდა უფრო შესაფერის შემცვლელს საიმპერატორო ტახტზე აღსაზევებლად. ამიტომ იშვილა აგრიპა პოსტუმუსი, ან გარდაცვლილი გაიუსისა და ლუკიუსის კიდევ ერთი ძმა, ხოლო ტიბერიუსი აიძულა, ეშვილებინა თავისი ძმის, დრუსუსის ძე – გერმანიკუსი.

ამასობაში იფეთქეს ამბოხებებმა გერმანიასა (ახ.წ. 4-6 წწ.) და პანონიაში (ახ.წ. 6-9 წწ.). მათ ჩასახშობად გაგზავნეს ტიბერიუსი. მან წარმატებით გაართვა თავი ამ საქმეს, დიდებით დაბრუნდა რომში და ერთხანს ავგუსტუსთან ერთად განაგებდა იმპერიას. რაც შეეხება აგრიპა პოსტუმუსს, ლივიას ბრძანებით იგი რომიდან გააძევეს.

ახ.წ. 14 წლის ზაფხულში ავგუსტუსი ავად გახდა. ლივიამ მომაკვდავი იმპერატორის სარეცელთან მიიწვია ტიბერიუსი. მასთან საუბრის შემდეგ ავგუსტუსს უთქვამს: „საბრალო რომაელი ხალხი! რა ზანტ ხახაში უწევს ჩავარდნა!“ ლივიას ბრძანებით მოკლეს აგრიპა პოსტუმუსი და ამდაგვარად, ავგუსტუსის გარდაცვალების შემდეგ ტახტის ერთადერთი მემკვიდრე, ტიბერიუსი აღიარეს იმპერატორად. იგი დიდი ხანია თანახმა იყო, მიეღო ეს უმაღლესი პატივი, თუმცა სენატის სხდომაზე ისე ეკავა თავი, თითქოს არ სურდა ძალაუფლების ხელში ჩაგდება. ამის გამო სხდომა გახანგრძლივდა. ერთერთ სენატორს აღუნიშნავს კიდევ: „ზოგიერთები აყოვნებენ იმის კეთებას, რასაც გვპირდებიან; ეს კი აყოვნებს მოგვცეს პირობა იმისა, რასაც უკვე დიდი ხანია აკეთებო“. ტიბერიუსს წინ მრავალი საფრთხე ელოდა. ერთერთი უკავშირდებოდა მის ძმიშვილ გერმანიკუსს, რომელიც ხალხსა და არმიაში დიდი სიყვარულით სარგებლობდა.

„მგელი ყურებით მიჭირავს“, – ხშირად იმეორებდა ამ სიტყვებს ტიბერიუსი, სანამ ერთპიროვნული მმართველი გახდებოდა. დროთა განმავლობაში მან კარგად შეიგრძნო ძალაუფლების ხიბლი და მისი სიმფრთხაღაც გაქრა. რომაელები ერთმანეთს ეჯიბრებოდნენ მლიქვნელობაში, თუმცა იმპერატორს თავი მოკრძალებულად ეჭირა, არ იღებდა რა შეთავაზებულ პატივსა თუ ძვირფას საბოძვრებს. სენატი ისე აშკარად ეგებოდა ფეხქვეშ ტიბერიუსს, რომ მას ჩვევად ექცა დარბაზის დატოვებისთანავე წარმოეთქვა ბერძნულად: „ო, ადამიანებო, მონობისათვის მოვლენილნო ამ ქვეყანაზე!“ ცხადი იყო, რომ ყოვლისშემძლე იმპერატორსაც კი ზიზღს ჰგვრიდა სენატის მონური მორჩილება (ტაციტუსი, ანალები, III, 65). მან მოქმედების თავისუფლების ნება დართო სენატსაც და თანამდებობის პირთაც და




მათ საქმეში მხოლოდ მაშინ ერეოდა ხოლმე, თუ ამას თავად მოითხოვდნენ; იგი არ სდევნიდა თავის მოწინააღმდეგეებს და მოთმინებით იტანდა მის მიმართ გამოთქმულ შენიშვნებსა და ლანძღვასაც კი. რა თქმა უნდა, სენატორები ამ „თავისუფლებით“ კიდევ უფრო იბნეოდნენ, რადგანაც ვერ ხედებოდნენ, რას ფიქრობდა მიჩუმიებული იმპერატორი.

მომჭირნე ტიბერიუსმა შეამცირა ის თანხები, რომლებიც გლადიატორთა ბრძოლებზე თუ სხვა გასართობ სანახაობებზე იხარჯებოდა; მისი ნვეულებები არ გამოირჩეოდნენ ადრინდელი ფუფუნებით; იგი აწესრიგებდა საბაზრო ფასებს და მოუწოდებდა ხალხს ზომიერებისაკენ. ტიბერიუსმა სცადა საზოგადოების ზნის გამოსწორებაც: მიიღო რამდენიმე კანონი გარყვნილების აღსაკვეთად; აკრძალა ეგვიპტური, იუდეური და სხვა არარომაული ზემიები. სამხედრო ძალის გამოყენების გარეშე ემორჩილებოდნენ მას პროვინციები, რომელთა მეფეებსაც იგი რომში იტყუებდა და უკან აღარ აბრუნებდა.

ტიბერიუსმა გაზარდა გადასახადები, რამაც ხალხის უკმაყოფილება გამოიწვია. მათში უფრო და უფრო პოპულარული ხდებოდა გერმანიკუსი, რომლის ბრწყინვალე გამარჯვებებმა გერმანიაში რომის იმპერიას მეტი ძალმოსილება შესძინა. სამეფო კარზე დაძაბულობამ იმატა: უბრალო ხალხს თავის იმპერატორად გერმანიკუსის ხილვა უფრო ენადა, ვიდრე პირქუში ტიბერიუსისა. გერმანიკუსის მიმართ საყოველთაო სიყვარული გახდა ალბათ მიზეზი იმისა, რომ იგი ახ.წ. 17 წელს აღმოსავლეთის გზას გაუყენეს. ამას კი მძიმე შედეგები მოჰყვა, რამეთუ ახ.წ. 19 წელს რომაელთა რჩეული მოულოდნელად გარდაიცვალა ანტიოქიაში. გერმანიკუსის ქვრივმა, აგრიპინა უფროსმა მეუღლის სიკვდილში ტიბერიუსი და მისი დედა – ლივია დაადანაშაულა. „მათ უდიდებულესობათა“ შეურაცხყოფისათვის აგრიპინა შორეულ კუნძულზე გააძევეს, სადაც გარდაიცვალა კიდევ.

საიმპერატორო ძალმოსილების გაძლიერებასთან ერთად იცვლებოდა ტიბერიუსის ზნე და ხასიათი. იგი სულ უფრო სასტიკი და შეუბრალებელი ხდებოდა. სასამართლო სისტემაში იმძლავრა დამსმენთა ბოროტებამ, ხოლო იმპერიაში აგორ და უსაფუძვლო ბრალდებათა ტალღა. უმაღლესი თანამდებობის პირებსაც და უბრალო მოქალაქეებსაც უმიზეზოდ ასამართლებდნენ ლალატის ბრალდებით. ამ სამსჯავროთა ინიციატორი იყო პრეფექტი სეიანუსი. იგი, ლამობდა რა იმპერატორის ნდობის დამსახურებას, უნამუსოდ არწმუნებდა მას გარეშემომყოფთა სივერაგეში. ეჭვიან ტიბერიუსს სჯეროდა, რომ სასახლეში მრავალი შეთქმულება მზადდებოდა, რომ მის წინააღმდეგ ილაშქრებდნენ მისივე ერთგული ადამიანები. იმპერატორი სულ უფრო და უფრო ექცეოდა თავის პრეფექტის გავლენის ქვეშ.



ბოლოს ისე მოხდა, რომ ტიბერიუსმა დატოვა რომი და კუნძულ კაპრიზე (იმ დროს ამ კუნძულს კაპრეად უხმობდნენ) დასახლდა, სადაც ერთიანად მიეცა ისეთ გარყვნილებას, რომაელებიც რომ გააოგნა.

იმპერატორმა სახელმწიფო საქმეები სეიანუსს გადააბარა, თანაც ნება დართო, დაესაჯა მოლალატენი. მაგრამ სეიანუსმა თავად მოაწყო შეთქმულება ტიბერიუსის წინააღმდეგ ძალაუფლების ხელში ჩაგდების მიზნით. შეთქმულება გამომჟღავნდა, სეიანუსი დასაჯეს. ამის შემდეგ მომრავლდნენ დამსმენები. ხშირად უდანაშაულო ადამიანებს იჭრდნენ, ანამებდნენ, დილეგში აგდებდნენ, შიმშილით კლავდნენ. და არა მხოლოდ მათ, ანამებდნენ მსჯავრდებულთა ოჯახის წევრებს, იქნებოდა ის ხანდაზმული, ქალი თუ სულაც მცირეწლოვანი ბავშვი. ხოლო ეჭვებში ჩაფლული ტიბერიუსი ახლა უკვე მოსალოდნელი სიკვდილის წინაშე გამუდმებული შიშით იტანჯებოდა.

რომთან განრიდებით ტიბერიუსმა ვერ იხსნა თავისი უკვე შერყვნილი და ნაბილწული სული. სენატისადმი გაგზავნილი მისი ერთი წერილი ასე იწყებოდა: „რა მოგწეროთ, დიდად ღირსეულო სენატორო მამებო, ან როგორ მოგწეროთ, ან რაღაზე არ ვწერო ახლა? თუკი გგონიათ, რომ მე ეს ვიცი, დაე, ღმერთებმა და ქალღმერთებმა, დღენიდაც დაღუპვისკენ რომ მიმაქანებენ, იმაზე უფრო მძიმე სასჯელი მომივლინონ!“ ისტორიოგრაფოსი ტაციტუსი, რომელმაც შემოგვინახა ეს წერილი, დასძენს: „ასე შემოუბრუნდა მას საკუთარი უკეთურება და სიაკვაცე! ამოდ კი არ ამბობდა ხოლმე ბრძენთაბრძენი სოკრატე: თუკი ტირანთა სულში ჩახედვას შეეძლებო, იქ უამრავ წყლულსა და იარას ვიხილავთ, რამეთუ პატივმოყვარეობა, უღმობლობა და უკეთური ზრახვები ფლეთენო სულს. და მართლაც, ვერც განუსაზღვრელმა უფლებებმა, ვერც განმარტობამ ვერ იხსნეს ტიბერიუსი სულიერი ტანჯვისა და წამებისაგან, რასაც თავადაც აღიარებდა“ (ტაციტუსი, ანალები, VI, 6).

არ შეიძლება არ აღინიშნოს ისიც, რომ ამ სასტიკსა და უღმობელ ტიბერიუსს მთელი არსებით უყვარდა პოეზია. იგი თავადაც წერდა ლექსებს, დიდებულად ფლობდა ბერძნულ ენას, თავდავინწყებით კითხულობდა ლიტერატურას და უკვე ხანდაზმული ბევრს მოგზაურობდა.

მთელი თავისი ხანგრძლივი ცხოვრების მანძილზე ტიბერიუსი მხოლოდ ერთხელ გახდა ავად, 78 წლის ასაკში და ეს ავადმყოფობა საბედისწერო აღმოჩნდა მისთვის. იმხანად იგი მისენის კონცხზე (ნეაპოლის მახლობლად) სახლობდა და მისთვის ჩვეული მოჩვენებითობით ცდილობდა დაეფარა თავისი უძლურება. მაგრამ მკურნალმა ყველას ამცნო, რომ იმპერატორს ორიოდ დღის სიცოცხლეა



ჰქონდა დარჩენილი. ამ ამბავმა ყველა ააფორიაქა, დარბაზში შემოაბიჯა ტახტის მემკვიდრემ, გაიუს კეისარმა (კალიგულამ), მის გარშემო კი თავი მოიყარეს მლიქვნელებმა და სწორედ მაშინ, როდესაც ყველას ეგონა, რომ იმპერატორი სულს ღაფავდა, სასახლეში ხმა დაირხა, მომაკვდავმა თვალი გაახილა და საჭმელს ითხოვს. „ყველა შეძრწუნდა, კვლავ მიიღეს რა მწუხარე სახე, თავშეყრილებმა იწყეს დაშლა. გაიუს კეისარი კი, სულ ახლახანს თავი რომ იმპერიის მბრძანებლად წარმოედგინა, უარესი ამბის მოლოდინში მიყუჩდა. არ დაბნეულა საიმპერატორო გვარდიის მეთაური (ნევიუს სერტორიუს მაკრო), რომელმაც ბრძანა, მოეგულათ ტიბერიუსი“ (ტაციტუსი, ანალები, VI, 50).

ტიბერიუსის გარდაცვალების სხვა ვერსიებზე საუბრობს სვეტონიუსი: „ზოგიერთი თვლის, რომ მას გაიუსმა ჩაუყარა ხანგრძლივმოქმედი სანამლავი; ზოგიერთი იმასაც ამბობს, რომ უბრალო ციების შემდეგ მან ისურვა, ეჭამა რამე და არ მიართვეს; სხვათა თქმით, იმპერატორი მაშინ გაგუდეს ბალიშით, როგორც კი მოითხოვა თავისი ბეჭედი, გულყრისას რომ წაეძროთ მისთვის. სენეკა კი წერს, რომ მან, გრძნობდა რა სიკვდილის მოახლოებას, თავად მოიხსნა ეს ბეჭედი, თითქოს სურდა ვინმესათვის გადაეცა. შემდეგ კვლავ თითზე გაიკეთა, ხელი ხელს გადააჭდო და დიდხანს იწვა განუძრევლად. შემდეგ თავის მონას გასძახა. პასუხი რომ ვერ მიიღო, წამოდგა, მაგრამ სარეცელთანავე უსულოდ დაეცა ძალაგამოლეული“ (სვეტონიუსი, ტიბერიუსი, 73).

ეს მოხდა ახ.წ. 37 წლის 16 მარტს.

ტიბერიუსის სიკვდილმა ხალხი აღარფთოვანა. „ტიბერიუსი ტიბერიუსში!“ – ღრიალებდა ბრბო. მეომრებმა დიდი ძალისხმევით გადაასვენეს იმპერატორის ცხედარი რომში.

ტიბერიუსის გარდაცვალების დღეს დანიშნული იყო მსჯავრდებულთა სიკვდილით დასჯა. ასეთი ბრძანება ჯერ კიდევ თავის სიცოცხლეში გასცა იმპერატორმა. როგორც კი გავრცელდა მისი გარდაცვალების ამბავი, სასიკვდილოდ განწირულებმა შეწყალება სთხოვეს ხელისუფალთ, მაგრამ ამაოდ. კალიგულას ჯერ კიდევ არ ჰქონდა მინიჭებული უფლებები, ჯალათებმა კი აღასრულეს განტევებული იმპერატორის უკანასკნელი განჩინება.

ტიბერიუსის გარდაცვალებასთან ერთად გაჩნდა იმედი, რომ სისასტიკეს და ძალადობას, რაც დალად აჩნდა მის გამგებლობას, ბოლო მოეღებოდა. მაგრამ ახალმა იმპერატორმა კალიგულამ მძვინვარებით წინამორბედს გადააჭარბა.



კალიგულა

(ახ. წ. 12-41 წწ.)


რომის იმპერატორი იულიუს-კლავდიუსთა
ბვარიდან. რომს მართავდა 37-41 წლებში



კალიგულა ძველი რომის ისტორიაში დარჩა ყველაზე უფრო ოდიოზურ და ზიზლის აღმძვრელ ფიგურად. შედარებით ვრცლად მის შესახებ მოგვითხრობს სვეტონიუსი, რომელიც ასე წარმოგვიდგენს მის პორტრეტს: კალიგულა იყო მალალი, ჰქონდა წვრილი კისერი და კიდევ უფრო წვრილი ფეხები. ფერმკრთალ სახეზე ჩავარდნილი თვალები მრისხანე გამომეტყველებას სძენდნენ. მეჩხერი თმა თავის თხემზე უმელოტდებოდა, ამიტომ მისი ხილვა ზემოდან სასიკვდილო დანაშაულად ითვლებოდა. ჰქონდა უსიამოვნო სახე, რომელსაც კიდევ უფრო უმახინჯებდა სარკის წინ სხვათა შესაძრწუნებლად საგულდაგულოდ დაყენებული გრიმასა.

მისი ფიზიკური და სულიერი მანკიერებანი ბავშვობისას გადატანილი ავი ზნით იყო გამოწვეული. კალიგულა დროდადრო მოულოდნელი სისუსტისაგან ფეხზე ვერ იდგა. როდესაც გრძნობდა, რომ გონება ებინდებოდა, ცდილობდა საქმეს განრიდებოდა. მას უძილობა აწუხებდა და მოჩვენებები სტანჯავდნენ. გადმოგვცემენ, რომ მოგვიანებით კესონიამ (მისმა მეუღლემ) კალიგულას რალაც ჯადო-ნამალი შეასვა, სიყვარულით რომ ალეგზნო. მაგრამ ამ ჯადომ იგი საბოლოოდ გადაიყვანა გონებიდან.

კალიგულას სამოსი უკადრისი იყო არა მხოლოდ წარჩინებული რომაელისთვის, არამედ მდებრივ ადამიანისთვისაც კი. ხშირად იგი ხალხის წინაშე გამოდიოდა მარ-



გალიტებით მორთული ფერადი მოსასხამებით, აბრეშუმებსა და ქალის ფესხაცმელებში გამონყობილი, ზოგჯერ მეომრის წალებით ან კოტურნებით (თეატრალური ფესხაცმელი დიდი პლატფორმით), ოქროს წვერებით; იგი ხან ზევსის, პოსეიდონის ან სულაც ვენუსის სახით მოველინებოდა ხოლმე ქვეშევრდომთ, ხან თავს ირთავდა ალექსანდრე მაკედონელის საფლავიდან ამოღებული საომარი აღსაკაზმავით. მას არ აინტერესებდა ხელოვნება, მეცნიერება. სამაგიეროდ იტაცებდა მჭკვრემტყველებს. მრისხანების ჟამს იგი იოლად პოულობდა სათქმელად სიტყვებს.

გლადიატორი და მეეტლე, მომღერალი და მოცეკვავე კალიგულა არენაზე საომარი იარაღით იბრძოდა, მონაწილეობდა საცირკო წარმოდგენებში, ხოლო სიმღერითა და ცეკვით ისე ხალისობდა, რომ არ შეეძლო თავის შეკავება სახალხო ზეიმებზე. აქ უნდა გავიხსენოთ, რომ ძველად ხალხის წინაშე სიმღერა და მითუმეტეს ცეკვა წარჩინებული რომაელი მამაკაცისთვის შეუფერებელ საქციელად მიიჩნეოდა. სევეტონიუსი, რომელმაც აღნუსხა კალიგულას მიერ ჩადენილი საშინელებანი და მანიაკალური თვისებები, აღნიშნავდა, რომ იგი სრულ ჭკუაზე არ იყო.

კალიგულა, რომლის ნამდვილი სახელიც ასე ჟღერს: გაიუს იულიუს კეისარ გერმანიკუსი, დაიბადა ახ.წ. 12 წელს. იგი იყო ტიბერიუსის ძმის შვილის, სახელოვანი მხედართმთავრის, გერმანიკუსის მესამე ვაჟი. ბავშვობის წლები გაიუს კეისარმა მშობლებთან ერთად გაატარა სამხედრო ბანაკებში. ამიტომ მამის ნებიერი პატარა ბიჭუნა ჯარისკაცის სამოსით შემოსეს და პანანინა წაღებიც შეუკერეს. „კალიგულა“ ამ წაღების ლათინური სახელწოდებაა. გერმანიკუსისადმი დიდი სიყვარული და მონივნება ჯარისკაცებმა მის შვილზეც გადაიტანეს და მოფერებით კალიგულა შეარქვეს. ეს მეტსახელი ოფიციალურ დოკუმენტებსა და წარწერებში არ გვხვდება. მისი დამკვიდრება ისტორიოგრაფოსების მცდელობას უნდა მივანეროთ.

შვიდი წლის იყო კალიგულა, მამა რომ გარდაეცვალა. მის სიკვდილში ადანაშაულებდნენ ტიბერიუსს, რომელიც ყოველნაირი ხერხით ლამობდა ძალაუფლების შენარჩუნებას. გერმანიკუსი რომაელთა შორის გასაოცარი სიყვარულით სარგებლობდა. ისტორიოგრაფოსები გადმოგვცემენ, რომ ხალხს მისი იმპერატორად ხილვა უფრო სურდა, ვიდრე პირქუში და უმონყალო ტიბერიუსისა. ეს განწყობილება კიდევ უფრო გამოიკვეთა მაშინ, როდესაც ხმა დაირხა, 34 წლის გერმანიკუსი სირიის მმართველის, გნეიუს კალპურნიუს პისოს სანამლავს ემსხვერპლაო. გამწარებული ხალხი ტაძრებს ქვებს უშენდა და სამსხვერპლოებს აყირავებდა, ქალები თიშებს იჭრიდნენ, ხოლო მშობლები ახალშობილებს, ადათისამებრ,



გერმანიკუსი



მალა ისროდნენ იმის ნიშნად, რომ უბედურ დღეს დაიბადნენ ამ ქვეყანაზე; ბარბაროსებმაც, რომაელებს რომ ებრძოდნენ თავგამოდებით, თანაგრძნობის და გლოვის ნიშნად შეწყვიტესო საომარი მოქმედებები.

მაშის გარდაცვალების შემდეგ კალიგულა სირიიდან რომში დაბრუნდა და ცხოვრობდა თავის დედასთან, აგრიპინა უფროსთან და დიდ ბებია ლივიასთან ერთად. 29 წელს გარდაიცვალა ლივია და კალიგულას აღზრდა ითავა მისმა დიდებამ, ანტონია პირველმა, რომელმაც შეძლო თავისი შვილიშვილისათვის აერიდებინა პრეფექტ სეიანუსის მრისხანება მაშინ, როდესაც ამ მრისხანებას ემსხვერპლნენ მისი რძალიცა და სხვა შვილიშვილებიც. სეიანუსისა და ტიბერიუსის მიერ გერმანიკუსის მთელი ოჯახისა და ახლობლების განადგურებას კალიგულა ოლიმპიური სიმშვიდით შეხვდა. უფრო მეტიც, მათი მოდგმის მტრად აღიარებულ იმპერატორ ტიბერიუსთან დაახლოება სცადა და 31 წელს სეიანუსის დასჯის მოწმეც გახდა.

უზნეობას კალიგულას ახალგაზრდული ასაკიდანვე ამწვედნენ: მას სიამეს ჰგვრიდა ადამიანთა წამებისა და დასჯის მხერა; ღამ-ღამობით, გრძელი სამოსით იმოსებოდა, დუქნებსა და პრიტონებში დაეხეტებოდა, სადაც სცენაზე მღეროდა და ცეკვავდა თავდავინყებით. ტიბერიუსი კარგად გრძნობდა, თუ რას წარმოადგენდა კალიგულა. ამიტომაც არაერთხელ აღუნიშნავს, ეს ახალგაზრდა დაილუპავს თავსაც და სხვასაც ზედ მიიყოლებსო.

იმპერატორმა კალიგულა 32 წელს გაიციო კუნძულ კაპრიზე, სადაც იგი თავისი ცხოვრების ბოლო წლებს ატარებდა. იმ ხნიდან კალიგულა იმპერატორის შვილიშვილ გემელუსთან ერთად ტახტის მემკვიდრედ აღიარეს. კალიგულას სახელმწიფო მოღვაწეობის არანაირი გამოცდილება არ ჰქონია მიუხედავად იმისა, რომ ბებერი იმპერატორი გვერდიდან არ იცილებდა, მასთან ერთად მონაწილეობდა რა ორგიებსა თუ სხვა სულის საამებელ ზეიმებში. ტიბერიუსი არაფრად ადგებდა კალიგულას სისასტიკესა და მანკიერებებს, თუმცა ამბობდა: „გველი აღვზარდე რომელი ხალხის გულზეო“.

37 წელს გარდაიცვალა ტიბერიუსი. ზოგი თვლიდა, რომ იგი ბუნებრივი სიკვდილით მოკვდა, რამეთუ იყო ხანდაზმულიც და უკურნებელი სენით შეპყრობილიც. უმრავლესობის აზრით კი, ტიბერიუსი სიცოცხლეს კალიგულამ გამოასალმა, და აი, როგორ: თავდაპირველად მისი მოწამელა სცადა, შეასვა კიდევ სანამლავი, მაგრამ ველარ გაუძლო ლოდინს, და ვიდრე შხამი ბოლოს მოუღებდა, ბალიში დააფარა სულთმებრძოლ მოხუცს და საკუთარი ხელით მოგუდა. არსებობს ტიბერიუსის გარდაცვალების სხვა ვერსიებიც.

ასე იყო თუ ისე, კალიგულა ამ დღისთვის დიდხანს ემზადებოდა. მისი ერთგული პრეფექტი სერტორიუს მაკრო იმპერატორის გარდაცვალებისთანავე გამოცხ-




ადდა სენატში, რათა გაეუქმებინა გემელუსის კანონიერი უფლებები ტახტის მემკვიდრეობის თაობაზე. მან იოლად მიაღწია თავის სანადელს და სენატმაც დაუხანებლივ აღიარა კალიგულა რომის იმპერატორად. ხალხი აღტაცებული იყო სენატის ამ გადაწყვეტილებით, რადგანაც იმედოვნებდა, რომ სახელოვანი გერმანიკუსის ვაჟი ბოლოს მიუღებდა ტიბერიუსის სისასტიკესა და შეუნყნარებლობას.

თავდაპირველად კალიგულამ სცადა გაემართლებინა ხალხის იმედი: შეიწყნარა განკიცხულები, დააბრუნა უმიზეზოდ გაძევებულნი და განაცხადა, რომ მისი სმენა დახშულია დამსმენთა მიმართ. მან განსაკუთრებული პატივი მიაგო დედისა და ძმების ხსოვნას; მათი ნეშტი რომში ჩამოასვენა და თითოეული მათგანისათვის დაანესა პატივსადები ზეიმები; მამის სახელის უკვდავსაყოფად სექტემბრის თვეს გერმანიკუსი უწოდა; არც დები დატოვა უყურადღებოდ. ბრძანა, ყოველი ფიცის ბოლოს წარმოთქმულიყო ეს სიტყვები: „დე, არ მიყვარდეს თავი ჩემი და შვილნი ჩემნი უფრო, ვიდრე გაიუსი და მისი დები!“

კალიგულამ სცადა განეახლებინა ავგუსტუსის მიერ წამოწყებული ის საქმეები, ტიბერიუსის დროს რომ მინავლდა; იგი გულუხვად არიგებდა საჩუქრებსა და აწყობდა მდიდრულ ზეიმებს, იქნებოდა ეს გლადიატორთა გრანდიოზული ბრძოლები თუ თეატრალური სანახაობები. უფრო მეტიც, თავად იგონებდა მანამდე არნახულ გასართობებს: ზღვის ერთერთ ყურეზე მან ხიდის გადაება ბრძანა. ამისათვის თავი მოუყარა სატვირთო ხომალდებს და ორ მწკრივად განალაგა. შემდეგ ზედ მიწა დააყარა და სასეირნო გზა მოაწყო.

კალიგულა სანახაობებს პროვინციებშიც აწყობდა. ამასთანავე ცდილობდა გაეგრძელებინა ტიბერიუსის მიერ დაწყებული მშენებლობანი. მისი ბრძანებით დასრულდა ავგუსტუსის ტაძარი და პომპეის თეატრი, თავად კი დაიწყო არხის გაყვანა, ამფითეატრის აგება, სირაკუსაში ალადგინა ძველთაძველი ტაძრები, დროთა სიავეს რომ დაენგრია. ამ და კიდევ სხვა სასიკეთო საქმეებით კალიგულამ ხალხის გული მოიგო. მაგრამ მალე ახალგაზრდა იმპერატორი თავისი ნამდვილი სახით წარმოჩნდა, გამოავლინა რა არნახული მძვინვარება, სისასტიკე და ავადმყოფური მიდრეკილებები. ამის მიზეზად ასახელებენ მისი ბუნების თანდაყოლილ მანკიერებებს, რომლებიც კიდევ უფრო გაამწვავა 37 წელს გადატანილმა მძიმე სენმა.

კალიგულამ მრავალი ნოდება მიისაკუთრა: „ღვთისმოსავი“, „მამა ლაშქრისა“, „კეისარი დიდებული და კეთილი“ და სხვა. იგი თავს მეფედაც გამოაცხადებდა, რომ არ ერწმუნა მლიქვნელთა სიტყვა: თქვენ უფრო მეტი ხართ, ვიდრე პრინციუსი და მეფეო. მაშინ მან ღვთაებრივი დიდებულება ისურვა: საბერძნეთიდან საუკეთესო ქანდაკებების მოხსნა ბრძანა, რათა მათი თავები საკუთარი თავით შეეცვალა. პალატიუმის სასახლე ფორუმამდე გააგრძელა, ხოლო მითოსური გამირების – კას-



ტორისა და პოლუქსის ტაძარი მის წინაოთახად აქცია. კალიგულა ხშირად იდგა იქ ტყუპების ქანდაკებათა შორის და ღვთაებრივ პატივს იღებდა. ეს არ იკმარა, თავის თავს, ვითარცა ღვთაებას, ტაძარი უძღვნა და განსაკუთრებული ღვთისმსახურება დაანდესა. ტაძარში თავისივე სიმაღლის საკუთარი ქანდაკება აღმართა და თავისივე სამოსით შემოსა. მთავარი ქურუმის თანამდებობისათვის ერთმანეთს ექიშპებოდნენ და ევაჭრებოდნენ უმდიდრესი რომაელები. კალიგულა ხშირად ესაუბრებოდა კაპიტოლიუმის იუპიტერს განმარტოებით, ბოლოს განაცხადა, რომ ღმერთმა ისმინა მისი ვედრება და თავის სამკვიდრებელში მიიწვია საცხოვრებლად.

კალიგულამ დაიწყო ახლობელთა და ნათესავთა გამასხრება და სიკვდილით დასჯა. არაკეთილშობილური წარმომავლობის გამო თავის ღირსად არ სცნობდა პაპას – აგრიპა პოსტუმუსს, დიდ ბებიას, ლივიას „კაბით შემოსილ ოდისევსად“ იხსენიებდა, დიდედა ანტონიას ისე ამცირებდა, რომ თავი მოაკვლევინა, თუ სხვას მონამვლინა (არავინ იცის), თავად კი ტყებოდა იმ კოცონის მზერით, სადაც მისი გვამი იფერფლებოდა. კალიგულამ თავისი ძმა ტიბერიუსი მხოლოდ იმიტომ დასაჯა სიკვდილით, რომ მას წამლების სუნი სდიოდა. ტიბერიუსი მართლაც იღებდა წამალს, რადგანაც გამუდმებული ხველებით იტანჯებოდა. იმპერატორს კი ეგონა, თითქოსდა ძმას მისი მონამვლა სურდა.

სამი და ჰყავდა კალიგულას (აგრიპინა, დრუსილა, ლივილა) და სამივესთან არაბუნებრივი ურთიერთობა ჰქონდა. ამბობენ, დრუსილა ყველაზე მეტად უყვარდაო მათ შორის. ერთხელ მცირეწლოვან შვილიშვილებს დიდედა ანტონიამ შეუსწრო თურმე, რასაც შედეგად მოჰყვა დრუსილას გათხოვება. მაგრამ კალიგულამ საყვარელი და ქმარს გამოსტაცა და შინ დაისვა, ვითარცა კანონიერი ცოლი. თავისი მორიგი ავადმყოფობის დროს კი ტახტის მემკვიდრედაც აღიარა. დრუსილა ახ.წ. 38 წელს გარდაიცვალა. კალიგულამ საყოველთაო გლოვა მოაწყო. ყველას ეკრძალებოდა გაცინება, დაბანა და ჭამაც კი მშობლებთან, მეუღლესთან თუ ბავშვებთან ერთად. თავად კი, ვერ გაუძლო რა მწუხარებას, მოულოდნელად, ღამით გაქრა რომიდან, გადაიარა კამპანია, მიაღწია სირაკუსას და ასეთივე გამალებით დაბრუნდა უკან. მას შემ-



კალიგულა და დრუსილა



დებ ყველა ფიცს იგი დრუსილას ლეთაების სახელით წარმოთქვამდა. კალიგულას ბრძანებით, გაღმერთებული დრუსილა ავგუსტუსის თანაბარი პატივის ღირსად ცნეს. დრუსილას დაბადების დღეს იმართებოდა ორდღიანი მხიარული სანახაობები დიდ ცირკში, სადაც თამაშობათა დაწყების წინ მისი ქანდაკება არენაზე გამოჰქონდათ სპილოებს. დანარჩენ დებს კალიგულა არ სცემდა პატივს. ხშირად მათ თავის საყვარელ ბიჭუნებსაც კი ურიგებდა გასართობად.

რაც შეეხება ქორწინებებს, ძნელი სათქმელია, როდის იყო უფრო უხამსი კალიგულა. ლივია ორესტილა ქორწინების დღეს წაართვა გაიუს პისოს, რამდენიმე დღის შემდეგ დაუბრუნა, ორი წლის შემდეგ კი ქალაქიდან გააძევა, ბრალად დასდო რა ქმართან სარეცლის გაზიარება. ლოლია პავლინა, მხედართმთავარ გაიუს მემიუსის მეუღლე, პროვინციიდან იხმო მხოლოდ იმიტომ, რომ დიდედა ჰყავდა ლამაზი. რამდენიმე ხნის შემდეგ გაუშვა და კაცებთან სიხალგოვე აუკრძალა. კესონია, რომელიც არ გამოირჩეოდა თავისი სილამაზით თუ ასაკით და რომელსაც სხვა ქმრისგან უკვე სამი გოგონა ჰყავდა, კალიგულას შედარებით ხანგრძლივად და მეტად უყვარდა ავბორცობის და უდარდულობის გამო. ხშირად გამოჰყავდა ახალგაზრდა იმპერატორს მხედრული სამოსით შემოსილი კესონია ჯარისკაცებთან, მეგობრებთან შიშვლადაც კი წარუდგენია.

კალიგულამ მრავალი თავისი ახლობელი და ნათესავი სიკვდილით დასაჯა: მეფე იუბას ძე პტოლემეაიოსი სიმდიდრის გამო გამოასალმა სიცოცხლეს; მაკროს უბრძანა, თავი მოეკლა, ტიბერიუს გემელუსს თავი მოჰკვეთეს. სასიკვდილო განაჩენი გამოუტანეს ყველა დამნაშავე თუ უდანაშაულო ადამიანს, ვისაც სამშობლო სა და იმპერატორის ლალატი ცილად დასწამეს.

კალიგულა მასხრად იგდებდა სენატორებსაც. ტოგებში გამოწყობილ ამ წარჩინებულ რომაელებს აიძულებდა თავისი ეტლის კვალდაკვალ ერბინათ, სადილის შემდეგ კი მონებივით მდგარიყვნენ მის სარეცელთან. ზოგიერთ მათგანს მალულად კლავდა, ოჯახებში კი მოსაწვევ ბარათებს უგზავნიდა და როგორც ცოცხლებს, ისე უხმობდა სასახლეში. რამდენიმე დღის შემდეგ უნამუსოდ აცხადებდა, თითქოსდა მათ თავი მოიკლეს.

არად უღირდა კალიგულას ადამიანთა სიცოცხლე თუ ღირსება. სიამეს ჰგვრიდა მათი ერთმანეთზე გადამტერება. ერთხელ თეატრალურ სანახაობებზე პლებეები და მხედრები რომ დაეპირისპირებინა, დროზე ადრე გასცა საშვები, რათა უბრალო ხალხს მხედართა ადგილები დაეკავებინა. ხშირად გლადიატორთა ასპარეზობებზე კალიგულას ბრძანებით შუადღის ხვატში ხსნიდნენ ჩარდახებს და მაყურებელს ადგილიდან დაძვრის ნებას არ რთავდნენ; ან ნაცვლად შეპირებული მხეცებისა, გამოჰყავდათ მისავათებული გლადიატორები და ა.შ. როდესაც გაძ-



ვირდა პირუტყვი, რითაც კვებავდნენ სანახაობათთვის განკუთვნილ გარეულ ნადირთ, კალიგულამ ბრძანა, მათთვის მსჯავრდებულები მიეგდოთ; თუკი ვინმე მის მიერ მოწყობილ სანახაობას აუგად მოიხსენიებდა, გავარჯარებული რკინით შანთავდა, ანდა სულაც სიკვდილით სჯიდა. მამებს აიძულებდა, ემზირათ შვილთა ნამებისათვის, ხოლო შემდეგ ემზიარულათ.

როგორც ჰქონდა საქციელი, ისეთი ჰქონდა მეტყველებაც ამ კალიგულას. ერთხელ დიდედა ანტონიასთვის უთქვამს: „არ დაგავინწყდეს, რომ შემიძლია ის ვაკეთო, რაც მინდა და ვისთანაც მინდა!“ ადამიანის დასჯას იგი ითხოვდა ხშირი და მსუბუქი დარტყმებით, იმეორებდა რა თავის ცნობილ ბრძანებას: „ისე დაარტყი, იგრძნოს, რომ კვდება!“ კიდევ ერთ ფრაზას იმეორებდა კალიგულა ძალიან ხშირად: „დე, ვტულდე, ოლონდ ეშინოდეს!“ როდესაც ერთ-ერთი ასპარეზობისას ბრბო იმპერატორის ჯიბრზე სხვა ეტლებს ესალმებოდა, კალიგულამ ნაშობიძა: „ნეტა ერთი კისერი ჰქონდეს რომაელ ხალხსო!“ იგი წუხდა მისი მმართველობის ჟამს საყოველთაო უბედურება რომ არ ხდებოდა. მისი აზრით, ავეუსტუსს მხოლოდ ვარუსის დამარცხებით მოიგონებდნენ, ტიბერიუსს იმით, რომ ფიდენეში ჩამონგრავა ამფითეატრი, მას კი – ვერაფრით. ამიტომ ოცნებობდა რომაელთა ლაშქრის დამარცხებაზე, შიმშილზე, ჭირიანობაზე, ხანძარზე ან თუნდაც მიწისძვრაზე.

კალიგულა ველური სიშმაგით იყო შეპყრობილი. ტაძარში თუ სასახლეში, ისვენებდა თუ ილხენდა, მასთან მუდამ იდგა ჯალათი, რომელიც იქვე აძრობდა თავს ნებისმიერს, ვისაც იმპერატორი სასიკვდილოდ დაიგულებდა. ერთი მდიდრული ნადიმის ჟამს კალიგულამ მოულოდნელად გაიცინა. მის ახლოს მიწოლილმა კონსულებმა პირმოთნეობით ჰკითხეს მიზეზი, რაზედაც ასეთი პასუხი მიიღეს: „საკმარისია ვანიშნო და ყველას ყელს გამოგლადრავენო“.

შური ამ ველურ სიშმაგეზე ნაკლებად როდი ღრღნიდა მის სულს. მან დალენა ყველა სახელოვანი რომაელის ქანდაკება, ჰომეროსის პოემებსაც კი უპირებდა განადგურებას. კალიგულა კითხვას ასე სვამდა: რატომ შეეძლო პლატონს ჰომეროსის გაძევება მისი სახელმწიფოდან, მას კი არა? იგი ერჩოდა ვერგილიუსს, ტიტუსს ლივიუსს, მართლმსაჯულების ხელოვნებას, ყოველ წარჩინებულს, საგვარეულო ღირსებით შემკულს, მდიდარს, აზოვანს.

სირცხვილის გრძნობა არ გააჩნდა, ქალთან თუ კაცთან, ღირსეულთან თუ უღირსთან, თუ მდაბიოსთან ერთნაირად ეძლეოდა სიამოვნებას. შემდეგ მათივე ოჯახის წევრებთან, ქმრებთან, მამებთან, შეკრებილ ხალხთან უსინდისოდ ჰყვებოდა იმას, თუ რით იაბა, ანდა რით ვერ დაიოკა თავისი ვნება.

„უნდა იცხოვრო დარიდებით, ანდა მეფურად!“ – ამბობდა ხოლმე კალიგულა და საზღვარი არ ჰქონდა მის სწრაფვას ფუფუნებისადმი. გამოიგონა არნახული



კეთილსურნელებანი ტანთაგანსაბანად, სვამდა ძმარში გადამდნარ ძვირფას მარგალიტებს, ოქროს თევშებით აწყობდა სუფრებს, იულიუსის ბასილიკიდან ფანტავდა ფულებს. აგებდა ძვირფასი თვლებით მოოჭვილ, მდიდრულ ზომალდებს და იქილხენდა, გარს უვლიდა რა კამპანიის სანაპიროებს, სურდა ისეთი რამ შეექმნა, რაც სრულიად წარმოუდგენელი იყო: შუა ზღვაში აშენებდა ვილებსა და აგარაკებს, ველზე მთას დგამდა, ხოლო მთებს მიწასთან ასწორებდა და ეს ხდებოდა წარმოუდგენელი სისწრაფით, რადგანაც დაყოვნება სიკვდილის ტოლფასი იყო. ტიბერიუსის მიერ დატოვებული უზარმაზარი მემკვიდრეობა ერთ წელიწადში რომ გაანიავა, კალიგულამ ხელი მიჰყო წარჩინებულ და მდიდარ მოქალაქეთა ძარცვას. გააუქმა ყველა ანდერძი, სადაც მემკვიდრეთა შორის მას არ ასახელებდნენ. ამიტომ მოქალაქეებს ანდერძებში მისი სახელიც შეჰქონდათ. შემდეგ ბრაზობდა კალიგულა, რად არ კვდებოდა მენადერძენი და უგზავნიდა მათ სანამლავეებს. იმპერატორის ბრძანებით იბეგრებოდა ყოველგვარი მომსახურება, ნებისმიერი ვაჭრობა და პროსტიტუციაც. თავისი ახლად შემოღებული კანონები რომ ხალხისათვის ვითომც გასაგები გაეხადა, კალიგულამ მათი ქუჩებში გამოკიდების ბრძანება გასცა. მაგრამ ამ კანონებს ისეთი პატარა ასოებით წერდნენ და ისე მალლა კიდებდნენ, რომ მათი წაკითხვა შეუძლებელი იყო.

თავის მმართველობის პერიოდში კალიგულამ ერთადერთხელ განიზრახა გალაშქრება და ისიც გერმანიაზე. მაგრამ ბრძოლის ნაცვლად ბრძანება გასცა ზემო გერმანიის მმართველის დასჯის თაობაზე. შემდეგ დაიწყო სამხედრო მანევრები მდინარე რეინისა და ლა-მანშის სანაპიროთა გასწვრივ. რატომღაც ბრიტანეთის დამორჩილების სურვილი გამოთქვა, ვერც ეს შეძლო და რომისაკენ აიღო გეზი. თავდაპირველად დიდ ქალაქში არნახული ტრიუმფით შესვლა განიზრახა, შემდეგ სენატი გამოლანძღა, მისთვის პატივის მიგება აუკრძალა, რადგანაც ამით გამოჩნდებოდა, რომ სენატი მის საიმპერატორო ძალმოსილებაზე მალლა იდგა.

კალიგულა მოითხოვდა, რომ მისთვის ღმერთივით ეცათ თაყვანი. თავი ღმერთზე ძალმოსილად წარმოედგინა, თუმცა შიშის ზარს ჰგვრიდა იუპიტერის მიერ მოვლენილი ელვა და მებქი. სულ უშიშვნელო ყუქა-ქუხილიც კი აკრთობდა. მენსიტებისას იგი მუდამ სანოლს ქვეშ იმალებოდა. სენატისთვის რომ თავისი ღვთაებრიობა დაემტკიცებინა, კალიგულამ ერთხელ სხდომაზე შეაბიჯა თავისი ცხენით, რომელსაც ინკიტატა ერქვა და რომელიც სენატის წევრად გამოაცხადა. ამ ცხენისათვის რომის იმპერატორმა ბრწყინვალე სასახლე ააშენა და იქ მისი სახელით



ინვევდა სტუმრებს. მხოლოდ სიკვდილმა შეუშალა კალიგულას ხელი, თორემ ინკიტატა სულ მალე კონსულის თანამდებობასაც მიიღებდა.

კალიგულას თავნებობამ და უღირსმა საქციელმა ბოლოსდაბოლოს რომაელთა მოთმინების ფიალა ალავსო. მისი თავიდან მოცილების მიზნით ეწყობოდა შეთქმულებები, რომელთაგან რამდენიმე გამომჟღავნდა კიდეც. იმპერატორი უსასტიკესად უსწორდებოდა თავის მტრებს, მაგრამ უკვე იმდენი ჰყავდა, რომ მათი ძირფესვიანად ამოძირკვა ველარ შეძლო.

კალიგულას სიკვდილი, რომაელთა აზრით, წინასწარ ყოფილა განსაზღვრული მრავალი წინით. მათ შორის მნიშვნელოვანი თავად იმპერატორის სიზმარი იყო: წინაღამეს მას უხილავს, თითქოს იგი ზეცად იყო აღზევებული და იუპიტერის ტახტთან იდგა. ღმერთს მარჯვენა ფეხის ცერა თითით იგი მიწად ჩამოუგდია.

არსებობს რამდენიმე ვერსია კალიგულას წინააღმდეგ მოწყობილი შეთქმულების თაობაზე. საერთო აღიარებით, მთავარი როლი უტვირთავს საიმპერატორო კოჰორტის ტრიბუნს, ვინმე კასიუს ქერეას, რომელსაც მისი ხანდაზმულობისა და მიუხედავად მასხრად იგდებდა კალიგულა.

41 წლის 24 იანვარს, როდესაც საიმპერატორო კარი თეატრალური სანახაობით ერთობოდა, კალიგულა შეყოვნებულა იმ ყმანვილებთან, რომლებიც სცენაზე გამოსასვლელად ემზადებოდნენ. სწორედ მაშინ მიუახლოვდა მას კასიუსი და უკნიდან ჩასცა მახვილი. იქვე იდგა შეთქმულების მეორე მონაწილე, ტრიბუნი კორნელიუს საბინუსი, რომელმაც ახლა უკვე მკერდი გაუპო იმპერატორს. „მე ცოცხალი ვარ!“ – ამ სიტყვებით აღმოხდა სული კალიგულას, რომელსაც შეთქმულებმა კიდეც მრავალგზის ჩასცეს მახვილი. ხმაურზე მცველები შემოცვივდნენ და რამდენიმე შეთქმული ადგილზევე განგმირეს. დაილუპნენ უდანაშაულო ადამიანებიც. მათ შორის კალიგულას მეუღლე კესონია და მათი მცირეწლოვანი გოგონა, რომელიც კედელს მიახეთქეს.

კალიგულამ ოცდაცხრა წელი იცოცხლა, იმპერიას ოთხი წელიც კი არ მართავდა. სახლი, სადაც იგი გამოასალმეს სიცოცხლეს, მხილეულთა თქმით, მოჩვენებით გაივსო, ბოლოს დაიწვა.

კალიგულას მმართველობის ხანა ისეთი შემადრწუნებელი იყო რომაელთათვის, რომ მრავალი მათგანი დიდხანს არ იჯერებდა მისი გარდაცვალების ამბავს.

კალიგულას არ დაუტოვებია მემკვიდრე. ამიტომ იმპერატორად გამოაცხადეს მისი ბიძა, გერმანიკუსის ძმა კლავდიუსი. ამას კი სულაც არ ელოდნენ რომაელები.



კლავდიუსი

(ძვ.წ. 10 წ.-ახ.წ. 54 წ.)

რომის იმპერატორი 41-54 წლებში



მისი შექმნა ბუნებამ დაიწყო და აღარ დაასრულა – ასე ამბობდა ხოლმე კლავდიუსზე დედამისი, რომელიც გულწრფელად წუხდა თავისი შვილის ბედზე. რომის მომავალი იმპერატორი სწეული დაიბადა და იმდენი ფიზიკური ნაკლი ჰქონდა, რომ მშობლები მის პოლიტიკურ კარიერაზე აღარც ზრუნავდნენ. და მაინც, იგი რომს მთელი თოთხმეტი (41-54 წწ.) წლის განმავლობაში მართავდა. „ერთი შეხედვით კლავდიუსი შთაბეჭდავად და ღირსეულადაც კი გამოიჩინებოდა – გადმოგვცემს სვეტონიუსი, – თუმცა მხოლოდ მაშინ, როდესაც იდგა, იჯდა, უფრო მეტად კი, როდესაც იწვა. იგი მაღალი იყო, ახოვანი; სახე და ქალარა თმა ლამაზი ჰქონდა, კისერი – მსხვილი. მაგრამ როდესაც დადიოდა, სუსტი მუხლები ლალატობდნენ; თუ რაიმეთი იყო დაკავებული ან ისვენებდა, მაშინ კი მრავალი რამ ამახინჯებდა: უსიამოვნოდ იცინოდა, შემზარავად მრისხანებდა, პირს ქაფი ადგებოდა, ცხვირიდან ცვინგლი ჩამოსდიოდა, ენა ებმოდა და გამუდმებით უკანკალებდა თავი...“ (კლავდიუსი, 30). აი, ასეთი იყო კლავდიუსი, როდესაც წამოიზარდა. იგი ძვ.წ. 10 წელს დაიბადა ქალაქ ლუგდუნუმში (თანამედროვე ლიონი), წარჩინებულთა ოჯახში. მის მშობლებს, დრუსუს უფროსსა და ანტონია უმცროსს ბევრი შვილი შესძენიათ, რომელთაგან მხოლოდ სამი გადაურჩა სიკვდილს: გერმანიკუსი, რომელმაც თავის დროზე რომაელთა უდიდესი სიყვარული დაიმსახურა; ლივია ლივილა, იმპერატორ ტიბერიუსის ერთადერთი შვილის, დრუსუს უმცროსის მეუღლე და კლავდიუსი.



თავად დრუსუს უფროსი იმპერატორ ტიბერიუსის ღვიძლი ძმა იყო. სწორედ მასზე იყო ფეხმძიმედ ლივია, როდესაც ოქტავიანუსს ავგუსტუსს გაჰყვა ცოლად. დრუსუსმა თავი გამოიჩინა, როგორც ნიჭიერმა მხედართმთავარმა გერმანელთა წინააღმდეგ წარმოებულ ომში. ამიტომ გარდაცვალების შემდეგ მას მეტსახელი „გერმანიკუსი“ (გერმანელი) უწოდეს, რაც მის ჩამომავლებზეც გადავიდა.

ანტონია უმცროსი გამოირჩეოდა თავისი სილამაზით, სიბრძნითა და ოჯახისადმი ერთგულებით, თუმცა ისე იყო გულგატეხილი კლავდიუსის უუნარობით, რომ მას ხშირად ხალხში „მახინჯად“ უხმობდა, ხოლო თუკი ვინმეს აუგად მოხსენიებას მოისურვებდა, „ის ჩემს კლავდიუსზე რეგენიაო!“ – ასე ამბობდა. არც ცნობილ დიდებას ლივიას უყვარდა თავისი ენაბლუ და ნაკლოვანი შვილიშვილი, იშვიათად ესაუბრებოდა და მითითებებსაც წერილობით ან მონათა პირით ატყობინებდა. თავად ლივია ლივილაც არ სწყალობდა თავის გასაცოდავებულ და ახლობელთაგან მოძულებულ ძმას. გადმოგვცემენ, რომ მას სახალხოდ დაუწყია თურმე მოთქმა რომაელი ხალხის ბედზე, როდესაც კლავდიუსის იმპერატორად არჩევის ამბავი გაუგია.

ავგუსტუსის ხანგრძლივი მმართველობის პერიოდში (ძვ.წ. 27 – ახ.წ. 14 წწ.) კლავდიუსს ერთადერთხელ უბოძეს წოდება ავგურთა კოლეგიაში. იმპერატორის ანდერძის თანახმად კი მისთვის მხოლოდ ათასი ოქროს მონეტა გაიმეტეს და უფლება მემკვიდრეობის შეექვსედა იმ ხალხთან ერთად, რომელიც არ ენათესავებოდა ავგუსტუსს; თუმცა არც იმის თქმა შეიძლება, რომ იმპერატორი არ ფიქრობდა მის ბედზე. „...ძვირფასო ლივია – წერდა ოქტავიანუსი თავის მეუღლეს, – საჭიროა, ერთხელ და სამუდამოდ განვსაზღვროთ ჩვენი დამოკიდებულება კლავდიუსისადმი. თუ ის სრულყოფილი ადამიანია და ყველაფერი რიგზე აქვს, რად არ გაიაროს ნაბიჯ-ნაბიჯ ის გზა, რაც მისმა ძმამ გაიარა? ხოლო თუკი ვფიქრობთ, რომ ის სხეულითა და სულით ნაკლულია, მაშინ არ გვმართებს სასაცილოდ ავადებინოთ ისიც და ჩვენი თავიც იმ ადამიანებს, რომლებიც მიჩვეულნი არიან იხითხითონ ამგვარ რამეებზე“ (სვეტონიუსი, კლავდიუსი, 4).

მართალია, კლავდიუსს მრავალი ფიზიკური ნაკლი ჰქონდა, მაგრამ უგონო ადამიანი არ ყოფილა. სახელოვანი ისტორიოგრაფოსის, ტიტუს ლივიუსის რჩევით, მან ჯერ კიდევ ახალგაზრდულ წლებში დაწერა რომის ისტორია, თავისი ბიოგრაფია და რამდენიმე თხზულება ლათინურ ენაზე; ხოლო ბერძნულ ენაზე – ეტრუსკთა და კართაგენის ისტორიები. მას ორატორული ნიჭიც გამოუმულავნებია, რის გამოც აღფრთოვანებულ ავგუსტუსს ლივიასადმი ასეთი რამ მიუწერია: „...ძვირფასო ლივია, თავადაც ვერ ვიჯერებ, რომ შენი შვილიშვილის, ტიბერიუსის დეკლამაცია მომეწონა. ვერ გამიგია, როგორ ახერხებს დეკლამირების დროს ისაუბროს ასე გასაგებად, როცა ჩვეულებრივ ლუღლუღებს და მის წარმოთქმულ სიტყვასაც ვერ



გაარჩევ" (სვეტონიუსი, კლავდიუსი, 4). ალბათ თავისი გონიერების გამო კლავდიუსმა მხედართა ფენის სიყვარული დაიმსახურა. ყოველთვის, როდესაც იგი თეატრში შედიოდა, მხედრები ფეხზე დგებოდნენ და ქუდის მოხდით ესალმებოდნენ.

მოუხედავად ამისა, იმპერატორი ტიბერიუსიცა და შემდეგ კალიგულაც მას გონებაზე ზღუდულად ადამიანად მიიჩნევდნენ. და რამდენადაც საიმპერატორო ძალაუფლებისაკენ მიმავალ გზად მის მეტოქეობას გამორიცხავდნენ, ყურადღებასაც არ აქცევდნენ. სწორედ ამიტომ გადაურჩა მათ მძინვარეობას კლავდიუსი, მაშინ როდესაც მისი ოჯახის ყველა წევრი და ახლობელი ვერ ასცდა სიკვდილით დასჯას თუ გადასახლება. უფრო მეტიც, გაიუს კალიგულამ ტახტზე აღზევებისთანავე, ხალხის გულის მოგება როდესაც განიზრახა, კლავდიუსს ორი თვით კომსულობის უფლებაც კი მიანიჭა. იყო ისეთი დროც, როდესაც რომაელები მას ასეთი შეძახილებით ეგებებოდნენ: „გაუმარჯოს იმპერატორის ბიძას!“ „გაუმარჯოს გერმანიკუსის ძმას!“ მაგრამ ვერც ამან იხსნა კლავდიუსი ოჯახის წევრთა შეურაცხყოფათაგან. ასე მაგალითად, თუკი მას სადილობისას შეაგვიანდებოდა, ბევრიც რომ ეძებნა, მისთვის ადგილი აღარსად იყო; თუ კარგად დანაყრებულს სუფრასთან ძილი მოერეოდა (რაც ხშირად ხდებოდა), მასხარები ძელებს ან ზეთისხილის ნარჩენებს ესროდნენ და შოლტებს ურტყამდნენ ხუმრობით, რათა გამოეფხიზლებინათ; ხოლო თუ ზვინვასაც ამოუშვებდა, ხელებზე სანდლებს წამოაცმევდნენ და თავს ირთობდნენ. ასეთი აგდებული დამოკიდებულების გამო საფრთხეშიც ბევრჯერ ჩავარდნილა. ერთხელ, როდესაც კალიგულა გერმანიაში იყო და მის წინააღმდეგ მონყობილი შეთქმულება გამოშლავდა, მრავალი ნარჩინებული ეახლა მას მისალოცად. მათ შორის იყო კლავდიუსიც. ისე არ ეამა იმპერატორს მისი ხილვა, რომ მდინარე რეინში გადაუძახა ტანსაცმლიანად. კლავდიუსი გადარჩა, მაგრამ ამის შემდეგ კიდევ უფრო ამცირებდნენ და შეურაცხყოფდნენ. სენატში მის ხმას არად აგდებდნენ; რვა მილიონი სესტერციუსი გადაახდევინეს მხოლოდ იმიტომ, რომ ქურუმის ახალი წოდება მოეპოვებინა. ეს ფული მან სახელმწიფო ხაზინიდან ისესხა და გადახდა რომ ვერ მოახერხა, გადასახადების კანონის თანახმად, მთელი ქონება დაკარგა.

აი, ასე დამდაბლებულმა გაატარა კლავდიუსმა თავისი ცხოვრების დიდი ნაწილი, მაგრამ მოულოდნელად, უცნაური შემთხვევის წყალობით საიმპერატორო ტახტზე აღმოჩნდა. ამ უცნაურ ამბავს სვეტონიუსი ასე გადმოგვცემს: „როდესაც შეთქმულებმა კალიგულაზე თავდასხმა განიზრახეს, იმ საბაბით, რომ იმპერატორს მარტო დარჩენა სურდა, კარისკაცები დარბაზიდან გააძევეს. სხვებთან ერთად გამოგდებული კლავდიუსი ჯერ ჰერმესის ოთახში აღმოჩნდა, ხოლო როდესაც კალიგულას მკვლელობის ხმა დაირხა, მან მეზობლად მდებარე მზის გალერეას მიაშურა შეშინებულმა და კარების კრეტსაბმელს ამოეთვარა. ვილაც მეომარმა პრეტორიანელთა გვარდიიდან, რომელიც სადღაც გარბოდა, თვალი მოჰკრა მის ფე-



ხებს. ფარდა გადასწია, იცნო იგი და გამოათრია. შეძრწუნებული კლავდიუსი იატაკზე დაეშო, მაგრამ მეომარმა მას იმპერატორის საკადრისი თაყვანი სცა და წარუძღვა თავისი თანამზრახველებისაკენ, რომლებიც ბოხოქრობდნენ, რადგან არ იცოდნენ რა ელონათ. ისინი უმალ გონს მოეგნენ, ტახტრევანზე დააბრძანეს... და თავად წაიყვანეს პრეტორიანელთა ბანაკში აცხცახებული კლავდიუსი. ხოლო გზად შემხვედრ ბრბოს იგი ეცოდებოდა, რადგან ფიქრობდა, რომ ამ უდანაშაულო კაცს დასასჯელად მთარბენინებდნენ მეომრები" (კლავდიუსი, 10).

იდგა ახ.წ. 41 წელი და ამ დროისთვის საიმპერატორო მოდგმა ისე იყო შემციირებული, რომ ღირსეული მემკვიდრის პოვნა პრეტორიანელთათვის პრობლემად იქცა. მთი იმპერატორად აირჩიეს კლავდიუსი და აიძულეს რომაელები, ეცნოთ იგი. ლეგიონები იოლად დაითანხმეს, რადგან ისინი მოხარულნი იყვნენ, ტახტზე ეხილათ სახელოვანი გერმანიკუსის ძმა. სენატორებს კი სხვა გზა არ ჰქონდათ, რადგან პრეტორიანელები თავის აზრზე იდგნენ და ამბოხებით იმუქრებოდნენ. ბრბო ბოხოქრობდა, ერთპიროვნულ მბრძანებელს ითხოვდა და ამ მბრძანებლად კლავდიუსს ასახელებდა. მეომრებმა თავის რჩეულს ერთგულების ფიცი დაუდეს, რის სანაცვლოდაც მისგან 15 ათასი სესტერციუსი მიიღეს. სვეტონიუსის გადმოცემით, „კლავდიუსი იყო პირველი კეისართაგან, რომელმაც ჯარის ერთგულება ფულით იყიდა" (კლავდიუსი, 10).

51 წლის კლავდიუსმა ძალაუფლების გემო იგრძნო. მან მიიღო საკმაოდ მრავლისმთქმელი ოფიციალური სახელი: ტიბერიუს კლავდიუს კეისარ ავგუსტუს გერმანიკუსი; უბრალოდ კი მას იმპერატორ ტიბერიუს კლავდიუსად მოიხსენიებდნენ. მიეთმოეთი, რომელიც მის ხელისუფლებაში მოსვლის თან დაჰყვა, მალე მიწავლდა. ტახტზე ასვლისთანავე კლავდიუსმა ბრძანა, სიკვდილით დაესაჯათ კალიგულას მკვლელები, ამასთანავე გააუქმა უმკაცრესი კანონები, რითაც საყოველთაო აღიარება დაიმსახურა. საქმე ის იყო, რომ რესპუბლიკის აღდგენით დაინტერესებული იყო ყველა: სენატიც, პლებსიც, პრეტორიანელებიცა და პროვინციელი წარჩინებულნიც.

კლავდიუსი ზომიერი საიმპერატორო ძალაუფლების მომხრე ჩანდა, თუმცა ძალიან მალე მიაღწია ერთპიროვნულ მმართველობას. მან დააჩქარა სენატის დაქვეითება, როგორც თავად მართვის მეთოდებით, ასევე ცენზორთა პრივილეგიების აღდგენით. ეს აღარ მოსწონდათ სენატორებს და კლავდიუსის მანკიერებებს ისხენებდნენ. იმპერატორის წინააღმდეგ მონაწილე იქცა შეთქმულება წარუმატებლად დასრულდა. შეთქმულებაში მონაწილეობისათვის ყველაზე სშირად ისჯებოდნენ სენატორები, რაც კიდევ უფრო აუარესებდა ურთიერთობებს სენატსა და იმპერატორს შორის. კლავდიუსი საყრდენ ძალას მხედართა და აზატთა შორის ეძებდა. მხედართა ფენის წარმომადგენლები მადლიერი იმპერატორის ზრუნვას მუდამ გრძნობდნენ, მათი დანაშაურობა სამოღვაწეო ასპარეზზე სულ უფრო და უფრო იოლდებოდა. მნიშვნელოვნად



გაძლიერდა იმპერატორის აზატთა გავლენები. კლავდიუსმა მრავლად შემოიკრიბა გარს ისინი, რათა თავის მოვალეობათა ტვირთი შეემსუბუქებინა. რომში აზატთა რიცხვი იზრდებოდა. ტაციტუსი შენიშნავდა: „აზატთა აღრიცხვას თუ შევძლებთ, ცხადი გახდება, რომ თავისუფლადშობილნი უმცირესობაში აღმოჩნდებიან“ (ანალები, XIII, 27). სასახლის კარზე აზატებმა ხელთ იგდეს საკმაოდ დიდი პრივილეგიები. უფრო მეტიც, მათ მოიპოვეს დიდძალი ქონებაცა და პოლიტიკურ გადანყვეტილებათა მიღების უფლებაც. საყოველთაოდ იყო ცნობილი აზატი ნარკისუსი, მდივანი, რომელსაც თავისი ბატონის ბატონად მოჰქონდა თავი; ისტორიოგრაფოსები ასახელებენ პრეტორიანელთა საპატიო ნოდებებით შემკულ აზატ პალასსაც. „ისინი ისეთი მდიდრები იყვნენ, რომ როდესაც კლავდიუსი ხაზინაში ფულის ნაკლებობას უჩიოდა, ხალხი ხუმრობდა: იმპერატორს თავსაყრელად ექნებოდა სესტერციუსები, თუ ეს ორი აზატი მას თავის ახლობლად დაიგულებდა“ (აგრელიუსი ვიქტორი, ამონარიდები, IV).


იმპერატორი დიდ ყურადღებას უთმობდა სასამართლო პროცესების წარმოებას. ის თავად ესწრებოდა სამსჯავრო სხდომებსა და, მისი აზრით, სამართლიან გადანყვეტილებებს იღებდა იმ შემთხვევაშიც კი, თუ ეს გადანყვეტილებები არსებულ კანონმდებლობას ეწინააღმდეგებოდა. ეს სამართალდამცველთა გალიზიანებას იწვევდა, რაზეც იმპერიის პირველი პირი პასუხობდა: „მე მათ ვამართლებ, ვინც ამბობს სიმართლეს!“ (სევეტონიუსი, კლავდიუსი, 15). იმპერატორის კეთილგანწყობით მრავალი სარგებლობდა. კლავდიუსი თავგამოდებით ცდილობდა, არ მოკლებოდა პური დიდ ქალაქს; მან ააგო აკვედუკები წყლით მომარაგების უზრუნველსაყოფად; დიდი მნიშვნელობა ჰქონდა ტიბერისის სანაპიროზე გაშენებულ ნავსადგომს ოსტიაში.

კლავდიუსი უხვად ურიგებდა საჩუქრებს ხალხს, უწყობდა ზეიმებსა და სპორტულ ასპარეზობებს, იღხენდა მათთან ერთად. ცდილობდა მათი განწყობილების ამაღლებას. მისი მმართველობის პერიოდში კალიგულას სისასტიკით შეძრწუნებულმა იმპერიამ ამოისუნთქა.

კალიგულას საგარეო პოლიტიკის უმთავრეს მიღწევად ისტორიოგრაფოსები ბრიტანეთის ომს მიიჩნევენ. 43 წელს მთავარსარდალმა ავლუს პლავტიუსმა კუნძულზე თავისი ჯარები გადასხა და იქაური ბელადები დაიმორჩილა. მალე კლავდიუსს თავადაც შეეძლო გამარჯვებით ეამაყა, რადგანაც სამხრეთ ბრიტანეთის დიდი ნაწილი მის ლეგიონერებს ჩაბარდა. დაპყრობილი ტერიტორიები მან რომის პროვინციად გამოაცხადა.

კლავდიუსი ტრიუმფით დაბრუნდა დედაქალაქში, მაგრამ იქ ცუდი ამბავი დაახვედრეს: იმპერატორისა ვალერია მესალინა უნაშუსოდ არცხვენიდა მის სახელს.

კლავდიუსი ცოლების არჩევაშიც უიღბლო იყო. მესალინა მას მესამე ცოლად ერგებოდა. პირველს, პლავტია ურგულანტილას კლავდიუსი ლალატისა და მისი



მკვლევლობის მცდელობის გამო დაცილდა. მეორეს, ელია პეტინას – უბრალო ნაკამათებისათვის. მანამდე კი ორი საცოლე ჰყავდა: ემილია ლეპიდა (ავგუსტუსის შვილთაშვილი), რომელიც თავად დაიწუნა, რადგანაც მისი მშობლები ავგუსტუსს მტრად მოეკიდნენ და ლივია მედულინა (კამილა), რომელიც ავად გახდა და ზუსტად ქორწინების დღეს გარდაიცვალა.

14 წლის იყო მესალინა 48 წლის იმპერატორის თანამეტახტეობა რომ იტვირთა და იმ დღიდანვე მოახერხა მეუღლეზე გაბატონება. მან კლავდიუსს ორი შვილი გაუჩინა: ბრიტანიკუსი და ოქტავია.

დაუოკებელი ვნებით გამორჩეული მესალინას სახელი გარყვნილების სიმბოლოდ დამკვიდრდა რომის ისტორიაში. მას მრავალი საყვარელი ჰყავდა და ყოველი მათგანი ღრმად იყო დარწმუნებული იმაში, რომ კლავდიუსმა ყველაფერი იცოდა. ამის საბაბს იმპერატორიც იძლეოდა, რადგან მეუღლის ყველა სურვილს დაუხანებლივ ასრულებდა. თუმცა როგორც 48 წელს გაირკვა, კლავდიუსი იყო ერთადერთი ადამიანი რომში, რომელმაც არა უწყოდა რა მესალინას ამურული საქმეებისა. უმონყოლო და სასტიკი იმპერატორისა დაუნდობლად იცილებდა გზიდან ყველას, ვინც კი მის წინააღმდეგ ხმის ამოღებას გაბედავდა. ამიტომ კლავდიუსის უახლოესი მეგობრებიც კი დუმდნენ. ბოლოს და ბოლოს მესალინას უნამუსობამ ყველა სიბილწეს გადააჭარბა. მისმა აღვირახსნილმა ურთიერთობამ რომაელ წარჩინებულთან, გაიუს სილიუსთან, საიმპერატორო კარის მოთმინების ფიალა ალავსო: იმპერატორისამ, დაიგულა რა კლავდიუსი ბრიტანეთში, დიდი ქორწილი გადაიხადა და თავის მეუღლედ გაიუსი წარადგინა. შეურაცხყოფილი სასახლის კარი აბობოქრდა. აზატმა ნარკისოსმა ეს ქორწინება მისთვის საძულველი მესალინას დასალუჰად გამოიყენა. მან იმპერატორს ყველაფერი ამცნო და დაარწმუნა, თუ დაუყოვნებლივ არ მიიღებდა ბრძნულ გადანყვეტილებას, ძალაუფლებას დაკარგავდა. აზატმა შეშინებულ და დაბნეულ კლავდიუსს მესალინას სიკვდილით დასჯის განაჩენი გამოსტყუა.

სენატმა სცადა, დახმარებოდა კლავდიუსს, რათა მას რაც შეიძლება მალე დაევიწყებინა საყვარელი მეუღლე. მისი დადგენილებით, მესალინას სახელი ამოიშალა ყველა ოფიციალური საბუთიდან თუ ქანდაკებათა წარწერებიდან. კლავდიუსმა კი დაიფიცა, რომ აღარასოდეს შეირთავდა ცოლს, თუმცა მომდევნო წელსვე დაარღვია ეს ფიცი და იქორწინა აგრებიანა უმცროსზე (კალიგულას დაც რომ იყო და საყვარელიც); რომელიც სულაც არ ჩამოუყვარდებოდა მესალინას თავისი ავხორცობითა და ძალაუფლებისადმი სწრაფვით. აი, როგორ მოხდა ეს:

ყველამ იცოდა რომში, რომ უნებისყოფო კლავდიუსი მეუღლის გარეშე ვერ გაძლებდა, რადგანაც მუდამ გვერდით უნდა ჰყოლოდა ის, ვის ნება-სურვილსაც სიამით აღასრულებდა; ვეღარც წარჩინებულთა მოდგმის ქალები ისვენებდნენ, იმპერატორისა გვრიგინი ყველას ხიბლავდა; კლავდიუსის რჩეული აზატები კი თავიანთ ფავორიტებს



ასახელებდნენ. იმპერატორი დაჰყვა პალასის რჩევას: თანამეცხედრედ აგრიპინა უნდა ესურვა. იგი კლავდიუსებისა და იულოუსების გვარს ერთმანეთთან დააკავშირებდა და საიმპერატორო კარს რომაელთა რჩეული გმირის, გერმანიკუსის შვილიშვილს დაუახლოვებდა. არც აგრიპინა იჯდა უმოქმედოდ. მან მოხიბლა და აცდუნა კიდევ დაქირავებული კლავდიუსი და მას შემდეგ გვერდიდან არ მოსცილებია. მაგრამ აქ ერთმა სირთულემ იჩინა თავი: აგრიპინა კლავდიუსის ლეიძლი ძმისშვილი იყო და ამიტომ ეს ქორწინება რომაელთა ადათ-წესების დარღვევად მიიჩნეოდა. აქ უკვე გააზატებულმა მრჩეულებმა იზრუნეს და დაარწმუნეს სენატორები, მივლით დადგენილება ბიძასა და ძმისწულს შორის ქორწინების კანონიერებების თაობაზე, რადგანაც ამას მოითხოვდა თურმე სახელმწიფოს ინტერესები. მაგრამ ყველაზე საოცარი ის იყო, რომ თავად ხალხი ევედრებოდა იმპერატორს, ცოლად შეერთო აგრიპინა. აი, ამაზე ვინ იზრუნა, არავინ იცის. არავინ იცოდა ისიც, თუ რა შედეგი მოჰყვებოდა ამ ქორწინებას. შედეგი კი საგაღალალო აღმოჩნდა როგორც თავად კლავდიუსისთვის, ასევე მთელი იმპერიისთვის, რადგან აგრიპინამ თან მოიყოლა თავისი შვილი პირველი ქმრისგან, ნერონი, რომელიც კომძარულ ფურცლებს ჩასწერს რომის ისტორიაში.

ქორწინება შედგა თუ არა, აგრიპინამ სახელმწიფოს მართვის ყველა სადავე ხელთ იგდო. მალე იგი თავისი დროის ყველაზე უფრო გავლენიან ქალად იქცა მთელ მსოფლიოში. ის განაგებდა მოხელეთა აპარატის საქმეებსაც და სახელმწიფო ხაზინასაც; ის წყვეტდა ადამიანთა ბედსაც. მან ყველაფერი იღონა, რათა თავისი შვილისათვის ტახტზე აღსაზევებელი გზა გაეთავისუფლებინა. ამ საშინელმა პიროვნებამ სამუდამოდ დაასამარა კლავდიუსის შვილების იმედები.

უნებისყოფო იმპერატორმა, აგრიპინას მცდელობით, ნერონი ჯერ თავის ქალიშვილ ოქტავიაზე დააქორწინა, შემდეგ იშვილა. როდესაც იმპერატორისა დარწმუნდა, რომ მის ვაჟს წინ ველარავინ აღუდგებოდა (ბრიტანიკუსი, იმიტომ რომ მესაღინას ნაშიერი იყო, ხალხს არ უყვარდა), თავის მეუღლეს საყვარელი შექმამდი, თეთრი სოკოები ლანგრით მიართვა. ოღონდ სოკოები მონამლული იყო. ეს მოხდა 54 წლის 13 ოქტომბერს. ამბობენ, რომ სანამლაგმა უეცრად არ იმოქმედა. საბრალო იმპერატორმა მთელი ღამე ინვალა და მხოლოდ გამთენიისას განუტევა სული. კლავდიუსს მდიდრული დაკრძალვა მოუწყვეს, ისეთი, როგორც ეს დიადი სახელმწიფოს იმპერატორს ეკადრებოდა. იგი, ტრადიციისამებრ, ღმერთადაც აღიარეს. გადმოგვცემენ, რომ მას ეს პატივი მოგვიანებით ნერონმა აჰყარა, ხოლო ვესპასიანუსმა დაუბრუნა. მოკლედ, კლავდიუსის ბედით თამაში მისი გარდაცვალების შემდეგაც არ შეწყვეტილა. იმასაც გადმოგვცემენ, თითქოს იმპერატორი თავისი აღსასრულის დღეს წინდანინ გრძნობდა: როდესაც იგი უკანასკნელად გამოცხადდა სენატში, უმოჩილესად სთხოვა სენატორებს, ყურადღება და სითბო არ მოეკლოთ მისი შვილებისათვის.



ნეჩონი

რომის იმპერატორი იულიუს-კლავდიუსთა

დინასტიიდან (ახ.37-68 წწ.)

რომს მართავდა 54-68 წლებში



კალიგულას დას, ყმანვილქალობიდანვე უზნეობით ცნობილ აგრიპინას, ნე-
რონი (ასეა ცნობილი კლავდიუს დრუსუს გერმანიკუს ნერო ქართულ ტრა-
დიციაში) შეეძინა პირველი ქმრისგან, გნიუს დომიტიუს აპენობარბუსისა-
გან, რომელიც ისტორიოგრაფოსთა აღიარებით, იყო ასევე „ყოველად უმსგავსო
ადამიანი“. მას ვერ იტანდნენ ახლობლები და ლაფს ასხამდნენ ჟამთააღმწერები.
აპენობარბუსმა თავისი კარიერა დაიწყო იულიუს კეისრის დროს, აღმოსავლეთის
პროვინციებში, მაგრამ გააზატებული მონის მოკვლის გამო თანამდებობა დატო-
ვა და რომში დაბრუნდა. აქაც ვერ დაიოკა თავი. გართობის მიზნით აპიუსის გზად
მიმავალ ყმანვილს ეტლით გადაუარა და ვილაც წარჩინებულს, მხოლოდ იმიტომ
რომ საყვედურობდა, თვალი ამოსთხარა. იგი ძარცვავდა მდიდრებსა და ასპარე-
ზობათა გამარჯვებულებს. მიუხედავად ამისა, იმპერატორ ტიბერიუსის დროს
აპენობარბუსმა არა მხოლოდ კონსულის, არამედ პრეტორის თანამდებობაც მიი-
ღო. თუმცა ახ.წ. 37 წელს იგი სისხლის აღრევისა და სამშობლოს ღალატის ბრალ-
დებით სამსჯავროს წინაშე წარსდგა. მოულოდნელად გარდაიცვალა ხანდაზმუ-
ლი ტიბერიუსი, რის გამოც აპენობარბუსის საქმე შეყოვნდა, ხოლო ახალმა იმპე-
რატორმა, კალიგულამ, იგი შეინყალა.

იმავე 37 წელს დაიბადა ნერონი. როდესაც მეგობრებმა ვაჟის შეძენა ახარეს
მამას, პასუხად მიიღეს: „ჩემი და აგრიპინას შვილი მხოლოდ ურჩხული თუ იქნება



და კაცთა მოდგმის მახარაიო". აპენობარბუსის წინასწარმეტყველება ახდა, თუმცა თავად ვაჟიშვილის დაბადებიდან სამი წლის შემდეგ გარდაიცვალა და მის ავკაცობას ვერ მოესწრო. სამაგიეროდ აგრიპინამ ნახა ბევრი რამ: თავდაპირველად იმპერატორმა კალიგულამ, რომელიც ძმაც იყო მისი და საყვარელიც, იგი რომიდან გააძევა. მხოლოდ კლავდიუსის მმართველობის უამს შეძლო აგრიპინამ შინ დაბრუნება. ეს ქედმაღალი, უმოწყალო, ვერაგი, დაუოკებელი და უზნეო ქალი შეპყრობილი იყო ძალაუფლებისადმი სწრაფვის მძაფრი წადილით. გადმოცემათა თანახმად, გამთენიისას დაბადებულ ნერონს ამომავალი მზის სხივი რომ არაუგვიანეს შეეხო, ვიდრე მინას, ვარსკვლავთმეტყველმა განაცხადა: „ეს ბავშვი ტახტზე აღზევდება და დედას მოკლავს!“ არც დაფიქრებულა აგრიპინა, ისე აღმოხდა: „დე მოკლას, ოლონდ იმეფოსო!“

48 წელს იმპერატორ კლავდიუსის მესამე ცოლი, მესალინა, ყოვლისმზილველი რომაელებისთვისაც კი საოცარი ღალატისა და გარყვნილებისთვის სიკვდილით დასაჯეს. იმპერატორისას ადგილის დასაკავებლად მრავალი დიდებული ქალბატონი იბრძოდა. მათ შორის იყო აგრიპინა, რომელიც, სარგებლობდა რა ნათესავის უფლებით, თავის ღვიძლ ბიძას ხშირად სტუმრობდა სასახლეში. ამ ურცხვმა ქალმა არად ჩააგდო რომაული ტრადიცია სისხლის აღრევას რომ კრძალავდა და უნებისყოფო კლავდიუსი მოხიბლა. როგორც გადმოგვცემს მემატინე: „იგი ჯერ კიდევ არ იყო ცოლი, ცოლის უფლებით რომ სარგებლობდა“ (ტაციტუსი, ანალები, XII, 1-3).

49 წელს კლავდიუსმა იქორწინა აგრიპინაზე. ამ დღიდან რომის იმპერიის მართვის სადავეები იმპერატორისას ხელთ აღმოჩნდება და, რა თქმა უნდა, შეიცვლება ნერონის ბედიც, რომელიც თავდაპირველად ასე უიღბლოდ წარიმართა: ვიდრე აგრიპინა რომიდან იყო გაძევებული, მემკვიდრეობაჩამორთმეული და უსახსროდ დარჩენილი მისი ვაჟი მამიდა ლეპიდას ოჯახში იზრდებოდა. მის მეურვეებად ითვლებოდნენ ბიძები, რომელთაგან ერთი მოცეკვავე იყო, მეორე კი დალაქი. ბავშვობაში ნერონი ხშირად მონაწილეობდა ტროულ ასპარეზობებში და დიდი წარმატებითაც. როდესაც კლავდიუსმა დაისაკუთრა რომის ტახტი და შეიწყალა აგრიპინა, მის ძეს მამის უკანონოდ ჩამორთმეული ქონება დაუბრუნა, მოგვიანებით კი თავის ქალიშვილ ოქტავიაზე დააქორწინა.

როგორც კი აგრიპინამ ხელთ ჩაიგდო ძალაუფლება, მის გასამყარებლადაც იზრუნა. ამიტომ იმასაც მაიღნია, რომ კლავდიუსს ნერონი აშვილებინა, მის განათლებაც იზრუნა და აღმზრდელად იმ დროისათვის უკვე სახელმორჩმული პოეტი და ფილოსოფოსი სენეკა მიიწვია. სენეკას კი სიზმრად უხილავს, თითქოს კალიგულას ზრდიდა. ეს სიზმარი რომ წინასწარმეტყველური იყო, მალე განცხადდა, რამეთუ ნერონმა თავიდანვე გამოამუღავნა ხასიათის კალიგულას მსგავსი სი-



სენეკა

სასტიკე და უმსგავსობა. დაიწყო იმით, რომ შეიძულა კლავდიუსის ძე, ბრიტანიკუსი, რომელიც მას, ჩვეულებრივ, აპნობარბუსად უხმობდა. ამის გამო ნერონი კლავდიუსის წინაშეც კი ამასხრებდა მას და დაცინვით ნაბუშარს უწოდებდა.

დადგა დრო და აგრიპინა თავისი შვილის აღზრდელ მამიდას, ლეპიდას დაუპირისპირდა. ისტორიოგრაფოსის თქმით, ისინი „ასაკით, გარეგნობითა თუ სიმდიდრით მცირედით თუ განსხვავდებოდნენ ერთმანეთისგან. ორთავ გარყენილი, სახელგატეხილი და ნაბილწული... გაცხარებით იბრძოდა ნერონის გამო.

ლეპიდას სურდა მისი ახალგაზრდული სული ალერსითა და საჩუქრებით მოეხიბლა. აგრიპინა კი, პირიქით, იყო მკაცრი და შეუვალი; შვილისთვის სურდა უმადლესი ძალაუფლება, მის მბრძანებლობას კი ვერაფრით ეგუებოდა“ (ტაციტუსი, ანალები, XII, 64). აგრიპინას დაჟინებული მოთხოვნით ლეპიდა სამსჯავროს წინაშე წარსდგა. წარბშეუხრელად იძლეოდა ნერონი მის წინააღმდეგ ცრუ-ჩვენებებს. ლეპიდას ჯადოქრობაში დასდეს ბრალი.

მალე კლავდიუსის ჩამოცილების ჟამიც დადგა. იმაზე, თუ როგორ მოწამლეს იგი, სხვადასხვაგვარად მოგვითხრობენ ჟამთააღმწერები. თუმცა არავის ეპარება ეჭვი იმაში, რომ კლავდიუსი აგრიპინამ გამოასალმა სიცოცხლეს.

ეს მოხდა 54 წლის 13 ოქტომბერს. ნერონი მხოლოდ 17 წლის იყო. შუადღის პირველი საათისათვის შეაბიჯა სასახლეში და კარიბჭის ზღურბლთანვე იხილა მის წინაშე ქედმობრილი წარჩინებულნი, რომლებმაც ტახტრევანით მიიყვანეს იგი ჯერ სამხედრო ბანაკში, სადაც სიტყვით მიმართა მოსაგრეებს, შემდეგ – სენატში. სენატიდან კი უკვე სალამოს გამოვიდა ნერონი შემოსილი მრავალი პატივით, რომელთაგან ერთად-ერთი, „სამშობლოს მამის“ წოდება არ მიიღო ახალგაზრდული ასაკის გამო.

თავისი მმართველობა ახალმა იმპერატორმა დაიწყო იმით, რომ მოყვასისადმი სიყვარული გამოავლინა: დიდებულად დაკრძალა კლავდიუსი და ღმერთად აღიარა; არ დაივიწყა თავისი მამაც, დომიტიუსი, რომლის ხსოვნასაც სათანადო პატივი მიაგო; აგრიპინას კი თავყვანი სცა და მრავალი საქმე მიანდო. ყოველნაირად ცდილობდა ნერონი ხალხის გულის მოგებას: ამცირებდა გადასახადებს, არიგებდა საჩუქრებს, ათავისუფლებდა მსჯავრდებულებს. ერთხელ, როდესაც სთხოვეს, ხელი მოეწერა ბრძანებაზე, რომელიც ვილაც დამნაშავეს დასჯას ითვალისწინებდა, დანანებით უთქვამს: „ო, ნეტა წერა არ მცოდნოდაო!“ როდესაც სენატს მისდამი მადლიერება გამოუხატავს, ახალგაზრდა იმპერატორს განუცხადებია: „მადლობა მე ჯერ უნდა დავიმსახურო!“



ნერონს იმპერიის გაფართოების არც სურვილი ჰქონია და არც იმედი. მხოლოდ ის შეძლო, რომ პონტოსა და ალპიური სამეფოები რომის პროვინციებად გამოაცხადა. იგი დარიალის ხეობაში სალაშქროდაც ემზადებოდა ალბანეთის და სხვა მიმდებარე მხარეთა დასაპყრობად. ველარც ეს შეძლო. სამაგიეროდ ბავშვობის ოცნება აღისრულა: სასახლის კარზე იმ დროისათვის სახელგანთქმული მუსიკოსი მიიწვია და გატაცებით დაიწყო კითარაზე დაკვრისა და სიმღერის ხელოვნების შესწავლა.

პირველად რომის იმპერატორმა ნეაპოლის სცენა ირჩია. მოხდა ისე, რომ მისი გამოსვლისთანავე თეატრი შეძრა მოულოდნელმა მიწისძვრამ. იგი სცენიდან არ ჩამოსულა, ვიდრე სიმღერა არ დაასრულა. მას მოსწონდა აპლოდისმენტები და იგონებდა ახალ ზემებებს ახლა უკვე რომის სცენაზე გამოსასვლელად. მან დაანწესა ისეთი ასპარეზობა, სადაც მსახიობები ერთმანეთს სიმღერაში ეჯიბრებოდნენ, ყოური კი გამარჯვებულს აჯილდოებდა. ნერონს მსახიობებთან ერთად სურდა გამოსვლა. რომის ისტორიაში ამ გაუგონარ მოვლენას მთელი სენატი წინ აღუდგა. მას შესთავაზეს გვირგვინი სიმღერასა და ორატორულ ხელოვნებაში გამარჯვებისთვის, რაც მას საერთო სახალხო შერცხვენისაგან იხსნიდა, მაგრამ ამაოდ. იმპერატორს მხოლოდ მსახიობობა სურდა. ბრბო ტაშს უკრავდა და იტულებით ისმენდა მის არც თუ ისე ოსტატურად შესრულებულ სიმღერებს „ორესტისის ვნებებზე“, „ოიდიპოსის დაბრმავებაზე“, „პერაკლეს სიგიჟეზე“. განათლებული მკითხველი იოლად მიხვდება, რომ ახლობელთა დახოცვისა თუ სისხლის აღრევის მოტივები ნერონს განსაკუთრებით ხიბლავდა.

რომის იმპერატორი საბერძნეთსაც ეწვია, რათა მუსიკალურ აგონებში მიეღო მონაწილეობა. იგი ყოველი გამოსვლის წინ ტრადიციით დადგენილ წესებს იცავდა, ჩვეულებრივი მომღერლების მსგავსად ღელავდა, შიშით უმზერდა მსაჯულებსაც, მეტოქეებსაც და ხშირად მათ მოსყიდვასაც ლამობდა. როდესაც ნერონი მღეროდა, თეატრს ვერავინ დატოვებდა, გამარჯვებულად საკუთარ თავს თავად აცხადებდა, წინამორბედ გვირგვინოსანთა ხსენებაც რომ არ ყოფილიყო, მათ ქანდაკებებს ამსხვრევდა და სახელებს შლიდა.

ნერონის კიდევ ერთი გატაცება მეეტლეთა ასპარეზობებში მონაწილეობა იყო. ოლიმპიაში იგი ისეთ ეტლსაც მართავდა, რომელშიც ათი ცხენი იყო შებმული. მართალია, ის გადმოვარდა, რის გამოც არენის დატოვება მოუხდა, მაგრამ გვირგვინი მაინც ხვდა წილად. ამ პატივისთვის ნერონმა მთელი პროვინცია გაათავისუფლა გადასახადებისგან, ხოლო მსაჯულებს რომის მოქალაქეობა უბოძა და დიდი ფულიც გადაუხადა. შემდეგ, ვით ავგუსტუსი ბრწყინვალედ მოგებული ბრძოლიდან, ისე დაბრუნდა რომში ტრიუმფით და გამარჯვების გვირგვინები თავის მოსასვენებელ ოთახში ჩამოიკიდა.



ასე თანდათან ეგუებოდნენ რომაელები მის სითავხედეს. მოგვიანებით გამოავლინა მან სიბილნე, გარყვნილება, სისასტიკე და ყველა ავი ზნე, რაც შეიძლება დაიძებნოს მოკვდავის სულში. შებინდებისას გადაცმული გამოდიოდა სასახლიდან და საათობით დაეხეტებოდა ქუჩებსა და ლამის დუქნებში. ერთობოდა იმით, რომ გზად შემოყრილებს ჭრიდა და ჩხვლელტდა, თუკი ვინმე წინააღმდეგობას გაუწევდა, არხში აგდებდა, დუქნებს ძარცვავდა, ნაძარცვი სასახლეში მიჰქონდა და იქ გამართულ სახელდახელო ბაზრობაზე ჰყიდდა, მონაგარი სასმელში იხარჯებოდა. იგი დღისითაც კი ილხენდა, თუნდაც დიდ ცირკში, სადაც მთელი იმპერიიდან თავმოყრილი მეძავეები და მროკავეები თავს ევლებოდნენ. და რაც სურდა, იმას იქმოდა: ცხოვრობდა თავისუფალ ყმანვილებთანაც, დაოჯახებულ ქალებთანაც; მან ვესტალისი რუბრიაც კი გააუპატიურა; გათავისუფლებული მონა აქტია კინალამ ცოლად მოიყვანა, აიძულა რა სენატორები დაედოთ ფიცი, რომ ეს აზატი ქალი მეფის მოდგმისა იყო; ლამაზი ბიჭი სპოროსი ქალად გამოაცხადა და ყველა წესის დაცვით ქორწილიც გადაიხადა, იმპერატორისას სამოსით შემოსა, ყველას თვალწინ ეფერებოდა და თან დაჰყავდა ტახტრევეანი; რომაელები ხუმრობდნენ: „ბედნიერები ვიქნებოდით, ნერონის მამას რომ ასეთი ცოლი ჰყოლოდაო!“

რომის მბრძანებლის სიბილნეს დასასრული აღარ უჩანდა. იგი დედასთანაც ლამობდა სასიყვარულო ქსელის გაბმას (ზოგიერთი ისტორიოგრაფოსი ამ უმსგავსობას თავად აგრიბინას მიაწერს: ტაციტუსი, ანალები, XIV), მაგრამ სენეკას ძალისხმევით გადაიფიქრა, ძალაუფლების დაკარგვის შიშმა დააფრთხო. თავისი სხეულიც არაერთგზის მიუცია სხვათათვის გასაუპატიურებლად. ბოლოს არნახული სიბილნე მოიგონა: ცხოველის ტყავში გახვეული გამოვარდებოდა ხოლმე გალიიდან, ბოძებზე მიბმულ შიშველ ქალებსა და კაცებს თავს ესხმოდა, ველურ სივეშეს რომ დაიცხრობდა, თავის აზატი დორიფოროსს უვარდებოდა მკლავებში და იმ ქალწულივით იქცეოდა, რომელსაც ის-ის იყო ნაშუსს ხდიდნენ. სწორედ ამ დორიფოროსს მისთხოვდა კიდეც ცოლად. ნერონი ღრმად იყო დარწმუნებული, რომ არ არსებობდა სინმინდე ამ ქვეყანაზე და რომ ყოველი ადამიანი თავის თავში ოსტატურად მალავდა სიბილნეს.


ფული, სიმდიდრე, მისი აზრით, მხოლოდ იმისთვის არსებობდა, რომ გაფლანგულიყო. გლადიატორებს, მუსიკოსებს, ტაშის დამკვრელებს, ნებისმიერს, ვინც კი მოსწონდა, დაუნანებლად უხდიდა ფულს, უძღვნიდა ვილებსა და მამულებს, ტრიუმფატორთა სასახლეებს; თავად ძვირფასი სამოსელით იმოსებოდა, თევზაობდა ოქროს ბადეებით... მაგრამ ყველაზე მეტად მდიდრული ნაგებობების შენებით ტყებოდა. პალატიუმისა და ესკვილიუმის ბორცვებს შორის უზარმაზარი სასახლე აღმართა, რომელშიც მოთავსებული იყო მინდვრები, ბაღები, ტბები, შად-



რენები, საძოვრები, ტყეები; მოსასვენებელი ოთახები დაფარული იყო ოქროთი, ძვირფასი თვლებით, მარგალიტებით; კედლებიდან იბნეოდა ყვავილები, იფრქვეოდა კეთილსურნელებანი; მთავარი დარბაზი იყო მრგვალი, მისი ვარსკვლავებიანი გუმბათი ზეცის თალივით ბრუნავდა; აბანოებში მლაშე და გოგირდიანი წყალი მოჩქეფდა... დასრულებული რომ უხილავს „ოქროს სასახლე“, – „აი, ახლა კი ვიცხოვრებო ადამიანურად!“ – უთქვამს ნერონს. კიდევ მრავალი წარმოუდგენელი მშენებლობა წამოიწყო იმპერატორმა. ხაზინა დაცარიელდა. ნერონმა ახლა ხელი მიჰყო სხვათა ქონების მითვისებას. „უნდა ვეცადოთ, რომ ალარავის ალარაფერი დარჩეს!“ – იმეორებდა იგი და ტაძრების ძარცვასაც არ ერიდებოდა.

რაც შეეხება მკვლელობებს, ყველაფერი კლავდიუსიდან დაიწყო. მართალია, წინამორბედი იმპერატორის მოწამელის იდეა ნერონს არ ეკუთვნოდა, მაგრამ მკვლელობა რომ მზადდებოდა, კარგად იცოდა. კლავდიუსის ძე ბრიტანიკუსი კი ნამდვილად თავად მოწამლა. უპირველეს ყოვლისა იმიტომ, რომ შურდა მისი (ბრიტანიკუსს კარგი ხმა ჰქონდა), ამასთანავე ტახტის კანონიერი მემკვიდრის შიშიც ჰქონდა. მოწამელის პირველი ცდა რომ უშედეგო აღმოჩნდა, ქალი, რომელმაც საწამლავე მოამზადა, სიკვდილით დასაჯა. სამაგიეროდ შემდეგ ისეთი შხამი შეასვეს ბრიტანიკუსს, რომ პირველი ყლუპითვე ამოხადეს სული.


შემდეგი მსხვერპლი აგრიპინა იყო. ნერონის მმართველობის მნიშვნელოვანი პერიოდი მის სახელს უკავშირდება. თავდაპირველად ახალგაზრდა და გამოუცდელი ნერონი თანახმა იყო ძალაუფლება დედასთან გაეყო, ამიტომ მას სახელმწიფო და პირადი საქმეები მიანდო. სიტუაცია შეიცვალა, როდესაც პრეტორიანელთა მთავარსარდალმა ბურუსმა და სენეკამ აგრიპინას წინააღმდეგ შეთქმულება მოაწყვეს, რითაც ნერონს აგრძნობინეს, რომ ძალაუფლების სადავეებთან იმპერატორისა იმყოფებოდა. იდგა 59 წელი. იმ დროისათვის თავად შვილსაც მოზეზრებოდა დედა, რომელიც მბრძანებლობდა და თანაც ხშირად ახსენებდა, თუ ვისი ძალისხმევით აღზევდა ტახტზე იგი – ნერონი! ამიტომაც მან დედის მეთვალყურეობიდან გამოსვლა სცადა. დაიწყო იმით, რომ ჯერ მისი პროფილი გააქრო მონეტებიდან, შემდეგ მცველები ჩამოაცილა, ბოლოს სასახლიდანაც გააძევა. არც სხვაგან აცალა მშვიდად ყოფნა, მიუჩინა კაცები, რომლებიც გამუდმებით დასცინოდნენ და მკვლელობით ემუქრებოდნენ. რამდენჯერმე მისი მოწამვლაც სცადა, მაგრამ უშედეგოდ. აგრიპინა შხამის საწინააღმდეგო წამლებს სვამდა. მაშინ მისი სანოლის თავზე მსახურებს ისეთი ჭერი დააკიდებინა, რომელიც სათანადო დროს უნდა ჩამოვარდნილიყო. შემდეგ კი გამოცხადდებოდა, რომ აგრიპინა უბედურმა შემთხვევამ იმსხვერპლა. მაგრამ მოხდა ისე, რომ შეთქმულებმა საიდუმლო ვერ შეინახეს. ისევ გადარჩა აგრიპინა. ბო-



ლოს მისი ზღვაში დაღუპვა განიზრახა. თავაზიანი წერილით ბაიეში გამართულ ზეიმზე მიიპატიჟა. ვიდრე იმპერატორისა სანადიმოდ გაშლილ სუფრასთან იჯდა, მისი გემის დაზიანების ბრძანება გასცა. ხოლო როდესაც აგრიპინა გასამგ ზავრებულად გაემზადა, შესთავაზა სახელდახელოდ აგებული ხომალდი, რომელიც გაშლილ ზღვაში გასვლისთანავე უნდა ჩაძირულიყო. დედას ალერსით მკერდზე ეამბორა, დაემშვიდობა, თავის ოთახში ჩაიკეტა და ამბის მომტანს მოუთმენლად უნყო ლოდინი. ამბავი კი ასეთი იყო: აგრიპინა ისევ გადარჩა და აი, როგორ: ხომალდის რყევისას იმპერატორისას კაიუტის ტყვიით ნაკეთი ჭერი კი ჩამოიქცა, მაგრამ იგი სანოლის მალაღმა კედლებმა შეაკავეს. არ დაიშალა ხომალდის ძირიც. ამიტომ მან ჩაძირვა კი არ ინყო, არამედ გვერდზე გადაიხარა. აგრიპინა და მისი მზევალი ნყალში ჩაცურდნენ. მზევალი ქალი შეშინდა და ინყო ყვირილი: „მიშველეთ, იმპერატორის დედა ვარო!“ იფიქრა, ალბათ ასე უფრო გადავრჩებო, მაგრამ მოტყუედა. შეთქმულებმა ნიჩბებით ჩაკლეს. აგრიპინამ კი, რომელიც გრძობდა მის თავს დატეხილ უბედობას, ჩუმად გაცურა, მეთევზეთა ნავსაც მიაგნო და სამშვიდობოს გააღწია. შემდეგ უკანასკნელ ხერხს მიმართა: თავი ისე დაიჭირა, თითქოს ვერაფერს მიხვდა, შვილთან კი მაცნე გააგზავნა თავისი გადარჩენის ამბის საუწყებლად. დაიბნა იმპერატორი. ყოვლად უმსგავსო ხერხს მიმართა: მოიგონა, თითქოს ეს მაცნე დედოფალმა მის მოსაკვლავად მოავლინა და რომ ამხილეს, სასონარკვეთილმა თავად მოიხსნაფა სიცოცხლე. სინამდვილეში კი ნერონმა დედას მკვლელები (ისინი მაღალი თანამდებობის პირებიც იყვნენ) მიუგზავნა. მათ აგრიპინა თავის ოთახში ელოდებოდა. როდესაც ისინი მის სარეცელთან განლაგდნენ, იმპერატორისამ მუცელი გაიშპვლა და შესძახა: „საშოში ჩამცხეთ!“ რითაც იმაზე მიანიშნა, რომ დედის მკვლეელი შვილი ამ ქვეყნად არ უნდა შობილიყო (ტაციტუსი, ანალები, XIV, 8).

უფრო საშინელ ამბებსაც გადმოგვცემენ: თითქოს იმპერატორმა თავად მიირბინა იარებით დასახიჩრებელი დედის სარეცელთან, დაათვალიერა გვამი და შესძახა: „მე არ მეგონა, თუ ასეთი ლამაზი დედა მყავდაო!“ (დიო კასიუსი, 61, 14). შემდეგ სასმელი მოითხოვა და უგონოდ დათვრა. თუმცა სენატმაც, ხალხმაც და ჯარმაც ეს ამბავი აუღელვებლად მიიღო, ნერონს სიცოცხლის ბოლომდე სინდისი ქენჯნიდა. მას ხშირად ეჩვენებოდა, რომ დასდევდა დედის აჩრდილი, მასთან მძვინვარე ფურიების, მოგიზგიზე ჩირალდნებს რომ ახრჩოლებდნენ. ასე ტრაგიკულად დასრულდა რომის ისტორიაშიც კი გაუგონარი ბრძოლა დედასა და შვილს შორის.

ნერონმა რომის სენატს გაუგზავნა უსტარი, სადაც აგრიპინას ადნაშაულებდა იმპერატორის მკვლელობის მცდელობასა და ძალაუფლების მიტაცებაში, თან უნამუსოდ აცხადებდა, რომ იგი თავისი ნებით გამოესალმა სიცოცხლეს. ამ უმსგავსო წერილის ტექსტი ნერონისათვის თავად სენეკას შეუდგენია.



მიღწეული გამარჯვებითა და ხალხის მონური მხარდაჭერით თავალებული იმპერატორი რომში დაბრუნდა და თავდავინწყებით მიეცა მის სულში დაბუდებულ ყოველგვარ ვნებას, რომელსაც აქომამდის აოკებინებდა დედისადმი თუნდაც მცირედი ბორიდება. ახლა უკვე იგი აღვირახსნილი ბოროტების იმ გზას დაადგა, რომელმაც იულიუს-კლავდიუსთან საუკუნოვან ბატონობას რომში ძირი გამოაცალა.

თუკი თავისი მმართველობის დასაწყისში ნერონი საზოგადოებრივ აზრს ანგარიშს უწევდა, ახლა უკვე მისთვის აღარაფერი დარჩა წმინდა. დედის მკვლელობის შემდეგ იგი ხანდაზმულ გამზრდელ მამიდას ეწვია, ლოგინად რომ ჩავარდნილიყო. მისი ბრძანებით იქვე ამოხადეს ლეპიდას სული. მის ქონებას კი თავად დაეპატრონა და რამე რომ არ დაეკარგა, ანდერძი გააქრო.

ახლმა ნერონმა თავისი ცოლის, ოქტავიას თავიდან მოცილება განიზრახა. ოქტავია კლავდიუსის ასული იყო და თავისი სათნოების გამო საზოგადოებაში დიდი სიყვარულით სარგებლობდა. 62 წელს ნერონის ბრძანებით იგი მეძაბოაში დაადანაშაულეს, რომიდან გააძევეს და მოკლეს. ეს ამბავი ასახულია ჩვენამდე „ოქტავიას“ სათაურით მოღწეულ ტრაგედიაში, რომლის ავტორადაც სენეკას მიიჩნევენ.

ოქტავიას შემდეგ ნერონმა ორგზის იქორწინა. თავდაპირველად პოპეა საბინაზე, რომელსაც ტაციტუსის თქმით, „არაფერი აკლდა, გარდა სულიერი სინმინდისა“ (ანალები, XIII, 45). ოქტავიას გარდაცვალებიდან მეთორმეტე დღეს დაისვა იმპერატორმა თავის ტახტზე ეს მშვენიერი, მაგრამ უზნეო, უღმობელი და ფარისეველი ქალი, რომელიც თავდავინწყებით უყვარდა. თუმცა სამი წლის შემდეგ შემოაკვდა. ავადმყოფი და ფეხძიმე ქალი ჩანისხლა მხოლოდ იმიტომ, რომ მისგან შინ გვიან მოსვლის საყვედური ვერ აიტანა.

სტატილია მესალინას, რომლის ცოლად მოყვანაც ისურვა შემდეგ ნერონმა, ქმარი მოუკლა. თუმცა ყველაზე მეტად მაინც აზატი ქალი აქტა უყვარდა, რომელიც სიკვდილამდე მისი ერთგული იყო.

ერთხელ ცის თაღზე კუდიანი ვარსკვლავი გამოჩნდა. რომაელების რწმენით, ეს მეფეთა გარდაცვალების ნიშანი იყო. მაშინ ნერონმა ბედის შემობრუნება განიზრახა: თავის სიკვდილს სხვათა სიკვდილი ამჯობინა. მან სახელმწიფოს თითო ქმის ყველა მაღალი თანამდებობის პირი და სახელოვანი კაცი გამოასალმა სიცოცხლეს. ის არ ინდობდა არც ახლობელს, არც ახალგაზრდას და არც ხანდაზმულს. კვდებოდა ყველა, ვინც იმპერატორს თვალში არ მოუვიდოდა. მათ შორის იყო ოდესლაც ყოვლისშემძლე პალასი, რომელმაც ნერონს ძალაუფლებისაკენ გზა გაუკაფა. იმპერატორმა მისი მონაშვლის ბრძანება გასცა. იმავე წელს ყელის სიმსივნით გარდაიცვალა პრეტორიანელთა მთავარსარდალი ბურუსი, რომელიც ცდილობდა აღვირახსნილი იმპერატორის მოთოკვას, თუმცა ამაოდ. ყველა თვლიდა,



რომ პალასიკით მასაც შხამი მიაღებინეს. თავისი აღმზრდელი სენეკაც კი აიძულა ნერონმა, რომს გაცლოდა. სიცოცხლე რომ შეენარჩუნებინა, ხანდაზმულმა და ჭკვიანმა ფილოსოფოსმა მთელი თავისი მონაგარი მას უანდერძა და მეუღლესთან ერთად პროვინციაში განმარტოვდა.

62 წლიდან ყველაზე გავლენიან პირად სასახლის კარზე სოფონიუს ტიგელინუსი აღმოჩნდება, „ბნელი წარსულის კაცი, რომელმაც ახალგაზრდობა გაატარა სიბინძურეში, ხოლო სიბერე – უნამუსობაში“, – იტყვის მოგვიანებით ტაციტუსი (ისტორია, I, 72). ისედაც მეგალომანიით დაავადებულ ნერონს ის აქეზებდა და არნახული ბოროტების მორევში ითრევდა. იმპერატორი აღარც თავის ხალხს სწყალობდა და აღარც ქალაქს. ერთხელ ვილაცას მასთან საუბრისას უთქვამს: „მე რომ მოვკვდები, ცეცხლს წაულია ეს ქვეყანაო!“ ნერონმა იქვე შეანწყვეტინა ამ სიტყვებით: „ჯერ მოიცადე, მე ცოცხალი ვარ!“ რა საოცრება დატრიალდა იმ წამს მის სულში, არავინ იცის. არავინ იცის, როგორ აბრიალდა დიდ ცირკთან ცეცხლი, რომელიც მალე მთელ რომს მოედო. აღმოდებულ ქალაქს ნერონი ესკვილინუმის ბორცვზე აღმართული კოშკიდან უმზერდა და თეატრალურ სამოსში გამოწყობილი მღეროდა მის მიერ შეთხზულ ტრაგედიას სახელწოდებით „ტროას დამსობა“.

ხალხში ხმა დაირხა, რომ ქალაქი ნერონმა გადაწვა, რათა ძველი რომის ნაცულად აღეშენებინა ახალი, რომელსაც ნეროპოლისი დაერქმეოდა. მაგრამ იმპერატორი უარყოფდა ამ ბრალდებას, მომხდარში ქრისტიანებს ადანაშაულებდა და უსასტიკესი სიკვდილით სჯიდა. ასე დაიწყო ისტორიაში პირველად ქრისტიანთა დევნა.

ამ უბედურებებს, რომელიც ნერონმა დაატეხა თავს იმპერიას, დაერთო სხვაც: უამიანობა, რომელმაც მხოლოდ შემოდგომისას 30 ათასი ადამიანი იმსხვერპლა; ამ ბოხებები პროვინციებში და რომაელთა ლეგიონების სამარცხვინო დამარცხებები.

ასე რომ, 64 წლის ხანძარი რომში საყოველთაო ქაოსის სიმბოლოდ იქცა. ბოლოს და ბოლოს ხალხმა ნერონის თავიდან მოცილება განიზრახა. 65 წელს მოეწყო შეთქმულება გაიუს კალპურნიუს პისოს მეთაურობით, მაგრამ ტიგელინუსმა მოახერხა მისი მხილება. სიკვდილმისჯლითა წუსხა დღითიღლე იზრდებოდა. მათ შორის აღმოჩნდა სახელოვანი სენეკაც, რომელიც იძულებული გახდა, თავი მოეკლა.

ნერონმა საბერძნეთისკენ აიღო გეზი, მაგრამ სახალხო მღელვარებისა და მარაგის უქონლობის გამო იძულებული შეიქნა 68 წელს ისევ რომში დაბრუნებულიყო. საყოველთაო სიძულვილისდა მიუხედავად თავისი ცხოვრების ნირს არ იცვლიდა იმპერატორი, არც მოახლოებულ საფრთხეს იმჩნევდა. მარტის თვეში გალიის მმართველი ალსდგა მის წინააღმდეგ, მალე სხვა პროვინციებმაც მოითხოვეს ნერონის ჩამოგდება ტახტიდან. ტიგელინუსი ლოგინად ჩავარდა, მის გარეშე კი



ველარაფერი მოიმოქმედა იმპერატორმა, საყოველთაო მლელვარება რომ დაეცხრო. ხალხს სძულდა იგი და აშკარად შეურაცხყოფდა. ქუჩებში მის ქანდაკებებს სამარცხვინო წარწერებით ამკობდნენ ანდა ამსხვრევდნენ... გარემომცველთაგან მოძულებულ ნერონს მოჩვენებებიც არ ასვენებდნენ. ერთხელ, შუალამისა გამოღვიძებულმა დაინახა, რომ მცველებიც აღარ იყვნენ მის მახლობლად. შემოიარა ოთახები, მსახურებიც კი გაქცეულიყვნენ თავიანთი ქვეშაგებებით. ბოლოს ნერონმა გლადიატორს ან რომელიმე სულიერს დაუნყო ძებნა, რომ მისი ხელით მომკვდარიყო. „არც მეგობარი აღარა მყავს და აღარც მკვლელი?!“ – ამ სიტყვებით ის სასახლიდან გამოვარდა. როგორც იქნა იპოვა აზატი ფაონი, რომელმაც შესთავაზა თავისი მამული, რომიდან რომ ოთხი მილის მანძილზე მდებარეობდა. ფეხშიშველი და მხოლოდ მოსასახამოსხმული ნერონი ცხენს მოახტა. იმ წამს იელვა და მიწაც იძრა. ძრწოლამ მოიცვა ისედაც თავგზაბნეული მხედარი. ფაონის მამულს რომ მიუახლოვდა, წყალი მოსწყურდა. იქვე, გუბედან მიანოდეს „ესეც ნერონის სასმელიო!“ – თქვა და დალია.

ფაონს თან სამი მსახური ახლდა. რომის იმპერატორი რაღაც მიწურში შეიყვანეს და სთხოვეს, რაც შეიძლება მალე მოეცილებინა თავიდან მოსალოდნელი უბედურება. ნერონი ითხოვდა მის თვალწინ აეღოთ ზომები, ამოეთხარათ საფლავი, შემოეტანათ მარმარილოს ნამსხვრევები და სხვა ნივთები, რაც მისი ნეშტის საპატრონოდ იყო საჭირო. ყოველი ბრძანების გაცემისას თრთოდა და განუწყვეტლივ იმეორებდა: „რა დიდებული მსახიობი კვდებაო!“ ვიდრე დროს ახანგრძლივებდა, ფაონს წერილი შემოუტანეს. თავად გახსნა და წაიკითხა: სენატმა იგი ხალხის მტრად გამოაცხადა, რის გამოც წინაპართა ადათისამებრ უნდა დასჯილიყო. სასჯელის წესი რომ იკითხა, ამცნეს: გააშიშვლებდნენ, თავზე მარწუხებს მოუჭერდნენ და როზგებით სულს ამოხდიდნენ. შეძრწუნებულმა ორი მახვილი იშიშვლა, პირი მოუსინჯა, შემდეგ დამალა, თავს იმართლებდა, საბედისწერო წამი ჯერ კიდევ არ დამდგარაო. ხან თავის მსახურს უხმობდა საშველად, ხანაც თავის თავს მიმართავდა: „საზარლად ვიქცევი, სამარცხვინოდ, ისე, ნერონს რომ არ შეპფერის! გონს უნდა ვუხზო ამ დროს, აბა, გამაგრდი!“ მალე ცხენების ფეხის ხმაც ესმა და თავისი მრჩევლის, ეპაფროდიტოსის დახმარებით მახვილი ყელში გაიჩხორა. ჯერ კიდევ სუნთქავდა, როდესაც მიწურში შემოვარდა კენტურიონი, რომელმაც მოსახამი ისე შემოახვია, თითქოს მიშველებას ლამობდა. „დაგაგვიანდა! ერთგულეობაც ამას ჰქვია!“ – ესლა აღმოხდა და სული განუტყევა. თვალები გაუშტერდა და გადმოეკარკლა. შემზარავი სანახავი იყო რომის ოდესღაც ყოვლისშემძლე იმპერატორი. ეს მოხდა 68 წლის 7 ივნისს.



გადმოგვცემენ, რომ სიცოცხლეში ნერონს სახე უფრო ლამაზი ჰქონდა, ვიდრე მოშიბლავი; თვალები ნაცრისფერი და ოდნავ ახლომხედველი; თმები მწითური, ტალღოვანი, ზოგჯერ კისერზე ჩამოზრდილი; ტანად საშუალო სიმაღლის იყო, სხეულზე ცუდი სუნი სდიოდა; ჰქონდა მსხვილი კისერი, წინ წამოწეული მუცელი და ძლიერ წერილი ფეხები; ჯანმრთელი იყო და იშვიათად ავადმყოფობდა.

ბავშვობიდანვე დაეუფლა იგი კეთილშობილ მეცნიერებებს. ფილოსოფიას აარიდა მხოლოდ დედამ, რომელიც შთააგონებდა, რომ იმპერიის მბრძანებელს იგი ხელს შეუშლიდა. ძველ ორატორთა შესწავლისგან სენეკამ იხსნა, რადგანაც სურდა, რომ მხოლოდ მისი მოძღვრება სცოდნოდა ყმანვილს. სამაგიეროდ ნერონს ლექსების თხზვა ეიოლებოდა. თუმცა ყველაზე მეტად წარმატებათა მოპოვების ყინით იწვოდა, რომელსაც ბრძოლისას მოპოვებული გამარჯვებებითა და ტრიუმფებით კი არა, სცენასა თუ არენაზე გამოსვლით იკმაყოფილებდა. ნერონს არად უღირდა სახელმწიფო საქმეები და ისე იქცევოდა, თითქოსდა მთელი სამყარო მის საამებლად არსებობდა. იგი ოცდათორმეტი წლის ასაკში გარდაიცვალა, სწორედ იმ დღეს, როდესაც მოკლა ოქტავია. ნერონი პირველი იმპერატორი იყო, რომელსაც სიცოცხლეშივე ჩამოართვეს ძალაუფლება. სენატმა იგი შეაჩვენა და უარი თქვა მის პომპეზურ დაკრძალვაზე. გაღმერთებაზე საუბარიც ზედმეტი იყო. იულიუს-კლავდიუსთან საუკუნოვანი მბრძანებლობა წარსულს ჩაბარდა.

რომის ისტორიის ამ კომმარულ დროს რომ აღწერდა, ისტორიოგრაფოსი ტაციტუსი წერდა: „მონური მოთმინება და ქვეყნის შიგნით დაღვრილი სისხლი თრგუნავენ სულს და მწუხარებით ბორკავენ“ (ანალები, XVI, 16). სხვა თხზულებაში კი მრავალმნიშვნელოვნად აღნიშნავდა: „იცოდეს ყველამ, ვისაც ჩვევად აქვს არსებული ხელისუფლების მიმართ გაუმართლებელი სითამამით გამოხატოს აღფრთოვანება, რომ უმსგავსო იმპერატორების დროსაც კი შესაძლებელია ცხოვრობდნენ სახელოვანი ადამიანები, რომ მორჩილებითა და თავდადებული შრომით მოპოვებული დიდება ღირსია არა ნაკლები პატივისა, ვიდრე მოქმედების თავისუფლებითა და შთამბეჭდავი, თუმცა სახელმწიფოსთვის სრულიად უაზრო თავგანწირვით მოპოვებული დიდება“ (აგრიპინა, 42).





ვესპასიანუსი

ფლავიუსთა დინასტიის

ღამფუჰნაბელი

(ახ. 9-79 წწ.)

რომს მართავდა 69-79 წლებში



საყოველთაო აღფრთოვანება, ნერონის სიკვდილმა რომ გამოიწვია, მალე მიწაზე დაეწვინა. 68-69 წლები რომის ისტორიაში დაძაბული და სისხლიანი აღმოჩნდა. ამ პერიოდის ამბებს რომ აღწერს ტაციტუსი, აღნიშნავს: „ეს იყო დრო აღსაქმე უბედურებებით, სასტიკი ბრძოლებით, ამბოხებებითა და უმონყალო შურისძიებით... თავდაპირველად ნერონის სიკვდილს გრანდიოზული სიხარულითა და ზარ-ზეიმით შეხედნენ. მაგრამ სულ მალე განსხვავებული გრძნობები დაეუფლათ სენატორებსაც, ხალხსაც, პრეტორიანელებსაც, ლეგიონებსაც და მთავარ სარდლებსაც, რამეთუ განცხადდა პრინციპსის ხელისუფლების სათავეში მოსვლის საიდუმლო – აღმოჩნდა, რომ პირველ სახელმწიფო პირს მხოლოდ რომში აღარ ირჩევდნენ“ (ისტორია, 1, 2-4).

ერთი წლის განმავლობაში საიმპერატორო ტახტზე ოთხი პრინციპსი შეიცვალა. მათ შორის ტიტუს ფლავიუს ვესპასიანუსი იყო ბოლო. მან ძალაუფლების შენარჩუნებით დაამტკიცა, რომ უზარმაზარი სახელმწიფოს პირველ კაცად (პრინციპსად) შეიძლებოდა გამხდარიყო ადამიანი, რომელიც არც მოდგმით იყო სახელოვანი, არც სიმდიდრით და არც თავისი უაღრესობით. ვესპასიანუსს არც უბრძოლია ძალაუფლების ხელში ჩასაგდებად. თუმცა იმპერატორობის იმედის ნაპერწკალი ბავშვობიდან ღვივოდა მის სულში. იმედი მამამ შთააგონა და აი, როგორ: ფლავიუსთა მამულში ხარობდა მარსისადმი მიძღვნილი მუხა. ტიტუსის დე-



დამ, ვესპასიამ სამგზის იმშობიარა და ყოველ ჯერზე ამ მუხას ახალი ყლორტი ამოსდიოდა. პირველი ყლორტი სუსტი იყო და მალე გახმა. მართლაც, პირველად ვესპასიამ შვა გოგონა, რომელსაც ერთი წელიც არ უტოცხლია. მეორე ყლორტი გრძლად გაიზარდა, ხოლო მესამე, ტიტუსის დაბადებისთანავე რომ აღმოცენდა, ხეს დაემსგავსა. ამ უწყებით გახარებულმა მამამ, საბინუსმა, საკუთარ დედას განუცხადა, რომ მისი შვილიშვილი კეისარი გახდებოდა. ამაზე ხანდაზუმლმა ქალმა კარგად იცინა და მიუგო, რომ თავად ჯერ კიდევ აზროვნებდა, აი საბინუსი კი, გონებას გადამცდარიყო. იმხანად რომის მომავალი იმპერატორის მამა ბაჟის ამლებად მუშაობდა აზიის ერთ-ერთ რომაულ პროვინციაში და ისეთი პატივით სარგებლობდა, რომ იქაურებმა ქანდაკებაც კი აღუმართეს წარწერით: „სამართლიან მებაჟეს“. იგი ადრე გარდაიცვალა. დაქვრივებულ ვესპასია პოლას ორი ვაჟი დარჩა. მათგან უმცროსი, ვესპასიანუსი, დიდედის (მამის დედის) სახლში აღიზარდა.

ახალგაზრდული წლები ტიტუს ფლავიუსმა სამხედრო მოღვაწეობას მიუძღვნა. თავდაპირველად იგი თრაკიაში განლაგებულ რომაულ ჯარში მსახურობდა, შემდეგ კრეტისა და კირენის გამგებელი იყო, მთავარსარდლობდა ლეგიონებს გერმანიაში. განსაკუთრებით გამოიჩინა თავი ბრიტანეთში, სადაც ოცდაათი ბრძოლის მონაწილემ ორი ძღვევამოსილი ტომი და ოცზე მეტი სოფელი დაიმორჩილა. ამ გამარჯვებებით მან ტრიუმფი დაიმსახურა. 51 წელს იგი კონსულად აირჩიეს.

ვესპასიანუსის ამ წარმატებებზე რომ საუბრობენ ისტორიოგრაფოსები, მისი ხასიათისა თუ ბუნების კეთილ ზნეზეც მიუთითებენ: „თავისი ენერგიულობის, გონიერების, წინდახედულების, სიფრთხილისა და უბრალოების წყალობით ვესპასიანუსმა მშვიდობით განვლო მძინვარე კალიგულას, უნებისყოფო კლავდიუსისა და გონგარდასული ნერონის მბრძანებლობათა უმძიმესი დრო“, – აღნიშნავენ ისინი და საიმპერატორო კარზე მის მფარველად ასახელებენ ნარკისუსს, ერთ-ერთს იმ სამ ძალმოსილ აზატთაგან, რომლებიც არსებითად განაგებდნენ იმპერიის საქმეებს უნიათო კლავდიუსის უამს. მაგრამ ამ ნარკისუსმა ნერონის უზნეო და შეუბრალებელი დედის, აგრიპინას რისხვა დაიმსახურა. მაშინ ვესპასიანუსი, ვითარცა გონიერი და წინდახედული კაცი, ვერაგი იმპერატორისას თვალსაწიერიდან გაქრა და მხოლოდ მაშინ დაუბრუნდა სახელმწიფო საქმეებს, როდესაც ნერონმა იგი სიცოცხლეს გაპოასალა. ვესპასიანუსი აფრიკაში განაწესეს ერთ-ერთი პროვინციის მმართველად. იქ ვერ გამდიდრდა, რომში დაბრუნდა, ღვიძლ ძმას მამული მიაგირავა და ჯორებით ვაჭრობას მიჰყო ხელი, მიუხედავად იმისა, რომ ეს საქმე მისი საკადრისი სულაც არ იყო. ამის გამო ხალხში „მეჯორეს“ სახელიც კი დაიმკვიდრა.

66 წლისათვის ვესპასიანუსი იმპერატორ ნერონის კარის მსახურთა შორის აღმოჩნდება და მასთან ერთად საბერძნეთში გაემგზავრება „საგასტროლო ტურნე-



ში“ მონაწილეობის მისაღებად. მაგრამ აქაც უმტყუნებს ბედი. ერთ-ერთი წარმოდგენისას ამფითეატრში მჯდომს ჩაეძინება, რის გამოც თანამდებობის დატოვება მოუწევს, თუმცა გონს მოუხმობს და ერთ პატარა ქალაქში მიიმალება.

ვესპასიანუსის გაოცებას საზღვარი არ ჰქონდა, როდესაც 66 წელს რომაულ იუდეაში ამბოხების ჩასახშობად უხმეს და რამდენიმე ლეგიონის მთავარსარდლად დანიშნეს. ორი წელი მოანდომა ვესპასიანუსმა იუდეის დამორჩილებას. მხოლოდ იერუსალიმი იდგა მყარად. ვესპასიანუსი შეგნებულად არ ჩქარობდა და ომს მოწყურებულ მებრძოლებს ასე ამშვიდებდა: „ჩემზე ბრძენი მთავარსარდალი მხოლოდ ღმერთია, რომელსაც სურს იუდეა რომს ყოველგვარი დაძაბულობის გარეშე უძლვნას და ჩვენს ჯარს იოლი გამარჯვება არგუნოს. ვიდრე მოქიშპეები საკუთარი ხელებით ანადგურებენ ერთმანეთს, ვიდრე მათ ლუპავს უსაშინლესი ბოროტება – შინა ომი, უმჯობესია მშვიდად ვუყუროთ ამ საშინელებას და არ შევებათ იმ ადამიანებს, რომლებიც სიკვდილს ეძიებენ და უმონწყალოდ ეომებიან ერთმანეთს. თავშეკავებას და საზრიან მოქმედებას თან სდევს ისეთივე დიდება, როგორიც ბრძოლით მოპოვებულ გამარჯვებას. და ვიდრე მტერი უძლურდება, ჩემი ლაშქარი ომის ჯაფისგან დაისვენებს, ძალას მოიკრებს... ასე რომ, საბოლოო გამარჯვებისთვის უმჯობესია ერთმანეთზე მივუშვათ ერთმანეთის მომსვრელი ხალხი“ (იოსებ ფლავიუსი, იუდევეური ამბები, 4, 6, 2).


ვესპასიანუსი დროს იგებდა, რადგანაც გრძნობდა, რომ თავად რომიც შინაური აშლილობის წინაშე იდგა. რომაელ მთავარსარდალთაგან იგი ერთადერთი აღმოჩნდა, რომელმაც ზუსტად შეაფასა შექმნილი მდგომარეობა, შეძლო დიდი ხნით განზე დგომა, არ ჩაერთო რა აშკარად იმ ბრძოლაში, რომელმაც ნერონის უმსგავსო მმართველობას ბოლო მოუღო.

ვესპასიანუსი მშვიდად ემზადებოდა იერუსალიმის დასალაშქრად, მაგრამ შეიტყო თუ არა ნერონის გარდაცვალების ამბავი, ბრძოლა შეწყვიტა.

რომი საკუთარი ჯარის ტყვეობაში აღმოჩნდა.

ნერონმა მაშინ მოიკლა თავი, როდესაც ესპანეთისა და გალიის ლეგიონებმა იმპერატორად ალიარეს სერვიუს სულპიციუს გალბა. იგი ესპანეთის პროვინციას განაგებდა და ნერონის წინააღმდეგ მოწყობილი შეთქმულების მონაწილე იყო. მის ტახტზე აღზევებას მხარს უჭერდა გალიის მმართველი და, რაც მთავარია, პრეტორიანელთა გვარდია.

გალბამ 68 წლის მინურულისთვის ჩააღწია რომში, სადაც ისე აირია ყველაფერი, რომ სენატორებს სანატრელი გაუხდათ ნერონის დრო. უკვე 72 წელს მიღწეულმა, მძიმე და უხეში ბუნების იმპერატორმა მრავალი შეცდომა დაუშვა. განსაკუთრებით განარისხა პრეტორიანელები, რადგანაც არ გადაუხადა ნერონის წი-




ნააღმდეგ მონყობილი შეთქმულების ყამს შეპირებული ფული. „მე ჩემს მებრძოლებს ვაგროვებ, კი არ ვყიდულობ!“ – განაცხადა მან და შეენირა კიდეც ამ სიტყვებს. 69 წლის 15 იანვარს იმედგაცრუებულმა პრეტორიანელებმა ის მოკლეს და თავის იმპერატორად დაასახელეს 37 წლის მარკუს სალვიუს ოტო, რომელმაც მზაკვრობითა და გაიძვერობით ჯერ ნერონის ყურადღება დაიმსახურა, მონანილოვბდა რა მასთან ერთად უმსგავსო ორგიებში, შემდეგ გალბასი. თავდაპირველად ოტოს იმედი ჰქონდა, რომ ეს უშვილო და ხანდაზმული იმპერატორი მას იშვილებდა, მაგრამ ასე რომ არ მოხდა, სახელმწიფო გადატრიალება მოაწყო. ტაციტუსის ცნობით, ოტო დაუკავშირდა გალბას ორ პირად მცველს, „შინ მიიწვია, საჩუქრებითა და დაპირებებით თავგზა აუბნია, ბოლოს სხვათა გადმოსაბირებელი ფულიც კი მისცა. და აი, ამ ორმა მეომარმა რომის იმპერიის ერთი ხელიდან მეორეში გადაცემა განიზრახა, რაც ალასრულეს კიდეც“ (ისტორია, 1, 25).

გალბას სიკვდილადე რამდენიმე დღით ადრე (2 იანვარს) გერმანიაში განლაგებულმა ლეგიონებმა თავის იმპერატორად ვიტელიუსი გამოაცხადეს. ძალაუფლების ხელში ჩაგდების მიზნით იგი რომისკენ დაიძრა. ასე დაიწყო სისხლისმღვრელი სამოქალაქო ომი.

ვესპასიანუსი და სირიის გამგებელი მუტიანუსი სიმშვიდეს ინარჩუნებდნენ. ისინი ასე სჯიდნენ: „გამარჯვებულნი და დამარცხებულნი სამოქალაქო ომში დიდი ხნით ვერ ეგუებიან ერთმანეთს. იმაზე ფიქრს, თუ ვინ აღმოჩნდება ძალაუფლების სათავეში – ვიტელიუსი თუ ოტო – აზრი არა აქვს. გაიმარჯვებენ თუ არა, სახელოვანი მთავარსარდლებიც კი უგუნურად იქცევიან. ხოლო ეს ორი ბედოვლათი, ზარმაცი და თავაშვებული, ძალიან მალე დაიღუპება. ერთი იმიტომ, რომ დამარცხდა, მეორე – გამარჯვებას შეენირება. ვესპასიანუსი და მუტიანუსი იმ აზრამდე მივიდნენ, რომ შეიარაღებული გამოსვლა გარდაუვალი იქნებოდა, ოღონდ სათანადო ყამს“ (ტაციტუსი, ისტორია, II, 7).

ჩრდილოეთ იტალიაში ოტოს ჯარი თავს დაესხა ვიტელიუსის ლაშქარს, მაგრამ დამარცხდა და ამ უკანასკნელის მხარეს გადაინაცვლა. ისტორიოგრაფოს დიო კასიუსის მტკიცებით დამარცხებული იმპერატორის ბოლო სიტყვები უდავოდ პატივის ღირსი ყოფილა: „სჯობს ერთი კაცი შეენიროს ბევრს, ვიდრე ბევრი – ერთს!“ – უთქვამს მას და თავი მოუკლავს.



ვიტელიუსი

მიუხედავად იმისა, რომ ვიტელიუსი ყველას სძულდა, მაინც აირჩიეს პრინცესად. წინდახედულმა ვესპასიანუსმა თავის ჯარს იმპერა-




ტორის ერთგულების ფიცი დაადებინა. ფრთხილად და აუჩქარებლად მიემართებოდა იგი ტახტისკენ, დრო მის სასარგებლოდ მუშაობდა. ორი უგნური მეტოქე ცოცხლებში აღარ ეწერა. დარჩენილი იყო მხოლოდ ერთი – ვიტელიუსი, ისიც უღირსი, რომელმაც სხვა ვერაფერი მოიფიქრა, გარდა იმისა, რომ განაცხადა, „იმპერატორის იდეალი ჩემთვის ნერონი იქნებაო“ (სვეტონიუსი, ვიტელიუსი, II). მისი მმართველობის სულ რამდენიმე თვის განმავლობაში რომის ხაზინა დაცარიელდა.

ამასობაში ვესპასიანუსი ბევრს ფიქრობდა, თუ რამდენად იყო მზად სამოქალაქო ომისათვის, რა ძალა ჰქონდა მის არმიას, ვის მიიმხრობდა. იოლი როდი იყო შინა ომებში ჩართვა. მას უკვე ორი სახელოვანი ვაჟი ჰყავდა, სამოც წელს იყო მიღწეული და ცხოვრების გზა თავადაც გონიერად ჰქონდა გაველილი. მას, მთავარსარდალს, ლეგიონები მორჩილებდნენ. როდესაც იგი ვიტელიუსის ერთგულების ფიცს წარმოსთქვამდა, ლეგიონერები დუმდნენ, თუმცა ყველასთვის ცხადი იყო, რომ ისინი წამისუმაღ ამბობდებოდნენ, თუ ისურვებდა მთავარსარდალი.

„ნუთუ დადგა დრო, მთელი ცხოვრების მონაგარი ბრმა შემთხვევის ძალას – საბრძოლო წარმატებას მივანდო? – თავის თავს ეკითხებოდა ვესპასიანუსი. მან კარგად იცოდა: საიმპერატორო ძალაუფლების ხელში ჩაგდებას ვინც ისურვებს, ერთადერთი არჩევანის წინაშე დგება: ის ან მწვერვალზე აღზევდება, ან უფსკრულში ჩაიჩეხება“ (ტაციტუსი, ისტორია, II, 73-74). ამ გზაზე ვესპასიანუსს განსაკუთრებით აქეზებდა სირიის განმგებელი მუტიანუსი, თუმცა პირველი, გადამწყვეტი ნაბიჯი ეგვიპტის მმართველმა, ტიბერიუსმა გადადგა. 69 წლის 1 ივლისს მისმა ალექსანდრიულმა ლეგიონებმა ვესპასიანუსი იმპერატორად აღიარეს. მათ მიბაძეს იუდეველმა ლეგიონერებმაც. თავად ვესპასიანუსი აუღელვებლად უმზერდა მის გარეშემო ატეხილ ხმაურს. მალე სხვა ზღვისპირა პროვინციებში განლაგებულმა მებრძოლებმაც ერთგულების ფიცი დაუდეს, მათ შეუერთდნენ აფრიკის, ესპანეთისა და გალიის ლეგიონებიც.

ვესპასიანუსის ამ წარმატებას ჟამთააღმწერები იმით ხსნიან, რომ მას მიემხრო აღმოსავლეთ იმპერიის მთელი მონათმფლობელური ელიტა, რომელიც რომის არისტოკრატიასთან გათანაბრებას ლაშობდა: სკან. I საუკუნიდან მოყოლებული სამოქალაქო ომებმა და იმპერატორთა თავნებობამ ძველი რომაული არისტოკრატიის მნიშვნელოვანი ნაწილი გაანადგურა. ახლა კი, იულიუს-კლავდიუსთა საუკუნოვანი მბრძანებლობის დასრულების შემდეგ, პროვინციულმა ელიტამ კვლავ მოიკრიბა ძალა და რომის მბრძანებლად ისეთი ადამიანის ხილვა ისურვა, რომელიც მის ინტერესებს დაიცავდა. ზუსტად ასეთი იყო ვესპასიანუსი, უბრალო მოდგმის, გონიერი, მიზანდასახული, მშვიდი და სამხედრო დიდებით შემოსილი.



ბოლოს და ბოლოს მან შეისმინა თავისი ძის – ტიტუსის, ეგვიპტის პრეფექტის – ტიბერიუსისა და სირიის გამგებლის – მუტიანუსის რჩევა და თანხმობა განაცხადა იმპერატორობაზე.

მიუხედავად ამისა იგი მანაც არ ჩქარობდა. რომისკენ ჯარებს წინ წარუძღვნენ მისი ერთგული მუტიანუსი, ანტონიუს პრიმუსი და სხვები.

69 წლის ოქტომბრიდან მოყოლებული იმპერია კვლავ სამოქალაქო ომის ალში მოექცა. 20 დეკემბერს რომი დაეცა. თავგზააბნეულ ვიტელიუსს, რომელსაც დავინყებოდა, რომ პრინცეპსი იყო, სასახლეში მიაგნეს და სიცოცხლე მოუსწრაფეს.

ომი დასრულდა, მაგრამ ბრძოლები გრძელდებოდა. გამარჯვებულები იარაღით ხელში დაძრწოდნენ მთელ ქალაქში და ხოცავდნენ დამარცხებულებს. მოედნები და ტაძრებიც კი სისხლით აივსო. როგორც კი მუტიანუსმა ხელთ იგდო ძალაუფლება, რომში წესრიგი დაამყარა, თუმცა ჭკუა იხმარა და არ ისურვა ყოფილიყო პირველი კაცი (პრინცეპსი).

70 წლის ზაფხულში ბოლოსდაბოლოს ვესპასიანუსიც ენვია რომს. ლაშქრის საუკეთესო ნაწილი იუდეაში დატოვა და მთავარსარდლობა გადაულოცა თავის ვაჟს, ტიტუსს, რომელმაც იერუსალიმი ალყაში მოაქცია.

„ვესპასიანუსი ერთადერთი იმპერატორი იყო, რომელიც ძალაუფლებამ უარესობისაკენ კი არა, უკეთესობისაკენ წარმართა: მას გასაოცარი მოთმინების უნარი გააჩნდა და შეეძლო ყოველი სასიკეთო სიტყვის შესმენა“. – ასე ახასიათებდა მას ტაციტუსი (ისტორია, I, 50).

ვესპასიანუსმა შეძლო სასიკეთო ურთიერთობის დამყარება სენატთანაც, რომელიც ძველი რომაული არისტოკრატიის საყრდენი იყო და პროვინციულ ელიტასთანაც. ყველაზე მეტად იმპერატორი მშვიდობისათვის ილწვოდა, რაც უპირველეს ყოვლისა გამოვლინდა მის სურვილში, აეგო „მშვიდობის ტაძარი“ და ააგო კიდევ.

ვესპასიანუსი ილწნოდა მართვის სისტემის გასაუმჯობესებლად. 73 წელს მან, კლავდიუსის მსგავსად, მიინიჭა ცენზორის უფლებები, რომლის მეშვეობითაც საშუალება მიეცა გადაეხალისებინა სენატი, უფრო ინტერნაციონალური გაეხადა იგი. ახლა უკვე სენატორებს ინვედნენ ყველა პროვინციიდან. აღმოსავლეთში შესაძლებელი გახდა ახალ ტერიტორიათა ანექსია, პროვინციებში კი – მართვის სისტემის შეცვლა. სენატმაც და იმპერატორის კარის კაცებმაც კარგად იცოდნენ, თუ ვის ძალას ეყრდნობოდა მათი პრინციპსი. ლეგიონებს, რომელთა დამსახურებითაც აღზევდა ტახტზე ვესპასიანუსი, ყურადღება არ მოჰკლებიათ. თუმცა იმპერატორმა 69 წლის სავალალო გამოცდილება გაითვალისწინა და სამოქალაქო ომის



განმეორების ყოველი გზა დაახშო: ლეგიონები საკმაო მანძილით ერთმანეთს დააშორა და მათი რაოდენობა შეამცირა. თავად ლეგიონერები კი დაასაქმა, რაც მშვიდობიანობის უკმა არც თუ ისე იოლი იყო. მიუხედავად ამისა, მას მაინც მოუხდა რამდენიმე ამბოხების ჩახშობა.

ვესპასიანუსი განსაკუთრებით ზრუნავდა რომის იმპერიის საზღვრების უსაფრთხოებაზე. მის თვალსაწიერს მიღმა არაფერი რჩებოდა: მან დახმარების ხელი გაუწოდა რომის მოკავშირე შორეული იბერიის (საქართველოს) მეფე მითრიდატეს. ვესპასიანუსის ბრძანებით, იბერიის უძველესი დედაქალაქის, მცხეთის მახლობლად აშენდა ციხე-სიმაგრე (რაც დასტურდება მე-19 საუკუნეში აღმოჩენილი ბერძნული წარწერით, რომელიც ახლა საქართველოს ისტორიის მუზეუმშია დაცული).

ვესპასიანუსი მფარველობდა ესპანეთს, გალიასა და აფრიკას აღმოსავლეთ ხმელთაშუაზღვისპირეთის ქვეყნების საზიანოდ. მან დააკარგვინა საბერძნეთს დამოუკიდებლობა, რომელიც ნერონმა მიანიჭა მხოლოდ იმიტომ, რომ მსურვალე ტაშით ეგებებოდნენ მის გამოსვლებს. ამის გამო იმპერატორს აუგად მოიხსენიებდნენ ბერძენი კინიკოსი ფილოსოფოსები, რის გამოც 71 წელს რომიდან იქნენ გაძევბულნი. მათთან ერთად გააძევეს ასტროლოგოსნიც.

უბრალოება და სისადავე ვესპასიანუსმა სიცოცხლის ბოლომდე შეინარჩუნა. იგი არ იყო წარჩინებულთა მოდგმის და ამას არც მალავდა. პირიქით, მასხრად იგდებდა იმ მლიქვნელებს, რომლებიც მისი გვარის „გაკეთილშობილებას“ ლამობდნენ. კეთილმოწყალე მმართველს თანამედროვენი მხოლოდ სიძუნწეს საყვედურობდნენ. მაგრამ მისი ეს სიძუნწეც სახელმწიფო ხაზინის დაცარიელებით იყო გამოწვეული. მან დაბეგრა პროვინციები, ვაჭრობდა თანამდებობებით, აწინაურებდა მექრთამეებს მხოლოდ იმიტომ, რომ შემდეგ, სასამართლოს ძალით მათი ქონება დაეყადაღებინა. მასზე ამბობდნენ, რომ სახელმწიფოს მძარცველებს ღრუბელივით იყენებდა: ჯერ დასველების უფლებას ანიჭებდა, ხოლო შემდეგ მაგრად წურავდა. ვესპასიანუსის სიძუნწეზე ანექდოტებსაც ჰყვებოდნენ: მან გადასახადები დაანესა საზოგადოებრივ საპირფარეშოებშიც. მისმა საკუთარმა ვაჟმა, ტიტუსმა აშკარად გამოხატა აღშფოთება ამ უცნაური სიახლის გამო. როდესაც ამ გაღასახადმა პირველი მოგება მოიტანა, ვესპასიანუსმა ცხვირთან მიუტანა მას მონეტა და ჰკითხა, ყარდა თუ არა. სწორედ ამის შემდეგ იქცა ფრთიან გამოთქმად მისი სიტყვები: „ფული არა ყარს!“

როდესაც ხალხმა თავისი იმპერატორისათვის ძვირად ღირებული ძეგლის დადგმა განიზრახა სახელმწიფოს ფულით, ვესპასიანუსმა მათ ხელის გული გაუწვდინა ამ სიტყვებით: „აღმართეთ, ჩქარა, აი, კვარცხლბეკი“.



როგორც არ უნდა ყოფილიყო ნაშოვნი ფული, ვესპასიანუსი მას სახელმწიფო ინტერესებისათვის ხარჯავდა. თავისი მმართველობის დასაწყისშივე აღნიშნა მან, რომ საჭირო იყო უზარმაზარი თანხა, ორმოცი მილიარდი სესტერციუსი, რათა სახელმწიფო ფეხზე დაამდგარიყო.

სამოქალაქო ომმა რომი ერთიანად გაანადგურა. დაიწვა კაპიტოლიუმის იუპიტერის ტაძარიც კი, სახელმწიფოს უმთავრესი სინამდინდე. ვესპასიანუსმა საკუთარი ხელით დაიწყო მისი აღდგენა, საკუთარი ზურგით გაიტანა პირველი ნამსხვრევეები. რომის გასალამაზებლად მან ღვთაებრივი კლავდიუსის ტაძრისა და ახალი ფორუმის (მოედნის) აგება დაიწყო. ისტორიოგრაფოს იოსებ ფლავიუსის თქმით, „უმოკლეს ხანში დასრულდა მშენებლობა ფორუმისა, რომელმაც თავისი დიდებულებით ყველა მოლოდინს გადააჭარბა. ვესპასიანუსმა მას შეაღია წარმოდგენელი თანხა: ისიც, რისი საშუალებაც მისცა საკუთარმა ხაზინამ და ისიც, რაც მას წინამორბედთაგან ერგო. მოედნის ცენტრში აღმართული ტაძარი, რომელიც მშვიდობის ქალღმერთს მიეძღვნა, მორთული იყო ფერწერისა და ქანდაკების უბრწყინვალესი ნიმუშებით. თავად ტაძარში მოთავსებული იყო ყველაფერი, რის სანახავდაც ადამიანები მთელ დედამიწაზე მოგზაურობდნენ. ვესპასიანუსმა ბრძანა, აქვე შეენახათ იერუსალიმის ტაძრიდან წამოღებული ძვირფასეულობა და ჭურჭელი, რასაც ესოდენი გულმოდგინებით უვლიდა და უფრთხილდებოდა“ (უძველესი ისტორია, 7, 5, 7).

რომაელი ხალხისათვის ვესპასიანუსმა წამოიწყო გრანდიოზული ამფითეატრის მშენებლობა, რომელიც 50 ათას კაცს იტევდა. დასრულებული სახე მან იმპერატორის გარდაცვალების შემდეგ მიიღო და ფლავიუსთა ამფითეატრად იწოდებოდა. ადრეულ შუა საუკუნეებში კი მას კოლოსეუმი შეარქვეს. იგი ძველი რომის საქვეყნოდ აღიარებულ ნაგებობად იქცა. მისი ადგილი შემთხვევით არ შეურჩევიათ. კოლოსეუმი აღმართეს იქ, სადაც უნინ ნერონის „ოქროს სახლის“ ხელოვნური ტბა იყო. ამ მშენებლობით ვესპასიანუსი მიანიშნებდა, რომ ნერონის ხანას რომი აღარასოდეს მიუბრუნდებოდა. ვარაუდობენ, რომ სახელწოდება „კოლოსეუმი“ წარმომდგარია სიტყვიდან „კოლოსი“. ასე ერქვა 30 მეტრის სიმაღლის ნერონის ბრინჯაოს ქანდაკებას, რომელიც ამფითეატრის კარიბჭის წინ იდგა. მას შეუცვალეს თავი და ვესპასიანუსის ბრძანებით, აპოლონის ქანდაკებად გადააკეთეს.

ბიოგრაფოსთა მტკიცებით, ვესპასიანუსი რომის ყველა იმპერატორზე უფრო პრაქტიკული და წინდახედული აღმოჩნდა. იგი გამოირჩეოდა თავისი გონიერებითაც და სიკეთითაც. არც იუმორის გრძნობა აკლდა. ერთხელ ერთმა მსახურმა, რომელსაც განსაკუთრებით წყალობდა იმპერატორი, მას თავისი თითქოსდა ძმის-



თვის რალაც თანამდებობა სთხოვა. ვესპასიანუსი თავად შეხვდა ამ „ძმას“, გაესაუბრა და შესაბამისი საზღაურის ფასად თანამდებობა უბოძა. როდესაც მოგვიანებით ამ მსახურმა იკითხა თავისი „ძმის“ ამბავი, იმპერატორმა მშვიდად მიუგო: „სხვა ძმა ეძებე, იგი უკვე ჩემი ძმა გახდაო“ (სვეტონიუსი, ვესპასიანუსი 23, 2).

70 წლის იყო ვესპასიანუსი, ციება და მუცლის გვრემა რომ შეეყარა. თავს ცუდად გრძნობდა, თუმცა სახელმწიფო საქმეებს ვერ ელეოდა. სიკვდილის წინ მისი ბოლო სიტყვები ყოფილა: „ვაიმე, მგონი გაღმერთებას ვინყებ!“, რითაც იმპერატორების სიკვდილის შემდეგ გაღმერთების რომაულ ტრადიციაზე მიანიშნებდა იუმორით. იგი ლოგინიდან წამომდგარი შეეგება სიკვდილს, რადგანაც განაცხადა, რომ იმპერატორი ფეხზე მდგარი უნდა მოკვდესო.

ვესპასიანუსმა თავის შვილებზეც იზრუნა. მან იოლად დაიყოლია სენატი და მიაღწია იმას, რომ მისი გარდაცვალების შემდეგ ძალაუფლება მემკვიდრეობით გადაცემოდათ მის ვაჟებს – თავდაპირველად ტიტუსს, შემდეგ – დომიტიანუსს.





მარკუს ავრელიუსი

რომის იმპერატორი ანტონინუსთან

დინასტიიდან


(ახ. წ. 121-180 წწ.)

რომს განაგებდა 161-180 წლებში



მარკუს ანიუს კატილიუს სევერუსი, რომელსაც უბრალოდ მარკუს ავრელიუსის სახელით იცნობენ, ისტორიაში დამკვიდრდა როგორც დასავლური ცივილიზაციის უგანათლებლესი მონარქოსი და დიდებული მოაზროვნე. მან თავისი სახელი უკვდავყო ბერძნულ ენაზე დანერგილი ფილოსოფიური ტრაქტატით „საკუთარ თავთან“ („Τὰ εἰς ἑαυτὸν“),¹ რომელსაც მისი გარდაცვალების შემდეგ მიაგნეს. ეს გახლავთ მართლაც „საკუთარ თავთან“ დარჩენილი ადამიანის ფიქრები, სადაც გასაოცარი სიღრმით აღიბეჭდა დიდი იმპერიის კეთილშობილი მბრძანებლის ცხოვრებისეული მრწამსი: „იყავი, როგორც კლდოვანი კონცხი, – წერდა იგი, – რომელსაც ღრიალით აწყდებიან ტალღები, ის კი მშვიდად დგას და მის გარშემო თანდათან ცხრება ბობოქარი წყლის მძვინვარება“ („ფიქრები“, IV, 49). ამ შეგნებით გაატარა მარკუს ავრელიუსმა თავისი ხანმოკლე სიცოცხლე. იგი 59 წლის ასაკში გარდაიცვალა ბოროტმზრახველთა და შეთქმულთა ხელით კი არა, უმეტეს რომაელ იმპერატორთა მსგავსად, არამედ მძიმე სენით, რომელიც რომში მძვინვარებდა და რომელსაც შავი ჭირი ერქვა სახელად.

მარკუს ავრელიუსი დაიბადა 121 წლის 26 აპრილს რომში, წარჩინებულთა მდიდარ ოჯახში, რომლის წარმომადგენლებიც აქტიურ მონაწილეობას იღებდნენ იმპერიის პოლიტიკურ ცხოვრებაში. მისი პაპა, ანიუს ვერუსი სენატორთა წრეს გა-




ნეკუთვნებოდა და მუდამ ეკავა პრეტორისა თუ კონსულის (სამგზის) საპატიო თანამდებობები.

სამი წლის იქნებოდა მარკუსი, როდესაც გარდაეცვალა მამა, რომელსაც ასევე ანიუს ვერუსი ერქვა და შემდგომ უკვე მისი აღზრდა პაპამ ითავა.

მარკუსის დედა, დომიტია ლუკილა, ასევე წარჩინებულთა ოჯახიდან იყო. მის პაპას, კატილიუს სევერუსს, რომის პრეფექტის, ხოლო მამას, კალვისიუს ტულიუსს, კონსულის (ორგზის) თანამდებობები ეკავათ. „დედის წყალობით ვეზიარე ღვთისმშობსა, გულუხვობას და თავმოზღუდულობას არა მხოლოდ ბოროტების ქმნის, არამედ ბოროტული ზრახვებისგანაც. მან შთამაგონა უბრალოებაც და ფუფუნების სიჭულვილიც“ – დაწერს მოგვიანებით ავრელიუსი თავის „ფიქრებში“ (1, 3).

რომაული ელიტის წრეში აღზრდილმა ყმაწვილმა, რომელიც თავისი გონიერებით გამოირჩეოდა, იმპერატორ ჰადრიანუსის (ჰადრიანეს) ყურადღება მიიპყრო. ექვსი წლის ასაკში იგი მხედართა წრეში ჩარიცხეს (იმპერიის პერიოდში მხედრებს ანუ ეკვიტებს უფლება ჰქონდათ დაეკავებინათ მაღალი თანამდებობები სახელმწიფოში), ორი წლის შემდეგ კი სალიების ქურუმთა კოლეგიაშიც მიიღეს. იმპერატორმა ჰადრიანემ თავის რჩეულს „უმართლესი“ (Verissimus) შეარქვა, საუკეთესო მოძღვრები შეურჩია და პირადად ითავა მის განათლებაზე ზრუნვა. სწორედ ჰადრიანეს ძალისხმევით იქცა იგი თავისი ეპოქის საუკეთესო მოაზროვნედ.



ჰადრიანე

იმხანად რომი უზარმაზარი იმპერია იყო. მისი კულტურის აღმავლობაში მრავალი ქვეყანა იღებდა მონაწილეობას. მართალია, ეს პროცესი თავისებურ სირთულეებს ქმნიდა, მაგრამ ჰადრიანე წარმატებით ართმევდა თავს სახელმწიფოს წინაშე მდგარ პრობლემებს. ეს უგანათლებულესი მბრძანებელი, ელინისტური კულტურისა და ხელოვნების თაყვანისმცემელი და ქომაგი, ცდილობდა თავის გარშემო იმპერიის საუკეთესო მოაზროვნენი შემოეკრიბა. ალბათ, ამიტომ იყო, რომ მარკუს ავრელიუსის პირველ აღმზრდელებად იხმეს მუსიკისა და გეომეტრიის მცოდნე ანდრონი და მხატვარი დიოგნეტოსი. შემდეგ გამოჩნდნენ სხვა სახელოვანი მოძღვრები, რომელთაგან ყმაწვილს ყველაზე მეტად კორნელიუს ფრონტონი უყვარდა. მის აღზრდაში მონაწილეობას იღებდა სახელოვანი სოფისტი პეროდე ატიკუსი, რომელიც ორატორულ ხელოვნებასა და იურისპრუდენციას ასწავლიდა მომავალ იმპერატორს.² თორმეტი წლის ასაკიდან დაიწყო მარკუსმა ფილოსოფიის შესწავლა. განსაკუთრებით დაინტერესდა იგი სახელოვანი სტოიკოსის, ეპიქტეტის მოძღვრებით, რომელსაც აპოლონიოს ქალ-




კედონელმა აზიარა. სტოიკოსთა ფილოსოფიის ერთგული დარჩა მარკუს ავრელიუსი ცხოვრების ბოლომდე: იგი ქედუხრელად იტანდა ბედის სიავეთ და ყოველგვარი გასაჭირის ჟამს ინარჩუნებდა სულის სიმშვიდესა და სამართლიანობის გრძნობას.

„დაუცადებლად იზრუნე მისთვის, რომ ის, რასაც დღეს აკეთებ, – ვკითხულობთ მის „ფიქრებში“ – აკეთო ისე, როგორც შეჰფერის რომაელს და მამრს – ქვშმარიტი სიღინჯით და სიღარბაისლით, კაცთა მიმართ სიყვარულით, სრული თავისუფლებითა და სიმართლით; ხოლო განირიდე ყველა სხვა საზრუნავი. შენ შეძლებ ამას, თუ ყოველ საქმეს აღასრულებ, როგორც უკანასკნელს შენს სიცოცხლეს“ (II, 5).

იულიუს კაპიტოლინუსის გადმოცემით, თხუთმეტი წლის იყო მარკუსი, მამაკაცის ტოგით რომ შემოსეს. ამის შემდეგ მან მამისგან ნაანდერძევი სიმდიდრე თავის დას დაუთმო, ამტკიცებდა რა, რომ მისთვის საკმარისი იყო პაპის მემკვიდრეობაც; ამასთანავე დედამისსაც მოუწოდებდა, მთელი ქონება ქალიშვილისთვის ებოძებინა, რათა იგი თავის მეუღლეზე ღარიბი არ ყოფილიყო. მარკუსი გამოირჩეოდა დამთმობი ხასიათით. ზოგჯერ მას აიძულებდნენ წასულიყო ცირკში, თეატრში ან სხვაგან მოწყობილ სანახაობათა სახილველად... „იგი ერთობოდა მუშტი-კრივით, სირბილით ან ფრინველთა ბრძოლით; განსაკუთრებით მოსწონდა ბურთით თამაში და ნადირობა. მაგრამ ამ გასართობებს ერჩია ფილოსოფიური სწავლებანი, რომლებმაც იგი უფრო სერიოზული და საზრიანი გახადეს. თუმცა ამის გამო არ მინავლებულა მასში ის სიყვარული, რომელსაც უპირველეს ყოვლისა, გამოხატავდა თავისიანებისა და მეგობრების, შემდეგ კი ნაკლებად ახლობელი ადამიანების მიმართაც. ის იყო სამართლიანი, მაგრამ არამოუდრეკელი, თავმდაბალი, მაგრამ არა უმწეო, სერიოზული, მაგრამ არა პირქუში“ (IV, 5-10).


ჰადრიანე რომის იმპერიის მომავალს თავისებურად ხედავდა. მის შორსმიმავალ წარმოდგენებში მარკუსს განსაკუთრებული როლი ენიჭებოდა. 136 წელს ხანდაზმულმა და უშვილო იმპერატორმა ტახტის მემკვიდრედ ლუკიუს ელიუს კეისარი გამოაცხადა იმ პირობით, რომ იგი თავის ქალიშვილს მარკუსს მიათხოვებდა. 138 წელს ელიუსი მოკლეს, რის გამოც მემკვიდრეობითობის წინასწარ განსაზღვრული წყობა დაირღვა. მარკუს ავრელიუსი ამ დროისათვის მხოლოდ 17 წლის იყო. ახალგაზრდული ასაკის გამო ჰადრიანეს არ შეეძლო იგი თავის პირდაპირ მემკვიდრედ გამოეცხადებინა. ამიტომ მძიმე სენით შეპყრობილმა იმპერატორმა, გრძნობდა რა სიკვდილის მოახლოებას, იშვილა 52 წლის ანტონინუს პიუსი, რომელიც გამორჩეულად უყვარდა. ეს მოხდა 138 წლის 25 თებერვალს. იმავე წლის 10 ივლისს ჰადრიანე გარდაიცვალა. იმპერატორისადმი უსაზღვრო ერთგულებისა და მრავალი სხვა ღირ-



სების გამო ანტონინუსს პრინციპის კონსულის საპატიო თანამდებობა ეკავა. სენატს არაფერი უშლიდა ხელს, რომის იმპერატორად რომ ანტონინუსი ელიარებინა.

არ შემცდარა ხანდაზმული ჰადრიანე: ანტონინუსი რომს თითქმის მეოთხედი საუკუნის (138-161 წწ.) განმავლობაში მართავდა. იგი ისტორიაში დარჩა იმ სახელოვან იმპერატორად, რომელმაც სათავე დაუდო ანტონინუსთა დინასტიას.

საბედნიეროდ, შორსმჭვრეტმა ჰადრიანემ თავის ანდერძში შეიტანა ისეთი მოთხოვნები, რომლებიც საიმპერატორო ძალაუფლების განმტკიცების შესაძლებლობებს ქმნიდა მისი გარდაცვალების შემდეგაც. ანდერძის თანახმად, ანტონინუსმა (რომლის სრული სახელი ასე იკითხებოდა: ტიტუს ავრელიუს ფულვიუს ბიონიუს არიუს ანტონინუსი) იშვილა ჭაბუკი მარკუსი და ელიუსის უმცროსი ვაჟი, ლუკიუს ვერუსი. იმპერატორს თავისი შვილებიც ჰყავდა, მაგრამ თავიდანვე ცხადი იყო, რომ ტახტის მემკვიდრეთა შორის უპირატესობა სწორედ მარკუს ავრელიუსს ენიჭებოდა. მისი ნიშნობა ელიუსის ქალიშვილთან გაუქმდა. ახლა მარკუსს ცოლად უნდა შეერთო ანტონინუსის ქალიშვილი ანია გალერია ფაუსტინა. ქორწილი ნიშნობიდან ექვსი წლის შემდეგ შედგა. ამ ხნის განმავლობაში კი ანტონინუსმა იგი სახელმწიფოს მართვის ხელოვნებას აზიარა, დანიშნა რა უმაღლეს სახელმწიფო თანამდებობებზე: ჯერ კონსულად (140, 145 და 146 წლებში), შემდეგ პრინციპის საბჭოს წევრად (*consilium Principis*). 146 წელს მას ტრიბუნის უფლებებიც მიენიჭა. ისტორიაში იშვიათად დაიძებნება მამაშვილური სიყვარულის უფრო ნათელი მაგალითი. ანტონინუსი მხოლოდ მამის მაგივრობას კი არ უწევდა შვილობილს, არამედ იგი მისი მეგობარი და მოძღვარიც იყო. მოგვიანებით მარკუსი თავის „ფიქრებში“ ასეთ ჩანაწერს გააკეთებს: „მამობილის წყალობით ვეზიარე თვინიერებას. ის მასწავლიდა, არასოდეს მელალატნა ხანგრძლივი ბჭობის შედეგად მიღებული გადანყვეტილებებისათვის, არად ჩამეგდო ფუჭი დიდება, მყვარებოდა შრომა და ყურადღებით მოვიკიდებოდი ყველაფერს, რასაც ოდნავი სარგებლობის მოტანა მაინც შეეძლო ერისათვის; მასწავლიდა, როგორ მიმეგო თვითულისთვის მისი კუთვნილი, როგორ გამეჩრია, სად მღმობელი ვყოფილიყავი, სად – უღმობელი, როგორ მომეკვეთა მამათმავლობის ბილწება და როგორ დავდებოდი მტლად ქვეყნის ინტერესებს... მას სურდა აღმოეფხვრა მემკვიდრის სულიდან ყოველგვარი მზევაობა და სანაცვლოდ უბრალოება და თავმდაბლობა ჩაენერგა მისთვის. ის მასწავლიდა, შეიძლება სასახლის კარზე ცხოვრობდეს კაცი, მაგრამ არ საჭიროებდესო სხეულის მცველთ, არც მდიდრულ სამოსს თუ მაშხალებს, ქანდაკებებს და სხვა მისთანათ, რადგან სასახლის მკვიდრთაც ხელწიფების თურმე მდაბიორივით უბრალოდ იცხოვროს, მაგრამ ისე კი, რომ ამ უბრალოებას არ უმსხვერპლოს ჰეგემონის მოვალეობანი, რომელთაც ხალხი და სახელმწიფო აკისრებს მას“ (I, 16, 17).



161 წლის 7 მარტს ანტონინუსს პიუსი გარდაიცვალა. ამ დროისთვის მარკუსი იმპერიის სამართავად უკვე მზად იყო. აცნობიერებდა რა იმ სირთულეებს, რაც წინ ელოდა და გრძნობდა რა უდიდეს პასუხისმგებლობას სამშობლოს წინაშე, მარკუს ავრელიუსმა სენატს მიმართა თხოვნით, მის თანაბარუფლებიან თანამოსაყდრედ ეცნო ლუკიუს ვერუსი. მათ, მიუხედავად ვერუსის მცირეწლოვანებისა და გამოუცდელობისა, ერთად უნდა ემართათ იმპერია. რომის ისტორიაში იმპერიის ტახტზე პირველად აღმოჩნდა ორი მბრძანებელი. უნდა აღინიშნოს, რომ ლუკიუს ვერუსის ძალაუფლება, ფაქტობრივად, ნომინალური იყო. ისტორიოგრაფოსები ერთხმად აღიარებენ, რომ იგი პედონიზმისკენ უფრო იყო მიდრეკილი, ვიდრე სახელმწიფოს მართვისკენ, თუმცა უსაზღვროდ სცემდა პატივს თავის ბრძენ თანამოსაყდრეს და ყოველნაირად ცდილობდა არ შეებღალა მისი სახელი.

ანტონინუსს პიუსის ხანგრძლივი მმართველობის პერიოდში რომსა და პროვინციებში იმატა დაძაბულობამ, რაც მარკუსის დროს კიდევ უფრო გამწვავდა. სტიქიურ უბედურებებს (არნახული წყალდიდობანი იტალიაში, მიწისძვრები მცირე აზიაში, რასაც შედეგად მოჰყვა ქალაქების ნგრევა) დაერთო არეულობანი დასავლეთის პროვინციებში (მავრების შეჭრა ესპანეთის იბერიაში, აჯანყება ლუსიტანიაში, ხატების თარეში რომანულ გერმანიასა და რეკიაში, პიქტებთან ბრძოლები ბრიტანეთში, მლეღვარება გალიაში). ბრიტანეთში ამბოხებულმა ლეგიონებმა იმპერატორად გამოაცხადეს თავიანთი მთავარსარდალი პრისკუსი. აღმოსავლეთში უფრო მძიმე მდგომარეობა შეიქნა: პართიელებმა განიზრახეს არმენიაში შეჭრა. ამიტომ პართიელთა მეფემ, ვოლოგესუს III 162 წელს ბრძოლა დაიწყო და რომაელთა ორი არმია დაამარცხა. მარკუს ავრელიუსმა მის წინააღმდეგ ლუკიუს ვერუსი გაგზავნა დიდძალი ჯარითა და სანდო მხედართმთავრებით. მძიმე და სისხლისმღვრელი ბრძოლების შემდეგ ვერუსის ლეგიონებმა არმენია დაიბრუნეს და 163 წელს იქ რომის მორჩილი ახალი მბრძანებელი დასვეს ტახტზე, ხოლო სომხეთის ციხეებში რომაელთა გარნიზონები ჩააყენეს.

კიდევ უფრო მნიშვნელოვანი წარმატებები მოიპოვეს რომაელებმა სირიაში. მათ ჯერ ეფვრატს გადაღმა გადარეკეს პართიელები, შემდეგ აიღეს მთავარი ქალაქები (ედესა, ნისიბინი, სელევკია, კტესიფონი) და შემოიმტკიცეს ახალი ტერიტორიები (ოსროენა, კარპე). იქაური მოსახლეობის სამართავად საჭირო იყო ძლიერი პიროვნება. მარკუს ავრელიუსმა ასეთ მბრძანებლად ავიდიუს კასიუსი მიიჩნია და 165 წელს იგი სირიის პროკონსულად დანიშნა.

პართიის ომმა ოთხ წელიწადს გასტანა. ამ ხნის განმავლობაში მარკუს ავრელიუსი დედაქალაქში იყო და საიმპერატორო ტახტზე მჯდომი საერთო ხელმძღვანელობას უწევდა ბრძოლებსაც, საგარეო პოლიტიკასაც და საშინაო საქმეებსაც.



სწორედ ამ პერიოდში განახორციელა მან თავისი ადმინისტრაციული, სამეურნეო, სამეურვეო და იურიდიული რეფორმების უმეტესობა.

მარკუს ავრელიუსის მიერ ჩატარებულ გარდაქმნათაგან უპირატესად აღნიშნავენ ადმინისტრაციული აპარატის შერჩევის პრინციპს. მის დროს იმპერიის უმაღლეს მაგისტრატურებში გვაროვნული არისტოკრატია თანდათანობით შეცვალა ინტელექტუალურმა არისტოკრატამ. კონსულის ნოდება, რომელიც უწინ მხოლოდ რომაელ დიდგვაროვანთა საკუთრება იყო, ახლა ფილოსოფოსთა და ორატორთა ტიტულადაც იქცა.

წარმატებით გადაიჭრა სასურსათო პრობლემაც, რამაც თითქმის მოსპო შიმშილიანობა იტალიაში. იმპერატორმა სცადა სახელმწიფო მეურვეობის, ე.წ. ალიმენტური ინსტიტუტის სრულყოფა, რაც მცირეწლოვანი ობლებისა და უპოვართა შეიღებისადმი გაძლიერებული მზრუნველობით გამოიხატა. სახელმწიფო მნიშვნელობის საქმედ იქცა ხანაგების მშენებლობა მოხუცთა და უპატრონო ბავშვებისათვის, აგრეთვე, მიუსაფართა და დავრდომილთათვის; შეიცვალა დამოკიდებულება უუფლებო დედებისადმი, შეიზღუდა რომაული ადათით დაკანონებული ე.წ. მამის ტირანული უფლებები; აღიკვეთა მონობის ზოგიერთი ზღვარგადასული სისასტიკე.

მარკუს ავრელიუსისა და მის წინამორბედთა იურიდიულმა რეფორმებმა მნიშვნელოვანი წვლილი შეიტანეს რომაული სამართლის სრულყოფაში.

166 წელს რომაელებმა საბოლოოდ დაამარცხეს პართიელები და მესოპოტამია კვლავ რომს შემოუერთეს. ამის აღსანიშნავად მარკუს ავრელიუსსა და ლუკიუს ვერუსს რომში ტრიუმფი მოუწყვეს.

გამარჯვებებს კვალად დიდი უბედურება მოჰყვა. აღმოსავლეთში მებრძოლმა ლეგიონებმა იქ მოარული მძიმე სენი, შავი ჭირი, იმპერიაში ჩამოიტანეს, რასაც მილიონობით რომაელი ემსხვერპლა. რა არ იღონა იმპერიის მბრძანებელმა, სახელოვანი მკურნალი გალენუსიც კი მოიწვია, მაგრამ სენის მძვინვარება ვერ დააცხრო.

167 წლისათვის ეპიდემია რომს მოედო.

ამ უამიანობისას დასავლეთის პროვინციები ახალი საფრთხის წინაშე აღმოჩნდნენ. გერმანული მოდგმის მარკომანები და კვადები, აგრეთვე სარმატები, რომლებიც დუნაის სამანებთან მოსახლეობდნენ, ველარ უძლებდნენ აღმოსავლეთიდან გადმონაცვლებულ ხალხთა შემოტევებს. ეს მოსამანე ტომები რომის ტერიტორიებს უნდა დაუფლებოდნენ, წინააღმდეგ შემთხვევაში მათი დალუპვა გარდაუვალი იყო. ასე დაიწყო საშინელი მარკომანული ომები, რომლებიც მარკუს ავრელიუსის სიცოცხლის ბოლომდე გაგრძელდა.

167 წელს ბარბაროსთა ურდოები შეიჭრნენ დუნაის პროვინციებში, დაარბიეს რომაელთა არმია, ალყა შემოარტყეს აკვილევას და რომზე სალაშქროდ იწყეს მზადება.



მარკუსი ყველაფერს აკეთებდა, რაც შეეძლო, ბარბაროსთა მოსაგერიებლად. ლუკიუს ვერუსი თავდაუზოგავად ეშველებოდა, მაგრამ 169 წელს იგი მოულოდნელად დაიღუპა. დიდად განიცადა იმპერატორმა მისი გარდაცვალება. ერთგული თანამოსაგრის გარეშე დარჩენილმა მაინც შეძლო ძალების მოკრება. რომაელებმა თანდათანობით იმძლავრეს და აკვილეა გაათავისუფლეს.


175 წლისათვის მარკუს ავრელიუსი ვარაუდობდა, რომ ყველაფერი მზად იყო გრანდიოზული ოპერაციისათვის, რომლის წარმატებით დაგვირგვინებას უნდა მოჰყოლოდა მარკომანებისა და კვადების დაჩოქება და რომაელთა მიერ ბარბაროსთა ტერიტორიების დაპყრობა. ამ გეგმის განხორციელებას ხელი შეუშალა ავიდიუს კასიუსის ამბოხებამ სირიაში. ეს ის კასიუსი იყო, წლების წინ ფასდაუდებელი დახმარება რომ გაუწია იმპერატორს პართიელების წინააღმდეგ ბრძოლაში. მას ავრელიუსი განსაკუთრებით ენდობოდა და ბარბაროსებთან ბრძოლისას აღმოსავლეთის პროვინციების ერთპიროვნული განმგებლობა ანდო.

ზოგიერთი ისტორიოგრაფოსი გვამცნობს, რომ ავიდიუს კასიუსთან ფარულად იყო შეკრული იმპერატორისა ფაუსტინა, რომელსაც აღარ ჰქონდა იმის იმედი, რომ იმპერატორი კიდევ დიდხანს იცოცხლებდა. ფაუსტინას ეშინოდა, რომ ძლევაშემოსილი მფარველის გარეშე დარჩენილი თავისი მცირეწლოვანი შვილების დაცვას ვერ შეძლებდა. ხოლო ის, ვინც ძალაუფლების ხელში ჩასაგდებად გაირჯებოდა, მის არასრულწლოვან ბავშვებს გზიდან ჩამოიცილებდა (ეულკატიუსი, ავიდიუს კასიუსი, VII, 1).

არსებობს სხვა მოსაზრებაც. ისტორიოგრაფოსების ერთი ნაწილი ამტკიცებს, რომ ფაუსტინა ასე იოლად ვერ განირავდა თავის მეუღლეს, რომ კასიუსმა თავი მხოლოდ მაშინ გამოაცხადა ტახტის კანონიერ მემკვიდრედ, როდესაც ხმა დაიარსა, თითქოს მარკუსი ბრძოლის ველზე დაეცა. ასე იყო თუ ისე, იმპერიის აღმოსავლეთ პროვინციათა უმეტესობამ თავის იმპერატორად კასიუსი აღიარა. რომში შიშმა დაისადგურა. სახელმწიფო ახალი სამოქალაქო ომის საფრთხის წინაშე იდგა.

სენატმა კასიუსი ხალხის მტრად გამოაცხადა. მარკუს ავრელიუსმა ბარბაროსებთან ომი შეწყვიტა და აღმოსავლეთისაკენ დაიძრა, რათა კასიუსს შებრძოლებოდა. მაგრამ ვიდრე რომაელები ერთმანეთს შეებმებოდნენ, მოლაღატე მთავარსარდალი საკუთარმა კენტურიონებმა სიცოცხლეს გამოასალმეს.

ანტიკური ხანის ჟამთააღმწერები ამ მოვლენას ასე განმარტავდნენ: „ავიდიუს კასიუსი, აღმოსავლეთში თავი რომ იმპერატორად გამოაცხადა, მარკუს ავრელიუსის თანხმობისა და ნების თვინიერ მოკლეს მეომრებმა. როდესაც მარკუს ავრელიუსს ამბოხებულთა ამბავი შეატყობინეს, არც განრისხებულა და არც არავინ დაუსჯია ავიდიუსის ახლობელთაგან. მხოლოდ სენატმა გამოაცხადა იგი ხალხის მტრად და ქონე-



ბა ჩამოართვა... მარკუს ავრელიუსმა კი არ ბრძანა, არამედ უბრალოდ დაუშვა ავიდიუს კასიუსის მკვლელობა, თუმცა ყველა გრძობდა: ეს მხოლოდ მისი ნება რომ ყოფილიყო, იგი კასიუსს შეინჯნარებდა" (ვულკატიუსი, ავიდიუს კასიუსი, VII, 9).



კომოდუსი

აი, კიდევ ორიოდ საინტერესო ამონარიდი: „როდესაც ავიდიუს კასიუსმა ძალაუფლების ხელში ჩაგდება განიზრახა, მარკუს ავრელიუსს მიაწოდეს კასიუსის მიერ შეამზობიებისადმი გაგზავნილ უსტართა შეკვრა, რადგანაც ტყვედ ჩაიგდეს სწორედ ის, ვისაც მიჰქონდა ეს უსტრები. მარკუს ავრელიუსმა ბრძანა უმაღ დაენვათ ეს გზავნილი, რათა არ გაეგო სახელები თავისი მტრებისა და არ შეეძლებინა ისინი“ (ამიანუს მარკელინუსი, ავიდიუსი, XXI, 16, 11).

როდესაც მარკუს ავრელიუსს ერთმა რომაელმა უსაყვედურა ავიდიუს კასიუსისადმი ესოდენი გულმონწყალების გამოჩენის გამო და ჰკითხა: „რომ გაემარჯვა?“ – იმპერატორმა უპასუხა: „არც ისე ცუდად ვემსახურებოდით ღმერთებს და არც ისე ურიგოდ ვცხოვრობთ, რომ მას გამარჯვება შეძლებოდა“. ჩამოთვალა რა შემდეგ ის იმპერატორები, რომლებიც მოკლეს, დასძინა, რომ მათ ასეთი სიკვდილი დაიმსახურეს და რომ ღირსეულ იმპერატორს ტირანი ვერც დაამარცხებს და ვერც მოკლავსო“ (ვულკატიუსი, ავიდიუს კასიუსი, VIII, 2-3).

176 წელს რომში დაბრუნებული მარკუს ავრელიუსი დუნაელ ტომებთან გადამწყვეტი ომისათვის მოემზადა. თავის ვაჟიშვილ კომოდუსთან ერთად მან ისეთი მარცხი აგემა მარკომანებსა და კვადებს, რომ 179 წლისათვის ეს ტომები მინის პირისგან ალგვის სამანთან აღმოჩნდნენ. მარკუსიც ამას ისახავდა მიზნად: იგი ემზადებოდა ახალ პროვინციათა დასაფუძნებლად, რაც რომაელთა ბატონობის ჩრდილოეთით გავრცელების შესაძლებლობებს ქმნიდა. ამაზე ოცნებობდნენ ავგუსტუსიც, ტრაიანუსიც და ეს რომ მომხდარიყო, ისტორიის გზა სხვაგვარად წარიმართებოდა.

მარკუსის ჩანაფიქრს აღსრულება არ ეწერა. 180 წელს მას შავი ჭირი შეეყარა. გრძობდა რა აღსასრულის მოახლოებას, იმპერატორმა იხმო თავისი ძე კომოდუსი და ამ დიადი საქმის დაგვირგვინება სთხოვა.

180 წლის 17 მარტს მარკუს ავრელიუსი გარდაიცვალა დუნაის სანაპიროზე მდებარე ქალაქ ვინდობონეში (თანამედროვე ვენა). „უსაზღვრო იყო ხალხის სიყვა-



რული მარკუსისადმი, იმდენად დიდი, რომ ზოგი მას ძმას უწოდებდა, ზოგი – მამას, ზოგი კი – შვილს. ეს სიყვარული ისე ნათლად გამოვლინდა მისი დაკრძალვის დღეს, რომ არავის უგლოვია იმპერატორი, რადგანაც ყველას სჯეროდა: იგი, ღმერთებისაგან მოვლენილი, ისევ ღმერთებთან აღზევდა“ – გადმოგვცემს იულიუს კაპიტოლინუსი და განაგრძობს: „და აი, ასეთმა დიდებულმა და მშვენიერმა ადამიანმა, სიცოცხლეშიც და სიცოცხლის შემდეგაც ღვთაებათა თანაზიარმა, დატოვა ისეთი მემკვიდრე, როგორიც იყო კომოდუსი“ (XVIII, 1-4).

მამის უკანასკნელი თხოვნა არ აღასრულა ტახტის მემკვიდრემ. მან არ ისურვა სამხედრო ბანაკში ცხოვრება, ნაჩქარევად დადო სამშვიდობო ზავი ბარბაროსებთან და რომში დაბრუნდა. ეს იყო პირველი ნაბიჯი, რამაც კარდინალურად შეცვალა რომის იმპერიული პოლიტიკა.

პართიული და მარკომანული ბრძოლებით როდი ამოიწურებოდა მარკუს აერელიუსის თავს დამტყდარი სირთულეები. გამუდმებულმა ბრძოლებმა სახელმწიფოს ფინანსური რესურსები დაშრიტეს, შემოსავალი შეამცირეს და 169 წელს რომაელებმა დაინახეს, თუ როგორ ყიდდა იმპერატორი სასახლის საგანძურს, რათა ჯარი შეენარჩუნებინა. მარკუსი საზინის შევსებას ყოველნაირი ხერხით ლაშობდა; მისი ადმინისტრაციული და სამართლებრივი რეფორმები მიმართული იყო სახელმწიფოს გასაძლიერებლად.

არც ოჯახში ჰქონია სიმშვიდე ამ სიკეთით საესე იმპერატორს. მეუღლე, რომელიც მას ძლიერ უყვარდა და რომელმაც თორმეტი შვილი გაუჩინა, ცნობილი იყო თავისი ავხორცობითა და სასიყვარულო თავგადასავლებით. კასიუსი როდი იყო ერთადერთი, რომელიც სარგებელს ეძიებდა ფაუსტინას სარეცელზე. ისტორიოგრაფოსები გვამცნობენ სხვა სახელებსაც: ტერტულუსი, ტუტილიუსი და სხვები. მარკუსის ბიოგრაფოსი იმასაც ამბობს, რომ ფაუსტინა საყვარლებს მზღვართა და გლადიატორთაგან ირჩევდა და რომ კომოდუსი მისი ერთერთ გლადიატორთან სიძვის ნაშიერი იყო (XIX, 1). როდესაც იმპერატორს მეუღლის საძრახისი საქციელის ამბავს ამცნობდნენ და სთხოვდნენ გაეყოფა მანც, თუკი მის დასჯას არ ინებებდა, ის ჩვეული სიმშვიდით პასუხობდა: „გაყრა მზითვის დაბრუნებასაც გულისხმობს, მზითვეი კი მთელი იმპერიაა“ (XIX, 8). როგორც ჩანს, მარკუსი არა მხოლოდ კეთილგონიერების გამო ტოვებდა უყურადღებოდ იმპერატორის გარეშე მოაქვნილ ხმაურს, არამედ იმიტომაც, რომ უყვარდა თავისი მეუღლე. „ფიქრებში“ ასეთ ფრაზასაც ვხვდებით: „ღმერთებს უნდა ვუმაძლოდე.., რომ აგრერიგად მორჩილი ცოლი მყავს, უბრალო და ვნებაუღევი“ (1, 17).

ფაუსტინა 175 წელს მოულოდნელად გარდაიცვალა, აღმოსავლეთისაკენ მიმავალ გზად რომ ეშურებოდა კასიუსის მემბოხე ლეგიონების დასამშვიდებლად.




მისი ნეშტი მცირე აზიიდან რომში ჩამოასვენეს. „მე ყოველდღე ვლოცულობ ფაუსტინასთვის და უკვდავ ღმერთებს ვავედრებ მას“, – წერდა მარკუსი და იმპერატრისასათვის სათანადო პატივის მიგებაზე ზრუნავდა. სენატმა აღასრულა თავისი იმპერატორის თხოვნა და ფაუსტინას ღვათებრიობა აღიარა. რომის კაპიტოლიუმის მუზეუმში ინახება ბარელიეფი, რომელზეც გამოსახულია ცად აღზევებული ფაუსტინა, სასოებით სავსე მზერას რომ აყოლებს იქვე მჯდომი ტახტისმპყრობელი.


ხალხის სათაყვანებელი იმპერატორის უფრო მეტი ტკივილი კომოდუსი იყო. მარკუსმა სცადა თავისი ვაჟისთვის, ამზადებდა რა მას ტახტზე აღსაზევებლად, ისეთივე განათლება მიეცა, როგორც თავად მიიღო ოდესღაც. მიუხედავად ამისა, მემკვიდრე გლადიატორისათვის შესაფერის ზნეს უფრო ამჟღავნებდა, ვიდრე უზარმაზარი სახელმწიფოს მმართველისა. კომოდუსმა, ბიოგრაფოსის ცნობით, 735-ჯერ მიიღო მონაწილეობა გლადიატორთა ასპარეზობაში. ბოლოს იქამდეც მივიდა, რომ აღარ ისურვა სასახლეში ცხოვრება, გადასახლდა გლადიატორთა ყაზარმაში და ახლად გარდაცვლილი ცნობილი გლადიატორის სახელი დაირქვა.

ასეთ ხვედრს არ იმსახურებდა რომის კეთილშობილი მბრძანებელი. მას არასოდეს განუღებია თავისი ოჯახის წევრთა, ახლობელთა თუ მეგობართა მიმართ სიყვარული. თავაზიანი და მონყალე იყო იგი სულ უცხო ადამიანებთან ურთიერთობისასაც კი. სტოიკოსთა ფილოსოფიით გატაცებამ შეაძლებინა მას თავის თავში უბედობათა და სირთულეთა დასაძლევნი ძალა ეპოვა. იმპერატორი თურმე ხშირად იმეორებდა პლატონის სიტყვებს: „სახელმწიფოები აღმავლობის გზით ივლიდნენ, თუკი ფილოსოფოსები იქნებოდნენ მბრძანებლები ან მბრძანებლები იქნებოდნენ ფილოსოფოსებიო“ (იულიუს კაპიტოლინუსი, მარკუსი, XXVII, 7; პლატონი, სახელმწიფო, 473 c-d).

სახელმწიფო საქმეთაგან მოცალეობის უამს, საკუთარ თავთან განმარტოებელი იმპერატორი, ჩანს, ხშირად ფიქრობდა იმ გზაზე, რომელიც მას ქეშმარიტებასთან მიაახლებდა: „კაცის სიცოცხლე – წამია მხოლოდ; მისი არსი – მარად მუდინი; შეგრძნება – ბუნდოვანი; აღნაგობა სხეულისა – ხრწნადი; სული – ცთომილივით მოხეტიალე; ბედი – იდუმალი; დიდება – ფუჭი. ერთის სიტყვით, ყველაფერი სხეულისეული ნაკადს წააგავს, სულისეული – სიზმარს, კვამლს, ნისლს. ცხოვრება ბრძოლაა და ხეტიალი უცხო მხარეში; სიკვდილის შემდგომი დიდება – დავინყება. მაშ, რაღას მიყვებით, რა გვინწინამძღვრებს? სიბრძნის სიყვარული მხოლოდ და მხოლოდ. სიბრძნის მოყვარე კი ისაა, ვინც ხრწნილებისგან იცავს და უმნიკვლოდ ამყოფებს საკუთარ სულში დამკვიდრებულ დემონს, რათა ეს უკანასკნელი მარტო ძლევედს განცხრომის ყველა სურვილსა და ყველა საღმობას, რათა



მარკუს ავრელიუსი



მისთვის უცხო იყოს ყოველგვარი სიშლეგე, სიცრუე და პირმოთნეობა... რათა ყველაფერს, რაც ხდება ან წილად ხვდება მას, უმზერდეს, როგორც იმავე სანყისისაგან წარმომდგარს, რომლისგანაც თავად მოიქცა ყოფად, და, რაც ყველაზე მთავარია, რათა უდრტივინველად უცდიდეს სიკვდილს, როგორც უბრალო შლას და რღვევას იმ სტიქიონთა, რომელთაგანაც იგება და ითხზვის ყველა ცოცხალი არსი" („ფიქრები“, II, 17).

ჟამთააღმწერები, მოყოლებული უძველესი საუკუნეებიდან, საქებარ სიტყვებს არ იშურებდნენ მარკუს ავრელიუსისათვის. „უზომო იყო სიქველე ამ ღვთაებრივად მოაზროვნე ადამიანში, – ვკითხულობთ ერთ-ერთ ბიოგრაფიაში – რამეთუ ყველა გასაჭირის ჟამს ის მფარველად ევლინებოდა ადამიანებს. მარკუსი იმ დროს რომ არ დაბადებულიყო, მთელი რომაული სამყარო წამისუმალ დაინგრეოდა“ (ავრელიუსი ვიქტორი, ეპიტომე, XVI).

რომაელმა ხალხმა მარკუს ავრელიუსი „კეთილმონყალე ღმერთად“ („Deus propitius“) აღიარა; მის პატივსადებად ააგო ტაძარი და დააარსა ქურუმთა კოლეგია; რომაელები მის გამოსახულებებს სათუთად ინახავდნენ საკუთარ პენატებში, ხოლო მისი ხსოვნის წინაშე კრძალვით იხრიდნენ ქედს სახელოვანი იმპერატორები.

მარკუს ავრელიუსის გარდაცვალებისთანავე დასრულდა რომაული იმპერიის „ოქროს ხანა“, რადგანაც კომოდუსის მმართველობის ჟამს რომმა უღმობლობის და სიბილნის მორევში იწყო ჩაძირვა.





შენიშვნები:

¹ ანტიკური ხანის ამ ბრწყინვალე ძეგლის ქართული თარგმანი სახელწოდებით „ფიქრები“, რომელიც რამდენჯერმე გამოიცა, ეკუთვნის ბატონ ბაჩანა ბრეგვაძეს. ამონარიდებს წარმოვადგენ წიგნიდან: მარკუს ავრელიუსი, ფიქრები. ძველი ბერძნულიდან თარგმნა, წინასიტყვაობა და შენიშვნები დაურთო ბაჩანა ბრეგვაძემ, თბილისი, 1972.

² მარკუს ავრელიუსის ბიოგრაფოსი იულიუს კაპიტოლინუსი (ახ.წ. III-IV საუკუნეთა მიჯნა) მომავალი იმპერატორის კიდევ მრავალ მოძღვარს ჩამოგვითვლის, მათ შორის გრამატიკოსებს, ორატორებს, იურისტებს, ფილოსოფოსებს. ამასთანავე ხაზგასმით აღნიშნავს, რომ მარკუსი „მათ განსაკუთრებული პატივით ეპყრობოდა. ლარების (მფარველი სულების) ოთახში ინახავდა თავის მოძღვართა ოქროს ქანდაკებებს, საფლავებს კი მუდამ სწირავდა მსხვერპლს და ყვავილებით ამკობდა, ხოლო ვინც ჯერ კიდევ ცოცხალი იყო, მათდამი განსაკუთრებულ გულუხვობას იჩენდა, ანიჭებდა მალალ თანამდებობებსა და ზრუნავდა მათი ოჯახების კეთილდღეობაზე“ („ფილოსოფოს მარკუს ანტონინუსის ცხოვრების აღწერილობა“, II, 5; 9. იხ. Авторы жизнеописаний Цезарей, в книге: Властелины Рима, Биографии Римских императоров от Адриана до Диоклетиана; Пер. С. П. Кондратьева под ред. А. Н. Доватура, Санкт-Петербург, 2001).



**უზენიშენელოვანეს
ტირამინთა განმარტავითი
ლექსიკონი**

ავგური (ლათ. augur – „ქურუმი“, „ფრინველთმისანი“). რომაელები ავგურებს უწოდებდნენ ქურუმებს, რომლებიც ჩიტების ფრენითა და ზეციური მოვლენებით წინასწარმეტყველებდნენ მომავალს. რომის ქურუმთა ამ კოლეგიამ იარსება ქრისტიანობის საბოლოო გამარჯვებამდე. განათლებულ რომაელებს უკვე ძვ.წ. I საუკუნეში აღარ სჯეროდათ ავგურების.

არეოპაგი (ბერძნ. Ἄρειος ἄγιος – „არესის ბორცვი“). ბორცვი ათენში, სადაც იკრიბებოდა სამსჯავრო ამავე სახელწოდებით. იმას, თუ რატომ დაარსდა ამ ბორცვზე სამსჯავრო, ომის ღვთაება არესთან დაკავშირებული მითოსით ხსნიდნენ ძველი ბერძნები. არეოპაგს თავდაპირველად ევალებოდა სისხლისსამართლებრივ საქმეთა წარმოება. დროთა განმავლობაში მისი უფლებები გაფართოვდა; დაევალა მეთვალყურეობა იმაზე, თუ როგორ სრულდებოდა კანონები; როგორი პასუხისმგებლობით ეკიდებოდნენ დაკისრებულ საქმეს თანამდებობის პირნი; არეოპაგს შეეძლო საბჭოსა თუ სახალხო კრების გადანყვეტილებათა გაპროტესტებაც. ძვ.წ. 462 წლისთვის, ეფიალტესის კანონმდებლობით, არეოპაგს სისხლის სამართლის გარდა სხვა ყველა უფლება ჩამოერთვა. მოგვიანებით, პადრიანეს დროს, ახ.წ. 130 წლიდან იგი კვლავ უზენაეს მმართველ ორგანოდ დასახელდა, თუმცა ოდინდელი მნიშვნელობა უკვე დაკარგული ჰქონდა.

არქონი (ბერძნ. ἄρχων – „წინამძღოლი“, „მბრძანებელი“, „ბელადი“, „მეფე“). უმაღლესი თანამდებობის პირი ათენში.

დელფო (ბერძნ. Δελφοί). ქალაქი პარნასოსის მთის მისადგომებთან ფოკისში. აქ მდებარეობდა პანელინური ორაკული, რომლის ქურუმებიც მნიშვნელოვან როლს ასრულებდნენ საბერძნეთის რელიგიურ ცხოვრებაში. მითოსის თანახმად, აპოლონმა



თავად აირჩია დელფო თავის წმინდა ადგილად. მის სახელზე იქ აღმართული უძველესი ტაძარი ძვ.წ. IX საუკუნით თარიღდება. ტაძრის შესასვლელში მდგარა აპოლონის ქანდაკება. დელფოში სხვა სინამდვიეთან ერთად ინახებოდა წმინდა ქვა – ომფალოსი. ბერძენთა აზრით, იგი იმ ადგილზე იდო, სადაც დედამიწის შუაგული, ანუ ჭიპი უნდა ყოფილიყო. ტაძრის იდუმალებით მოცულ სამისნოში, რომელიც ორაკულისთვის იყო განკუთვნილი, პითიას გარდა ვერავინ შევიდოდა. ეს იყო მისანი ქალი (ძვ.წ. VI საუკუნისთვის უკვე სამი პითია არსებულა), რომელიც იჯდა აპოლონის ოქროს სამფეხზე და მომავალს წინასწარმეტყველებდა. ბერძნულ პოლისთა აღმავლობის ხანაში დელფო სპარტის გავლენის ქვეშ მოექცა.

დიქტატორი (ლათ. dictator). განსაკუთრებული უფლებებით აღჭურვილი თანამდებობის პირი რომაულ რესპუბლიკაში. დიქტატორს სენატისა და ხალხის ნებით ირჩევდნენ ექვსი თვის ვადით საგანგებო ვითარებათა უამს. შესაძლებელი იყო მისი უფლებამოსილების ვადის გახანგრძლივება, თუკი პრობლემები არ მოიხსნებოდა

დიქტატორი ერთპიროვნულად მართავდა რომს; წყვეტდა ომისა და მშვიდობის საკითხებს; განაგებდა ადამიანთა ბედს. მისი ბრძანება კანონის ტოლფასი იყო. იგი თავისი უფლებამოსილებით ძველი რომის მეფეებს უთანაბრდებოდა. დიქტატორი ხალხის ნებით იყო არჩეული, მას სხვაგვარად „magister populi“ ეწოდებოდა და რამდენადაც მძიმე არ უნდა ყოფილიყო მისი მბრძანებლობის პერიოდი, იგი ხელშეუხებელი იყო.

დიქტატორი ატარებდა ძონისფერ სამოსს და დაბრძანებული იყო გამორჩეულ, ე.წ. კურულის (ეტლისებურ) ტახტზე. მას თან ახლდა ფასკიებით აღჭურვილ ლიქტორთა ამაღა. რომაული რესპუბლიკის უკანასკნელ დიქტატორს, იულიუს კეისარს სენატმა ეს ტიტული სიცოცხლის ბოლომდე მიანიჭა კურულის ტახტზე ჯდომისა და დაფნის გვირგვინის ტარების უფლებით, რასაც შეენირა კიდეც: რესპუბლიკური წყობის მომხრეებმა (რესპუბლიკელებმა) იგი გამეფებისადმი სწრაფვაში დაადანაშაულეს და ვერაგულად მოკლეს.

იმპერიის პერიოდში დიქტატორის თანამდებობა გაუქმდა, თუმცა დიქტატორისმიერი უფლებები იმპერატორთა უფლებებში გარდაისახა.

ედილი (ლათ. aedes – „ტაძარი“) ეწოდებოდა რომის ადმინისტრატორს. თავდაპირველად ედილები სახალხო ტრიბუნთა თანამემნენი იყვნენ. მოგვიანებით ავგუსტუსმა მათი უფლებები შეზღუდა, რათა უფრო პროფესიონალური ადმინისტრაციული სამსახური შეექმნა. ედილებს დაევალათ ეზრუნათ სახელმწიფო შენობების, ტაძრების, მოედნების სისუფთავეზე, წესრიგზე; ისინი ხელმძღვანელობდნენ სპორტულ ასპარეზობებს, იცავდნენ სახელმწიფო ხაზინას, არიგებდნენ პურს და ა.შ.



ედიქტი (ლათ. edictum – „ბრძანებულება“). რომაელი მაგისტრები თანამდებობის მიღებისთანავე ედიქტებში აქვეყნებდნენ იმ პრინციპებს, რომლებითაც მოვალეობათა აღსრულებისას უნდა ეხელმძღვანელათ. იმ პრეტორთა მიერ შედგენილმა ედიქტებმა, რომლებიც ანესრიგებდნენ რომაელ მოქალაქეთა შორის აღძრულ საქმეებს (praetor urbanis), უმნიშვნელოვანესი როლი შეასრულეს რომაული სამართლის ჩამოყალიბების საქმეში. ჰადრიანეს იმპერატორობის ხანაში (ახ.წ. 117-138 წწ.) არსებობდა ე.წ. შეუცვლელი ედიქტები (edictum perpetuum). შუა საუკუნეებიდან მოყოლებული დღემდე ედიქტებს უმაღლეს ხელისუფალთა განკარგულებებს უწოდებენ.


ეპატრიდი (ბერძნ. ἑπατριδης – „კეთილშობილ მამათა ჩამომავალი“). ატიკის არისტოკრატიული მოდგმა, რომელიც ათენში კლისთენესის რეფორმებამდე პრივილეგიურ ფენას წარმოადგენდა.

ეკვიტები (ლათ. equites – „მხედრები“). ერთერთი ფენა ძველ რომში. რესპუბლიკის პერიოდში ეკვიტებს ეკავათ სოციალური ნიში სენატსა და უბრალო მოქალაქეთა შორის. იმპერიის პერიოდში მათი სტატუსი შეიცვალა: ეკვიტებს შეეძლოთ სახელმწიფო თანამდებობათა დაკავებაც. ამ ფენის წარმომადგენლებს ნიშნავდნენ ახლად დაპყრობილ ტერიტორიათა განმგებლებდაც. ძვ.წ. II საუკუნიდან ეკვიტები ერთერთ ძირითად სოციალურ ფენას წარმოადგენდნენ. მათ სენატორებდაც ნიშნავდნენ იმ შემთხვევაში, თუ ფლობდნენ ოთხი ათასი ოქროს ზოდის ქონებას.

ეფოროსი (ბერძნ. ἑφορος – „მზირი“, „მეთვალყურე“). სპარტაში ყოველწლიურად ირჩევდნენ ხუთ ეფოროსს. თავდაპირველად მათ მხოლოდ სასამართლო პროცესების წარმოება ევალებოდათ, მოგვიანებით ისინი მეთვალყურეობდნენ ყველა სახელმწიფოებრივი თანამდებობის პირს და მეფესაც კი. ეფოროსთაგან პირველის (ἑφορος πρώτος) სახელით იწოდებოდა მათი უფლებამოსილების წელიც. ათენში ხუთი ეფოროსის თანამდებობა ძვ.წ. 405 წლიდან შემოიღეს არისტოკრატიული ოლიგარქიის წარმომადგენლებმა.

იმპერატორი (ლათ. imperator – „მბრძანებელი“, „მთავარსარდალი“). თავდაპირველად ეს იყო საპატიო წოდება, რომელიც ძლევამოსილ მთავარსარდალს ენიჭებოდა. მოგვიანებით იგი იმპერიის უზენაესი მმართველის ტიტული გახდა.

რესპუბლიკის პერიოდში გამარჯვებული მხედართმთავარი ამ ტიტულს თავისი ჯარისკაცების მისალმებასთან (salutatio) ერთად იღებდა და ტრიუმფის ზეიმამდე ინარჩუნებდა. იმპერატორის წოდების მინიჭების უფლება სენატსაც უჭონდა. ზოგიერთ მთავარსარდალს ეს ტიტული რამდენჯერმე მიენიჭა (მაგალითად, პომპეუსს, სულას), იულიუს კეისარმა კი იმპერატორობა სიცოცხლის ბოლომდე დაიმსახურა. ძვ.წ. 29 წელს



სენატმა იმპერატორად აღიარა ავგუსტუსი და მასაც სიცოცხლის ბოლომდე შეუნარჩუნა ეს წოდება. ამის შემდეგ „იმპერატორი“ რომის ყველა მბრძანებლის სახელის ნაწილი ხდება იმისდა მიუხედავად, იმარჯვებდნენ ისინი ბრძოლებში თუ არა.

კეისარი (ლათ. Caesar), როგორც ტიტული, იმპერატორ იულიუს კეისრის მმართველობის შემდეგ დამკვიდრდა რომში. ჩვეულებრივ, ეს იყო იულიუსთა მოდგმის საგვარეულო სახელი. ძვ.წ. 44 წელს იულიუს კეისარმა იშვილა თავისი დის შვილიშვილი, გაიუს ოქტავიუსი და მას გაიუს იულიუს კეისარ ოქტავიანუსი შეერქვა. მოგვიანებით ოქტავიანუსს უბრალოდ იმპერატორ კეისარს უწოდებდნენ. ძვ.წ. 27 წელს მას სენატმა ახალი ტიტული „ავგუსტუსი“ („Augustus“ – „სახელმწიფოს განმადიდებელი“) მიანიჭა. მას შემდეგ გამოთქმა „იმპერატორი კეისარი ავგუსტუსი“ (Imperator Caesar Augustus) რომაული სახელმწიფოს უზენაეს მმართველთა წოდებულების საფუძველი გახდა. საიმპერატორო ძალაუფლება ვრცელდებოდა არა მხოლოდ სახელმწიფო ფინანსებსა თუ მინათა მფლობელობაზე, არამედ სენატზეც, რამდენადაც იმპერატორი იყო პრინცეპსი (Princeps – პირველი სენატორთა შორის) და ქურუმთა კოლეგიაზეც, რამდენადაც მას უზენაესი პონტიფექსის (Pontifex maximus) წოდებაც ენიჭებოდა. რომში არსებობდა იმპერატორის კულტიც. პირველი იმპერატორი, რომელიც ღმერთად აღიარეს, იყო იულიუს კეისარი (ძვ.წ. 1.01.42 წ.). მის მემკვიდრეს კი „ღმერთის ძე“ („Divi filius“) უწოდეს. მოგვიანებით ტრადიციად იქცა ღირსეულ იმპერატორთა გაღმერთება გარდაცვალების შემდეგ. თუმცა ზოგიერთმა მბრძანებელმა (კალიგულამ, დომიტიანუსმა, კომოდუსმა) სიცოცხლეშივე მიანიჭა ეს პატივი.

კვესტორი (ლათ. quaestor – „მაძიებელი“). ყველაზე დაბალი რანგის თანამდებობა რომაულ მაგისტრატში; პატივმოყვარე რომაელთა პირველი საფეხური სენატორის სავარძლის მოსაპოვებელ გზაზე. კვესტორად ნიშნავდნენ რომის მოქალაქეს მხოლოდ 30 წლის ასაკიდან. მისი საქმიანობა ძირითადად, ფინანსებთან იყო დაკავშირებული. თავისი მოვალეობის აღსრულების შემდეგ ექს-კვესტორს საშუალება ეძლეოდა გაეგრძელებინა მოღვაწეობა სენატში ან სხვა რომელიმე დანესებულებაში.

ზოგიერთ თანამედროვე სახელმწიფოში უნივერსიტეტის ბუღალტერიას კვესტურა ეწოდება.

კონსული (ლათ. consul), რომაული სახელმწიფოს რესპუბლიკის პერიოდიდან მოყოლებული უმაღლესი ჩინი, რომელიც იმპერიის პერიოდში საპატიო თანამდებობად იქცა. თავდაპირველად სახალხო კრება ირჩევდა ორ კონსულს პატრიციათა მოდგმიდან ერთი წლის ვადით. მოგვიანებით, ახალი კანონის (Leges Licinia Sestiae) თანახმად, ერთი კონსული პლებისსის წარმომადგენელი უნდა ყოფილიყო.

საიმპერატორო ეპოქაში კონსულებს ნიშნავდა იმპერატორი, ამიტომ ამ თანამდებობამ დაკარგა თავისი მნიშვნელობა, თუმცა გარკვეული ღირსებები მაინც შეინარჩუნა.



კერძოდ, კონსულები სარგებლობდნენ ხმის უფლებით სისხლისსამართლებლივ სასამართლო პროცესებზე; ისინი განაგებდნენ სამოქალაქო სამართლის ზოგიერთ უბანსაც, კერძოდ, მონებთან დაკავშირებულ საქმეებს. მათ საპატიო მოვალეობად ითვლებოდა სახალხო ასპარეზობათა და უმეტეს რელიგიურ ზეიმთა მონაწილეობა.

კონსულის თანამდებობაზე ყოფნა ამა თუ იმ პირს საშუალებას აძლევდა გზა გაეკაფა საზოგადოებრივ თუ სამხედრო სარბიელზე.

კონსულთა ატრიბუტებად მიიჩნეოდა განსაკუთრებული ტოგა (მოსახსამი, toga praetexta), საცერემონიო სავარძელი (sella curulis) და პირად მცველთა (ლიქტორთა) ამალა.


ძვ.წ. 153 წელს მიღებული კანონის თანახმად კონსულთა ინაუგურაციის დღედ დანიშნული იყო 1 იანვარი. დედაქალაქში ეწყობოდა სენატორთა, მხედართა და სხვა მნიშვნელოვან პირთა საზეიმო სვლა. მათ შორის იყვნენ მომავალი კონსულებიც. საზეიმო ვითარებაში კითხულობდნენ ლოცვებსა და დებდნენ ფიცს. რომელთათვის ეს იყო წმინდა ცერემონია, რომლის შებღალავაც წარმოუდგენლად მიაჩნდათ. სწორედ ამიტომ, როდესაც იმპერატორმა კომოდუსმა ახ.წ. 193 წელს განაცხადა, რომ თავის ინაუგურაციაზე გლადიატორის ფორმით წარსდგებოდა მოზეიმეთა წინაშე, მის წინააღმდეგ შეთქმულები ისე გაოგნდნენ, რომ ფიცის დადების წინაღმეშ მოკლეს იგი.

ლეგიონი (ლათ. legere – „ამორჩევა“, „შეკრება“). იმპერიის ძირითადი სამხედრო ძალა, რომლის საშუალებითაც რომმა ძველი სამყაროს დიდი ნაწილი დაიპყრო. მთელი სამი საუკუნის მანძილზე რომაულ ლეგიონებს არ დაეძებნებოდათ ბადალი დისციპლინის, შემართების, მომზადებისა თუ სამხედრო ხელოვნების თვალსაზრისით. ლეგიონერთა ძალისხმევით იმპერია აკონტროლებდა უზარმაზარ ტერიტორიებსა და ხალხებს.



იმპერიის ეპოქაში ლეგიონის შემადგენლობაში შედიოდა 10 კოჰორტა (კოჰორტაში 5 კენტურია იყო გაერთიანებული), იგი ითვლიდა 6095 ქვეითს, 726 მხედარსა და დამხმარე ჯარებს. ლეგიონის შენახვა სახელმწიფოს საკმაოდ ძვირი უჯდებოდა. სამხედრო სამსახურის ვადა ჩვ.წ. I საუკუნეში 20 წლით განისაზღვრებოდა. ამ ვადის გასვლისთანავე ჯარისკაცი იღებდა განსაზღვრულ თანხასა და მიწის ნაკვეთს. რომაული იმპერიის კოლონიები ერთიანად დასახლებული იყო ყოფილი მეომრებით. თითოეული მათგანი თავის სამისდღეშიო გასამრჯელოს (praemia militare) იღებდა სამხედრო ფონდის საზინიდან (aerarium militare).

ლიქტორი (ლათ. licitor), პირადი მცველი. ტრადიციის თანახმად, ლიქტორთა ინსტიტუტი რომში ეტრუსკთა მიბაძვით დააარსა რომულუსმა. ლიქტორები, ძირითადად, დაბალი ფენის წარმომადგენლები იყვნენ. ისინი მაღალჩინოსანთა წინ ჩამსკრივებულნი



მაბიჯებდნენ ფასკიებით ხელში. ყოველი მაგისტრისათვის ლექტორთა განსაზღვრული რაოდენობა იყო დანესებული. ასე მაგალითად, დიქტატორის ამაღლაში 24 ლექტორი ირიცხებოდა, კონსულს თან ახლდა 12, პრეტორს 6, იმპერატორს თავდაპირველად 12, მოგვიანებით კი 24 ლექტორი.

მაგისტრი (ლათ. *magis* – „მეტი“, *magister* – „მეთაური“, „მასწავლებელი“) ძველ რომში ეწოდებოდა მთელ რიგ თანამდებობებსა და საკრალურ კოლეგიათა მეთაურებს.

1. *Magister equitum* ანუ ცხენოსანთა ჯარის მეთაური (მაგისტრი) ერთერთი უმნიშვნელოვანესი თანამდებობა იყო რომაული სახელმწიფოს რესპუბლიკისა და ადრეული იმპერიის პერიოდებში. თავდაპირველად ეს იყო დიქტატორის მოადგილე, რომელსაც თავად დიქტატორი ნიშნავდა სხვადასხვა დავალებათა აღმსრულებლად. იულიუს კეისრის დროს მაგისტრებს შედარებით დამოუკიდებლობა ჰქონდათ მოპოვებული. სამოქალაქო ომის უამს (ძვ.წ. 49-44 წწ.) კეისარი მათ რომში თავის წარმომადგენლებად იყენებდა. ავგუსტუსმა, რომელსაც არ მოსწონდა მაგისტრთა დამოუკიდებლობა, პრინციპატის სისტემის დანესებასთან ერთად გააუქმა ეს თანამდებობა. *Magister equitum*-ის მოვალეობათაგან მრავალი პრეტორიათა პრეფექტებს გადაეცათ.

2. მაგისტრებს უწოდებდნენ იმ ჩინოვნიკებსაც (მოხელეებს), რომლებიც მოღვაწეობდნენ რომაული იმპერიის სახელმწიფო თუ სასახლის კარის აპარატში. მაგალითად: *Magister ab epistulis* (ედიქტებისა და იმპერატორის განკარგულებათა გამავრცელებელი კანცელარიის უფროსი); *Magister a rationibus* (საიმპერატორო ხაზინის მმართველი); *Magister officiorum* (კანცელარიის უფროსი).

მეტოიკოსი (ბერძნ. *μέτοικος* – „გადმოსახლებული“, „უცხო“). ათენში მეტოიკოსებად იწოდებოდნენ ის უცხოები, რომელთაც ქალაქში ცხოვრების უფლება ეძლეოდათ გარკვეული საზღაურის ფასად.

მისტერია (ბერძნ. *μυστήρια*). ღვთაებისადმი მიძღვნილი საიდუმლო წეს-ჩვეულება. მასში მონაწილეობის მიღება შეეძლოთ მხოლოდ განდობილებს, რომლებიც ვალდებული იყვნენ შეენახათ საიდუმლოდ ყველაფერი, რაც კი ხდებოდა მისტერიის უამს.

ორაკული (ლათ. *oraculum*). ბერძენთა წარმოდგენით, ორაკული ეწოდებოდა როგორც თავად მისნობას, ასევე იმ ადგილს, სადაც წინასწარმეტყველებდა მისანი. მოგვიანებით ორაკული ეწოდა მისან ღვთაებასაც და ქურუმსაც.

ოსტრაკისმოსი (ბერძნ. *ostracismos*). გაძევება ქოთნის ნატეხებისყრით. ათენში, არგოსსა და ზოგიერთ სხვა ქალაქში არასასურველ ადამიანს წილისყრით აძევებდნენ სახელმწიფოდან. ამ საერთო-სახალხო გადაწყვეტილებას ოსტრაკისმოსი ეწოდებოდა და აი, რატომ: ყოველი



მოქალაქე თიხის ქოთნის ნატეხზე, რომელსაც „ოსტრაკონი“ ეწოდებოდა, ამოკანრავდა ხოლმე მისთვის არასასურველი კაცის სახელს. ოსტრაკონებს აგროვებდნენ და ითვლიდნენ. მათი რიცხვი სამოცი ათასზე ნაკლები არ უნდა ყოფილიყო. ოსტრაკონების დახარისხების შემდეგ აცხადებდნენ იმ კაცის სახელს, რომელსაც ხმათა უმრავლესობით ქალაქი უნდა დაეტოვებინა ათი წლით. ამ იძულებითი დროის გასვლის შემდეგ მას კვლავ შეეძლო ქალაქში დაბრუნება და თავისი პოლიტიკური მოღვაწეობის გაგრძელება.

პრეტორი (ლათ. praetor – „წინ სვლა“). რომაელ კონსულთა და დიქტატორთა ოდინდელი ტიტული, უმაღლესი სახელმწიფო პირი მეფის ჩამოგდების შემდეგ (ძვ.წ. 510 წლიდან) ძველ რომში. ძვ.წ. IV საუკუნიდან, ახალი კანონების შემოღებისთანავე უმაღლეს სახელმწიფო პირს წარმოადგენდა კონსული. მას მორჩილებდნენ პრეტორები, რომელთა საქმიანობის უმთავრესი სფერო სამოქალაქო სამართალი იყო. იმპერიის პერიოდში პრეტორთა პოზიციები შესუსტდა. მათ მოვალეობათა ძირითადი ნაწილი გადაეცა ქალაქთა პრეფექტებს. განსაკუთრებული უფლებებით სარგებლობდა გვარდიის პრეფექტი.

პრეტორიელები (ლათ. praetorium – „მხედართმთავრის კარავი“) ეწოდებოდათ რომის სახელმწიფოს საიმპერატორო გვარდიის მეთაურებს. თავად ეს გვარდია საკუთარი ძალაუფლების დასაცავად იმპერატორმა ავგუსტუსმა შექმნა.

სახელწოდების ისტორია ასეთია: რომაელ ლეგიონერთა ბანაკის შუაგულში მხედართმთავრისთვის იშლებოდა კარავი, პრეტორიუმი. მის გარშემო კი განლაგებული იყო მცველთა რაზმი „cohorta praetoria“. ასეთი კოპორტები მრავალ სახელოვან ადამიანს გააჩნდა, მათ შორის იულიუს კეისარს, მარკუს ანტონიუსს, ოქტავიანუს ავგუსტუსს. თავდაპირველად იულიუს კეისარისთვის გახდა ცხადი, რომ ერთგულ მცველთა მცირერიცხოვან რაზმს ბრძოლის ველზე გაცილებით მეტი სარგებლობის მოტანა შეუძლია, ვიდრე მთელ ლაშქარს. ავგუსტუსი კი უფრო შორს წავიდა. მისი აზრით, ერთგული და კარგად განვრთნილი რაზმი არა მხოლოდ ბრძოლის ველზეა აუცილებელი, არამედ პოლიტიკურ არენაზეც. ამიტომ მან პროვინციებში გაფანტულ ლეგიონერთაგან შეკრიბა ჯარი, რომელსაც პრეტორიელთა გვარდია უწოდა. პრეტორიელები განსაკუთრებული უპირატესობით სარგებლობდნენ: მათ პქონდათ დიდი ფულადი ანაზღაურება და სამხედრო სამსახურის შედარებით ხანმოკლე პერიოდი.



მოგვიანებით პრეტორიელთა გვარდიის ხელში აღმოჩნდება იმპერატორთა დაშობისა თუ აღზევების სადავეები.



პრეფექტი (ლათ. praefectus – „მეთაური“, „მბრძანებელი“). უმაღლესი თანამდებობის პირთა ტიტული არმიასა თუ სამოქალაქო სამსახურში. პრეფექტის ნოდებას იღებდნენ მხოლოდ სენატორები ან მხედართა ფენის წარმომადგენლები.

პრინციპსი (ლათ. Princeps – „პირველი“). არაოფიციალური, თუმცა ფრიად მნიშვნელოვანი ტიტული, რომელიც გულისხმობდა „პირველ სახელმწიფო მოღვაწეს“. რომაული სახელმწიფოს რესპუბლიკის პერიოდში პრინციპსი ეწოდებოდა სენატის ნუსხის სათავეში მდგომ პირს, რომელიც პირველი ხმის უფლებით სარგებლობდა (პომპეუსი, ციცერონი). ძვ.წ. 49 წელს ეს ტიტული მიაკუთვნეს იულიუს კეისარს, მისი გარდაცვალების შემდეგ კი – ოქტავიანუს ავგუსტუსს.

იმპერიის ეპოქაში „პრინციპსი“ იმპერატორის ნოდებად იქცა, თუმცა მას არ ჰქონია სახელმწიფოებრივი ან სამართლებრივი დატვირთვა. პირველ ხანებში ეს ტიტული პრესტიჟული იყო. კალიგულას მმართველობიდან (37-41 წწ.) მოყოლებული კი მან საბოლოოდ დაკარგა თავისი მნიშვნელობა. ამ ტერმინის გავლენით შუა საუკუნეებიდან მოყოლებული სამეფო დინასტიის წარმომადგენელს შეერქვა „პრინცი“.

პროკონსული (ლათ. pro consule – „კონსულის ნაცვალი“). ტიტული, რომელიც ენიჭებოდა კონსულის უფლების მქონე პროვინციის განმგებელს.

სალიები (ლათ. Salii – „მხტომელი“, „მროკავნი“) – რომაელ ქურუმთა ორი უძველესი კოლეგია, პალატიუმისა და კოლინასი, რომელიც ნუმა პომპილიუსს (რომის ლეგენდარულ მეფეს) დაუნესებია. თითოეულ კოლეგიაში პატრიციული წარმომავლობის თორმეტი წევრი იყო გაერთიანებული. ისინი წმინდა ანკილთა (ფართა) მფარველი მარსის მსახურებად ითვლებოდნენ.

მარტის თვის დასაწყისში სალიები აწყობდნენ საზეიმო სვლას, თან ოროლს სცემდნენ ანკილეებს, რომელთაგანაც ერთი, გადმოცემათა თანახმად, ციდან იყო ჩამოვარდნილი. ეს საზეიმო სვლა მიმდინარეობდა ცეკვითა და უძველეს ჰიმნთა თანხლებით.

სატრაპი (სპარს., ბერძ. σατράπης – „სამეფოს მფარველი“). სპარსეთის მეფისნაცვალი დარიოს I დროიდან. სატრაპები მათზე მინდობილ მხარეთა (სატრაპიათა) სრულუფლებიანი მბრძანებელი იყვნენ. ისინი კრებდნენ გადასახადს, განაგებდნენ მართლმსაჯულებას, ინახავდნენ ლაშქარს, მეთვალყურეობდნენ სიმშვიდეს. მათ ხელში იყო თავმოყრილი მთელი საშვედრო და სამოქალაქო ძალაუფლება, რასაც ისინი ხშირად ბოროტად იყენებდნენ.

სენატი (ლათ. senex – „უხუცესი“ senatus, „უხუცესთა საბჭო“). რომში უხუცესთა საბჭო არსებობდა ჯერ კიდევ მეფეთა ხანაში. ეს იყო სახელმწიფო ინსტიტუტი, რომლის დამსახურებითაც რომი აპენინზე მდებარე პატარა სახელმწიფოდან ჯერ ხმელთაშუაზღვისპირეთის მძლავრ რესპუბლიკად, ბოლოს კი უზარმაზარ მსოფლიო იმპერიად იქცა. სენატის წევრები იყოფოდნენ რანგებად, იმის მიხედვით, თუ რა



თანამდებობებს ფლობდნენ ადრე (კონსულები, პრეტორები, ედილები, ტრიბუნები, კვესტორები). დისკუსიათა დროს სენატორებს სიტყვის თქმის უფლება ენიჭებოდათ ამ რანგების მიხედვით. სენატის სათავეში იდგა ყველაზე ღირსეული სენატორთაგან, მას პრინციპსი ეწოდებოდა (princeps senatus). სენატი ამტკიცებდა კანონებს და არჩევების შედეგებს; ზედამხედველობდა მაგისტრატების საქმიანობას და აძლევდა მათ რჩევებს; განაგებდა საშინაო პოლიტიკისა თუ ფინანსებთან დაკავშირებულ პრობლემებს; თვალყურს ადევნებდა წმინდა რიტუალთა აღსრულებას. არსებითად სენატი უმაღლესი სახელმწიფო ორგანო იყო. მის დადგენილებებს (Senatus consultum), ისევე როგორც სახალხო კრების თუ პლემბსის კრების განკარგულებებს, კანონის ძალა ენიჭებოდა. იმპერიის ხანიდან სენატმა დაიწყო თავისი უფლებების დაკარგვა. იგი იმპერატორთა პოლიტიკური ძალმოსილების იარაღად იქცა. სენატის დადგენილებებმა, მართალია, შეინარჩუნეს კანონის ძალა, მაგრამ მათ ძირითადად იმპერატორთა სურვილით იღებდნენ.

სიკოფანტესი (ბერძნ. σικωφάντης). პროფესიონალი დამძმენი, ცილისმწამებელი. ძვ.წ. V საუკუნიდან ათენში უპასუხისმგებლო ცილისმწამებლებს სასტიკად სჯიდნენ.

სიქველე (ბერძნ. ἄραξ – „არეტე“). ძველ საბერძნეთში „სიქველე“ გულისხმობდა სიბრძნის, სიმედგრის, კეთილგონიერებისა და ზნეობრივი სრულყოფილების ერთობლიობას. ფილოსოფოსებმა „არეტე“ მიიჩნიეს ეთიკის ძირითად კატეგორიად და მისი არსის კვლევას მრავალი ნაშრომი მიუძღვნეს.

სტრატეგოსი (ბერძნ. στρατηγός – „მთავარსარდალი“). თავდაპირველად სტრატეგოსებად მხოლოდ მხედართმთავრები იწოდებოდნენ. ძვ.წ. 508/507 წლიდან ათენში შეიქმნა კოლეგია ათი სტრატეგოსის შემადგენლობით (ყოველ ფილეს თავისი სტრატეგოსი პყავდა), რომელთაც ყოველწლიურად ირჩევდნენ, ვითარცა არმიისა და ფლოტის უზენაეს მბრძანებლებს. შესაძლებელი იყო მათი მრავალჯგზის არჩევაც. V საუკუნის ათენში სტრატეგოსთა ხელში თავმოყრილი იყო თითქმის მთელი ძალაუფლება. ისინი განაგებდნენ კიდევ სახელმწიფოს (პერიკლესი). სტრატეგოსებად ნიშნავდნენ მდიდარ მინათმფლობელებს, ამიტომ ეს პატივი უპირატესად არისტოკრატიული ფენის წარმომადგენლებს ენიჭებოდათ.

ტრიბუნი (ლათ. tribunus), უმნიშვნელოვანესი არჩევითი თანამდებობა რომში. პლემბსის ინტერესების დამცველ ტრიბუნს ეწოდებოდა სახალხო ტრიბუნი ანუ პლემბსის ტრიბუნი (tribunus plebis); ტრიბუნის თანამდებობა არსებობდა ლეგიონებშიც სამხედრო ტრიბუნის (tribunus militum) სახელწოდებით.


ტრიბუნები თავის ამომრჩეველთა ინტერესების თავგამოდებული დამცველები იყვნენ. სარგებლობდნენ რა განსაკუთრებული უფლებებით, ისინი აკონტროლებდნენ რომაელ პოლიტიკოსთა საქმიანობას; მათ შეეძლოთ ნებისმიერი ინსტიტუტის ან პირის



(დიქტატორის გარდა) წინ აღდგომა. ძვ.წ. I საუკუნისთვის ტრიბუნის თანამდებობა ყველაზე ავტორიტეტული და საპატიო გახდა.

ტრიბუნატმა IV საუკუნის დამლევამდე იარსება - რომში.

ტრიერი (ბერძნ. τριήρης), ხომალდი, რომელსაც სამ მწკრივად ჰქონდა ხოფები.



ტრიუმფი (ლათ. triumphus) იყო დიდი ზეიმი, რომელიც გამარჯვებული მთავარსარდლის პატივსაცემად ეწყობოდა რომში. ამ პატივისთვის აუცილებელი იყო სენატის თანხმობა, ამასთანავე გამარჯვება უნდა ყოფილიყო ღირსეული (victoria iusta), რაც იმას ნიშნავდა, რომ უნდა დამარცხებულიყო მხოლოდ სახელმწიფოს მტერი და თანაც დიდი დანაკარგით; სამოქალაქო ბრძოლის ჟამს გამარჯვებული ვერასოდეს გახდებოდა ტრიუმფატორი; ომის შემდეგ მშვიდობას უნდა დაესადაგურებინა. იმპერიის ხანაში ტრიუმფი მხოლოდ იმპერატორთა პრეროგატივად იქცა.

ტრადიციის თანახმად, მთავარსარდალი, რომელიც თავს ტრიუმფალური სვლის ღირსად სცნობდა, რომში შესვლამდე სენატის გადაწყვეტილებას უნდა დალოდებოდა. თუკი სენატი მას ტრიუმფის ღირსად მიიჩნევდა, ინიშნებოდა ზეიმის დღე. პროცესია იწყებოდა მარსის ველიდან. ტრიუმფატორი რომში ტრიუმფალური არკის გავლით შედიოდა და წმინდა გზით მიემართებოდა კაპიტოლიუმისკენ, სადაც ორი თეთრი ხარი მზად იყო მსვერპლშენიერის რიტუალის აღსასრულებლად. მთელი ეს გზა ყვავილებით იფინებოდა. საზეიმო მსვლელობას წინ მიუძღოდნენ სენატორები და მაგისტრები, მათ უკან მიაბიჯებდნენ მებრძოლები ბრძოლაში მოპოვებული ნადავლით. შემდეგ გზა ეთმობოდა თეთრი ცხენებით შებმულ დიდებულ ეტლს, რომელზეც აღზევებული იყო ტრიუმფატორი. მას თავზე დაფნის გვირგვინი ერქვა; ტანთ ოქრომკერდით მოქარგული ძონისფერი მოსასხამი ჰქონდა მოსხმული; ფეხებზე ოქროს სანდლები ეცვა; ხელთ ეპყრა სპილოს ძელის კვერთხი, რომელსაც არწივის გამოსახულება ამშვენებდა. ტრიუმფატორის გვირგვინით იდგა მონა იუპიტერის დიადემით ხელში. იგი გზადაგზა ჩასჩურჩულებდა თავის მბრძანებელს: „გახსოვდეს, რომ მხოლოდ და მხოლოდ მოკვდავი ხარ!“

ეტლს უკან მოჰყვებოდნენ გამარჯვებული მეომრები და ტყვეები. ზეიმი საყოველთაო ნადიმით სრულდებოდა.

თუ საბრძოლო გამარჯვებას დიდი ტრიუმფის ღირსად არ სცნობდნენ, გამარჯვებულ მთავარსარდალს მცირე ტრიუმფს, ოვატიას (ovatio) უწყობდნენ.

ტროპეონი (ბერძნ. τροπαιον). გამარჯვების ძეგლი. მას ძირითადად მტრის აღსაჭურველით აღმართავდნენ ხოლმე ბრძოლის ველზე, გამარჯვების ადგილას.



ფასკია (ლათ. fascia). ტყავის თასმებით შეკრული წნელთა კონა, რომელშიც ცული იყო გაჩრილი. ფასკიებს ატარებდნენ რომის მაღალი ჩინის ის მაგისტრები, რომლებიც სადამსჯელო ხელისუფლებას წარმოადგენდნენ. წნელთა კონას გაროზგვის ასოციაცია უნდა გამოენვია, ნაჯახს – სიკვდილით დასჯის. უმაღლესი სახელმწიფო თანამდებობის პირთა წინ მიაბიჯებდნენ ლიქტორები ფასკიებით (პრეტორისათვის განკუთვნილი იყო



6, კონსულისათვის კი 12 ლიქტორი). თავად რომში ფასკიებიდან ცულს იღებდნენ, რადგანაც იქ სიკვდილით დასჯა მხოლოდ ხალხის ნებით ხდებოდა.

ფასკიები ხშირად გვხვდება ახალი დროის პერალდიკაშიც; იგი ფაშიზმის ეპოქის იტალიაში რეაქციული სახელმწიფო ხელისუფლების სიმბოლო იყო. თავად ტერმინი „ფაშიზმი“ სწორედ ლათინური „ფასკიდან“ მომდინარეობს.

ფილე (ბერძნ. φάσις). თავდაპირველად საგვარეულო, შემდეგ – ტერიტორიულ-პოლიტიკური გაერთიანება. ატიკაში უძველეს ხანებში ოთხი ფილე იყო; კლისთენესის რეფორმის (ძვ.წ. 510 წლიდან) შემდეგ – 10; მოგვიანებით – 12. სპარტა სამ ფილედ იყო დაყოფილი.

ცენზორი (ლათ. censor). მნიშვნელოვანი მაგისტრი რესპუბლიკური ხანის რომში. მას ირჩევდნენ ხუთ წელიწადში ერთხელ, 18 თვით, ყოფილ კონსულთაგან (ანუ კონსულარის-თაგან). ცენზორთა უმთავრეს მოვალეობად ითვლებოდა მოქალაქეთა აღრიცხვა (census) და მხედართა და სენატორთა ადრეული ნუსხების რევიზია. ცენზორს უფლება ჰქონდა ამოენერა ან ჩაენერა ამ ნუსხებში ახალი პირები. აქედან გამომდინარე ისინი თავის თავზე იღებდნენ მოქალაქეთა ზნის ზედამხედველობის ფუნქციასაც. გარდა ამისა, ცენზორთა საქმიანობა დაკავშირებული იყო სახელმწიფო ბიუჯეტის განაწილებასთანაც, ქალაქის ნაგებობათა დაცვასთანაც და ა.შ.

საიმპერატორო ეპოქაში ცენზორთა უფლებებით იმპერატორები სარგებლობდნენ.

პეტერა (ბერძნ. πέτρα – „მეგობარი“, „თანამგზავრი ქალი“). პეტერები სხვადასხვა სოციალური რანგის ქალები იყვნენ, რომლებიც თავისუფალი, დამოუკიდებელი ცხოვრებით ცხოვრობდნენ. ცნობილი პეტერები გამოირჩეოდნენ განათლებითაც და სილამაზითაც. მათ კარგად იცოდნენ ლიტერატურა, ფილოსოფია, მუსიკა; ისინი ეუფლებოდნენ ორატორულ ხელოვნებასაც. ისტორია საზოგადო მოღვაწე პეტერათა სახელებსაც გვამცნობს. საყოველთაოდ იყო ცნობილი პეტერა ასპასია, პერიკლესის მეგობარი და მეუღლე; ფრინე (მნესარტე), რომლის შთაგონებითაც პრაქსიტელესმა კნიდოსელი აფროდიტეს ქანდაკება შექმნა, აპელესმა კი დახატა „აფროდიტე ანადიომენე“ („წყლიდან ამომავალი აფროდიტე“).

პოპლიტი (ბერძნ. πούλιος). მძიმედ შეიარაღებული მებრძოლი.





უნივერსალოვანა
პიროვნებათა ბანკარტაჰითი
ლექსიკონი

აგარისტე – ქსანთიპოსის მეუღლე, პერიკლესის დედა.

აგესილაოსი (დაახლ. ძვ.წ. 444-360) – სპარტის მეფე ძვ.წ. 399-358.

აგისი – აგესილაოსის ძმა, სპარტის მეფე ძვ.წ. 426-397.

აგრიპა, მარკუს ვიპსანიუსი (ძვ.წ. 62-12) – ავგუსტუსის უახლოესი თანაშემწე, იულია უფროსის მამა, სახელოვანი მხედართმთავარი.

აგრიპა პოსტუმუსი, მარკუსი (ძვ.წ. 12 – ახ.წ. 14) – ავგუსტუსის შვილიშვილი, აგრიპასა და იულიას ვაჟი.

აგრიპინა, ვიპსანია – მარკუს აგრიპას ასული, ტიბერიუსის პირველი ცოლი, დრუსუს უმცროსის დედა.

აგრიპინა უმცროსი, იულია (15-59) – გერმანიკუსისა და აგრიპინა უფროსის ასული, მეუღლე გნეიუს დომიტიუს აპენობარბუსისა, შემდეგ კლავდიუსისა; ნერონის დედა.

აგრიპინა უფროსი, იულია (ძვ.წ. 17 – ახ.წ. 33) – მარკუს აგრიპასა და იულიას ქალიშვილი, გერმანიკუსის მეუღლე, კალიგულას დედა.

ადმეტოსი – ეპიროსის მეფე.

ავგუსტუსი, ოქტავიანუსი (ძვ.წ. 63 – ახ.წ. 14) – რომის პირველი იმპერატორი. რომს მართავდა ძვ.წ. 27 – ახ.წ. 14.



ალექსანდრე – თსალის მბრძანებელი.

ალექსანდრე III მაკედონელი (ძვ.წ. 356-323) – „დიდი ალექსანდრე“, მაკედონიის მეფე ძვ.წ. 336-323.

ალკიბიადესი (დაახლ. ძვ.წ. 450-404) – კლინიასის ძე, ათენელი სახელმწიფო მოღვაწე და მთავარსარდალი.

ამიანუს მარკელინუსი – ძვ.წ. IV საუკუნის ისტორიოგრაფოსი, ავტორი ნიგნისა „Rerum Gestarum Libri XXXI“ (რომაული იმპერიის ისტორია 91-378 წლებში), რომლისგანაც პირველ ცამეტ თავს ჩვენამდე არ მოუღწევია.

ანაქსაგორასი (დაახლ. ძვ.წ. 500-428) – კლადომენელი ფილოსოფოსი, პერიკლესის მეგობარი.

ანტიპატროსი (გარდ. ძვ.წ. 319) – ფილიპოს მაკედონელის მხედართმთავარი.

ანტონია, კლავდია – კლავდიუსის ასული, რომელიც ნერონმა დასაჯა.

ანტონია უმცროსი (დაახლ. ძვ.წ. 36 – ახ.წ. 38) – ანტონიას და ოქტავიუსის ასული. დრუსუს უფროსის მეუღლე, კლავდიუსის დედა, კალიგულას დიდედა.

ანტონია უფროსი – ანტონიას და ოქტავიუსის ასული, ლუკიუს დომიტიუს აპენობარბუსის მეუღლე, ნერონის დიდედა.

ანტონინუს პიუსი (138-161) – ჰადრიანუსის შვილობილი, რომის იმპერატორი 138-161 წლებში, ანტონინუსთა დინასტიის საფუძვლის დამდები.

ანტონინუს ანტილუსი – ტრიუმვირის უფროსი ძე ფულვიასაგან; მოკლეს ძვ.წ. 30 წელს.

ანტონინუს იულუსი – ტრიუმვირის უმცროსი ძე ფულვიასაგან; იძულებული გახადეს თავი მოეკლა ძვ.წ. 2 წელს.

ანტონინუს პრიმუსი – ვესპასიანუსის მხედართმთავარი, რომელმაც დაამარცხა ვიტელიუსი.

ანტონინუსი, მარკუსი (ძვ.წ. 80-30) – კეისრის მხედართმთავარი, მეორე ტრიუმვირატის წევრი.

აპოლოდოროსი (დაახლ. ძვ.წ. 100-18) – ორატორი პერგამოსიდან, ოქტავიანუსის მოძღვარი.

აპოლონიოს ქალკედონელი – ფილოსოფოსი, მარკუს ავრელიუსის მოძღვარი.

აპოლონიუს მოლო (მოლონი) – ორატორი, როდოსის მჭევრმეტყველების სკოლის წინამძღვარი, ციცერონისა და კეისრის მასწავლებელი.

არკინა, ტერტულა – კლემენსის და, ტიტუსის პირველი ცოლი.



არეკინუს კლემენსი, მარკუსი – პრეტორიანელთა მეთაური ვესპასიანუსის დროს, რომელიც დომიტიანუსმა დასაჯა.

არისტიდესი (გარდ. ძვ.წ. 467) – ათენელი სახელმწიფო მოღვაწე.

არისტობულოსი – ალექსანდრე მაკედონელის თანამედროვე და მისი ბიოგრაფოსი.

არტაბანუს III – პართიის მეფე (ახ.წ. 11-38), ტიბერიუსის მონინააღმდეგე, გერმანიკუსისა და კალიგულას მომხრე.

არტაქსერქსესი – დარიოს II-ის ძე, მეფობდა ძვ.წ. 405-359.

არქელაოსი – 1. ლიკურგოსის ეპოქის სპარტის მეფე; 2. მაკედონიის მეფე ძვ.წ. 414-399.

არქელაოსი – კაპადოკიის მეფე (ძვ.წ. 41 – ახ.წ. 17), ჯერ ანტონიუსის, შემდეგ კი ავგუსტუსის მომხრე.

არქესტრატოსი – ალკიბიადესის ეპოქის სტრატეგოსი.

არქიდამოსი – ამ სახელით ცნობილია ხუთი სპარტელი მეფე. პერიკლესის დროს მეფობდა არქიდამოს II (ძვ.წ. 468-426), აგესილასის მამა.

ასინიუს პოლიო (პოლიონი), გაიუსი (ძვ.წ. 75 – ახ.წ. 4) – იულიუს კეისრის ახლობელი და მხედართმთავარი, სამოქალაქო ომების ისტორიის ავტორი, ორატორი და პოეტი.

ასპასია – აქსიოქოსის ასული, მილეტოსიდან; პეტერა; პერიკლესის მეორე ცოლი.

ათია – ავგუსტუსის დედა.

ატიკუსი, ტიტუს კეკილიუსი (ძვ.წ. 109-32) – მდიდარი რომაელი მხედარი, ციცერონის მეგობარი, აგრიპას სიმამრი; ხშირად მას მოიხსენიებენ პომპონიუს ატიკუსის სახელით.

აქტა – ნერონის აზატი და ხასა.


ბერენიკე – იუდეის მეფე აგრიპა I ასული, თავდაპირველად პეროდე ქალკისელის, შემდეგ პოლემონ პონტოელის მეუღლე, ტიტუსის საყვარელი.

ბიასი (ძვ.წ. VI ს-ის შუა წლები) – პრიენელი ბრძენი („შვიდ ბრძენთაგანი“).

ბიბულუსი, მარკუს კალპურნიუსი – კეისრის თანამედროვე, სახელოვანი არისტოკრატი, კატონის სიძე.

ბრასიდასი – სპარტელი მხედართმთავარი პელოპონესოსის ომის მონაწილე; გარდაიცვალა ძვ.წ. 422 წელს ამფიოპოლისთან ბრძოლის უამს.

ბრიტანიკუსი, ტიბერიუს კლავდიუს კეისარი (41-55) – კლავდიუსისა და მესალინას ვაჟი.



ბრუტუსი ალბინუსი, დეკიმუს იუნიუსი – კეისრის მხედართმთავარი, მის წინააღმდეგ მონყობილი შეთქმულების მონაწილე.

ბრუტუსი, ლუკიუს იუნიუსი – ლეგენდალური პირველი რომაელი კონსული.

ბრუტუსი, მარკუს იუნიუსი (ძვ.წ. 85-42) – კეისრის წინააღმდეგ მონყობილი შეთქმულების მეთაური, ორატორი და პოლიტიკური მოღვაწე.

ბურუსი, სექსტუს აფრანიუსი – პრეტორიანელთა მეთაური 51-62, ნერონის მმართველობის დასაწყისში სახელმწიფოს პოლიტიკის წარმმართველი.

გაბინიუსი, ავლუსი – პოპულარების ერთერთი ბელადი, ჯერ პომპეუსის, შემდეგ კი კეისრის მხედართმთავარი.

გაბინიუს სეკუნდუსი, პუბლიუსი – მხედართმთავარი, რომელმაც გერმანიაში დაამარცხა ხაკები.

გალბა, სერვიუს სულპიციუსი (ძვ.წ. 5 – ახ.წ. 69) – რომის იმპერატორი ნერონის შემდეგ (68-69).

გალერია ფუნდანა – ვიტელიუსის მეორე ცოლი.

გელიუსი – ნერონის აზატი, რომელიც იმპერატორის საბერძნეთში მოგზაურობის უამს რომს განაგებდა.

გერმანიკუსი, იულიუს კეისარი (ძვ.წ. 15 – ახ.წ. 19) – დრუსუს უფროსისა და ანტონია უმცროსის ვაჟი, ტიბერიუსის შვილობილი და სავარაუდო მემკვიდრე, სახელოვანი მხედართმთავარი, კალიგულას მამა.

გორგო – სპარტის დედოფალი, მეფე ლეონიდასის მეუღლე.

გრაკუსი, გაიუს სემპრონიუსი – ძვ.წ. 123-122 წლებში სახალხო ტრიბუნი, სახალხო მოძრაობის ბელადი, პოპულარების პარტიის დამაარსებელი ტიბერიუს სემპრონიუს გრაკუსთან ერთად.

გრაკუსი, ტიბერიუს სემპრონიუსი – ძვ.წ. 133 წელს სახალხო ტრიბუნი, სახალხო მოძრაობის ბელადი, პოპულარების პარტიის დამაარსებელი თავისივე ძმასთან, გაიუს სემპრონიუსთან ერთად.

დარიოსი – 1. ქსერქსესის მამა, მეფობდა ძვ.წ. 521-485; 2. არტაქსერქსესის ძე, მამა არტაქსერქსესი და კიროს უმცროსისა, მეფობდა ძვ.წ. 424-405; 3. მეფობდა ძვ.წ. 336-330. დაამარცხა ალექსანდრე მაკედონელმა, მოკლა ბესოსმა; 4. პართიელი მძევალი კალიგულას კარზე, არტაბანოს III ძე.



დემეტრიოსი – ფილოსოფოსი-კინიკოსი, რომელიც ჯერ კორინთოში, შემდეგ კი რომში მოღვაწეობდა, სენეკას მრჩეველი.

დემოსთენესი – 1. ათენელი მხედართმთავარი პელოპონესოსის ომში; სიცილიური ლაშქრობის მონაწილე; დასაჯეს ძვ.წ. 413 წ. სირაკუსაში; 2. სახელოვანი ათენელი სახელმწიფო მოღვაწე და ორატორი (ძვ.წ. 384-322).

დემოქარესი – სექსტუს პომპეუსის ფლოტის მეთაური, აზატი.

დიოგენესი (დაახლ. ძვ.წ. 412-323) – სინოპელი, კინიკოსთა ფილოსოფიური სკოლის მამამთავარი; ალექსანდრე მაკედონელის თანამედროვე.

დიოდოროსი – მუსიკოსი, კითარაზე დამკვრელი, რომელიც თან ახლდა ნერონს საბერძნეთში.

დოლაბელა, გნეიუს კორნელიუსი – სულას თანამედროვე, მაკედონიის განმგებელი.

დოლაბელა, პუბლიუს კორნელიუსი – წინამორბედი დოლაბელას ძე, ციცერონის სიძე, რომელიც თავისი უზნეობით იყო ცნობილი; თავდაპირველად იგი პომპეუსს ემხრობოდა, შემდეგ ციცერონს, შემდეგ რესპუბლიკელებს, ბოლოს ტრიუმვირებს, დაიღუპა ძვ.წ. 43.

დომიტია ლუკილა – მარკუს აერელიუსის დედა, პრეტორ ანიუს ვერუსის მეუღლე; კალვისიუს ტულიუსის ასული.

დომიტიანუსი (დომიციანუსი), ტიტუს ფლავიუსი (51-96) – რომის იმპერატორი 81-96, ვესპასიანუსის უმცროსი ვაჟი, ტიტუსის ძმა.

დომიტილა, ფლავია – ვესპასიანუსის ასული.

დომიტიუს (დომიციუს) აპენობარბუსი, გნეიუსი – ნერონის მამა, ძვ.წ. 32 წელს აირჩიეს კონსულად.

დორიფორუსი – ნერონის აზატი.


დრაკონი – პირველი ათენელი კანონმდებელი; მის მიერ შემოღებულ კანონთა შექმნის დროდ დაახლოებით ძვ.წ. 620 წელს ვარაუდობენ.

დრუსილა, იულია (16-38) – კალიგულას და და საყვარელი.

დრუსუს იულიუს კეისარი (8-33) – გერმანიკუსისა და აგრიპინა უფროსის ძე.

დრუსუს უფროსი, კლავდიუს ნერონი (ნერო) (ძვ.წ. 38-9) – ტიბერიუსის ძმა.

დრუსუს უმცროსი, იულიუს კეისარი (ძვ.წ. 13 – ახ.წ. 23) – ტიბერიუსისა და ვიპსანიას ძე.



ევანგელოსი – პერიკლესის მონა.

ევრიბიადესი – სპარტელი მთავარსარდალი.

ევრიპიდე (ძვ.წ. 480-405) – სახელოვანი ათენელი დრამატურგი.

ელა პეტინა – კლავდიუსის მეორე ცოლი.

ელპინიკე – კიმონის და.

ემილიუს პავლუსი, ლუკიუსი – 1. ტრიუმვირ ლეპიდუსის ძმა, რომელიც პროსკრიპციების დროს დასაჯეს სიკვდილით; 2. იულია უმცროსის მეუღლე.

ეპამინონდასი (ძვ.წ. 418-371) – თებელი მთავარსარდალი და სახელმწიფო მოღვაწე.

ეპაფროდიტუსი – ნერონის აზატი და მდივანი; ერთერთი უმდიდრესი რომაელთაგან.

ეპიდუსი, მარკუსი – ორატორი; ანტონიუსისა და ოქტავიანუსის მასწავლებელი.

ერატოსთენოსი (დაახლ. ძვ.წ. 275-195) – ალექსანდრიელი გრამატიკოსი, პოეტი და სწავლული.

ესქინესი (ძვ.წ. 389-314) – ათენელი ორატორი; დემოსთენესის მონინალმდებე; პრომაკე-დონური პარტიის მეთაური.

ეფილტესი – პერიკლესის თანამედროვე, ძვ.წ. 461 წელს გამოვიდა არეოპაგის წინააღმდეგ; მოკლეს არისტოკრატიული ოლიგარქიის დამცემებმა.

ვალერიუს კატო (კატონი) – პოეტი და გრამატიკოსი, ნეოტერიკოსთა ერთერთი მეთაური.

ვარო (ვარონი), მარკუს ტერენციუსი (ძვ.წ. 116-28) – სახელოვანი სწავლული-ენციკლოპე-დისტი, ციცერონის მეგობარი.

ვარო (ვარონი) მურენა, ავლუს ტერენციუსი – სენატორი, ავგუსტუსის წინააღმდეგ მო-წყობილი შეთქმულების მეთაური.

ვარუსი, პუბლიუს კვინტილიუსი – ავგუსტუსის მხედართმთავარი.

ვატინიუსი, პუბლიუსი – კეისრისა და კლოდიას მოკავშირე.

ვერგილიუსი (ძვ.წ. 70-19) – სახელოვანი რომაელი პოეტი; „ენეიდას“, „გეორგიკების“, „ეკლოგებისა“ და სხვა ქმნილებათა ავტორი.

ვერიუს ფლავუსი, მარკუსი – გრამატიკოსი, ავგუსტუსის შვილიშვილთა მოძღვარი, შემდგე-ნელი ლათინური ენის ლექსიკონისა, რომელმაც ნაწილობრივ მოაღწია ჩვენამდე.

ვერუსი, ანიუსი – 1. მარკუს ავრელიუსის პაპა; 2. მარკუს ავრელიუსის მამა.



ვერუსი, ლუკიუსი – ლუკიუს ელიუს კეისრის უმცროსი ვაჟი, რომელიც იშვილა ანტონინუს პიუსმა; მარკუს ავრელიუსის თანამოსაყდრე 161-169 წლებში; გარდაიცვალა 169 წელს.

ვესპასია პოლა – იმპერატორ ვესპასიანუსის დედა.

ვესპასიანუსი, ტიტუს ფლავიუსი (9-79) – რომის იმპერატორი 69-79. ფლავიუსთა დინასტიის დამაარსებელი.

ვეტიუსი, ლუკიუს – რომელი მხედარი, კათილინას თანამზრახველი, შემდგომში კეისრის ჯაშუში.

ვინტიანუსი, ანიუსი – ნერონის წინააღმდეგ მოწყობილი შეთქმულების მეთაური.

ვიტელიუსი, ავლუსი (12-69) – რომის მეცხრე იმპერატორი 69 წელს; მოკლეს ვესპასიანუსის მომხრე მეომრებმა.

ვოლოგესუს I – პართიის მეფე (51-77).

ვოლოგესუს III – პართიის მეფე მარკუს ავრელიუსის დროს.

თალესი (ძვ.წ. VII-VI) – ფილოსოფოსი მილეტოსიდან; „შიდ ბრძენთაგანი“.

თარგელია – პეტერა, ასპასიას თანამედროვე.

თემისტოკლესი (ძვ.წ. 526-460) – ათენელი სახელმწიფო მოღვაწე და სტრატეგოსი; ათენის საზღვაო ძალმოსილების შემოქმედი.

თეოპომპოსი (დაახლ. ძვ.წ. 770-720) – სპარტის მეფე.

თუკიდიდესი – 1. ოლორესის ძე (ძვ.წ. 460-396); ისტორიოგრაფოსი, ძვ.წ. 411 წლამდე აღწახსული „პელოპონესოსის ომის ისტორიის“ ავტორი; 2. მელესიასის ძე (ძვ.წ. V ს-ის შუა წლები); ათენელი სახელმწიფო მოღვაწე, არისტოკრატთა პარტიის წინამძღოლი, პერიკლესის მოწინააღმდეგე.

იოსებ ფლავიუსი (37 – დაახლ. 100) – იუდეველი პოლიტიკური მოღვაწე და ისტორიოგრაფოსი; „იუდეველი ომების ისტორიისა“ და „იუდეველ ძველ დროებათა“ ავტორი.

იუბა I – ნუმიდიის მეფე (დაახლ. ძვ.წ. 50-46); პომპეუსის მოკავშირე.

იუბა II – იუბა I-ის ძე, მავრიტანიის მეფე (ძვ.წ. 25-23), ისტორიოგრაფოსი.

იუგურთა – ნუმიდიის მეფე (ძვ.წ. 118-105); რომთან ხანგრძლივი ომის შემდეგ დაამარცხა მარიუსმა.

იულია – 1. იულიუს კეისრის მამიდა, გაიუს მარიუსის მეუღლე; 2. იულიუს კეისრის უმცროსი და; ავგუსტუსის დიდედა; 3. იულიუს კეისრის ქალიშვილი; პომპეუსის მეუღლე; 4. (ძვ.წ. 3-43), დრუსუს უმცროსის ქალიშვილი; გერმანიკუსის ძის, ნერონის მეუღლე.



იულია დრუსილა – კალიგულასა და კესონიას ასული.

იულია ლივილა (ძვ.წ. 17-42) – გერმანიკუსის ქალიშვილი; მარკუს ვინიკუსის მეუღლე; იგი კალიგულამ 39 წელს, ხოლო მესალინამ 41 წელს გადაასახლეს, სადაც დაიღუპა კიდეც.

იულია უმცროსი (ძვ.წ. 19 – ახ.წ. 28) – იულია უფროსისა და აგრიპას ასული; ლუკიუს ემილიუს პავლუსის მეუღლე.

იულია უფროსი (ძვ.წ. 39 – ახ.წ. 14) – ავგუსტუსის ქალიშვილი; მარკელუსის მეუღლე, შემდეგ აგრიპასი, შემდეგ ტიბერიუსისა.

იულია ფლავია – ტიტუსის ასული, დომიტიანუსის საყვარელი; გარდაიცვალა 90 წელს; გარდაცვალების შემდეგ გააღმერთეს.

იუნია კალვინა – ავგუსტუსის შვილთაშვილი; ლუკიუს სილანუსის და; იმპერატორ ვიტელიუსის ძმის ცოლი.

იუნია კლავდილა – მარკუს სილანუსის ქალიშვილი; კალიგულას პირველი ცოლი.

კალიგულა, გაიუს კეისარ გერმანიკუსი (12-41) – რომის იმპერატორი 37-41.

კალიკრატიდასი – სპარტელი მთავარსარდალი, ლისანდროსის თანამედროვე.

კალპურნია – ლუკიუს პისოს (პიზონის) ქალიშვილი, იულიუს კეისრის მესამე ცოლი.

კამილუსი, არუნტიუს ფურიუს სკრიბონიანუს ლუკიუსი – 42 წელს კლავდიუსის წინააღმდეგ მოწყობილი შეთქმულების მეთაური.

კამილუსი, მარკუს ფურიუსი (გარდ. ძვ.წ. 364) – „მეორე რომულუსად“ წოდებული, რომის ხუთგზისი დიქტატორი.

კასიუსი, ავიდიუსი – 165 წელს მარკუს ავრელიუსმა დანიშნა სირიის პროკონსულად, მოგვიანებით აღმოსავლეთის პროვინციების ერთპიროვნული გამგებლობა ანდო. 175 წელს ავიდიუსმა ამბოხება მოაწყო; აღმოსავლეთის პროვინციათა უმეტესობამ იგი თავის იმპერატორად აღიარა. იმავე წელს მოლაღატე მთავარსარდალი საკუთარმა კენტურიონებმა მოკლეს.

კასიუს ლონგინუსი, გაუსი (ძვ.წ. 85-42) – კეისრის წინააღმდეგ მოწყობილი შეთქმულების ერთ-ერთი მეთაური. სიცოცხლე თვითმკვლელობით დაასრულა.

კასიუს ლონგინუსი, ლუკიუსი – დრუსილას პირველი ქმარი.

კასიუს პარმელი, გაიუსი – პოეტი და დრამატურგი, კეისრის ერთ-ერთი მკვლელი, იბრძოდა ავგუსტუსის წინააღმდეგ ჯერ სექსტუს პომპეუსთან, შემდეგ ანტონიუსთან.



- კასიუს სევერუსი, ტიტუსი – ავგუსტუსის ხანის ცნობილი ოპოზიციონერი ორატორი.
- კასიუს ქერვა – პრეტორიანელთა ტრიბუნი, კალიგულას მკვლელი, რომელიც დასაჯა კლავდიუსმა.
- კატილინა, ლუკიუს სერგიუსი (ძვ.წ. 108-62) – ძვ.წ. 66 და 63 წლებში სენატის წინააღმდეგ მონყობილ შეთქმულებათა ბელადი.
- კატულუსი, კვინტუს ლუტატიუსი – სენატის არისტოკრატიის ერთ-ერთი მეთაური, პომპეუსისა და კეისრის მონინააღმდეგე.
- კატულუსი, გაიუს ვალერიუსი (ძვ.წ. დაახლ. 86-53) – რომელი პოეტი.
- კეისარი, გაიუს იულიუსი (ძვ.წ. 102/100-44) – სახელოვანი რომელი საზოგადო მოღვაწე და მთავარსარდალი.
- კეისარი, გაიუსი (ძვ.წ. 20 – ახ.წ. 4) – აგრიპასა და იულიას ძე; ავგუსტუსის შვილიშვილი და შვილობილი.
- კეისარი, ელიუს ლუკიუსი – ჰადრიანუსის შვილობილი, მოკლეს 138 წელს.
- კესარიონი – იულიუს კეისრისა და კლეოპატრას ვაჟი.
- კესონია მილონია – კალიგულას მეუღლე.
- კვირინიუსი, პუბლიუს სულპიციუსი – ემილია ლეპიდას მეუღლე. ისინი ერთად დასაჯეს 20 წელს.
- კიზონი (ძვ.წ. 504-449) – მილტიადეის ძე; ათენელი სტრატეგოსი, რომელმაც ძვ.წ. 469 წელს მდინარე ევრიმედონთან ბრძოლისას ერთიანად მოსრა სპარსეთის ფლოტი და ქვეითი ჯარი. გარდაიცვალა კუნძულ კვიპროსზე სპარსელებთან ბრძოლის უამს.
- კინა, ლუკიუს კორნელიუსი – მარიანელთა ბელადი, ოთხგზის კონსული (ძვ.წ. 87-84), გარდ. 84 წელს.
- კიროსი – 1. კიროს უფროსი, კამბისესის ძე; სპარსეთის მონარქიის დამაარსებელი, მეფობდა ძვ.წ. 559-529; 2. კიროს უმცროსი, დარიოსის ძე; ძვ.წ. 408 წლიდან ითვლებოდა სპარსეთის მეფისნაცვლად წინა აზიაში; დაიღუპა ძვ.წ. 401 წელს თავისივე ძმის, არტაქსერქსესის წინააღმდეგ ბრძოლის უამს.
- კლავდია – 1. კლოდიუსისა და ფულვიას ასული, ოქტავიანუსის საცოლე; 2. იმპერატორ კლავდიუსისა და ურგულანტიას ასული; 3. ნერონისა და პოპეას ასული.
- კლავდიუს ნერო (ნერონი), ტიბერიუსი – ლივიას პირველი ქმარი, ტიბერიუსის მამა.



კლავდიუსი, ატა – კლავდიუსთა მოდგმის ლეგენდარული დამაარსებელი.

კლავდიუსი. ტიბერიუს კლავდიუს დრუსუს ნერო (ნერონი) გერმანიკუსი (ძვ.წ. 10 – ახ.წ. 54) – რომის იმპერატორი 41-54.

კლემენსი – აგროპა პოსტუმუსის მონა, რომელმაც მოაწყო ამბოხება ტიბერიუსის წინააღმდეგ.

კლეონი – ათენელი დაბალი, პერიკლესის პოლიტიკური მოწინააღმდეგე, პელოპონესოსის ომის მოსურნეთა მეთაური, დაიღუპა ძვ.წ. 422 წელს ამფიპოლისთან ბრძოლის უამს.

კლეოპატრის (ძვ.წ. VI ს.) – „შვიდ ბრძენთაგანი“; ქ. ლინდოსის ტირანი.

კლეოპატრისი – 1. სპარტის მეფე, პავსანიასის მამა, რომელიც ბრძოლის ველზე დაეცა ლეკტრასთან ომის უამს ძვ.წ. 371 წელს; 2. პავსანიასის ძე; სპარტის მეფე ძვ.წ. 380-371.

კლეოპატრა – 1. მაკედონელი; ფილიპოს II-ის მეორე ცოლი, რომელიც მეფის გარდაცვალების შემდეგ მოკლეს ოლიმპიასის (ფილიპოსის პირველი ცოლის) ბრძანებით; 2. ფილიპოს მაკედონელისა და ოლიმპიასის ასული; 3. კლეოპატრა VII; პტოლემეაიოს ავლეტოსის ასული (ძვ.წ. 69-30 წწ.) – ეგვიპტის უკანასკნელი დედოფალი; მართავდა ეგვიპტეს ძვ.წ. 51 წლიდან ჯერ თავის ძმასთან და მეუღლესთან, პტოლემეაიოს XIII-სთან, შემდეგ კი პტოლემეაიოს XIV-სთან ერთად. 47 წლიდან კლეოპატრა, იულიუს კეისრის საყვარელია; 46-44 წლები მან რომში გაატარა. კეისრისა და პტოლემეაიოს XIV-ის გარდაცვალების შემდეგ იგი ეგვიპტის ერთპიროვნული მმართველია (მისი ძე კესარიონი, იგივე პტოლემეაიოს XV მის თანამესაყდრედ ითვლებოდა ნომინალურად). 41 წლიდან კლეოპატრა მარკუს ანტონიუსის მოკავშირე და საყვარელი ხდება; აკტიუმის კონცხთან დამარცხების შემდეგ დედოფალმა თვითმკვლელობით დაასრულა სიცოცხლე.

კლინიასი – ალკიბიადესის მამა.

კლისთენესი (დაახლ. ძვ.წ. 600-565) – სიკიონის ტირანი, რომელმაც 510 წელს სოლონის მიერ შემოღებულ კანონთა რეფორმა განახორციელა რა, ეს კანონები უფრო დემოკრატიული გახადა.

კლოდიანუსი – დომიტიანუსის ერთ-ერთი მკვლელი.

კლოდიუს მაკრუსი, ლუკიუსი – აფრიკის ლეგიონთა მეთაური, რომელმაც 68 წელს მოაწყო ამბოხება ნერონის წინააღმდეგ. არ დაემორჩილა რა გალბას, მის მიერვე იქნა დასჯილი.

კოდროსი – ათენის უკანასკნელი ლეგენდარული მეფე, რომელმაც თავი განირა, რათა სამშობლო ეხსნა დორიელთა შემოსევისგან.

კომოდუსი (161-192) – მარკუს ავრელიუსის ძე; რომის იმპერატორი 176-192 წლებში.



კონონი – ათენის ფლოტის მეთაური; პელოპონესოსის ომის მონაწილე (ძვ.წ. 413-393), რომელმაც დაამარცხა სპარტის ფლოტი პისანდროსის მთავარსარდლობით (494 წ.).

კორნელია – ცინას (კინას) ასული, კეისრის პირველი ცოლი.

კორნელიუს ბალბუსი, ლუკიუსი – თავდაპირველად კეისრის, შემდეგ კი ოქტავიანუსის მომხრე.

კორნელიუს გალუსი, გაიუსი – პოეტი-ელეგიკოსი, ვერგილიუსის მფარველი, ავგუსტუსის მხედართმთავარი, ეგვიპტის განმგებელი, რომელიც ლალატში დაადანაშაულეს, რის გამოც მოიკლა თავი.

კორნელიუს ნეპოსი (დაახლ. ძვ.წ. 100-25) – ისტორიოგრაფოსი, ავტორი ნაშრომისა „*De viris illustribus*“ („სახელოვან კაცთა შესახებ“).

კორნელიუს საბინუსი – პრეტორიანელთა ტრიბუნი, კალიგულას ერთერთი მკვლელი.

კორნიფიკიუსი, ლუკიუსი – ოქტავიანუსის მხედართმთავარი, აფრიკის მმართველი.

კრასუსი, ლუკიუს ლიკინიუსი – ოპტიმატების ერთერთი მეთაური, სახელოვანი ორატორი და საზოგადო მოღვაწე.

კრასუსი, მარკუს ლიკინიუსი – მხედართმთავარი და სიმდიდრით გამორჩეული რომაელი, კეისრისა და პომპეუსის მეკავშირე და მეტოქე.

კროისოსი (ძვ.წ. 560-547) – ლიდის უკანასკნელი მეფე, რომელმაც დაიპყრო მცირე აზიის უდიდესი ნაწილი (ლიკიისა და კილიკიის გამოკლებით). მას შემდეგ, რაც სპარსელებმა დაიმორჩილეს მიდია, გამუდმებულ ბრძოლებს აწარმოებდნენ ლიდისათნაც (547-546). სპარსეთის მეფე კიროს II დაამარცხა კროისოსი და თავის საბრძანებელს ლიდის სამეფოც შეუერთა. კროისოსი ცნობილი იყო თავისი სიმდიდრით, რაც აისახა კიდევ ლეგენდებში. ეს ლეგენდები შემოგვინახა ჰეროდოტოსმა.

კურიო (კურიონი), გაიუს სკრიბონიუსი (უმცროსი) – კურიო უფროსის ვაჟი, ორატორი; ჯერ მტერი, შემდეგ კი მომხრე და მხედართმთავარი კეისრისა.

კურიო (კურიონი), გაიუს სკრიბონიუსი (უფროსი) – სახელოვანი ორატორი, ოპტიმატების მომხრე და კეისრის მტერი.

კურიუსი, კვინტუსი – კატილინას შეთქმულების მონაწილე, რომელმაც შეატყობინა ციცრონს ამ შეთქმულების მიზანი და დათქმული ვადები.

ლაბინუსი, ტიტუსი – ავგუსტუსის დროის რესპუბლიკური ოპოზიციის ცნობილი წარმომადგენელი, ისტორიოგრაფოსი და ორატორი; მისი თხზულებები დაწვეს, თავად კი თავი მოიკლა შიმშილით.



ლაბაქოსი – ნიკიასის თანამედროვე ათენელი მხედართმთავარი.

ლატინუსი – მიმოსის მსახიობი, დომიტიანუსის ნდობით აღჭურვილი პირი.

ლეონიდასი – 1. სპარტის მეფე ძვ.წ. 491 წლიდან. გარდაიცვალა თერმოპილესთან ბძოლისას 480 წელს; 2. სპარტის მეფე, გარდაიცვალა ძვ.წ. 236; 3. ალექსანდრე მაკედონელის ნათესავი და პირველი აღმზრდელი;

ლეპიდა, დომიტია (დომიცია) – ნერონის მამიდა, მესალინას დედა.

ლეპიდა, ემილია – 1. იულია უმცროსის ქალიშვილი; 2. კვირინიუსის მეუღლე; 3. გალბას მეუღლე.

ლეპიდუსი, მარკუს ემილიუსი – „დიადი პონტიფიქსი“, კეისრის დროს ცხენოსანთა ჯარის მეთაური; კეისრის გარდაცვალების შემდეგ კი ანტონიუსთან და ოქტავიანუსთან ერთად II ტრიუმვირატის წევრი.

ლეპიდუსი, მარკუს ემილიუსი – 1. ტრიუმვირის ვაჟი, ავგუსტუსის წინააღმდეგ მოწყობილი შეთქმულების მონაწილე; 2. დრუსილას მეუღლე.

ლივია დრუსილა, იგივე იულია ავგუსტა (ძვ.წ. 55 – ახ.წ. 29) – ავგუსტუსის მეუღლე, ტიბერიუსის დედა.

ლივია ოკელინა – გალბას დედინაცვალი.

ლივია ორესტილა – კალიგულას მეორე ცოლი.

ლივილა, იულია (17-42) – გერმანიკუსის ასული, კალიგულას და; იგი რომიდან გააძევა კალიგულამ, დააბრუნა კლავდიუსმა; ბოლოს მესალინას ძალისხმევით სიკვდილით დასაჯეს.

ლივილა, ლივია – დრუსუს უფროსის ასული; თავდაპირველად ავგუსტუსის შვილიშვილის, გაიუსის მეუღლე, შემდეგ – დრუსუს უმცროსისა; დასაჯა ტიბერიუსმა.

ლივიუსი, ტიტუსი (ძვ.წ. 59 – ახ.წ. 17) – ცნობილი ისტორიოგრაფოსი.

ლიკინიუს კალპუსი, გაიუსი (დაახლ. ძვ.წ. 82-47) – სახელოვანი ორატორი და პოეტი, კატულუსის მეგობარი, კეისრის მოწინააღმდეგე.

ლიკინიუს მუკიანუსი, გაიუსი – ვესპასიანუსის მეკავშირე ძალაუფლებისათვის ბრძოლის უამს, სირიის განმგებელი 67-70, მწერალი.

ლიკომედესი – ათენელი მხედართმთავარი.

ლიკურგოსი (ძვ.წ. IX, VIII ან VII ს.) – სპარტის მეფე, სახელოვანი კანონმდებელი.



ლისანდროსი – სპარტელი მხედართმთავარი ძვ.წ. 407-394 წლებში; დაიღუპა თებელთა წინააღმდეგ ბრძოლის უამს.

ლოლია – აელუს გაბინიუსის მეუღლე, კეისრის საყვარელი.

ლოლია პავლინა – კალიგულას მესამე ცოლი, კლავდიუსის დროს მოკლულ იქნა აგრიპინას მცდელობით.

ლუკრეციუსი კარუს ტიტუსი (ძვ.წ. 94-55) – პოეტი, ავტორი პოემისა „საგანთა ბუნებია-სათვის“.

ლუკულუსი, ლუკიუს ლიკინიუსი – მხედართმთავარი, მითრიდატეს თანამებრძოლი, სახელი გაითქვა ლეგენდარული სიმდიდრით.

ლუკუსტა – აგრიპინასა და ნერონის კარზე მსახური ქალი, რომელიც ამზადებდა შხამს.

მაგო (მაგონი) – ჰანიბალის უმცროსი ძმა, კართაგენელთა მხედართმთავარი.

მაკრო (მაკრონი) ნევიუს სერტორიუსი – იმპერატორ ტიბერიუსთან დაახლოებული პირი, მხედართმთავარი, რომელმაც სეიანუსის შეთქმულება ჩაახშო; 38 წელს იგი მოკლეს კალიგულას ბრძანებით.

მალონია – ტიბერიუსის საყვარელი.

მარიუსი, გაიუსი (ძვ.წ. 157-86) – პოპულართა პარტიის ბელადი, რომელმაც დაამარცხა ნუმიდიის მეფე იუგურთა. შვიდგზის კონსული.

მარკელუსი, გაიუს კლავდიუსი – ოქტავიას მეუღლე, პომპეელი; გარდაიცვალა 40 წ.

მარკელუსი, მარკუს კლავდიუსი (ძვ.წ. 43-23) – ოქტავიას ვაჟი, რომელიც იშვილა ავგუსტუსმა; იულიას პირველი ქმარი.

მარკია ფურნილა – ტიტუსის მეორე ცოლი.

მარკიუსი, ანკუსი – რომის ლეგენდარული მეოთხე მეფე (ძვ.წ. 640-616).

მარკიუსი, გნეიუს კორიოლანუსი – პლებსის შეურიგებელი მტერი, რომელმაც ძვ.წ. 493 წელს დაიპყრო ვოლსკების (ძველიტალიური ტომი ლატიუმში) დედაქალაქი კორიოლი, შემდეგ გადავიდა ვოლსკების მხარეს და შეეცადა მათი მეშვეობით აეღო რომი.

მარკიუსი, ფილიპუს ლუკიუსი – ავგუსტუსის მამობილი.

მარკუსი, ავრელიუს ანტონინუსი (ძვ.წ. 121-180) – რომის იმპერატორი 161-180.

მარობოდუსი – მარკომანების (ტომი, რომელიც მაინსა და დუნაის შორის მოსახლეობდა და რომელიც მარკუს ავრელიუსის დროს რომს თავს დაესხა) მეფე, რომელმაც ძვ.წ. 8



ნელს დააარსა ძლიერი სამეფო; ახ.წ. 17 ნელს იგი არმენებმა, ხოლო 19 ნელს გოთებმა (ჩრდილოეთ გერმანიაში მოსახლე ტომები) დაამარცხეს, რის შემდეგაც ცხოვრობდა ტიბერიუსის კარზე.

მაქსიმუსი – აზატი, დომიტიანუსის ერთ-ერთი მკვლელი.

მაქსიმუსი, კვინტუს ფაბიუსი – კეისრის მხედართმთავარი.

მემიუს რეგულუსი, პუბლიუსი (სვეტონიუსთან: გაიუსი) – ლოლია პავლინას პირველი ქმარი, ტიბერიუსის ნდობით აღჭურვილი პირი, ბალკანეთის პროვინციების განმგებელი.

მენა (ან მენოდორუსი) – სექტუსუს პომპეუსის ფლოტის მეთაური, რომელიც თავისი ფლოტით ორგზის გადავიდა ოქტავიანუსის მხარეს, შემდეგ კი უკან დაბრუნდა.

მენეკრატესი – ნერონის მასწავლებელი კითარაზე დაკვრის ხელოვნებაში.

მესალა ბარბატუსი, მარკუს ვალერიუსი – ავგუსტუსის ახლობელი, მესალინას მამა.

მესალა კორვინუსი, მარკუს ვალერიუსი – რესპუბლიკელი, ბრუტუსის მომხრე, რომელიც მოგვიანებით ოქტავიანუსს მიეკედლა; ოქტავიანუსის შემდეგ პირველი კაცი სენატში, ცნობილი ორატორი.

მესალინა, ვალერია (დაახლ. 23-48) – კლავდიუსის მესამე ცოლი.

მეტელუსი (ნუმიდელი), კვინტუსი – ოპტიმატების ერთ-ერთი ბელადი.

მეტისუს პომპუსიანუსი – ასტროლოგი, რომელიც დასაჯეს დომიტიანუსის დროს.

მეტისუს რუფუსი, მარკუს იუნიუსი – ეგვიპტის განმგებელი დომიტიანუსის დროს.

მეტონი – ასტრონომი.

მევენატი (მევენასი), გაიუს ცილნიუსი (კილნიუსი) – ოქტავიანუსის მრჩეველი სამოქალაქო ომების უამს; პოლიტიკას განრიდებული მოგვიანებით პოეტების მფარველი გახდა.

მითრიდატე (მითრიდატესი) ევპატორი (დაახლ. ძვ.წ. 132-63) – პონტოს მეფე, რომელმაც სამგზის გაილაშქრა რომაელთა წინააღმდეგ (88-84; 83-81; 74-64); საბოლოოდ დაამარცხა პომპეუსმა.

მილო (მილონი), ტიტუს ანიუსი – დემაგოგი, ოპტიმატების მომხრე, კლოდიუსის მკვლელობის ორგანიზატორი, რომიდან გააძევეს ძვ.წ. 52 გარდაიცვალა ძვ.წ. 48.

მილტიადესი – 1. მილტიადეს უფროსი, პისისტრატოსის მოქიშპე; 2. მილტიადეს უმცროსი, კომონის ძე, რომელმაც ძვ.წ. 490 ნელს გაიმარჯვა მარათონის ბრძოლაში.



მუმეუსი, ლუკიუს აქაიკუსი – კორინთოს დამარბეველი (ძვ.წ. 146 წელს).

მუნატიუსი (მუნაციუსი), პლანკუს ლუკიუსი – თავდაპირველად რესპუბლიკელთა მომხრე, შემდეგ ანტონიუსისა, ბოლოს კი – ოქტავიანუსისა.

მუტია (მუცია) – გნეიუს პომპეუსის მეუღლე.

ნარკისუსი (ნარციისი) – კლავდიუსის აზატი და მრჩეველი; მოკლეს აგრიპინას ბრძანებით.

ნეოპტოლემოსი – ათენელი მსახიობი (ძვ.წ. IV ს.) ფილიპოს მაკედონელის კარზე.

ნერვა, მარკუს კოკიუსი – დომიტიანუსის მეგვიდრე, რომის იმპერატორი 96-98.

ნერო (ნერონი), იულიუს კეისარი (6-26) – გერმანიკუსის ვაჟი, რომელიც სეიანუსის მცდელობით მოკლეს.

ნერო (ნერონი), კლავდიუს დრუსუს გერმანიკუს კეისარი (37-68) – რომის იმპერატორი 54-68.

ნერო (ნერონი), ტიბერიუს კლავდიუსი – იმპერატორ ტიბერიუსის მამა, პრეტორი ძვ.წ. 42.

ნიკიასი – ათენელი სახელმწიფო მოღვაწე და მთავარსარდალი, პელოპონესოსის ომის მონაწილე. დასაჯეს ძვ.წ. 413 წელს სირაკუსაში.

ნიკომედეს IV – ბითონიის მეფე (ძვ.წ. 94-74), რომაელთა მეკავშირე მითრიდატეს წინააღმდეგ ბრძოლისას.

ნიმფიდიუს საბინუსი, გაიუსი – პრეტორიანელთა მეთაური (ტიგელინუსთან ერთად) ნერონის მმართველობის ბოლო წლებში; მხარს უჭერდა გალბას, მაგრამ მისი არყოფნის დროს თავად იწყო მზადება ძალაუფლების ხელში ჩასაგდებად; რომ ვერ შეძლო, მოკლულ იქნა პრეტორიანელთა მიერ.

ნოვიუს ნიგერი, ლუკიუსი – კეისრის მტერი.

ნონიუსი, ლუკიუსი – ავგუსტუსის მეგობარი.

ოვიდიუს ნაზო (ნაზონი), პუბლიუსი (ძვ.წ. 43 – ახ.წ. 17) – სახელოვანი რომაელი პოეტი.

ოთო (ოთონი), მარკუს სალვიუსი (32-69) – რომის იმპერატორი 69 წლის 15 იანვრიდან 16 აპრილამდე. მისი თვითმკვლელობის შემდეგ ტახტზე ავიდა ვიტელიუსი.

ოლიმპიასი – ფილიპოს II მაკედონელის მეუღლე; აღექვანდრე მაკედონელის დედა.

ოპიუსი, გაიუსი – რომაელი მხედარი, კეისრის ერთგული მეგობარი და ბიოგრაფოსი; მოგვიანებით მიემხრო ოქტავიანუსს.



ოქტავია კლავდია (42-62) – კლავდიუსის ასული, ნერონის მეუღლე.

ოქტავია უმცროსი (ძვ.წ. 61-11) – ავგუსტუსის და, თავდაპირველად მარკუს კლავდიუს მარკელუსის, შემდეგ კი, 40-32 წწ. მარკუს ანტონიუსის მეუღლე; ავგუსტუსის მემკვიდრის, მარკელუსის დედა.

ოქტავია უფროსი – ავგუსტუსის უფროსი ნახევარდა.

ოქტავიუსი, გნეიუსი და გაიუსი – ოქტავიუს რუფუსის (კვესტორი ძვ.წ. 230) ვაჟები.

ოქტავიუსი, გაიუსი – ავგუსტუსის მამა, რომელიც ძვ.წ. 61 წელს აირჩიეს პრეტორად.

პავსანაიასი – 1. სპარტელი მხედართმთავარი, პლატეას ომის (ძვ.წ. 479) გამარჯვებული; 2. წინამორბედის შვილიშვილი, სპარტის მეფე ძვ.წ. 408-394 წლებში; გარდაიცვალა სამშობლოდან გაქეცეული 385 წელს; 3. ფილიპოს II მაკედონელის მკვლეელი (ძვ.წ. 336).

პალასი – კლავდიუსის მრჩეველი, ანტონიას (კლავდიუსის დედის) აზატი, რომელმაც შეინარჩუნა თავისი გავლენა აგრიპინას დროსაც; მისი გარდაცვალების შემდეგ კი იგი ნერონმა დასაჯა.

პარტენიუსი – დომიტიანუსის წინააღმდეგ მოწყობილი შეთქმულების ერთერთი მონაწილე.

პარისი – 1. მსახიობი, დომიტია ლეპიდას აზატი, აგრიპინას მოძულე; დასაჯა ნერონმა; 2. მსახიობი, დომიტიანუსის ცოლის ფავორიტი; დასაჯა იმპერატორმა.

პარმენიონი – ფილიპოს II მაკედონელის მთავარსარდალი.

პასიენუს კრისპუსი, გაიუსი – დომიტიას, შემდეგ აგრიპინა უმცროსის მეუღლე; ნერონის მამინაცვალი; ცნობილი ორატორი.

პედიუსი, კვიტუსი – კეისრის ნათესავი, რომელმაც თავისი კონსულობისას (ძვ.წ. 43) გამოსცა კანონი კეისრის მკვლელთა წინააღმდეგ.

პელოპიდასი (ძვ.წ. IV ს.) – ეპამინონდასის მეგობარი, თებელი სახელმწიფო მოღვაწე და სტრატეგოსი; დაიღუპა კინოსკეფალუსთან ბრძოლისას ძვ.წ. 364 წელს.

პერიანდროსი – კიფსელოსის ძე, კორინთოს ტირანი ძვ.წ. 625-585 წლებში; „შვიდ ბრძენთაგანი“.

პერიკლესი (გარდ. ძვ.წ. 429) – ათენის სახელმწიფო მოღვაწე და სტრატეგოსი.

პეტრე(ი)უსი, მარკუსი – პომპეუსის მხედართმთავარი; რომელმაც კეისრის წინააღმდეგ ბრძოლაში დამარცხებულმა (ძვ.წ. 46) თავი მოიკლა.



პეტრონია – ვიტელიუსის პირველი ცოლი.

პეტრონიანუსი, ვიტელიუსი – იმპერატორ ვიტელიუსის ვაჟი.

პინდაროსი (დაახლ. 522-442) – თებეს მკვიდრი, ბერძნული ლირიკული პოეზიის უდიდესი წარმომადგენელი.

პისისტრატოსი – ათენის ტირანი ძვ.წ. 560-527 წლებში.

პისო (პიზონი), გაიუს კალპურნიუსი – ლივია ორესტილას მეუღლე, მოგვიანებით – ნერონის წინააღმდეგ მოწყობილი შეთქმულების მეთაური.

პისო (პიზონი), გნეიუს კალპურნიუსი – 1. კეისრის თანამოაზრე კატილინას წინააღმდეგ მოწყობილი პირველი შეთქმულების ჟამს; 2. სირიის მმართველი (ძვ.წ. 18), გერმანიკუსის მტერი.

პისო (პიზონი) ფრუგი, ლუკიუს კალპურნიუსი – პონტიფექსი, პორაციუსის „პოეტიკის“ ერთ-ერთი ადრესატი; ტიბერიუსის დროს რომის პრეფექტი.

პიტაკოსი (ძვ.წ. VII-VI სს.) – მიტილენელი სახელმწიფო მოღვაწე, სახალხო პარტიის მეთაური, ალკეოსის პოლიტიკური მოწინააღმდეგე, „შვიდ ბრძენთაგანი“.

პლავტია ურგულანია – კლავდიუსის პირველი ცოლი.

პლავტიუსი, ავლუსი – კლავდიუსის მხედართმთავარი, ბრიტანეთის განმგებელი 43-47 წწ.

პლავტიუსი, რუფუსი – ავგუსტუსის მოწინააღმდეგე.

პლავტუსი ტიტუს მაკიუსი (დაახლ. ძვ.წ. 250-184) – რომაელი კომედიოგრაფოსი.

პლატონი (ძვ.წ. 427-347) – სახელოვანი ბერძენი ფილოსოფოსი, წარმოშობით ათენელი, სოკრატეს მოწაფე, ფილოსოფიური სკოლის – „აკადემიის“ დამაარსებელი.

პლეისტოანაქსი (ძვ.წ. 458-408) – სპარტის მეფე პავსანიასის ძე.

პლინიუს სეკუნდუსი (უფროსი), გაიუსი (23-79) – ისტორიკოსი და ბუნებათმცოდნე, სეპტონიუსის ერთ-ერთი წყარო.

პლუტარქოსი (დაიბ. ძვ.წ. 46 – გარდ. 119 წლის შემდეგ) – სახელოვანი ბერძენი მწერალი ქერონეადან (ბეოტია). მას შემდეგ, რაც განათლება მიიღო ათენში, აღიარეს დელფოს აპოლონის უზენაეს ქურუმად. მოგზაურობათა ჟამს (ეგვიპტეში, იტალიაში) ხშირად ეკისრებოდა პოლიტიკური მისია; იგი ხვდებოდა და ესაუბრებოდა თავისი დროის წარჩინებულ ადამიანებს. მისი მდიდარი შემოქმედების მხოლოდ ნაწილმა მოაღწია



ჩვენამდე, მათ შორის „პარალელურმა ბიოგრაფებმა“ („Bioi paralleloi“), რომლის გათვალისწინებითაც დაინერა ეს წიგნი.

პოლემონ II – პონტოსა (38-64) და ბოსფოროსის (38-41) მეფე, რომელიც შემდეგ ნერონმა კილიკიაში განაწესა.

პოლიბიუსი – კლავდიუსის აზატი და მრჩეველი, რომელიც 47 წელს დასაჯეს.

პოლიდექტესი – სპარტის მეფე, ევროპოსის უფროსი ვაჟი, კანონმდებელ ლიკურგოსის ძმა.

პოლიდოროსი (ძვ.წ. VIII ს.) – სპარტის მეფე.

პოლიკრატესი – სამოსის ტირანი (ძვ.წ. VI ს-ის II ნახ.), ლეგენდალურ მოთხრობათა გმირი.

პომპეა – პომპეუს რუფუსის ასული, კეისრის მეუღლე (ძვ.წ. 67-61).

პომპეუს რუფუსი, კვინტუსი – სულას სიძე და კეისრის სიმამრი, მოკლეს ძვ.წ. 88 წ.

პომპეუსი, გნეიუს პომპეუს მაგნუს (ძვ.წ. 106-48) – რომის დიდი მთავარსარდალი; ყაჩაღთა და მითრიდატეს დამმარცხებელი; ძვ.წ. 60 წელს კეისართან და კრასუსთან ერთად პირველი ტრიუმვირატის მონაწილე; 49 წელს განუდგა კეისარს, ხოლო 48 წელს დამარცხდა მის წინააღმდეგ ბრძოლაში (ფარსალოსთან). პომპეუსი მოკლეს ეგვიპტეში გაქცევის უამს. კეისრის წინააღმდეგ ბრძოლა განაგრძეს მისმა შვილებმა გნეიუსმა და სექსტუსმა.

პომპეუსი, გნეიუსი – ანტონიას (კლავდიუსის ასულის) მეუღლე.

პომპეუსი, გნეიუსი – დიდი პომპეუსის ვაჟი, ძვ.წ. 45 წელს დამარცხდა მუნდასთან ბრძოლაში და გაქცევის უამს მოკლეს.

პომპეუსი, მარკუსი – პალატინური ბიბლიოთეკის მთავარი ბიბლიოთეკარი ავგუსტუსის დროს.


პომპეუსი, სექსტუსი – დიდი პომპეუსის ვაჟი; ძვ.წ. 40-36 წლებში განაგებდა სიცილიას და იბრძოდა ტრიუმვირთა წინააღმდეგ; დაიღუპა ძვ.წ. 35 წელს მილეტოსში.

პომპონიუს ფლაკუსი, ლუკიუსი – ტიბერიუსის მეგობარი.

პონტოუს აკვილა, ლუკიუსი – კეისრის წინააღმდეგ მონაწილე შეთქმულების მონაწილე.

პომპეა საბინა – იმპერატორ მარკუს სალვიუს ოთოს (ოთონის), შემდეგ ნერონის მეუღლე; იგი მოკლა ნერონმა, სიკვდილის შემდეგ კი გააღმერთა.

პოროსი – ინდოეთის მეფე. ძვ.წ. 326 წელს დაამარცხა ალექსანდრე მაკედონელმა, შეინყა და თავის ერთგულ მსახურად გაიხადა.



პორციუს ლიკინიუსი – ძვ.წ. II ს-ის პოეტი, ავტორი რომაული ლიტერატურის ლექსით განწყობილი ისტორიისა.

პრისკუსი – ბრიტანული ლეგიონების მთავარსარდალი ანტონინუსის დროს.

პროპერციუსი, სექსტუსი (დაახლ. ძვ.წ. 49-13) – ცნობილი პოეტი – ელეგიკოსი, მეკენას (მეცენატის) წრესთან დაახლოებული.

პტოლემეაიოსი – 1. მაკედონიის მეფე ძვ.წ. 368-365; 2. სოტერი, ეგვიპტის მეფე ძვ.წ. 323-285; 3. ფილადელფოსი, ეგვიპტის მეფე ძვ.წ. 285-247; 4. ალექსანდრე, პტოლემეაიოს VII-სა და კლეოპატრას ვაჟი; ეგვიპტის მეფე ძვ.წ. 107-90; 5. ალექსანდრე მაკედონელის ბიოგრაფოსი; 6. პტოლემეაიოს XI ავლეტოსი – ეგვიპტის მეფე (ძვ.წ. 80-51); 7. პტოლემეაიოს XII – პტოლემეაიოს XI ვაჟი, კლეოპატრას ძმა, ეგვიპტის მეფე (ძვ.წ. 51-47); 8. პტოლემეაიოს II – მავრიტანიის უკანასკნელი მეფე (23-40), იუბა II ვაჟი, რომელიც მოკლა კალიგულამ.

რაბირიუს პოსტუმუსი, გაიუსი – პტოლემეაოს ავლეტოსის გამსესხებელი, რომელიც ძვ.წ. 55 წელს თან ახლდა მეფეს ეგვიპტეში გადასახადების ასაკრეფად.

რომულუსი – რომის ლეგენდარული დამაარსებელი; რომის პირველი მეფე.

როქსანე – ბაქტრიის დედოფალი, ალექსანდრე მაკედონელის მეუღლე, რომელიც ძვ.წ. 311 წელს მოკლეს.

რუბრია – ვესტალისი.

რუტილიუს რუფუსი, პუბლიუსი – ორატორი, იურისტი და ფილოსოფოსი (სტოიკოსი), რომელიც ძვ.წ. 92 წელს გააძევეს რომიდან.

რუფილა – ავგუსტუსის საყვარელი.

რუფინუსი – კეისრის აზატი.

რუფრიუს კრისპინუსი – ნერონის გერი, პოპეას ვაჟი პირველი ქმრისგან.


სალვიდენ რუფუსი, კვინტუსი – ავგუსტუსის მხედართმთავარი, მეგობარი; ანტონინუსთან ურთიერთობის გამო დაისაჯა და ძვ.წ. 39 წელს გარდაიცვალა.

სალვიუს ლუკიუსი – იმპერატორ ოთოს ძმა.

სალვიუს ოთო, ლუკიუსი – იმპერატორ ოთოს მამა.

სალუსტიუსი, გაიუს კრისპუსი (ძვ.წ. 86-35) – რომელიც ისტორიოგრაფოსი.

სეიანუსი, ლუკიუს ელიუსი – პრეტორიუმის პრეფექტი ტიბერიუსის დროს. გავლენიანი მედროვე, რომელიც ტიბერიუსმა დასაჯა.



სელევკოს II კალინიკოსი – სირიის მეფე (ძვ.წ. 246-226).

სელევკოსი – 1. ტიბერიუსის ხანის ბერძენი გრამატიკოსი; 2. ასტროლოგოსი.

სელენა – კლეოპატრასა და ანტონიუსის ქალიშვილი; იუბა II ნუმიდიელის მეუღლე.

სემირამისი (სემირამიდა) – ბაბილონის ლეგენდალური დედოფალი.

სენეკა (უფროსი), ლუკიუს ანეუსი (დაახლ. ძვ.წ. 54 – ახ.წ. 39) – ორატორი და ისტორიოგრაფოსი, ფილოსოფოს სენეკა უმცროსის მამა.

სენეკა (უმცროსი) ლუკიუს ანეუსი (ძვ.წ. 4 – ახ.წ. 65) – სახელოვანი ფილოსოფოსი-სტიოკოსი, ნერონის აღმზრდელი და მრჩეველი, დაიღუპა პისოს (პიზონის) შეთქმულების შემდეგ.

სერვილიუს კეპიო – იულიუს კეისრის ქალიშვილის, იულიას საქმრო.

სექსტიუსი, კვინტუსი – სტოიკოსი, ავგუსტუსის ხანის ფილოსოფიური სკოლის მეთაური.

სვეტონიუს ლეტუსი – ისტორიოგრაფოს სვეტონიუსის მამა.

სვეტონიუსი, გაიუს ტრანკვილუსი (დაახლ. 75-160) – ისტორიოგრაფოსი, იმპერატორ ჰადრიანუსის (ჰადრიანეს) პირადი მდივანი; ავტორი წიგნისა „თორმეტი კეისრის ცხოვრება“ („Vitae duodecim imperatorum“).

სილანუსი, გაიუს აპიუს იუნუსი – მესალინას მამინაცვალი, რომელიც 42 წელს დასაჯეს.

სილანუსი, მარკუს იუნუსი – იუნია კლავდიას მამა, ტიბერიუსის ნდობით აღჭურვილი პირი.

სილიუსი, გაიუსი – მესალინას საყვარელი.

სიმონიდესი (ძვ.წ. 556-468) – ბერძენი პოეტი კუნძულ კეოსიდან.

სოკრატე (ძვ.წ. 470-399) – ბერძენი ფილოსოფოსი.

სოლონი (ძვ.წ. VI ს.) – ათენელი სახელმწიფო მოღვაწე, კანონმდებელი, პოეტი, „შვიდ ბრძენთაგანი“.

სოფოკლე (ძვ.წ. 496-406) – ბერძენი ტრაგიკოსი კოლონოსიდან.

სპარტაკი – იტალიის მონათა დიდი ამბოხების (ძვ.წ. 73-71) ბელადი.

სპიკულუსი – გლადიატორი, ნერონის საყვარელი.

სტატილია მესალინა – ნერონის მესამე ცოლი, სტატილიუს ტავრუსის შვილთაშვილი.



სტატილიუს კორვინუსი, ტავრუსი – კლავდიუსის წინააღმდეგ მონყობილი შეთქმულების (46) მონაწილე.

სტატილიუს ტავრუსი, ტიტუსი – ოქტავიანუსის მხედართმთავარი, რომის პრეფექტი.

სულა, ლუციუს კორნელიუსი (ძვ.წ. 138-78) – ოპტიმატების ბელადი, მარიუსის მონინააღმდეგე, დიქტატორი (82-79).

სულა, პუბლიუს კორნელიუსი – დიქტატორის ახლობელი, კატილინას პირველი შეთქმულების მონაწილე, მოგვიანებით – კეისრის მომხრე.

სულპიციუს აპოლინარიუსი, გაიუსი – კართაგენელი გრამატიკოსი, სვეტონიუსის უმცროსი თანამედროვე.

სულპიციუს ფლავუსი – იმპერატორ კლავდიუსის აღმზრდელი.

სციპიონი (სკიპიო). პუბლიუს კორნელიუს სკიპიო აფრიკანუს მინორ ნუმანტინუს (ძვ.წ. 185-129) – II და III პუნიკური ომების მონაწილე; კართაგენის დამანგრეველი; მისი სახელი ძვ.წ. II საუკუნის რომში ბერძნული კულტურის ცენტრს წარმოადგენდა.

ტაკიტუსი (ტაციტუსი), პუბლიუს კორნელიუსი (დაიბ. 55 – გარდ. 117 წლის შემდეგ) – რომაელი ისტორიოგრაფოსი.

ტაკიუსი, ტიტუსი – საბინთა ლეგენდალური მეფე, რომულუსის თანამეტახტე.

ტარკვინიუსი – რომის მეხუთე და მეშვიდე მეფის სახელი.

ტერენტილა (= ტერენცია, მეკენას (მეცენატის) მეუღლე?) – ავგუსტუსის საყვარელი.

ტერენცია – მეკენას (მეცენატის) მეუღლე და მ. ტ. ვაროს (ვარონის) და.

ტერპნოსი – კითარაზე დამკვრელი, ნერონის მასწავლებელი.

ტერტულა – კრასუსის მეუღლე.

ტიბერიუს იულიუს ალექსანდრუსი – ეგვიპტის პრეფექტი, პირველი ვესპასიანუსის მომხრე თავან.

ტიბერიუს კლავდიუს ნერო (ნერონი, ძვ.წ. 42 – ახ.წ. 37) – რომის იმპერატორი 14-37.

ტიგელინუსი, გაიუს სოფონიუსი – ნერონის ფავორიტი, პრეტორიანელთა მეთაური 62-68 დაიღუპა ოთოს დროს.

ტიგრან II – არმენიის მეფე (ძვ.წ. 20-6).

ტირიდატეს I – არმენიის მეფე, ვოლოგესუს I პართიელთა მეფის ძმა.

ტისაფერნესი – სპარსეთის სატრაპი მცირე აზიაში ძვ.წ. 414 წლიდან, სპარტელთა მომხრე, რომელიც ძვ.წ. 395 წელს სიკვდილით დასაჯეს.

ტიტუსი (ახ.წ. 41(39)-81) – რომის იმპერატორი (79-81).

ტოლმიდესი – ათენელი მხედართმთავარი.

ტრაიანუსი, მარკუს ულპიუსი (დაიბ. 53) – რომის იმპერატორი (98-117).

ტრებატიუს გაიუსი – რომაელი მხედარი; სახელოვანი იურისტი; ციცერონის, კეისარისა და ავგუსტუსის მეგობარი.

ტულიუსი, სერვიუსი – რომის მეექვსე, ლეგენდალური მეფე.

ფავნუსი – ლათინუმის მითოსური მეფე.

ფაონი – ნერონის აზატი, ფინანსურ საქმეთა მრჩეველი.

ფარნავაზი (ფარნაბაძოსი) – სპარსეთის სატრაპი პელოპონესოსის ომის დროს, ლაკედემონელთა მოკავშირე.

ფარნაკოსი – პონტოს მეფე (ძვ.წ. 63-46), მითრიდატეს ვაჟი და მემკვიდრე, პომპეუსის მეკავშირე.

ფარნასოსი – სპარსეთის სატრაპი ლისანდროსის მეფობის უამს.

ფაუსტინა, ანია გალერია – ანტონინუს პიუსის ქალიშვილი, მარკუს ავრელიუსის მეუღლე.

ფიდიასი (ძვ.წ. 490-432) – სახელოვანი ათენელი მოქანდაკე.

ფილაოს მეორე (ძვ.წ. 382-336) – ალექსანდრე მაკედონელის მამა.

ფლავია დომიტილა – ვესპასიანუსის მეუღლე.

ფლავიუს საბინუსი – 1. ვესპასიანუსის მამა; 2. ვესპასიანუსის ძმა.

ფულვია – ტრიბუნ კლოდიუსის მეუღლე, შემდეგ – კურიონ უმცროსისა, ბოლოს მარკუს ანტონიუსისა. გარდ. ძვ.წ. 40 წელს.

ქარილაოსი – ლიკურგოსის ძმის შვილი.

ქილონი (ძვ.წ. VI ს.) – ლაკედემონელი, „შვიდ ბრძენთაგანი“.

ქსანთიპოსი – პერიკლესის მამა.

ქსენოფონი (დაახლ. ძვ.წ. 430-354) – სახელოვანი ისტორიოგრაფოსი აფრიკიდან.



ქსერქსე (ქსერქსესი) – სპარსეთის მეფე (ძვ.წ. 486-465), რომელმაც ძვ.წ. 480 წელს ნაპოლეონის დიდი ომი საბერძნეთის წინააღმდეგ.

ციცერონი (კიკერო), მარკუს ტულიუსი (ძვ.წ. 106-43) – სახელოვანი ორატორი და სახელმწიფო მოღვაწე.

ძენოდოტოსი – 1. ეფესოდან, პტოლემეაიოს ფილადელფოსის აღმზრდელი, პომპეოსის პომეათა რედაქტორი და კომენტატორი; 2. მალოსელი, პომპეოსის პომეათა მკვლევარი; 3. ტროიძენელი, უმბრიის ისტორიოგრაფოსი.

ძენონი (ძვ.წ. V ს.) – ელელი ფილოსოფოსი.

ჰადრიანუსი (ჰადრიანე), პუბლიუს ელიუსი (ახ.წ. 76-138) – რომის იმპერატორი 117-138 წლებში.

ჰანიბალი (ძვ.წ. 247-182) – კართაგენის სახელოვანი მთავარსარდალი.

ჰარპალოსი – ალექსანდრე მაკედონელის ხაზინადარი.

ჰასდრუბალი – ჰანიბალის ძმა, რომელიც რომაელებმა დაამარცხეს მეტაურუსთან ძვ.წ. 207 წ.

ჰერმიპოსი – ათენელი კომედიოგრაფოსი. პერიკლესის თანამედროვე და მოწინააღმდეგე.

ჰეროდე ატიკუსი – სოფისტი, მარკუს ავრელიუსის მოძღვარი.

ჰეროდოტოსი (დაახლ. ძვ.წ. 484-425) – ბერძენი ისტორიოგრაფოსი პალიკარნასოსიდან.

ჰილიპოსი – სპარტელი მხედართმთავარი, ნიკიასის თანამედროვე.

ჰიპერბოლოსი – დემოკრატიული პარტიის მეთაური, ნიკიასის თანამედროვე.

ჰიპოკლესი – პელოპონდისის მამა.

ჰიპონიკოსი – ალკიბიადესის სიმამრი.

ჰირტიუსი, ავლუსი – კეისრის მეგობარი და მხედართმთავარი, მისი „ჩანაწერების“ გამგრძელებელი.

ჰომეროსი (ძვ.წ. VIII ს.) – დიდი ბერძენი ეპიკოსი, „ილიადასა“ და „ოდისეას“ ავტორი.

